




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.31






Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.31



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.31




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.31




Ex Libris Joannis Nencini
1874



Ald. 2/1.






M. TVLLII CICERONIS EPISTOLAE
ad Atticū, ad M. Brutum, ad Quintum fratrem,
multorum locorū correctione illustratae,

Cum suis Commentarijs separatim impressis,
auctore Paulo Manutio Aldi filio.



PAVLVS MANVTIVS ALDI FILIVS.

VENETIIS, M. D. L I.



5

GVLIELMO PELLICERRIO, EPI=

scopo Monspessulanensi, Christianissimi Gallie

Regis apud Venetam Remp. Oratori,

Paulus Manutius Aldi F. S. D.

QVO quisque in nos animo sit, difficile est iudicare: neque ferè quidquam est, quod intelligi minus possit; propterea q̄ à simulatione uoluntas non facile distinguitur: tamen dubitare te non arbitror, quin ego is in te colendo sim, qui esse debeo: secus enim si esset, me tu certe, quantum amas, non amares. quanquam non hoc modo facis: etenim beneficio etiam obstringis: beneficium autem illud est, q̄ mihi ad restituendos ueterum libros omnia, quæ in te sunt, quæ intelligo esse maxima, & polliceris, & defers. quam tuam liberalitatē eo pluris facio, quòd eam tu condire soles humanitate sermonis: qua factum est, ut non ego solum, sed omnis hæc te ciuitas mirifice diligat. nam de doctrina tua, de probitate quis erat, qui iam antea nō audisset. quæ quanquam eiusmodi sint, ut ipsa per se beneuolentiam, & gratiam concilient: tamen, cum hæc orationis comitas accedit, multo pluris æstimantur. itaque in hoc legationis munere fungendo qui maiorem aut gratiā à nostris hominibus inuenerit, aut uirtutis opinionē tulerit, arbitror fuisse neminem. sed apud me præcipua sunt merita: quæ equidem, si possim, cupio remunerare: sed mihi gratiæ reddendæ rationem sentio esse perdifficilem: non enim quæ tibi ad bene merendum, eadem est nobis ad remunerandum facultas. quare quoniam, quod debeo, soluere non possum: ueritus, ne tu

A ij

malum nomen me putares, cepi consilium mittendi ad
te quasi prædes harum epistolarum libros. quos tibi nō
puto à me esse commendandos: nam & tu eos iamprī
dem bene nosti; & prædes commendare, debitoris non
est. tantum te rogo, ut, si me tibi eam, quam debeo,
præstare obseruantiam intelligis, tu me eo, quo insti-
tuisi, prosequi amore ne desinas. Vale.

STVDIOSIS.

D latinæ linguæ cognitionem, ut ego existi-
mo, plus afferre non potest ullus liber, quàm
quæ ad Atticum scriptæ sunt epistolæ. sed
eas hætenus propter infinita menda paucissimi attin-
gere sunt ausi. quæ me ratio cum hortari uideretur,
ut ad earum emendationem, quidquid operæ, quid-
quid possem industriæ, conferrem: feci, & opus ag-
gressus sum sanè difficillimum: in quo tamē quantū
studij posuerim, non poenitet: nam ferè, lectorem of-
fendere quæ poterant, sublata sunt omnia: ut deinceps
liber omnium elegantissimus & legi ab omnibus, &
intelligi satis commode possit.

I
M. TVLLII CICERONIS EPISTOLA-
RVM AD T. POMPO-
NIVM ATTICVM
LIBER I.

CICERO ATTICO S.

ETITIONIS NOSTRAE,
quam tibi summæ curæ esse scio, huiusmodi ratio est, quod adhuc cōiectura provideri possit. præfat unus P. Galba, sine fuco, ac fallacijs, more maiorū. negatur. ut opinio est hominū, nō aliena rationi nostræ fuit illius hæc præpropera prensatio: nā illi ita negant vulgo, ut mihi se debere dicant. ita quiddam spero nobis profici, cum hoc percrebrescit, plurimos nostros amicos inueniri. nos autem initium præsandi facere cogitaramus eo ipso tempore, quo tuum puerū cum his literis proficisci Cincius dicebat. In cāpo comitijs tribunitijs ad XVI. Cal. Sext. cōpetitores, qui certi esse videbātur, Galba, & Antonius, & Q. Cornificius. puto te in hoc aut risisse, aut ingemuisse, ut frontē ferias. sunt, qui etiā Cæsonium putent. Aquilium nō arbitramur; qui denegat, & intrauit morbum, et illud suū regnum iudiciale opposuit. Catilina, si iudicatum erit meridie nō lucere, certus erit cōpetitor. de Aufidio, et Palicano, nō puto te expectare, dū scribā. de ijs, qui nunc petunt, Cæsar certus putatur. Thermus cum Silano contendere existimatur: qui sic inopes & ab amicis, et existimatione sunt, ut mihi videatur non esse ἀδύατον Curiū obducere: sed hoc præter me nemini videtur. nostris ra-

A iiij

LIB. I. EPIST.

tionibus maxime cōducere uidetur, Thermum fieri cū
 Cæsare: nemo est enim ex ijs, qui nunc petunt, qui, si in
 nostrum annum reciderit, firmior candidatus fore ui-
 deatur, propterea quod curator est uia Flaminiae: quæ
 * cum erit absoluta sanè facile eum libenter nūc ceteri
 Consuli acciderim. petitorum hæc est adhuc informata
 cogitatio. nos in omni munere candidatorio fungendo
 summam adhibebimus diligentiam: & fortasse, quo-
 niam uidetur in suffragijs multum posse Gallia; cum
 Romæ à iudicijs forum refrixerit, excurremus mense
 Septembri legati ad Pisonē, ut Ianuario reuertamur.
 cum perspexero uoluntates nobilium, scribam ad te. cæ-
 tera spero prolixa esse, his duntaxat urbanis competito-
 ribus: illam manum tu mihi cura ut præstes, quoniam
 propius abes, Pompeij nostri amici. nega me ei iratum
 fore, si ad mea comitia non uenerit. atque hæc huius-
 modi sunt. Sed est, quod abs te mihi ignosci peruelim.
 Cæcilius auunculus tuus, à P. Vario cum magna pecu-
 nia fraudaretur, agere cœpit cum eius fratre Caninio
 Satyro de ijs rebus, quas eum dolo malo mancipio acce-
 pisse de Vario diceret. unà agebant ceteri creditores,
 in quibus erat Lucullus, & P. Scipio, & is, quem puta-
 bant magistrum fore, si bona uenirent, L. Pontius. ue-
 rum hoc ridiculum est, de magistro nunc cognoscere. ro-
 gavit me Cæcilius, ut adessem contra Satyrum. dies fe-
 re nullus est, quin hic Satyrus domum meam uēritet.
 obseruat L. Domitium maxime: me habet proximum.
 fuit & mihi, & Quinto fratri magno usui in nostris
 petitionibus. sanè sum perturbatus, cum ipse Satyri
 familiaritate, tū Domitij, in quo uno maxime ambitio

nostra nititur. demonstraui hæc Cæcilio: simul & illud ostendi, si ipse unus cū illo uno contenderet, me ei satis facturum fuisse: nunc in causa uniuersorum creditorum, hominum præsertim amplissimorum, qui sine eo, quem Cæcilius suo nomine perhiberet, facile communē causam sustinerent, æquum esse, eum et officio meo cōsulere, & tempori. durius accipere hoc mihi uisus est, quàm uellem, & quā homines belli solent; & postea prorsus ab instituta nostra paucorum dierum consuetudine longe refugit. abs te peto, ut mihi hoc ignoscas, & me existimes humanitate esse prohibitū, ne contra amīcī summam existimationem miserrimo eius tēpore uenirem, cum is omnia sua studia, & officia in me cōuolisset. q̄ si uoles in me esse durior, ambitionem mihi putabis obstitisse. ego autem arbitror, etiam si id sit, mihi ignoscendum esse: ἐπεὶ οὐχ ἰερώσιον οὐδ' ἐὶ θεῶν: uides enim, in quo cursu sumus, & quā omnes gratias nō modo retinendas, uerum etiam acquirendas putemus. spero tibi me causam probasse, cupio quidem certe. Hermathena tua ualde me delectat, & posita ita belle est, ut totum gymnasium ἡλίου αὐτῆς εἶναι esse uideatur. multum te amamus. L. Iulio Cæsare, C. Marcio Figulo Coss. Filiolo me auctum scito salua Terentia.

CICERO ATTICO S.

2

ABS TE tam diu nihil literarū? ego de meis ad te rationibus scripsi antea diligenter. hoc tēpore Catilinā cōpetitorem nostrū defendere cogitamus. iudices habemus, quos uolumus, summa accusatoris uolūtate. spero, si absolutus erit, coniūctiorem nobis fore in ratione

A iij

petitionis: sin aliter acciderit, humaniter feremus. tuo aduentu nobis opus est maturo: nā prorsus summa hominum est opinio, tuos familiareis nobiles homines ad uersarios honori nostro fore. ad eorum uoluntatē mihi conciliandā maximo te mihi usui fore uideo. quare Ianuario ineunte, ut constituisti, cura ut Romæ sis. Auīam tuam scito desiderio tui mortuā esse, et simul q̄ uerita sit, ne Latīnæ in officio non manerent, & in montem Albanum hostias nō adducerent. eius rei consolationem ad te L. Saufeium missurum esse arbitror. nos hic te ad mēsem Ianuariū expectamus, ex quodā rumore, an ex literis tuis ad alios missis? nam ad me de eo nihil scripsisti. Signa, quæ nobis curasti, ea sunt ad Caietā exposita: nos ea non uidimus: neq; n. exeūdi Roma potestas nobis fuit. misimus, qui pro uectura solueret. te multū amamus, q̄ ea abs te diligenter, paruoq; curata sunt. Quod ad me sæpe scripsisti de nostro amico placando, feci, & expertus sum omnia: sed mirandum in modum est animo ab alienato: quibus de suspicionibus, & si audisse te arbitror, tamen ex me, cū ueneris, cognosces. Salustium præsentē restituere in eius ueterem gratiam nō potui. hoc eo ad te scripsi, q̄ is me accusare de te solebat, in se expertus est illū esse minus exorabilem, meum studium nec tibi defuisse. Tulliōlā C. Pisoni L. F. Frugi despondimus. Vale.

CICERO ATTICO S.

CREBRAS expectationes nobis tui cōmoues. nuper quidē, cum te iam aduentare arbitraremur, repēte abs te in mensem Quintilem reiecti sumus. nunc uero

sentio, quod cōmodo tuo facere poteris, uenias ad id tē-
pus, quod scribis. obieris Quinti fratris comitia: nos lon-
go interuallo uiseris. Acutilianam controuersia trāsege-
ris. hoc me etiam Peduceus, ut ad te scriberem, admo-
nuit: putamus. n. utile esse, te aliquando iam rem tran-
sigure. mea intercessio & est, & fuit parata. Nos hic in-
credibili ac singulari populi uolūtate de C. Macro trāse-
gimus. cui cum aequi fuisset, tamen multo maiore
fructum ex populi existimatione illo dānato cepimus,
quā ex ipsius, si absolutus esset, gratia cepissemus.
Quod ad me de Hermathena scribis, per mihi gratum
est ornamentum Academiae proprium meae, q̄ & Hera-
mes commune omnium, & Minerua singulare est eius
gymnasiij. quare uelim, ut scribis, ceteris quoque rebus
quamplurimis eum locum ornes. Quae mihi antea sia-
gna misisti, ea nondū uidi: in Formiano sunt: quō ego
nunc proficisci cogitabam. illa omnia in Tusculanum
deportabo. Caietam, si quando abūdare coepero, orna-
bo. Libros tuos conserua, & noli desperare eos meos
facere posse. quod si assequor, supero Crassum diuitijs,
atque omnium uicos, & prata contemno. Vale.

CICERO ATTICO S.

4

QUANTVM dolorem acceperim, & quanto
fructu sim priuatus et forēsi, & domestico, Lucij fra-
tris nostri morte; in primis pro nostra consuetudine tu
existimare potes: nā mihi omnia, quae incūda ex huma-
nitate alterius, et moribus homini accidere possunt, ex
illo accidebāt. quare nō dubito, quin tibi quoq; id mole-
stum sit, cū & meo dolore moueare, & ipse omni uita

LIB. I. EPIST.

rute, officioq; ornatissimum, tuiq; et sua sponte, et meo
 sermone amantem, affinem, amicumq; amiseris. Quod
 ad me scribis de sorore tua, testis erit tibi ipsa, quantæ
 mihi curæ fuerit, ut Q. fratris animus in eam esset is,
 qui esse deberet. quem cum esse offensiorē arbitrarer,
 eas literas ad eum misi, quibus & placarem ut fratrē,
 & monerem ut minorem, & obiurgarem ut errantē.
 Itaq; ex ijs, quæ postea sæpe ab eo ad me scripta sunt,
 cōfido ita esse omnia, ut et oporteat, et uelimus. De li-
 terarum missione, sine causa abs te accusor: nunquam
 anim à Pomponia nostra certior sum factus, esse cui li-
 teras dare possem. porro autē neq; mihi accidit, ut ha-
 berē, qui in Epetrum proficisceretur: neq; dum te Athe-
 nis esse audiebamus. De Acutiliano autem negotio
 quod mihi mādaras; ut primum à tuo digressu Romā
 ueni, confeceram: sed accidit, ut & contentione nihil
 opus esset; & ego, qui in te satis consilij statuerim esse,
 mallē Peduceum tibi consilium per literas, quā me da-
 re. etenim cum multos dies aures meas Acutilio dedis-
 sem, cuius sermonis genus tibi notum esse arbitror; non
 mihi graue duxi scribere ad te de illius quærimonijs, cū
 eas audire, quod erat subdiosum, leue putassem. sed
 abs te ipso, qui me accusas, unas mihi scito literas reddi-
 tas esse; cū & orij ad scribendū plus, & facultatē dan-
 di maiorem habueris. Quod scribis, etiam si cuius ani-
 mus in te esset offensior, à me recolligi oportere: quid
 dicas? neq; id neglexi: sed est miro quodam modo affe-
 ctus. ego autem, quæ dicenda fuerunt ad te, non præ-
 terij: quid autem contendendum esset, ex tua putabā
 uoluntate statuere oportere: quam si ad me perscripseris

ris, intelliges me neq; diligentiorē esse uoluisse, quā
 tu esses, neq; negligentiorē fore, quā tu uelis. De
 Tadiana re mecum Tadius locutus est, te ita scripsisse,
 nihil esse iam quod laboraret, quoniam hæreditas usu
 capta esset. id mirabamur, te ignorare, de tutela legitima,
 in qua dicitur esse puella, nihil usucapi posse. Eper
 roticam emptionem gaudeo tibi placere. Quæ tibi mā
 dauī, et quæ tu intelliges conuenire nostro Tusculano,
 uelim, ut scribis, cures; quod sine molestia tua facere po
 teris: nam nos ex omnibus molestiis, & laboribus uno
 illo in loco conquiescimus: quō fratrem quotidie expe
 ctamus. Terentia magnos articulorum dolores habet,
 & te, & sororem tuam, & matrem maxime diligit, sa
 lutemq; tibi plurimam adscribit, et Tulliola deliciae no
 stræ. Cura, ut ualeas; & nos ames; & tibi persuadeas
 te à me fraterne amari.

CICERO ATTICO S.

NON committam posthac, ut me accusare de ep
 stolarū negligentia possis. tu modo uidero, in tanto otio
 ut par mihi sis. Domū Rabirianam Neapoli, quā tu
 iam dimensam, & exædificatā animo habebas, M. Fon
 teius emit HS CCCLXXX. id te scire uolui, si quid
 forte eas res ad cogitationes tuas pertineret. Quod frater,
 & mihi uidetur, quo uolumus animo est in Pōponiā, et
 cum ea nunc in Arpinari prædio erat, & secum ha
 bebat hominem χερσίου δούλου D. Turannium. Pater
 nobis decessit ad VII I. Cal. Dec. Hæc habebam ferē,
 quæ te scire uellem. tu, uelim, si qua ornamenta γυμνα
 σίων δούλου reperire poteris, quæ loci sint eius, quem tu

LIB. I. EPIST.

non ignoras, ne pratermittas. Nos Tusculano ita delectamur, ut nobismet ipsis tum deniq; cum illo uenimus, placeamus. Quid agas omnibus de rebus, et quid acturus sis, fac nos quam diligentissime certiores.

Apud matrem recte est, eaq; nobis cura est. L. Cincio HS X X CD constitui me curaturum Idibus Feb. tu uelim ea, quae nobis emisse, et parasse scribis, des opera, ut quamprimum habeamus. Et uelim cogites, id quod mihi pollicitus es, quemadmodum bibliothecam nobis conficere possis: omnem spem delectationis nostrae, quam, cum in otium uenerimus, habere uolumus, in tua humanitate positam habemus. Vale.

CICERO ATTICO S.

APUD te est, ut uolumus. mater tua, et soror a me, Quintoq; fratre diligitur. Cum Acutilio sum locutus: is sibi negat a suo procuratore quidquam scriptum esse: et miratur istam controuersiam fuisse, quod ille recusarat satisfdari amplius abs te non pett. Quod te de Tadiano negotio decidisse scribis, id ego Tadio et gratum esse intellexi, et magnopere iucundum. Ille noster amicus, et mehercule uir optimus, et mihi amicissimus, sane tibi iratus est. hoc si quanti tu aestimes, scias, tum, quid mihi elaborandum sit, scire possim. L. Cincio HS CCL D CCCC pro signis Megaricis, ut tu ad me scripseras, curavi. Hermæ tui Pentelici cum capitibus æneis, de quibus ad me scripsisti, iam nunc admodum delectant. quare uelim, et eos, et signa, et cetera, quae tibi eius loci, et nostri studij, et tuæ elegantiæ esse uidebuntur, quamplurima, quamprimumq; mittas

A D A T T I C V M. 5

et maxime quæ tibi gymnasij, xystiq; uidebuntur esse:
nam in hoc genere sic studio efferimur, ut abs te adiu-
uandi, ab alijs propè reprehendendi simus. si Lætuli na-
uis non erit, quò tibi placebit imposito. Tulliola, deli-
ciolæ nostræ, tuum munusculum flagitat, & me ut spò-
sorem appellat, mihi autem abiurare certius est, quàm
dependere. Vale.

CICERO ATTICO S. 7

NIMIVM raro nobis abs te literæ afferuntur: cū
& multo tu facilius reperias, qui Romā proficiſcatur,
quàm ego, qui Athenas; & certius tibi sit, me esse Ro-
mæ, quàm mihi, te Athenis. itaque propter hanc dubita-
tionem meā breuior hæc ipsa epistola est, q, cum incer-
tus essem, ubi esses, nolebam illum nostrum familiarē
sermonē in alienas manus deuenire. signa Megarica, et
Hermas, de quibus ad me scripsisti, uehemēter expecto.
quidquid eiusdē generis habebis dignū Academia tibi
quod uidebitur, ne dubitaris mittere, & arcæ nostræ cō-
fidito. genus hoc est uoluptatis meæ: quæ γυμνασιώδης
maxime sunt, ea quæro. Lætulus naues suas pollicetur.
peto abs te, ut hæc cures diligenter. Chilius te rogat, &
ego eius rogatu, ὅπως ποταμὸν πείσῃ. Vale.

CICERO ATTICO S. 8

C V M essem in Tusculano, (erit hoc tibi pro illo
tuo, cū essem in Ceramico) uerūtamen cū ibi essem, Ro-
ma puer à sorore tua missus epistolā mihi abs te allatā
dedit, nunciauitq; eo ipso die post meridiē missurū eū,

L I B. I. E P I S T.

qui ad te proficisceretur. eo factum est, ut epistola tua rescriberem aliquid, breuitate tēporis tam pauca cogener scribere. primum tibi de nostro amico placando, aut etiam plane restituendo polliceor. quod ego, etsi mea sponte ante faciebam, eo nunc tamē et agam studiosius, et contendam ab illo uehementius, quod tantā ex epistola uoluntatem eius rei tuā perspicere uideor. hoc te intelligere uolo, pergrauiter illū esse offensum: sed quia nullam uideo grauem subesse causam, magno pere confido illum fore in officio, et in nostra potestate. Signa nostra, et Hermeraclos, ut scribis, cū commodissime poteris, uelim imponas, et si quod aliud omne eius loci, quem non ignoras, reperies, et maxime, quæ tibi palæstræ, gymnasiūq; uidebuntur esse: etenim ibi sedens hæc ad te scribebā, ut me locus ipse admoneret. præterea typos tibi mando, quos in tētorio atrio li possum includere, et putealia sigillata duo. Bibliothecam tuam caue cuiquam despōdeas, quamuis acrem amato rem inueneris: nam ego omnes meas uindemiolas eo re seruo, ut illud subsidium senectuti parem. De fratre confido ita esse, ut semper uolui, et elaborauī. multa signa sunt eius rei, non minimum, q̄ soror prægnans est. De comitijs meis, et tibi me permisisse memini, et ego iam pridem hoc communibus amicis, qui te expectāt, prædico, et te non mō non accersam, sed prohibebo; q̄ intelligā multo magis interesse tua, te agere, quod agendum est hoc tempore; quā mea, te adesse comitijs. proinde eo animo te uelim esse, quasi mei negotij causa in ista loca missus esses. me autem eum et offendes erga te, et audies, quasi mihi, si qua parta erūt

AD ATTICVM. 6

non modo te praesente, sed per te parta sint. Tullio-
la tibi diem dat, sponforem non appellat. Vale.

CICERO ATTICO S.

ET MEA sponte faciebā antea, & post duabus
epistolis tuis perdiligenter in eandē rationē scriptis, ma-
gnopere sum commotus. eō accedebat hortator assiduus
Salustius, ut agerē quā diligētissime cū Luceio de uestra
ueterē gratia reconcilianda. sed cū omnia fecissem, non
modo eam uoluntatē eius, quae fuerat erga te, recupe-
rare nō potui, uerū ne cām quidem elicere immutatae
uoluntatis. tamen si iacet ille quidē illud suū arbitriū,
& ea, quae iam tum, cū aderas, offendere ius animū in-
telligebam, tamē habet quiddā profecto, quod magis in
animo eius infederit, quod neq; epistolae tuae, neq; no-
stra legatio tā potest facile delere, quā tu praesens nō
modo oratione, sed tuo uultu illo familiari tolles, si mo-
do tāti putabis id, quod, si me audies, & si humanitati
tuae cōstare uoles, certe putabis. ac, ne illud mirere, cur,
cum ego antea significarem tibi per literas, me sperare
illū in nostra potestate fore, nūc idem uidear diffidere:
incredibile est, quāto mihi uideatur illius uolūtas obsti-
nator, & in hac iracundia obfirmator. sed haec aut
sanabuntur, cum ueneris; aut ei molesta erunt, in utro
culpa erit. Quod in epistola tua scriptum erat, me
iam arbitrari designatum esse; scito, nihil tā exercitiū
esse nunc Romae, quā candidatos omnibus iniquitatē
bus, nec, quando futura sint comitia, sciri. uerum haec
audies de Piladelpho. tu uelim, quae Academiae nostrae
parasti, quamprimū mittas. mirum, quā illius loci nō

L I B. I. E P I S T.

modo usus, sed etiā cogitatio delectat. libros uero tuos
caue cuiquā tradas. nobis eos, quemadmodum scribis,
conserua. summum me eorum studiū tenet, sicut odiū
iam ceterarum rerū: quāru, incredibile est, quā bre
ui tēpore quāto deteriores offensurus sis, q̄ reliquisti.

CICERO ATTICO S.

TE VCRIS illa lentū sanē negotiū, neque Corne
lius ad Terentiam postea rediit. opinor ad Considium,
Axiū, Selicium confugiendū est: nam à Cæcilio propin
qui minore centesimis numū mouere nō possunt. sed,
ut ad prima illa redeā: nihil ego illa impudentius, astu
tius, lentius uidi. libertum mitto: Tito mandauī: σκῆ
ψας, atque ἀναβολαί. sed nescio, an ταυτόματον ἡμῶν:
nam mihi Pompeiani prodromi nunciant, aperte Pom
peium aēturum, Antonio succedi oportere: eodemq; tē
pore aget Prætor ad populum. res eiusmodi est, ut ego
nec per bonorum, nec per popularem existimationē ho
neste possim hominē defendere, nec mihi libeat, quod
uel maximum est: etenim accidit hoc, quod totum cu
iusmodi sit, mando tibi, ut perspicias. libertum ego ha
beo, sanē nequam hominem, Hilarū dico, ratiocinato
rem, & clientem tuum. de eo mihi Valerius interpret
nunciat, Chiliusq; se audisse scribit hæc; esse hominem
cum Antonio; Antonium porro in cogendis pecunijs di
elitare, patrem mihi quæri, & à me custodem cōmu
nis quæstus libertum esse missum. nō sum mōi ocriter
cōmotus, neq; tamen credidi: sed certe aliquid sermo
nis fuit, totum inuestiga, cognosce, perspice, & nebulo
nem illū, si quo pacto potes, ex istis locis amoue. huius
sermonis

sermonis Valerius auctorem Cn. Plancium nominabat.
 mando tibi planè, totum ut uideas cuiusmodi sit.
 Pompeium nobis amicissimum constat esse. diuortium
 Mutiae uehementer probatur. P. Clodium Appij fili-
 um te credo audisse cum ueste muliebri deprehensum
 domi C. Caesaris, cum pro populo fieret, cumq; per ma-
 nus seruula seruatum, & educitū: rem esse insigni in-
 famia: quod te moleste ferre certo scio. Quod præ-
 terea ad te scribam, non habeo. & mehercule eram
 conturbator: nam puer festiuus anagnostes noster So-
 sitheus decesserat, meq; plus, q̃ serui mors debere uideba-
 tur, comouerat. Tu uelim sæpe ad nos scribas. si re-
 nullam habebis, quod in buccam uenerit, scribito.
 Vale. Cal. Ianuarij, M. Messala, & M. Pisone Coss.

CICERO ATTICO S.

A CCEPI tuas tres iam epistolas, unam à M. Corne-
 lio, quam à Tribus ei Tabernis, ut opinor, dedisti: alte-
 ram, quam mihi Canusinus tuus hospes reddidit: ter-
 tiam, quam, ut scribis, anchoris solutis de phaselo dedi-
 sti. quæ fuerunt omnes rhetorū. pure loquuntur, cum
 humanitatis sparsæ sale, tum insignes amoris notis. qui-
 bus epistolis sum equidē abs te laceffit ad scribēdum:
 sed iccirco sum tardior, q̃ non inuenio fidelem tabella-
 riū: quotus enim quisque est, qui epistolam paulo gra-
 uiolem ferre possit, nisi eam per lectionē releuarit? ac-
 cedit eò, q̃ mihi nō est notū, ut quisq; in Epeirū profici-
 catur: ego enim te arbitror cæsis apud Amaltheā tuā
 uictimis, statim esse ad Sicyonem oppugnādum profe-

B

Etum : neq; id ipsum tamen certum habeo, quando ad Antonium proficiscare, aut quid in Epeiro temporis ponas. ita neq; Achaicis hominibus, neq; Eperoticis paulo liberiores literas committere audeo. sunt autem post discessum à me tuum res dignæ literis nostris, sed non committendæ eiusmodi periculo, ut aut interire, aut deperiri, aut intercipi possint. Primum igitur scito, primum me non esse rogatū sententiā, præpositumq; esse nobis pacificatorem Allobrogum, idq; admurmurante senatu, neq; me inuito esse factum : sum enim et ab obseruando homine peruerso liber, & ad dignitatem in Rep. retinendam contra illius uoluntatem solutus : & ille secundus in dicendo locus habet auctoritatem penè principis, & uoluntatem non nimis deuinctam beneficio Consulis. tertius est Catulus, quartus (si etiam hoc quæris) Hortensius. Consul autem ipse paruo animo, & prauo, tantum cauillator genere illo moroso, quod etiam sine dicacitate ridetur, facie magis, q̃ facie tuis ridiculus, nihil agēs cum Rep. seiunctus ab optimatibus ; à quo nil speres boni Reip. quia nō uult ; nil me tuas mali, quia non audet. eius autem collega & in me perhonorificus, & partium studiosus, ac defensor bonarum. quin immo leuiter inter se dissident. sed uereor, ne hoc, quod infectum est, serpat longius : credo enim te audisse, cum apud Cæsarem pro populo fieret, uenisse eò muliebri uestitu uirum ; idq; sacrificiū cum uirgines instaurassent, mentionem à Q. Cornificio in senatu factam : (is fuit princeps, ne tu forte aliquē nostrum putes) postea rem ex S. C. ad Virgines, & Pōtifices relata, idq; ab ijs nefas esse decretum : dein

de ex S. C. Consules rogationem promulgasse, uxori
 Cesarem nuntium remisisse. in hac causa Piso amici-
 tia P. Clodij ductus operam dat, ut ea rogatio, quam
 ipse fert, et fert ex S. C. et de religione, antiquetur.
 Messala uehementer adhuc agit seuerè. boni uiri pre-
 cibus Clodij remouentur à causa. operæ comparantur.
 nosmet ipsi, qui Lycurgei à principio fuissetus, quoti-
 die demitigamur. instat, et urget Cato. quid multa?
 uereor, ne hæc neglecta à bonis, defensa ab improbis
 magnorum Reip. malorum causa sit. Tuus autem ille
 amicus, scin quem dicam? de quo tu ad me scripsisti,
 posteaquam non auderet reprehendere, laudare cœpisse,
 nos (ut ostendit) admodum diligit, amplectitur,
 amat, aperte laudat; occulte (sed ita, ut perspicuum
 sit) inuidet. nihil come, nihil simplex, nihil ἐν τοῖς πολι-
 τικοῖς honestum, nihil illustre, nihil forte, nihil liberum.
 sed hæc ad te scribam aliàs subtilius: nam neque adhuc
 mihi satis nota sunt, et huic terræ filio nescio cui com-
 mittere epistolam tantis de rebus non audeo. Provin-
 cias Prætores non dum sortiti sunt. res eodem est loci,
 quo reliquisti. Τοποθεσίαν, quam postulas, Miseni
 et Puteolorum, includam orationi meæ. ad III. Non.
 Dec. mēdose fuisse animaduertēram. Quæ laudas ex
 orationibus, mihi crede, ualde mihi placebant: sed non
 audebam antea dicere: nūc uero, q̄ à te probata sunt,
 multo mihi ἀττικώτερά uidentur. in illam orationem
 Metellinam addidi quædā. liber tibi mittetur, quoniā te
 amor nostri φιλοστόρεα reddidit. Noui tibi quid nā
 scribam? quid? etiam. Messala Cos. Antronianā do-
 mū emit HS CCCCXXXVII. quid id ad me, in-

LIB. I. EPIST.

quies? tantum, quod ea emptione et nos bene. emissemus iudicati sumus, et homines intelligere coeperunt, licere amicorum facultatibus in emendo ad dignitatem aliquam peruenire. Teucris illa lentum negotium: sed tamen est in spe. Tu ista confice: a nobis liberiores epistolae expecta. Vale. VI. Cal. Febr. M. Messala, et M. Pisone Coss.

CICERO ATTICO S.

VEREOR, ne putidum sit, scribere ad te, quod sum occupatus: sed tamen ita distinebar, ut uix huic tatulæ epistolæ tempus habuerim, atque id ereptum est summis occupationibus. Prima cōcio Pompeij qualis fuisset, scripsi ad te antea, non iucunda miseris, inanis improbis, beatæ non grata, bonis non grauis. itaque frigebat. tum Pisonis Cos. impulsu leuissimus Trib. pl. L. Fufius in concionem produxit Pompeium. res agebatur in circo Flaminio: et erat in eo ipso loco ipso die nundinarum παύσις. quæsiuit ex eo, placeret ne ei iudices a Prætore legi, quo consilio idem Prætore uteretur. id autem erat de Clodiana religione ab senatu constitutum. tum Pompeius μάλα ἀγιστοκρετικῶς locutus est, senatusque auctoritatem sibi omnibus in rebus maximam uideri, semperque uisam esse respondit, et id multis uerbis. postea Messala Cos. in senatu de Pompeio quæsiuit, quid de religione, et de promulgata rogatione sentiret. locutus ita est in senatu, ut omnia illius ordinis cōsulta γυναικῶς laudaret: mihiq; ut assedit, dixit se putare satis ab se etiam de istis rebus esse responsum. Crassus postea quod uidit illum ex-

cepisse laudem, ex eo, quod hi suspicarentur homines ei Cōsulatum meum placere, surrexit, ornatissimeque de meo Consulatu locutus est, ut ita diceret, se, quod esset senator, quod ciuis, quod liber, quod uiueret, mihi acceptum referre: quoties coniugem, quoties domum, quoties patriam uideret, toties se beneficium meum uidere. quid multa? totum hunc locum, quem in Aristocratia ego uarie meis orationibus, quarum tu Aristarchus es, soleo pingere, de flamma, de ferro, (nosti illas ἀκρόθους) ualde grauius pertexuit. proximus Pompeio sedebam: intellexi hominem moueri, utrum Crassum inire eam gratiam quam ipse pratermisisset, an esse tantas res nostras, quae tam libenti senatu laudarentur, ab eo praesertim, qui mihi laudem illam eo minus deberet, quod meis omnibus literis in Pompeiana laude perstrictus esset. hic dices me ualde Crasso adiunxit: Et tamen, ab illo aperte, recte quicquid est datum, libenter accepi. ego autem ipse, Diu boni, quomodo ἀνεπετραίστῳ nouo auditori Pompeio. si unquam, mihi ἐμπειρίματῳ, suppedi-
tauerunt illo tempore. quid multa? clamores: etenim haec erat ὑπόθεσις, de grauitate ordinis, de equestri concordia, de consensione Italiae, de immortalis reliquiae coniurationis, de uilitate, de otio. nosti iam in hac materia sonitus nostros: tanti fuerunt, ut ego eo breuior sim, quod eos usque istinc exauditos putem. Romanae autem res sic se habent. Senatus αἰετος πάρος, nil constantius, nil seuerius, nil fortius. nam cum dies uenisset rogationi ex S. C. ferendae, concursabant barbati iuuenes, totus ille grex Catilinae, dux filiola Curionis, Et populum, ut antiquaret, rogabant. Piso au-

rem Consul lator rogationis, idem erat dissuasor. opere Clodiane pontes occupant. tabellae ministrabantur, ita ut nulla daretur, Vti rogas. hic tibi rostra Caeto aduolat, conuiuium Pisoni Cos. mirificum facit, si id est conuiuium, uox plena grauitatis, plena auctoritatis, plena denique salutis. accedit eodem etiam noster Hortensius, multi praeterea boni. insignis uero opera Faunij fuit. hoc concursu optimatum comitia dimittuntur: senatus uocatur. cum decerneretur frequenti senatu, contra pugnante Pifone, ad pedes omnium sigillatim accidente Clodio, ut Consules populum cohortarentur ad rogationem accipiendam: homines ad XV Curioni nullum S.C. facienti assenserunt: facile ex altera parte CCCC affuerunt. acta res est. Fufius tertium concessit. Clodius conciones miseras habebat, in quibus Lucillum, Hortensium, C. Pisonem, Messalam Cos: contumeliose laedebat, me tantum comperisse omnia criminabatur. senatus & de prouincijs Praetorum, & de legationibus, & de ceteris rebus decernebat, ut ante, quam rogatio lata esset, ne quid ageretur. habes res Romanas. sed tamen etiam illud, quod ego non speraram, audi. Messala Cos. est egregius, fortis, constans, diligens, nostri laudator, amator, imitator. ille alter uno uitio minus uitiosus, quod iners, quod somni plenus, quod imperitus, φ ἀπρακτότατος, sed uoluntate ita κακῆχτος, ut Pompeium post illam concionem, qua ab eo senatus laudatus est, odisse coeperit. itaque mirum in modum omnes à se bonos alienauit, neque id magis amicitia Clodij adductus fecit, quam studio perditarum rerum, atque partium. sed habet sui

similem in magistratibus, præter Fusium, neminē. bonis
utimur Tribunis pl. Cornuto uero pseudo Catone. quid
queris? num ad priuata redeam? Tēuēis promissa
patrauit. tu mandata effice, quæ recepisti. Quintus
frater, qui Argiletani edificiū reliquum dodratem emit
HSDCCXXV, Tusculanum uenditat, ut, si possit,
emat Pacilianam domum. Cum Luceio in gratiam
redi. uidero hominem. ualde petitur. renauabo ope-
ram. Tu, quid agas, ubi sis, cuiusmodi istæ res sint,
fac me quamdiligentissime certiores. Idib. Febr. Vale.

CICERO ATTICO S.

A SI AM Quinto suauissimo fratri obtigisse audisti: nō
enim dubito, quin celerius tibi hoc rumor, q̄ ullius no-
strum literæ nuntiarint. nunc, quoniam & laudis aui-
dissimi semper fuimus, & præter cæteros φιλέλληες et
sumus, & habemur, et multorum odia, atq; inimicitias
Reip. causa suscepimus: παντοίως ἀγέτης μὴ μίσσηο: cu-
raq; et effice, ut ab omnibus et laudemur, et amemur.
his de rebus plura ad te in ea epistola scribā, quam ipsi
Quinto dabo. Tu me uelim certiorē facias, quid de
meis mādatis egeris, atq; etiā, quid de tuo negotio: nā,
ut Brūdusio profectus es, nullæ mihi abs te sunt reddi-
tæ literæ. ualde aueo scire, quid agas. Idib. Mart. Vale.

CICERO ATTICO S.

QVAERIS ex me, quid acciderit de iudicio, quod
tam præter opinionem omnium factum sit: & simul
uis scire, quo modo ego minus, quàm soleam, praliatus

sum. respondebo tibi ὁρτέγων. ἡρότεγων. Ομηγεῶς. Ego
 enim, quandiu senatus auctoritas mihi defendenda fuit,
 sic acriter, & uehementer praeliatus sum, ut clamor, cō
 cursusq; maxima cum mea laude fierent. quod si tibi
 unquam sum uisus in Rep. fortis, certe me in illa cau=
 sa admiratus esses. cum enim ille ad conciones confu=
 gisset, in hisq; meo nomine ad inuidiam uteretur: Di
 immortales, quas ego pugnās, & quantas strages edi=
 di: quos impetus in Pisonem, in Curionem, in totam il=
 lam manum feci: quomodo sum insectatus leuitatem
 senum, libidinem iuuentutis. sepe, ita me Di iuuent, te
 non solum auctorem consiliorum meorum, uerum etiā
 spectatorem pugnarum mirificarum desiderauī. po=
 stea uero quā Hortēsius excogitauit, ut legem de re=
 ligione Fusius Trib. pl. ferret, in qua nihil aliud à con=
 sulari rogatione differebat, nisi iudicum genus (in eo
 autem erant omnia) pugnauiq; ut ita fieret, quod &
 sibi, & alijs persuaferat, nullis illum iudicibus effuge=
 re posse: contraxi uela perspicuens inopiam iudicum,
 neq; dixi quicquā pro testimonio, nisi quod erat ita no=
 tū, atq; testatum, ut non possem praeterire. itaque si cau=
 sam queris absolutionis, ut iam πῶς τὸ ἡρότεγων re=
 uertar, egestas iudicum fuit, & turpitudine id autem ut
 accideret, commissum est Hortensij consilio: qui dum
 ueritus est, ne Fusius ei legi intercederet, quae ex S. C.
 ferebatur, non uidit illud, satius esse, illum in infā=
 mie relinqui sordibus, quā infirmo iudicio committi:
 sed ductus odio properauit rem deducere in iudicium,
 cum illum plumbeo gladio iugulatum iri tamen dice=
 ret. sed iudicium, si quærisq; uale fuerit, incredibili exi=

m, sic, uti
 initio cons
 tio facta
 Cæsar bon
 clemens la
 primum i
 runt: non
 sus fuit,
 eam ex
 inerat, q
 mæsi inter
 contagione
 hic, ut quæq
 rebatur, in
 tentiarum:
 batur, quæ
 Hortensius
 ac nō mīlī
 ste produc
 rum audij
 circumstet
 Clodio o
 uisa est, q
 stimoniu
 Metelli N
 nostri inu
 nostra re
 ab his, quæ
 patroni o
 quentia

tu, sic, uti nunc ex euentu ab alijs, à me tamen ex ipso initio consilium Hortensij reprehendatur. nam ut reie-
ctio facta est clamoribus maximis, cū accusator, tāquā
Cēsor bonus, homines nequissimos reijceret, reus, tāquā
clemens lanista, frugalissimum quenque secerneret; ut
primum iudices confederunt, ualde diffidere boni coepe-
runt: non enim unquam turpior in ludo talario cōses-
sus fuit. maculosi senatores, nudi equites, Tribuni non
tam ærarij, ut appellantur, q̄ ærati. pauci tamen boni
inerant, quos reiectione fugare ille non potuerat, qui
mœsti inter sui dissimiles, & mœrentes sedebant, &
contagione turpitudinis uehementer permouebantur.
hic, ut quæq; res ad consilium primis petitionibus refe-
rebatur, incredibilis erat seueritas, nulla uarietate sen-
tentiæ: nihil impetrabat reus: plus accusatori da-
batur, quàm postulabat: triumphabat (quid quæris?)
Hortensius se uidisse tantum: nemo erat, qui illum reū,
ac nō millies condemnatum arbitraretur. me uero te-
ste producto, credo te ex acclamatione Clodij aduocato-
rum audisse, quæ consurrectio iudicum facta sit, ut me
circumsteterint, ut aperte iugula sua pro meo capite P.
Clodio ostentarint. quæ mihi res multo honorificentior
uisa est, q̄ aut illa, cum iurare tui ciues Xenocratem te-
stimonium dicentem prohibuerunt; aut cum tabulas
Metelli Numidici, cum hæ, ut mos est, circumferrentur,
nostri iudices aspicere noluerunt. multo hæc inquam
nostra res maior. itaque iudicum uocibus, cum ego sic
ab his, ut salus patriæ, defenderer, fractus reus, & unā
patroni omnes conciderunt. ad me autem eadem fre-
quentia postridie conuenit, qua cum abiens Consulatū

sum domum reductus. clamare præclari Ariopagitæ
 se nō esse uenturos, nisi præsidio constituto. refertur ad
 consilium: una sola sententia præsidium non desidera-
 uit. defertur res ad senatū: grauissime, ornatissimeq;
 decernitur. laudantur iudices. datur negotium magi-
 stratibus. responsurum hominem nemo arbitratur.
 ἔσπετε γὰρ μοι μοῦσαι, ὅπως δὴ πρῶτον πῦρ ἔμπεσε.
 nosti caluum, ex Nāneianis, illum laudatorem meū: de
 cuius oratione erga me honorifica ad te scripseram. bi-
 duo per unum seruum, & eum ex ludo gladiatorio, cō-
 fecit totum negotium: accersuit ad se, promisit, inter-
 cessit, dedit. iam uero (ō Dī boni rem perditam) etiam
 noctes certarum mulierum, atq; adolescentulorum no-
 bilium introductiones nonnullis iudicibus pro mercedis
 cumulo fuerunt. ita summo discessu bonorum, pleno
 foro seruorum, XX iudices ita fortes tamen fuerūt,
 ut summo proposito periculo uel perire maluerint, q̄
 perdere omnia. XXXI fuerunt, quos fames magis, q̄
 fama cōmouerit. quorum Catulus cum uidisset quē-
 dam, quid uos, inquit, præsidium à nobis postulabatis?
 an, ne numi uobis eriperentur, timebatis? habes, ut bre-
 uissime potui, genus iudicij, & causam absolutionis.
 Queris deinceps, qui nunc sit status Reip. & qui meus.
 Reip. statum illum, quem tu meo consilio, ego diuino cō-
 firmatum putabam, qui bonorum omnium coniūctio-
 ne, & auctoritate Cōsularis mei fixus, & fundatus ui-
 debatur, nisi quis nos Deus respexerit, elapsum scito esse
 de manibus uno hoc iudicio; si iudicium est, triginta ho-
 mines populi R. leuissimos, ac nequissimos numulis ac-
 ceptis ius, & fas omne delere; & quod omnes non mo-

do homines, uerum etiam pecudes factum esse sciebant,
 id Caluum, & Plautum, & Spongiam, & ceteras hu-
 iusmodi quisquiliis statuere nunquam esse factum.
 sed tamen ut te de Rep. consoler, non ita, ut spera-
 runt mali, tanto imposito Reip. uulnere, alacris exul-
 tat improbitas in uictoria: nam plane ita putauerunt,
 cum religio, cum pudicitia, cum iudiciorum fides,
 cum senatus auctoritas concidisset, fore, ut aperte ui-
 catrix nequitia, ac libido poenas ab optimo quoque pete-
 ret sui doloris, quem improbissimo cuique inusserat
 seueritas Consulatus mei. idem ego ille (non enim mi-
 hi uideor insolēter gloriari, cum de me apud te loquor,
 in ea praesertim epistola, quam nolo alijs legi) idem
 inquam ego recreaui afflictos animos bonorum, unum-
 quemque confirmans, & excitans. insectandis uero, exa-
 gitandisque numarijs iudicibus, omnem omnibus stu-
 diosis, ac fautoribus illius uictoriae παρρησιας eri-
 pui. Pisonem Cos. nulla in re consistere unquam sum
 passus: desponsam homini iam Syriam ademi: sena-
 tum ad pristinam suam seueritatem reuocaui, atque
 abiectum excitaui: Clodium praesentem fregi in se-
 natu cum oratione perpetua plenissima grauitatis, tum
 altercatione eiusmodi, ex qua licet pauca degustes:
 nam cetera non possunt habere eandem neque uim,
 neque uenustatem remoto illo studio contentionis, quem
 ἀγὼν uos appellatis. nam, ut Idibus Maij in sena-
 tum conuenimus, rogatus ego sententiam, multa di-
 xi de summa Rep. atque ille locus inductus est à
 me diuinitus; ne una plaga accepta patres conscri-
 pti conciderent, ne deficerent; uulnus esse eiusmodi,

LIB. I. EPIST.

quod mihi neq; dissimulandum, neque pertimescendum
 * uideretur, ne aut ignorando stultissimi iudicaremur :
 bis absolutum esse Lentulum, bis Catilinam, hunc ter-
 tium iam esse a iudicibus in Remp. immissum. erras
 Clodi : non te iudices urbi, sed carceri reseruarunt, ne-
 que retinere in ciuitate, sed exilio priuare uoluerunt.
 quam ob rem patres conscripti erigite animos, retinete
 uestram dignitatem : manet illa in Rep. bonorum con-
 sensio : dolor accessit bonis uiris, uirtus non est immi-
 nuta : nihil est damni factum noui, sed, quod erat, in-
 uentum est in unius hominis perditu iudicio. plures si-
 miles reperti sunt. sed quid ago? penè orationem in
 epistolam inclusi. Redeo ad altercationem. surgit pul-
 chellus puer : obijcit mihi, me ad Baias fuisse. falsum :
 sed tamen quid huic simile est inquam? quasi in operto
 dicas fuisse. quid, inquit, homini Arpinati cū aquis ca-
 lidis? narra inquam patrono tuo, qui Arpinaters aquas
 cōcupiuit. nosti enim marinas. quousque, inquit, hunc
 Regem feremus? Regem appellas inquam, cum Rex tui
 mentionem nullam fecerit? ille autem Regis heredita-
 tem spe deuorarat. domū, inquit, emisti. putas, inquit,
 dicere, iudices emisti? iuranti, inquit, tibi non credide-
 runt. mihi uero inquam XX iudices crediderunt :
 XXXI, quoniam numos ante acceperunt, tibi nil
 crediderunt. magnis clamoribus afflictus conticuit, &
 concidit. Noster autē status est hic. apud bonos idem
 sumus, quos reliquisti : apud sordem urbis, & fecem
 multo melius, quā reliquisti : nam & illud nobis nō
 obest, uideri nostrum testimonium non ualuisse : mis-
 sus est sanguis inuidiæ sine dolore, atq; etiam hoc ma-

gis, quod
 festam illa
 accedit illa
 ra, & iei
 putat. &
 iuncti inte
 res contin
 bus Cneu
 gladiator
 rina ffula
 rum, in qua
 li filium, at
 pugnat, se
 ri posse dice
 set ascendere
 milis suscep
 bere : quod
 sunt, odio
 tone, & D
 tus inquiri
 rent, aduer
 stratum
 lia, & F
 bono au
 in a.d.v
 ut qui nro
 impune se
 bubus H
 Clodium
 esse, &

gis, quod omnes illi fautores illius flagitij rem manifestam illam redemptam esse a iudicibus consentitur. accedit illud, quod illa concionalis hirudo aerarij, miserrima, & ieiuna plebecula, me ab hoc Magno unice diligere putat. & hercule multa, & iucunda consuetudine coniuncti inter nos sumus, usque eo, ut nostri isti comesatores coniurationis, barbatuli iuvenes illum in sermonibus Cneum Ciceronem appellent. itaque & ludis, & gladiatoribus mirandas emonuas sine ulla pastoritia fistula auferebamus. nunc est expectatio comitiorum, in qua omnibus inuitis trudit noster Magnus Auli filium, atque in eo neque auctoritate, neque gratia pugnat, sed quibus Philippus omnia castella expugnari posse dicebat, in qua modo asellus onustus auro posset ascendere. Consul autem ille deterioris histrionis similis suscepisse negotium dicitur, & domi diuifores habere: quod ego non credo. sed S. C. duo iam facta sunt, odiosa, quod in Consulem facta putantur, Cato, & Domitio postulante: unum, ut apud magistratus inquiri liceret: alterum, cuiusmodi diuifores haberent, aduersus Remp. Lurco autem Trib. pl. qui magistratum simul cum lege Aelia iniit, solutus est & Aelia, & Fusia, ut legem de ambitu ferret, quam ille bono auspicio claudus homo promulgauit. ita comitia in a. d. V I. Cal. Sext. dilata sunt. noui est in lege hoc, ut qui numos in tribu pronuntiauerit, si non dederit, impune sit: sin dederit, ut, quoad uiuat, singulis tribubus HS ∞ ∞ ∞ debeat. dixi, hanc legem P. Clodium iam antea seruasse: pronuntiare enim solitum esse, & non dare. sed heus tu, uides'ne Consulatum

LIB. I. EPIST.

illum nostrum, quem Curio antea ἀποθέσιν uocabat, si hic factus erit, fabam minum futurum. quare, ut opinor, φιλοσοφίῳ, id quod tu facis, & istos Consu-
latus non ἐλαφτεόν? Quod ad me scribis, te in A-
siam statuisse non ire: equidem mallem, ut ires: ac ue-
reor, ne quid in ista re minus commodum fiat: sed tamen
non possum reprehendere consilium tuum, praesertim
cum egomet in prouinciam non sim profectus. Epi-
grammatis tuis, quae in Amaltheo posuisti, contenti eri-
mus, praesertim cum & Chilius nos reliquerit, & Ar-
chias nil de me scripserit. ac uereor, ne Lucullus, quo-
niam graecum poema condidit, nunc ad Caelianam fa-
bulam spectet. Antonio tuo nomine gratias egi, eamque
epistolam Manlio dedi. ad te ideo antea rarius scripsi,
quod non habebam idoneum, cui darem, nec satis sciebam
quid darem. te ualde uindicauit. Cincius siquid ad me
tui negotij detulerit, suscipiam: sed nunc magis in suo
est occupatus, in quo ego ei non desum. tu, si uno in lo-
co es futurus, crebras à nobis literas expecta, aut plu-
res etiam ipse mittito. uelim ad me scribas, cuiusmodi
sit Ἀμάλθειον tuum, quo ornatu, quae τοποθεσία; &
quae poemata, quasque historias de Ἀμάλθαις habes, ad me
mittas. lubet mihi facere in Arpinati. ego tibi aliquid
de meis scriptis mittam. nihil erat absolui. Vale.

CICERO ATTICO S.

15
MAGNA mihi uarietas uoluntatis, et dissimilitudo opi-
nionis, & iudicij Quinti fratris mei demonstrata est ex
litteris tuis, in quibus ad me epistolarum illius exempla

misisti. qua ex re & molestia sum tanta affectus, quam
tam mihi meus amor summus erga utrumque uestrum
afferre debuit; et admiratione, quidnā accidisset, quod
afferret Quinto fratri meo aut offensionē tam graue,
aut cōmutationem tantam uoluntatis. atq; illud à me
iam ante intelligebatur, quod te quoq; ipsum discedentē
à nobis suspicari uidebam, subesse nescio quid opinionis
incomoda, sauciumq; eius animum, & insedisse quasdā
odiosas suspiciones: quibus ego mederi cū cuperem &
antea sepe, et uehementius etiam post sortitionem pro-
uincia; nec tātum intelligebam eī esse offensionis, quan-
tum literæ tuæ declarant; nec tantū proficiebam, quan-
tum uolebam. sed tamen hoc me ipse consolabar, quod
non dubitabā, quin te ille aut Dyrrhachij, aut in istis lo-
cis uspiam uisurus esset. quod cum accidisset, confidebā,
ac mihi persuaseram fore, ut omnia placarentur inter
uos non modo sermone, ac disputatione, sed conspectu
ipso, congressuq; uestro: nam quanta sit in Quinto fra-
tre meo comitas, quanta iucunditas, q̄ mollis animus &
ad accipiendam, & ad deponendam offensionem, nihil
attinet me ad te, qui ea nosti, scribere. sed accidit perin-
commode, quod eum nusquam uidisti: ualuit enim
plus quod erat illi nonnullorum artificijs inculcatum,
quā aut officium, aut necessitudo, aut amor uester
ille pristinus, qui plurimum ualere debuit. atque hu-
ius incommodi culpa ubi resideat, facilius possum exi-
stimare, quā scribere: uereor enim, ne, dum defen-
dam meos, non parcam tuis: nam sic intelligo, ut nil à
domesticis uulneris factum sit, illud quidem, quod erat,
eos certe sanare potuisse. sed huiusce rei uitium totius,

LIB. I. EPIST.

quod aliquanto etiam latius patet, q̄ uidetur, presenti
 tibi cōmodius exponam. De ijs literis, quas ad te Theſſ=
 ſalonica miſit, & de ſermonibus, quos ab illo & Ro=
 mæ apud amicos tuos, & in itinere habitos putas, ec=
 quid tantum cauſæ ſit ignoro, ſed omnis in tua poſita
 eſt humanitate mihi ſpes huius leuandæ moleſtiæ: nam
 ſi ita eſſe ſtatueris, et irritabiles animos eſſe optimorum
 ſæpe hominum, & eoſdem placabiles, & eſſe hanc agi=
 litatem, ut ita dicam, mollitiemq; naturæ plerunque
 bonitatis, et, id quod caput eſt, nobis inter nos noſtra ſi=
 ue incommoda, ſiue uitia, ſiue iniurias eſſe tolerandas;
 facile hæc, quemadmodum ſpero, mitigabuntur. quod
 ego, ut faciās, te rogo: nam ad me, qui te unice diligo,
 maxime pertinet, neminem eſſe meorum, qui aut te non
 amet, aut abs te nō ametur. Illa pars epiſtolæ tuæ mi=
 nime fuit neceſſaria, in qua exponis, quas facultates
 aut provincialium, aut urbanorū cōmodorum & alijs
 temporibus, & me ipſo Conſule prætermiſeris: mihi
 enim perſpecta eſt & integritas, & magnitudo animi
 tui: neq; ego inter me, atq; te quicquā intereſſe unquā
 duxi, præter uoluntatem inſtitutæ uitæ, quod me ambi=
 tio quædam ad honorum ſtadium, te autem alia mini=
 me reprehendenda ratio ad honeſtum otium duxit: ue=
 ra quidem laude probitatis, diligentia, religionis neque
 me tibi, neq; quēquam antepono: amoris uero erga me,
 cum à fraterno amore, domeſticoq; diſceſſi, tibi primas
 deſero: uidi enim, uidi, penitusq; perſpexi in meis ua=
 rijs temporibus & ſollicitudines, & lætitijs tuas: fuit
 enim mihi ſæpe & laudis noſtræ gratulatio tua incun=
 da, & timoris conſolatio grata. quin mihi nunc te ab=

ſente

sente non solum consilium, quo tu excellis, sed etiam sermonis communicatio, quæ mihi suauissima tecum solet esse, maxime deest. quid dicam, in publica re? quo in genere mihi negligenti esse non licet. an in forensi labore? quem antea propter ambitionem sustinebam, nunc ut dignitatem tueri gratia possim. an in ipsis domesticis negotijs? in quibus ego cum antea, tum uero post discessum fratris te, sermonesq; nostros desidero? postremo non labor meus, non requies, non negotium, non otium; non forenses res, non domesticæ, non publicæ, non priuæ carere diutius tuo suauissimo, atque amantiissimo consilio, ac sermone possunt. atque harum rerum commemoratio nem uerecundia sæpe impediuit utriusque nostrum. nunc autem ea fuit necessaria propter eam partem epistolæ tuæ, per quam te, ac mores tuos mihi purgatos, ac probatos esse uoluisti. atque in ista incommoditate alienati illius animi, & offensi, illud inest tamen commodi, quod & mihi, & cæteris amicis tuis nota fuit, & abs te aliquando testificata tua uoluntas omittendæ prouinciæ; ut, quod unum non estis, non dissensione, ac dissidio uestro, sed uoluntate, ac iudicio tuo factum esse uideatur. quare & illa, quæ uiolata, expiabuntur; & hæc nostra, quæ sunt sanctissime conseruata, suam religionem obtinebunt. Nos hic in rep. infirma, misera, commutabiliq; uersamur. credo enim te audisse. nostros equites penè à senatu esse disiunctos. qui primum illud ualde grauiter tulerunt, promulgatum ex S. C. fuisse, ut de ijs, qui ob iudicandum pecuniam acceperant, quæreretur. quæ in re decernenda cum ego casu non affuissem, sensissemq; id equestrem ordinem ferre moleste,

c

neque aperte dicere, obiurgavi senatum, ut mihi uisus sum, summa cū auctoritate, & in causa non uerecunda, admodum grauis, & copiosus fui. ecce aliæ deliciæ equitum uix ferendæ, quas ego nō solum tuli, sed etiam ornaui. Asiani, qui de Censoribus conduxerunt, questi sunt in senatu, se cupiditate prolapsos, nimium magno conduxisse: ut induceretur locatio, postulauerunt. ego princeps in adiutoribus, atque adeo secundus: nam, ut illi auderent hoc postulare, Crassus eos impulit. inuidiosa res, turpis postulatio, & confessio temeritatis. summum erat periculum, ne, si nihil impetrassent, plane alienarentur à senatu. huic quoque rei subuentum est maxime à nobis, perfectumq; , ut frequentissimo senatu, & libentissimo uterentur: multaq; à me de ordinum dignitate, & concordia dicta sunt Cal. Dec. & postridie. neque adhuc res confecta est, sed uoluntas senatus perspecta: unus enim contradixerat Metellus Cos. des. diu erat dicturus, ad quem propter diei breuitatem peruentum non est, heros ille noster Cato. sic ego conseruans rationem, institutionemq; nostram, tueor, ut possum, illam à me conglutinatam concordiam. sed tamen, quoniam ista sunt infirma, munitur quædam nobis ad retinendas opes nostras tuta, ut spero, uia, quam tibi literis satis explicare non possum, significatione parua ostendam tamen. utor Pompeio familiarissime. uideo, quid dicas. cauebo, quæ sunt cauenda: ac scribam aliàs ad te de meis consilijs capeSSendæ Reipu. plura. Luceium scito Consulatum habere in animo statim petere: duo enim soli dicuntur perituri. Cæsar cum eo coire per Arrium cogitat, & Bibulus cum hoc se putat per C. Piso =

nem poss
crede. qu
in aliud
iam illu
primum

NIB
eum, qui
cōmunic
fingam, n
frater aq
mo, sed lit
qui sepi
& consilio
& in pti
sermonum
es: ita s
quantum
sumitur.
sunt in
cum non
tempore
corum d
possum
militariz
deramus
nim, qui
or, aut

nem posse coniungi. rides? non sunt hæc ridicula, mihi crede. quid aliud scribam ad te? quid? multa sunt, sed in aliud tempus. te si expectari uelis, cures ut sciam. iam illud moleste rogo, quod maxime cupio, ut quamprimum uenias. Nonis Dec. Vale.

CICERO ATTICO S.

NIHIL mihi nunc scito tam deesse, quam hominē eum, qui cum omnia, quæ me cura aliqua afficiunt, unā cōmunicem, qui me amet, qui sapiat, qui cū loquar, nihil fingam, nihil dissimulem, nihil obtegā, abest enim frater & p̄s̄at̄, & amantissimus Metellus. non homo, sed litus, atque aer, & solitudo mera. tu autem, qui sæpissime curam, & angorem animi mei sermone, & consilio leuasti tuo; qui mihi & in publica re socius, & in p̄t̄uatis omnibus conscius, & omnium meorum sermonum, & consiliorum particeps esse soles: ubinam es? ita sum destitutus, ut tantum requietis habeam, quantum cum uxore, & filiola, & mellito Cicerone consumitur. nam illæ ambitiosæ nostræ, fucosæq; amicitie sunt in quodam splendore forensi, fructum domesticum non habent. itaque, cum bene completa domus est, tempore matutino, cum ad forum stipati gregibus amicorum descendimus, reperire ex magna turba neminem possumus, quo cum aut iocari libere, aut suspirare familiariter possimus. quare te expectamus, te desideramus, te iam etiam accersimus: multa sunt enim, quæ me sollicitant, anguntq;: quæ mihi uideor, aures nactus tuas, iunius ambulationis sermone

C ij

exhaustire posse. ac domesticarum quidem sollicitudinum
 aculeos omnes, & scrupulos occultabo, neque ego huic
 epistolæ, atque ignoto tabellario cōmittam. atque hi (no-
 lo enim te permoueri) non sunt permolesti, sed tamen
 insident & urgent, & nullius amantis consilio, aut ser-
 mone requiescunt. In rep. uero, quanquam animus est
 præsens, tamen uoluntas etiam atque etiam ipsa me defi-
 cit: nam, ut ea breuiter, quæ post tuum discessum acta
 sunt, colligā, iam exclames necesse est, res Romanas diu-
 tius stare non posse: etenim post perfectionem tuam pri-
 mus, ut opinor, introitus fuit in causam fabulæ Clodia-
 næ: in qua ego naetus, ut mihi uidebar, locum rescan-
 dæ libidinis, & coercendæ iuuentutis, uehemens fui,
 & omneis profudi uires animi, atque ingenij mei, non
 odio adductus alicuius, sed spe non corrigendæ, sed sa-
 nandæ ciuitatis. afflicta respubl. est empto, constupra-
 toq; iudicio. uide, quæ sint postea consecuta. Consul
 est impositus is nobis, quem nemo præter nos philoso-
 phos aspicere sine suspirio posset. quantum hoc uulnus?
 factō S.C. de ambitu, de iudicijs, nulla lex perlata: ex-
 agitatus senatus, alienati equites Romani, hic ille annus
 duo firmamenta reip. per me unum constituta euerit:
 nam & senatus auctoritatem abiecit, & ordinum con-
 cordiam disiunxit. instat hic nunc ille annus egregius.
 eius initium eiusmodi fuit, ut anniuersaria sacra iu-
 uentutis non committerentur: nam M. Luculli uxorem
 Memmius suis sacris initiauit. Menelaus ægre id pas-
 sus diuortium fecit: quanquam ille pastor Idæus Me-
 nelaum solum contempserit: hic noster Paris tam Me-
 nelaum, quàm Agamemnonem liberum non putauit.

Est autem C. Herennius quidam Trib. pl. quem tu fortasse ne nosti quidem, tamen si poteris nosse: tribulis enim tuus est, & Sextus pater eius numos uobis diuidere solebat. is ad plebem P. Clodium traducit: idemq; fert, ut uniuersus populus in campo Martio suffragium de re Clodij ferat. hunc ego accepi in senatu, ut soleo: sed nihil est illo homine lentius. Metellus est consul egregius, & nos amat, sed imminuit auctoritatem suam, quod habere dicit causam promulgatam. illud idem de Clodio. Auli autē filius, o Dij immortales, quam ignauus, ac sine animo, milesq; dignus, qui Palicano, sicut facit, os ad male audiendum quotidie præbeat. Agraria autem promulgata est à Flauio sanè leuis, eadem ferè, quæ fuit Plotia. sed interea πολιτικός ἀνὴρ οὐδ' ὅτι τις quisquam inueniri potest: qui poterat, familiaris noster (sic est enim: uolo te hoc scire) Pompeius togulam illam pietam silentio tuetur suam. Crassus uerbum nullum contra gratiam. cæteros iam nosti; qui ita sunt stulti, ut amissa Rep. piscinas suas fore saluas sperare uideantur. unus est, qui curet, constantia magis, & integritate, quàm, ut mihi uidetur, consilio, aut ingenio, Cato, qui miseros publicanos, quos habuit amantiissimos sui, tertium iam mensem uexat, neque ijs à senatu responsum dari patitur. ita nos cogimur reliquis de rebus nihil discernere ante, quàm publicanis responsum sit: quare etiam legationes reiectum iri puto. nunc uides, quibus fluctibus iactemur: & si ex ijs, quæ scripsimus, tamen etiam à me non scripta perspicis; reuise nos aliquando; & quanquam sunt hæc fugienda, quò te uoco, tamen fat ut amorem nostrum tanti aestimes, ut eò uel

LIB. I. EPIST.

cum his molestiis peruenire uelis : nam ne absens censea-
re, curabo edicendum, & proponendum locis omnibus.
sub lustrum autem censeari, germani negotiatoris est. qua-
re cura, ut te quamprimum uideamus. Vale. XI.
Cal. Feb. Q. Metello, & L. Afranio Coss.

CICERO ATTICO S.

17

NON modo, si mihi tantum esset otij, quantum est
tibi; uerum etiā, si tam breues epistolas uelim mittere;
(quod tu soles facere) te superarem, & in scripto mul-
to essem crebrior, quā tu : sed ad summas, atque in-
credibiles occupationes meas accedit, quod nullam à me
epistolam ad te sino absque argumento, ac sententia ue-
nire. & primum tibi, ut æquum est, cui amanti pa-
triam, quæ sunt in Rep. exponam, deinde, quoniam ti-
bi amore nos proximi sumus, scribemus etiam de no-
bis ea, quæ scire te non nolle arbitramur. Atque in Rep.
nunc quidem maxime Gallici belli uersatur metus, nam
Edui fratres nostri pugnant: Sequani male pugnarunt:
& Heluetij sine dubio sunt in armis, excursionsq; in
provinciam faciunt. senatus decreuit, ut Consules duas
Gallias sortirentur, delectus haberetur, uacationes ne ua-
lerent, legati cum auctoritate mitterentur, qui adirent
Galliæ ciuitates, darentq; operam, ne eæ cum Heluetijs
se iungerent. legati sunt Q. Metellus Creticus, & L.
Flaccus, & τὸ ἐπὶ τῇ φακῇ μύρον, Lentulus Clodiæ fi-
lius. atque hoc loco illud non queo præterire, quod cum
de consularibus mea prima sors exisset, una uoce se-
natus frequens retinendum me in Vrbe censuit. hoc

idem post me Pompeio accidit : ut nos duo quasi pignora Reip. retineri uideremur : quid enim ego aliorum in me ἐπιφωνίματα expectem, cum hæc domi innascantur? Urbanæ autem res sic se habent. agraria lex à Flauio Trib. pl. uehementer agitabatur auctore Pompeio: quæ nihil populare habebat, præter auctorem. ex hac ego lege secunda concionis uoluntate omnia illa tollebam, quæ ad priuatorum incommodum pertinebant : liberabam agrum eum, qui P. Mutio, L. Calphurnio Coss. publicus fuisset : Syllanorum hominum possessiones confirmabam : Volaterranos, & Artemitanos, quorum agrum Sylla publicarat, neque diuiserat, in sua possessione retinebam : unam rationem non reiiciebam, ut ager hac aduentitia pecunia emeretur, quæ ex nouis uectigalibus per quinquennium reciperetur. huic toti rationi agrariæ senatus aduersabatur, suspicans Pompeio nouam quandam potentiam quæri. Pompeius uero ad uoluntatem perferenda legis incubuerat. ego autem magna cum agrariorum gratia confirmabam omnium priuatorum possessiones : is enim est noster exercitus, hominum, ut tute scis, locupletium. populo autem, Pompeioq;) nam id quoque uolebam) satisfaciebam emptione ; qua constituta diligenter, & sentinam Urbis exhauriri, & Italiæ solitudinem frequentari posse arbitrabar. sed hæc tota res interpellata bello refrixerat. Metellus est Consul sanè bonus, & nos admodum diligit. ille alter ita nihil est, ut plane, quid erit, nesciat. hæc sunt in Rep. nisi illud etiam ad Remp. putes pertinere, Herennium quendam Trib. pl. tribulem tuum, sanè hominem nequam,

C iij

atque egentem, sæpe iam de P. Clodio ad plebem traducendo agere cœpisse. huic frequenter interceditur. hæ sunt, ut opinor, in Rep. Ego autem, ut semel Nonarum illarum Decembrium iunctam inuidiæ, ac multorum inimicitijs eximiam quandam, atque immortalem gloriam consecutus sum; non destiti eadem animi magnitudine in Rep. uersari, & illam institutam, ac susceptam dignitatem tueri. sed postea quàm primum Clodij absolutione leuitatem, infirmitatemq; iudiciorum perspexi, deinde uidi nostros publicanos facile à senatu disungi, quanquam à meipso non diuellerentur, tum autem beatos homines (hos piscinarios dico, amicos tuos) non obscure nobis inuidere: putauì mihi maiores quasdam opes, & firmiora præsidia esse querenda. itaque primum eum, qui nimium diu de rebus nostris tacuerat, Pompeium adduxi in eam uoluntatem, ut in senatu non semel, sed sæpe, multisq; uerbis suis mihi salutem imperij, atque orbis terrarum adiudicaret: quod non tam interfuit mea (neque enim illæ res aut ita sunt obscure, ut testimonium; aut ita dubiæ, ut laudationem desiderent) quàm Reip. q. erant quidam improbi, qui contentionem fore aliquam mihi cum Pompeio, ex illarum rerum dissensione, arbitrarentur. cum hoc ego me tanta familiaritate coniunxi, ut uterque nostrum in suaratione munitior, & in Rep. firmior hac coniunctione esse possit. odia autem illa libidinosæ, & delicatæ iuuentutis, quæ erant in me incitata, sic mitigata sunt quadam comitate mea, me unum ut omnes illi colant. nihil ita deniq; à me asperum in quenquam fit, nec tamē quidquam populare, ac dissolutum; sed ita tēperata tota rō est,

ut Reip. constantiam præstem, privatis rebus meis propter infirmitatem bonorum, iniquitatem malorum, omniduum in me improborum adhibeam quandam cautionem, & diligentiam. atque ita tamen novis amicitijs implicati sumus, ut crebro mihi uaser ille Siculus insuasurret Epicharmus cantilenam illam suam: *ὦ φίλε, κοῦ μέγα μυστήριον ἔστιν αἰδοῦναι τῶν φρενῶν*. ac nostræ quidem rationis, ac ultæ quasi quandam formam, ut opinor, uides. De tuo autem negotio sæpe ad me scribis, cui mederi nunc non possumus: est enim illud S. C. summa pedariorum uoluntate, nullius nostrum auctoritate factum. nam, quod me esse ad scribendum uides, ex ipso S. C. intelligere potes, aliam rem tum relatam. hoc autem, de populis liberis, sine causa additum: & ita factum est à P. Seruilio filio, qui in postremis sententiam dixit: sed immutari hoc tempore non potest. itaque conuentus, qui initio celebrabantur, iandiu fieri desierunt. tu si tuis blanditijs tamen à Sicyonijs numulorum aliquid expresseris, uelim me facias certiore. Commentarium Consulatatus mei græcè compositum misi ad te: in quo si quid erit, quod homini Attico minus græcum, eruditumq; uideatur, non dicam, quod tibi, ut opinor, Panormi Lucullus de suis historijs dixerat, se, quo facilius illas probaret Romani hominis esse, idcirco barbara quædam, & obsoleta dispersisse: apud me si quid erit eiusmodi, me imprudente erit, & inuito. latinum si perfecero, ad te mittam. tertium poema expectato, ne quod genus à me ipso laudis meæ prætermittatur. hic tu caue dicas, *τίς πατέρι ἀνίσταται*; si est enim apud homines quidquam, quod potius sit laude

tur, nos uituperemur, qui non potius alia laudemus: quanquam non ἐγκωμιαστικά sunt hæc, sed ἰσωνία quæ scribimus. Quintus frater purgat se mihi per literas, & affirmat nil à se cuiquam de te secus esse dictum. uerum hæc nobis coram summa cura, et diligentia sunt agenda: tu modo nos reuise aliquando. Cossinius hic, cui dedi literas, ualde mihi bonus homo, & non leuis, et amans tui uisus est, & talis, qualem esse eum tuæ mihi literæ nuntiarant. Vale. Idibus Martijs.

CICERO ATTICO S.

18

CVM è Pōpeiano me Romā recepissē ad IIII. Id. Maij, Cincius noster eam mihi abs te epistolam reddidit, quam tu Idibus Febr. dederas. ei nunc epistolæ literis his respondebo. ac primum, tibi perspectum esse iudicium de te meum, lætor: deinde, te in ijs rebus, quæ mihi asperius à nobis, atque à nostris, & iniucundius actæ uidebantur, moderatissimum fuisse, uehementissime gaudeo: idq; neque amoris mediocris, & ingenij summi, ac sapientiæ iudico. qua de re cum ad me ita suauiter, diligenter, officiose, humaniter scripseris, ut nō modo hortari te amplius non debeam, sed ne expectare quidē abs te, aut ab ullo homine tantum facilitatis, ac mansuetudinis potuerim: nihil duco esse commodius, quàm de his rebus nihil amplius scribere. cum erimus congressi, tum, si quid res feret, coram inter nos conferemus. Quod ad me de Repub. scribis, disputas tu quidem & amanter, & prudenter, & à meis consilijs ratio tua non abhorret: nam neque de statu nobis nostræ dignitatis est recedendum, neq; sine nostris copijs intra alterius

præsidia ueniendum : & is, de quo scribis, nihil habet
 amplum, nihil excelsum, nihil non summissum, atque po-
 pulare : ueruntamen fuit ratio mihi fortasse ad tran-
 quillitatem meorum temporum non inutilis, sed meher-
 cule Reip. multo etiam utilior, quàm mihi, ciuium im-
 proborum impetus in me reprimi, cum hominis am-
 plissima fortuna, auctoritate, gratia fluctuantem sen-
 tentiam confirmassem, & à spe malorum ad mearum
 rerum laudem conuertissem. quod si cum aliqua leui-
 tate mihi faciendum fuisset, nullam rem tanti aestima-
 sem : sed tamen à me ita acta sunt omnia, non ut ego
 illi assentiens leuior, sed ut ille me probans grauior uide-
 retur. reliqua sic à me aguntur, & agentur, ut non cõ-
 mittamus, ut ea, quæ gessimus, fortuito gessisse uidea-
 mur. eos bonos uiros, illos quos significas, & eam, quam
 mihi dicis obtigisse, παῖτα non modo nunquam de-
 seram, sed etiam, si ego ab illa deferar, tamen in mea
 pristina sententia permanebo. illud tamen uelim existi-
 mes, me hanc uiam optimatum post Catuli mortem nec
 præsidio ullo, nec comitatu tenere : nam, ut ait Rhinton
 ut opinor, οἱ μὲν παρ' οὗ δ' ἐν εἰσι τοῖς δ' οὐδ' ἐν μέλει. mihi
 uero ut inuideant piscinarij nostri, aut scribā ad te aliàs,
 aut in congressum nostrum reseruabo. à curia autem
 nulla me res diuellet : uel quòd ita rectum est : uel quòd
 rebus meis maxime consentaneum : uel quòd, à senatu
 quanti fiam, minime me pœnitet. De Sicyonijs, ut
 scripsi ad te antea, non multum spei est in senatu : ne-
 mo est enim iam, qui queratur. quare, si id expectas, lon-
 gum est : alia uia, si qua potes, pugna. cum est actum,
 neque animaduersum est ad quos pertineret, & ra-

ptlm in eam sententiam pedarij concurrerunt . inducen-
 di S. C. maturitas nondum est ; quòd neque sunt , quæ
 querantur ; & multi partim malevolentia , partim opi-
 nione æquitatis delectantur . Metellus tuus est egregius
 Consul . unum reprehendo , quòd otium è Gallia non
 magnopere nuntiari gaudet . cupit , credo , triumphare .
 hoc uellem mediocrius : cætera egregia . Auli filius
 uero ita se gerit , ut eius Consulatus non Consularis sit ,
 sed Magni nostri ὑπὸ πρίον . De meis scriptis , misi ad te
 græce perfectum Consulatum meum . eum librum L .
 Cossinio dedi . puto te latinis meis delectari , huic au-
 tem græco græcum inuidere . alij si scripserint , mitte-
 remus ad te : sed , mihi crede , simul atque hoc nostrum
 legerunt , nescio quo pacto retardantur . Nunc (ut ad
 rem meam redeam) L. Papius Pætus , uir bonus , a-
 matorq; noster , mihi libros eos , quos ser . Claudius reli-
 quit , donauit . cum mihi per legem Cinciam licere cape-
 re Cincius amicus tuus diceret , libenter dixi me acceptu-
 rum , si attulisset . nunc , si me amas , si te à me amari scis ,
 enitere per amicos , clientes , hospites , libertos denique , ac
 seruos tuos , ut scheda ne qua depereat : nam & græcis
 ijs libris , quos suspicor , & latinis , quos scio illum reliquis-
 se , mihi uehementer opus est . ego autem , quotidie ma-
 gis , quod mihi de forensi labore temporis datur , in his
 studijs conquiesco . per mihi , per inquam gratum fece-
 ris , si in hoc tam diligens fueris , quam soles in ijs rebus ,
 quas me ualde uelle arbitraris : ipsiusq; Pæti tibi nego-
 tia commendo ; de quibus tibi ille agit maximas gra-
 tias : & , ut iam inuisas nos , non solum rogo , sed
 etiam suadeo . Vale .

quo letari
 græce item
 rendum de
 ratum me
 enim libet
 sed tamen
 glæxerant
 olebant ,
 pueros
 non nihil
 tu Corcy
 tigiſti ,
 quem tu
 fastidio
 Rhodo
 legeret ,
 scriberet
 scribenda
 ris ? cont

M. TVLLII CICERONIS EPISTOLARVM
AD T. POMPONIVM ATTICVM LIBER II.

CICERO ATTICO S.

AL. Iun. eunti mihi Antium, & gladiatores M. Metelli cupide relinquenti, uenit obuiam tuus puer. is mihi literas abs te, & commentarium Consularis mei græce scriptum reddidit. in quo letatus sum, me aliquanto ante de iisdem rebus græce item scriptum librum L. Cossinio ad te perfectum dedisse: nam, si ego tuum ante legissem, fuerat me abs te esse diceret. quanquam illa tua (legi enim libenter) horridula mihi, atque incompta uisa sunt: sed tamen erant ornata hoc ipso, quod ornamenta neglexerant; & ut mulieres, ideo bene olere, quia nihil olebant, uidebantur. meus autem liber totum Isocratis *μυροδύκτωρ*, atque omnes eius discipulorum arculas, ac non nihil etiam Aristotelica pigmenta cōsumpsit: quem tu Corcyrae, ut mihi alijs literis significas. strictim attingisti, post autem, ut arbitror, à Cossinio accepisti. quem tibi ego non essem ausus mittere, nisi eum lēte, at fastidiose probauissem quanquam ad me rescripsit iam Rhodo Possidonius, se, nostrum illud *ὑπόμνημα* cum legeret, quod ego ad eum, ut ornatus de iisdem rebus scriberet, miseram, non modo non excitatum esse ad scribendum, sed etiam plane perterritum. quid quaeris? conturbauit Græcam nationem. ita, uulgo qui in-

stabant, ut darem sibi, quod ornarent, iam exhibere mihi molestiam destiterunt. tu, si tibi placuerit liber, curabis, ut & Athenis sit, & in cæteris oppidis Græciæ: uideatur enim posse aliquid nostris rebus lucis afferre. Oratiunculas autem & quas postulas, & plures etiam mitam, quoniam quidem ea, quæ nos scribimus adolescentulorum studijs excitati, te etiam delectant: fuit enim mihi commodum, quod in eis orationibus, quæ Philippicæ nominantur, enituerit ciuis ille tuus Demosthenes, & quod se ab hoc refractariolo iudiciali dicendi genere abiunxerit, ut σεμνότερός τις καὶ πολιτικώτερος uideretur, curare, ut meæ quoque essent orationes, quæ consulares nominarentur. quarum una est in senatu Cal. Ian. altera ad populum de lege agraria, tertia de Othone, quarta pro Rabirio, quinta de proscriptorum filijs; sexta, cum prouinciam in concione deposui; septima, qua Catilinam emisi; octaua, quam habui ad populum postridie, quàm Catilina profugit; nona in concione, quo die Allobroges inuocarunt; decima in senatu Nonis Dec. sunt præterea duæ breues, quasi ἀποπαρασκήτια legis agrariæ. hoc totum σῶμα, curabo, ut habeas. & quoniam te cum scripta, tum res meæ delectant, ijsdem ex libris perspicies, & quæ gesserim, & quæ dixerim. aut ne poposcisses: ego enim tibi me non offerebam. Quod quæris, quid sit, quod te accersam; ac simul impeditum te negotijs esse significas; neque recusas, quin, non modo si opus sit, sed etiam si uelim, accurras: nihil sanè est necesse: ueruntamen uidebare mihi tempora peregrinationis commodius posse distribuere. nimis abes diu, præsertim cum sis in pro-

pinquis locis
nunc quide
li progredi
predare No
est Consul
tura bono
pl. fieri cup
hominem, &
bonarum
Et ita flet.
dum; quod
pore, quæ
iam cū se ill
uam queng
dixisset, in
dixi accidit
Roma Inter
esse itum o
buit. quib
reddo, no
hoc genere
casu illor et
deducere
locum gla
uos patro
consulari
quam, de
tollas. non
illam mal
uero bellu

pinquis locis: neque nos te fruimur, & tu nobis cares. ac
nunc quidem otium est: sed si paulo plus furor Pulchel-
li progredi posset, ualde te ego istinc excitarem. uerum
præclare Metellus impedit, & impedit. quid quæris?
est Consul φιλόπατρις, & ut semper iudicaui, na-
tura bonus. ille autem non simulat, sed plane Tribunus
pl. fieri cupit. qua de re cum in senatu ageretur, fregi
hominem, & inconstantiam reprehendi, qui Rome Tri-
bunatum pl. peteret, cum in Sicilia Aedilitatem sæpe di-
ctitasset. sed neque magnopere dixi esse nobis laboran-
dum; quod nihilo magis ei licitum esset plebeio rep-
dere, quàm similibus eius me Cōsule patritijs esset licitum.
iam cū se ille septimo die uenisse à freto, neque sibi ob-
uiam quenquam prodire potuisse, & noctu se introisse
dixisset, in eoq; se in concione iactasset: nihil ei noui
dixi accidisse: ex Sicilia septimo die Romam, tribus horis
Roma Interamnā: noctu introisse, item ante: non
esse itum obuiam, ne tum quidem, cum iri maxime de-
buit. quid quæris? hominem petulantem modestum
reddo, non solum perpetua grauitate orationis, sed etiā
hoc genere dictorum. itaque iam familiariter cum ipso
cauillor etiam, ac iocor. quin etiam cum candidatum
deducerem, is quærit ex me, num consueessem Siculis
locum gladiatoribus dare. negaui. at ego, inquit, no-
uos patronos instituiam. sed soror, quæ tantum habeat
consularis loci, unum mihi solum pedem dat. noli, in-
quam, de uno pede sororis queri, licet etiam alterum
tollas. non consulare, inquires, dictum. fateor: sed ego odi
illam male consulare: ea est enim seditiosa; ea cum
uiro bellum gerit, neque solum cum Metello, sed etiam

cum Fabio, quod eos mihi esse amicos moleste fert. Quod de agraria lege quæris, sanè iam uidetur refriguisse. Quod me quodammodo molli brachio de Pompeij familiaritate obiurgas; nolim ita existimes, me meï præsidij causa cum illo coniunctum esse; sed ita res erat instituta, ut, si inter nos esset aliqua forte dissensio, maximas in Rep. discordias uersari esset necesse. quod à me ita præcautum, atque ita prouisum est, non ut ego de optima illa mea ratione decederem, sed ut ille esset melior, & aliquid de populari leuitate deponeret. quem de meis rebus, in quas eum multi incitarant, multo scito gloriosius, quàm de suis prædicare, sibi enim bene gesta, mihi conseruata Reip. dat testimonium. hoc facere illum, mihi quàm profit, nescio, reipub. certe prodest. quid, si etiam Cæsarem, cuius nunc uentù ualde sunt secundi, reddo meliorem? num tantum obsum Reipub? quin etiam, si mihi nemo inuideret, si omnes, ut erat æquum, fauerent, tamen non minus esset probanda medicina, quæ sanaret uitiosas partes Reipu. quàm quæ exsecaret. nunc uero, cum equitatus ille, quem ego in cliuo Capitolino te Signifero, ac principe collocaram, senatum deseruerit; nostri autem principes digito se cœlum putent attingere, si muli barbati in piscinis sint, qui ad manum accedant; alij autem negligant: nonne tibi satis prodesse uideor, si perficio, ut nolint obesse, qui possunt? nam Catonem nostrum non tu amas plus, quàm ego. sed tamen ille optimo animo utens, & summa fide, nocet interdum Reip. dicit enim tanquam in Platonis πολιτεία, non tanquam in Romuli fece sententiam. quid uerius, quàm in iudicium uenire, qui ob rem
iudicandam

iudicandam pecuniam acceperit? censuit hoc Cato: assensit senatus. equites curiæ bellum, non mihi, nam ego diffensi. quid impudentius publicanis renunciantibus? fuit tamen retinendi ordinis causa facienda iactura: restitit, & peruicit Cato. itaque nunc Consule in carcere incluso, sæpe item seditione commota, aspirauit nemo eorum, quorum ego concursu, itemq; Consules, qui post me fuerunt, remp. defendere solebant. quid ergo istos, inquires, mercede conductos habebimus? quid faciemus, si aliter non possumus? an libertinis, atque etiam seruis seruiamus? sed, ut tu ais, ἄλῃς ἀποδοῖς. Faunius meam tribum tulit honestius, quàm suam, Luceij perdidit. accusauit Nasicam inhoneste, ac modeste tamen dixit, ut Rhodi uideretur molis potius, quàm Moloni operam dedisse. mihi, quòd defendissem, leuiter succensuit. nunc tamen petit iterum reipub. causa. Luceius quid agat, scribam ad te, cum Casarem uidero, qui aderit bi-duo. Quòd Sicyoni te lædunt, Catoni, & eius æmulatori attribuas Seruilio. quid? ea plaga non ne ad multos bonos uiros pertinet? sed si ita placuit, laudemus, deinde in diffensionibus soli relinquamur. Amalthea mea te expectat, & indiget tui. Tusculanum, & Pompeianum ualde me delectant, nisi quòd me illum ipsum uindicem æris alieni ære non Corinthio, sed hoc circumforaneo obruerunt. In Gallia speramus esse otium. prognostica mea cum oratiunculis propediem expecta. & tamen, quid cogites de aduentu tuo, scribe ad nos: nam mihi Pomponia nunciari iussit, te mense Quintili Romæ fore. id à tuis literis, quas ad me de accessu tuo miseris, discrepabat. Pæuis, ut antea ad te scripsi,

D

LIB. II. EPIST.

omnes libros, quos frater suus reliquisset, mihi donauit. hoc illius munus in tua diligentia positum est. si me amas, cura, ut conseruentur, & ad me perferantur. hoc mihi nil potest esse gratius. & tum gracos, tum uero latinos diligenter ut conserues, uelim. tuum esse hoc munusculum putabo. Ad Octauium dedi literas: cum ipso nil eram locutus: neque enim ista tua negotia prouincialia esse putabam: neque te in Toclionibus habebam. sed scripsi, ut debui, diligenter. Vale.

CICERO ATTICO S. 2

CURA, amabo te, Ciceronem nostrum. ei nos deici uidemur. Πελισσίων in manibus tenebam. & hercule magnum aceruum Dicearchi mihi ante pedes extruxeram. d. magnum hominem, & a quo multo plura didiceris, quam de Procilio. Κορινθίων uoὺ Αθηναίων pu- to me Romae habere. mihi haeredes. lege. hoc doceo. mirabilis uir est. Ηρώδης, si homo esset, eū potius legeret, quam unam literam scriberet: qui me epistola petiuit: ad te, ut uideo, comminus accessit. coniurasse mallem, quam restitisse coniurationi, si illum mihi audientem putassem. De Lollio sanus non es. de uino laudo. sed heus tu, ecquid uides Cal. uenire, Antonium non uenire? iudices cogi? nam ita ad me mittunt, Nigidium minari in concione, se iudicem, qui non affuerit, compellaturum. uelim tamen, si quid est de Antoni aduentu quod audieris, scribas ad me: & quoniam huc non uenis, coenes apud nos, utique prid. Cal. caue aliter facias. Cura, ut ualeas.

PRIMUM, ut opinor, ἀγγέλια. Valerius absolutus est Hortensio defendente. id iudicium Atilio condonatum putabatur. & Epicratem suspicor, ut scribis, lascium fuisse: etenim mihi caligæ eius, ut fasciæ cretæ, non placebant. quid sit, sciemus, cum ueneris. Fenestrarum angustias quod reprehendis, scito te Κύρου παῖδ' εἶναι reprehendere: nam cum ego idem istuc dicerem, Cyrus aiebat, radiorum τὰς διαφάσεις latis luminibus, non tam esse suauis: etenim ἔγω οὐκ ἴσμεν, ἢ, α: τὸ δὲ ὀρώμενον, β, γ: ἀκτίνους δὲ, δ, καὶ ε: uides enim cætera: nam si κατὰ εἰδῶλων ἐμπτώσεις uideremus, ualde laborarent. εἰδῶλα in angustijs. nunc fit lepide illa ἐκχρισ radiorum. cætera si reprehenderis, non feres tacitum, nisi si quid erit eiusmodi, quod sine sumptu corrigi possit. Venio nunc ad mensem Ianuarii, & ad ὑπόστασιν nostram, ac πολιτείαν, in qua σωκρατικῶς εἰς ἑκάτερον, sed tamen ad extremum, ut illi solebant, πλὴν ἂν ἐσκόουσιν. est res sanè magni consilij: nam aut fortiter resistendum est legi agrariæ, in quo est quædam dimicatio, sed plena laudis; aut quiescendum, quod est non dissimile, atque ire in Solonium, aut Antium; aut etiam adiuvandum, quod à me aiunt Cæsarem sic expectare, ut non dubitet: nam fuit apud me Cornelius: hunc dico Balbum Cæsaris familiarem: is affirmabat illum omnibus in rebus meo & Pompeij consilio usurum, daturumq; operam, ut cum Pompeio Crassum coniungeret. hic sunt hæc, coniunctio mihi summa cum Pompeio; si placet, etiam

LIB. II. EPIST.

cum Cesare, reditus in gratiam cum inimicis, pax cum
multitudine, senectutis orium. sed me κατάρκησις mea
illa commouet, quæ est in libro III.

Interea cursus, quos prima à parte iuuentæ,
Quosq; adeo Consul uirtute, animoq; petisti,
Hos retine, atque auge famam, laudesq; bonorum.
hæc mihi cum in eo libro, in quo multa sunt scripta
ἀριστοκρατικῶς, Calliope ipsa præscripserit, non opinor esse
dubitandum, quin semper nobis uideatur εἰς οἶκον ἀρι-
στοκράτειαν περὶ πάσης. sed hæc ambulationibus com-
pitaliis reseruemus. Tu pridie Compitalia memento.
balneum calferi iubebo: Pomponiam Terentia ro-
gat: matrem adiungemus. Θεοφράστου περὶ φιλοτι-
μίας offer mihi de libris Quinti fratris. Vale.

CICERO ATTICO S.

4

FECISTI mihi pergratum, quodd Serapionis li-
brum ad me misisti: ex quo quidem ego (quod inter nos
liceat dicere) millesimam partem uix intelligo. pro eo
tibi præsentem pecuniam solui imperavi, ne tu expen-
sum muneribus ferres. At quoniam numorum men-
tio facta est, amabo te, cura, ut cum Titinio, quoquo
modo poteris, transigas. si in eo, quod ostenderat, non
stat, mihi maxime placet ea, quæ male empta sunt, red-
di, si uoluntate Pomponiæ fieri poterit. si ne id qui-
dem, numi potius reddantur, quàm ullus sit scrupu-
lus. ualde hoc uelim ante, quàm proficiscare, amanter,
ut soles, diligenterq; conficias. Clodius ergo, ut ais, ad
* Tigranem uelim, Syriæ conditione: sed facile patior:

accommodatus enim nobis est ad liberam legationem
 tempus illud, cum & Quintus noster iam, ut speramus,
 in otio confederit, & iste sacerdos Bonæ Deæ cuiusmodi
 futurus sit, sciri possit. interea quidem cum musis nos
 delectabimur animo æquo, immo uero etiam gaudenti,
 ac libenti. neque mihi unquam ueniet in mentem Cras-
 so inuidere, neque poenitere, quod à me ipse non descii-
 uerim. De geographia, dabo operam, ut tibi satisfaciā:
 sed nihil certi polliceor. magnum opus est: sed tamen,
 ut iubes, curabo, ut huius peregrinationis tibi opus extet.
 tu quidquid indagaris de Rep. & maxime quos Con-
 sules futuros putes, facito, ut sciam. tametsi nimis sum
 curiosus: statui enim nihil iam de Rep. cogitare. Te-
 rentiæ saltum perspeximus. quid quæris? præter quer-
 cum Dodonæā nihil desideramus, quo minus Epeirum
 ipsam possidere uideamur. Nos circiter Cal. aut in
 Formiano erimus, aut in Pompeiano. tu, si in Formia-
 no non erimus; si nos amas, in Pompeianum uenito. id
 & nobis erit periucundum, & tibi non sanè deuiū. De
 muro, imperdūi Philotimo, ne impediret, quo minus id
 fieret, quod tibi uideretur. censeo tamen, adhibeas Ve-
 etium. his temporibus, tam dubia uita optimi cuiusque,
 magni æstimo unius æstatis fructum palæstræ Palatinæ,
 sed ita tamen, ut nihil minus uelim, quàm Pomponiam,
 & puerum uersari in timore ruina. Vale.

CICERO ATTICO S.

CUPPIO equidem, & iam pridem cupio Alexan-
 driam, reliquamq; Aegyptum uisere, & simul ab hac
 hominum satietate nostri discedere, & cum aliquo de-

D iij

LIB. II. EPIST.

siderio reuerti : sed hoc tempore, & his mittentibus, αἰ= δέομαι τρώας καὶ τρωάδας ἐλκεσιπέπλους: quid enim no-
 stri optimates, si qui reliqui sunt, loquentur? an me a-
 liquo præmio de sententia esse deductum? πολυδάμας
 μοι πρῶτος ἐλεγκχέην ἀναδύσει Cato ille noster, qui mi-
 hi unus est pro centum millibus. quid uero historiae de
 nobis ad annos DC. prædicarint? quas quidem ego
 multo magis uereor, quàm eorū hominū, qui hodie uiuunt,
 rumusculos. sed opinor excipiamus, & expectemus: si
 enim deferetur, erit quædam nostra potestas, et tum de-
 liberabimus. & iam hercule est in non accipiendo non
 nulla gloria. quare si quid θεοφάνης tecum forte con-
 tulerit, ne omnino repudiaris. de istis rebus expecto tuas
 literas, quid Arrius narret, quo animo se destitutum fe-
 rat, & qui Consules parentur, utrum, ut populi sermo,
 Pompeius, & Crassus, an, ut mihi scribitur, cum Gabi-
 nio Ser. Sulpitius, & num quæ nouæ leges, & num
 quid noui omnino: & quoniam Nepos proficiscitur, cui-
 nam Auguratus deferatur: quo quidem uno ego ab istis
 capi possum. Videte ciuitatem meam. sed quid ego hæc,
 quæ cupio deponere, & toto animo, atque omni cura φι-
 λοσοφῶν? sic inquam in animo. sic uellem ab initio.
 nunc uero, quoniam, quæ putauī esse præclara, expertus
 sum, quàm essent inania; cum omnibus musis ratio-
 nem habere cogito. tu tamen de Curtio ad me rescri-
 be certius: & num quis in eius locum paretur, et quid
 de P. Clodio fiat, & omnia, quemadmodum tu pollice-
 ris, ἐπὶ σχολῆς scribe: & quo die Roma te exiturum
 putes, uelim ad me scribas, ut certiore te faciam, quī-
 bus in locis futurus sim: epistolamq; statim des de ijs

rebus, de quibus ad te scripsi: ualde enim expecto literas tuas. Vale.

CICERO ATTICO S.

QVOD tibi superioribus literis promiseram, fore, ut opus extaret huius peregrinationis: nihil iam magno-
pere confirmo: sic enim sum complexus otium, ut ab eo diuelli non queam. itaque aut libris me delecto, quorum habeo Antij festiuam copiam: aut fluctus numero: nam ad lacertas captandas tempestates nō sunt idoneæ. a scribendo prorsus abhorret animus: etiam γεωγραφικὴ, quæ constitueram, magnum opus est: ita ualde Eratosthenes, quæ mihi proposueram, a Serapione, & ab Hipparcho reprehenditur. quid censes, si Tyrannio accesserit? & hercule sunt res difficiles ad explicandū, & ὁμοειδῆς: nec tā possunt ἀνδρογενεῖσθαι, q̄ uidebatur: et, quod caput est, mihi quæuis satis iusta causa cessandi est. quin etiā dubitē, an hic Antij cōsidā, et hoc tēpus omne cōsumā: ubi quidē ego mallē diu nimirū, q̄ Romæ fuisse. tu uero sapientior Buthroti domū parastis. sed, mihi crede, proxima est illi municipio hæc Antiatū ciuitas. esse locū tam propē Romā, ubi multi sint, qui Vatiniū nunquā uiderint? ubi nemo sit, præter me, qui quenquam ex uiginti uiris unū esse saluū uelit? ubi me interpellat nemo, diligāt omnes? hic, hic nimirū πολιτοῦτέον: nam istic nō solū nō licet, sed etiā tædet. itaque ἀνέκδοτα à nobis, quæ tibi uni legamus, Theopōpino genere, aut etiā asperiore multo p̄igentur. neq; aliud iā quidquā πολιτοῦσαι, nisi odisse improbos, et id ipsū nullo cū stomacho, sed potius cū aliqua scribēdi uoluptate. Sed ut ad rē, scri-

D iij

psi ad Quæstores urb. de Quinti fratris negotio . uide
quid narrent, ecquæ spes sit denarij, an cistophoro Pom-
peiano iaceamus . Præterea de muro, statue, quid fa-
ciendum sit . aliud quid ? etiam . quando te proficisci
istinc putes, fac, ut sciam. Vale .

CICERO ATTICO S. 7.

DE GEOGRAPHIA etiã atque etiã delibe-
rabimus . Orationes à me autem duas postulas: qua-
rum alteram non libebat mihi scribere, quia abscederã ;
alteram, ne laudarem eum, quem non amabam . sed id
quoque uidebimus . denique aliquid extabit, ne tibi pla-
ne cessasse uideamur . De Publio quæ ad me scribis,
sanè mihi iucunda sunt: eaque etiam uelim omnibus ue-
ligijs indagata ad me afferas, cum uenies ; & interea
scribas, si quid intelliges, aut suspicabere, & maxime
de legatione quid sit acturus. equidem ante, quàm tuas
legi literas, in hominem ire cupiebam ; non mehercule
ut differrem cum eo uadimonium, nam mira sum ala-
critate ad litigandum ; sed uidebatur mihi, si quid esset
in eo popolare quoddam plebeius factus esset, id amissu-
rus : quid enim ? ad plebem transsiti, ut Tigranem ires
salutatũ ? narra mihi, Reges Armenij patritios saluta-
re non solent ? quid quæris ? acueram me ad exagitan-
dam hanc eius legationem . quam si ille contemnit, &
si, ut scribis, bilem id commouet & latoribus, & au-
spicibus legis curiatae : spectaculum egregium . hercu-
le, uerum ut loquamur, subcontumeliose tractatur no-
ster Publius : primum qui, cum in domo Caesaris quon-

dam unus uir fuerit, nunc ne in uiginti quidem esse po-
 tuerit : deinde alia legatio dicta erat, alia data est : illa
 opima ad exigendas pecunias Druso : ut opinor, Pisan-
 rensis nebuloni Vatinio reservatur : hæc ieiuna, ac bel-
 la relegatio datur ei, cuius Tribunatus ad istorum tem-
 pora reservatur . incende hominem, amabo te , quoad
 potes . una spes est salutis, istorum inter istos dissensio.
 cuius ego quædā initia sensi ex Curione . iam uero Ar-
 rius Consulatum sibi ereptum fremit . Megabocchus, &
 hæc sanguinaria iuuentus inimicissima est . accedat ue-
 ro, accedat etiam ista rixa Auguratus . spero me præ-
 claras de istis rebus epistolas ad te sæpe missurum . sed ,
 illud quid sit, scire cupio, quod iacis obscure , iam etiam
 ex ipsis Quinque uiris loqui quosdam . quidnā id est ?
 si est enim aliquid , plus est boni , quā putaram . at-
 que hæc sic uelim existimes non me abs te κῆρὰ τὸ πᾶν
 κτῆδόν , querere , quod gestiat animus aliquid agere in
 Rep. iam pridem gubernare me tædebat , etiam cum
 licebat . nunc uero , cum cogar exire de nauī, non ab-
 iectis , sed ereptis gubernaculis , cupio istorum naufra-
 gia ex terra intueri ; cupio , ut ait tuus amicus Sopho-
 cles , καὶ ὑπὸ στέγῃ Πικρὰς ἀκοῦσαι τεκνῶδες εὐδουσι
 φρενί . De muro, quid opus sit, uidebis . Castritianum
 mendū nos corrigemus & tamē ad me Quintus C L O
 C C L O L O O scripserat, non ad sororem tuam
 H S X X X . Terentia tibi salutem dicit . Cice-
 ro tibi mandat , ut Aristodemo idem de se respondeas ,
 quod de fratre suo sororis tuæ filio respondisti . De
 Amalthea quod me admones , non negligemus . Cu-
 ra , ut ualeas .

EPISTOLAM cū à te auide expectare ad uesperum, ut soleo, ecce tibi nuncius, pueros uenisse Roma. uoco, quæro, ecquid literarum? negant. quid ais, inquā, nihil ne à Pomponio? perterriti uoce, & uultu, confessi sunt se accepisse, sed excidisse in uia. quid quæris? per moleste tuli: nulla enim abs te per hos dies epistola inanis aliqua re utili, & suauī. nunc, si quid in ea epistola, quam ante diem XVI. Cal. Maij dedisti, fuit historia dignum, scribe quamprimum, ne ignoremus: sin nihil præter iocationem, redde id ipsum. & scito Curionem adolescentem uenisse ad me salutatū. ualde eius sermo de Publio cum tuis literis congruebat. ipse uero mirandum in modum Reges odisse superbos. peræque narrabat incensam esse iuuentutem, neque hæc ferre posse. bene habemus. nos, si in his spes est, opinor aliud agamus. Ego me do historiæ. quanquā licet me sauseium putes esse. nihil me est inertius. Sed cognosce itinera nostra, ut statuas, ubi nos uisurus sis. In Formianum uolumus uenire Parilibus: inde, (quoniam putas prætermittendum nobis esse hoc tempore cratera illum delicatum) Cal. Maij de Formiano proficiscemur, ut Antijsimus ad V. Non. Maij: ludi enim Antijs futuri sunt à IIII. Cal. ad prid. Non. Maij: eos Tullia spectare uult. inde cogito in Tusculanum, deinde Arpinum, Romam ad Cal. Iun. te aut in Formiano, aut Antijs, aut in Tusculano, cura, ut uideamus. Epistolam superiorem restitue nobis, & appinge aliquid noui. Vale.

SVBITO cū mihi dixisset Cæcilius Quæstor puerum se Romā mittere, hæc scripsi raptim, ut tuos elicerē mirificos cum Publio dialogos, cum eos, de quibus scribis, tum illum, quem addis, & ais, longum esse, quæ ad ea responderis, perscribere; illum uero, qui nondum habitus est, quem illa βοῶντις, cum è Solonio redierit, ad te est relatura. sic uelim putes, nihil hoc posse mihi esse incundius. si uero quæ de me pacta sunt, ea non seruantur, in cælo sum, ut sciat hic noster Hierosolymarius traductor ad plebem, quā bonā meis putissimis orationibus gratiam retulerit: quarum expecta diuinam παλινοδία: etenim, quantum coniectura auguramur, si erit nebulo iste cum his dynastis ingratiā, non modo de Cynico cōsulari, sed ne de istis quidem piscinarum Tritonibus poterit se iactare: non enim poterimus ulla esse in inuidia spoliati opibus, & illa senatoria potentia. sin autem ab ijs dissentiet, erit absurdum in nos inuehi. uerūtamen inuehatur. festiue, mihi crede, & minore sonitu, quā putaram, orbis hic in Rep. est conuersus: citius omnino, quā potuit: id culpa Catonis, sed rursus improbitate istorum, qui auspicia, qui Aeliam legem, qui Iuniam, & Liciniam, qui Cæciliam, & Didiam neglexerunt; qui omnia re media Reip. effuderunt; qui regna, qui prædia tetrarchis, qui immane pecunias paucis dederunt. uideo iam, quid inuidia transeat, & ubi sit habitura. nihil me exstimaris neque usu, neque à Theophrasto didicisse, nisi breui tempore, desiderari nostra illa tempora, uideris.

LIB. II. EPIST.

etenim si fuit inuidiosa senatus potentia; cum ea nō ad
populum, sed ad tres homines immoderatos redacta
sit, quidnam censes fore? proinde isti licet faciant, quos
uolent, Consules, Tribunos pl. deniq; etiam Vatiniū stru-
mam sacerdotū διαφω uestiant. uidebis breui tempo-
re magnos non modo eos, qui nihil titubarunt, sed etiā
illum ipsum, qui peccauit, Catonem. nam nos quidem,
si per istum tuū sodalem Publium licebit, σοφιστεῖν
cogitamus: si ille cogitat, tantum duntaxat nos defen-
dere, & quod est proprium artis huius, επαγγέλλομαι
ἀνδρὰ ἀπαμύνεσθαι ὅτε τις πρότερος χαλεπήνῃ. patria
propitia sit: habet à nobis etiam si non plus, quā de-
bitū est, plus certe, quā postulatiū est. male uehi malo
alio gubernāte, quā tam ingratīs uectoribus bene gu-
bernare. sed hāc corā commodius. nunc audi, quod
queris. Antiū me ex Formiano recipere cogito ad V.
Non. Maias. Antio uolo Non. Maijs proficisci in Tuscu-
lanū. sed cū ē Formiano rediero (ibi esse uolo usq; ad
prid. Cal. Maias) faciam statim te certiore. Terētia
tibi salutē. Κικέρων ὁ μικρὸς ἀπαίζεται Τίτον Αθηνῶν.

CICERO ATTICO S.

10

V O L O ames constantiam meam. ludos Antijs spe-
ctare nō pascet: est enim υποσολοικον, cum uelim uitare
omnium deliciarum suspicionem, repente ἀναφάινεσθαι
nō solū delicate, sed etiā inepte peregrinantē. quare usq;
ad Nō. Mai. te in Formiano expectabo. nūc fac, ut sciā,
quo die te uisuri simus. Ab Appij Foro hora quarta:
dederam aliam paulo ante à Tribus Tabernis. Vale.

CICERO ATTICO S. 11

NARRO tibi: plane relegatus mihi uideor, posteaquā in Formiano sum: dies enim nullus erat, Antij cū essem, quo die non melius scirem Romæ quid ageretur, quā iij, qui erant Romæ: etenim literæ tuæ, non solum quid Romæ, sed etiam quid in repub. neque solum quid fieret, uerum etiam quid futurum esset, indicabant. nunc, nisi si quid ex prætereunte uiatore exceptum est, scire nihil possumus. quare quanquam iam te ipsum expecto, tamen isti puero, quem ad me statim iussi recurrere, da ponderosam aliquam epistolam, plenam omnium non modo actorum, sed etiam opinionum tuarum: ac diem, quo Roma sis exiturus, cura ut sciam.

Nos in Formiano esse uolumus usque ad prid. Non. Maias. ed si ante eam diem non ueneris, Romæ te fortasse uidebo. nam Arpinum quid ego te inuitem? Τειχεῖ ἀλλ' ἀγαθὴν κουροτρόφον οὐτὶ ἐγὼ γε ἥς γαίης δῶαμαι γλυκερῶτερον ἄλλο ἰδέσθαι. hæc igitur. Cura ut ualeas.

CICERO ATTICO S. 12

NEGENT illi Publium Trib. pl. factū esse. hoc uero regnum esse, ferri nullo pacto potest. emittat ad me Publius, qui obsignent. iurabo, Cneum nostrum, collegam Balbi, Antij mihi narraſſe, in auspicio fuisse. d suaues epistolas tuas uno tempore mihi datas duas: quibus δὲ ἀγγέλια quæ reddam, nescio, deberi quidem plane fateor. sed uide συγκύημα. emerſeram com=

LIB. II. EPIST.

mode ex Antio in Appiam ad Treis Tabernas, ipsis Ce=
realibus, cum in me incurrit Roma ueniēs Curio meus.
ibidem illico puer abs te cum epistolis. ille ex me, nihil
ne audissem noui? ego negare. Publius, inquit, Tribu=
natum pl. petit. quid ais? & inimicissimus quidem Cæ=
saris, & ut omnia, inquit, ista rescindat. quid Cæsar, in=
quam? negat se quidquam de illius adoptione tulisse. de=
inde suum, Memmij, Metelli Nepotis exprompsit odium.
complexus iuuenem dimisi, properans ad epistolas. ubi
sunt, qui aiunt ῥῶσθς φωνῆς μέλῳ ἐνέσχεσαν εἶναι? quanto
magis uidi ex tuis literis, quā ex illius sermone, quid a=
geretur, de ruminatione quotidiana, de cogitatione Pu=
blii, de lituis βοῶνδῳ, de signifero Athenione, de lite=
ris missis ad Cneum, de Theophanis, Memmijq; sermo=
ne. quantam porro mihi expectationem dedisti conuiuij
istijs ἀσπαρῶς? sum in curiositate ὀξύπενδῳ: sed ta=
men facile patior te id ad me συμπόσιον non scribere:
praesentem audire malo. Quod me, ut scribam ali=
quid, hortaris: crescit mihi quidem materies, ut di=
cis: sed tota res etiam nunc fluctuat: κατὰ ὁπῶρην τρα=
χὺς: quæ si defederit, magis erunt iudicata, quæ scribam:
quæ si statim à me ferre non potueris, primus habebis
tamen, & aliquandiu solus. Dicaearchum recte amas:
luculentus homo est, & ciuis haud paulo melior, quā
isti nostri ἀδικόαρχοι. Literas scripsi hora decima Ce=
realibus, statim, ut tuas legeram: sed eas eram daturus,
ut putaram, p̄stridie ei, qui mihi primus obuiam uenise=
set. Terentia delectata est tuis literis, & impertit tibi
multum salutis: καὶ Κικέρων ὁ φιλόσοφῳ τὸν πολιτικὸν
Τίτον ἀπαύχεται.

CICERO ATTICO S.

19

FACINVS indignū: epistolā ἀνταπεῖ tibi à Tri-
bus Tabernis rescriptā ad tuas suauissimas epistolas ne-
minē reddidisse? at scito eum fasciculum, quod illam con-
ieceram, domū eo ipso die latum esse, quo ego dederam,
et ad me in Formianum relatum esse. itaque tibi tuam
epistolā iussi referri, ex qua intelligeres, quā mihi tū il-
læ grata fuissent. Romæ quod scribis sileri: ita putabā:
at hercule in agris non siletur: nec iam ipsi agri regnū
uestrum ferre possunt. si uero in hanc τηλεπῆλον ueneris
λαϊστρυγόνην, (Formias dico) qui fremitus hominū? quā
irati animi? quāto in odio noster amicus Magnus? cuius
cognomen unā cum Crassi Diuitis cognomine consene-
scit. credas mihi uelim: neminem adhuc offendi, qui hæc
tam lente, quā ego fero, ferret. quare, mihi crede, φιλο-
σοφῶμεν. iuratus tibi possum dicere, nihil esse tanti.
Tu si literas ad Sicyonios habes, aduola in Formianum:
unde nos prid. Non. Maij cogitamus. Vale.

CICERO ATTICO S.

14

QUANTAM tu mihi moues expectationem de
sermone Bibuli? quantam de colloquio βοώπιδος? quan-
tam etiam de illo delicato conuiuio? proinde ita fac
uenias ad sitientes aures. quanquam nihil est iam,
quod magis timendum nobis putem, quā ne ille
noster Sampsicramus, cum se omnium sermonibus
sentiet uapulare, et cum has actiones ἀναντρεῖπ vs

LIB. I. EPIST.

uidebit, uere incipiat. ego autem usque eò sum eneruatus, ut hoc otio, quo nunc tabescimus, malim *ἐν τῷ ὄργῳ* *ἢ ἐν τῇ ἀσθενείᾳ*, quàm optima spe dimicare. De pangendo quod me crebro adhortaris, fieri nihil potest. basilicā habeo, nō uillam, frequentia Formianorum. at comparem basilicā? tribum Aemiliam. sed omitto uulgus: post horam quartam molesti ceteri non sunt: C. Arrius proximus est uicinus, immo ille quidem iam cōtubernalis, qui etiā se idcirco Romā ire negat, ut hic mecum totos dies philosophetur. ecce ex altera parte Sebosus ille Catuli familiaris. quò me uertam? statim mehercule Arpinum irem, nī te in Formiano commodissime expectari uiderem, duntaxat ad prid. Non. Mai. uide enim quibus hominibus aures sint deditæ meæ. occasionem mirificam, si quis nunc, dum hi apud me sunt, emere de me fundū
* Formianum uelit. & tamen illud probem. magnum quid aggrediamur, & multæ cogitationis, atque otij: sed tamen satisfiet à nobis, neque parceretur labori. Vale.

CICERO ATTICO S.

UT SCRIBIS, ita uideo, non minus incerta in rep. quàm in epistola tua. sed tamen ista ipsa me uarietas sermonū, opinionumq; delectat: Romæ enim uideor esse, cum tuas literas lego, & ut fit in tantis rebus, modo hoc, modo illud audire. illud tamen explicare non possum, quidnam inueniri possit, nullo recusante, ad facultatem agrariam. Bibuli autem ista magnitudo animi in comitiorum dilatione, quid habet nisi ipsius iudicium sine ulla correctione reip? nimirum in Publio spes est.
fat,

fiat, fiat Tribunus plebis: si nihil aliud, ut eo citius tu ex
 Epeiro reuertare: nam, ut illo tu careas, non uideo posse
 fieri, praesertim si mecum aliquid uolet disputare. sed id
 quidem non dubium est, quin, si quid erit eiusmodi, sis
 aduolaturus. uerum ut hoc non sit, tamen seruet remp.
 praeclarum spectaculum mihi propono, modo te conse-
 fore spectare liceat, cum hac maxime scriberem, ecce tibi
 Sebosus. nondum plane ingemueram, salue, inquit,
 Arrius. hoc est Roma decedere? quos ego homines es-
 fugi, cum in hos incidi? ego uero in montes patrios, &
 ad incunabula nostra pergam. denique si solus non po-
 tuero, cum rusticis potius, quam cum his perurbanis, ita
 tamen, ut, quoniam tu certi nihil scribis, in Formiano tibi
 praestoler usque ad III. Non. Maias. Terentia per-
 grata est assiduitas tua, & diligentia in controuersia
 Muluiana. nescit omnino te comune causam defendere
 eorum, qui agros publicos possideant. sed tamen tu aliquid
 publicanis pendis: hac etiam id recusat. ea tibi igitur, &
 Κικέρων ἀγιστοῦ καὶ τιμωτάτου πατρὸς salutem dicunt.

CICERO ATTICO S. 16

COENATO mihi, & iam dormitanti prid. Cal.
 Maias epistola est illa reddita, in qua de agro Campano
 scribis. quid quaeris? primum ita me pupugit, ut somnum
 mihi ademerit, sed id cogitatione magis, quam mole-
 stia. cogitanti autem hac ferè succurrebant. primum
 ex eo, quod superioribus literis scripseras ex familia
 ri te illius audisse, prolatum iri aliquid, quod nemo im-
 probaret, maius aliquid timueram: hoc mihi eiusmodi

F

LIB. II. EPIST.

non uidebatur. deinde, ut me ego consoletur, omnis expectatio largitionis agrariae in agrum Campanum uidetur esse derivata. qui ager, ut dena iugera sint, non amplius hominum quinque millia potest sustinere. reliqua omnis multitudo ab illis abalienetur, necesse est. praeterea, si ulla res est, quae bonorum animos, quos iam uideo esse commotos, uehementius possit incendere, haec certe est, et eo magis, quod portorij Italiae sublati, agro Campano diuiso, quod uectigal superest domesticum, praeter uicesimam? quae mihi uidetur una conciuncula, clamore pedisequorum nostrorum esse peritura. Cneus quidem noster iam planè quid cogitet, nescio. φυσᾶ καὶ οὐ σπικροῖσιν αὐλίσκοις ἐτι, ἀλλ' ἀγρίαὺς φύσαισι φοβέας ἄτες, qui quidem etiam istuc adduci potuerit. nam adhuc hoc ἐσοφίζετο, se leges Caesaris probare, actiones ipsum praestare debere: agrariam legem sibi placuisse; potuerit intercedi, nec ne, nihil ad se pertinere: de Rege Alexandrino placuisse sibi aliquando confici; Bibulus de caelo tum seruasset, nec ne, sibi quaerendum non fuisse: de publicanis, uoluisse illi ordini commodare; quidquid futurum fuerit, si Bibulus tum in forum descendisset, se diuinare non potuisse. nunc uero Sampsicera me quid dices? uectigal te nobis in monte Antilibano constituisse, agri Campani abstulisse? quid, hoc quemadmodum obtinebis? oppressos uos, inquit, tenebo exercitu Caesaris: non mehercule me tu quidem tam isto exercitu, quam ingratis animis eorum hominum, qui appellantur boni: qui mihi non modo praemiorum, sed ne sermonum quidem unquam fructum ullum, aut gratiam retulerunt. quod si in eam me partem incitarem, profecto

iam aliquam reperirem resistendi uiam. nunc prorsus
 hoc statui, ut, quoniam tanta controuersia est Dicæar-
 cho familiari tuo cum Theophrasto amico meo, ut ille
 tuus τὸν πρακτικὸν βίον longe omnibus anteponat, hic
 autem τὸν θεωρητικὸν, utrique à me mos gestus esse ui-
 deatur: puto enim me Dicæarcho affatim satisfacisse:
 respicio nunc ad hanc familiam, quæ mihi non modo,
 ut requiescam, permittit, sed reprehendit, quia non sem-
 per quierim. quare incumbamus ò noster Tite ad illa
 præclara studia, & ed, unde discedere non oportuit,
 aliquando reuertamur. Quod de Quinti fratris epi-
 stola scribis, ad me quoque fuit πρὸς δὲ λέων, ὁ πῶθεν δέ.
 quid dicam, nescio: nam ita deplorat primis uersibus
 mansionem suam, ut quemuis mouere possit: ita rursus
 remittit, ut me roget, ut annales suos emendem, &
 edam. illud tamen, quod scribit, animaduertas ue-
 lim, de portorio circumuectionis. ait se de consilij
 sententia rem ad senatum reiecisse. non dum uidelicet
 meas literas legerat; quibus ad eum, re consulta, & ex-
 plorata, perscripseram, non deberi. uelim, si qui Græci
 iam Romam ex Asia de ea causa uenerunt, uideas, &
 si tibi uidebitur, ijs demonstrares, quid ego de ea re sen-
 tiam. si possum discedere, ne causa optima in senatu pe-
 reat, ego satisfaciam publicanis: εἰ δὲ μὴ, (uere tecum lo-
 quar, in hac re malo uniuersæ Asiæ, & negotiatoribus:
 nam eorum quoque uehementer interest. hoc ego sentio
 ualde nobis opus esse. sed tu id uidebis. Quæstores au-
 tem, quæso, nūc etiā de cistophoro dubitat? nā si aliud ni-
 hil erit, cum erimus omnia experti, ego illud ne quidem
 contemnā, quod extremum est. Te in Arpinati uidebi-

LIB. II. EPIST.

mus, & hospitio agresti accipiemus, quoniam maritimum hoc contempsisti. Vale.

CICERO ATTICO S.

17

PRORSVS, ut scribis, ita sentio. turbatur Sampsiceramus. nihil est, quod non timendum sit. ὁμολογούμενος τυραννίδας συσχεύεται: quid enim ista repentina affinitatis coniunctio, quid ager Campanus, quid effusio pecuniae significant? quae si essent extrema, tamen esset nimium mali: sed ea natura rei est, ut haec extrema esse non possint: quid enim eos haec ipsa per se delectare possunt? nunquam huc uenissent, nisi ad alias res pestiferas aditus sibi compararent. Dii immortales. uerum, ut scribis, haec in Arpinati ad VI. circiter Id. Maias non deflebimus, ne & opera, & oleum philologiae nostrae perierit, sed conferemus tranquillo animo. neque tam me ὀδύνη consolatur, ut antea, quam ἀδιαφορία, qua nulla in re tam utor, quam in hac ciuili, & publica. quin etiam, quod est subinane in nobis, & non ἀφιλόδοτον, (bellum est enim sua uitia nosse) id afficitur quadam delectatione: solebat enim me pun gere, ne Sampsicerami merita in patriam ad annos DC maiora uiderentur, quam nostra. hac quidem cura certe iam uacuu sum: iacet enim ille sic
 * ut Phocis Curiana stare uideatur. sed haec coram. tu tamen uideris mihi Romae fore ad nostrum aduentum. quod sanè facile patiar, si tuo commodo fieri possit. sin, ut scribis, ita uenies: uelim è Theophane expiscere, quonam in me animo sit Arabarches. quæres scilicet

κατὰ τὸ κηδεμονικόν, & ad me ab eo quasi ὑποθήκας
 afferes, quemadmodum me geram. aliquid ex eius ser-
 mone poterimus περὶ τῶν ὅλων suspicari. Vale.

CICERO ATTICO S. 18

ACCEPI aliquot epistolas tuas: ex quibus intelle-
 xi, quàm suspense animo, & sollicito scire aueres, quid
 esset noui. tenemur undique, neque iā quo minus ser-
 uiamus, recusamus, sed mortem, & electionem, quasi
 maiora, timemus; quæ multo sunt minora. atque hic
 status, qui una uoce omnium gemitur, neque uerbo cuius-
 quam subleuatur, σκοπός est, ut suspicor, illis, qui ti-
 ment ullam cuiusquam largitionem relinquere. unus
 loquitur, & palam aduersatur adolescens Curio. huic
 plausus maximi, consalutatio forensis perhonorifica, si-
 gna præterea beneuolentiæ permulta à bonis impertiun-
 tur. Fusum clamoribus, & conuiuijs, & sibilis conse-
 ctantur. his ex rebus non spes, sed dolor est maior, cū
 uideas ciuitatis uoluntatem solutam, uirtutem alliga-
 tam. ac, ne forte quæras κατὰ λεπτόν de singulis re-
 bus, uniuersa res est ed deducta, spes ut nulla sit, ali-
 quando non modo priuatos, uerum etiam magistratus
 liberos fore. attamen in oppressione sermo in circulis
 duntaxat, & in conuiuijs est liberior, quàm fuit. uin-
 cere incipit timorem dolor, sed ita, ut omnia sint ple-
 nissima desperationis. habet etiam Campana lex exes-
 crationem in coitione candidatorum, si mentionem fe-
 cerint, quo aliter ager possideatur, atq; ut ex legibus Iu-
 lijs. non dubitant iurare ceteri. Laterēsis existimatur

E iij

LIB. II. EPIST.

recte fecisse, q̄ Tribunatum pl. petere destitit, ne iuraret. sed de Rep. nō libet plura scribere. Displiceo mihi, nec sine summo scribo dolore. me tueor, ut oppressis omnibus, non demisse; ut tantis rebus gestis, parū fortiter. à Cæsare ualde liberaliter inuitor in legationem illam, sibi ut sim legatus: atque etiam libera legatio uoti causa datur. sed hæc et præsidij apud furorē Pulchelli non habet satis, & à fratris aduētu me ablegat: illa & munitior est, & non impedit, quo minus adsim, cū uelim. & hæc ego teneo, sed usurū me nō puto. neq; tamen scit quisquam. nō libet fugere. aueo pugnare. magna sunt hominū studia. sed nihil affirmo. tu hæc silebis. De Statio manumisso, & non nullis alijs rebus angor equidem, sed iā prorsus occallui. tu, uellē ego, & cuperem, adesses. nec mihi consilium, nec consolatio deesset. sed ita te para, ut, si in clamaro, aduoles. Vale.

CICERO ATTICO S.

MULTA me sollicitant, & ex Reip. tanto motu, & ex ijs periculis, quæ mihi ipsi intenduntur: et sexcenta sunt: sed mihi nil est molestius, quàm Statum manumissum. nec meum imperium, ac mitto imperium, nō similitatem meam reuereri saltem? nec quid faciam, scio: neque tantū est in re, quantus est sermo. ego autem ne irasci quidem possum ijs, quos ualde amo. tantū doleo, ac mirifice quidem. cætera in magnis rebus, minæ Clodij, contentionesq; , quæ mihi proponuntur, modice me tangunt: etenim uel subire eas uideor. mihi summa cum dignitate, uel declinare nulla cum mo-

lestia posse. dices fortasse, dignitatis ἀλὶς tanquam
 δ'ευός: saluti si me amas, consule. me miserum, cur
 non ades? nihil te profecto prateriret. ego fortasse
 τυφλώπῳ, & nimium τῷ καλῷ προσέπονθα. scito ni-
 hil unquam fuisse tam infame, tam turpe, tam peræque
 omnibus generibus, ordinibus, ætatibus offensum, quàm
 hunc statum, qui nūc est, magis mehercule, quàm uel
 lem, non modo quàm putaram. populares isti iam etiā
 modestos homines sibilare docuerūt. Bibulus in calo-
 est: nec, quare, scio: sed ita laudatur, quasi unus homo
 nobis cunctādo restituit rem. Pompeius, nostri amo-
 res, quod mihi summo dolori est, ipse se afflixit: neminē
 tenet: uolūtate, an metu necesse sit ijs uti, uereor. Ego
 autem neque pugno cū illa causa propter illam amici-
 tiā: neque approbo, ne omnia improbem, quæ antea ges-
 si. utor uia. populi sensus maxime in theatro, et specta-
 culis perspectus est: nam gladiatoribus quā dominus,
 quā aduocati sibilis conscijs: ludis Apollinaribus Diph-
 lus tragædus in nostrū Pompeium petulanter inuectus
 est. Nostra miseria tu es Magnus. millies coactus est
 dicere eadem. Virtutem istam, ueniet tempus, cū gra-
 uiter gemes: totius theatri clamore dixit, itēq; cætera:
 nam & eiusmodi sunt ij uersus, uti in tempus ab inimi-
 co Pompeij scripti esse uideantur. Si neque leges, ne-
 que mores cogunt, & cætera magno cum fremitu, &
 clamore sunt dicta. Cæsar cum uenisset mortuo plau-
 su, Curio filius est infecutus. huic ita plausum est, ut sal-
 ua Rep. Pōpeio plaudi solebat. tulit Cæsar grauiter. li-
 teræ Capuam ad Pompeium uolare dicebātur, inimicā
 erant equitibus, qui Curioni stantes plauserant, hostes

omnibus: Roscia legi, etiam frumentaria minitabatur. sanè res erat perturbata. equidem malueram, quod erat susceptum ab illis, silentio transiri: sed uereor, ne nō liceat. non ferunt homines, quod uidetur esse tamen ferendum. sed est iam una uox omnium magis odio firmata, quàm praesidio. Noster autem Publius mihi minitatur, inimicus est. impēdet negotium: ad quod tu scilicet aduolabis. uideor mihi nostrum illum consularē exercitum bonorum omnium, etiam satis bonorum, habere firmissimum. Pompeius significat studium erga me non mediocre. idem affirmat, uerbum de me illum non esse facturum. in quo non me ille fallit, sed ipse fallitur.

Cosconio mortuo, sum in eius locum inuitatus. id erat uocari in locum mortui. nil me turpius apud homines fuisset: neque uero ad istam ipsam ἀσφάλειαν quidquā alienius: sunt enim illi apud bonos inuidiosi: ego apud improbos meam retinuissem inuidiā, alienam assumpsissem. Caesar me sibi uellet esse legatū. honestior hāc declinatio periculi. sed ego hoc non repudio. quid ergo est? pugnare malo: nihil tamē certi. iterum dico, utinam adesses: sed tamen, si erit necesse, arcessemus. quid aliud? quid? hoc, opinor, certi sumus perisse omnia: quid enim ἀκυρόμεθα tandiu? sed hāc scripsi properans, & mehercule timide. posthac ad te aut, si perfidelem habebo, cui dem, scribam plane omnia: aut, si obscure scribam, tu tamē intelliges. in his epistolis me Lælium, te Furium faciam. cætera erunt ἐν ἀντιγραφῇ.

Hic Cæciliū colimus, et obseruamus diligenter. Edi Fla Bibuli audio ad te missa. ijs ardet dolore, & ira
noster Pompeius Vale.

ANICATO, ut te uelle intellexeram, nullo loco defui. Numestium, ex literis tuis studiose scriptis, libenter in amicitiam recepi. Cæciliū quibus rebus possum tueor diligēter. Varro satisfacit nobis: Pompeius amat nos, carosq; habet. credis? inquires. credo: prorsus mihi persuadet. sed quia, ut uideo, pragmatici homines omnibus historicis præceptis, uersibus denique cauere iubēt, & uetant credere: alterū facio, ut caueā: alterum, ut non credam, facere nō possum. Clodius adhuc mihi denunciat periculum. Pompeius affirmat, non esse periculum; adiurat: addit etiam, se prius occisum iri ab eo, quā me uiolatum iri. tractatur res. simul quid erit certi, scribam ad te. si erit pugnandum, arcessam ad societatem laboris: si quies dabitur, ab Amalthea te non commonebo. De Rep. breuiter ad te scribam: iam enim, charta ipsa ne nos prodat, pertimesco. itaque posthac, si erunt mihi plura ad te scribenda, ἀλλήγοις obscurabo. nunc quidem nouo quodam morbo ciuitas moritur; ut, cum omnes ea, quæ sunt acta, impro bent, querantur, doleāt, uarietas in re nulla sit, aperteq; loquantur, & iam clare gemant; tamē medicina nulli afferatur: neq; enim resisti sine internecione posse arbitramur: nec uidemus, qui finis cedendi, præter exitium, futurus sit. Bibulus hominum admiratione, & beneuolentia in cælo est. edicta eius, & conciones describūt, & legunt. nouo quodam genere in summam gloriam uenit. populare nunc nil tam est, quā odium popularium. hæc quod sint eruptura, timeo. sed, si dispicere

LIB. II. EPIST.

quid cœpero, scribam ad tu apertius. tu, si me amas tantum, quantum profecto amas; expeditus facito ut sis; si in clamaro, ut accurras. sed do operam, & dabo, ne sit necesse. Quod scripseram, te Furium scripturum: nil necesse est tuum nomen mutare. me faciam Leliū, & te Atticum, neque utar meo chirographo, neque signo, si modo erunt eiusmodi literæ, quas in alienum incidere nolim. Diodorus mortuus est: reliquit nobis HS fortasse centies. Comitia Bibulus cum Archilochio edicto in ante diem XV. Cal. Nov. distulit. A Vibio libros accepi. poeta ineptus: nec tamen scit nihil, & est non inutilis. describo, & remitto. Vale.

CICERO ATTICO S.

DE Rep. quid ego tibi subtiliter? tota periit: atq; hoc est miserior, quàm reliquisti, quodd tū uidebatur eiusmodi dominatio ciuitatem oppressisse, quæ iucunda esset multitudini, bonis autem ita molesta, ut tamen sine perniciē: nunc repente tanto in odio est omnibus, ut, quorsum eruptura sit, horreamus. nam iracundiam, atque intemperatiam illorum sumus experti, qui Catoni irati, omnia perdiderunt. sed ita lenibus uti uidebantur uenenis, ut posse uideremur sine dolore interire. nunc uero sibilis uulgi, sermonibus honestorum, fremitu Italiæ, uereor, ne exarserint. equidem sperabam, ut sæpe etiam loqui tecum solebam, sic orbem Reip. esse conuersum, ut uix sonitum audire, uix impressam orbitam uidere possemus: & fuisset, si homines transitum tempestatis expectare potuissent: sed

cum diu occulte suspirassent, postea iam gemere, ad
 extremum uero loqui omnes, & clamare coeperunt.
 itaque ille amicus noster insolens infamiae, semper in
 laude uersatus, circumfluens gloria, deformatus cor-
 pore, fractus animo, quod se conferat, nescit: progres-
 sum praecipitem incōstantem reditum uidet: bonos ini-
 micos habet, improbos ipsos nō amicos. ac uide mol-
 litiē animi: nō tenui lacrymas, cū illum ante diē V I I I.
 Cal. Sext. uidi de edictis Bibuli concionantem, qui antea
 solitus esset iactare se magnificentissime illo in loco,
 summo cum amore populi, cunctis fauentibus. ut ille
 tum humilis, ut demissus erat: ut ipse etiam sibi, non
 ijs solum, qui aderant, displicebat. d. spectaculum
 uni Crasso iucundum, ceteris non item. nam quia de-
 ciderat ex astris, lapsus potius, quā progressus uide-
 batur. & ut Apelles, si Venerem, aut si Protogenes las-
 lysum illum suum cœno oblitum uideret, magnum, cre-
 do, acciperet dolorem: sic ego hunc, omnibus à me pi-
 etum, & politum artis coloribus, subito deformatum
 non sine magno dolore uidi. quanquam nemo puta-
 bat propter Clodianum negotium me illi amicum esse
 debere. tamen tantus fuit amor, ut exauriri nulla
 posset iniuria. itaque Archilochia in illum edicta Bi-
 buli populo ita sunt iucunda, ut eum locum, ubi pro-
 ponuntur, pra multitudine eorum, qui legunt, trāsire
 nequeamus; ipsi ita acerba, ut tabescat dolore; mihi
 mehercule molesta, q̄ et eū, quem semper dilexi, nimis
 excruciant; & timeo, tam uehemēs uir, tamq̄ acer in
 ferro, et tā insuetus contumeliae ne omni animi impetu
 dolori, et iracundiae pareat. Bibuli qui sit exitus futurus,

LIB. II. EPIST.

nescio . ut nunc res se habet , admirabili gloria est . qui cum comitia in mēsem Oct. distulisset ; ꝓ solet ea res populi uoluntatem offendere , putarat Cæsar oratione sua posse impelli cōcionem , ut iret ad Bibulum . multa cum seditiosissime diceret , uocem exprimere nō potuit . quid quæris ? sentiunt se nullam ullius partis uolūtatem tenere . eo magis uis nobis est timenda . Clodius inimicus est nobis . Pompeius confirmat , eum nil esse facturum contra me . mihi periculosum est credere . ad resistendum me paro . studia spero me summa habiturum omnium ordinum . te cum ego desidero , tum uero res ad tempus illud uocat . plurimum consilij , animi , præsidij denique mihi , si te ad tēpus uidero , accesserit . Varro satis mihi facit . Pompeius loquitur diuinitus . spero nos aut cum summa gloria , aut certe sine molestia esse *+ consequutur* discessuros . Tu , quid agas , quemadmodum te oblectes , quid cum Sicyonijs egeris , ut sciam cura . Vale .

CICERO ATTICO S. 22

QVAM uellem Romæ mansisses : quod egisses profecto , si hæc fore putassemus : nā Pulchellum nostrum facillime teneremus , aut certe , quid esset factururus , scire possemus . nunc se res sic habet . uoluit , furit , nil habet certi , multis denūciat ; quod fors obtulerit , id acturus uidetur . cū uidet , quo sit in odio status hic rerū ; in eos , qui hæc egerunt , impetū factururus uidetur . cum autē rursus opes , & uim exercitus recordatur , cōuertit se in nos . nobis autem ipsis tum uim , tum iudiciū minatur . cum hoc Pōpeius egit , et , ut ad me ipse referebat , (alium

enim habeo neminem testem) uehementer egit, cum diceret, in summa se perfidia, & sceleris infamia fore, si mihi periculum crearetur ab eo, quem ipse armasset, quem plebeium fieri passus esset: sed fidem recepisse sibi & ipsum & Appium de me: hanc si ille non seruaret, ita laturum, ut omnes intelligerent, nihil sibi antiquius amicitia nostra fuisse. hæc, & in eam sententiam cum multa dixisset, aiebat illum primo sanè diu multa contra, ad extremū autem manus dedisse, & affirmasse nil se contra eius uoluntatem esse facturum. sed postea tamen ille non destitit de nobis asperrime loqui. quod si nō faceret, tamen ei nihil crederemus, atque omnia, sicut facimus, pararemus. nūc ita nos gerimus, ut in dies singulos & studia in nos hominum, & opes nostræ augeantur. Rēp. nulla ex parte attingimus. in causis, atque in illa opera nostra forensi, summa industria uersamur. quod egregie non modo ijs, qui uiuuntur opera, sed etiam in uulgus gratum esse sentimus. domus celebratur: occurritur: renouatur memoria Consulatus: studia significantur: in eam spem adducimur, ut nobis ea contentio, quæ impendit, interdum non fugienda uideatur. nunc mihi & consilijs opus est tuis, & amore, & fide. quare aduola. expedita mihi erunt omnia, si te habebo. multa per Varronem nostrum agi possunt, quæ te urgente erunt firmiora: multa ab ipso Publico dici, multa cognosci, quæ tibi occulta esse non poterunt: multa etiam: sed absurdum est singula explicare, cum ego te requiram ad omnia. unum illud tibi persuadeas uelim, omnia mihi fore explicata, si te uidero: sed totum est in eo, si ante, quàm ille ineat magistratum.

LIB. II. EPIST.

puto, Pompeium Crasso urgente, si tu aderis, qui per
 boam & ex ipso intelligere possis, qua fide ab illis aga-
 tur, nos aut sine molestia, aut certe sine errore futuros.
 precibus nostris, & cohortatione non indiges. quid mea
 uoluntas, quid tempus, quid rei magnitudo postulet, in-
 telligis. De rep. nihil habeo ad te scribere, nisi summum
 odium omnium hominum in eos, qui tenent omnia. mu-
 tationis tamen spes nulla. sed quod facile sentias, tædet
 ipsum Pompeium, uehementerq; pœnitet. non provideo
 satis, quem exitum futurum putem. sed certo uidentur
 hæc aliquid eruptura. Libros Alexandri, negligentis ho-
 minis, & non boni poetæ, sed tamen non inutilis, tibi re-
 misi. Numerium Numestium libenter accepi in ami-
 citiam, & hominem grauem, & prudẽtem, & dignum
 tua commendatione cognoui. Vale.

CICERO ATTICO S. 29

N V N Q V A M ante arbitror te epistolam meam
 legisse, nisi mea manu scriptam. ex eo colligere poteris,
 quanta occupatione distinear: nam, cum uacui temporis
 nil haberem, & cum recreandæ uoculæ causa necesse es-
 set mihi ambulare, hæc dictaui ambulans. primum igitur
 illud te scire uolo, Sampsiceramum, nostrum amicum,
 uehementer sui status pœnitere, restituiq; in eum locum
 cupere, ex quo decedit, doloremq; suum impertire nobis,
 & medicinam interdũ aperte quærere, quã ego possum
 inuenire nullam: deinde omnes illius partis auctores, ac
 socios nullo aduersario consensescere: consensionem uni-
 uersorum nec uoluntate, nec sermone maiorem unquam

fuisse. Nos autem (nam id te scire cupere certo scio) publicis consilijs nullis intersumus, totosq; nos ad forensam operam, laboremq; contulimus. ex quo, quod facile intelligi possit, in multa comemoratione earum rerum, quas gessimus, desiderioq; uersamur. sed Boetius noster consanguineus non mediocres terrores iacit, atque denunciat, & Sampsicramo negat, cæteris præ se fert, & ostentat. quam ob rem, si me amas tantum, quantum profecto amas; si dormis, expergiscere; si stas, ingredere; si ingrederis, curre; si curris, aduola. credibile non est, quantum ego in consilijs, & prudentia tua, quodq; maximum est, quantum in amore, & fide ponam. magnitudo rei longam orationem fortasse desiderat: coniunctio uero nostrorum animorum breuitate contenta est. permagni nostra interest, te, si comitijs non potueris, at declarato illo esse Romæ. Cura, ut ualeas.

CICERO ATTICO S.

24

QVAM Numestio literas dedi, sic te ijs euocabam, ut nihil acrius, neque incitatus fieri posset. ad illam celeritatem adde etiam si quid potes. ac ne sis perturbatus: noui enim te; & non ignoro, quam sit amor omnis sollicitus, atque anxius. sed res est, ut spero, non tam exitu molesta, quam aditu. Vectius, ille, ille noster index, Cæsari, ut perspicimus, pollicitus est, sese curaturum, ut in aliquam suspicionem facinoris Curio filius adduceretur. itaque insinuat in familiaritatem adolescentis, & cum eo, ut res indicat, sepe congressus, rem in eum locum dedu-

LIB. II. EPIST.

xit, ut diceret sibi certum esse cum suis servis in Pompeium impetum facere, eumq; occidere. hoc Curio ad patrem detulit, ille ad Pompeium. res delata ad senatum est. introductus Veetius, primo negabat se unquam cum Curione restitisse: neq; id sanè diu: nā statim fidem publicam postulavit. reclamatum est. tum exposuit, manum fuisse iuventutis duce Curione, in qua Paulus initio fuisset, & Cn. Cepio hic Brutus, & Lentulus Flaminis filius conscio patre: postea C. Septimium scribam Bibuli pugionem sibi à Bibulo attulisse. quod totum irrisum est: Veetio pugionem defuisse, nisi ei Consul dedisset. eoq; magis id eiectum est, quod ad III. Id. Maij Bibulus Pompeium fecerat certiore, ut caueret insidias. in quo ei Pompeius gratias egerat. introductus Curio filius, dixit ad ea, quæ Veetius dixerat: maximeq; in eo tum quidem Veetius est reprehensus, quod dixerat adolescentum consilium, ut in foro cum gladiatoribus Gabinij Pompeium adorirentur, in eo principem Paulum fuisse, quem constabat eo tempore in Macedonia fuisse. fit S. C. ut Veetius, quod confessus esset se cum telo fuisse, in uincula conijceretur: qui cum emisisset, contra remp. esse facturum. res erat in ea opinione, ut putarent id esse actum, ut Veetius in foro cum pugione, & item servi eius comprehenderentur cum telis, deinde ille se diceret indicaturum. idq; ita actum esset, nisi Curiones rem ante ad Pompeium detulissent. tum S. C. in cōcione recitatum est. postero autem die Cæsar, is, qui olim, Prator cum esset, Q. Catulum ex inferiore loco iusserat dicere, Veetium in Rostra produxit, eumq; in eo loco constituit, quod Bibulo Cos. aspirare

non

non licere
qui illuc f
nem de o
nominat
precatio
missima
Lucullam
lum, qui
ius doman
no nomina
Cofalis, lib
Brutum op
iam dimissa
disse à Curio
nerum me
apud Crass
erat iudici
cia fore nō
nere sole
dem sum
sus vita ta
missima. m
simi senis
timere pot
me infortu
hoc tempo
animo, et m
gnitatem na
de Clodio i
nevolentiam

non liceret . hic ille omnia, quæ uoluit, de Rep. dixit, ut
qui illuc factus, institutusq; uenisset . primum Cepio=
nem de oratione sua suscipit, quem in senatu acerrime
nominarat : ut appareret, noctem, & nocturnam de=
precationem intercessisse . deinde quos in senatu ne te=
nuissima quidem suspitione attigerat, eos nominauit :
Lucillum, à quo solitum esse ad se mitti C. Fannium, il=
lum, qui in P. Clodium subscripserat : L. Domitium, cu=
ius domum constitutam fuisse, unde eruptio fieret . me
nō nominauit : sed dixit, consularem disertum, uicinum
Cōsulis, sibi dixisse, Ahalam Seruiliū aliquē, aut etiā
Brutum opus esse reperiri . addidit ad extremum, cum
iam dimissa cōcione renocatus à Vatinio fuisset, se au=
disse à Curione, his de rebus consciū esse Pisonem ge=
nerum meum, & M. Laterensem . nunc reus erat
apud Crassum Diuitem de ui, & cum esset damnatus,
erat iudicium postulaturus : quod si impetrasset, iudi=
cia fore uidebantur . ea nos, utpote qui nihil contem=
nere solemus, non pertimescebamus . hominum qui=
dem summa erga nos studia significabantur : sed pror=
sus uitæ tædet : ita sunt omnia omniū miseriarum ple=
nissima . modo cadem timueramus, quam oratio fortis=
simi senis Q. Considij discusserat : ea, quam quotidie
timere potueramus, subito exorta est . quid. quæris? nil
me infortunatius, & Catulo, cum splendore uitæ, tum
hoc tempore . nos tamen in his etiam miserijs erecto
animo, et minime perturbato sumus, honestissimeq; di=
gnitatem nostrā, & magna cura tuemur . Pompeius
de Clodio iubet nos esse sine cura, et summā in nos be=
neuolentiam omni ratione significat . te habere con=

LIB. II. EPIST.

filiorum auctorem, solitudinum socium, omni in cogitatione coniunctum cupio. quare, ut Numestio mādāui, tecū ut ageret, item, atq; eo, si potest, acrius te rogo, ut plane ad nos aduoles. respiraro, si te uidero. Vale.

CICERO ATTICO S.

29

CVM aliquem apud te laudaro tuorum familiarium, uolā illum scire ex te me id fecisse, ut nuper me scis scripsisse ad te de Varronis erga me officio, te ad me rescripsisse eā rem summā tibi uoluptati esse. sed ego mallē ad illum scripsisses, mihi illum satisfacere: mirabiliter enim moratus est, sicut nosti, ἐλκτα καὶ οὐδ' ἐν. nos tēnemus præceptū illud, τὰς τῶν κραιτύντων. at hercule alter tuus familiaris Hortensius q̄ plena manu, quā ingenue, quā ornate nostras laudes in astra sustulit, cum de Flacci Prætura, et de illo tempore Allobrogum diceret. sic habeto, nec amātius, nec honorificentius, nec copiosius potuisse dici. ei te hoc scribere à me tibi esse missum, sanē uolo. sed quid tu scribas? quē iam ego uenire, atque adesse arbitror. ita enim egi tecum superioribus literis. ualde te expecto, ualde desidero, neque ego magis, quā ipsa res, & tempus poscit. his de negotiis quid scribā ad te, nisi idem quod sæpe? Rep. nil desperatius: his, quorum opera, nihil maiore odio. Nos, ut opinio, & spes, & cōiectura nostra fert, firmissima beneuolentia hominum muniti sumus. quare aduola: aut expedies nos omni molestia, aut eris particeps. ideo sum breuior, quod, ut spero, corā breui conferre, quæ uolumus, licebit. Vale.

M. TVLLII CICERONIS EPISTO-
LARVM AD T. POMPO-
NIVM ATTICVM
LIBER III.

CICERO ATTICO S.

VM antea maxime nostra interesse ar-
bitrabar, te esse nobiscum: tū uero, ut
C legi rogationem, intellexi ad iter, quod
cōstitui, nil mihi optatius cadere posse,
q̄ ut tu me quamprimum consequare,
ut, cū ex Italia profecti essemus, siue per Epeirū iter es-
set faciundum, tuo, tuorumq; praesidio uteremur; siue
aliud quid agendū esset, certum consiliū de tua sentētia
capere possemus. quam ob rem te oro, des operā, ut me
statim consequare. facilius potes, quoniā de provincia
Macedonia perlata lex est. pluribus uerbis tecū agere,
nisi pro me apud te res ipsa loqueretur. Vale.

CICERO ATTICO S.

I TNERIS nostri causa fuit, quod nō habebam lo-
cum, ubi pro meo iure diutius esse possem, quā in fun-
do Sicæ, praesertim nondū rogatione correctā, et simul
intelligebam, ex eo loco, si iter haberem, posse me Brū-
dium referre; sine te autē non esse nobis illas partes
tenendas propter Antronium. nūc, ut ad te antea scripsi,
si ad nos ueneris, cōsiliū totius rei capiemus. iter esse mo-
lestū scio: sed tota calamitas omnes molestias habet.
plura scribere nō posū, ita sū animo pculso, et abecto.
Cura ut ualeas. D. VI. Id. Apr. Naryci Locridis.

F 4

LIB. III. EPIST.

CICERO ATTICO S.

V T I N A M illum diem uideam, cum tibi agam gratias, quod me uiuere coegisti. adhuc quidem ualde me poenitet. sed te oro, ut ad me Vibonem statim uenias, quod ego multis de causis conuerti iter meum. sed eò si ueneris, de toto itinere, ac fuga mea consilium capere potero. si id non feceris, mirabor. sed confido te esse facturum. Vale.

CICERO ATTICO S.

M I S E R I A E nostræ potius uelim, q̄ inconstantia tribuas, q̄ à Vibone, quod te arcessebamus, subito discessimus: allata est enim nobis rogatio de pernicie mea: in qua quod confectum esse audieramus, erat huiusmodi, ut mihi ultra quadringenta millia liceret esse. illò cum peruenire non liceret, statim iter Brundisium uersus contuli ante diem rogationis, ne et Sica, apud quem eram, periret, et q̄ Melitæ esse non licebat. nunc tu propera, ut nos consequare, si modo recipiemur. adhuc inuitamur benigne: sed, quod superest, timemus. me mi Põponi ualde poenitet uiuere. qua in re apud me tu plurimum ualuidisti. sed hæc coram. fac modo, ut uenias. Vale.

CICERO ATTICO S.

T E R E N T I A tibi et sæpe, & maximas gratias agit. id est mihi gratissimum. ego uiuo miserrimus, et maximo dolore conficior. ad te quid scribā, nescio: si enim

es Romæ, iam me assequi non potes: sin es in uia; cum
eris me affecutus, coram agemus, quæ erūt agēda. tātū
te oro, ut, quoniā me ipsum semper amasti, eodē amore
sis: ego. n. idē sum: inimici mei mea mihi, nō me ipsum
ademerūt. Cura ut ualeas. VIII. Id. Apr. Thurij.

CICERO ATTICO S. 6

NON fuerat mihi dubium, quin te Tarenti, aut Brun-
dusij uisurus essem: idq; ad multa pertinuit, in eis, ut et
in Epeiro consistereamus, & de reliquis rebus tuo consi-
lio uteremur. quoniā id non contigit, erit hoc quoq; in
magno numero nostrorū malorū. nobis iter est in Asiā,
maxime Cyzicū. tibi meos cōmendo. me uix, misereq;
sustento. Vale. D. XIII. Cal. Maij, Tarenti.

CICERO ATTICO S. 7

BRVNDVSIVM ueni ad Cal. Maias. eo die pueri
tui mihi à te literas reddiderunt: et alij pueri post diē
tertium eius diei literas alias attulerunt. Quod me
rogas, & hortaris, ut apud te in Epeiro sim: uoluntas
tua mihi ualde grata est, & minime noua, & cōsiliū
mihi quidem optatum, si liceret ibi omne tempus cōsu-
mere (odi enim celebritatem, fugio homines, lucē aspi-
cere uix possum: esset mihi ista solitudo, praesertim tam
familiari in loco, non amara) sed itineris causa, ut di-
uertar, primū est denium, deinde ab Antronio, & cate-
ris quatrīdū: deinde sine te. nam castellum munitum
habitanti mihi prodesset, transeunti nō est necessarium.

F iij

LIB. III. EPIST.

quod si auderem, Athenas peterem. sanè ita cadebat, ut uellem. nunc & nostri hostes ibi sunt, & te nō habemus, & ueremur, ne interpretentur, illud quoq; oppidū ab Italia non satis abesse: nec scribis, quam ad diem te expectemus. Quod me ad uitam uocas: unum efficis, ut à me manus abstineā: alterū nō potes, ut me nō nostri cōsiliū utiq; poeniteat: quid enim est, quod me retineat? praesertim si spes ea non est, quae nos proficiscētes prosequatur. non faciam, ut enumerem miseras omnes, in quas incidi per summam iniuriam, & scelus non tam inimicorum meorum, quā inuidorū; ne & meum mœrorem exagitem, & te in eundē luctum uocem. hoc confirmo, neminem unquam tāta calamitate esse affectum, nemini mortem magis optandam fuisse. cuius oppetendae tempus honestissimum praetermissum est. reliqua tempora non sunt tam ad medicinā, quā ad finē doloris. De Rep. uideo te colligere omnia, quae putes aliquam spem mihi posse afferre mutandarū rerum. quae quāquam exigua sunt: tamen, quoniā placet, expectemus. Tu nihilo minus, si properaris, nos consequere: nā aut accedemus in Epeirū, aut per Candauiam tarde ibimus. dubitationem autem de Epeiro non inconstantia nostra afferebat, sed quod de fratre, ubi eum uisuri essemus, nesciebamus. quem quidē ego nec quomodo uisurus, nec ubi dimissurus sim, scio. id est maximum, & miserrimum mearū omnium miseriārū.

Ego & saepius ad te, & plura scriberem, nisi mihi dolor meus cum omnis partis mentis, tum maxime huius generis facultatem ademisset. uidere te cupio. Cura, ut ualeas. Prid. Cal. Maij, Brūdusij, proficiscens.

S CRIPSERAM ad te, quas ob causas in Epeirum non essemus profecti; & Achaia propè esset, plena audacissimorum inimicorum; & exitus difficiles haberet. cū inde proficisceremur, accessit, cum Dyrrhachij essemus, ut duo nuntij afferretur; unus, classe fratrem Epheso Athenas; alter, pedibus per Macedoniam uenire. itaque illi obuiam misimus Athenas, ut inde Thessalonicam ueniret. ipsi processimus, & Thessalonicam ad X. Cal. Iun. uenimus. neque de illius itinere quicquam certi habebamus, nisi eum ab Epheso ante aliquot profectum. nunc, istic quid agatur, magnopere timeo. quanquam tu altera epistola scribis, Idib. Maijs, audire, fore, ut acrius postularet; altera, iam esse mitiora. sed haec pridie data, quàm illa: quo conturbor magis. itaque, cum meus me moeror quotidianus lacerat, & cōficit: tum uero haec addita cura uix mihi uitam reliquam facit. sed & navigatio perdifficilis fuit, & ille incertus, ubi ego essem, fortasse alium cursum petiuit: nam Phaeto lib. eum nō uidit: uento reiectus ab illo in Macedoniam, Pelle mihi praesto fuit. reliqua quàm mihi timenda sint, uideo. nec, quid scribam, habeo. & omnia timeo. nec tam miserum est quicquam, quod nō in nostram fortunam cadere uideatur. equidem adhuc miser in maximis meis erumnis, et luctibus hoc metu adiecto maneo Thessalonica suspensus, nec audio quicquam. Nunc ad ea, quae scripsisti. Tryphonē Cēcilium nō uidi. Sermonē tuū, & Pōpeij cognoui ex tuis literis. Motū in Rep. non tantū ego uideo,

LIB. III. EPIST.

quantum tu aut uides, aut ad me consolandum affers :
 Tigrane enim neglecto, sublata sunt omnia. Varro=
 ni me iubes agere gratias : faciam : item Hypsæo.
 Quod suades, ne longius discedamus, dum acta mensis
 Maij ad nos perferantur : puto me ita esse facturum,
 sed ubi, nō dum statui : atque ita perturbato sum ani=
 mo de Quinto, ut nihil queam statuere : sed tamen sta=
 tim te faciam certiore. Ex epistolarum mearū in=
 constantia puto te mentis meæ motum uidere. qui, etsi
 incredibili, & singulari calamitate afflictus sum, tamē
 nō tam est ex miseria, quā ex culpæ nostræ recorda=
 tione commotus : cuius enim scelere impulsus, ac proditi=
 simus, iam profecto uides : atque utinam iam ante ui=
 disses, neque totum animum tuum mœrori mecum si=
 mul dedisses. quare, cum me afflictum, & confectum
 luctu audies, existimato me stultitiæ meæ poenam ferre
 grauius, q̄ euenti, quod ei crediderim, quem esse nefari=
 um nō putaram. me & meorum malorum memoria,
 & metus de fratre in scribendo impedit. tu ista omnia
 uide, & gubernā. Terentia tibi maximas gratias a=
 git. literarum exemplum, quas ad Pompeium scripsi,
 misi tibi. Vale. D. IIIL. Cal. Maij, Thessalonica.

CICERO ATTICO S.

QVINTVS frater cum ex Asia discessisset ante Cal.
 Maias, & Athenas uenisset Idibus, ualde fuit ei pro=
 perandum, ne quid absens acciperet calamitatis, si quis
 forte fuisset, qui contentus nostris malis non esset. ita=
 que malui eum properare Romam, quā ad me ue=
 nire. & simul (dicam enim quod uerum est, ex quo

magnitudinem miserationum mearum perspicere possis)
 animum inducere non potui , ut aut illum amantiissi-
 mum mei , mollissimo animo , tanto in mœrore aspi-
 cerem , aut meas miseras luctu afflētas , & perditam
 fortunam illi offerrem , aut ab illo aspici paterer . at-
 que etiam illud timebam , quod profecto accidisset , ne
 a me digredi non posset . uersabatur mihi tempus illud
 ante oculos , cum ille aut liētores dimitteret , aut ui euel-
 leretur ex complexu meo . huius acerbitalis euentum
 altera acerbitate non uidendi fratris uitauit . in hunc
 me casum uos uiuendi auctores impulistis . itaque mei
 peccati luo pœnas . quanquam tuæ me literæ sustentāt ,
 ex quibus , quantum tu ipse speres , facile perspicio . quæ
 quidem tamen aliquid habebant solatiij ante , q̄ eò ueni-
 sti , A P O M P E I O . nunc Hortensiu allice , & eius-
 modi uiros . obsecro mi Pomponi nondū perspicis , quo-
 rum opera , quorum insidijs , quorū scelere perierimus ?
 sed tecum hæc coram agemus . tantū dico , quod scire te
 puto : nos nō inimici , sed inuidi perdiderūt . nunc si ita
 sunt , quæ speras , sustinebimus nos , et spe , qua iubes , nite-
 mur . sin , ut mihi uidētur , infirma sunt ; quod optimo
 tēpore facere nō licuit , minus idoneo fiet . Terētia tibi
 saepe gratias agit . Mihi etiā unum de malis in metu
 est fratris miseri negotiū . quod , si sciam , cuiusmodi sit ;
 sciam , quid agēdum mihi sit . Me etiā nunc istorū be-
 neficiorū , et literarū expectatio , ut tibi placet , Thessalo-
 nicæ tenet . si quid erit noui allatū , sciā , de reliquo quid
 agendum sit . Tu , si , ut scribis , Cal . Iun . Roma profe-
 ctus es , propediem nos uidebis . literas , quas ad Pompe-
 ium scripsi , tibi misi . Vale . Idib . Iun . Thessalonica .

A C T A quæ essent usque ad VIII. Cal. Iun. cognoui ex
tuis literis. reliqua expectabam, ut tibi placebat, Thes-
salonica. quibus allatis, facilius statuere potero, ubi sim:
nā si erit causa, si quid agatur, si spem uidero, aut ibi
de operiar, aut me ad te conferā: sin, ut tu scribis, ista
euauerint, aliud aliquid uidebimus. omnino adhuc ni-
hil mihi significatis, nisi discordiam istorum, quæ tamē
inter eos de omnibus potius rebus est, q̄ de me. itaque,
quid ea mihi prosit, nescio. sed tamē, quoad me uos spe-
rare uultis, uobis obtemperabo. Nā quod me tam sæ-
pe, & tam uehemēter obiurgas, & animo infirmo esse
dicis: quæso, ecquod tantū malum est, quod in mea ca-
lamitate nō sit? ecquis unquam ex tam amplo statu, in
tam bona causa, tantis facultatibus, ingenij, cōsiliij, gra-
tia, tātis præsidijs bonorū omniū cōcidit? possum obli-
uisci, qui fuerim; nō sentire, qui sim? quo careā hono-
re? qua gloria? quibus liberis? quibus fortunis? quo
fratre? quem ego (ut nouum calamitatis genus atten-
das) cum pluris facerem, quā me ipsum, semperq; fe-
cissim, uitauī, ne uiderem, ne aut illius luctum, squallo-
remq; aspicerem, aut me, quem ille florentissimum reli-
querat, perditum illi, afflictumq; offerre. mitto cetera
intolerabilia: etenim fletu impedior. hic utrum tandē
sum accusandus? q̄ doleo, an quod commisi, ut hæc aut
non retinerem (quod facile fuisset, nisi intra parietes
meos de mea pernicie consilia inirētur) aut certe uiuus
amitterem? hæc eo scripsi, ut potius releuares me, quod
facis, quā aut castigatione, aut obiurgatione dignum

putares. eoq; ad te minus multa scribo, q̄ & mœrore
impedior, & quid expectem istinc, magis habeo, quàm
quid ipse scribam. quæ si erunt allata, faciam te nostri
consilij certiolem. tu, ut adhuc fecisti, quamplurimis
de rebus ad me uelim scribas, ut prorsus ne quid igno-
rem. Vale. XIII. Cal. Quint. Thessalonica.

CICERO ATTICO S. 11

ME ET tuæ literæ, & quidam boni nuntij, non optimis
tamen auctoribus, et expectatio uestrarum literarum,
& q̄ tibi ita placuerat, adhuc Thessalonica tenebant.
si accepero literas, quas expecto; si spes erit ea, quæ ru-
moribus afferebatur, ad te me conferam; si nō erit, fa-
ciam te certiolem, quid egerim. Tu me, ut facis, ope-
ra, consilio, gratia iuuas: consolari iam desine: obiur-
gare uero noli. quod cum facis, ut ego tuum amorem,
& dolorem desidero: quem ita affectum mea erumna
esse arbitror, ut te ipsum consolari nemo possit.
Quintum fratrem optimum, humanissimumq; susten-
ta. Ad me, obsecro te, ut omnia certa perscribas.
Vale. D. III. Cal. Quint.

CICERO ATTICO. S. 12

TV quidem sedulo argumentaris, quid sit sperandum, et
maxime per senatum. idemq; caput rogationis propo-
ni scribis, quare in senatu dici nihil liceat: itaque sile-
tur. hic tu me accusas quod me afflictem; cum ita sim
afflictus, ut nemo unquam: quod tute intelligis. spem
ostēdis secundū comitia. quæ ista est eodē Tribuno pl.

LIB. III. EPIST.

Et inimico Consule Des? percussisti autem me etiam de oratione prolata. cui uulneri, ut scribis, medere, si quid potes. scripsi equidem olim ei iratus, quod ille prior scripserat, sed ita compresseram, ut nunquam emanaturam putarem: quo modo exciderit, nescio. sed quia nunquam accidit, ut cum eo uerbo uno concertarem, et quia scripta mihi uidetur negligentius, quam cetera: puto posse probari, non esse meam. id, si putas me posse sanari, cures uelim. sin plane perii, minus laboro. Ego etiam nunc eodem in loco iaceo sine sermone ullo, sine cogitatione ulla. licet tibi, ut scribis, significarem, ut ad me uenires Sidona: tamen intelligo te istuc prodesse, hic ne uerbo quidem leuare me posse. non queo plura scribere: nec est, quod scribam. uestra magis expecto. Vale. XVI. Cal. Sext. Thessalonicae.

CICERO ATTICO S. 13

QVOD ad te scripseram, me in Epeiro futurum: posteaque extenuari spem nostram, et euanescere uidi, mutavi consilium, nec me Thessalonica commouit, ubi esse constitueram, quoad aliquid ad me de eo scriberes, quod proximis literis scripseras, fore, uti secundum comitia aliquid de nobis in senatu ageretur; id tibi Pompeium dixisse: qua de re, quoniam comitia habita sunt, tuque nil ad me scribis: perinde habeto, ac si scripsisses nihil esse, meque temporis non longinqui spe ductum esse moleste feram. Quem autem motum te uidere scripseras, qui nobis utilis fore uideretur, eum nuntiant, qui ueniunt, nullum fore. In Tribunis pl. Dess. reliqua spes est. quam si expectaro, non erit, quod putes me causae meae, ac uoluntati meorum defuisse.

E X T V I S
io, quidnam
credo esse ha
agi de nobis
cio tuo in
spes solitum
scribas, quid
hanc erum
xerint, minus
uere. ego pr
expectatione
huc Thessalo

Quod me sæpe accusas, cur hunc meū casum tam gra-
uiter feram : debes ignoscere, cum ita me afflictum ui-
deas, ut neminem unquam nec uideris, nec audieris . nā
q̃ scribis te audire, me etiā mentis errore ex dolore af-
fici : mihi uero mens integra est, atque utinam tam in
periculo fuisset, cum ego is, quibus meam salutem ca-
rissimam esse arbitrabar, inimicissimis, crudelissimisque
usus sum: quī ut me paulum inclinari timore uiderūt,
sic impulerunt, ut omni suo scelere, & perfidia abute-
rentur ad exitium meum. nunc, quoniam est Cyzicum
nobis eundum, quo rarius ad me literæ perferētur, hoc
uelim diligentius omnia, quæ putaris me scire opus esse,
perscribas. Quintum fratrem meum fac diligas . quē
ego miser si incolumem relinquo, non me totum perisse
arbitrabor. Vale. Non. Sext.

CICERO ATTICO S: 14

E X T V I S literis plenus sum expectatione de Pompe-
io, quidnam de nobis uelit, aut ostendat : comitia enim
credo esse habita . quibus absolutis, scribis illi placuisse
agi de nobis . si tibi stultus esse uideor, qui sperem, fa-
cio tuo iussu, & scio te me is epistolis potius, & meas
spes solitum esse remorari . nūc uelim mihi plane per-
scribas, quid uideas . scio nos nostris multis peccatis in
hanc erumnam incidisse. ea si qui casus ex parte corre-
xerint, minus moleste feremus nos uixisse, & adhuc ui-
uere . ego propter uīe celebritatem, & quotidianam
expectationem rerum nouarum non commoui me ad-
huc Thessalonica, sed iam extrudimur, non à Plancio

LIB. III. EPIST.

(nā is quidem retinet) uerum ab ipso loco minime ap-
posito ad tolerandam in tāto luctu calamitatem. In
Epeirum ideo, ut scripseram, non iui, quod subiti mihi
uniuersi nuntij uenerāt, & literæ, quare nihil esset ne-
cesse quamproxime Italiam esse. hinc si aliquid à co-
mitijs audierimus, nos in Asiam conuertemus: neque
adhuc stabat, quò potissimum: sed scies. Vale.
XII Cal. Sext. Thessalonica.

CICERO ATTICO S. 15

A CCEPI Idib. Sext. quatuor epistolas à te missas: unā
qua me obiurgas, & rogas, ut sim firmitior: alterā, qua
Crassi libertū ais tibi de mea solitudine, macieq; nar-
rasse: tertiam, qua demonstras aēta in senatu: quar-
tam de eo, quod à Varrone scribis tibi esse confirma-
tum de uoluntate Pompey. ad primam tibi hoc scribo,
me ita dolere, ut non modo à mente non deserar, sed id
ipsum doleam, me, tam firma mēte ubi utar, & quibus
cum, non habere: nam si tu me uno non sine mœrore
cares, quid me censes, qui & te, & omnibus? & si tu
incolumis me requiris, quomodo à me ipsam incolumi-
tatem desiderari putas? nolo commemorare, quibus re-
bus sim spoliatus, non solum quia non ignoras, sed etiā
ne scindam ipse dolorem meum. hoc confirmo, neque
tantis bonis esse priuatum quenquā, neque in tātas mi-
serias incidisse. dies autem non modo nō leuat luctum
hunc, sed etiam auget: nam ceteri dolores mitigantur
uetustate, hic non potest non & sensu præsens mise-
riæ, & recordatione præteritæ uitæ quotidie augeri:
desidero enim non mea solum, neq; meos, sed me ipsum:

quid enim sum? sed non faciam, ut aut tuum animum
angam querelis, aut meis uulneribus sæpius manus affe-
ram. nam quod purgas eos, quos ego mihi scripsi inui-
disse, & in eis Catonem: ego uero tantum illum pu-
to ab isto scelere abfuisse, ut maxime doleam plus apud
me simulationem aliorum, quàm istius fidem ualuisse.
cæteri, quos purgas, debet mihi purgati esse, tibi si sunt.
sed hæc sero agimus. Crassi libertum nihil puto sin-
cere locutum. In senatu rem probe scribis actam.
sed quid Curio? an illam orationem nō legit? quæ un-
de sit prolata, nescio. sed Axius eiusdem diei scribens
ad me acta, non ita laudat Curionem. at potest ille
aliquid prætermittere. tu, nisi quod erat, profecto nō
scripsisti. Varronis sermo facit expectationem Cæ-
saris. atque utinam ipse Varro incumbat in causam.
quod profecto cum sua sponte, tum te instante faciet.
ego, si me aliquando uestri, & patriæ compotem for-
tuna fecerit, certe efficiam, ut maxime latere unus ex
omnibus amicis; meaq; officia, & studia, quæ parum
antea luxerunt (fatendum est enim) sic exequar, ut me
æque tibi, ac fratri, & liberis nostris, restitutū putes. si
quid in te peccaui, ac potius quoniam peccaui, ignosce:
in me enim ipsum peccaui uehementius. neque hæc eo
scribo, quo te non meo casu maximo dolore esse affe-
ctum sciam: sed profecto, si, quantum me amas, &
amasti, tantum amare deberes, ac debuisses, nunquam
esses passus me, quo tu abundas, egere consilio; nec
esses passus mihi persuaderi, utile nobis esse, legem de
collegis perferri. sed tu tantum lacrymas præbui-
sti dolori meo, quod erat amoris, tanquam ipse ego:

LIB. III. EPIST.

quod meritis meis perfectum esse potuit, ut dies, & no-
ctes, quid mihi faciendum esset, cogitares, id abs te meo,
non tuo scelere prætermisum est. quod si nō modo tu,
sed quisquam fuisset, qui me Pompeij minus liberali re=
sponso perterritū à turpissimo consilio reuocaret, quod
unus tu facere maxime potuisti: aut occubuissem ho=
neſte, aut uictores hodie uiueremus. hic mihi ignoscas:
me enim ipsum multo magis accuso; deinde te, quasi me
alterum; & simul meæ culpæ socium quero. si resti=
tuor, etiam minus uidebimur deliquisse: abs teq; certe,
quoniam nullo nostro, tuo ipsius beneficio diligemur.

Quod te cum Culleone scribis de priuilegio locutum, est
aliquid, sed multo est melius abrogari: si enim nemo
impediet, sic est firmitus: sin erit, qui ferri non sinat, idē
S.C. intercedet. nec quicquā aliud opus est, quā ab=
rogari. nam prior lex nos nihil lædebat. quam si, ut
est promulgata, laudare uoluissimus, aut, ut erat ne=
gligenda, negligere, nocere omnino nobis non potuiſ=
set. hic mihi primum non modo consilium defuit, sed
etiam obfuit. cæci, cæci inquam fuimus in uestitu mu=
tando, in populo rogando. quod, nisi nominatim me=
cum agi coeptum esset, fieri perniciosum fuit. sed per=
go præterita, uerūtamen ob hāc causam, ut, si quid age=
retur, legem illam, in qua popularia multa sunt, ne tan=
gatis. uerum est stultum me præcipere, quid agatis, aut
quo modo. utinam modo agatur aliquid. multa occul=
tant tuæ literæ, credo ne uehementius desperatione per=
turber: quid enim uides agi posse, aut quo modo? per
senatū ne? ast tute scripsisti ad me, quoddam caput le=
gis Clodium in curiæ poste fixisse, ne referri, ne ue di=
ci liceret.

ei liceret. quo modo igitur Domitius se dixit relaturum?
 quo modo autem ijs, quos tu scribis, & de re dicentibus,
 & ut referretur, postulantibus, Clodius tacuit? ac si per
 populum, poterit ne nisi de omnium Tribunorum pl. senten-
 tia? quid de bonis? quid de domo? poterit ne restitui? aut,
 si non poterit, egomet quo modo potero? hæc nisi uides ex-
 pedi, quā in spem me uocas? si autem spei nihil est, quæ
 est mihi uita? itaq; expecto Theſſalonica acta Cal. Sext.
 ex quibus statuam, in tuos ne agros confugiam, ut neque
 uideam homines, quos nolim, & te, ut scribis, uideam, &
 propius sim, si quid agatur; idq; intellexi cum tibi, tum
 Quinto fratri placere: an abeam Cyzicum. nunc Pom-
 poni, quoniam nil impertisti tuæ prudentiæ ad salutem
 meam, quod aut in me ipso satis esse consilij decreueras,
 aut te nil mihi plus debere, quā ut præsto esses, quando
 quidem ego proditus, inductus, coniectus in fraudem, om-
 nia mea præsidia neglexi, totā Italiam in me erectā ad
 me defendendū destitui, & reliqui; me meis tradidi ini-
 micis, inspectate, & tacente te, qui si non plus ingenio ua-
 lebas, quā ego, certe timebas minus: si potes, erige affli-
 ctos, & in eo nos iuuā. sin omnia sunt obstructa, id ip-
 sum fac ut sciamus, & nos aliquādo aut obiurgare, aut
 cōmuniter consolari desine. ego si tuā fidem accusarem,
 non me potissimū tuis testis crederem. meam amentiam
 accuso, quod à te tantū amari, quantū ego uellem, puta-
 ui: quod si fuisset, fidem eandem, curā maiorem adhi-
 buisses, me certe ad exitiū præcipitantē retinuisses, istos la-
 bores, quos nunc in naufragijs nostris suscipis, non subis-
 ses. quare fac, ut omnia ad me perspecta, et explorata p-
 scribas, meq; , ut facis, uelis esse aliquem, quoniā, qui fui,

LIB. III. EPIST.

Et qui esse potui, iam esse nō possum; Et ut his literis, nō te, sed me ipsum à me esse accusatum putes. si qui erunt, quibus putes opus esse meo nomine literas dari, uelim cōscribas, curesq; dandas. Vale. D. XIII. Cal. Sept.

CICERO ATTICO S. 16

TOTVM iter mihi incertū facit expectatio literarū tuarum Cal. Sext. datarū, nō aliud aliquid. si spes erit, Epeirū; sin minus, Cyzicū, aut aliud quid sequemur. tuæ quidem literæ, quo sæpius à me leguntur, hoc spem faciūt mihi minorē, quā cū lectæ sunt. tū id, quod attulerūt ad spē, infirmāt: ut facile appareat te et cōsolationi seruire, et ueritati. idq; te rogo plane, ut ad me, quæ scis, ut erunt; quæ putabis, ita scribas. Vale. D. XII. Cal. Sept.

CICERO ATTICO S. 17

DE Quinto fratre nuncij nobis tristes, nec uarij uenerāt ex ante diem Non. Iun. usque ad prid. Cal. Sept. eo autē die Liuius L. Reguli lib. ad me à Regulo missus uenit. is omnino mētionē nullā factā esse nunciauit, sed fuisse tamē sermonē de C. Clodij filio, isq; mihi tum à fratre literas attulit. sed postridie Sestij pueri uenerūt, qui à te literas attulerunt, non tam exploratas à timore, quā m sermo Liuiij fuerat. sanē sum in meo infinito mœrore sollicitus, Et eo magis, quodd Appij quæstio est.

Cætera, quæ ad me eisdē literis scribis de nostra spe, intelligo esse languidiora, quā alij ostendunt. ego autem, quoniam non longe ab eo tempore absumus, in quo res

dijudicabitur, aut ad te conferā me, aut etiam nunc circū
cum hac loca commorabor. Scribit ad me frater om-
nia sua per te unum sustineri. quid te aut hortet, quod
facis; aut agam gratias, quod non expectas? tantum ue-
lim fortuna det nobis potestatem, ut incolumes amore no-
stro perfruamur. Tuas literas semper maxime expe-
cto. in quibus caue, ne aut diligentia tua mihi molesta,
aut ueritas acerba sit. Vale. D. prid. Non. Sept.

CICERO ATTICO S. 18

EXPECTATIONEM nobis nō paruā attu-
leras, cū scripseras Varronē tibi pro amicitia cōfirmasse,
causam nostrā Pompeiū certe suscepturū; et simul à Cæ-
sare ei literæ, quas expectaret, remissæ essent, auctorem
etiam daturū. utrū id nihil fuit, an aduersatæ sunt Cæ-
saris literæ? an est aliquid in spe? etiā illud scripseras, eū-
dē, secundum comitia, dixisse. fac (si uides quātis in malis
iaceam, & si putas esse humanitatis tuæ) me, fac de tota
causa nostra certiorē: nā Q. frater homo mirus, qui me
tā ualde amat, omnia mittit spei plena, metuens credo
defectionem animi mei. tuæ autem literæ sunt uariæ: ne-
que. n. me desperare uis, nec temere sperare. fac, obsecro
te, ut omnia, quæ prospici à te possunt, sciamus. Vale.

CICERO ATTICO S. 19

QVOD eiusmodi mihi literæ à uobis afferebātur,
ut aliquid ex ijs esset expectandū, spe, & cupiditate Thes-
salonicæ detentus sum. posteaquā omnis actio huius anni
confecta nobis uidebatur, in Asiam ire nolui, quod &

G ij

LIB. III. EPIST.

celebritas mihi odio est; & si fieret aliquid à nouis magistratibus, abesse longe nolebā. itaque in Epeirum ad te statui me conferre: non quo mea interesset loci natura, qui lucē omnino fugerē: sed aut ad salutem libentissime ex tuo portu proficiscar: aut, si ea præcisa erit, nusquam facilius hāc miserrimam uitam uel sustentabo, uel, quod multo est melius, abiecero. ero cum paucis, multitudinem dimittā. me tuæ literæ nunquam in tantā spem adduxerunt, quātam aliorū: attamē mea spes etiam tenuior semper fuit, quā tuæ literæ. sed tamen, quoniam coeptum est, age, quoquo modo coeptū est, & quacūque de causa, non deferā neque optimi, atque unici fratris miseras, atque fluctuosas preces, nec Sestij, cæterorumq; promissa, nec spē ærumnosissimæ mulieris Terentiæ, nec miserrimæ mulieris Tulliolæ obsecrationem, & fideles literas tuas. mihi Epeirus aut iter ad salutē dabit, aut, quod scripsi supra. te oro, & obsecro Pōponi, si me omnibus amplissimis, carissimis, iucundissimisq; rebus perfidia hominū spoliatū, si me à meis consiliarijs proditū, & proiectū uides, si intelligis me coactū, ut ipse me, et meos perderē; ut me tua misericordia iuues, & Quintum fratrem, qui potest esse saluus, sustētes; Terentiā, liberosq; meos tueare; me, si putas te istic uisurum, expectes; si minus, inuisas, si potes, mihiq; ex agro tuo tantū assignes, quantū meo corpore occupari potest; & pueros ad me cum literis quamprimum, & quā sapissime mittas. Vale. XVI. Cal. Oēt.

CICERO SALVTEM Q. CAECILIO
Q. F. POMPONIANO ATTICO. 20

QVOD quidē ita esse, & auunculū tuum functū

esse officio, uehementissime probo : gaudere me tum dicam, si mihi hoc uerbo licebit uti. me miserū, quā omnia essent ex sententia, si nobis animus si consiliū, si fides eorum, quibus credidimus, non defuisset. quæ colligere nolo, ne augeā mœrorē. sed tibi uenire in mentē certo scio, quæ uita esset nostra, quæ suauitas, quæ dignitas. ad quæ recuperanda per fortunas incūbe, ut facis, diemq; natalem reditus mei cura ut in tuis ædibus amœnissimis agam tecū, & cū meis. ego huic spei, & expectationi, quæ nobis proponitur. maxime tamen uolui præstolari apud te in Epeiro : sed ita ad me scribitur, ut putem esse commodius nos eisdem in locis esse. De domo, & Curionis oratione, ut scribis, ita est. in uniuersa salute, si ea modo nobis restitueretur, inerunt omnia. ex quibus nihil malo, quā domum. sed tibi nihil mando nominatim : me totum tuo amoris, fideiq; commendo. Quod te in tāta hereditate ab omni occupatione expedisti, ualde mihi gratū est. Quod facultates tuas ad meā salutē polliceris, ut omnibus rebus à te præter ceteros iuuer. id quātum sit præsidium, uideo : intelligoq; te multas partes meæ salutis & suscipere, & posse sustinere, neque, ut ita facias, rogandū esse. Quod me uetas quidquā suspicari accidisse ad animū tuū, quod secus à me erga te commissum, aut prætermisum uideretur : gerā tibi morē, & liberabor ista cura : tibi tamē eo plus debebo, quo tua in me humanitas fuerit excelsior, quā in te mea. Velim, quid uideas, quid intelligas, quid agatur, ad me scribas, omnesq; ad nostrā salutem adhortere. Rogatio Sestij neq; dignitatis satis habet, nec cautionis : nā & nominatim ferre oportet, & de bonis diligētius scribi : et id

LIB. III. EPIST.
animaduertas uelim. Vale. IIII. Non. Oct. Thes-
salonicae.

CICERO ATTICO S. 21

TRIGINTA dies erant ipsi, cum has dabam li-
teras, per quos nullas à uobis acceperam. mihi autem
erat in animo, iam, ut antea ad te scripsi, ire in Eperu-
m, & ibi omnem casum potissimum expectare. Te oro, ut,
si quid erit, quod perspicias, quancūque in partē, quā pla-
nissime ad me scribas, & meo nomine, ut scribis, literas,
quibus putabis opus esse, ut des. Vale. V. Cal. Non.

CICERO ATTICO S. 22

ET SI diligēter ad me Quintus frater, et Piso, quae
essent acta, scripserant: tamen uelle tua te occupatio non
impedisset, quo minus: ut cōsuesti, ad me, quid ageretur,
& quid intelligeres, perscriberes. me adhuc Plancius li-
beralitate sua retinet iam aliquoties conatū ire in Eper-
rum. spes homini est iniecta, non eadem, quae mihi, posse
nos unā decedere. quam rem sibi magno honori spe-
rat fore. sed iam, cum aduentare milites dicentur, fa-
ciendum nobis erit, ut ab eo discedamus. quod cū facie-
mus, ad te statim mittemus, ut scias, ubi scimus. Lentus
suo in nos officio, quod et re, et promissis, et literis de-
clarat, spē nobis nō nullā affert Pōpeij uoluntatis, saepe. n.
tu ad me scripsisti, eum totum esse in illius potestate. De
Metello scripsit ad me frater, quantū speraret, profectū
esse per te. mi Pomponi pugna, ut tecum, & cum
meis mihi liceat uinere: et scribe ad me omnia. premor

cum luctu, tum desiderio omnium rerum, quæ mihi
me cariores semper fuerant. Cura, ut ualeas.

Ego, quodd, per Thessaliam si irem in Epeirum, per diu
nihil erā auditurus, & quodd mei studiosos habeo Dyr-
rhachinos, ad eos perrexi, cum illa superiora Thessaloni-
cæ scripsissem. inde cum ad te me conuertam, faciam, ut
scias. tuq; ad me uelim omnia quam diligentissime, cui-
cuiusmodi sunt, scribas. ego iam aut rem, aut ne spem qui-
dem exspecto. Vale. VI. Cal. Dec. Dyrrhachij.

AD V. Cal. Dec. tres epistolas à te accepi, unā datā
ad. VIII. Cal. Nou. in qua me hortaris, ut forti ani-
mo mensem Ian. expectem: eaq; quæ ad spem putas per-
tinere, de Lentuli studio, de Metelli uoluntate, de tota Pō-
peij ratione perscribis. in altera epistola præter consuetu-
dinem tuam diem non adscribis, sed satis significas tem-
pus: lege enim ab octo Tribunis pl. promulgata, scribis
te eas literas eo ipso die dedisse, id est ad IIII. Cal.
Nou. & quid putes utilitatis eam promulgationem at-
tulisse, scribis. in quo si etiam nostra salus cum hac le-
ge desperata erit, uelim pro tuo in me amore hanc ina-
nem meam diligentiam miserabilem potius, quàm ine-
ptam putes: sin est aliquid spei, des operam, ut maiore
diligentia posthac à nostris magistratibus defendamur. *novis.*
nam ea ueterum Tribunorum pl. rogatio tria capi-
ta habuit: unum de redditu meo, scriptum incaute:
nihil enim restituitur præter ciuitatem, & ordi-
nem, quod mihi pro meo casu satis est: sed quæ cauenda

LIB. III. EPIST.

fuerint, & quo modo, te non fugit. alterū caput est tralatitiū de impunitate, si quid cōtra alias leges eius legis ergo factū sit. tertiū caput, mi Pōponi, quo consilio, & a quo sit inculcatū, uide: scis enim Clodiū sanxisse, ut uix, aut omnino nō posset nec per senatū, nec per populū infirmari sua lex. sed uides nunquā esse obseruatas sanctiones earum legū, quæ abrogarentur, nā si id esset, nulla ferē abrogari posset (neque enim ulla est, quæ nō ipsa se sepiat difficultate abrogationis) sed cum lex abrogatur, illud ipsum abrogaretur, quo modo eā abrogari oporteat. hoc cū re uera ita sit; cū semper ita habitū, obseruatūq; sit: octo nostri Tribuni pl. caput posuerūt hoc? SI QUID IN HAC ROGATIONE SCRIPTVM EST, QVOD PER LEGES, PLEBIS'VE SCITA, HOC EST QVOD PER LEGEM CLODIAM, PROMVLGARE, ABROGARE, DEROGARE, OBROGARE SINE FRAVDE SVA NON LICEAT, NON LICVERIT; QVOD, VEL QVI PROMVLGAVIT, DEROGAVIT, OB EAM REM POENAE, MVLTAE'VE SIT. EH. IN R. atq; hoc in illis Tribunis pl. non ladebat: lege enim collegij sui non tenebantur: quo maior est suspicio malitiæ alicuius, cū id, quod ad ipsos nihil pertinebat, erat autē cōtra me, scripserunt, ut noui Tribuni pl. si essent timidiore multo magis sibi eo capite utendū putarent. neque id à Clodio prætermissum est: dixit enim in concione ad III. Non, hoc capite designatis Tribunis pl. præscriptū esse, quidliceret. tamen, in lege nulla esse eiusmodi caput, te non



fallit, quod si opus esset, omnes in abrogando uterentur. Numium, ac ceteros fugerit, inuestiges, uelim, et quis attulerit, & quare oculo Tribuni pl. ad senatum de me re
 * ferre non dubitarint: siue q̄ observandū illud caput nō putabant, i; dein in abrogando tam cauti fuerunt, ut id metuerent soluti cum essent, quod ne ijs quidem, qui lege tenentur, est curandum. id caput sanē nolim nouos Tribunos pl. ferre: sed perferant modo quidlibet: uno capite, quo reuocabor (modo res conficiatur) ero cōtēntus. iā dudum pudet tam multa scribere: uereor enim, ne re iam desperata legas; ut hęc mea diligentia misera bilis tibi, alijs irridēda uideatur. sed si est aliquid in spe, uide legem, quam T. Fadio scripsit T. Visellius. ea mihi per placet. nam Sestij nostri, quam tu tibi probari scribis, mihi non placet. Tertia est epistola prid. Id. Nou. data: in qua exponis prudenter, & diligenter, quæ sint, quæ rem distingere uideantur, de Crasso, de Pompeio, de ceteris. quare oro te, ut, si qua spes erit posse studijs bonorum, auctoritate, multitudine comparata rem cōfici, des operam, ut uno impetu perfringantur, in eam rem incumbas, ceterosq; tu excites. sin, ut ego perspicio cum tua coniectura, tum etiam mea. spei nihil est: oro, obtestorq; te, ut Quintum fratrem ames, quem ego miserum misere perdidisti; ne ue quid eum patiāre grauius consulerē de se, quā expediat sororis tuæ filio; meum Ciceronem, cui nihil misello relinquo prater inuidiam, & ignominiam nominis mei, tueare, quoad poteris; Terentiam unam omnium arumnosissimam sustentēs tuis officijs. Ego in Epeirum proficiscar, cum primorum dierum nuncios excepero. Tu ad me uelim proximis

literis, ut se initia dederint, perscribas. Vale.
 prid. Cal. Dec.

CICERO ATTICO S. 24

ANTEA, cum ad me scripsissetis uestro consensu
 consulares prouincias ornatas esse, etsi uerebar quorsum
 id casurum esset, tamen sperabam uos aliquid aliquan-
 do uidisse prudentius. postquam mihi & dictum est, &
 scriptum, uehementer consilium uestrum reprehēdi: gra-
 uiter sum cōmorus, quōd illa ipsa spes exigua, quæ erat,
 uidetur esse sublata: nam si Tribuni pl. nobis succēsent,
 quæ potest spes esse? ac uidentur iure succensere, cū &
 expertes consilij fuerint qui causam nostrā susceperant,
 & nostra concessione omnem uim sui iuris amiserint:
 præsertim cum ita dicant, se nostra causa uoluisse suam
 potestatem esse de Consulibus ornandis, non ut eos impe-
 dirent, sed ut ad nostram causam adiungerent: nunc si
 Consules à nobis alieniores esse uelint, posse id libere fa-
 cere; sin uellent nostra causa, nihil posse se inuitis. nam
 quod scribis, nī ita nobis placuisset, illos hoc idē per popu-
 lum assecuturos fuisse: inuitis Tribunis pl. fieri nullo
 * modo potuit. ita uereor, ne & studia Tribunorum a-
 miserimus, & si studia maneat, uinculum illud adiū-
 gendorū Consulū amissum sit. accedit aliud nō parū
 incōmodum, quōd grauis illa opinio, ut quidam ad nos
 perferebatur, senatum nihil discernere ante, quā de
 nobis actum esset, amissa est, præsertim in ea causa, quæ
 non modo necessaria non fuit, sed etiā inusitata, ac no-
 ua: neque enim unquam arbitror ornatas esse prouin-
 cias designatorum: ut, cum in hoc illa constantia, quæ

erat mea causa suscepta, immutata sit, nihil iam possit non decerni. iam ijs, ad quos relatum est, amicis placuisse non mirum sit: erat enim difficile reperire, qui contra tanta commoda duorum Consulium palam sententiam diceret. & fuit omnino difficile non obsequi uel amicissimo homini Lentulo, uel Metello, qui similitatem humanissime deponeret. sed uereor, ne, hos cum tenere poterimus, Tribunos pl. amiserimus. hæc res quemadmodum ceciderit, & tota res quo loco sit, uelim ad me scribas, et ita, ut instituisti: nam ista ueritas, etiam si iucunda non est, mihi tamen grata est. Vale. D. IIII. Id. Dec.

CICERO ATTICO S. 25

POST tuum à me discessum literæ mihi Roma allatæ sunt, ex quibus prospicio nobis in hac calamitate tabescendum esse: neque enim (sed bonam in partem accipies) si nulla spes salutis nostræ subesset, tu pro tuo amore in me hoc tempore discessisses. sed ne ingrati, aut ne omnia uel nobiscum unam interire uideamur, hoc omitto: illud abs te peto, des operam, id quod mihi affirmasti, ut te ante Cal. Ian. ubicunque erimus, sis. Vale.

CICERO ATTICO S. 26

LITERAE mihi à Quinto fratre cum S. C. quod de me est factum, allatæ sunt. mihi in animo est, legum lazionem expectare. si obrectabitur, utar auctoritate senatus, & potius uita, quam patria carebo. Tu queso festina ad nos uenire. Vale. VI. Cal. Ian.

LIB. III. EPIST.

CICERO ATTICO S. 27

EX TVIS literis, & ex re ipsa nos funditus
perisse uideo. Te oro, ut, quibus in rebus mei tui indi-
gebunt, nostris miseris ne desis. ego te, ut scribis: cito ui-
debo. plura non scribo. Cura, ut ualeas.

M. TVLLII CICERONIS EPISTO-
LARVM AD T. POMPONIVM
ATTICVM LIBER IIII.

CICERO ATTICO S.

VM primū Romam ueni, fuitq; cui
recte ad te literas darem, nil prius fa-
ciendum mihi putavi, quā ut tibi absen-
ti de reditu nostro gratularer: cognorā
enim (ut uere scribam) te in consilijs
mihi dandis nec fortiozem, nec prudentiozem, quā me
ipsum, nec etiā propter meā in te obseruantia. nimium in
custodia salutis meae diligentē; eundemq; te, qui primis
temporibus erroris nostri, aut totius furoris particeps, &
falsi rumoris socius fuisses, acerbissime dissidium nostrū
tulisse, plurimumq; operae, studij, diligentiae, laboris ad
conficiendum reditum meum contulisse. itaque hoc
tibi uere affirmo, in maxima letitia, & exoptatissima
gratulatione unum ad cumulandum gaudium conspe-
ctum, aut potius complexum mihi tuum defuisse. quem
semel nactus, nūquam dimisero. ac nisi etiam prae-
missos fructus tuae suauitatis praeteriti temporis omne

exegero, profecto hac restitutione fortunæ me ipse non satis dignum iudicabo. Nos adhuc in nostro statu, quod difficillime recuperari posse arbitrati sumus, splendorem nostrum illum forensem, & in senatu auctoritatem, & apud viros bonos gratiam, magis quàm optaramus, consecuti sumus. in re autem familiari, quæ quemadmodum fracta, dissipata, direpta sit, non ignoras, ualde laboramus, tuarumq; non tam facultatum, quas ego nostras esse iudico, quàm consiliorum ad colligendas, & constituendas reliquias nostras indigemus. nunc, etsi omnia aut scripta esse à tuis arbitror, aut etiam nuncijs, ac rumore perlata, tamen ea inscribam breui, quæ te puto potissimum ex meis literis uelle cognoscere. Prid. Non. Sext. Dyrrhachio sum profectus, ipso illo die, quo lex est lata de nobis. Brūdusium ueni Non. Sext. ibi mihi Tulliola mea fuit præsto natali suo ipso die, qui casu idem natalis erat & Brūdusinae coloniae, & tuæ uicinæ Salutis. quæ res animaduersa, multitudine summa, Brūdusinorum gratulatione celebrata est. ante diem VI. Id. Sext. cognoui literis Quinti fratris, mirifico studio omnium ætatum, atque ordinū, incredibili concursu Italiæ legem comitijs centuriatis esse perlatam. inde à Brūdusinis honestissimis ornatus, iter ita feci, ut undique ad me cū gratulatione, legati conuenerint. ad Urbē ita ueni, ut nemo ullius ordinis homo nomenclatori notus fuerit, qui mihi obuiā non uenerit, præter eos inimicos, quibus id ipsum non liceret aut dissimulare, aut negare. cum uenissem ad portam Capenam, gradus temporum ab infima plebe completi erant. à qua plausu maximo cū esset mihi gratulatio significata, similis & fre-

LIB. IIII. EPIST.

quentia, & plausus me usque ad Capitolium celebravit. in foro, & in ipso Capitolio miranda multitudo fuit. postridie in senatu, qui fuit dies Non. Sept. senatui gratias egimus. eo biduo cum esset annonæ summa caritas, & homines ad theatrum primo, deinde ad senatum concurrissent impulsu Clodij; mea opera frumenti inopiam esse clamarent; cum per eos dies senatus de annona haberetur, & ad eius procuracionem sermone non solum plebis, uerum etiam bonorum Pompeius uocaretur, idque ipse cuperet, multitudoque à me nominatim, ut id decernerem, postularet: feci, & accurate sententiam dixi, cum abessent consulares, quod tuto se negarent posse sententiam dicere, præter Messalam, & Afranium. factum est S. C. in meam sententiam, ut cum Pompeio ageretur, ut eam rem susciperet, lexque ferretur. quo S. C. recitato, cum concio more hoc insulso, & nouo plausum, meo nomine recitando, dedisset: habui concionem: omnes magistratus præsentem, præter unum Pratorem, & duos Tribunos plebis. dederunt. postridie senatus frequens, & omnes consulares nihil Pompeio postulanti negarunt. ille legatos quindecim cum postularet, me principem nominauit, & ad omnia me alterum se fore dixit. legem Consules conscripserunt, qua Pompeio per quinquennium omnis potestas rei frumentariæ toto orbe terrarum daretur: alteram Messius, qui omnis dat pecuniæ potestatem, & adiunxit classem, & exercitum, & maius imperium in provinciis, quam sit eorum, qui eas obtineant. illa nostra lex consularis nunc modesta uidetur, hæc Messij non ferenda. Pompeius illam uelle se dicit, familiares hanc. consulares duce Fauonio fremunt. nos tace-

A
mus, & eo
fuit respon
preclaram
mabunt: si
rem totam
dis, fluxa;
mus, ut scis
ca, que liter
tat, iuratur,
pecto; & or
me tuo consili
initium ordina
runt, incipiunt
re uehementer

CI

SI FOR
tera reddunt
mea, sed ne o
est, tamen nu
moris nostri
rum nunc su
has alteras d
ster qualis fu
stra quemad
aduersis bono
tio de demo
res est accurat
mus aliquid,
Flo doloris me

mus, & eo magis, quoddam de domo nostra nihil adhuc Pōtīfices responderant. qui si susceperint religionem, aream præclaram habebimus, superficiem Consules ex S. C. æstimabunt: sin aliter, demolientur, suo nomine locabunt, rem totam æstimabunt. ita sunt res nostræ; ut in secundis, fluxæ; ut in aduersis, bonæ. in re familiari ualde sumus, ut scis, perturbati. præterea sunt quadam domesticæ, quæ literis non cōmitto. Quintum fratrem insigni pietate, uirtute, fide præditum sic amo, ut debeo. Te expecto; & oro, ut matures uenire. eoq; animo uenias, ut me tuo consilio egere non sinas. alterius uitæ quoddam initium ordimur. iam quidam, qui nos absentes defendebant, incipiunt præsentibus occulte irasci, aperte inuidere. uehementer te requirimus. Vale.

CICERO ATTICO S. 2

SIFORTE rarius tibi a me, quàm a cæteris, literæ redduntur, peto a te, ut id non modo non negligentia meæ, sed ne occupationi quidē tribuas. quæ etsi summa est, tamen nulla esse potest tanta, ut interrumpat iter amoris nostri, & officij mei. nam ut ueni Romam, iterum nūc sum certior factus, esse cui darē literas: itaque has alteras dedi. prioribus tibi declarauī, aduentus noster qualis fuisset, et quis esset status, atque omnes res nostræ quemadmodum essent; ut in secundis, fluxæ; ut in aduersis, bonæ. post illas datas, secuta est summa contentio de domo. diximus apud Pōtīfices prid. Cal. Oct. acta res est accurate a nobis. & si unquam in dicendo fuimus aliquid, aut etiā si nunquā aliās fuimus, tum profecto doloris magnitudo uim quandā nobis dicēdi dedit.

LIB. IIII. EPIST.

itaque oratio iuuentuti nostræ deberi non potest : quam tibi , etiam si non desideras , tamen mittam cito . cum Pontifices decreissent , ita , si neque populi iussu , neque plebiscito , qui se dedicasse diceret , nominatim ei rei præfatus esset , neque populi iussu , aut plebiscito id facere iussus esset , uideri , posse sine religione iam partem aræ mihi restitui : mihi facta statim est gratulatio : nemo enim dubitat , quin domus nobis esset adiudicata : tum subito ille in concionem ascendit , quam Appius ei dedit . nunciat iam populo , Pontifices secundum se decreuisse , me autem ui conari in possessionem uenire . hortatur , ut se , & Appium sequantur , & suam Libertatem ut defendant . hic cum etiam illi infimi partim admirarentur , partim irriderent hominis amentiam , ego staturam illuc non accedere , nisi cū Consules ex S. C. porticum Catuli restituendam locassent . Cal. O Et habetur senatus frequens . adhibentur omnes Pontifices , qui erant senatores . à quibus Marcellinus , qui erat cupidissimus mei , sententiam primus rogatus , quasivit , quid essent in decernendo secuti . tum Lucullus de omnium collegarū sententia respondit , religionis iudices Pontifices fuisse , legis senatum : se , & collegas suos de religione statuisse , in senatu de lege statuturos . quisque horū loco sententiā rogatus , multa secundum causam nostram disputauit . cum ad Clodium uentum est , cupiūt diem consumere ; neque ei finis est factus ; sed tamen , cum horas treis ferē dixisset , odio , & strepitu senatus coactus est aliquando perorare . cum fieret S. C. in sententiam Marcellini , omnibus præter unum assentientibus , Serranus intercessit . de intercessione statim ambo Consules referre cœperunt

runt. cū sententiæ grauissimæ dicerentur, senatui placere mihi domum restitui, porticū Catuli locari, auctoritatē ordinis ab omnibus magistratibus defendi; siquæ uis esset facta, senatum existimaturum eius opera factum esse, qui S. C. intercessisset: Serranus pertimuit, et Cornicinus ad suam ueterē fabulam rediit, abiecta toga se ad generi pedes abiecit. ille noctē sibi postulauit: non concedebant: reminiscebantur enim Cal. Ian. uix tamen sibi de mea uoluntate concessum est. postridie S. C. factum est id, quod ad te misi. deinde Consules porticum Catuli restituendam locarunt. illam porticū redemptores statim sunt demoliti libētissimis omnibus. nobis superficiem ædium Consules de cōsiliij sententiā æstimarūt HS uicies, cætera ualde illiberaliter, Tusculanam uillam quingentis millibus, Formianum HS ducentis quinquaginta millibus. quæ æstimatio nō modo uehementē ab optimo quoque, sed etiam à plebe reprehenditur. dices, quid igitur causæ fuit? dicunt illi quidem, pudorem meū, quod neque negarim, neque uehementius postularim. sed non est id: nam hoc quidē etiam profuisset. uerum ydem mi T. Pomponi, ydem inquam illi, quos ne tu quidem ignoras, qui mihi pennas inciderant, nolūt easdem renasci: sed, ut spero, iam renascuntur: tu modo ad nos ueni: quod uereor ne tardius interuentu Varronis tui, nostriq; facias. quoniam, acta quæ sint, habes, de reliqua nostra cogitatione cognosce. Ego me à Pompeio legari ita sum passus, ut nulla re impedirer, quin, si uellem, mihi esset integrum aut, si comitia Censorū proximi Consules haberēt, petere posse, aut uotiuam legationem suscipere prope

H

LIB. IIII. EPIST.

omnium fanorum, ac sacrorum locorum: sic enim nostrae rationes postulabant. sed uolui meam potestatem esse uel petendi, uel ineunte aetate exeundi. Et interea me esse in oculis ciuium de me optime meritorum, non alienum putavi. ac forisium quidem rerum haec nostra consilia sunt, domesticarum autem ualde impedita. Domus aedificatur, scis quo sumptu, qua molestia. reficitur Formianum: quod ego nec relinquere possum, nec uidere. Tusculanum proscripsi. suburbano non facile careo. amicorum benignitas exhausta est in ea re, quae nihil habuit praeter dedecus, quod sensisti tu absens, praesentes. quorum studiis ego, et copiis, si esset per meos defensores licitum, facile essem omnia consecutus. quo in genere nunc uehementer laboratur. cetera, quae me sollicitant, μυστικώτερά sunt. amamur à fratre, et à filia. te expectamus. Vale.

CICERO ATTICO S.

A V E R E te certo scio, tum scire quid hic agatur, tum à me scire: non quo certiora sint ea, quae in oculis omnium geruntur, si à me scribantur, quàm cum ab alijs aut scribuntur tibi, aut nuntiatur: uerum ut perspicias ex meis literis, quo modo ea feram, quae geruntur, et qui sit hoc tempore aut mentis meae sensus, aut omnino uitae status. Armatis hominibus ante diem tertium Non. Nou. expulsi sunt fabri de area nostra, disturbata porticus Catuli, quae ex S. C. Consulium locatione reficiebatur, et ad tectum penè peruenerat. Quinti fratris domus primo fracta coniectu lapidum ex area nostra, deinde inflammata, iussu Clodij, inspectante ur-

be, coniectis ignibus, magna querela, & gemitu, non dicam bonorum, qui nescio an ulli sint, sed plane hominum omnium. ille uehemens furere. post hunc uero furorem nil nisi cædem inimicorum cogitare, uicatim ambire, seruis aperte spem libertatis ostendere: etenim antea, cum iudicium nolebat, habebat ille quidem difficilem, manifestamq; causam, sed tamen causam. id poterat inficiari, poterat in alios deriuare, poterat etiam aliquid iure factum defendere. post has ruinas, incendia, rapinas, desertus à suis, uix iam Decimum Designatorem, uix Gellium retinet: seruorum consilijs utitur: uidet, si omnes, quos uult, palàm occiderit, nihilo suam causam difficiliorem, quàm adhuc sit, in iudicio futuram: itaque ante diem tertium Id. Nou. cum Sacra uia discederem, insecutus est me cum suis. clamor, lapides, fustes, gladij, hæc improuisa omnia. discessimus in uestibulum M. Terij Damionis. qui erant mecum, facile operas aditu prohibuerunt. ipse occidi potuit. sed ego diæta curari incipio. cheirurgiæ tædet. ille, omnium uocibus cum se non ad iudicium, sed ad supplicium præsens trudi uideret, omnes Catilinas, Acidinos postea reddidit: nam Milonis domum, meamq; in Ceramio prid. Id. Nou. expugnare, & incendere ita conatus est, ut palàm hora V. cum scutis homines eduçtis gladijs, alios cum accensis facibus adduxerit. ipse domum P. Sullæ pro castris sibi ad eam impugnationem sumpserat. tum ex Anniana Milonis domo Q. Flaccus eduxit uiros acreis, occidit homines ex omni latrocinio Clodiano notissimos: ipsum cupiuit, sed ille se in interiorem partem ædium abdi-

LIB. IIII. EPIST.

dit. Sulla se in senatu postridie Id. domi Clodius, egregius Marcellinus, omnes acres. Metellus calumnia dicendi tempus exemit, adiuuante Oppio, etiā hercule familiaris tuo, de cuius cōstātia, uirtute uerissimæ literæ. Sessius furere. ille postea, si comitiā sua non fierent, urbi minari. proposita Marcellini sententia, quam ille de scripto ita dixerat, ut totam nostram causam aræ, incendiōrum, periculi mei, iudicio complecteretur, eaque omnia comitijs anteferreret: proscripsit se per omnes dies comitiales de cœlo seruaturum. conciones turbulentiæ Metelli, temerariæ Appij, furiosissimæ Publij. hæc tamen summa, nisi Milo in campum obnuntiasset, comitiā futura. ante diem XII. Cal. Dec. Milo media nocte cum magna manu in campum uenit. Clodius cū haberet fugitiuorum deiectas copias, in campum ire non est ausus. Milo permansit ad meridiē, mirifica hominum lætitiā, summa cum gloria. contētio fratrum trium turpis, fracta uis, cōtemptus furor. Metellus tamen postulat, ut sibi postero die in foro obnuntietur: nihil esse, quod in campum nocte ueniretur: se hora prima in comitio fore. itaque ante diem XI. Cal. Ian. in comitium Milo de nocte uenit. Metellus cum prima luce furtim in campum itineribus propē deuijs currebat. assequitur inter lucos hominem Milo, obnuntiat. ille se recipit magno, turpiq; Q. Flacci conuitio. ante diem X. Cal. nundinæ. concio biduo nulla. ante diem VIII. Cal. hæc ego scribebam, hora noctis nona. Milo campum iam tenebat. Marcellus candidatus ita stertebat, ut ego uicinus audirem. Clodij uestibulum uacuum sanē mihi nuntiabatur, paucis pannosis sine

laterna . meo consilio omnia illi fieri querebatur, igna-
 ri quantum in illo heroe esset animi, quantū etiam con-
 sily . miranda uirtus est . noua quædam diuina mitto.
 sed hæc summa est . comitia fore non arbitror . Publi-
 um reum, nisi ante occisus erit, à Milone fore puto . si
 se inter uia obtulerit, occisum iri ab ipso Milone uideo .
 non dubitat facere : præ se fert : casum illum nostrum
 non extimescit : nunquam enim cuiusquam inuidi, &
 perfidi consilio est usus, nec inerti nobili crediturus.
 Nos animo duntaxat uigemus, etiam magis, q̃ cum flo-
 rebamus . re familiari comminuti sumus. Quinti fra-
 tris tamē liberalitati, pro facultatibus nostris, ne omni-
 no exhaustus essem, illo recusante subsidijs amicorū re-
 spondemus . quid consilij de omni nostro statu capia-
 mus, te absente nescimus . quare appropera.

CICERO ATTICO S. 4

P ERIVCUNDVS mihi Cincius fuit ante diem ter-
 tium Cal. Febr. ante lucem : dixit enim mihi, te esse in
 Italia, seseq; ad te pueros mittere : quos sine meis literis
 ire nolui : non quo haberem, quod tibi, præsertim iam
 prope præsentī, scriberem : sed ut hoc ipsum significa-
 rem, mihi aduentum tuum suauissimum, expectatissi-
 mumq; esse . quare aduola ad nos, eo animo, ut nos a-
 mes, et te amari scias. cætera coram agemus. hæc pro-
 perantes scripsimus . quo die uenies, utique cum tuis a-
 pud me sis . perbelle feceris, si ad nos ueneris . offen-
 des designationem Tyrannionis, mirificam librorum
 meorum bibliothecā : quorum reliquæ multo meliores

H ii

LIB. IIII. EPIST.

sunt, quàm putaram. etiam uelim mihi mittas de tuis librariolis duos aliquos, quibus Tyrannio utatur glutinatoribus, ad cætera administris; ijsq; imperes, ut sumat membranulam, ex qua indices fiant, quos uos Græci, ut opinor, συλλάβους appellatis. sed hæc, si tibi erit commodum. ipse uero utique fac uenias, si potes in his locis adhærescere, & Piliam adducere: ita enim & æquum est, & cupit Tullia. Mediusfidius næ tu emisti locum præclarum. Gladiatores audio pugnare mirifice. si locare uoluisses, duobus his muneribus liberaasses. sed hæc posterius. tu fac uenias, & de librarijs, si me amas, diligenter. Vale.

CICERO ATTICO S. 5

A IN TV? existimas ab ullo malle mea legi, probariq; quàm à te? cur igitur cuiquam nisi prius? urgebar ab eo, ad quem misi, & nō habebam exemplar. quid? etiā (dudum enim circumrodo, quod deuorandum est) subturpicula mihi uidebatur esse παλιωδία. sed ualeant recta, uera, honesta consilia. non est credibile, quæ sit perfidia in istis principibus, ut uolunt esse, & ut essent, si quicquam haberent fidei. senseram, noram, inductus, relictus, proiectus ab ijs: tamen hoc erat in animo, ut cum ijs in Rep. consentirem. iidem erant, qui fuerant. uix aliquādo te auctore resipiuī. dices, ea te monuisse, suasisse, quæ facerem: nō etiam ut scriberem. ego me hercule mihi necessitatem uolui imponere huius nouæ coniunctionis, ne quā mihi liceret labi ad illos, qui etiam tum, cum misereri mei debent, non desinunt inuidere. sed tamen modici fuimus, ὑποδέσται ut scripsi:

erimus uberiores, si & ille libenter accipiet, & ij subrin-
gentur, qui uillam me moleste ferunt habere, quæ Catu-
li fuerat, aut etiam emisse non cogitant; qui domū ne-
gant oportuisse me edificare, uedere aiunt oportuisse.
sed quid ad hoc? si quibus sententijs dixi quod & ipsi
probarēt, lætati sunt tamen me contra Pōpeij uolunta-
tē dixisse. sed quoniā qui nihil possunt, ij me nolunt a-
mare: demus operā, ut ab ijs, qui possunt, diligamur.
* dices: uellem, iam pridē. scio te uoluisse, et me. ast nu-
gi geram manū fuisse. iam tēpus est me ipsum à me
amari, quando ab illis nullo modo possum. Domum
meam q̄ crebro inuisis, est mihi ualde gratū. Viaticū
cum Crassipes præripit. Tu de uia rectā in hortos.
uidetur cōmodius ad te: postridie scilicet: quid enim
tua? sed uiderimus. bibliothecam mihi tui pinxerunt
cōstructione, & sitybis. eos uelim laudes. Vale.

CICERO ATTICO S.

DE LENTVLO scilicet sic fero, ut debeo. uirum bo-
num, & magnum hominem, & in summa magnitudi-
ne animi multa humanitate temperatum perdidimus,
nosq; malo solatio, sed non multo, tamen consolamur,
quod ipsius uicem minime dolemus, non ut Sausēius, &
uestri, mehercule quia sic amabat patriam, ut mihi ali-
quo Deorum beneficio uideatur ex eius incendio esse ex-
reptus: nam quid foedius nostra uita? præcipue mea?
nam tu quidem, & si es natura πολιτικός, tamen nul-
lam habes propriam seruitutem: communi frueris no-
mine. ego uero, qui, si loquor de Rep. quod oportet,

H iiii

LIB. IIII. EPIST.

insanus; si quod opus est, seruius existimor; si taceo, oppressus, & captus; quo dolore esse debeo? quo sum scilicet, hoc etiā acriore, quod ne dolere quidem possum, ut nō ingratus uidear. quid, si cessare libet, & in otij portum cōfugere? nequicquam, immo etiam in bellum, & in castra. ergo erimus ὁπασοί, qui τρυοί esse noluimus? sic faciūdum est: tibi enim ipsi, cui utinam semper paruissēm, sic uideo placere. reliqui est: ἀνάσταν ἐλαχες, τάνταν κόσμει: non mehercule possum, & Philoxeno ignosco, qui reduci in carcerem maluit. ueruntamen id ipsum mecum in his locis commentor, ut ista improbem: idq; tu, cum unā erimus, confirmabis.

A te literas crebro ad me scribi uideo: sed omnes uno tēpore accepi. quæ res etiam auxit dolorē meum: casu enim trinas ante legeram, quibus meliuscule Lentulo esse scriptum erat. ecce quartæ fulmē. sed ille, ut scripsi, nō miser: nos uero serui. Quod me admones, ut scribam illa Hortēsiāna: in alia incidi, non immemor istius mandati tui: sed mehercule incipiendo refugi, ne, quod uideor stulte illius amici non intemperiem tulisse, rursus stulte iniuriam illius faciam illustrem, si quid scripsero; & simul ne βαδύτης mea, quæ in agendo apparuit, in scribendo sit occultior, et aliquid satisfactio leuitatis habere uideatur. sed uiderimus. tu modo q̄sæpissime ad me aliquid. Epistolā, Luceio quā misi, quæ res meas ut scribat, rogo, fac ut ab eo sumas: ualde bella est: eumq; ut appropere, adhorteris; et, quod mihi se ita facturū rescripsit, agas gratias. Domū nostrā, quoad poteris, inuisas. Vestorio aliquid significes: ualde enim est in me liberalis: nihil εὐκαίροτέγον. Vale.

EPISTO

ro optime

Cheripptu

quod scri

bare quib

rentis fa

sed tamen

quidem nō

rū, quēcumq

rum fecit nō

hoc thecam

tior. Mea

bis: Nilonem

credibile de

dū ētētes

Ciceronem

MULTA

giū, quā

scribis, iud

cati tibi in

quo est dū

stris adibus

ut Corcyra

amoenius. E

q̄ Tyrannio

mā adibus

EPISTOLA tua me sollicitum de Quinto nostro, puer optimo, ualde leuauit. uenerat horis duabus ante Cherippus: mera monstra nuntiabat. De Apollonio quod scribis, qui illi Dij irati, homini Greco, qui conturbare quidē putat sibi licere, quod equitibus R. nam Terentius suo iure. De Metello, οὐχ ὅσιν φθιμένους. sed tamen multis annis ciuis nemo erat mortuus. quid quidem tibi? numi meo periculo sint: quid enim uerearis, quēcunque heredem fecit? nisi Publium fecit. uerum fecit non improbe, quanquam fuit ipse. quare in hoc thecam numariam non retexeris: in alijs eris cautior. Mea mandata de domo curabis: praesidia locabis: Milonem admonebis. Arpinatum fremitus est incredibilis de Laterio. quid quaeris? equidem dolui. ὁ δὲ οὐκ ἐπαύετο μύθων. Quod superest, etiam puerum Ciceronem curabis, & amabis, ut facis. Vale.

MULTA me in epistola tua delectarunt, sed nihil magis, quā patina tyrotarichi. nā de raudusculo quod scribis, μίτω μέγαν ἐπὶ τῇ τελευτῇ αὐτοῦ ἴσῃς. aedificati tibi in agris nihil reperio. in oppido est quiddā, de quo est dubium, sit ne uenale; ac proximum quidē nostris aedibus. hoc scito, Antium Buthrotum esse Romae, ut Corcyrae illud tuum. nihil quietius, nihil alius, nihil * amoenius. ΕΙΜΗΧΙΤΩ ΦΙΛΟΟ. ΚΟΟ. postea uero q̄ Tyrannio mihi libros disposuit, mens addita uidetur meis aedibus. qua quidē in re mirifica opera Dionysij,

Et Menophili tui fuit . nihil uenustius , quàm illa tua
 * pagmata . postquàm misisti , libros illustrarunt ualde . Et
 scribas ad me uelim de gladiatoribus , sed ita , bene si re-
 * gerunt : non quero male sic egisse . Apenas uix dis-
 scesserat , quum epistola . quid ais ? putas ne fore , ut legē
 non ferat ? dic , oro te , clarius : uix enim mihi exaudisse
 uideor . uerum statim fac , ut sciam , si modo est commo-
 dum . ludis quidē quoniam dies est additus , eo etiā me-
 lius hic eum diem cum Dionysio conteremus . De Tre-
 bonio prorsus tibi assentior . De Domitio , σύκω μὰ τὸν
 δῆμῳ σύκον οὐδέ ἐν οὗτω ὁμοίον γέγονεν , quā est ista
 πείριστας nostrae : uel q̄ ab iisdem : uel q̄ prāter opi-
 nionem : uel q̄ uiri boni nusquam : unum dissimile , q̄
 huic merito . nam de ipso casu nescio , an illud melius :
 quid enim hoc miserius , quàm eum , qui tot annos , quot
 habet , Des . Consul fuerit , fieri Consulem non posse ?
 prāsertim cum aut solus , aut certe nō plus , quàm cum
 altero petat ? si uero id est , quod nescio an sit , ut non
 minus lōgas iam in codicillorum fastis futurorū Con-
 sulum paginulas habeat , q̄ faētorum : quid illo mise-
 rius ? nisi Resp . in qua ne speratur quidem melius quic-
 quam . De Natta ex tuis primū sciui literis . oderam
 hominē . De poemate quod quaeris , quid si cupiat ef-
 fugere ? quid sinat ? De Fabio Lusco quod eram
 exorsus , homo peramans semper nostri fuit , nec mihi un-
 quam odio : satis enim acutus , Et permodestus , ac bene
 frugi . eum quia non uidebam , abesse putabam . audi-
 ui ex Gauio hoc Firmiano , Romae esse hominem , Et fuis-
 se assiduū . percussit animum . dices , tantula ne causa ?
 permulta ad me detulerat nō dubia de Firmanis fra-

tribus. quid sit, quod se à me remouit, si modo remouit, ignoro. De eo quod me mones, ut & me geram πολιτικῶς, & in eo γράμμην teneam: ita faciam: sed opus est maiore prudentia; quam à te, ut soleo, petam.

Tu uelim et Fabium, si quem habes aditum, odore re, & istum conuiuium tuū degustes, & ad me de istis rebus, & de omnibus quotidie scribas. ubi nihil erit, quod scribas; id ipsum scribito. Cura, ut ualeas.

CICERO ATTICO S. 9

SANE uelim scire, num censum impendant Tribuni diebus uitandis (est enim hic rumor) totaq; de Censura quid agant, quid cogitent. Nos hic cum Pompeio fuimus. multa mecum de Rep. sanè sibi displicens, ut loquebatur (sic est enim in hoc homine dicendum) Syriam spernens, Hispaniā iactans: hic quoque, ut loquebatur: & opinor usquequaque, de hoc cū dicemus, sit hoc quasi τοῦτο δὲ φοβησάμενος. tibi etiam gratias agebat, quod signa componenda suscepisses. in nos uero suauissime hercule est effusus. uenit etiam ad me in Cumanum, ac se nihil minus uelle mihi uisus est, quam Messalam Consulatum petere. de quo ipso si quid scis, uelim scire. Quod Luceio scribis te nostram gloriam commendaturum, & aedificium nostrum q̄ crebro inuisis, gratum. Quintus frater ad me scripsit, se, quoniam Ciceronem suauissimum secum haberet, ad te Nonis Maijs uenturū. Ego me de Cumano moui ante diem V. Cal. Maij. eo die Neapoli apud Latum. ante diem IIII. Cal. Maij iens in Pompeianum bene mane hæc scripsi. Puteolis magnus est rumor,

LIB. IIII. EPIST.

Prolemæum esse in regno . si quid habes certius, uelim scire. Ego hic pascor bibliotheca Fausti : fortasse tu putabas his rebus Puteolanis, et Lucrinēsis. ne ista quidē desunt . sed mehercule à cæteris oblectationibus deseror, & uoluptatibus propter Remp. sic literis sustentor, & recreor : maloq; in illa tua sedecula, quā habes sub imagine Aristotelis, sedere, quā in istorum sella curuli ; tecumq; apud te ambulare, quā cum eo, quocum uideo esse ambulandum . sed de illa ambulatione fors uiderit, aut si quis est, qui curet Deus . Nostram ambulationem, & Laconicum, eaq; quæ Cyrea sint, uelim, cum poteris, inuisas, & urgeas Philotimū, ut prosperet, ut possim tibi aliquid in eo genere respondere. Pompeius in Cumanum Parilibus uenit . misit ad me statim, qui salutem nuntiaret . ad eum postridie mane uadebam, cum hæc scripsi. Vale.

CICERO ATTICO S. 10

DELECTARVNT me epistolæ tuæ, quas accepi uno tempore duas ante diem V. Cal. perge reliqua . gestio scire ista omnia. etiam, illud cuiusmodi sit, uelim perspicias : potes à Demetrio . dixit Pompeius, Crassum à se in Albano expectari ante diē quartum Cal. is cum uenisset, Romam esse statim uenturos, ut rationes cum publicanis putarent . quæsiui, gladiatoribus ne ? respōdit, ante, quā inducerentur . id cuiusmodi sit, aut nunc, si scias, aut cum is Romam uenerit, ad me mittas uelim .

Nos hic uoramus literas cū homīne mirifico (ita mehercule sentio) Dionysio, qui te, omnesq; uos salutat. οὗδ' ἐν γλυκύτερον ἢ πάντα εἰδέναι . quare, ut homini cu-

rioso, ita perscribe ad me, quid primus dies, quid secundus, quid Cēsores, quid Appius, quid illa populi Apuleia. denique etiā quid à te fiat, ad me uelim scribas: nō enim (ut uere loquamur) tam rebus nouis, quā tuis literis delector. Ego mecum prater Dionysium duxi neminem, nec metuo tamen, ne mihi sermo desit abs te, quo magnopere delector. Tu Luceio nostrum librum dabis: Demetrii Magnetis tibi mitto, statim ut sit, qui à te mihi epistolam referat. Vale.

CICERO ATTICO S. 11

E GNATIVS Romæ est. sed ego cum eo de re Halizeti uehementer ante egi. grauius se acturum cum Aquilio, confirmauit. uidebis ergo hominē, si uoles. Macroni uix uideor præsto esse: Idibus enim auctiōē Larini uideo, & biduum præterea. id tu, quoniam Macronē tanti facis, ignoscas mihi uelim. Sed, si me diligis, postridie Cal. cœna apud me cū Pilia. prorsus id facies. Cal. cogito in hortis Crassipedis, quasi in diuersorio, cœnare. facio fraudē S. C. inde domum cœnatus, ut sim mane præsto Miloni. ibi te igitur uidebo, et promouebo. Domus nostra te tota salutat. Vale.

CICERO ATTICO S. 12

N O S in Tusculanū uenisse ad XVII. Cal. Dec. uideo te scire. ibi Dionysius nobis præsto fuit. Romæ ad XIII. Cal. uolumus esse: quid dico, uolumus? immo uero cogimur. Milonis nuptiæ. comitiorū nō nulla opinio est.

* ergo ut sit rata. Abfuisse me in altercationibus, quas in senatu factas audio, fero non moleste: nam aut defendissem, quod non placeret; aut defuissem, cui non oporteret. sed mehercule uelim res istas, & praesertim statum Reip. & quo animo Cōsules ferant hunc σκυλμὸν, rescribas ad me quātum potes, & uales. sum ὁρῶπιος: & si quæris, omnia mihi sunt suspecta. Crassum quidē nostrū minore dignitate aiunt profectum paludatum, quā olim æqualem eius L. Paulum. item Ti. iterum Cōsules. ὁ hominē nequam. De libris oratorijs factum est à me diligenter. diu, multumq; in manibus fuerūt. describas licet. illud etiam te rogo, τὸ παροῦσαν κατέστασιν τυποῦσθαι, ne istuc hospes ueniam. Vale.

CICERO ATTICO S. 13

V E S T O R I V S noster me per literas facit certiozem, te Roma ad V I. Id. Maij putare profectū esse, tardius, quā dixerat, quod minus ualuissem. si iam melius uales, uehementer gaudeo. Velim, domum ad tuos scribas, ut mihi tui libri pateant, nō secus, ac si ipse adesses, cum cæteri, tum Varronis: est enim mihi utēdum quibusdam rebus ex ijs libris ad eos, quos in manibus habeo, quos, ut spero, tibi ualde probabo. uelim, si quid forte noui habes, maxime à Quinto fratre, deinde à C. Cæsare, & si quid forte de comitijs, de Rep. (soles enim tu hac festine odorari) conscribas ad me. si nihil habebis, tamen scribas aliquid: nunquam enim mihi tua epistola aut intempestiua, aut loquax uisa est. maxime autē rogo, rebus tuis, totoq; itinere ex sententia confecto, nos

quamprimum reuifas . Dionysium iube faluere.
Cura, ut ualeas.

CICERO ATTICO S. 14

D E Eutychide gratum, qui uetere prænordine, nouo nomī
ne T. erit Cæcilius, ut est ex me, & ex te iūctus Diony-
sius M. Pomponius. ualde mehercule mihi gratū, si Eu-
tychides tuam erga me beneuolentiam cognoscet, suam
illam in meo dolore συμπάθει neque tum mihi obscu-
rā, neque post ingratam fuisse. Iter Asiaticum tuum
puto tibi suscipiendum fuisse: nunquā enim tu sine iu-
stissima causa tam longe à tot tuis & hominibus, &
rebus carissimis, et suauissimis abesse uoluisses. sed hu-
manitate tuā, amoremq; in tuos reditus celeritas decla-
rabit. sed uereor, ne lepore suo detineat diutius Prætor
Clodius, & homo pereruditus, ut aiunt, & nunc quidē
deditus græcis literis Pituanios. sed, si uis homo esse, re-
cipe te ad nos ad quod tempus cōfirmasti. cū illis tum,
cū salui uenerint, Romæ uiuere licebit. Auere te scri-
bis, accipere aliquid à me literarū. dedi, ac multis qui-
dē de rebus ἡμερόλεγον perscripta omnia. sed, ut conij-
cio, quoniam mihi non uideris in Epeiro diu fuisse, red-
ditas tibi non arbitror. genus autem mearū ad te lite-
rarum eiusmodi ferè est, ut non libeat cuiquam dare,
nisi de quo exploratum sit, tibi eum redditurū. Nunc
Romanas res accipe. Ad II. Non. Quint. Suffenas,
& Cato absoluti. Porcilius condemnatus. ex quo in-
tellectum est, tres ἀρεοπαγίτας ambitum, comitia,
interregnum, maiestatem, totam denique Remp. flo-
ci non facere. debemus patremfamilias domi suæ

LIB. IIII. EPIST.

occidere nolle, neque tamen id ipsum abunde : nam absoluerūt XXII. condēnauerunt XXVIII. Publius sanè diserto epilogo criminans, mentes iudicum mouerat. Otalus in ea causa fuit cuiusmodi solet. nos uerbum nullum : ueritas est enim pusilla, quæ nunc laborat, ne animum Publio offenderet. his rebus actis, Reatini me ad sua τέμνη duxerunt, ut agerem causam contra Interamnates apud Consulē, & decem legatos, quod lacus Velinus à M. Curio emissus interciso mōte in Nardefluit. ex quo est illa siccata, & humida tamē modice Rosia. uixi cum Axio : qui etiam me ad septem aquas duxit. redij Romā Fonteij causa : ad VII. Id. Quint. ueni : spectaculum primum magno, & æquabili plausu : sed hoc ne curaris ; ego ineptus, qui scripserim : deinde Antiphonti operam : is erat ante manumissus, & productus. ne diutius pendeas, palmam tulit. sed nihil tam pusillum, nihil tam sine uoce, nihil tam uerū. hæc tu tecum habeto. in Andromacha tamen maior fuit, quàm Astyanacte. nam in cæteris parem habuit neminem. quæris nunc de Arbuscula. ualde placuit. Ludi magnifici, & grati. Venatio in aliud tempus dilata.

Sequere nunc me in campum. ardet ambitus. σῆμα δ' εἰ τοι ἐγγύς. fœnus ex triente Idib. Quint. factum erat bessibus. dices, istuc quidē non moleste fero. ò uirum, ò ciuem. Memmii Cæsaris omnes opes confirmant. cum eo Domitium Cos. iunxerunt ; qua pæctio ne, epistolæ cōmittere non audeo. Pompeius fremit, queritur, Scauro studet : sed utrum fronte, an mente, dubitatur. ἐξοχή nulla est : pecunia omnium dignitatem exæquat. Messala languet, non quo aut animus desit,

aut

cidegna

ant amici
fuit. ea c
didari iur
Hs quing
offet. id pe
ego prid
ad te V.
erit profe
cantur. gr
mnes quid
è legatione
Seruiliu ed
linam. Metia
denda me ex
ratur orat
etiam Conf
hoc iudicio
ris suspicio
expecto, qu
multis, &
ri & cari
lim saluer
primum :
me ipsum

OCVPA
quod episto
quentia te n
hi nuntiabo

aut amici : sed coitio Consulium , & Pompeius ob-
sunt . ea comitia puto fore ut ducantur . Tribunitij cā
didati iurarunt se arbitrio Catonis petituos . apud eū
HS quingena deposuerunt , ut , qui à Catone damnatus
esset , id perderet , & competitoribus tribueretur . hæc
ego pridie scribebam , q̄ comitia fore putabantur . sed
ad te V. Cal. Sext. si facta erunt , & tabellarius non
erit profectus , tota comitia perscribam . quæ si , ut pu-
tantur , gratuita fuerint , plus unus Cato potuerit , q̄ o-
mnes quidem iudices . Messius defendebatur à nobis ,
è legatione reuocatus : nā eum Cæsari legarat Appius .
Seruilius edixit , ut adesset . tribus habet Pontinam , Ve-
linam , Metiam . pugnatur acriter : agitur tamen satis .
deinde me expedit ad Drusum , inde ad Scaurum . pa-
rantur orationibus iudices gloriosi . fortasse accedent
etiam Consules Dess. in quibus si Scaurus non fuerit , in
hoc iudicio ualde laborabit . Ex Quinti fratris lite-
ris suspicor iam eum esse in Britania . suspensio animo
expecto , quid agat . illud quidem sumus adepti , quod
multis , & magnis indicijs possumus iudicare , nos Cæsa-
ri & carissimos , & iucundissimos esse . Dionysium ue-
lim saluere iubeas , & eum roges , & hortere , ut quam-
primum ueniat , ut possit Ciceronem meum , atq; etiam
me ipsum erudire . Vale.

CICERO ATTICO S.

OCCVPATIONVM mearum uel hoc signū erit ,
quod epistola librarij manu est . De epistolarum fre-
quentia te nihil accuso . sed pleræque tantummodo mi-
hi nuntiabant ubi esses , quod erat abs te , uel etiam

significabant recte esse . quo in genere maxime delecta-
runt duæ ferè eodem tempore abs te Bruto datæ : scire
enim uolebam te commodè nauigasse . sed hæc epistola-
rum frequentia non tam ubertate sua , quàm celerita-
te delectauit . illa fuit grauis , & plena rerum , quam
mihi M. Paccius hospes tuus reddidit . ad eam rescribā
igitur . & hoc primum . Paccio re , & uerbis ostendi ,
quid tua commendatio ponderis haberet . itaq; in inti-
mis est meis , cum antea notus non fuisset . nunc pergam
ad cætera . Varro , de quo ad me scribis , includetur
in aliquem locum , si modo erit locus . sed nosti genus
dialogorum meorum ; ut in oratorijs , quos tu in cœ-
lum fers , non mentio potuit fieri cuiusquam ab ijs , qui
disputant , nisi eius , qui illis notus , aut auditus esset . hæc
ego de Rep . quam institui disputationem , in Africani
personam , & Philii , & Lælij , & Manilij contuli . adiun-
xi adolentes Q. Tiberonem , P. Rutilium , duos Læ-
lij generos , Scauolam , & Fannium . itaque cogitabam ,
quoniam in singulis libris utor pro æmijs , ut Aristoteles
in ijs , quos ἑγωτεγίμωνς uocat , aliquid efficere , ut non
sine causa istum appellarem : id quod intelligo tibi pla-
cere . utinam modo conata efficere possim : rem enim
(quod te non fugit) magnam complexus sum , & gra-
uem , & plurimi otij , quo ego maxime egeo . Quod in
ijs libris , quos laudas , personam desideras Scauolæ : non
eam temere dimoui : sed feci idem , quod in πολιτεία
Deus ille noster Plato , cum in Piræum Socrates uenisset
ad Cephalum locupletem , & festiuum senem , quoad
primus ille sermo haberetur , adest in disputando senex :
deinde , cum ipse quoque commodissime locutus esset , ad

rem diuinā
ueritur .
fore , si ho-
tius retinere
quid in
ea , quæ esse
corum uis
lano . &
le . studijs
huic iocula-
interesse sa-
hi cura : et
dici : & in
storia non de
ut ille intelli-
faciles , nihil
Catone . leg-
ego tibi ma-
libentibus ,
cum Milon-
a Lucretio
de prælio
rus cum D-
de provin-
bi , ut quo-
Mammy u-
eius compe-
fuit . nihil
tus decreuit
ret . ab his

rem diuinam dicit se uelle discedere, neque postea reuertitur. credo Platonem uix putasse satis consonum fore, si hominem id ætatis in tam longo sermone diutius retinuisset. multo ego satius hoc mihi cauendum putauim in Scæuola, qui & ætate, & ualitudine erat ea, quæ esse meministi, & ijs honoribus, ut uix satis decorum uideretur cum plureis dies esse in Crassi Tusculano. & erat primi libri sermo non alienus à Scæuolæ studijs: reliqui libri τεχνολογίαν habent, ut scis. huic ioculatoriæ disputationi senem illum, ut noras, interesse sanè nolui. De re filiæ quod scribis, erit mihi curæ: etenim est luculenta. Aureliam, ut scribis, indicis: & in eo me etiam Tulliæ meæ uenditabo. Vestorio non desum: gratum enim tibi id esse intelligo, et, ut ille intelligat, curo: sed scis? qui cum habeat duos faciles, nihil difficilius. Nunc ad ea, quæ quæris de C. Catone. lege Iunia, & Licinia scis absolutum: Fusia ego tibi nuntio absolutum iri, neque patronis suis tam libentibus, quàm accusatoribus. is tamē & mecum, & cum Milone in gratiam redijt. Drusus reus est factus à Lucretio. iudicibus reuocandis ad V. Non. Quint. de prælio rumores non boni: sed iudicia nosti. Hirrus cum Domitio in gratia est. S. C. quod hic Consules de prouincijs fecerunt, Quicumque posthac, notum tibi, ut quod. iam intelligebamus enuntiationem illam Memmij ualde Cæsari displicere. Messala noster, & eius competitor Domitius liberalis in populo ualde fuit. nihil gratius. certi erant Consules. ac senatus decreuit, ut tacitum iudicium ante comitia fieret. ab his consilijs, quæ erant omnibus sortita in sin-

hæc uolens

chiora

uoluntarij

a & di iuglio

gulos candidatos, magnus timor cādidatorum. sed qui-
 * dam iudices, in his Opimius Veiotorātius, Tribunos pl.
 * *de n. a. d. u. 40. 16* appellarunt, ne iniussu populi indicarent. rescidit. comi-
 tia dilata ex S. C. dum lex de tacito iudicio ferretur. ue-
 nit legi dies. Terentius intercessit. Consules, qui illud
 leui brachio egissent, rem ad senatum detulerunt. hic
 Abdera non tacente me. dices, tamen tu non quiescis?
 ignosce, uix possum. ueruntamen quid tam ridiculum?
in publicato senatus decreuerat, ne prius comitia haberentur, quā
 lex lata esset. qui si intercessisset, res integra referretur.
 coepta ferri leuiter. intercessum non inuitis. res ad se-
 natum. de ea re ita censuerunt: comitia primo quoq;
 tempore haberi censere. Scaurus, qui erat paucis diebus
 illis absolutus, cum ego partem eius ornatissime defen-
 dissem, obnuntiationibus per Scaeuolam interpositis, sin-
in ditione *et ult. mod. de p. 42* gulis diebus usq; ad prid. Cal. Oct. quo ego hāc die scri-
 psi, sublatis, populo tributim domi suae satisfecerat. sed
 tamen, *et* si uerior liberalitas huius, gratior esse uide-
 batur eorum, qui occupant. cuperem uultum uide-
 re tuum, cum hāc legeres: nam profecto rem non ha-
 bes nullam. hāc negotia multarum nundinarum fore:
 sed senatus hodie fuerat futurus, id est Cal. Oct. iam
 enim luciscit. ibi loquetur, praeter Antium, *et* Fauo-
 nium, liber nemo: nam Cato aegrotat. de me nihil ti-
 mueris: sed tamen promitto nihil. quid quæris aliud?
 iudicia, credo. Drusus, Scaurus non fecisse uidentur.
 tres candidati fore rei putabantur, Domitius à Mem-
 mio, Messala à Q. Pompeio Rufo, Scaurus à Tria-
 rio, aut à L. Cesare. quid poteris, inquires, pro ijs
 dicere? ne uiuam, si scio, in illis quidem tribus libris,

quos tu dilaudas, nihil reperio. Nūc, ut opinionem habeas rerum, ferendum est. queris, ego me ut gesserim? constanter, & libere. quid ille, inquires, ut ferebat? humaniter, meaq; dignitatis, quoad mihi satisfactum esset, habendam sibi rationem putabat. quomodo
 * ergo absolutus? omnino POPPAEYMNA accusatorum incredibilis infantia, id est L. Lentuli, L. F. quem fremunt omnes prauaricatum: deinde Pompeij mira contentio: iudicum sordes. attamen XXXII. condēnarunt, XXXVIII. absoluerunt. iudicia reliqua impendent. nondum est planè expeditus. dices, tu ergo hæc quomodo fers? belle mehercule, & in eo me ualde amo. amissimus mi Pomponi non omnem modo succū, ac sanguinem, sed etiam colorem, & speciem pristinam ciuitatis. nulla est Resp. quæ delectet, in qua acquiescā. id ne igitur, inquires, facile fers? id ipsum: recordor. n. quā bella paulisper nobis gubernantibus ciuitas fuerit. quæ mihi gratia relata sit, nullus dolor me angit. unū omnia posse, disrumpuntur ij, qui me aliquid posse doluerunt. multa mihi dant solatia. nec tamen ego de meo statu demigro: quæq; uita maxime est ad naturā, ad eam me refero, & literas, & studia nostra: dicendū laborem delectatione oratoria consolor. domus me, & rura nostra delectant. non recordor, unde ceciderim, sed unde surrexerim. fratrem mecum, & te si habebo, per me ista pedibus trahuntur. uobis ἐμφιλοσοφῆσαι possum. locus ille animi nostri, stomachus ubi habitabat olim, concaluit. priuata modo, & domestica nos delectant. miram securitatem uidebis: cuius plurimæ mehercule partes sunt in tuo reditu: nemo enim in terris

LIB. IIII. EPIST.

est mihi tam consentientibus sensibus : sed accipe alia .

Res fuit ad interregnum, & est nonnullus odor Di-
 etaturæ, sermo quidem multus, qui etiam Gabinium
 apud timidos iudices adiuvit. Candidati consulares
 omnes rei ambitus. accedit etiam Gabinus : quem P.
 Sulla non dubitans, quin foris esset, postularat contradi-
 cente, & nihil obtinente Torquato. sed omnes absoluen-
 tur, nec posthac quisquam damnabitur, nisi, qui homi-
 nem occiderit. hoc tamen agitur seuerius. itaque iudi-
 cia calent. M. Fulvius Nobilior condemnatus est. mul-
 ti alij urbani ne respondent quidem. quid aliud novi?
 & tamen, absoluto Gabinio, stomachantes alij iudices,
 hora post, Antiochum Gabinium nescio quem solidis pe-
 ctoribus libertum accensum Gabinij lege Papia conde-
 mnarunt. itaque dixit statim reus lesæ maiestatis OYC

* OIMPICAMA ΦΙΗΙ. Pontinus vult ad IIII.
 Non. Nou. triumphare. huic obuiam Cato, & Servi-
 lius Præt. aperte, & Q. Mutius Trib. negant enim la-
 tum de imperio : & est latum hercule insulse. sed erit
 cum Pontino Appius Cos. Cato tamen affirmat, se ui-
 uo illum non triumphare. id ego puto, ut multa eius-
 dem, ad nihil recasurum. Appius sine lege suo sum-
 ptu in Ciliciam cogitat. Ab Quinto fratre, & à Cæ-
 sare accepi ad IX. Cal. Nou. literas (confecta Brita-
 nia, obsidibus acceptis, nulla præda, imperata tamen pe-
 cunia) datas à litoribus Britanniae, proximo : ad VI.
 Cal. Oct. exercitum Britannia reportabant. Q. Pilius
 erat iam ad Cæsarem profectus. Tu, si aut amor in-
 te est noster, ac tuorum, aut ulla ueritas, aut si etiam
 sapias, ac frui tuis commodis cogitas, aduentare, & pro-

pè adesse iam debes . non mehercule æquo animo te ca-
reo : te autem quid mirum , qui Dionysium tantopere
desiderem ? quem quidem abs te , cum dies uenerit , &
ego , & Cicero meus flagitabit . abs te proximas literas
habebam . Epheso , ad V. Id. Sext. datas. Vale.

CICERO ATTICO S.

O' EXPECTATAS mihi tuas literas. o' gratum ad-
uentum . o' constantiam promissi , & fidem miram. o'
nauigationem amandam , quam mehercule ego ualde
timebam , recordans superioris tuæ transmissionis . sed ,
nisi fallor , citius te , quam scribis , uidebo : credo enim te
putasse tuas mulieres in Apulia esse : quod cum secus
erit , quid te Apulia moretur ? nam Vestorio dandi sunt
dies , & ille latinus ἀττικισμὸς ex intervallo regustan-
dus . quin tu huc aduolas & inuisis illius nostræ Reip.
germanæ . putauit de numis ante comitia tributim uno
loco diuisis palam : uide absolutum Gabinium : de-
tur , esse ualiturum . De Messala quod quæris : quid
scribam , nescio : nunquam uidi tam pares candida-
tos . Messalæ copias nosti . Scaurum Triarius reum
fecit . si quæris , nulla est magnopere commota συ-
νέδριον . sed tamen habet edilitas eius memoriam non
ingratam , & est pondus apud rusticos in patris me-
moriæ . reliqui duo plebey sic exæquantur , ut Do-
mitius ualeat amicis , adiuuetur tamen non gratissi-
mo munere , Memmius Cæsaris commendetur militi-
bus , Pompeij Gallia nitatur . quibus si non ualuerit pu-
tant fore aliquē , qui comitia in aduentum Cæsaris de-

erudat, Catone praesertim absoluto. Paccianae epistolae respondi. cognosce caetera. Ex fratris literis incredibilia quaedam de Caesaris in me amore cognoui, eaq; sunt ipsius Caesaris uberrimis literis confirmata. Britanici belli exitus expectatur: constat enim aditus insulae esse munitos mirificis molibus. etiam illud iam cognitum est, neq; argenti scrupulum esse ullum in illa insula, neque ullam spem praedae, nisi ex mancipijs: ex quibus nullos puto te literis, aut musicis eruditos expectare.

Paulus in medio foro Basilicam iam penè texuit iisdem antiquis columnis. illam autem, quam locauit, facit magnificentissimam. quid quaeris? nihil gratius illo monimento, nihil gloriosius. itaque Caesaris amici (me dico, & Oppium) dirumparis licet, monimentum illud, quod tu tollere laudibus solebas, ut forum laxaremus, & usque ad atrium libertatis explicaremus, contempsimus sexcenties HS. cum priuatis non poterat transigi minore pecunia. efficiemus rem gloriosissimam: nam in campo Martio septa tribunitijs comitibus marmorea sumus, & tecta struendi, eaq; cingemus excelsa porticu, ut mille passuum conficiatur. simul adiungetur huic operi uilla etiam publica. dicis, quid mihi hoc monimentum proderit? ad quid laboramus res Romanas? non enim te puto de lustro, quod iam desperatum est, aut de iudicijs, quae lege Plotia fiunt, quaerere. Nunc te obiurgari patere, si iure: scribis enim in ea epistola, quam C. Domitius mihi reddidit Buthroto datam, in Asiam tibi eundum esse, te arbitrari. mihi mehercule nihil uidebatur esse, in quo tantulum interesset, utrum per procuratores ageres, an per te ipsum, ne toties, &

tam longe abesses. sed hæc mallem integra re tecū egisse:
 profecto enim aliquid egissem. nunc reprimam suscep- *uenerere*
 ptam obiurgationem: utinam ualeat ad celeritatem re-
 ditus tui. Ego ad te propterea minus sæpe scribo, quòd
 certum non habeo, ubi sis, aut ubi futurus sis. huic tamē
 nescio cui, quòd uidebatur is te uisurus esse, putauī dan-
 das esse literas. tu quoniam iturum te in Asiam esse pu-
 tas, ad quæ tempora te expectem, facias me certiore
 uelim, & de Eutychede quid egeris. Vale.

CICERO ATTICO S.

17

P V T O te existimare me non oblitum consuetudinis, &
 instituti mei rarius ad te scribere, quàm solebā. sed cum
 loca, & itinera tua nihil habere certi uideo, neq; in Eper-
 rum, neq; Athenas, neq; in Asiam, neq; cuiquam, nisi ad
 te ipsum proficiscenti dedi literas: neque enim sunt epi-
 stolæ nostræ, quæ si perlatæ non sint, nihil ea res nos offen-
 sura sit, quæ tantū habent mysteriorū, ut eas ne librarijs
 quidem ferè cōmittamus. Lepidum quo excidat. Cōsules *
 flagrant infamia, quòd C. Memmius candidatus pæctio-
 nem in senatu recitauit, quam ipse, suus cōpetitor Domi-
 tius cum Consulibus fecisset, ut ambo HS quadringena
 Cōsulibus darēt, si essent ipsi Cōsules facti, nisi tres Au-
 gures dedissent, qui se affuisse dicerent, cum lex curiata
 ferretur, quæ lata non esset; & duos consulares, qui se
 dicerent in ornandis prouincijs consularibus scribendo
 affuisse, cum omnino ne senatus quidem affuisset. hæc pæ-
 ctio non uerbis, sed nominibus, & per scriptionibus mul- *benigno*
 torū tabulis cum esse facta diceretur: prolata à Mem-

LIB. IIII. EPIST.

mio est, nominibus inductis auctore Pompeio. hic Ap-
pius erat idem: nihil sanè iactura. corruerat alter, &
planè inquam iacebat. Memmius autem dirempta coi-
tione inuito Caluino, planè refrixerat, & eo magis nūc
concitare Dictaturam, fauere iustitio, & omnium re-
rum licentiæ. Perspice æquitatem animi mei, & lu-
dum, & contempnionem Seleucianæ prouinciæ, & meā
hercule cum Cæsare suauissimam coniunctionem: hæc
enim me una ex hōc naufragio tabula delectat. qui
quidem Quintum meum, tuumq; (Dij boni) quemad-
modum tractat honore, dignitate, gratia; non secus, ac
si ego essem imperator. hibernam legionem eligendi
optio delata: cōmodum, ut ad me scribit. hunc tu non
ames? quem igitur istorum? sed heus tu, scripseram
ne tibi me esse legatum Pōpeio? et extra urbem quidem
fore ex Idib. Ian? uisum est hoc mihi ad multa quadra-
re. sed quid plura? coram (opinor) reliqua; ut tu ta-
men aliquid expectes. Dionysio plurimam salutem:
cui quidem ego non modo seruauī, sed etiam ædificaui
locum. quid quæris? ad summam lætitiā meā, quam
ex tuo reditu capio, magnus ex illius aduentu cumu-
lus accedit. quo die ad me uenies, si me amas, apud me
cum tuis maneads. Vale.

M. TVLLII CICERONIS EPISTO-
LARVM AD T. POMPONIVM
ATTICVM LIBER V.

CICERO ATTICO S.

E
GO uero et tuum in discessu uidi ani-
mum, & meo sum ipse testis. quo ma-
gis erit tibi uidendum, nequid noui de-
cernatur, ut hoc nostrum desiderium
ne plus sit annuum. De Annio Sa-
turnino curasti probe. de satisfaciendo uero te rogo, quoad-
eris Romæ, tu ut satisfas. & sunt aliquot satisfactiones
secundum mancipiū, in his & Memmianorum prædio-
rum, uel Atilianorum. De Oppio factum est, ut uo-
lui, & maxime quod DCCC. aperuisti: quæ quidem
ego utiq; uel uersura facta solui uolo, ne extrema exa-
ctio nostrorum nominum expectetur. Nunc uenio
ad transuersum illum extremæ epistolæ tuæ uersiculum,
in quo me admones de sorore. quæ res se sic habet. ut
ueni in Arpinum, cum ad me frater uenisset, in pri-
mis nobis sermo, isq; multus de te fuit. ex quo ego ue-
ni ad ea, quæ fueramus ego, & tu inter nos de sorore in
Tusculano locuti. nihil tam uidi mite, nihil tam pla-
catum, quam tum meus frater erat in sororem tuam:
ut etiam si qua fuerat ex ratione sumpta offensio, nō ap-
pareret. illo sic die. postridie ex Arpinati profecti su-
mus. ut in Arcano Quintus maneret, dies fecit. ego
Aquini. sed prandimus in Arcano. nosti hunc fundum.
quod ut uenimus, humanissime Quintus, Pōponia, inquit,

LIB. V. EPIST.

tu inuita mulieres, ego acciuero pueros. nihil potuit, mihi quidem ut uisum est, dulcius, idq; cum uerbis, tum etiam animo, & uultu. at illa audietibus nobis ego sum, inquit, hic hospita. id autem ex eo, ut opinor, quod antecesserat Statius, ut prandium nobis uideret. tum Quintus, en, inquit mihi, hæc ego patior quotidie. dices, quid, quæso, istuc erat? magnum, itaque me ipsum commouerat, sic absurde, & aspere uerbis, uultuq; responderat. dissimulaui dolens. discubimus omnes præter illam: cui tamen Quintus de mensa misit: illa reiecit. quid multa? nihil meo fratre lenius, nihil asperius tua sorore mihi uisum est: & multa prætereo, quæ tum mihi maiore stomacho, quam ipsi Quinto fuerunt. ego inde Aquinum. Quintus in Arcano remansit, & Aquinum ad me postridie mane uenit, mihiq; narrauit, nec secum illam dormire uoluisse, & cum discessura esset, fuisse eiusmodi, qualem ego uidissem. quid quæris? uel ipsi hoc dicas licet, humanitatem ei meo iudicio illo die defuisse. hæc ad te scripsi fortasse pluribus, quam necesse fuit, ut uideres tuas quoq; esse partes instituendi, & monendi. Reliquum est, ut ante, quam proficiscare, mandata nostra exhaustas, scribas ad me omnia, Pontinum extrudas. cum profectus eris, cures, ut sciam. sic habeas, nihil mehercule te mihi nec carius esse, nec suauius. A. Torquatum amantissime dimisi Minturnis, optimum uirum, cui, me ad te scripsisse aliquid, in sermone significes uelim. Vale.

CICERO ATTICO S.

A D V I. Id. Maías, cum has dabam literas, ex Pompeia-
 no proficiscebar, ut eo die manerem in Trebulano apud
 Pontium. deinde cogitabam sine ulla mora iusta itine-
 ra facere. in Cumano cum essem, uenit ad me (quod
 mihi pergratum fuit) noster Hortensius: cui deposceti
 mea mandata, cetera uniuerse mandaui, illud proprie,
 ne pateretur, quantum esset in ipso, prorogari no-
 bis prouincias. in quo eum tu uelim confirmes, gra-
 tumq; mihi fecisse dicas, quod & uenerit ad me, & hoc
 mihi, prætereaq; siquid opus esset, promiserit. confir-
 maui ad eam causam etiam Furnium nostrum, quem ad
 annum Tribunum pl. uidebam fore. Habuimus in
 Cumano quasi pusillam Romam: tanta erat in his locis
 multitudo: cum interim Rufio noster, quod se à Ve-
 storio obseruari uidebat, stratagemate hominem per-
 cussit: nam ad me non accessit. ita ne? cum Horten-
 sius ueniret, & infirmus, & tam longe Hortensius, cum
 maxima præterea multitudo, ille non uenit? non, in-
 quam. non uidisti igitur hominem, inquires? qui potui
 non uidere, cum per emporium Puteolanorum iter fa- *metrato*
 cerem? in quo illum, agentem aliquid credo, salutauit:
 post etiam iussi ualere, cum me è Pansæ uilla, nunquid
 uellem, rogasset. hunc hominem parum gratum quis-
 quam putet? aut non in eo ipso laudandum, quod au-
 diri non laborarit? sed redeo ad illud. noli putare mi-
 hi aliam consolationem esse huius ingentis molestiæ, nisi
 quod spero non longiorem annua fore. hoc me ita uelle

LIB. V. EPIST.

multi non credunt ex consuetudine aliorum. tu, qui scis, omnem diligentiam adhibebis, tum scilicet, cum id agi debeat. cum ex Epeïro redieris, de Rep. scribas ad me uelim, siquid erit, quod operiare: non dum enim satis huc erat allatum, quo modo Cæsar ferret de auctoritate perscripta: eratq; rumor de Transpadanis, eos iussos IIII. uiros creare. quod si ita est, magnos motus timeo. sed aliquid ex Pompeio sciam. Vale.

CICERO ATTICO S. 3

AD VI. Id. Maias ueni in Trebulanum ad Pontium. ibi mihi tuæ literæ binæ redditæ sunt tertio abs te die. eodem autem ex Pompeiano Philotimo dederam ad te literas. nec uero nunc erat sanè, quid scriberem. qui de Rep. rumores, scribe quæso: in oppidis enim summum uideo timorem. sed multa inania. quid de ijs cogites, & quando, scire uelim. Ad quas literas tibi rescribi uelis, nescio: nullas enim adhuc acceperam, præter quæ mihi binæ semel in Trebulano redditæ sunt. quarum altera edictum P. Licinij habebat (erant autem Non. Maijs data) altera rescripta ad meas Minturnenses. quàm uereor, nequid fuerit σπουδαίοντες in ijs, quas non accepi, quibus rescribi uis. Apud Lentulum ponam te in gratiam. Dionysius nobis cordi est. Nicanor tuus operam mihi dat egregiam. iam deest quid scribam, & lucet. Beneuenti cogitabam hodie. nostra continentia, & diligentia faciemus satis. A' Pontio, ex Trebulano, ad V. Id. Maij.

Al. et edictum

Quo ni uenit

BENEVENTI
literas, quæ
disse. ad
Pontio. d
alteras F
ba Tullio
mo, &
meam de
sed inopia
quem scri
duci ne mo
reum esse
absente re
si ueruis
le. nunc
deo. N
Tullio.
factum
mihi eni
bito, qui
penditur
et Ligur
niam hic
etiam ne
ctenus, ne
ceperis:
tino recte
dusq; fu

BENEVENTVM ueni ad V. Id. Maij. ibi accepi eas literas, quas tu superioribus literis significaueras te dedisse. ad quas ego ipso eo die dederam ex Trebulano à Pontio. ac binas quidem tuas Beneuenti accepi. quarum alteras Fesulanus multo mane mihi dedit, alteras scriba Tullius. gratissima est mihi tua cura de illo meo primo, & maximo mandato, sed tua profectio spem meam debilitat. ac ne ille illud quidem labat, non quo, sed inopia cogimur eo contenti esse. De illo altero, quem scribis tibi uisum esse non alienum, uereor adduci, ut nostris possit (& tuis $\delta\upsilon\sigma\delta\iota\acute{\alpha}\gamma\gamma\omega\sigma\tau\omicron\nu$) πρὸς νεῦσιν esse, et quidem summe facilis. sed tu aberis, & me absente rei habebis rationem meā: non posset aliquid, si uteruis nostrum adesset, agente Seruio fieri probabile. nunc si iam res placeat, agendi tamen uiam nam ui *non* deo. Nunc uenio ad illam epistolam, quam accepi à Tullio. De Marcello fecisti diligenter. igitur S. C. si erit factum, scribes ad me: sin minus, rem tamen conficies: mihi enim attribui oportebit, item Bibulo. sed non dubito, quin S. C. expeditum sit, in quo praesertim sit compendium populi. De Torquato probe. De Massone, et Ligure, cū uenerint. De illo, quod Cherippus (quoniam hic quoque πρὸς νεῦσιν sustulisti): o prouincia, etiam ne hic mihi curandus est? curandus autem? haec tenus, nequid ad senatū: Consule, aut numerat: nā D C. ceperis: sed tamen cōmode, q̄ cum Scrofa. De Pontino recte scribis: est enim ita, ut, si ante Cal. Iun. Brundisij futurus sit, minus urgendi fuerint M. Annii,

LIB. V. EPIST.

¶ Tullius. Quæ de Sicinio audisti, ea mihi probantur, modo ne illa exceptio in aliquem incurrat bene de nobis meritum. sed considerabimus: rem enim probo.

De nostro itinere, quod statuerò; de quinque præfatis, quid Pompeius facturus sit, cum ex ipso cognoro, faciam, ut scias. De Oppio bene curasti, quod ei DCCC. exposuisti. idque, quoniam Philotimum habes, perfice, et cognosce rationem, et ut agam amplius, si me amas, priusquam proficiscaris, effice. magna me cura leuaret. habes ad omnia. etsi penè præterij. chartam tibi deesse, mea cautio est: siquidem eius inopia minus multa ad me scribis. tu uero aufer ducentos. etsi meam in eo parsimoniam huius paginae contractio significat, dum acta, et rumores uellet. iam si qua certa habes de Cæsare, expecto literas: et alias Pontino de omnibus rebus diligentes dabis. Vale.

CICERO ATTICO S. S

¶ PLANE deest, quod scribam: nam nec, quid mandem, habeo; nihil enim prætermisum est: nec quid narrem; noui enim nihil: nec iocandi locus est; ita me multa sollicitant. tantum tamen scito, Idibus Maijs nos Venusia mane proficiscentes has dedisse. eo autem die credo aliquid actum in senatu. sequantur igitur nos tuæ literæ, quibus non modo res omnes, sed etiam rumores cognoscamus. eas accipiemus Brundisij: ibi enim Pontinum ad eam diem, quam tu scripsisti, expectare consilium est. Nos Tarenti quos cum Pompeio διαλόγους de Rep. habuerimus, ad te perscribemus. etsi id ipsum scire cupio, quod ad tempus recte ad te

ad te scribere possem, id est quandiu Romæ futurus sis, ut, aut quò dem posthac literas, sciam, aut ne dem frustra. sed ante, quàm proficiscare, utique explicatum sit illud HS XX & DCCC. hoc uelim in maximis rebus, & maxime necessarijs habeas, ut, quod auctore te uelle cœpi, adiutore assequar. Vale.

CICERO ATTICO S. 6

T A R E N T V M ueni ad XV. Cal. Iun. quòd Pontinũ statueram expectare, còmodissimum duxi dies eos, quòd ad ille ueniret, cũ Pompeio consumere, eoq; magis, quòd ei gratum esse id uidebam, qui etiam à me petierit, ut secum, & apud se essem quotidie: quod còcessi libenter: multos enim eius præclaros de Rep. sermones accipiam: instruar etiam còsilijs idoneis ad hoc nostrum negotiũ. sed ad te breuior iam in scribendo incipio fieri, dubitans Romæ ne sis, an iam profectus. quod tamẽ quoad igno rabo, scribam aliquid potius, q̃ committam, ut tibi cum possint reddi à me literæ, non reddantur. nec tamen iã habeo, quid aut mandem tibi, aut narrem: mandauĩ omnia, quæ quidem tu, ut polliceris, exhauries: narrabo, cum aliquid habebo noui. illud tamen nõ desinam, dum adesse putabo, de Cæsaris nomine rogare, ut confectum relinquo. auide expecto tuas literas, & maxime, ut no rim tempus profectiõis tuæ. Vale.

CICERO ATTICO S. 7

Q U O T I D I E, uel potius in dies singulos breuiores lite ras ad te mitto: quotidie enim magis, ac magis suspicor

K

te in Epeirū iam profectum. sed tamen, ut mandatum scias me curasse; quot ante, ait se Pompeius quinos præfectos delaturum novos, uacationes iudiciariā causam.

Ego cū triduum cum Pompeio, & apud Pompeium fuisset, proficiscebam Brundisium ad XIII. Cal. Iun. ciuem illum egregium relinquebam, & ad hæc, quæ timentur, propulsanda paratissimum. tuas literas expectabo, cum ut, quid agas, tum ut, ubi sis, sciam. Vale.

CICERO ATTICO S. 8

asare M E E T incommoda ualetudo, qua iam emerferam, utpote cum sine febris laborassem, & Pontini expectatio, de quo adhuc ne rumor quidem uenerat, tenebat duodecimum iam diem Brundisij: sed cursum expectabamus. tu, si modo es Romæ (uix enim puto) sin es, hoc uehementer animaduertas uelim. Romæ acceperam literas, Milonem meum queri per literas iniuriam meam, quod Philotimus socius esset in bonis suis. id ego ita fieri uolui de C. Dronij sententia, quem & amicissimum Miloni perspexeram, & talem uirum, qualem tu iudicas, cognoram. eius autem consilium, meumq; hoc fuerat: primum, ut in potestate nostra esset res, ne illum malus emptor alienis macipijs, quæ permulta secum habet, spoliaret: deinde, ut Faustæ, cui cautum ille esse uoluisset, ratum esset: erat etiam illud, ut ipsi nos, si quid seruari possit, quamfacillime seruaremus. nunc rem totam perspicias uelim: nobis enim scribuntur sæpe maiora. sed si ille queritur, si scribit ad amicos, si idem Fausta uult: Philotimus (ut ego ei coram dixeram, mihiq; ille

reperat) ne sit inuito Milone in bonis: nihil nobis fue-
rat tanti. sin hæc leniora sunt, tu iudicabis. loquere
cum Duronio. scripsi etiam ad Camillum, ad Lamiam,
eoq; magis, q̃ non confidebā Romæ te esse. summa erit
hæc. statues, ut ex fide, fama, req; mea uidebitur. Vale.

CICERO ATTICO S.

A CTIVM uenimus ad XVII. Cal. Quint. cum qui-
dem & Corcyra, & Sybotis muneribus tuis, quæ &
Areus, & meus amicus Eutychedes opipare, & philo-
σοφῶν ἑστῶτα nobis concesserant, epulati essemus sa-
liarem in modum. Actio maluimus iter facere pedis-
bus, qui incommodissime nauigassemus: & Leucathen
flectere, molestum uidebatur: ætuarijs autem minutis
Patras accedere sine ijs impedimentis, non satis uisum
est decorum. Ego, ut sæpe tu me currētem hortatus
es, quotidie meditor: præcipio meis: faciam denique, ut
summa modestia, et summa abstinentia munus hoc ex-
traordinarium traducamus. Parthus uelim quiescat,
& fortuna nos iuuet: nostra præstabimus. Tu, quæ-
so, quid agas, ubi quoque hoc tempore futurus sis, qua-
leis res nostras Romæ reliqueris, maxime de CXX, &
de DCCC, cura, ut sciamus. id unis diligenter lite-
ris datis, quæ ad me utique perferantur, cōsequere. il-
lud tamen (quoniam nunc abes, cum id nō agitur: ade-
ris autem ad tempus, ut mihi scripsisti) memento cura-
re per te, & per omnes nostros, in primis per Hortensi-
um, ut annus noster maneat suo statu, ne quid noui de-
cernatur. hoc tibi ita mando, ut dubitem, an etiam

interponere et
et te melle
conseruare

te rogem, ut pugnes, ne intercaletur. sed non audeo tibi omnia onera imponere. annum quidem utique teneto. Cicero meus, modestissimus, et suauissimus puer, tibi salutem dicit. Dionysium semper equidem, ut scis, dilexi, sed quotidie pluris facio, et mehercule in primis, quod te amat, nec tui mentionem intermitti sinir. Vale.

CICERO ATTICO S. 10

V T Athenas ad XV. Cal. Quint. ueneram, expectabam ibi iam quartum diem Pontinum, neque de eius aduentu certi quicquam habebam: era autem totus, crede mihi, tecum: et quamquam sine ipsis per me ipse, tamen acrius, uestigijs tuis monitus, de te cogitabam. quid quaeris? non mehercule alius ullus sermo, nisi de te. sed tu aliquid de me ipso scire fortasse mauis. haec sunt. Adhuc sumptus nec in me aut publice, aut priuatim, nec in quenquam comitum. nihil accipitur lege Iulia, nihil ab hospite. persuasum est omnibus meis seruiendum esse famae meae. belle adhuc, hoc animaduersum, Graecorum laude, et multo sermone celebratur. quod superest, elaboratur in hoc a me, sicut tibi sensi placere. sed haec tum laudemus, cum erunt perorata. reliqua sunt eiusmodi, ut meum consilium saepe reprehendam, quod non aliqua ratione ex hoc negotio emerferim. o rem minime aptam meis moribus. o illum uerum, εἰς ὅτις. dices, quid adhuc? non dum enim in negotio uersaris? nescio, et puto molestiora restare. sed haec ipsa fero equidem fronte, ut puto, et uultu belliss. sed angor intimis sensibus: ita multa uel iracunde, uel insolenter, uel in omni genere stultitiae in-

part in libro

on huius

conuall

fulse, arroganter & dicuntur, & tacentur quotidie. *sciocha ment*
 quæ, non quo te cælē, non perscribo, sed quia δ'υσβολοί =
 μῆτα sunt. itaque admirabere meam βαδύτητα, cum
 salui redierimus: tanta mihi μελέτη huius uirtutis da-
 tur. ergo hæc quoque hæctenus: & si mihi nihil erat
 propositū ad scribendū, quia, quid ageres, ubi terrarum
 esses, ne suspicabar quidē: nec hercule unquam tandiu
 ignarus rerum mearum fui, quid de Cæsaris, quid de
 Milonis nominibus actum sit. hac non modo nemo, sed
 ne rumor quidem quisquam; ut sciremus, in Rep. quid
 ageretur. quare si quid erit, quod scias de ijs rebus,
 quas putabis scire me uelle, per mihi gratū erit, si id cu-
 raris ad me perferendū. quid est præterea? nihil sanē,
 nisi illud: ualde me Athenæ delectarunt: turbæ dūta-
 xat? & urbis ornamentum, & hominū amores in te,
 in nos quadam beneuolentia, sed multū ea philosophia,
 αἶψα, καὶ χάτω, si quidem est in Aristo, apud quē eram:
 nā Xenonem tuum, uel nostrum potius Quinto conces-
 seram: & tamen propter uicinitatem totos dies simul
 eramus inuicem. Cum primum poteris, tua consilia
 ad me scribas, ut sciam, quid agas, ubi quoque, & maxi-
 me quando Romæ futurus sis. Vale.

CICERO ATTICO S. 11.

H VI, toties ne me literas dedisse Romam, cū ad te nul-
 las darem? at uero posthac frustra potius dabo, q̄, si
 recte dari potuerint, committam, ut non dem. Ne
 prouincia nobis prorogetur, per fortunas, dū ades, quic-
 quid prouideri potest, prouide. non dici potest, quā
 flagrem desiderio Urbis, quā uix harum rerum in-

K iij

* fulsitatem feram. Marcellus sedendi comes, & si ille magistratum non gesserit, erit tamen Transpadanus. ita mihi uidetur non minus stomachi nostro Casari fecisse. sed hoc ipse uiderit. Pópeius mihi quoque uidebatur (quod scribis Varronem dicere) in Hispaniam certe iturus. id ego minime probabam; qui quidem Theophrani facile persuasi, nihil esse melius, quàm illud, nusquam illum discedere. ergo Græcus incumbet. ualet autem auctoritas eius apud illum plurimum. ego has prid. Non. Quint. proficiscēs Athenis dedi, cum ibi decem ipsos fuisset dies. uenerat Pontinus. nam Cn. Volusius aderat Quæstor. tuus unus Tullius aberat. & φεῶντα Rhodiorum, & dicota Mitylenæorum habebam, & aliquid ἐπικρατών. De Parthis erat silētium. Quod superest, Diu iuuent. nos adhuc iter per Græciam summa cum admiratione fecimus. nec mehercule habeo, quod adhuc quem accussem meorum. uidentur mihi nosse nos, nostram causam, & conditionem profectio nis suæ. plane seruiunt existimationi meæ. quod superest, si uerum illud est, διὰ τὸ ἂν δέσποιναι, certe permanebunt: nihil enim à me fieri ita uidebunt, ut sibi sit delinquendi locus. sin id parum profuerit, fiet aliquid à nobis seuerius: nam adhuc lenitate dulces sumus, & ut spero, proficimus aliquantum. sed ego hęc, ut singuli dicunt, ἀνεξέλιαν in unum annum meditatissum: proinde pugna, ne, si quid prorogatum sit, turpis inueniar. Nunc redeo ad quæ mihi mandas. in præfectis excusatio: ips, quos uoles, deferto. non ero tam μετέωρος, quàm in Apuleio fui. Xenonē tam diligo, quàm tu: quod ipsum sentire certo scio. apud Patro-

nem, &
hercule
se ad se
ei pergr
terem a
quem P
est &
scribere
profect
tate fier
ti inuic
tem ad
tu. itaq
ad te ext
lere. in
sciculu
gi: ual
epistole
ego me
cusatio
xime,

N E G O
Quint.
Quint.
Noris t
rum sa
utroqu
nostri a

nem, & reliquos Barones te in maxima gratia posui: et *mea stolo*
 hercule merito tuo feci: nā mihi is ter dixit, te scripsisse
 se ad se, mihi ex illius literis rem illam curae fuisse. quod
 ei pergratum erat. sed cum Patro mecum egisset, ut pe-
 terem à uestro Ariopago, ὑπομνηματιστὸν tollerent,
 quem Polycharmo Prætoræ fecerant: cōmodius uisum
 est & Xenoni, & post ipsi Patroni, me ad Memmium
 scribere, quī pridie, quā ego Athenas ueni, Mitylenas
 profectus erat, ut is ad suos scriberet, posse id sua uolū-
 tate fieri: non enim dubitabat Xeno, quin ab Ariopagi-
 tis inuito Memmio impetrari non posset. Memmius au-
 tem ædificandi consiliū abiecerat, sed erat Patroni iras-
 tus. itaque scripsi ad eum accurate: cuius epistolæ misi
 ad te exemplum. Tu uelim Piliam meis uerbis conso-
 lere. indicabo enim tibi: tu illi nihil dixeris. accepi fa-
 sciculum, in quo erat epistola Piliæ: abstuli, aperui, le-
 gi: ualde scripta est συμπαθῶς. Brundusio quæ tibi
 epistolæ redditæ sunt sine mea, tum uidelicet datæ, cum
 ego me non belle haberem: nam illam νομᾶς δ' ἔαν ex-
 cusationem ne acceperis. cura, ut omnia sciam, sed ma-
 xime, ut ualeas.

CICERO ATTICO S. 12.

NEGOTIVM magnum est nauigare, atque id mense
 Quint. sexto die Delum Athenis uenimus. prid. Non.
 Quint. à Piræo ad Zostera uēto molesto, qui nos ibidē
 Nonis tenuit. ad V I I I. Id. ab Ceo incunde. inde Gya-
 rum sæuo uento, non aduerso: hinc Scyrū: inde Delū,
 utroque citius, quā uellemus, cursum confecimus. iam
 nosti ἀφ' ἑσπερά Rhodiorum. nihil, quod minus fluctum

K iij

LIB. V. EPIST.

ferre possit. itaque erat in animo nihil festinare, Delo
nec me mouere, nisi omnia ἀπερτηρέων iura uidissem.
De Messala ad te statim, ut audiui, de Gyaro dedi lite-
ras, & id ipsum consilium nostrū etiam ad Hortensiu.
cui quidem ualde συνήγωνίαν. sed tuas de eius iudicij
sermonibus, & mehercule omni de Reip. statu literas
expecto, πολιτικώτερον quidem scriptas (quoniā meos cū
Thallumeto nostro peruolutas libros) eiusmodi inquam
literas, ex quibus ego, non quid fiat (nā id uel Helonius
uir gratissimus potest efficere cliēs tuus) sed quid futu-
rum sit, sciam. cū hęc leges, habebimus Consules. o-
mnia perspicere poteris de Casare, de Pompeio, de ipsis
iudicys. Nostra autem negotia (quoniam Romæ cō-
moraris) amabo te explica. cui rei fugerat me rescribe-
re, de strue salinarum plane rogo. de aqua, si quid po-
terit fieri, eo sis animo, quo soles esse. quam ego cū mea
sponte, tum tuis sermonibus aestimo plurimi. ergo quid
conficies. pręterea si quid Philippus rogauit, quod in
tua re faceres, id uelim facias. plura scribā ad te, cum
constitero: nunc eram plane in medio mari. Vale.

CICERO ATTICO S. 13

E P H E S V M uenimus ad XI. Cal. Sext. sexagesimo,
& quinto post pugnam Bouillam. nauigauimus si-
ne timore, & sine nausea, sed tardius propter A-
phraetorum Rhodiorum imbecillitatem. De con-
cursu legationum, priuatorum, & de incredibili
multitudine, quę mihi iam Sami, sed mirabilem in
modum Ephesi pręsto fuit, aut audisse te puto, aut

quid ad me attinet? ueruntamen de Cumanis uenissem cum imperio, Græci quasi Ephesio Pratori se alacres obtulerunt. ex quo te intelligere certo scio, multorum anorum ostentationes meas nunc in discrimen esse adductas. sed, ut spero, utemur ea palæstra, quam à te didicimus: omnibusq; satisfaciemus, & eo facilius, q̃ in nostra prouincia confectæ sunt pactiones. sed hætenus, præsertim cum coenanti mihi nuntiaret Sestius, se de nocte proficisci. Tua negotia Ephesi curæ mihi fuerunt: Thermoq; tametsi ante aduētum meum liberatissime erat pollicitus tuis omnibus, tamen Philogenem, & Seium Rhodium, & Apollonicensem Xenonem commendauit. omnino omnia se facturū recepit. ego præterea rationem Philogeni permutationis eius, quam tecum feci, edidi. ergo hæc quoque hætenus. Redeo ad urbana. Per fortunas (quoniam Romæ manes) primum illud præfulci, atque præmuni quæso, ut simus annui, ne intercaletur quidem: deinde exhauri mea madata, maximeq; si quid potest, de illo domestico, scrupulum quē non ignoras: deinde de Cæsare: cuius in cupiditatem te auctore incubui, nec me piget. & si intelligis, q̃ meū sit scire, & curare, quid in Rep. fiat, fiat autē? immo uero etiam quid futurum sit: perscribe ad me omnia, sed diligentissime, in primisq; quid iudiciorum status auctorum, aut futurorū etiam laboret. de aqua, si curæ est, si quid Philippus aget, animaduertes. Vale.

CICERO ATTICO S. 14

A N T E, quàm aliquo loco confedero, neque lōgas à me, neque semper mea manu literas expectabis. cū autem

erit spatium, utrumque præstabo. nunc iter conficiebam
 mus æstiuosa, & puluerulenta uia. dederam Epheso pridie.
 has dedi Trallibus. in provincia mea fore me pu-
 tabam Cal. Sext. ex ea die, si me amas, παράγγελμα ἐναιού-
 σιον commoneto. tamen interea hæc, quæ uellem, mihi
 afferebantur: primum otium Parthicum: deinde con-
 fectæ pactiones publicanorum: postremo seditio militum
 sedata ab Appio, stipendiumque eis usque ad Id. Quint.
 persolutum. nos Asia accepit admirabiliter. aduentus no-
 ster ne numo quidem sumptui fuit. spero meos omnes
 seruire laudi meæ: tamen magno timore sum: sed be-
 ne speramus. omnes iam nostri præter Tullium tuum
 uenerunt. erat mihi in animo recta proficisci ad exer-
 citum, æstiuos menses reliquos rei militari dare, hybernos in
 iurisdictioni. Tu uelim, si me nihilo minus nostri curio-
 sum in Rep. quod te, scribas ad me omnia, quæ sint, quæ ue-
 futura sint. nihil mihi gratius facere potes: nisi tamē
 id erit mihi gratissimum, si, quæ tibi mandauimus, confece-
 ris, in primis, quid illud ἐνδ'όμουρον: quo mihi scis nihil
 esse carius. Habes epistolam plenam festinationis, &
 pulueris. reliquæ subtiliores erunt. Vale.

CICERO ATTICO S.

commoneto * L AODICEAM ueni prid. Cal. Sext. ex hoc die clauo
 animo uerbis. nihil exoptatius aduentu meo, nihil carius.
 sed est incredibile, quam me negotij tædet. non habeat
 satis magnum campum ille tibi non ignotus cursus ani-
 mi, & industriæ meæ? præclara opera cessent? quippe
 ius Laodiceæ me dicere, cum Romæ A. Plotius dicat? &

cum exercitum noster amicus habeat, tantū me nomen habere duarum legionum? exiliū. denique hæc non desidero: lucem, forum, urbem, domum, uos desidero. sed feram, ut potero: sim modo annuus. si prorogatur, actum est. uerum perfacile resisti potest. tu modo Romæ sis. Quæris, quid hic agam: ita uiuam, ut maximos sumptus facio. mirifice delector hoc instituto. admirabilis abstinentia ex præceptis tuis: ut uerear, ne illud, quod tecum permutaui, uersura mihi soluendum sit. Appij uulnera non refrico, sed apparent, nec oculi possunt. iter Laodicea faciebam ad III. Non. Sext. cum has literas dabam, in castra in Lycaoniam. inde ad Taurum cogitabam, ut cum Morphagene signis collatis, si possem, de seruo tuo deciderem. clitellæ boui sunt impositæ. plane non est nostrum onus, sed fereamus. modo, si me amas, sim annuus. adsis tu ad tempus, ut senatum excites. mirifice sollicitus sum, quod iandiu ignota sunt mihi ista omnia. quare, ut ad te ante scripsi, cum cætera, tum Resp. cura ut mihi nota sit. plura scribam aliàs. tarde tibi reddituro, sed dabam familiari homini, ac domestico C. Andronico Puteolano. tu autem sæpe dare tabellarius publicanorum poteris, promagistris scripturæ, & portus, & nostrarum dioecesum. Vale.

CICERO ATTICO S.

ETSI in ipso itinere, & uia discedebant publicanorum tabellarii, & eramus in cursu: tamen surripiendū aliud quid putaui spatij, ne me immemorem mandati tui putares. itaque subsedi in ipsa uia, dū hæc, quæ longiorem

LIB. V. EPIST.

desiderant orationem, summam tibi perscriberem.

Maxima expectatione in perditam, & plane euer-
sam in perpetuum provinciam nos uenisse scito prid.
Cal. Sext. moratus triduum Laodiceæ, triduum Apa-
meæ, totidem dies Synnade. audiuius nihil aliud, nisi
imperata ἐπιτεφάληα solvere non posse: possessiones o-
mnium uenditas: ciuitatum gemitus, ploratus, mon-
stra quædam non hominis, sed feræ nescio cuius imma-
nis. quid quæris? tædet omnium nos uitæ. leuantur
tamen misere ciuitates, quod nullus fit sumptus in nos,
neque in legatos, neque in Quæstorem, neque in quen-
quam. scito non modo nos foenum, aut quod lege Lu-
lia dari solet, non accipere, sed ne ligna quidem, nec,
præter quatuor lectos, & tectum, quenquam accipere
quicquam, multis locis ne tectum quidem, & in taber-
naculo manere plerumque. itaque incredibilem in mo-
dum concursus fiunt ex agris, ex uicis, ex domibus o-
mnibus. mehercule etiam aduentu nostro reuiuiscunt
iustitia, abstinentia, clementia tui Ciceronis: itaque opi-
niones omnium superauit. Appius, ut audiuit nos ue-
nire, in ultimam provinciam se coniecit Tarsum us-
que: ibi forum agit. De Partho silentium est: sed
tamen concisos equites nostros à barbaris nuntiabant
ij, qui ueniebant. Bibulus ne cogitabat quidem eti-
am nunc in provinciam suam accedere. id autem fa-
cere ob eam causam dicebant, quod tardius uellet de-
cedere. Nos in castra properabamus, quæ aberant
bidui. Vale.

CICERO ATTICO S. 17

A CCEPI Roma sine epistola tua fasciculum literarū.
 in quo si modo ualuisse, & Romæ fuisti, Philotimi du-
 co esse culpam, non tuam. hanc epistolam dictavi se-
 dens in rheda, cum in castra profiscerer, ab quibus
 aberam bidui. paucis diebus habebam certos homines,
 quibus darem literas: itaque eò me seruauī. Nos ta-
 mē, etsi hoc te ex alijs audire malo, sic in prouincia nos
 gerimus, quod ad abstinentiam attinet, ut nullus terun-
 tius insumatur in quenquā. id fit etiam & legatorum,
 & Tribunorum, & praelectorum diligentia: nam o-
 mnes mirifice συμφοροῦσιν gloriæ meæ. Lepta no-
 ster mirificus est. sed nunc propero. perscribam ad te
 paucis diebus omnia. Cicerones nostros Deiotarus fi-
 lius, qui Rex ab senatu appellatus est, secum in regnum,
 dum in æstiuis nos essemus. illum pueris locū esse bel-
 lissimum duximus. Sestius ad me scripsit, quæ tecum
 esset de mea domestica, et maxima cura locutus, et quid
 tibi esset uisum. amabo te, incumbere in eam rem, & ad
 me scribe, quid & possit, & tu censeas. idem scripsit
 Hortensius de proroganda nostra prouincia dixisse ne-
 scio quid. mihi in Cumano, diligentissime se, ut annui es-
 semus, defensurum, receperat. si quicquam me amas,
 hunc locum ama. dici nō potest, quā inuitus à uobis
 absim. & simul hanc gloriam iustitiæ, & abstinentiæ
 fore illustriore spero, si cito decesserimus. id quod scæ-
 uolæ contigit, qui solos nouē menses Asiæ præfuit.
 Appius noster, cum me aduentare uideret, profectus est

LIB. V. EPIST.

Tarsum usque Laodicea . ibi forum agit, cum ego sum
in provincia . quam eius iniuriam non insecutor : satis
enim habeo negotij in sanādis uulneribus, quæ sunt im-
posita provinciae . quod, do operam, ut faciam quāmi-
nima illius contumelia. sed hoc Bruto nostro uelim di-
cas, illum fecisse non belle, qui aduentu meo, quā lon-
gissime potuerit, discesserit. Vale.

CICERO ATTICO S. 18

QVAM uellem Romæ esses, si forte non es : nihil enim
certi habebamus, nisi accepisse nos tuas literas ad
XIIII. Cal. Sext. datas, in quibus scriptum esset, te
in Epeirum iturum circiter Cal. Sext. sed siue Romæ
es, siue in Epeiro, Parthi Euphratem transierunt
duce Pacoro Orodis Parthorum Regis filio, cunctis re-
ferto copijs . Bibulus non dum audiebatur esse in Sy-
ria . Cassius in oppido Antiochia cum omni exercitu .
nos in Cappadocia ad Taurum cum exercitu ad Cybi-
stra . hostis in Cyrhestica, quæ Syriæ pars proxima est
provinciæ meæ . his de rebus scripsi ad senatum . quas
litteras, si Romæ es, uidebis putes ne reddendas : & mul-
ta, immo omnia . quorum *κεφάλαιον*, ne quid inter cæ-
sa, & porrecta (ut aiunt) oneris mihi addatur, aut
temporis : nobis enim hac infirmitate exercitus, inopia
sociorum, præsertim fidelium, certissimum subsidium
est hyems, ea si uenerit, nec illi ante in meam provinciā
transierint . unum uereor, ne senatus propter urba-
narum rerum metū Pompeium nolit dimittere . quod
si alium ad uer mittit, non laboro . nobis modo tem-

poris ne quid prorogetur. hæc igitur, si Romæ es. sin-
 abes, aut etiam si ades, hæc negotia sic se habent.
 Stamus animis, & quia consilijs, ut uidemur, bonis
 utimur, speramus etiã manu. tuto cõsedimus, copioso à
 frumento, Ciliciam propè conspiciente, expedito ad mu-
 tandum loco, paruo exercitu, sed, ut spero, ad beneuo-
 lentiam erga nos consentiente: quem nos Deiotari ad-
 uentu cum suis omnibus copijs duplicaturi eramus. so-
 cijs multo fidelioribus utimur, q̃ quisquam usus esset:
 quibus incredibilis uidetur & nostra mansuetudo, &
 abstinentia. delectus habetur ciuium Romanorum.
 frumentum ex agris in loca tuta comportatur. si fue-
 rit occasio, manu: sin minus, locis nos defendemus. qua-
 re bono animo es: uideo enim te, & quasi coram adsis,
 ita cerno *συμπάδειαν* amoris tui. sed te rogo, si ullo pa-
 ãto fieri poterit, si integra in senatu nostra causa ad
 Cal. Ian. māsērit, ut Romæ sis mēse Ianuario. profecto
 nihil accipiã iniuriã, si tu aderis. amicos Cõsules habe-
 mus, nostrum Trib. pl. Furnium. uerũ tua est opus assi-
 duitate, prudentia, gratia. tempus est necessariũ. sed
 turpe est me pluribus uerbis agere tecum. Cicerones
 nostri sunt apud Deiotarum: sed, si opus erit, deducen-
 tur Rhodũ. Tu, si es Romæ; ut soles, diligentissime:
 si in Epeiro, mitte tamen ad nos de tuis aliquem tabella-
 rium, ut & tu, quid nos agamus, & nos, quid tu agas,
 quidq; acturus sis, scire possimus. Ego tui Bruti rem
 sic ago, ut suam ipse non ageret. sed iam exhibeo pupil-
 lum, neq; defendo: sunt enim negotia & lenta, & inaz-
 nia. faciam tamen satis, tibi quidem, cui difficilius est,
 quàm ipsi: sed certè satisfaciam utrique. Vale.

OBSIGNARAM iam epistolam, eam, quam puto te modo perlegisse scriptam mea manu, in qua omnia continentur, cum subito Appij tabellarius ad XI. Cal. Oct. septimo quadragesimo die Roma celeriter (hui tam longe) mihi tuas literas reddidit: ex quibus non dubito, quin, ut Pompeium expectaris, dum Arimino rediret, etiam in Epeirum profectus sis: magisq; uereor, ut scribis, ne in Epeiro sollicitus sis non minus, quam nos hic sumus. De Atiliano nomine scripsi ad Philotimū, ne appellaret Messalam. Itineris nostri famam ad te peruenisse letor, magisq; letabor, si reliqua cognoris. Filiolem tuā tibi iam Romae iucundam esse gaudeo; eamq;, quam nunquam uidi, tamen et amo, et amabilem esse certo scio. etiam atque etiam uale. De Patrone, et tuis condiscipulis, quae de Tarentinis in militia laborant, ea tibi grata esse gaudeo. Quod scribis libenter, repulsam tulisse eum, qui cum sororis tuae filij patruo certaret: magni amoris signū: itaque me etiam admonuisti, ut gauderem: nam mihi in mentem non uenerat. non credo, inquis. ut libet: sed plane gaudeo, quoniam τὸ μέγιστον interest τοῦ φθονεῖν. Vale.

SATURNALIBVS mane se mihi Pindentissae dediderunt septimo, et quinquagesimo die, postquam oppugnare eos coepimus. qui (malum) isti Pindentissae? qui sunt? inquis: nomen audiui nunquam. quid ego faciam? non potui Ciliciam, Aetoliam, aut Macedoniam

19
 niam reddere. hoc iam sic habeto, nec hoc exercitu hic
 tanta negotia geri potuisse. quæ cognosce ἐν ἐπιτομῇ:
 sic enim concedis mihi proximis literis. Ephesum ut
 uenerim, nosti, qui etiā mihi gratulatus es illius diei cele
 britate; quæ nihil me unquam delectauit magis. inde
 oppidis, ijs, quæ erant, mirabiliter accepti, Laodiceam
 prid. Cal. Sext. uenimus. ibi morati biduum, perillu
 stres fuimus, honorificisq; uerbis omnes iniurias reuel
 * limus superiores. quod * Dein Apameæ quinque
 dies morati, Synnadis triduum, Philomeli quinque dies,
 Iconij decem fecimus. nihil ea iurisdictione æquabilius,
 nihil lenius, nihil grauius. inde ad castra ueni ad VII.
 Cal. Sept. ad III. exercitum lustravi apud Iconium.
 ex his castris, cum graues de Parthis nuncij uenirent,
 perrexi in Ciliciam per Cappadociæ partem eam, quæ
 Ciliciam attingit, eo consilio, ut Armenius Artauasdes,
 & ipsi Parthi Cappadocia se excludi putarent. cum
 dies quinque ad Cybistra Cappadociæ castra habuissem,
 certior sum factus Parthos ab illo aditu Cappadociæ
 longe abesse, Ciliciæ magis imminere: itaque confestim
 iter in Ciliciam feci per Tauripylas: Tarsum ueni ad
 III. Non. Oct. inde ad Amanum contendì, qui Syriam
 à Cilicia aquarum diuortio diuidit, qui mons erat ho
 stium plenus sempiternorum. hic ad III. Id. Oct.
 20
 magnum numerum hostium cecidimus: castella muni
 tissima nocturno Pontini aduentu, nostro matutino ce
 pimur, incendimus: imperatores appellati sumus: ca
 stra paucos post dies habuimus, ea ipsa, quæ contra Das
 rium habuerat apud Issum Alexander imperator haud
 paulo melior, quàm aut tu, aut ego. ibi dies quinque

LIB. V. EPIST.

morati, direpto, & uasato Amano inde discessimus. interim (scis enim quædam πανικὰ dici, item τὰ κενὰ τοῦ πολέμου) rumore aduentus nostri & Cassio, qui Antiochia tenebatur, animus accessit, & Parthis timor iniectus est. itaque eos cedentes ab oppido Cassius insecutus, rem bene gessit. qua in fuga magna auctoritate Osaces dux Parthorum uulnus accepit, eoq; interijt paucis post diebus. erat in Syria nostrum nomen in gratia. uenit interim Bibulus. credo, uoluit appellatione hac inani nobis esse par. in eodem Amano cœpit laureolam in mustaceo querere. at ille cohortem primam totam perdidit, centurionemq; primipili nobilem sui generis Asiniū Dentonem, & reliquos cohortis eiusdem, & Sex. Lucilium T. Gaiij Cepionis, locupletis, & splendoris hominis filium, Tribunū militum. sanè plagam odiosam acceperat cum re, tum tempore. nos Pindenissum, quod oppidum munitissimum Eleutherocilicum omnium memoria in armis fuit (feri homines, & acres, & omnibus rebus ad defendendum parati) cinximus uallo, & fossa, aggere maximo, uineis, turre altissima, magna tormentorum copia, multis sagittarijs. magno labore, apparatu, multis saucijs nostris, incolumi exercitū negotium confecimus. hilara sanè Saturnalia. militibus quoque, equis exceptis, reliquam prædam concessimus. mancipia uenibant Saturnalibus tertijs. cum hæc scribebam in tribunali, res erat ad HS CXX. hinc exercitum in hyberna agri male pacati deducendum Quinto fratri dabam. ipse me Laodiceam recipiebam. hæc adhuc. sed ad præterita reuertamur. Quod me maxime hortaris, & quod pluris est, quàm omnia, in quo

laboras, ut etiam Ligurino μῶςω satisfaciam : moriar ,
 si quidquam fieri potest elegantius . nec tamen ego
 hanc continentiam appello, quæ uirtus uoluptati resiste-
 re uidetur . ego in uita mea nulla unquam uoluptate
 tanta sum affectus , quanta afficior hac integritate .
 nec me tam fama , quæ summa est, quàm res ipsa dele-
 etat . quid quæris ? fui tanti : me ipse non noram : nec
 satis sciebam , quid in hoc genere facere possem : recte
 πεφυσίωμαι : nihil est præclarius . interim hæc λαμ-
 πρᾶ . Ariobarzanes opera mea uiuit, regnat : ἐν παρό-
 δῳ , consilio , & auctoritate , & quoddam insidiatoribus
 eius ἀπεόσιτον me , non modo ἀδωροδότητον præbui ,
 Regem, regnumq; seruaui . interea è Cappadocia ne pi-
 lum quidem . Brutum abiectum, quantum potui, exci-
 tauī : quem non minus amo, quàm tu, pene dixi quàm
 te . atque etiam spero toto animo imperij nostri terun-
 cium sumptus in prouincia nullum fore . habes omnia .
 nunc publice literas Romam mittere parabam . uberio-
 res erunt, quàm si ex Amano misissem . at te Romæ non
 fore ? sed est totum, quid Cal. Martij futurum sit : ue-
 reor enim, ne, cum de prouincia agatur, si Cæsar resistet,
 nos retineamur . his tu si adesses, nihil timerem . Redeo
 ad urbana ; quæ ego diu ignorans, ex tuis iucundissimis
 literis ad V. Cal. Ian. denique cognoui . eas diligentis-
 sime Philogenes libertus tuus curauit perlonga , & non
 satis tuta uia perferendas . nam quas Lenij pueris scri-
 bis datas, non acceperam . Iucunde de Cæsare , & quæ
 senatus decreuit , & quæ tu speras . quibus ille si cedit,
 salui sumus . Incendio Pletoriano quoddam Leius adustus
 est, minus moleste fero . Luceius de Q. Cassio cur tam

LIB. V. EPIST.

uehemens fuerit, & quid actum sit, aueo scire. Ego cum Laodiceam uenero, Quinto sororis tuæ filio togam puram iubeor dare, cui moderabor diligentius. Deiotarus, cuius auxilijs magnis usus sum, ad me, ut scripsit, cum Ciceronibus Laodiceam uenturus erat. Tuas etiam Epeiroticas expecto literas, ut habeam rationem nō modo negotij, uerum etiam otij tui. Nicanor in officio est, & à me liberaliter tractatur: quem, ut puto, Romam cum literis publicis mittam, ut & diligentius perferantur, & idem ad me certa de te, & à te referat. Alexis quoddam mihi toties salutem adscribit, est gratum: sed cur nō suis literis idem facit, quod meus ad te Alexis facit? Phemio quaeritur xēpas, sed hæc hætenus. Cura, ut ualeas, & ut sciam, quādo cogites Romam, etiam atque etiam uale. Tua, tuosq; Thermo et præsens Ephesi diligentissime cōmendaram, & nunc per literas: ipsumq; intellexi esse perstudiosum tui. Tu uelim, quod antea ad te scripsi, de domo Pāmenis, des operā, ut, quod tuo, meoq; beneficio puer habet, cures ne qua ratione cōuellatur. utrique nostrū existimo, tū mihi erit, pergratū.

CICERO ATTICO S. 21

TE IN Epeirū saluum uenisse, et, ut scribis, ex sententia nauigasse, uehementer gaudeo. nō esse Romæ meo tempore pernecessario, submolestē fero. hoc me tamen consolor, quoddam non spero te istic incunde hiemare, & libenter requiescere. Cassius, frater Q. Cassij familiaris tui, pudentiores illas literas miserat, de quibus tu ex me requiris, quid sibi uoluerint, quā eas, quas postea

misit, quibus per se scribit confectum esse Parthicum
 bellum. recesserant illi quidem ab Antiochia ante Bi-
 buli aduentum, sed nullo nostro ἐννεμήματι. hodie
 uero hyemant in Cyrhestica, maximumq; bellum impē-
 det: nam & Orodis Regis Parthorum filius in provin-
 cia nostra est; nec dubitat Deiotarus, cuius filio pacta
 est Artavasdis filia, (ex quo sciri potest) quin cum om-
 nibus copijs ipse prima aestate Euphratē transiturus sit.
 quo autem die Cassij literæ uictrices in senatu recitatae
 sūt, id est Non. Oct. eodē meā tumultū nunciātes. Axi-
 noster ait nostras auctoritatis plenas fuisse: illis negat cre-
 ditum. Bibuli nondū erant allatae: quas certo scio plenas
 timoris fore. ex ijs rebus hoc uereor, ne, cum Pompeius
 propter metū rerū nouarū nusquam dimittatur, Caesari
 nullus honos à senatu habeatur; dum hic nodus expedia-
 tur, non putet senatus, nos ante, quā successum sit, opor-
 tere decedere, nec in tanto motu rerum tantis provin-
 cijs singulos legatos praesse. hic, ne quid mihi proroge-
 tur, quod ne intercessor quidem sustinere possit, horreo,
 atque eo magis, quod tu abes, qui consilio, gratia, studio
 multis rebus occurreres. sed dices me ipsum mihi solici-
 tudinem struere. cogor: & uelim ita sit: sed om-
 nia metuo. etsi bellum ἀρχοτελεύτιον habet illa tua epi-
 stola, quam dedisti nauseans Buthroto: TIBI, VT
 VIDEO, ET SPERO, NULLA AD DE-
 CEDENDVM MORA. mallet, VT VI-
 DEO. nihil opus fuit, VT SPERO. acce-
 peram autem satis celeriter Iconij per publicanorum
 tabellarios à Lentuli triumpho datas. in his γὰρ
 κῆρυξον illud confirmas, moram mihi nullam fore

LIB. V. EPIST.

re . deinde addis , si quid secus , te ad me fore ueniturum . pungunt me dubitationes tuæ . simul & uides , quas acceperim literas . nam quas Hemoni centurioni Scamulæ ipse scribis te dedisse , non accepi . Lenij pueris te dedisse , sæpe ad me scripseras . eas Laodiceæ denique , cū ed uenissem , III . Id . Febr . Lenius mihi reddidit , datas ad X . Cal . OEt . Lenio tuas commendationes & statim uerbis , & re aliquo tempore probabo . hæc literæ cætera uetera habebant , unum hoc nouum de Cibyrratis pantheris . multum te amo , quodd respōdisti M . OEtatio , te non putare : sed posthac omnia , quæ certa non erunt , pro certo negato : nos enim & nostra sponte bene firmi , & mehercule auctoritate tua inflammati uicimus omnes (hoc tu ita reperies) cum abstinentia , tum iustitia , facilitate , clementia . caue putes quidquam homines magis unquam esse miratos , quàm nullum teruncium , me obtinente prouinciam , sumptus factum esse nec in Remp . nec in quenquam meorum , præterquam in L . Tullium legatum . is cæteroqui abstine-
 * nens (sed Iulia lege transita , semel tamen in diem , nō , ut alij solebāt , omnibus uicis : præter eū semel , nemo accepit) facit , ut mihi excipiendus sit , cum terūcium negotii sumptus factum : præter eum accepit nemo . has à nostro Q . Titinio sordes accepimus . Ego , æstiuis confectis , Quintum fratrem hybernis , & Ciliciæ præfeci . Q . Volusium tui Tiberij generum , certum hominem , sed mirifice abstinentem , nisi in Cyprum , ut ibi paucos dies esset , ne ciues Romani pauci , qui illic negotiantur , ius sibi dictum negarent : nam euocari ex insula Cyprios non licet . ipse in Asiam profectus sum Tarso

Non. Ian. non mehercule dici potest, qua admiratione Ciliciæ ciuitatum, maximeq; Tarsensium. postea uero quàm Taurum transgressus sum, mirifica expectatio Asiæ nostrarū diocesium, quæ sex mēsis imperij mei nullas meas acceperat literas, nunquam hospitem uiderat. illud autem tempus quotannis ante me fuerat in hoc quæstu. ciuitates locupletes, ne in hyberna milites reciperent, magnas pecunias dabant: Cyprij talenta Attica CC. qua ex insula (non ὑπεβολικῶς, sed uerissime loquor) numus nullus me obtinente erogabatur. ob hæc beneficia, quibus illi obstupescunt, nullos honores mihi, nisi uerborum, decerni sino: statuas, eana, τέθειπτα prohibeo. nec sum in ulla alia re molestus ciuitatibus, sed fortasse tibi, qui hæc prædicem de me. perfer, si me amas: tu enim me hæc facere uoluisti. iter igitur ita per Asiam feci, ut etiam fames, qua nihil miserius est, quæ tum erat in hac mea Asia, (messis enim nulla fuerat) mihi optanda fuerit. quacunque iter feci, nulla ui, nullo iudicio, nulla contumelia, auctoritate, & cohortatione perfeci, ut & Græci, & ciues Romani, qui frumentum compresserāt, magnum numerum populis pollicerentur. Idibus Feb. quo die has literas dedi, forū institueram agere Laodiceæ Cibyriticum, & Apamense: ex Idibus Mart. ibidē Synnadense, Pamphylium, cum Phemio dispiciam νέγας Aonium, Isauricum: ex Idibus Maij in Ciliciam, ut ibi Iunius consumatur. uelim tranquille à Parthis. Quintilis, si erit, ut uolumus, in itinere est per prouinciā redeuntibus, consumendus: uenimus enim in prouinciā Laodiceam Sulpitio, & Marcello Coss. pridie Cal. Sext. inde nos oportet decedere

L iij

LIB. V. EPIST.

re ad IIII. Cal. Sext. primum cōtendam à Quinto fra-
tre, ut se præfici patiatur : quod & illo, & me inui-
tissimo fiet : sed aliter honeste fieri non potest, præser-
tim cum uirum optimum Pontinum ne nunc quidē re-
tinere possim : rapit enim hominem Posthumius Ro-
mam, fortasse etiam Posthumia. habes consilia nostra :
nunc cognosce de Bruto. Familiares habet Brutus
tuus quosdam creditores Salaminiorum, ex Cypro M.
Scaptium, & P. Matinium, quos mihi maiorem in
modum commendauit. Matinium non noui. Scaptius
ad me in castra uenit. pollicitus sum curaturum me
Bruti causa, ut ei Salaminij pecuniam soluerent : egit
gratias. præfecturam petiuit: negaui me cuiquā nego-
tianti dare : quod idem tibi ostenderam : Cn. Pompeio
petenti probaram institutum meum : quid dicam Tor-
quato in Lenio tuo ? multis alijs ? si præfectus uellet
esse syngraphæ causa, me curaturum, ut exigeret. gra-
tias egit : discessit. Appius noster turmas aliquot equi-
tum dederat huic Scaptio, per quas Salaminios coerce-
ret, & eundem habuerat præfectum. uexabat Sala-
minios. ego equites ex Cypro decedere iussi. moleste ru-
lit Scaptius. quid multa ? ut ei fidem meam præstare ;
cum ad me Salaminij Tarsum uenissent, & una Sca-
ptius, imperaui, ut pecuniam soluerent. multa de syn-
grapha, de Scaptij iniurijs : negaui me audire : horta-
tus sum, petiui etiam pro meis in ciuitatem beneficijs,
ut negotium conficerent : denique dixi me coacturum.
homines non modo non recusare, sed etiam hoc di-
cere, se à me soluere : quod enim Prætori dare consue-
sent, quoniam ego non acceperam, se à me quodā modo

dare, at
ne, quā
inquit
ego in
berē, cō
labat
editu
ut, quā
horro
duo
cum
lex G
tia Br
tia Br
sit, fra
in me
ex sy
* & e
hæc
dice
acci
C C
Sca
den
est, i
num
acci
reli
Gra
tibu

dare, atque etiam minus esse aliquanto in Scaptij nomi-
 ne, quā in uectigali prætorio. collaudauī homines. recte,
 inquit Scaptius: sed subducamus summam. interim cū
 ego in edicto trāslatio, centesimas me obseruaturū, ha-
 bere, cū anatocismi anniuersario, ille ex syngrapha postu-
 labat quaternas. quid ais, inquā? possum ne contra meū
 edictum? at ille profert S. C. Lentulo, Philippoq; Coss.
 ut, qui Ciliciā obtineret, ius ex illa syngrapha diceret. co-
 horrui primo: etenim erat interitus ciuitatis. reperio
 duo S. C. iisdem Coss. de eadem syngrapha. Salaminij
 cum Romæ uersuram facere uellent, non poterant, quod
 lex Gabinia uetabat. tum ij Bruti familiares, freti gra-
 tia Bruti, dare uolebant, si sibi S. C. caueretur. fit gra-
 tia Bruti S. C. ut ne'ue Salaminij, ne'ue qui eis dedis-
 set, fraudi esset. pecuniam numerarunt: & postea uenit
 in mentē fœeneratoribus, nihil se iuuare illud S. C. quod
 ex syngrapha ius dici lex Gabinia uetaret. tū fit S. C. ut
 * & ea syngrapha esset, quā cetera, sed ut eodē. cum
 hæc differuissē, seducit me Scaptius, ait se nihil cōtra
 dicere, sed illos putare talenta CC se debere, ea se uelle
 accipere, debere autem illo paulo minus. rogat, ut eos ad
 CC perducam. optime, inquā. uoco illos ad me remoto
 Scaptio. quid uos? quantum, inquam, debetis? respō-
 dent, CVI. refero ad Scaptiū. homo clamare. quid opus
 est, inquā? rationes conferatis. assidunt: subducunt: ad
 nūmum conuenit. illi se numerare uelle: urgere, ut
 acciperet. Scaptius me rursus seducit: rogat, ut rem sic
 relinquam. dedi ueniam homini impudenter petenti,
 Græcis querentibus: ut in fano deponerent, postulan-
 tibus, nō concessi. clamare omnes, qui aderant, nihil im-

LIB. V. EPIST.

pudenter Scapio, qui centesimis cum anatocismo contentus non esset: alij, nihil stultius. mihi autem impudens magis, quam stultus uidebatur: nam aut bono nomine centesimis contentus erat, aut non bono quaternas centesimas sperabat. habes meam causam: quæ si Bruto non probatur, nescio cur illum amemus: sed auunculo eius certe probabitur, præsertim cum S. C. modo factum sit, puto postquam tu es profectus, in creditorum causa, ut centesimæ perpetuo fœnore ducerentur. hoc quid intersit, si tuos digitos noui, certe habes subductum. in quo quidem ὁ δὸν πάρεργον. Luceius M. F. queritur apud me per literas, summum esse periculum, ne culpa senatus his decretis res ad tabulas novas perueniat. commemorat, quid olim mali C. Iulius fecerit, cum dieculam dixerit. nunquam Resp. plus. sed ad rem redeo. meditare aduersus Brutum causam meam, si hæc causa est, contra quam nihil honeste dici potest, præsertim cum integram rem, & causam reliquerim. Reliqua sunt domesticæ. De ἐνδομύχῳ, probo idem, quod tu, Posthumie filia, quoniam Pontidia nugatur. sed uellem ades. à Quinto fratre his mensibus nihil expectaris: nam Taurus propter niueis ante mensem Iunium transiri non potest. Thermum, ut rogas, creberrimis literis fulcio. P. Valerium negat habere quidquam Deiotarus Rex, eumq; ait à se sustentari. Cum scies, Romæ intercalatum sit, nec ne; uelim ad me scribas certum, quo die mysteria futura sint. literas tuas minus paulo expecto, quam si Romæ esses, sed tamen expecto. Vale.

M. TVLLII CICERONIS EPISTOLARVM AD T. POMPONIVM
ATTICVM LIBER VI.

CICERO ATTICO S.

A CCEPI tuas litteras ad quintum terminia Laodiceæ, quas legi libentissime, plenissimas amoris, humanitatis, officij, diligentiae. ipsi igitur respondebo: sic enim postulas: nec oikonomiā meā instituam, sed ordinem conseruabo tuum. Recentissimas à Cybistris te meas litteras habere ais ad X. Cal. Oct. datas: & scire uis, tuas ego quas acceperim: omnes ferè, quas commemoras, præter eas, quas scribis Lentuli pueris & Equotutico, & Brundisio datas. quare non oiketera tua industria, quod uereris; sed præclare ponitur, si quidem id egisti, ut ego delectarer: nam nulla re sum delectatus magis. Quod meam βαδύτητα in Appio tibi, libertatem etiam in Bruto probo, uehementer gaudeo: ac putāram secus: Appius enim ad me ex itinere bis, tertius ὑπομνηματιστικὰς litteras miserat, quod quædam à se constituta rescinderem. ut si medicus, cum ægrotus alij me dico traditus sit, irasci uelit ei medico, qui sibi successerit, si, quæ ipse in curando constituerit, mutet ille: sic Appius cū ἡ ἀποπέμψις provinciam curarit, sanguinem miserit, quidquid potuit detraxerit, mihi tradiderit eneclā, προσανατρεφόμενῃ eam à me non libenter uidet, sed modo succenset, modo gratias agit: nihil enim à me fit

LIB. VI. EPIST.

cum ulla illius contumelia . tantummodo dissimilitudo
 meae rationis offendit hominem : quid enim potest esse
 tam dissimile , quàm illo imperate exhaustam esse sum-
 ptibus, & iacturis provinciam ; nobis eam obtinentibus,
 numum nullum esse erogatum nec priuatim, nec publi-
 ce ? quid dicam de illius praefectis ? comitibus ? legatis ?
 etiam de rapinis ? de libidinibus ? de contumelijs ? nunc
 autem domus mehercule nulla tanto consilio, aut tanta
 disciplina gubernatur , aut tam modesta est, quàm no-
 stra tota provincia . hanc nonnulli amici Appij ridicule
 interpretantur ; qui me idcirco putent bene audire uelle,
 ut ille male audiat ; & recte facere non meae laudis, sed
 illius contumeliae causa . sin Appius, ut Bruti literae, quas
 ad te misit, significabant, gratias nobis agit : non mole-
 ste fero : sed tamen eo ipso die, quo haec ante lucem scri-
 bebam , cogitabam eius multa inique constituta, et aetate
 tollere . Nunc uenio ad Brutum, quem ego omni stu-
 dio te auctore sum complexus, quem etiam amare coe-
 peram : sed dico : reuocaui me, ne te offenderem . noli enim
 putare me quidquam maluisse , quàm ut mandatis satis-
 facerem , nec ulla de re plus laborasse . mandatorum autem
 mihi libellum dedit : iisdemque de rebus tu mecum ege-
 ras . omnia sum diligentissime persecutus . primum ab
 Ariobarzane sic contendì, ut talenta, quae mihi pollice-
 batur , illi daret . quoad mecum Rex fuit, per bono loco-
 res fuit . post à Pompeij procuratoribus sexcentis pre-
 mi coeptus . Pompeius autem cum ob ceteras causas plus
 potest unus, quàm ceteri omnes , tum quod putatur ad
 bellum Parthicum esse uenturus . ei tamen sic nunc sol-
 uitur, tricesimo quoque die talenta Attica XXXIII, et

hoc ex tributis . nec id satis efficitur in usuram mens-
 struam . sed Cneus noster clementer id fert : sorte caret :
 usura , nec ea solida , cōtentus est . alij neq; soluit quidquā ,
 nec potest soluere : nullum enim ærarium , nullum ue-
 ligal habet . Appij instituto tributa imperat . ea uix , in
 fœnus Pompeij quod satis sit , efficiunt . amici Regis duo ,
 tres ue perdiuites sunt : sed ij suum tam diligenter te-
 nent , quàm ego , aut tu . equidem non desino tamen per li-
 teras rogare , suadere , accusare Regem . Deiotarus etiam
 mihi narrauit , se ad eum legatos misisse de re Bruti : eos
 sibi responsum retulisse , illum non habere . & mehercule
 ego ita iudico . nihil illo regno spoliatus , nihil Rege egen-
 tius . itaq; aut tutela cogito me abdicare , aut , ut pro Gla-
 brione Scæuola , fœnus , & impendium recusare . ego ta-
 men , quas per te Bruto promiseram præfecturas M. Scæ-
 ptio , & L. Gauius , qui in regno rem Bruti procurabant ,
 detuli : nec enim in prouincia mea negotiabantur . tu
 autem meministi nos sic agere , ut , quot uellet , præfe-
 cturas sumeret , dum ne negotiatori . duas ei præterea
 dederam : sed ij , quibus petierat , de prouincia deces-
 serant . Nunc cognosce de Salaminij : quod uideo ti-
 bi etiam nouum accidisse , tanquam mihi : nunquam
 enim ex illo audiui , illam pecuniam esse suam . quin
 etiam libellum ipsius habeo , in quo est , Salaminij pecu-
 niam debent M. Scaptio , & P. Matinio familiaribus
 meis . eos mihi commendat : adscribit etiam , & quasi
 calcar admouet , intercessisse se pro ijs magnam pec-
 uniam . confeceram , ut soluerent centesimis sexena-
 nij duētis cum renouatione singulorum annorum . at
 Scaptius quaternas postulabat . metui , si impetrasset ,

LIB. VI. EPIST.

ne tu ipse me amare desineres: nam ab edicto meo recessissem, & civitatem in Catonis, & in ipsius Bruti fide locatam, meisq; beneficijs ornatam, funditus perdidissem. atque hoc tempore ipso impingit mihi epistolam Scaptius Bruti, rem illam suo periculo esse: quod nec mihi unquam Brutus dixerat, nec tibi: etiam, ut praefecturam Scaptio deferrem. id uero per te exceperamus, ne negotiatori: quodd si cuiquam, huic tamen non: fuerat enim praefectus Appio, & quidem habuerat turmas equitum, quibus inclusum in curia senatum Salamine obsederat, ut fame senatores quinque morerentur. itaque ego, quodie terigi provinciam, cum mihi Cyprij legati Ephesum obviam uenissent, literas misi, ut equites ex insula statim decederent. his de causis credo Scaptium iniquius de me aliquid ad Brutum scripsisse. sed tamen hoc sum animo: si Brutus putabit me quaternas centesimas oportuisse decernere, qui in tota provincia singulas observarem, itaq; edixissem, idq; etiam acerbissimis foeneratoribus probaretur; si praefecturam negotiatori denegatam queretur, quod ego Torquato nostro in tuo Lenio, Pompeio ipsi in Sex. Statio negavi, & ijs probavi: si equites deductos moleste feret: accipiam equidem dolorem, mihi illum irasci, sed multo maiorem, non esse eum talem, qualem putassem. illud quidem fatebitur Scaptius, me ius dicente, sibi omnem pecuniam ex edicto meo aufe-
rendi potestatem fuisse. addo etiam illud, quod uereor tibi ipsi ut probum: consistere usura debuit, quae erat in edicto meo: deponere uolebant: impetraui ab Salaminis, ut silerent. ueniam illi quidem mihi dederunt. sed quid ijs fiet, si huc Paulus uenerit? sed totum hoc Bru-

to dedi
ad me a
arrogat
lim ad
accipia
vioribu
ne te i
ad me
provi
id sat
eo, cre
solua
dicab
me put
uiscerib
dasti
cias?
e mou
se ob
quib
ille
dilis
Dece
probo
re ista
cis
scriba
me ho
comm
stron

to dedi, qui de me ad te humanissimas literas scripsit.
 ad me autem, etiam cum rogat aliquid, contumaciter,
 arroganter, ἀκονιστικῶς solet scribere. tu autem ue-
 lim ad eum scribas de his rebus, ut sciam quo modo hac
 accipiat: facies enim me certiore. atque hoc super-
 rioribus literis ad te diligenter perscripseram. sed pla-
 ne te intelligere uolui, mihi non excidisse illud, quod tu
 ad me quibusdam literis scripsisses; si nihil aliud de hac
 provincia, nisi illius beneuolentiam, deportassem, mihi
 id satis esse. sit sanè, quoniam ita tu uis: sed tamen cum
 eo, credo, quod sine peccato meo fiat. igitur meo decreto
 soluta res Scaptio, statim quàm decretum sit: tu iu-
 dicabis: ne ad Catonem quidem prouocabo. sed nolè
 me putare ἐγκυκλίωματα illa tua abiecisse, quæ mihi in-
 uisceribus hærent. flens mihi meam famam commen-
 dasti. quæ epistola tua est, in qua mentionem non fa-
 cias? itaque irascatur qui uolet, patiar: τὸ πρὸς δὲ, μετ'
 ἐμοῦ; præsertim cum sex libris tanquam prædibus me ip-
 se obstrinxerim: quos tibi tam ualde probari gaudeo: &
 quibus unum ἰσοπικὸν requiris de Cn. Flauio Cn. F.
 ille uero ante Decemuiros non fuit, quippe qui Aea-
 dilis Curulis fuerit, qui magistratus multis annis post
 Decemuiros institutus est. quid ergo profecit, quodd
 protulit fastos? occultatam putant quodam tempore
 istam tabulam, ut dies agendi peterentur à pau-
 cis. nec uero pauci sunt auctores, Cn. Flauium
 scribam fastos protulisse, actionesq; composuisse: ne
 me hoc, uel potius Africanum (is enim loquitur)
 commentum putes. οὐκ ἔλαθες illud de gestu hi-
 strionis: tu scelestè suspicaris, ego ἀφελῶς scripsi.

LIB. VI. EPIST.

De me imperatore scribis te ex Philotimi literis cognouisse: sed credo te, iam in Epeiro cū esses, binas meas de omnibus rebus accepisse, una à Pindenisso capto, alteras à Laodicea, utrasq; tuis pueris datas: quibus de rebus propter casum nauigandi per binos tabellarios misi Romam literas publice. De Tullia mea tibi assentior: scripsiq; ad eam, & ad Teretiam, mihi placere: tu enim ad me iam ante scripseras, A C uellem te in tuum ueterem gregem retulisses. correctā uero epistola Memmiana nihil negotij fuit: multo enim malo hunc à Pontidia, quā illum à Seruilia. quare adiunges Aufum nostrum, hominem semper amantem me, nunc credo eo magis, quod debet etiam fratris Appij amorem erga me cum reliqua hereditate creuisse; qui declarauit, quāti me faceret, cum saepe, tum in Bursa. ne tu me solitudine magna liberaris. Furnij exceptio mihi non placet: nec ego ullum aliud tempus timeo, nisi quod ille solum excipit. sed scriberem ad te de hoc plura, si Romae esses. In Pompeio te spem omnem otij ponere non miror. ita res est. remouendumq; censeo illum dissimulantem. sed enim οἰκονομία si perturbatior est, tibi assignato: te enim sequor σχεδίαζοντα. Cicerones pueri amant inter se, discunt, exercentur; sed alter, uti dixit Isocrates in Ephoro, & Theopompo, frenis eget, alter calcaribus. Quinto togam puram Liberalibus cogitabam dare: mandauit enim pater. ea sic obseruabo, quasi intercalatum non sit. Dionysius mihi quidem in amoribus est: pueri autem aiunt eum furenter irasci: sed homo nec doctior, nec sanctior fieri potest, nec tui, mei q; amantior. Thermum, Siluium uere

audis

audis laudari. ualde se honeste gerunt. adde M. Nonium, Bibulum, me, si uoles. iam Scrofa, uellem haberet, ubi posset: est enim lautum negotium. ceteri infirmant *παλιτόμα*. Catonis Hortensio quod causam meam comendas, ualde gratum. De Amiano, spei nihil putat esse Dionysius. Terentij nullum uestigium agnoui.

Meragenes certe periit. feci iter per eius possessionem, in qua animal reliquum nullum est. hac non noram tum, cum Democrito tuo locutus sum. Rhodij causam mandavi. sed heu tu, quid cogitas infelicitatis? lancibus, et splendidissimis canistris olusculis nos soles pascere: quid te in uasis fictilibus appositurum putem? *Κέρας* Phemio mandatum est: reperietur: modo aliquid illo dignum canat. Parthicum bellum impendet. Crassius ineptas literas misit: nec dum Bibuli erant allatae: quibus recitatis, puto fore, ut aliquando commoueatur senatus. equidem sum magna animi perturbatione. si, ut opto, non prorogatur nostrum negotium; habeo Iunium, et Quintilem in metu. esto: duos quidem menses sustinebit Bibulus. quid illo fiet, quem reliquero? praesertim si fratrem? quid de me autem, si non tam cito decedo? magna turba est. mihi tamen cum Deiotaro conuenit. ut ille in meis castris esset cum suis copiis omnibus. habet autem cohortes quadringenarias, nostra armatura XXX, equitum $\infty\infty$ erit ad sustentandum, quoad Pompeius ueniat, qui literis, quas ad me mittit, significat, suum negotium illud fore. hiemant in nostra provincia Parthi. expectatur ipse Orodes. quid quaeris? aliquantum est negotij. De Bibuli edicto nihil noui praeter illam exceptionem, de

M

qua tu ad me scripseras, nimis graui præiudicio in ordinem nostrum. ego tamen habeo ἰσοδυναμοῦσαν, sed rectiorem, ex Q. Mutij P. F. edicto Asiatico, EXTRA quam si ita negotium gestum est, ut eo stari non oporteat, ex fide bona. multaq; sum secutus Scaeuola, in ijs illud, in quo sibi libertatem censent Græci datam, ut Græci inter se disceptent suis legibus. breue autem edictum est propter hanc meam δίκην, quòd duobus generibus edicendum putauī: quorum unum est provinciale, in quo est de rationibus ciuitatum, de ære alieno, de usura, de syngraphis, in eodem omnia de publicanis: alterum, quod sine edicto satis commodè transigi non potest, de hereditatum possessionibus, de bonis possidendis, magistris faciundis, uendendis: quæ ex edicto & postulari, & fieri solent. tertium de reliquo iure dicundo, ἄλλα ποὺ reliqui. dixi me de eo genere mea decreta ad edicta urbana accommodaturum. itaq; curo: & satisfacio adhuc omnibus: Græci uero exultant, quòd peregrinis iudicijs utuntur: nugatoribus quidem, inquires. quid refert? tamen se αὐτονομίαν adeptos putant. nostri enim, credo, graues habent, Turpionem sutorium, & Vectium mancipem. De publicanis quid agam, uideris quærere. habeo in delicijs, obsequor, uerbis laudo, orno, efficio, ne cui molesti sint: τὸ παρὰ δόξαν. usuras eorum, quas pactionibus adscripserant, seruauit etiam se uilius. ego sic. diem statuo satis laxam: quam ante si soluerint, dico me centesimas ducturum: si non soluerint, ex pactione. itaque & Græci soluunt tolerabili fœnore: & publicanis res est gratissima, si illam

iam habent, pleno modio uerborum honorem, inuita-
tionem crebram. quid plura? sunt omnes ita mihi fa-
miliares, ut se quisque maxime putet. sed tamen μὴ
δὲν αὐτοῖς. scis reliqua. De statua Africani, ὃ πρᾶν-
μάτων ἀσυγκλῶδων: sed me ipsum delectauit in tuis li-
teris, aīn tu? Scipionem hic Metellus proauum suum
nescit Censorem fuisse? atqui nihil habuit aliud inscri-
ptū, nisi, Censor, ea statua, quæ ad Opis aperte posita in
excelsso est. in illa autem, quæ est ad πολυδύκους, in-
scriptum est, eos. quam esse eiusdem status, amictus, an-
nulus, imago ipsa declarat. at hercule ego cū in turma
inauratarum equestrium, quas hic Metellus in Capito-
lio posuit, animaduertissem in Serapionis subscriptio-
ne Africani imaginem, erratum fabrilē putavi: nunc
uideo Metelli. ὃ ἀνιδόρησίαν turpem. nam illud de
Flauio, & fastis, si secus est, commune erratum est:
& tu belle ἠπόρησας. & nos publicam prope opi-
nionem secuti sumus, ut multa apud Græcos: quis
enim non dixit, Εἰ πολὺν τὸν τῆς Αἰχμῆας ab Alcibia-
de nauigante in Siciliam deiectum esse in mare? re-
darguit Eratosthenes: affert enim, quas ille post id
tempus fabulas docuerit. num idcirco Duris Samius,
homo in historia diligens, quod cum multis errauit, ir-
ridetur? quis Zaleucum leges Locris scripsisse non di-
xit? num igitur iacet Theophrastus, si id à Timeo tuo,
familiari reprehensum est? sed nescire proauum suum
Censorem fuisse turpe est, præsertim cum post eum
Consulem nemo Cornelius illo uiuo Censor fuerit.
Quod de Philotimo, & de solutione XXXDC scribis:
Philotimum circiter Calen. Ian. in Chersonesum an-

LIB. IIII. EPIST.

dio uenisse. ac mihi ab eo nihil adhuc. reliqua mea
 Camillus scribit se accepisse. ea quæ sint, nescio, & aueo
 scire. sed hæc posterius, & coram fortasse commodius.
 Illud me mi Attice in extrema ferè parte epistolæ com-
 mouit: scribis enim sic, τὶ λοιπόν? deinde me obsecras
 amantissime, ne obliuiscar uigilare, & ut animaduer-
 tam, quæ fiant. nunquid de quo inaudisti? etsi nihil
 eiusmodi est: πολλοῦ καὶ δὲ: nec enim me fefellis-
 set, nec faller. sed ista admonitio tua tam accurata ne-
 scio quid mihi significare uisa est. De M. Octauio,
 iterum tibi rescribo, te ille probe respondiisse. paulo uel
 lem fidentius. nam Celius libertum ad me misit, & li-
 teras accurate scriptas & de pantheris, sed à ciuitati-
 bus. rescripsi, alterum me molestie ferre, si ego in te-
 nebris laterem, nec audiretur Romæ, nullū in mea pro-
 uincia numum, nisi in æs alienum, erogari; docuiq; nec
 mihi conciliare pecuniā licere, nec illi capere; monuiq;
 eum; quem plane diligo, ut, cū alios accusasset, cautius
 uiueret: illud autem alterum alienum esse existimatio-
 ne mea, Cibratas imperio meo publice uenari. Lepta
 tua epistola gaudio exultat: etenim scripta belle est, me-
 q; apud eū magna in gratia posuit. Filiola tua gratum
 mihi fecit, q; tibi diligēter mādauit, ut mihi salutē ascri-
 beres: gratū etiā Pilia, sed illa officiosius, q; mihi, quē iā
 pridem nunquā uidet. igitur tu quoque salutem utri-
 que ascribito. L I T E R A S D A T V R V M
 P R I D. C A L. I A N. suauem habuit recordatio-
 nem clarissimi iurisiurādi: quod ego non eram oblitus:
 magnus enim prætextatus illo die fui. habes ad omnia.
 non, ut postulasti, χεῖρα χαλκείαν, sed paria paria

bus respondemus. Ecce autem alia pusilla epistola,
quam non reliquam ἀνατίφωυτον. Bene mehercule
potuit Luccius Tusculanum: nisi forte, solet enim, cum
suo tibicine. & uelim scire, quis sit status eius. Lentu-
lum quidem nostrum, præter Tusculanum, proscripsit-
se audio. cupio hos expeditos uidere: cupio etiam Se-
stium: addes etiam ips Caelium. quibus omnibus est:
ἀλλ' ἐοδεν μὲν ἀνατίφωυται, δ' εἶσαν δ' ὑποδέχεται. De Mem-
mio restituendo ut Curio cogitet, te audisse puto. De
Egnatij Sidicini nomine, nec nulla, nec magna spe su-
mus. Pinarium, quem mihi cōmendas, diligentissime
Deiotarus curat grauiter ægrum. respondi etiam mino-
ri. Tu uelim, dum ero Laodiceæ, id est ad Id. Maij,
quam sæpiissime mecum per literas colloquare: & cum
Athenas ueneris, (iā enim sciemus de rebus urbanis, de
prouincijs, quæ omnia in mensem Martium sunt colla-
ta) utique ad me tabellarios mittas. Sed heust tu, Ge-
nuarios a Cæsare per Herodē, talenta Attica L, extorsi-
stis: in quo, ut audio, magnū odium Pompeij suscepistis:
* putat enim suos nummos uos comedisse, Cæsarem in
merito reedificando diligentiorē fore. hoc ego ex P. Ve-
dio magno nebulone, sed Pompeij tamen familiari au-
diui. hic Vedius uenit mihi obuiā cū duobus essedis, &
rheda equis iuncta, & lectica, & familia magna. pro
qua, si Curio legem pertulerit, HS centena pendat
necesse est. erat præterea cynocephalus in essedo: nec
deerant onagri. nunquam uidi hominem nequio-
rem sed extremum audi. diuersatus est Laodiceæ apud
Pompeium Vindillum: ibi sua deposuit, cum ad me
profectus est. moritur interim Vindullus: quæ res ad

LIB. VI. EPIST.

Magnum Pompeium pertinere putabatur. C. Vennonius domum Vindulli uenit. cum omnia obsignaret, in Vedianas res incidit. in his inuenta sunt quinque lagunculae matronarum, in quibus una sororis amici tui, hominis Bruti, qui hoc utatur, & illius Lepidi, qui haec tam negligenter ferat. haec te uolui παρρησιασθεῖν: sumus enim ambo belle curiosi. unum etiam uelim cogites. audio Appium παρρησιασθεῖν Eleusine facere. num inepti fuerimus, si nos quoque Academie fecerimus? puto, inquires: ergo id ipsum scribes ad me. equidem ualde Athenas ipsas amo. uolo esse aliquod monumentum. odi falsas inscriptiones statuarum alienarum. sed ut tibi placebit: faciesq; me, in quem diem Romana incidunt mysteria, certiore, & quo modo hyemaris.

Cura, ut ualeas. Post Leuetricam pugnam die septingentesimo sexagesimo quinto.

CICERO ATTICO S. 2.

CUM Philogenes libertus tuus Laodiceam ad me salutandi causa uenisset, & se statim ad te nauigaturum esse diceret, has ei literas dedi, quibus ad eas rescripsi, quas acceperam à Bruti tabellario. & respondebo primum postremae tuae paginae, quae mihi magnae molestiae fuit, quod ad te scriptum est ab Cincio de Statii sermone, in quo hoc molestissimum est, Statium dicere, à me quoque id consilium probari, probari autem? de isto haecenus dixerim me uel plurima uincla tecum summæ coniunctionis optare, et sunt amoris arctissima: tantum abest, ut ego ex eo, quo astricti sumus, laxari aliquid uelim.

illum autem multa de istis rebus asperius solere loqui,
 sæpe sum expertus, sæpe etiam leniui iratū. id scire te
 arbitror. in hac autē peregrinatione, militiæue nostra
 sæpe incensum ira uidi, sæpe placatū. quid ad Statium
 scripserit, nescio. quidquid acturus de tali re fuit, scri-
 bendum tamen ad libertum non fuit. mihi autem erit
 maxime curæ, ne quid fiat secus, quàm uolumus,
 quàmque oportet. nec satis est in eiusmodi re se quen-
 que præstare. ac maxime partes istius officij sunt pueri
 Ciceronis, siue iam adolescentis: quod quidem illum so-
 leo hortari. ac mihi uidetur matrem ualde, ut debet,
 amare, teque mirifice. sed est magnum illud quidem, ue-
 runtamen multiplex pueri ingenium. quo ego regen-
 do habeo negotij satis. quoniam respondi tue paginæ
 postremæ prima mea, nunc ad primam reuertar tuam.

Peloponnesias ciuitates omnes maritimas esse, ho-
 minis non nequam, sed etiam tuo iudicio probati,
 Dicearchi tabulis credidi. is multis nominibus in Tro-
 phoniana Cheronis narratione Græcos in eo reprehens-
 dit, quod mare tam secuti sunt: nec ullum in Pe-
 loponneso locum excipit. cum mihi auctor placeret
 (etenim erat Ἰσοκράτης, & uixerat in Peloponne-
 so) admirabar tamen, & uix aggrediens commu-
 nicaui cum Dionysio: atque is primo est commotus:
 deinde, quod tum de isto Dicearcho non minus be-
 ne existimabat, quam tu de C. Vestorio, ego de
 M. Cluuiο, non dubitabat, quin ei crederemus.
 Arcadiæ censebat esse Lepreon quoddam maritimum:
 Tene autem, & Aliphera, & Tritia νεκτιδα ei
 uidebantur: idque τῶν τῶν νεῶν καταλόγῳ confirmas

LIB. VI. EPIST.

bat, ubi mentio nō fit istorum: itaque istum ego locum totidem uerbis à Dicearcho transtuli. Phlasiōs dici sciebam: & ita fac ut habeas: nos quidem sic habemus: sed primo me ἀναλογία deceperat, φλοῖς, ὀποῖς, σιποῖς, quod ὀποῖντιοι, σιποῖντιοι. sed hoc continuo correximus.

Latari te nostra moderatione, & continētia uideo. tum id magis faceres, si adesses, atq; hoc foro, quod egi ex Idib. Eeb. Laodiceæ ad Cal. Maij. omnium diocesiū præter Ciliciæ. mirabilia quædā effecimus. ita multæ ciuitates omni ære alieno liberatæ, multæ ualde leuatae sunt: omnes suis legibus, & iudicijs usæ, αὐτονομία adeptæ, reuixerunt. his ego duobus generibus facultatem ad se ære alieno liberandas, aut leuandas dedi: uno, q̄ omnino nullus in imperio meo sumptus factus est, (nullū cū dico, non loquor ἡ περβολικῶς) nullus inquam ne teruncius quidem. hac autē re, incredibile est, quantum ciuitates emerferint. accessit altera. mira erant in ciuitatibus ipsorum furta Græcorum, quæ magistratus sui fecerant. quæsiui ipse de ijs, qui annis decē proximis magistratū gesserant. aperte fatebantur: itaque sine ulla ignominia suis humeris pecunias populis retulerunt. populi autē nullo gemitu publicanis, quibus hoc ipso lustro nihil soluerant, etiā superioris lustri reddiderunt. itaque publicanis in oculis sumus: gratis, inquis, uiris: sensimus. iam cætera iurisdictio nec imperita, & clemens, cum admirabili facilitate. aditus autē ad me minime prouinciales. nihil per cubicularium. ante lucē in ābulabā domi, ut olim cādidatus grata hæc, et magna, mihiq; nōdū laboriosa ex illa uetere militia. Nonis Maij in Ciliciā cogitabā: ibi cū Iuniū mēsem cōsum

p'ssem, atq; utinā in pace, (magnum enim bellum im-
 pendet à Parthis) Quintilem in reditu ponere: annuæ
 enim mihi operæ ad III. Cal. Sext. emeretur. magna
 autem in spe sum, mihi nihil temporis prorogatum iri.
 habebam acta urbana usque ad Non. Mart. è quibus
 intelligebam Curionis nostri cōstātia omnia potius actū
 iri, quā de provincijs. ergo, ut spero, propediem te uī
 debo. Vento ad Brutum tuum, immo nostrum: sic
 enim mauis, equidē omnia feci, quæ potui aut in mea
 provincia perficere, aut in regno experiri. omni igitur
 modo egi cum Rege, & ago quotidie, per literas
 scilicet: ipsum enim triduū, quatriduū uē mecum ha-
 bui turbulentis in rebus, quibus eum liberaui. sed &
 tum præsens, & postea creberrime nō destiti rogare, &
 petere mea causa, suadere, & hortari sua. multum pro-
 feci, sed buantum, non plane, quia longe absū, scio.
 Salaminios autem (hos enim poterā coercere) adduxi,
 ut totū nomē Scaptio uellent soluere, sed centesimis du-
 Etis à proxima quidē syngrapha, nec perpetuis, sed re-
 nouatis quotannis. numerabantur numi: noluit Sca-
 ptius. tu qui ais Brutū cupere aliquid perdere? quæ-
 ternas habebat in syngrapha. fieri non poterat: nec, si
 posset, ego pati possem. audio omnino Scaptium pœni-
 tere. nam quod S.C. esse dicebat, ut ius ~~de~~ syngrapha
 diceretur: eo consilio factum est, q̄ pecuniam Salaminij
 contra legem Gabiniam sumpserant. uetabat autem
 Auli lex ius dici de ita sumpta pecunia. decreuit igitur
 senatus, ut ius diceretur ista syngrapha. nunc ista
 habet iuris idem, quod ceteræ; nihil præcipui. hæc à
 me ordine facta puto me Bruto probaturū: tibi, nescio:

LIB. VI. EPIST.

Catoni certe probabo. sed iam ad te ipsum reuertor.

Ain tandem Attice laudator integritatis, & elegantie nostrae? ausus es hoc ex ore tuo? (inquit Ennius) ut equites Scaptio ad pecuniam cogendum darem, me rogare? an tu, si mecum esses, qui scribis morderi te interdum, q non simul sis, paterere me id facere, si uelle? non amplius, inquis, quinquaginta. cum Spartaco minus multi primo fuerunt. quid tandē isti mali in tam tenera insula nō fecissent? nō fecissent autē? immo quid ante aduentū meū nō fecerunt? inclusum in curia senatum habuerūt Salaminīū ita multos dies, ut interierint nōnulli fame: erat enim praefectus Appij Scaptius, & habebat turmas ab Appio. id me igitur tu, cuius me hercule os mihi ante oculos solet uersari, cum de aliquo officio, ac laude cogito, tu me inquam rogas, perfectus ut Scaptius sit? at hoc statueramus, ut negotiatorem neminem. idq; Bruto probaueramus. habeat is turmas: cur potius, quā cohortes? sumptu iam nepos euadit Scaptius. uolunt, inquis, principes. scio: nā ad me Ephesum usque uenerunt, flentesq; equitū scelera, & miseriae suas detulerunt. itaq; statim dedi literas, ut ex Cypro equites ante certā diē decederent. ob eāq; causam, tū ob ceteras Salaminij nos in coelum decretis suis sustulerūt. sed iā quid opus equitatu? soluunt enim Salaminij; nisi forte id uolumus armis efficere, ut foenus quaternis centesimis ducant. & ego audebo legere unquam, aut attingere eos libros, quos tu dilaudas, si tale quid fecero? nimis, inquam, in isto Brutum amasti dulcissime Attice: nos, uereor, ne parū. atque haec, scripsi ego ad Brutū, scripsisse te ad me. cognosce nunc cetera.

Pro Appio
plane libe
mox pō
cū plus p
huc uenir
mibi nō p
pēbri. r
E' uenit
quid quā
nunc plu
Philomen
nostram in

ET S
quā dedi
cū Philo
te fuit
(nō quo
nibus: r
mā vōt
uides
dēdū est
cie pra
fratrem
tur pot
tinus en
lam a m
etenim
tem pri

Pro Appio nos hic omnia facimus, honeste tamen, sed plane libenter: nec enim ipsum odimus, & Brutū amamus: & Pōpeius a me mirifice contendit, quem meheracule plus, plusq; in dies diligo. C. Celiū Quæstorem huc uenire audisti. nescio, quid sit: sed Pammenia illa mihi nō placet. Ego me spero Athenis fore mense Septēbri. tuorum itinerum tempora scire sanē uelim. Εὐχέμαι Sempronij Rusti cognoui ex epistole Corcyrae, quid queris? inuideo potentia Vestorij. cupiebā etiam nunc plura garrere: sed lucet: urget turba: festinat Philogenes. ualebis igitur, & ualere Piliam, & Cæciliā nostram iubebis literis, & saluebis a meo Cicerone.

CICERO ATTICO S. 3

ET SI nil sanē habebā noui, quod post accidisset, quā dedissem ad te Philogeni libertō tuo literas: tamē, cū Philotimū Romā remitterem, scribēdum aliquid ad te fuit. ac primum illud, quod me maxime angebat, (nō quo me aliquid iuuare posses: quippe res est in manibus: tu autem abes longe gentium: πολλὰ δὲ νῦν μεταχμῶν τότ' & κυλινδ' ἐλύματ' ὅς γ' εἶναι ἄλως) obrepit dies, ne uides (mihi enim ad III. Cal. Sext. de prouincia dece dēdū est) nec succeditur. quem relinquam, qui prouincia præsīt? ratio quidem, & opinio hominum postulat fratrem: primum quod uidetur esse hoīos: nemo igitur potior: deinde quod solum habeo prætōrium: Pōntinus enim ex pacto, & conuentu (nā ea lege exierat) iam a me discesserat. Quæstorem nemo dignum putat: etenim est leuis, libidinosus, sagax. De fratre autem primum illud est. persuaderi ei non posse arbitror:

odit enim provinciam: & hercule nihil odiosius, nihil molestius. deinde, ut mihi nolit negare; quidnam mei sit officij? cum bellum esse in Syria magnum putetur, id uideatur in hanc provinciam erupturum; hic praesidiij nihil sit; sumptus annuus decretus sit: uideatur ne aut pietatis esse meae, fratrem; aut diligentiae, nugarum aliquid relinquere? magna igitur, ut uides, solitudine afficior, magna inopia consilij. quid quaeris? toto negotio nobis opus non fuit. quanto tua provincia melior? decedes, cum uoles: nisi forte iam decessisti. quem uidebitur, praeficies Thesprotiae, & Chaoniae. nec dum tamen ego Quintum conueneram, ut iam, si id placeret, scirem, posset ne ab eo impetrari: nec tamen, si posset, quid uellem, habebam. hoc est igitur eiusmodi. reliqua plena adhuc & laudis, & gratiae, digna ijs libris, quos dilandas. conseruatae ciuitates: cumulate publicanis satisfactum: offensus contumelia nemo, decreto iusto, & seuerio perpauci, nec tamen quisquam ut queri audeat. res gestae dignae triumpho. de quo ipso nihil cupide agemus, sine tuo quidem consilio certe nihil. clausula est difficilis in tradenda provincia. sed haec deus aliquis gubernabit. De urbanis rebus scilicet plura tu scis: saepius, & certiora audis. equidem doleo non me tuis literis certior fieri: huc enim odiosa afferebantur de Curione, de Paulo: non quo ullum periculum uideam stante Pompeio, uel etiam sedente, ualeat modo: sed mehercule Curionis, & Pauli meorum familiarium uicem doleo. formam igitur mihi totius Reip. si iam es Romae, aut cum eris, uelim mittas, quae mihi obuiam ueniat, ex qua me fingere possim, & praemeditari, quo

i. proficere

animo dece-
tem non es-
ne praeter-
omnia. C.
nouato in-
Ariob.
sum, quid
re non po-
ab eo ita
re non de-
berius est
hoc anno t-
missa C. C.
to, dici uix
habet mer-
me turm-
me fecer-
est, quod
meo fan-
ostender-
quid po-
noluit?
factum
ego ex B.
se uti n-
fectura
fecit cur-
me nec p-
postea in-
uellem, y

animo accedam ad Urbem: est enim quiddā, aduenientem non esse peregrinum, atque hospitem. Et, quod pene præterij, Bruti tui causa, ut sæpe ad te scripsi, feci omnia. Cyprij numerabant: sed Scaptius centesimis renouato in singulos annos fœnore contentus non fuit.

Ariobarzanes non in Pompeium prolixior per ipsum, quā per me in Brutum: quem tamen ego præstare non poteram: erat enim Rex perpauper; aberamq; ab eo ita lōge, ut nihil possem nisi literis, quibus pugnare non dedisti. summa hæc est. pro ratione pecuniæ liberius est brutus tractatus, quā Pōpeius. Bruto Curata hoc anno talenta circiter C. Pōpeio in sex mensibus promissa C. C. iam in Appij negotio quantū tribuerim Bruto, dici uix potest. quid est igitur, quod laborē? amicos habet meras nugas, M. Scaptium, qui, quia nō habuit à me turmas equitum, quibus Cyprum uexaret, ut ante me fecerat, fortasse succenset: aut quia præfectus non est, quod ego nemini tribui negotiatori, nō C. Vēnonio meo familiari, non tuo M. Lenio: & quod tibi Romæ ostenderam me seruaturum, in quo perseueraui. sed quid poterit quæri is, qui auferre pecuniam cū posset, noluit? Scaptio, qui in Cappadocia fuit, puto esse satisfactum. is à me Tribunatum cum accepisset, quem ego ex Bruti literis ei detulissē, postea scripsit ad me se uti nolle eo Tribunatu. Caius est quiddā, cui cū præfecturam detulissē Bruti rogatu, multa & dixit, & fecit cum quadam mea contumelia, P. Clodij canis. is me nec proficiscentem Apameā profecutus est: nec, cum postea in castra uenisset, atque inde discederet, nūquid uellem, rogauit: & fuit aperte mihi, nescio quare, non

LIB. VI. EPIST.

amicus. hunc ego si in præfectis habuissem, quē tu me hominem putares? qui, ut scis, potentissimorum hominū, contumaciam nunquā tulerim, ferrem huius affectū? etsi hoc plus est, quā ferre, tribuere etiā beneficij aliquid, et honoris. is igitur Caius, cum Apameæ me nuper uidisset Romam proficiscens, me ita appellauit (Culleolum uix auderem) unde, inquit, me iubes petere cibaria? profecto respondi lenius, quā putabāt oportuisse, qui aderant: me nō instituisse ijs dare cibaria, quorū opera non essem usus. abiit iratus. huius nebulonis operatione si Brutus moueri potest, licebit eum solus ames, me æmulum non habebis. sed illum eum futurum esse puto qui esse debet. tibi tamen causam notam esse uolui: et ad ipsum hæc perscripsi diligentissime. omnino (soli enim sumus) nullas unquā ad me. literas misit Brutus, ne proxime quidē de Appio, in quibus nō inesset arrogans ἀνοικισμὸς aliquid. tibi autem ualde solet in ore * esse grauius autem non contemnere se, et Reges odisse superbos. in quo tamē ille mihi risum magis, quā stomachū mouere solet. sed plane parū cogitat, quid scribat, aut ad quē. Quintus Cicero puer legit, ut opinor, et certe, epistolā in scriptā patri suo: solet enim aperire, idq; de meo consilio, si quid forte sit, quod opus sit sciri. in ea autem epistola erat illud idem de sorore, quod ad me. mirifice conturbatum uidi puerū. lacrimans me, cum est questus. quid quæris? miram in eo pietatem suauitatē, humanitatēq; perspexi: quo maiore spem habeo, nihil fore aliter, ac deceat. id te igitur scire uolui. ne illud quidem prætermittā. Hortēsius filius fuit Laodiceæ cum gladiatoribus flagitiose, et turpiter, hūc

ego patris
dem patris
nime exp
quid. n. d
quidem, n
ligo. sm f
offendā,
tione Q
litera m
bellariu
TAR
uerit: mag
nia, mibi
habebat
mum: r
mirus p
Celio n
trem cu
discessi
centa p
na uid
Tu quæ
soles, om
Tullia m
psi ad T
more mo
ter acti
pus nat

ego patris causa uocani ad coenā, quo die uenit: et eiusdem patris causa nihil amplius. is mihi dixit, se Athenis me expectaturū, ut mecū decederet. recte, inquam: quid. n. dicere? omnino puto nihil esse, quod dixit: nolo quidem, ne offendā patrem, quem mehercule ualde diligo. sin fuerit meus comes, moderabor, ita ne quid eū offendā, quē minime uolo. hęc sunt, etiam illud. Oracōne Q. Celeris mihi uelim mittas cōtra M. Seruil iū. literas mitte quāprimū, si nihil fuerit, uel per tuum tabellarium. Piliæ, & filiæ salutem. Cura, ut ualeas.

CICERO ATTICO S. 4

TARSVM uenimus Non. lun. ibi me multa mouerūt: magnū in Syria bellum, magna in Cilicia latrocinia, mihi difficilis ratio administrandi, quōd paucos dies habebā reliquos annui muneris: illud autem difficillimum: relinquendus erat ex S. C. qui præisset. nihil minus probari poterat, quā Quæstor Messinius. nā de Celio nihil audiebamus. rectissimum uidebatur fratrem cum imperio relinquere: in quo multa molesta, discessus noster, belli periculum, militū improbitas, sexcenta præterea. ò rem totam odiosam. sed hęc fortuna uiderit: quoniam consilio non multum uti licet. Tu quando Romam saluus, ut spero, uenisti, uidebis, ut soles, omnia, quæ intelliges nostra interesse, in primis de Tullia mea: cuius de conditione quid mihi placeret, scripsi ad Terentiam, cū tu in Gracia esses: deinde de honore nostro: quod. n. tu abfuiisti, uereor, ut satis diligenter actum in senatu sit de literis meis. illud præterea μυσικότερον ad te scribam, tu sagacius odorabere.

LIB. VI. EPIST.

τῆς δ' ἀμαρτὸς μου ὁ ἀπελδύτης (οἶδα ὃν λέγω) ἔδοξε
 ξέ μοι πρώην, ἐξ ὧν ἀλογυόμενος παρεφδέγγετο πεφυρακέναι
 τὰς ψήφους ἐκ τῆς ὥνης τῶν ὑπαρχόντων τοῦ Κροτωνιάτου
 τυραννοκτόνου. δέδοικα δ' ἡ, μή τι νοήσης. εἰς δ' ἡ
 που τοῦτο δ' ἡ περισκεψάμενος, τὰ λοιπὰ ἐξ ἀσφαλείας.
*non queo tantum, quantum uereor, scribere. tu autem
 fac, ut mihi tuæ literæ uolent obuiæ. hæc festinans scripsi
 in itinere, atque agmine. Piliæ, & Puellæ Cæcilïæ
 bellissimæ salutem dices. Vale.*

CICERO ATTICO S. 5

N V N C quidē profecto Romæ es: quò te. si ita est,
 saluū uenisse gaudeo: unde quidē quandiu absuisti, ma-
 gis à me abesse uidebare, quàm si domi esses: minus. n.
 mihi meæ notæ res erāt, minus etiā publicæ. quare ue-
 lim, & si, ut spero, te hæc legente aliquantum tamen
 uix processero, tamē obuias mihi literas quā argutissi-
 mas de omnibus rebus crebro mittas, in primis de quo
 scripsi ad te antea. τῆς ξυνάορου τῆς ἐμῆς οὐξελεύτης,
 ἔδοξε μοι δαμά βαπαρίζων, καὶ ἀλύων τοῖς ξυλλόγοις, καὶ
 ταῖς λέσχαις ὑπότι πεφυρακέναι τὰς ψήφους ἐν τοῖς ὑπαρ-
 χουσι τοῖς τοῦ Κροτωνιάτου. hoc tu indaga, ut soles, ast
 hoc magis. ἐξ ἀσέως ἐπταλόφου τευχῶν παρὲδωκεν ἡμῶν
 γάμου ὀφειλήματα ὁ Κάμιλλος, αὐτόν τε ὀφείλοντα μνάς
 καὶ ἐκ τῶν Κροτωνιατικῶν, καὶ ἐκ τῶν χερσὶ ὀνησιατικῶν μη.
 καὶ κληρονομίας χμ. κ. μ. τούτων δ' ἐμῆς ὀβολὸν δια-
 λύσασθαι πάντων ὀφειληθέντων τοῦ δούτερου μηνὸς τῆς νου
 μηνία. τὸν δ' ἐπ' ἀπελδύτερον αὐτοῦ, ὄντα ὁ μάνυμων τῆς Κόνω
 νως πατρὶ μῆδ' ἐν ὁλοσχερῶς πεφροντικέναι. ταῦτα οὖν
 πρῶτον μὲν, ἵνα πάντα σώζηται, δούτερον δ' ἐ, ἵνα μῆδ' ἐ
 τῶν

τῶν τόκων ὀλιγωρήσης τῶν ἀπὸ τῆς προεγκειμένης ἡμέρας,
 ὅσας αὐτὸν ἠνέγκαμεν, σφόδρα δέδοικα. καὶ γὰρ παρὲν
 πρὸς ἡμᾶς κατασκέφομενος, καὶ τι σχεδὸν ἐλπίσας, ἀπο
 χροῦς δ' ἐάλωγος ἀπέστη, ἐπειπὼν, αἰσχρὸν τοι δὴρόν τε
 μένειν. μεῖ; obiurgauit uetere prouerbio, τὰ μὲν δίδό
 μενα. reliqua uide, & quantum fieri potest, perspicia=
 mus. etsi annuum tempus propè iam emeritum habe=
 bamus; dies enim XXXIII erant reliqui: solitu
 dine prouinciæ tamen uel maxime urgebamur: cum
 enim arderet Syria bello, & Bibulus in tanto mœrore
 suo maximam curam belli sustineret, ad μεῖ; Legati
 eius, & Quæstor, & amici literas mitterent, ut subsidio
 uenirem; etsi exercitum infirmum habebam, auxilia
 sanè bona, sed ea Galatarum, Pisidarum, Lyciorum
 (hæc enim sunt nostra robora) tamè esse officium meū
 putauī, exercitum habere quāproxime hostem, quoad
 mihi præesse prouinciæ per S.C. liceret. sed, quo ego
 maxime delectabar, Bibulus molestus mihi non erat: de
 omnibus rebus scribebat ad me potius, et mihi decessio=
 nis dies λεηρότως obrepebat. qui cum aduenerit; ἄλ=
 λο πρὸς βλημα, quæ præficiā, nisi Celius Quæstor uene=
 rit, de quo adhuc nihil certi habebamus. cupiebā meher
 cule longiorem epistolā facere: sed nec erat res, de qua
 scriberem; nec iocari præ cura poteram. ualebis igitur,
 & puellæ salutem articulate dices, nostrὰ; Piliæ.

CICERO ATTICO S. 6

E GO, dum in prouincia omnibus rebus Appium orno,
 subito sum factus accusatoris eius socer. id quidem,

N

LIB. VI. EPIST.

inquis, Dij approbent. ita uelim: teq; ita cupere certo scio: sed crede mihi, nihil minus putarā ego, qui de Ti. Nerone, qui mecum egerat, certos homines ad mulieres miseram, qui Romam uenerunt factis sponsalibus. sed hoc spero melius. mulieres quidem ualde intelligo delectari obsequio, & comitate adolescentis. cætera noli ἐξαινεῖν. sed heus tu, πρὸς εἰς δῆμον Athenis. placet hoc tibi? etsi non impediabant mei certe libri: non enim ista largitio fuit in ciuibus, sed in hospites liberalitas. me tamen de Academiæ πύλῳ iubes cogitare, quoniam Appius de Eleusine non cogitet. De Hortensio te certo scio dolere: equidem excrucior: decreueram enim cum eo ualde familiariter uiuere. Nos provinciæ præfecimus Celium: puerum, inquires, & fortasse fatuum, & non grauem, & non continentem: assentior: fieri non potuit aliter: nam quas multo ante tuas acceperam literas, in quibus ἐπέχεν te scripseras, quid esset mihi faciendum de relinquendo, eæ me pungebant: uidebam enim, quæ tibi essent ἐποχῆς causæ, (& erant eadem mihi) puero ne traderem. fratri autem, illud non utile nobis. nam præter fratrem nemo erat, quem sine contumelia Quæstori, nobili præsertim, anteferrem. tamen dum impendere Parthi uidebantur, statueram fratrem relinquere, aut etiam Reip. causa contra S. C. ipse remanere. qui posteaquam incredibili felicitate discesserunt, sublata dubitatio est. uidebam sermones, hui fratrem reliquit? num est hoc non plus annū obtinere provinciam? quid, quod senatus eos uoluit præesse provincijs, qui non præfuissent? at hic triennium. ergo hæc ad populū. quid

quæ tecum? nunquam essem sine cura, si quid iracundius, aut contumeliosius, aut negligentius. quæ fortuita hominum? quid, si quid filius puer, & puer bene sibi fidens? qui esset dolor? quem pater non dimittebat, teq; id censere moleste ferebat. at nunc Celi non dico equidem, quod egerit; sed tamen multo minus laboro. adde illud: Pompeius, eo robore uir, ijs radicibus, Q. Cassium sine sorte delegit, Cæsar Antonium: ego sorte datum offenderem? aut etiam inquirerem in eum, quem reliquissim? hoc melius, et huius rei plura exempla. senectuti quidem nostræ profecto aptius. at te apud eum, Dij boni, quanta in gratia posui? etq; legi literas non tuas, sed librarij tui.

Amicorum literæ me ad triumphum uocant, rem à nobis, ut ego arbitror, propter hanc παλιγγενεσία nostram, non negligendam. quare tu quoque mi Attice incipe hoc cupere, quo nos minus inepti uideamur. Vale.

CICERO ATTICO S. 7

QVINTVS FILIVS, pie sanè, me quidem certe multum hortante, sed currentem animum patris sui sorori tuæ reconciliauit. eum ualde tuæ literæ excitarunt. quid quæris? confido rem, ut uolumus, esse. Bis ad te ante scripsi de re mea familiari, si modo tibi redditæ literæ sunt, Græce ἐν ἀνιγμοῖς. scilicet nihil est mouendum. sed tamen ἀφελῶς percontando de nominibus Milonis, & ut expediat, ut mihi recepit, hortando, aliquid ita tu proficies.

N ij

LIB. VI. EPIST.

ego Laodiceæ Quæstorem Massinium expectare iussi,
ut confectas rationes lege Iulia apud duas ciuitates pos-
sim relinquere. Rhodum uolo puerorum causa. inde
quamprimum Athenas: etsi Etesiae ualde restant: sed
uolo his magistratibus, quorum uoluntatem in suppli-
catione sum expertus. tu tamen mitte mihi quæso ob-
uiam literas, nunquid putes Reip. nomine tardandum
esse nobis. Tiro ad te dedisset literas, nisi eum graui-
* ter ægrum Etesæ reliquisssem. sed nuntiant, melius esse.
ego tamen angor: nihil enim illo adolescente castius, ni-
hil diligentius. Vale.

CICERO ATTICO S. 8

C V M instituissem ad te scribere, calamumq; sumpsis-
sem, Batonius è naui rectà ad me uenit domū Ephesi,
et epistolam tuam reddidit prid. Cal. Oct. latatus sum
felicitate navigationis tuæ, opportunitate Piliæ, etiā me-
hercule sermone eiusdem de coniugio Tulliae meæ. Bato-
nius autem miros terrores ad me attulit Casarianos. cū
Lepta etiā plura locutus est; spero, falsa, sed certe horri-
bilia: exercitum nullo modo dimissurum: cum illo Præ-
tores Dess. Cassium Trib. Lentulum Cos. facere: Pom-
peio in animo esse Urbem relinquere. sed heus tu, nun-
quid moleste fers de illo, qui se solet anteferre patrio so-
roris tuæ filij? at à quibus uictus? sed ad rem. Nos
Etesiae uehementissime tardarunt. detraxit XX ipsos
dies etiam aphraëtus Rhodiorum. Cal. Oct. Epheso con-
scendentes hanc epistolam dedimus L. Tarquinio simul
è portu egredienti, sed expeditius nauiganti. nos Rho-

diorum aphraëtis, ceterisq; longis nauibus tranquillita-
tes aucupaturi eramus. ita tamen properabamus, ut nō
posset magis. De raudusculo Puteolano gratum. nūc
uelim dispicias res Romanas, uideas, quid nobis de triū-
pho cogitandum putes, ad quem amici me uocant. ego,
nisi Bibulus, qui, dum unus hospes in Syria fuit, pedem
porta non plus extulit, q̄ domo sua, adniteretur de triū-
pho, æquo animo essem. nunc uero αὖτε σὺ σιωπᾶν.
sed explora rem totam, ut, quo die congressi erimus, cō-
siliū capere possimus. at multa, qui & properarem,
& ei literas darem, qui aut mecū, aut paulo ante uentu-
rus esset. Cicero tibi plurimam salutem dicit. tu dices
utriusq; nostrum uerbis & Piliæ tuæ, & filiæ. Vale.

CICERO ATTICO S.

I N PIRAEA cum exissem prid. Id. Oct. accepi ab
Acasto seruo meo statim tuas literas, quas quidem cum
expectassem iandiu, admiratus sum, ut uidi ob signatā
epistolam, breuitatem eius: ut aperui, rursus σύγχυ-
σιν literularum, quæ solent tuæ copiosissimæ, & claris-
simæ esse. ac ne multa, cognoui ex eo, quod ita scripse-
ras, te Romam uenisse ad XII. Cal. Oct. cum febrī.
percussus uehementer, nec magis, quā debui, statim
quæro ex Acasto. ille & tibi, & sibi uisum, & ita se
domi ex tuis audisse, ut nihil esset incommode. id uide-
batur approbare, quod erat in extremo, febriculam
tum te habentem scripsisse. sed clamaui tamen, admira-
tusq; sum, quod nihilo minus ad me tua manu scripsis-
ses. quare de hoc satis: spero enim, quæ tua prudentia,

N iiij

LIB. VI. EPIST.

Et temperantia, et hercule, ut me iubet Acastus, confi-
 do te iam, ut uolumus, ualere. A' Turratio te acce-
 pisse meas literas gaudeo. παρὰ φύλαξον, si me amas,
 πλὴν τοῦ φυλάττειν φιλοτιμίαν αὐτότατα. hanc, quæ me-
 hercule mihi magno dolori est (dilexi enim hominem)
 procura (quantulacunque est) Prætianam hereditatem.
 prorsus illā ne attingas. dices numos mihi opus esse ad
 apparatus triumphi: in quo, ut præcipis, nec me κενὸν
 in expetendo cognosces, nec αὐτοφόνον in abiiciendo. in-
 tellexi ex tuis literis te ex Turratio audisse, à me pro-
 uinciam fratri traditam. adeo ego non perspexeram
 prudentiam literarum tuarum? ἐπέχων te scribebas.
 quid erat dubitatione dignum? si esset quicquam, cur
 placeret fratrem, et talem fratrem relinqui? ἀλλ' ἐπὶ τῆς
 σὺς ista mihi tua, non ἐποχὴ uidebatur. monebas de
 Q. Cicerone puero, ut eum quidem neutiquam relin-
 querem, τοῦτο μόνον ἔργον ἐμοί. eadem omnia, quasi
 collocuti essemus, uidimus. non fuit faciendum aliter,
 meq; ἐπιχρὸνία ἐποχὴ tua dubitatione liberauit. sed
 puto te accepisse de hac re epistolam scriptam accura-
 tius. ego tabellarios postero die ad uos eram missurus.
 quos puto ante uenturos, quàm nostrum Saufeium. sed
 eum sine meis literis ad te uenire uix rectum erat. Tu
 mihi, ut polliceris, de Tulliola mea, id est de Dolabella,
 perscribas: de Rep. quam præuideo in summis pericu-
 lis: de Censoribus, maximeq; de signis, tabulis quid fiat:
 referatur ne. Idib. Oct. has dedi literas, quo die, ut scri-
 bis, Cæsar Placentiam legiones quatuor. quæso, quid no-
 bis futurum est, maecte scribas. Athenis statio mea nūc
 placet. Vale.

M. TVLLII CICERONIS EPISTOLARVM AD T. POMPONIVM ATTICVM LIBER VII.

CICERO ATTICO S.

dEDERAM equidem L. Saufeio literas, & dederam ad te unum, quod, cum non esset temporis mihi ad scribendum satis, tamen hominem tibi tam familiarem sine meis literis ad te venire nolebam: sed, ut philosophi ambulant, has tibi redditum iri putabam prius. sin iam illas accepisti, scis me Athenas uenisse pridie Id. Oct. è naui egressum in Piræum tuas ab Acasto nostro literas accepisse: conturbatum, quod cum febre Romam uenisses: bono tamen animo esse coepisse, quod Acastus ea, quæ uellem, de alleuato corpore tuo nuntiaret: cohorruisse autem, quod tuæ literæ de legionibus Caesaris afferrent; & egisse tecum, ut uideres, ne quid φιλοτιμίας eius, quem nosti, nobis noceret, & de quo iam pridem ad te scripseram. Turranius autem secus tibi Brundusij dixerat: quod ex ijs literis cognoui, quas à Xenone optimo uiro accepi. cur fratrem prouinciæ non præfecissem, exposui breuiter. hæc ferè sunt in illa epistola. nunc audi reliqua. Per fortunas, omnem tuum amorem, quo me es amplexus, omnemq; tuam prudentiam, quam mehercule in omni genere iudico singulararem, conferto ad eam curam, ut de omni statu meo cogites: uidere enim mihi uideor tantam dimi-

N iiij

LIB. VII. EPIST.

cationem, nisi idem Deus, qui nos melius, quàm optare auderemus, Parthico bello liberavit, respexerit Rēp. quanta nunquam fuit. age, hoc malum mihi commune est cum omnibus: nihil tibi mando, ut de eo cogites. illud meum proprium πρόσβλημα quæso suscipe. uides ne, ut te auctore sim utrumque complexus? ac uellem à principio te audisse amicissime monentem. ἀλλ' ἐμὸν οὐποτε θυμὸν ἐνὶ στήδεσσιν ἐπειθες πατρίδος: sed aliquādo tamen persuasisti, ut alterum complecterer, quia de me erat optime meritus; alterum, quia tantum ualebat. feci igitur, atque effeci omni obsequio, ut neutri illorum quisquam esset me carior: hæc enim cogitabamus, nec mihi iuncto cum Pompeio fore necesse peccare in Rēp. aliquando; nec cum Pompeio sentienti, pugnam esse cum Cæsare; tanta erat illorum coniunctio. nunc impendet, ut & tu ostendis, & ego uideo, summa inter eos contentio. me autem uterq; numerat suum: nisi forte simulat alter: nam Pompeius non dubitat (uere enim iudicat) ea, quæ de Rēp. nūc sentiat, mihi ualde probari. utriusq; autem accepi eiusmodi literas eodem tempore, quo tuas, ut neuter quenquam omnium pluris facere, quàm me, uideretur. uerum quid agant? non quæro illa ultima (si enim castris res geretur, uideo cū altero uinci satius esse, q̄ cū altero uincere) sed illa, quæ tum agētur, cum uenero, ne ratio absentis habeatur, ut exercitum dimittat. dic M. Tulli. quid dicam? expecta, amabo te, dum Atticum conueniam. non est locus ad tergiuersandum contra Cæsarem. ubi illæ sunt densæ dexteræ? nā ut illi hoc liceret, adiui rogatus ab ipso

* Rauēnæ de Celio Trib. pl. ab ipso autē etiā à Cneo no=

stro in illo diuino tertio Consulatu. aliter sensero: αὐδ' ἐο
 μοι non Pōpeium modo, sed Τρωῶας, καὶ Τρωάδας. Πον-
 λυδ' ἄμας μοι πρῶτος ἐλεγχέειν κατὰ βήσται, quis? tu ipse
 scilicet laudator & faëtorum, et scriptorum meorum.
 hanc ego plagam effugi per duos superiores Marcello-
 rum Consulatus, cum est actum de prouincia Cæsaris.
 nunc incido in discrimen ipsum. itaque ut stultus pri-
 mus suam sententiam dicat, mihi ualde placet de trium-
 pho nos moliri aliquid, extra Urbem esse cū iustissima
 causa. tamen dabunt operam, ut eliciant sententiam
 meam. ridebis hoc loco fortasse: quàm uellem etiam
 nunc in prouincia morari. plane opus fuit, si hoc im-
 pendeat: etsi nil miserius: nam ὁδὸν πάρεργον uolo
 te hoc scire, omnia illa prima, quæ etiā tu literis in cœ-
 lum ferebas, ἐπίπνικτα fuerunt. quàm non est faci-
 lis uirtus, quàm uero difficilis eius diuturna simulatio.
 cum enim hoc rectum, & gloriosum putarem, ex an-
 nuo sumptu, qui mihi decretus esset, me C. Celio Quæ-
 stori relinquere annuū, referre in arariū ad HS CIO:
 ingemuit nostra cohors, omne illud putans distribui sibi
 oportere, ut ego amicior inuenirer Phrygum, & Cili-
 cum ararijs, quàm nostro. sed me non mouerunt: nam
 & mea laus apud me plurimū ualuit; nec tamen quic-
 quam honorifice in quenquam fieri potuit, quod præter
 miserim. sed hæc fuerit, ut ait Thucidides, ἐκβολὴ λόγου
 non inutilis. tu autem de nostro statu cogitabis: pri-
 mum quo artificio tueamur beneuolentiam Cæsaris: de
 inde de ipso triumpho: quem uideo, nisi Reip. tempora
 impediunt, ἢ πρόβρισον, iudico autem cum ex literis ami-
 corum, tum ex supplicatione, quàm qui non decreuit,

LIB. VII. EPIST.

plus decreuit, quàm si omnes decreuisset triumphos. et
 porro assensus est unus familiaris meus Fauonius, alter
 iratus Hirrus. Cato autem et scribendo affuit, et ad me
 de sententia sua iucundissimas literas misit. sed tamen
 gratulans mihi Caesar de supplicatione, triumphat de
 sententia Catonis, nec scribit quid ille sententiæ dixerit,
 sed tamen supplicationem eum mihi non decreuisse. re-
 deo ad Hirrum. coeperas eum mihi placare: perfice. ha-
 bes Scrofam: habes Silium. ad eos ego etiã antea scripsi,
 et ad ipsum Hirrum: locutus enim erat cum ijs, com-
 mode se potuisse impedire, sed noluisse; assensum tamen
 esse Catoni amicissimo meo, cum is honorificentissimam
 in me sententiam dixisset; nec me ad se ulla literas mi-
 sisse, cum ad omnes mitterem. uerum dicebat: ad eum
 enim solum, et ad Crassipidem non scripseram. atque
 hæc de rebus forensibus. Redeamus domum. diun-
 gere me ab illo uolo. *μῖρος ἔφυγας* Germanus Larti-
 dius. *ἀλλὰ τὰ μὲν προτέτυχθαι ἔσσομεν, ἀχρόμενοί περ.*
 reliqua expediamus, hoc primū, quod accessit cura do-
 lori meo, sed hoc tamen quidquid est. Prætianum cū ijs
 rationibus, quas ille meas tractat, admisceri nolo. scripsi
 ad Terentiam, scripsi etiam ad ipsum, me, quidquid pos-
 sem numorum, ad apparatus sperati triumphi ad te
 redacturum. ita puto *ἀμεμπτα* fore. uerum ut lubebit.
 hanc quoq; suscipe curam, quemadmodum experiamur.
 id et ostendisti quibusdam literis ex Epeiro, et Athe-
 nis datis, et in eo ego te adiunabo. Vale.

BRVNDVSIVM uenimus VII. Cal. Dec. usi tua
 felicitate nauigadi. ita belle nobis flauit ab Epeiro lenis-
 simus Auster, mitis. hunc σπονδ' ἄροτρα, si cui uoles τῶν
 νεωτέρων, pro tuo uendito. Inualetudo tua me ual-
 de conturbat: significant enim tuae literae te prorsus la-
 borare. ego autem cum sciam, quā sis fortis, uehe-
 mentius esse quiddam suspicor, quod te cogat cedere, et
 propemodum infringat. etsi alteram quartanam Pam-
 philus tuus mihi dixit decessisse, et alteram leuiorē ac-
 cedere. Terentia uero, quae quidem eodem tempore ad
 portam Brundusinam uenit, quo ego in portum, mihiq;
 obuia in foro fuit, L. Pontium sibi in Trebulano dixisse
 narrabat, etiam eam decessisse. quod si ita est, quod
 maxime mehercule opto, id spero tua prudentia, et te-
 perantia te consecutū. uenio ad epistolas tuas, quas ego
 sexcentas uno tempore accepi, aliam alia iucundiorē,
 quae quidem erat tua manu. nam Alexidis manū ama-
 bam, quod tam propē accedebat ad similitudinem tuae:
 literae manum non amabam, quia indicabat te non uale-
 re. cuius quoniam mentio iam facta est, Tironē Patris
 ægrum reliqui, adolescentem, ut nosti, (et adde si quid
 uis) probum: nihil uidi melius: itaq; careo ægre. quā-
 uidebatur se nō grauiter habere, tamē sū sollicitus,
 maximamq; spem habeo in M. Curiy diligentia, de qua
 ad me scripsit Tiro, et multi nūtiarunt. Curius autem
 ipse sensit, quā tu uelles à me diligi: et eo sum admo-
 dum delectatus: et mehercule est, quem facile diligas.

αὐτόχθων in homine urbanitas . eius testamentum de
 * tortorio Ciceronum signis obsignatum, cohortisq; præ-
 toriæ. fecit palam te ex libella, me ex teruncia. Corcy-
 ræ Alexion me opipare muneratus est. Q. Ciceroni ob-
 sisti non potuit, quo minus Thyamim uideret. Filiola
 tua te delectari lætor, & probari tibi σοφὸν φυσικὸν
 esse τοῦ πρὸς τὰ τέκνα: etenim si hæc non est, nulla
 potest homini esse ad hominem naturæ adiunctio: qua
 sublata, vitæ societas tollitur. bene conveniant, inquit,
 Carneades, spurce, sed tamen prudentius, quā Lucius no-
 ster, & Patron: qui, cū omnia ad se referant, quicquā
 alterius causa fieri putant: cum ea re bonum virum
 oportere esse dicant, ne malum habeat, non quo id natu-
 ra rectum sit; non intelligunt se de callido homine lo-
 qui, non de bono viro. sed hæc opinor sunt in ijs libris,
 quos tu laudando, animos mihi addidisti. redeo ad rem.

Quo modo expectabam epistolam, quam Philoxeno
 dedisses? (scripseras enim, in ea esse de sermone Pom-
 peij Neapolitano) eam mihi Patron Brundisij red-
 dit, Corcyræ, ut opinor, acceperat. nihil potuit esse in-
 cundius: erat enim de Rep. de opinione, quam is vir ha-
 beret integritatis meæ; de benevolentia, quam ostendit
 eo sermone, quem habuit de triumpho. sed tamen hoc
 iucundissimum, quod intellexi te ad eum uenisse, ut eius
 animum erga me perspiceres. hoc mihi inquam accidit
 iucundissimum. de triumpho autem nulla me cupiditas
 unquā tenuit ante Bibuli impudentissimas literas, quas
 amplissime supplicatio consecuta est. à quo si ea gesta
 sunt, quæ scripsit, gauderem, et honori fauerem. nūc
 illum, qui pedem porta, quoad hostis cis Euphratem

fuit, non extulerit, honore augeri, me, in cuius exercitu
 spem illius exercitus habuit, idem non assequi, dedecus
 est nostrum, nostrum inquam te coniungens. itaque
 omnia experiar, & ut spero, assequar. quod si tu uale-
 res, iam mihi quædam explorata essent, sed, ut spero, ua-
 lebis. De raudusculo Numeriano multum te amo.

Hortensius quid egerit, aucto scire, Cato quid agat: qui
 quidem in me turpiter fuit maleuolus: dedit integritatis,
 iustitiæ, clementiæ, fidei mihi testimonium, quod
 non querebam; quod postulabam, negauit. itaque Cæ-
 sar ijs literis, quibus mihi gratulatur, & omnia polli-
 cetur, quo modo exultat Catonis in me ingratiissimi in-
 iuria? at hic idē Bibulo dierum XX. ignosce mihi, nō
 possum hæc ferre, nec feram. cupio ad omnes tuas epi-
 stolas, sed nihil necesse est: iam enim te uidebo. illud ta-
 men de Chrysippo. nam de altero illo minus sum admi-
 ratus operario homine: sed tamen ne illo quidem quid-
 quā improbius. Chrysippum uero, quem ego propter li-
 terularum nescio quid libenter uidi, in honore habui, di-
 scedere à puero insciēte me? mitto alia, quæ audio mul-
 ta: mitto furta: fugam non fero, quæ mihi nihil ui-
 sum est sceleratius. itaque usurpauī uetus illud Drusi, ut
 ferunt, Prætoris in eo, qui eadem liber non iuraret: me
 istos liberos nō addixisse, præsertim cum adesset nemo,
 à quo recte uindicarentur. id tu, ut uidebitur, ita acci-
 pies: ego tibi assentiar. unī tuæ disertissimæ epistolæ nō
 rescripsi, in qua est de periculis Reip. quid rescriberem?
 ualde eram perturbatus: sed ut nihil magnopere me-
 tuam, Parthi faciunt, qui repente Bibulum seminiuum
 reliquerunt. Vale.

A D. VIII. Id. Dec. in Trebullanum ueni, & ibi tuas literas legi, quas Philotimus mihi reddidit. è quibus hanc primo aspectu uoluptatē cepi, q̄ erāt à te ipso scriptæ: deinde earum accuratissima diligētia sum mirū in modum delectatus. ac primum illud, in quo te Dicaarcho assentiri negas, et si cupidissime expressum, & expetitum à me sit, & approbatum à te, ne diutius anno in provincia essem, tamen non est nostra contentione perfectum: sic enim scito, uerbum in senatu factum esse nūquam de ullo nostrum, qui provincias obtinuimus, quō in his diutius, quā ex S. C. maneremus: ut iā ne istius quidem rei culpam sustineam, quōd minus diu fuerim in provincia, quā fortasse fuerit utile. sed quid, si hoc melius? opportune dici uidetur, ut in hoc ipso: siue enim ad concordiam res adduci potest, siue ad bonorum uictoriam; utriusuis rei me aut adiutorem uelim esse, aut certe non expertem: sin uincuntur boni; ubicunq; essem, unā cum ijs uictus essem. quare celeritas nostri reditus ἀμεταμέλητος debet esse. quōd si ista nobis cogitatio de triumpho iniecta nō esset, quam tu quoq; approbas: nā tu haud multum requireres illum uirum, qui in V. I. libro informatus est: quid enim tibi faciā, qui illos libros deuorasti? quin nunc ipsum non dubitabo, rem tantam abijcere, si id erit rectius. utrunq; uero simul agi non potest, & de triumpho ambitiose, & de Rep. libere. sed ne dubitaris, quin, quod honestius, id mihi futurum sit antiquius. nam quod putas utilius esse, uel mihi q̄ tu.

tius sit, uel etiam ut Reip. prodesse possim, me esse cum imperio : id coràm cōsiderabimus quale sit: habet enim res deliberationem : etsi ex parte magna tibi assentior.

De animo autem meo erga Remp. bene facis, quòd non dubitas; & illud probe iudicas, nequaquam satis pro meis officiis, pro ipsius in alios effusione illum in me liberalem fuisse; eiusq; rei causam uere explicas; & eis, quæ de Fabio, Caninioq; acta scribis, ualde consentiunt. quæ si secus essent, totumq; se ille in me profudisset: tamen illa, quam scribis, custos Urbis me præclaræ inscriptionis memorem esse cogeret; nec mihi concederet, ut imitarer Volcatium, aut Seruium, quibus tu es contentus; sed aliquid nos uellet nobis dignum & sentire, & defendere. quod quidem agerem, si liceret, alio modo, ac nunc agendum est. de sua potentia dimicant homines hoc tempore periculo ciuitatis: nam si Resp. defenditur, cur ea Consule isto ipso defensa non est? cur ego, in cuius causa Reip. salus consistebat, defensus postero anno non sum? cur imperium illi, aut cur illo modo prorogatum est? cur tantopere pugnatum est, ut de eius absentis ratione habenda decem Tribuni pl. ferrent? his ille rebus ita conualuit, ut nunc in uno ciue Resp. ad resistendum imbecilla sit. quæ malleum tantas ei uires non dedisset, quàm nunc tam ualenti resisteret. sed quoniam res eò deducta est, non quæram, ut scribis, τὸ σκάφος τῶν Ἀτρεδῶν: mihi σκάφος unum erit, quod à Pompeio gubernabitur. illud ipsum, quod ais; quid fiet, cum erit dictum? dic M. Tulli σύντομα. Pompeio assentiar. ipsum tamen Pompeium separatim ad cōcordiam hortabor: sic enim sen-

LIB. VII. EPIST.

tio, maximo in periculo rem esse. uos scilicet plura, qui
 in Vrbe estis. ueruntamen hoc uideo, cum homine auda-
 cissimo, paratissimoq; negotium esse: omnes damna-
 tos, omnes ignominia affectos, omnes damnatioe, igno-
 miniaq; dignos illac facere, omnem ferè iuuentutem,
 omnem illam urbanam, ac perditam plebem, Tribunos
 ualentes addito C. Cassio, omnes, qui ære alieno pre-
 mantur, quos plures esse intelligo, quàm putaram.
 causam solum illa causa non habet: ceteris rebus abun-
 dat. hic omnia facere omnis debet, ne armis decerna-
 tur: quorum exitus semper incerti, nunc uero in alte-
 ram partem magis timendi. Bibulus de prouincia de-
 cessit: Veientonem præfecit. in decedendo erit, ut au-
 dio, tardior. què cum ornauit Cato, declarauit ijs se so-
 lis non inuidere, quibus nihil, aut non multum ad digni-
 tatem posset accedere. Nunc uenio ad priuata: ferè
 enim respondi tuis literis de Rep. et ijs, quas in suburba-
 no, & ijs, quas postea scripsisti. ad priuata uenio. unum
 etiam de Celio. tantum abest, ut meam ille sententiam
 moueat, ut ualde ego ipsi, quòd de sua sententia decesse-
 rit, poenitendum putem. sed quid est, quòd cuncti Lu-
 * ceys sint addicti? hoc te prætermisisse miror. De Phi-
 lotimo faciam equidem, ut mones: sed ego mihi ab illo
 non rationes expectabam, quas tibi edidit, uerum id re-
 liquum, quod ipse in Tusculano me referre in com-
 mentarium mea manu uoluit, quodq; idem in Asia
 mihi sua manu scriptum dedit. id si præstaret, quan-
 tum mihi æris alieni esse tibi edidit, tantum, & plus
 etiam ipse mihi deberet. sed in hoc genere, si modo
 per Remp. licebit, non accusabimur posthac: neq; her-
 cule

cule antea negligentes fuimus, sed amicorum multitudine occupati. ergo utemur, ut polliceris, & opera, & consilio tuo, nec tibi erimus, ut spero, in eo molesti. De Serperastris cohortis meae, nihil est, quod doleas: ipsi enim se collegerunt admiratione vitae integritatis meae. sed me mouerat nemo magis, quam is, quem tu neminem putas. idem & initio fuerat, & nunc est egregius. sed in ipsa decessione significauit sperasse se aliquid, et id, quod animum induxerat paulisper, non tenuit, sed cito ad se rediit, meisque honorificentissimis erga se officiis uictus, pluris ea duxit, quam omnem pecuniam. ego à Curio tabulas accepi, quas mecum porto. Hortensii legata cognoui. nunc aueo scire, quid hominis sit, & quarum rerum auctionem instituat: nescio enim, cur, cum portam Flumentanam Celius occuparit, ego Puteolos non faciam meos. Venio ad Piræa. in quo magis reprehendendus sum, quod homo Romanus Piræa scripserim, non Piræum (sic enim omnes nostri locuti sunt) quod, in, addiderim: non enim hoc ut oppido praeponui, sed ut loco. & tamen Dionysius noster, qui est nobiscum, & Nicias Cous non rebatur oppidum esse Piræa. sed de re uidero. nostrum quidem si est peccatum, in eo est, quod non ut de oppido locutus sum, sed ut de loco: secutusque sum, non dico Cæcilium, Mane ut ex portu in Piræum (malus enim auctor latinitatis est) sed Terentiū, cuius fabellae propter elegantiam sermonis putabantur à C. Lælio scribi, Heri aliquot adolescentuli coimus in Piræum. & idem, Mercator hoc addebat, captam è Sunio. quod si diuinos oppida uolumus esse, tam est oppidum Sunium, quam Piræus. sed quoniam gram-

O

LIB. VII. EPIST.

maticus es, si hoc mihi *χίτωνα* persolueris, magna me molestia liberaris. ille mihi literas blandas mittit. facit idem pro eo Balbus. mihi certū est ab honestissima sententia digritum nusquam. sed scis, illi reliquū quantum sit. putas ne igitur uerendum esse, ne aut obijciat id nobis aliquis, si languidius; aut repetat, si fortius? quid ad hæc repereris? soluamus, inquis. age, à Celio mutuabimur. hoc tu tamen consideres uelim: puto enim in senatu, si quādo præclare pro Rep. dixerō, Tarcessum istum tuum mihi exeunti, iube sodes numos citare. quid superest? etiam. gener est suauis mihi; Tullia, Terentiæ quantumuis: uel ingenij, uel humanitati satis. reliqua, quæ nosti, ferenda: scis enim, quos aperuimus. qui omnes, præter eum, de quo per te egimus, reum me facere rentur: ipsis enim expensum nemo offeret. sed hæc coram: nam multi sermonis sunt. Tironis reficiendi spes est in M. Curio: cui ego scripsi, tibi eum gratissimum facturum. Vale. Data V. Id. Dec. à Pontio, ex Trebulano.

CICERO ATTICO S. 4

DIONYSIVM flagrantē desiderio tui misi ad te, nec mehercule æquo animo, sed fuit concedendum. quē quidem cognoui cum doctū (quod mihi iam ante erat notum) tum sanctum, plenum officij, studiosum etiam meæ laudis, frugi hominem, ac, ne libertinum laudare uidear, plane uirum bonum. Pompeium uidi IIII. Id. Dec. fuimus unā horas duas fortasse. magna letitia mihi uisus est affici meo aduētū. de triumpho hor=

tari, suscipere partes suas, monere, ne ante in senatum accederem, q̄ rem confecissem, ne dicendis sententijs alique[m] Tribunum alienarem. quid queris? in hoc iudicio, et officio sermonis nihil potuit esse prolixius. de Rep. autem ita mecum locutus est, quasi non dubium bellum haberemus: nihil ad spem concordie: plane illum ab se alienatum cum ante intelligeret, tum uero proxime iudicasse: uenisse Hircium a Cesare, qui esset illi familiarissimus; ad se non accessisse. Et cum ille ad VII Id. Dec. uesperu[m] uenisset, Balbus de tota re constitisset, ad VII ad Scipionem ante lucem uenisse: multa de nocte profectum esse ad Caesarem. hoc illi reuersione[m] uidebatur esse alienationis. quid multa? nihil me aliud consolatur, nisi quod illum, cui etiam inimici alteru[m] Consulatum, fortuna summam potentiam dederit, non arbitror fore tam amentem, ut hac in discrimen adducat. quod si ruere coeperit, ne ego multa timeo, quae non audeo scribere. sed ut nunc est, ad III. Non. Ian. ad Urbem cogito. Vale.

CICERO ATTICO S.

MULTAS uno tempore accepi epistolas tuas: quae mihi, quanq̄ recentiora audiebam ex ijs, qui ad me ueniebant, tamen erant iucunde: studiū enim & beneuolentiā declarabant. In ualitudine tua moueor: & Piliā in idem genus morbi delapsam, curā tibi afferre maiorem sentio. date igitur operā, ut ualeatis. De Tirone uideo tibi curae esse: quē quidē ego, etsi mirabiles utilitates mihi praebet, cum ualet, in omni genere uel negotiorū, uel studiorum meorum, tamē propter humanitatē, &

O ij

LIB. VII. EPIST.

modestiam malo saluum, quàm propter usum meum. Philogenes mecum nihil unquã de Luscenio locutus est. de cæteris rebus habes Dionysium. Sororem tuã non uenisse in Arcanum miror. De Chrysippo, meũ consilium probari tibi, non moleste fero. Ego in Tusculanum? nihil sanè hoc tempore. deuium est τοῖς ἀπαυτῶσι, & habet alia εὐσχευδᾶ. sed de Formiano Tarracinam prid. Cal. Ian. inde Pontinum sumam. inde Albanum Pompeiũ: ita ad Urbem I I L. Non. natali meo. De Rep. quotidie magis timeo: non enim boni, ut putauĩ, consentiunt. quos ego equites Romanos, quos senatores uidi, qui acerrime cũ cætera, tum hoc iter Põpeiũ uituperarent? pace opus est. ex uictoria cũ multa mala, tum certe tyrannis existet. sed hæc propediem coram. iam plane mihi deest, quid ad te scribam: nec enim de Rep. quòd uterque nostrum scit eadem: & domestica nota sunt ambobus. reliquum est iocari, si hic sinat: nã ego is sum, qui, illi concedi, putem utilius esse, quod postulat, quàm signa conferri: sero enim resistimus ei, quem per annos decẽ aluimus contra nos. quid sentis igitur, inquis? nihil scilicet, nisi de sententia tua, nec prius quidem, quàm nostrum negotium aut confecerimus, aut deposuerimus. Cura igitur, ut ualeas. aliquando ἀπόρρητε quartanam istam diligentia, quæ in te summa est.

CICERO ATTICO S. 6

P L A N E deest, quid ad te scribam: nota omnia tibi sunt. nec ipse habeo, à te quid expectem. tantum igitur

tur nostrum illud solenne seruemus, ut ne quem istuc
euntem sine literis dimittamus. De Rep. ualde timeo:
nec adhuc ferè inueni, qui nō concedendum putaret Cæ
sari, quod postularet, potius, quàm depugnandū. est illa
quidem impudens postulatio opinione ualentior: cur au
tem nunc primum ei resistamus, οὐ γὰρ ἂν τὸ δ' ἐμὲρον
ἔποι κακόν, q̄ cum quinquennium prorogabamus, aut
cū, ut absentis ratio haberetur, ferebamus? nisi forte
hæc illi tum arma dedimus, ut nunc cū bene parato pu
gnaremus. dices, quid tu igitur sensurus es? non idem,
quod dicturus: sentiam enim omnia facienda, ne armis
decertetur: dicam idem, quod Pompeius, neque id faciā
humili animo: sed rursus hoc permagnum Reip. malū
est, & quodam modo mihi præter ceteros non rectum,
me in tantis rebus à Pompeio dissidere. Vale.

CICERO ATTICO S.

DIONYSIVS, uir optimus, ut mihi quoque est per
spectus, & doctissimus, tuiq; amantissimus, Romam ue
nit XV. Cal. Ian. & literas à te mihi reddidit: tot
enim uerba sunt de Dionysio in epistola tua. illud pri
uatius non ascribis, Et tibi gratias egit. atqui cer
te ille agere debuit, & si esset factum, quæ tua est hu
manitas, ascripsisses. mihi autem nulla de eo παρρησι
ῶν δία datur propter superioris epistolæ testimonium. sit
igitur sanè bonus uir: hoc enim ipsum bene fecit, quod
mihi sui cognoscendi penitus etiam istam facultatem de
dit. Philogenes recte ad te scripsit: curauit enim, quod
debuìt. eū ego uti ea pecunia uolui, quoad liceret: ita
que usus est menses XIIII. Pontinum cupio ualere:

O iij

LIB. VII. EPIST.

et quod scribis in Urbem introisse, uereor quid sit: nam id nisi graui de causa non fecisset. Ego, quoniā IIII. Non. Ian. compitalitius dies est, nolo eo die in Albanum uenire molestus familiae. ueniam III. Non. igitur inde ad Urbem prid. Non. Tua λήψις quem in diem incurrat, nescio, sed prorsus te commoueri incommodo uoletudinis tuae nolo. De honore nostro, nisi quid occulte Caesar per suos Tribunos molitus erit, cetera uideatur esse tranquilla. trāquillissimus autem animus meus, qui totum istuc aequi boni facit, & eo magis, quod iam à multis audio constitutum esse Pompeio, & eius consilio, in Siciliam me mittere, q̄ imperium habeam. id est Αποστειλόν: nec enim senatus decreuit, nec populus iussit me imperiū in Sicilia habere. sin hoc Resp. ad Pompeium refert: qui me magis, quam priuatum aliquem, mittat? itaque, si hoc imperiū mihi molestum erit, utar ea porta, quam primum uidero. nam quod scribis, mirificam expectationem esse mei, neque tamen quenquam bonorum, aut satis bonorum dubitare, quid sensurus sim: ego, quos tu bonos esse dicas, nō intelligo: ipse nullos noui: sed ita, si ordines bonorum querimus: nam singulares sunt boni uiri: uerum in dissensionibus ordines bonorum, & genera querenda sunt. senatum bonum putas, per quem sine imperio prouinciæ sunt? nunquam enim Curio sustinisset, si cū eo agi coeptum esset. quam sententiam senatus sequi noluit. ex quo factum est, ut Caesari non succederetur. an publicanos? qui nunquam firmi, sed nunc Caesari sunt amicissimi. an foeneratores? an agricolas? quibus optatissimū est otiiū: nisi eos timere putas, ne sub regno sint, qui id nū-

quam, dum modo otiosi essent, recusarunt. quid ergo?
 exercitū retinentis, cum legis dies transierit, rationē ha-
 beri placet? mihi uero ne absentis quidem. sed, cum id
 datum est, illud undā datum est. annorum decem impe-
 rium, & ita latum, placet? placet igitur etiam me ex-
 pulsum, & agrum Campanum perisse, & adoptatum
 patritium à plebeio, Gaditanum à Mitylenæo. & La-
 bieni diuitiæ, & Mamurræ placent, & Balbi horti, &
 Tusculanum. sed horum omnium fons unus est. imbe-
 cillo resistendum fuit, & id erat facile. nunc legiones
 XI, equitatus tantus, quantum uolet; Traspadani,
 plebs urbana, tot Tribuni pl. tam perditā iuuentus, tan-
 ta auctoritate dux, tanta audacia. cum hoc aut depu-
 gnandum est, aut habēda ē lege ratio. depugna, inquis,
 potius, quā seruias: ut quid? si uictus eris, proscriba-
 re: si uiceris, tamen seruias. quid ergo, inquis, acturus
 es? idem quod pecudes, quæ dispulsæ sui generis sequun-
 tur greges. ut bos armēta, sic ego bonos uiros, aut eos,
 quicumque dicentur boni, sequar, etiam si ruēt. quid sit
 optimum male contractis rebus, plane uideo: nemini
 est enim exploratum, cum ad arma uentum est, quid fu-
 turum sit: at illud omnibus, si boni uicti sunt, nec in cœ-
 de principum clementiorē hunc fore, quā Cinna fue-
 rit, nec moderatiorem, quā Sulla in pecunijs locuple-
 tium. ἐμποδισθὸς μοι ἰανδύδου, & facerem diuti-
 us nisi me lucerna defereret. ad summam dic M. Tul-
 li. assentior Cn. Pompeio, idest T. Pomponio. Alexim
 humanissimum puerum, nisi forte, dum ego absūm, ado-
 iescens factus est (id enim agere uidebatur) saluere iu-
 beas uelim.

Vale.

O iij

CICERO ATTICO S. 8

QVId opus est de Dionysio tam ualde affirmare? an mihi nuntius tuus non faceret fidem? suspicionem autem eo mihi maiorem tua taciturnitas attulerat, quod et tu soles conglutinare amicitias testimonijs tuis, et illum aliter cum alijs de nobis locutum audiebam. sed prorsus ita esse, ut scribis, mihi persuades: itaque ego is in illum sum, quē tu me esse uis. Diem tuū ego quoq; ex epistola quadam tua, quam incipiente febricula scripseras, mihi notaueram, et animaduenteram posse pro re nata te non incōmode ad me in Albanum uenire III. Non. Ian. sed, amabo te, nihil incommodo ualeitudinis feceris: quid enim est tantum in uno, aut altero die? Dolabelam uideo Liniae testamento cū duobus cohæredibus esse in triente, sed iuberi mutare nomē: est πολιτικὸν σκέμμα, rectum ne sit nobili adolescenti mutare nomen mulieris testamento. sed id φιλοσοφώτερον εἰς δὲ κερνίσσόμεν, cum sciemus, quantum quasi sit in trientis triente. Quod putasti fore, ut ante, quam istuc uenirem, Pompeium uiderem, factum est ita: nam VI. Cal. ad Laueranium me consecutus est. unā Formias uenimus, & ab hora octaua ad uesperū secreto collocuti sumus. quod quæris, ecquæ spes pacificationis sit: quantū ex Pompeij multo, & accurato sermone perspexi, ne uoluntas quīdem est: sic enim existimat, si ille uel dimisso exercitu Consul factus sit, σύγχυσιν τῆς πολιτείας fore. atque etiā putat eum, cum audierit contra se diligenter parari, Consulatū hoc anno neglecturum, ac potius exerci-

tum, provinciamq; retenturum. sin autem ille fureret,
 uehementer hominem contemnebat, & suis, & Reip. co-
 pijs confidebat. quid quæris? etsi mihi crebro εὐνὸς ἐνυά-
 λιος occurrebat, tamen leuabar cura, uirum fortem, &
 peritum, & plurimum auctoritate ualentem audiens
 πολιτικῶς de pacis simulatæ periculis differentem. ha-
 bebamus autem in manibus Antonij cōcionem habitam
 X. Cal. Ian. in qua erat accusatio Pompeij usque à toga
 pura, querela de damnatis, terror armorum. in quibus
 ille, quid censes, aiebat, facturū esse ipsum, si in possessio-
 nem Reip. uenerit, cum hæc Quæstor eius infirmus, &
 inops audeat dicere? quid multa? non modo non expe-
 tere pacem istam, sed etiam timere uisus est. ex illa au-
 tem sententia ira relinquendæ Urbis mouet hominem,
 ut puto. mihi autem illud molestissimum est, quod sol-
 uendi sunt numi Cæsari, & instrumentum triumphī
 eò conferendum: est enim ἀμόρφον ἀντιπολιτεύομενον
 χρεωφιλῆτην esse. sed hæc, & multa alia coram.
 Quotidie ne, inquis, à te accipiendæ literæ sunt? si
 habebo, cui dem, quotidie. at iam ipse ades. tum igitur,
 cum uenero, desinam. unas uideo mihi à te non
 esse redditas, quas L. Quintius familiaris meus cum
 ferret, ad Bustum Basilij uulneratus, & despoliatus
 est. uidebis igitur, nunquid fuerit in ijs, quod me
 scire opus sit. & simul tū hoc διδρακνίσαις πρόβλημα
 sanè πολιτικόν: cum sit necesse aut haberi Cæsaris ra-
 tionem, illo exercitum uel per senatum, uel per Tri-
 bunos pl. obtinente; aut persuaderi Cæsari, ut tradat
 provinciam, atque exercitum, & ita cōsul fiat: aut, si
 id nō persuadeatur, haberi comitia sine illius ratione,

LIB. VII. EPIST.

illo patiēte, atque obtinente provinciam : aut, si per Tribunos pl. non patiat, tamen quiescat, rem adduci ad interregnum : aut, si ob eam causam, quod ratio eius non habeatur, exercitum adducat, armis cum eo contendere : illum autem initium facere armorum aut statim nobis minus paratis, aut tum, cum comitis, amicis eius postulantibus, ut è lege ratio habeatur, impetratum non sit : ire autem ad arma aut hanc unam ob causam, quod ratio non habeatur; aut addita causa, si forte Tribunus pl. senatum impediens, aut populum incitans notatus, aut S.C. circumscrip- tus, aut sublatus, aut expulsus sit, dicēs ue se expulsū ad illū cōfugerit: suscepto autem bello, aut tenenda sit Vrbs, aut, ea relicta, ille à cōmeatu, & reliquis copiis intercludendus : quod horū malorum, quorum aliquod certe subeundum est, minimum putes. dices profecto, persuaderi illi, ut tradat exercitum, & ita Consul fiat. est omnino id eiusmodi, ut, si ille eò descendat, cōtra dici nihil possit. idq; eum, si non obtinet ut ratio habeatur retinentis exercitum, non facere miror. nobis autem, ut quidam putant, nihil est timendum magis, quàm ille Consul. at, sic malo, inquit, quàm cū exercitu. certe. sed, istuc ipsum sic ò magnum malum, putat aliquis. neque ei remediū est ullum. cedendum est, si id uolet. uide Consulem illum iterum, quem uidisti Cōsulatu priore. at tum imbecillus plus, inquit, ualuit, quàm tota Resp. quid nunc putas? & eo Consule, Pompeio certum est esse in Hispania. ò rem miseram: si quidem id ipsum deterrimū est, quod recusari non potest, & quod ille si faciat, iam iam à bonis omnibus summam ineat gratiam. tollamus igitur

tur hoc, q
est deterr
pudenti
provincia
se ipso p
pus legi
gis: ut
mei rat
diutius
oportet
uel nō
dum est
rius sit
ad es, qu
etiaq; tot

S V B I T
ne qui
tim Lau
nec, qui
ritate
cuius i
ly cepit
& stup
cedet, co
te omni
uel quo

tur hoc, quò illū posse adduci negant. de reliquis quid est deterrimum? concedere illi, quod, ut idem dicit, impudentissime postulat: nam quid impudētius? tenuisti prouinciam per decem annos, non tibi a senatu, sed à te ipso per uim, & per factionem datos. præterijt tempus legitimum non legis, sed libidinis tuæ, fac tamen legis: ut succedatur, decernitur: impedis, & ais, habe mei rationem: habe tu nostrum. exercitum tu habeas diutius, quàm populus iussit, inuito senatu? depugnes oportet, nisi concedis, cum bona quidem spe, ut ait idem, uel uincendi, uel in libertate moriendi. iam si pugnandum est; quo tempore, in casu; quo consilio, in temporibus situm est. itaque te in ea questione non exerceo. ad ea, quæ dixi, offer, si quid habes. equidem dies, non etesq; torqueor. Vale.

CICERO ATTICO S.

SUBITO consilium cepi, ut ante, quàm luceret, exire, ne qui conspectus fieret, aut sermo, licitoribus præsertim laureatis. de reliquo, neque hercule, quid agam, nec, quid acturus sim, scio: ita sum perturbatus temeritate nostri amentissimi cōsiliij. tibi uero quid suadeā, cuius ipse consilium expecto? Cneus noster quid consilij ceperit, capiat ne, nescio, adhuc in oppidis coarctatus: & stupent omnes. si in Italia consistat, erimus unā. sincedet, consilij res est. adhuc certe (nisi ego insanio) stulte omnia, & incaute. tu quæso crebro ad me scribe, uel quod in buccam uenerit. Vale.

QV A E S O, quid hoc est? aut quid agitur? mihi enim
 tenebrae sunt. Cingulum, inquit, nos tenemus. Anconem
 amisimus. Labienus discessit ab Caesare. utrum de impe-
 ratore populi R. an de Annibale loquuntur? o hominē
 amētem, & miserum, qui ne umbram quidem unquam
 τοῦ καλοῦ uiderit. atq; hēc ait omnia facere se dignita-
 tis causa. ubi est autē dignitas, nisi ubi honestas? nū ho-
 nestum igitur habere exercitū nullo publico consilio? oc-
 cupare urbes ciuium, quo facilior sit aditus ad patriā?
 χρεὼν ἀποκοπᾶς, φυγᾶς καὶ δόδους, sexcenta alia scele-
 ra moliri? τὴν δὲ μὲν ὡς ἔχειν τυραννίδα? sibi ha-
 beat suam fortunā. unam mehercule tecum apricatio-
 nem in illo Lucretino tuo sole malim, q̄ omnia istiusmo-
 di regna; uel potius mori millies, q̄ semel illiusmodi quid-
 quam cogitare. quid si tu uelis, inquis? age quis est, cui
 uelle non liceat? sed ego hoc ipsum uelle miserius esse du-
 co, quā in crucem tolli. una res est ea miserior, adipi-
 sci, quod ita uolueris. sed hēc hactenus: libenter enim
 in his molestiis ἐνσχολάζωσθαι. redeamus ad nostrum.
 Per fortunas, quale tibi cōsiliū Pompeij uidetur? (hoc
 quero, q̄ Urbem reliquerit) ego enim ἀπογῶ. tum ni-
 hil absurdius. Urbem tu relinquant? ergo idem, si Galli
 uenirent. non est, inquit, in parietibus Resp. at in aris, &
 focis. fecit idem Themistocles: fluctum enim totius bar-
 bariae ferre urbs una nō poterat. at idem Pericles non
 fecit annum ferē post quinquagesimū, cum prāter moe-
 nia nihil teneret. nostri olim, urbe reliqua capta, arcem

rōmen reti
 κῆρ ἀνδρ
 monibusq
 exitum ha
 istic: sed
 se, sine se
 homines
 iam cōce
 qualia st
 enim me
 ritima or
 ma negat
 pto iam n
 totius neg
 quomā m
 & scribe

V N A M
 Cal. Iun.
 non acce
 modo si
 bere; ma
 dum pue
 Pompeius
 quidem n
 nidi Libo
 Larinum
 lique in

tamen retinuerunt. οὕτως που τῶς πρόσθεν ἐπενθόμεθα
κλέα ἀνδρῶν. rursus autem ex dolore municipali, ser=
monibusq; eorum, quos conuenio, uidetur hoc consilium
exitum habiturum. mira hominum querela est (nescio
istic: sed facies, ut sciam) sine magistratibus Urbem es=
se, sine senatu. fugiens denique Pompeius mirabiliter
homines mouet. quid quæris? alia causa facta: nihil
iam cōcedendum putant Cæsari. hæc tu mihi explica
qualia sint. Ego negotio præsum nō turbulēto: uult
enim me Pompeius esse, quem tota hæc Cāpana, & ma
ritima ora habeat ἐπισκοπον, ad quē delectus, & sum=
ma negotij referatur. itaque uagus esse cogitabam. te
puto iam uidere, quæ sit ὁρμὴ Cæsaris, qui populus, qui
totius negotij status. ea uelim scribas ad me, & quidē,
quoniā mutabilia sunt, quamsepiissime: acquiesco enim
& scribens ad te, & legens tua. Vale.

CICERO ATTICO S.

V N A M adhuc à te epistolam acceperam, datam XII.
Cal. Iun. in qua significabatur, aliā te ante dedisse, quā
non acceperā. sed quæso ut scribas quamsepiissime, non
modo si quid scies, aut audieris, sed etiā si quid suspica
bere; maximeq; quid nobis faciundum, aut non faciun
dum putas. Nam quod rogas, curem, ut scias, quid
Pompeius agat: ne ipsum quidem scire puto: nostrum
quidem nemo. uidi Lentulum Cos. Formijs X. Cal. Iun.
uidi Libonem. plena timoris, & erroris omnia. ille iter
Larinum: ibi enim cohortes, & Luceria, & Theani, res
liquæ in Apuleia. inde utrum consistere uspiam uelit,

LIB. VII. EPIST.

an mare transire, nescitur. si manet, uereor ne exerci-
tum firmum habere non possit. sin discedit, quò, aut
quà, aut quid nobis agendum sit, nescio. nam istum
quidem, cuius *φειδωγιστον* times, omnia teterrime factu-
rum puto: nec enim rerum prolatio, nec senatus, ma-
gistrarumq; discessus, nec aerarium clausum tarda-
bit. sed hæc, ut scribis, cito sciemus. interim uelim
mihi ignoscas, quòd ad te scribo tam multa toties: de-
quiesco enim, & tuas uolo elicere literas, maximeq; cõ-
siliū, quid agam, aut quo me pacto geram; dimittam
ne me penitus in causam (non deterreor periculo, sed
disrumpor dolore: tam ne nullo consilio, aut tam con-
tra meum consiliū gesta esse omnia?) an cuncter, et
tergiuerser, & ijs me dem, qui tenent, qui potiuntur.
αὐτὸς οὐκ ἔγωγας, nec solum ciuis, sed etiam amici offi-
cio reuocor. & si frangor sæpe misericordia puerorū.
ut igitur ita perturbato, & si te eadem sollicitant, scri-
be aliquid, & maxime, si Pompeius Italia cedit, quid no-
bis agendum putes. M. quidem Lepidus (nam fuimus
unū) eum finem statuit, L. Torquatus eundē. me cum
multa, tum etiam lictores impediunt. nihil uidi un-
quam, quod minus explicari posset. itaque à te nihil
dum certi exquiro, sed quid uideatur. denique ipsam
ἀπορίαν tuam cupio cognoscere. Labienum ab illo di-
scessisse, propemodum constat. si ita factum esset, ut il-
le Romam ueniens magistratum, & senatū Romæ of-
fenderet: magno usui causæ nostræ fuisset: damnas-
se enim sceleris hominem amicum Reip. causa uideretur.
quod nunc quoque uidetur, sed minus prodest: non
enim habet, cui profit: eumq; arbitror poenitere: nisi

forte id ipsum est falsum, discessisse illum : nos quidem pro certo habebamus . & uelim (quanquam, ut scribis, domesticis te finibus tenes) formam mihi Urbis exponas, ecquod Pompeij desiderium, ecquæ Caesaris inuidia appareat : etiam quid censeas de Terentia, & Tullia ; Romæ eas esse, an mecum, an aliquo tuto loco . & hæc, & si quid aliud, ad me scribas uelim, uel potius scriptites. Vale.

CICERO ATTICO S. 12

DE Vennonianis rebus tibi assentior . Labienum hæc iudico : facinus iandiu nullum civile præclarius. qui, ut aliud nihil, hoc tamen profecit, dedit illi dolorem : sed etiam ad summam profectum aliquid puto . amo etiâ Pisonem : cuius iudicium de genero suspicor uisum iræ graue . quanquam, genus belli quod sit, uides. ita civile est, ut non ex ciuium dissensione, sed ex unius perditionis audacia natum sit . is autem ualet, exercitum tenet multa spe, & promissis, omnia omnium concupiuit . huic tradita Urbs est, nuda præsidio, referta copiis. quid est, quod ab eo non metuas, qui illa templa, & tecta non patriam, sed prædam putet ? quid autem sit acturus, aut quo modo, nescio, sine senatu, sine magistratu. ne simile quidem poterit quicquam πολιτικός . nos autem ubi exurgere poterimus ? aut quando ? quorum dux quàm ἀδελφάγυς, tu quoque animaduertis, cui ne Pæcena quidem nota fuerint : quàm item sine consilio res stet : ut enim alia omitam decem annorum peccata, quæ conditio non huic fugæ præstitit ? nec uero nunc

LIB. VII. EPIST.

quid cogitet, scio, ac non desino per literas sciscitari. nihil esse timidius constat, nihil perturbatius. itaque nec praesidium, cuius parandi causa ad Urbem retentus est, nec locum, ac sedem praesidii ullam uideo. spes omnis in duabus inuidiose retentis, penè alienis legionibus: nam delectus adhuc quidem inuitorum est, & à pugnando abhorrentium. conditionum autem amissum tempus est. quid futurum sit, non uideo. commissum quidem à nobis certe est, siue à nostro duce, ut è portu sine gubernaculis egressi, tempestati nos traderemus. itaque de Ciceronibus nostris dubito quid agam: nam mihi interdum amandandi uidentur in Graciam. de Tullia autem, & Terentia, cum mihi barbarorum aduentus ad Urbem proponitur, omnia timeo. cum autè Dolabella uenit in mentem, paulum respiro. sed uelim consideres, quid faciendum putes: primum πρὸς τὸ ἀσφαλές: aliter enim mihi de illis, ac de me ipso consulendum est: deinde πρὸς τὰς δόξας, ne reprehendamus, quòd eas Romæ uelimus esse in communi bonorū fuga. quin etiā tibi, & Peduceo (scripsit enim ad me) quid faciatis, uidendum est: is enim splendor est uestrū, ut eadem postulentur à uobis, quæ ab amplissimis ciuibus. sed de hoc tu uidebis, quippe cum de ipso, ac de me ista considerare uelim. reliquū est, ut, & quid agatur, quoad poteris, explores, scribasq; ad me, & quid ipse coniectura assequare. quod etiam à te magis expecto: nam acta, omnibus nuntiantibus: à te expecto futura. μόντις δ' ἀπὸ δ'. loquacitati ignosces, quæ & me leuat ad te quidem scribentem, & elicit tuas literas. Aenigma Oppiorum ex Velia plane non intellexi:

est enim numero Platonis obscurius. iam intellexi tuū
 * anigma: Oppios enim de Velia Sanctones dicis in eo æ-
 stu, aut die. quo aperto, reliqua patebant, & cum Te-
 rentie summa congruebant. L. Cæsarem uidi Min-
 turris ad VIII. Cal. Febr. mane cum absurdissimis
 mandatis, non hominem, sed scopas solutas: ut id ipsum
 mihi ille uideatur irridendi causa fecisse, qui tantis de
 rebus huic mandata dederit: nisi forte non dedit, &
 hic sermone aliquo arrepto pro mandatis abusus est.
 Labienus, uir mea sententia magnus, Theanum uenit ad
 IX. Cal. Febr. ibi Pompeium, Consulesq; conuenit.
 qui sermo fuerit, & quid actum sit, scribam ad te, cū
 certum sciam. Pompeius ab Theano Larinum uer-
 sus profectus est ad VIII. Cal. eo die mansit. Vena-
 fri. aliquantum animi uidetur nobis attulisse Labienus.
 sed ego nondum habeo, quid ad te ex his locis scribam.
 ista magis expecto, quid illinc afferatur, quo pacto de
 Labieno ferat, quid agat Domitius in Marsis, Tignij
 Thermus, P. Aëtius Cinguli, quæ sit populi urbani uo-
 luntas, quæ tua coniectura de rebus futuris. hæc ue-
 lim crebro, & quid tibi de mulieribus nostris placeat,
 & quid acturus ipse sis, scribas. si scriberem ipse,
 longior epistola fuisset, sed dictavi propter lippitudi-
 nem. Vale.

CICERO ATTICO S. 13

A D. VI. Cal. Febr. Capuam Calibus proficiscens, cum
 leuiter lippirem, has literas dedi. L. Cæsar manda-
 ta Cæsaris detulit ad Pompeium VIII. Cal. cum

P

LIB. VII. EPIST.

is esset cum Consulibus Theani . probata conditio est, sed ita, ut ille de ijs oppidis, quæ extra suam prouinciam occupauisset, præsidia deduceret. id si fecisset, respõsum est, ad Urbem nos redituros esse, et rem per senatum cõfecturos . spero etiam in præsentia pacem nos habere : nam & illum furoris, & hunc nostrum copiarum suppoenitet. me Pompeius Capuam uenire uoluit, & adiuuare delectum. in quo parum prolixè respondent Campani coloni. gladiatores Cæsaris, qui Capuæ sunt, de quibus ante ad te falsum ex Torquati literis scripseram, sanè commodè Pompeius distribuit binos singulis patribus familiarum . secutorum in ludo L D D. fuerunt. eruptionem facturi fuisse dicebantur. sanè multum in eo Reip. prouisum est. De mulieribus nostris, in quibus est tua soror, quæso uideas ut satis honestum nobis sit, eas Romæ esse, cū ceteræ ulla dignitate discesserint. hoc scripsi ad eas, & ad te ipsum antea . uelim eas cohortere, ut exeant, præsertim cum ea præsidia in ora maritima habeamus, cui ego præsum, ut in his pro re nata non incommode possint esse. nam si quid offendimus in genere nostro, quod quidem ego præstare non debeo, id fit maius, quod mulieres nostræ præter ceteras Romæ remanserunt. tu ipse cum Sexto, scire uelim, quid cogites de exeundo, de totaq; re quid existimes. equidem ad pacem hortari non desino: quæ uel iniusta utilior est, quā iustissimum bellum . sed hæc, ut fors tulerit. Vale.

V T A B
aliqui
pere q
mili
Capu
litera
omne
tionib
* bis imp
to enim
ait in
si Cæ
maxi
ne ob
nomi
Fur
suam
ita r
liam
ma
ne m
quo
retur
deduc
nori
da ple
militi

V T AB Vrbe discessi, nullū adhuc intermisi diem, quin aliquid ad te literarum darē, nō quo haberem magno-
pere quid scriberem, sed ut loquerer tecum absens, quo mihi, cum coram id non liceret, nihil est iucundius.
Capuam cum uenissem ad VI. Cal. pridie, quā has literas dedi, Consules conueni, multosq; nostri ordinis. omnes cupiebāt Cæsarem abductis præsidijs stare condi-
tionibus ijs, quas tulisset. uni Fauonio leges ab illo no-
* bis imponi non placebat: sed is auditus in consilio: Ca-
to enim ipse iam seruire, q̄ pugnare mauult: sed tamē ait in senatu se adesse uelle, cū de conditionibus agatur, si Cæsar adductus sit, ut præsidia deducat. ita, quod maxime opus est, in Siciliam ire non curat: quod metuo ne obsit, in senatu esse uult. Posthumus autem, de quo nominatim senatus decreuit, ut statim in Siciliam iret, Furfanoq; succederet, negat se iturum sine Catone, & suam in senatu operā, auctoritatēq; magni aestimat. ita res ad Fannium peruenit. is cum imperio in Sici-
liam præmittitur. In disputationibus nostris sum-
ma uarietas est. plerique negant Cæsarem in conditio-
ne mansuram: postulataque hæc ab eo interposita esse, quo minus, quod opus esset ad bellum, à nobis para-
retur. ego autem eum puto facturum, ut præsidia deducat: uicerit enim, si Consul factus erit, & mi-
nori scelere uicerit, quā quo est ingressus. sed accipien-
da plaga est: sumus enim flagitiose imparati cum à militibus, tum à pecunia, quam quidem omnem non

LIB. VII. EPIST.

modo priuatam, quæ in Vrbe est, sed etiam publicam, quæ in ærario, illi reliquimus. Pompeius ad legiones Actianas est profectus. Labienum secum habet. ego tuas opiniones de his rebus expecto. Formias me continuo recipere cogitabam. Vale.

CICERO ATTICO S. 15

O MNES arbitror mihi tuas literas redditas esse, sed primas præpostere, reliquas ordine, quo sunt missæ per Terentiam. De mandatis Cæsaris, aduentuq; Labienî, & responsis Consulû ad Pompeium, scripsi ad te literis istis, quas ad V. Cal. Capua dedi: pluraque præterea in eandem epistolam conieci. nunc has expectationes habemus duas: unam, quid Cæsar acturus sit, cum acceperit ea, quæ referenda ad illum data sunt L. Cæsari: alteram, quid Pompeius agat: qui quidem ad me scribit, paucis diebus se firmum exercitum habiturum, spemq; affert, si in Picenum agrum ipse uenerit, nos Romanam redituros esse. Labienum secum habet non dubitantem de imbecillitate Cæsaris copiarum: cuius aduentu Cneus noster multo animi plus habet. nos à Consulibus Capuam uenire iussi sumus ad Non. Febr. Capua profectus sum Formias ad III. Cal. eo die cum Calibus tuas literas hora ferè nona accepissem, has statim dedi. De Terentia, & Tullia tibi assentior. ad quas scripseram, ad te ut referrent. si non dum profectæ sunt, nihil est, quod se moueant, quoad perspiciamus, quo loco sit res. Tuae literæ mihi gratæ, iucundæq; sunt. De pueris in Graciam transportandis tum cogitabam,

cum fuga ex Italia quæri uidebatur : nos enim Hispaniam peteremus : illis hoc æque commodum non erat . tu ipse cum Sexto etiam nunc mihi uideris Romæ recte esse posse : etenim minime amici Pompeio nostro esse debetis : nemo enim unquam tantum de urbanis præsijs detraxit . uides ne me etiam iocari ? scire iam te oportet , L. Cæsar quæ responsa referat à Pompeio , quas ab eodem ad Cæsarem ferat literas : scriptæ enim , & datæ ita sunt , ut proponerentur in publico . in quo accusaui mecum ipse Pompeium , qui , cum scriptor luculentus esset , tantas res , atq; eas , quæ in omnium manus venturæ essent , Sestio nostro scribendas dederit . itaque nihil unquam legi scriptum $\sigma\upsilon\sigma\tau\iota\omega\varsigma \epsilon\sigma\tau\epsilon\gamma\omicron\upsilon$. perspicui tamen ex literis Pompeij potest , nihil Cæsari negari , omniaque , & cumulate , quæ postulet , dari : quæ ille , amentissimus fuerit , nisi acceperit , præsertim cum impudentissime postulauerit : quis enim tu es , qui dicas , si in Hispaniam profectus erit , si præsidia dimiserit ? tamen conceditur , minus honeste nunc quidem , uiolata iam ab illo Rep. illatoq; bello , quam si olim de ratione habenda impetrasset : tamen uereor , ut his ipsis contentus sit : nam , cum ista mandata dedisset L. Cæsari , debuit esse paulo quietior , dum responsa referrentur : dicitur autem nunc esse acerrimus . Trebatius quidem scribit , se ab illo I X. Cal. Febr. rogatum esse , ut scriberet ad me , ut essem ad Urbem : nihil ei me gratius facere posse . hæc uerbis plurimis intellexi ex dierum ratione , ut primum de discessu nostro Cæsar audisset , laborare eum cœpisse , ne omnes abessemus . itaq; non dubito , quin ad Pisonem , quin ad Seruium scripserit . illud admiror , non ipsum ad me scri-

psisse, non per Dolabellam, non per Celium egisse. quāquam non aspernor Trebatij literas, à quo me unice diligi scio. rescripsi ad Trebatium (nam ad ipsum Cæsarem, qui mihi nihil scripsisset, nolui) quā illud hoc tempore esset difficile: me tamen in prædijs meis esse, neque delectum ullum, neque negotium suscepisse. in quo quidem manebo, dum spes pacis erit. sin bellum geretur, non deero officio, nec dignitati meæ. pueros ^{ἀπὲρ} ^{ἀπὲρ} in Graciam: totam enim Italiam flagranturā bello intelligo: tantum mali excitatum partim ex improbis, partim ex inuidis ciuibus. sed hæc paucis diebus ex illius ad nostra responsa responsis intelligentur quorsum euasura sint. tum ad te scribam plura, si erit bellum: sin autem etiam induciæ, te ipsum, ut spero, uidebo. Ego IIII. Non. Febr. quo die has literas dedidi, in Formiano, quod Capua redieram, mulieres expectabam: quibus quidem scripseram, tuis literis admonitus, ut Romæ manerent: sed audio maiorem quendam in Vrbe timorem esse. Capuæ Non. Febr. esse uolebam, quia Consules iusserant. quidquid huc erit à Pompeio allatum, statim ad te scribam, tuasq; de istis rebus literas expectabo. Vale.

CICERO ATTICO S. 16

IIII. Non. Febr. mulieres nostræ Formias uenerunt, tuasq; erga se officia plena tui suauissimi studij attulerunt. eas ego, quoad sciremus utrum turpe pace nobis, an misere bello esset utendum, in Formiano esse uolui, et unā Cicerones. ipse cum fratre Capuam ad Consules (Nōnis enim adesse iussi sumus) III. Non. profectus sum,

cum has literas dedi . responsa Pompeij grata populo,
& probata concioni esse dicuntur . ita putaram . quæ
quidem si ille repudiarit , iacebit : si acceperit . utrum
igitur , inquires , maius ? responderem , si , quemadmo-
dum parati essemus , scirem . Cassium , erat hic audi-
tum , expulsus Ancone , eamq; Urbem à nobis tene-
ri : si bellum futurum est , negotium utile . Cæsarem
quidem , L. Cæsare cum mandatis de pace misso , tamē
aiunt acerrime delectum habere , loca occupare , uin-
cire præsidijs . ò perditum latronem , uix ullo otio com-
pensandam hanc Reip. turpitudinem . sed stomachari
desinamus , temporì pareamus , cum Pompeio in Hi-
spaniam eamus . hæc opto in malis , quoniam illius al-
terum Consulatum à Rep. ne data quidem occasione re-
pulimus . sed hæc hæctenus . De Dionysio fugit me
ad te antea scribere : sed ita constitui , expectare re-
sponsa Cæsaris , ut , si ad Urbem rediremus , ibi nos ex-
pectaret ; sin tardius id fieret , tum eum accerseremus .
omnino quid ille facere debuerit in nostra illa fuga ,
quid docto homine , & amico dignum fuerit , cum
præsertim rogatus esset . sed hæc non nimis exquiro
à Græcis . tu tamen uidebis , si erit , quod nolim ,
accersendus , ne molesti simus inuito . Quintus frater
laborat , ut tibi , quod debet , ab Egnatio soluat . nec
Egnatio uoluntas deest : nec parum locuples est . sed ,
cum tale tempus sit , ut Q. Titinius (multum enim
est nobiscum) uaticum se neget habere ; idemq; debitori-
bus suis denuntiarit , ut eodē fœnore uteretur ; atq; hoc
idem etiā L. Ligus fecisse dicatur ; nec hoc tempore aut
domi numos Quintus habeat , aut exigere ab Egnatio ,

LIB. VII. EPIST.

aut uersuram usquam facere possit: miratur te non habuisse rationem huius publicae difficultatis. ego autem, etsi illud ὁ δὲ νόμος θεῶν (ita enim putatur) obseruo, μὴ δὲ δίκην, praesertim in te, à quo nihil unquam uidi temere fieri: tamen illius querela mouebar. hoc, quid quid est, te scire uolui.

CICERO ATTICO S. 17

NIHIL habeo, quod ad te scribam. quin etiam eam epistolam, quam eram elucubratus, ad te non dedi: erat. n. plena spei bonae, quod & concionis uoluntatem audieram, & illum conditionibus usurum putabam, praesertim suis. ecce tibi IIII. Non. Febr. mane accepi literas tuas, Philotimi, Furnij, Curionis ad Furnium, quibus irrident L. Caesaris legationē. plane oppressi uidemur: nec, quid consilij capiam, scio: nec mehercule de me laboro: de pueris quid agam, non habeo. Capuam tamē proficiscebar haec scribens, quo facilius de Pompeij rebus cognoscerem. Vale.

CICERO ATTICO S. 18

BREVILOQUENTEM iam me tēpus ipsum facit: pacem enim desperaui. bellum nostri nullum administrant: caue enim putes quidquam esse minoris his Consulibus, quorum ego spe audiendi aliquid, & cognoscendi nostri apparatus, maximo imbri Capuam ueni prid. Non. ut eram iussus. illi autem nondum uenerant, sed erant uenturi, inanes, imparati. Cneus autem Luceria dicebatur esse, & adire cohortes legionum Aetianarum non firmissimarum.

at illum ruere nuntiant, & iam, iamq; adesse, non
 ut manum conserat (quicum enim?) sed ut fugam in-
 tercludat. ego autem in Italia καὶ συναποδανείν: nec te
 id consulo. sin extra, quid ago? ad manendum hyems, li-
 etores, improvidi, et negligentes duces; ad fugam horta-
 tur amicitia Cnei, causa bonorum, turpitudine cōiungēdi
 cum tyranno. qui quidem, incertū est, Phalarim ne, an
 Pisistratum sit imitaturus. hæc uelim explices, et me iu-
 ues cōsilio: etsi te ipsum istic iam calere puto: sed tamen,
 quātū poteris. ego si quid hic hodie noui cognoro, scies:
 iam enim aduenerunt Cōsules ad suas Nonas. tuas quotidie
 literas expectabo. ad has autem, cum poteris, rescribes.
 Mulieres, & Cicerones in Formiano reliqui. Vale.

CICERO ATTICO S. 19

DE malis nostris tu prius audis, quàm nos: istinc enim
 emanāt. boni autem hinc quod expectes, nihil est. Ve-
 ni Capuam ad Non. Febr. ita ut iusserāt Cōsules. eo die
 Lentulus uenit sero. alter Consul omnino non uenerat
 VII. Id. eo enim die ego Capua discessi, et mansi Cali-
 bus. inde has literas postridie ante lucē dedi. hæc, Capuæ
 dum fui, cognoui, nihil in Consulibus, nullum usquā de-
 lectum: nec enim conquisitores φαινοπρεσσωπείν audent,
 cum ille adsit cōtra, cum noster dux nusquam sit, nihil
 agat: nec nomina dant: deficit enim non uoluntas, sed
 spes. Cneus autem noster (ò rem miseram & incredibz
 lem) ut totus iacet. non animus est, non consilium, non
 copiæ, non diligentia. mitto illam fugam ab Vrbe tur-
 pissimam, timidissimas in oppidis conciones, ignorance

non solum aduersarij, sed etiam suarum copiarum. hoc cuiusmodi est? VII. Id. Febr. Capuam C. Cassius Trib. pl. uenit, attulit madata ad Cōsules, ut Romā uenirent, pecuniam de sanctiore aerario auferrent, statim exirent Vrbe relicta. redeāt, quo præsidio? deinde exeāt, quis sinat? Cōsul ei rescripsit, ut prius ipse in Picenum. at illud totum erat amissum: sciebat nemo, prater me ex literis Dolabellæ. mihi dubium nō erat, quin ille iam, iamq; foret in Apulia, Cneus noster in naui. ego quid agam? σκέμμεν magnum, neq; mehercule mihi quidem ullum, nisi omnia essent acta turpissime. neq; ego ullius consilij particeps, sed tamen quod me deceat. ipse me Cæsar ad pacem hortatur: sed antiquiores literæ, quàm ruere coepit. Dolabella, Celijs, me illi ualde satisfacere. mira me ἀπορία torquet. iuuat me consilio, si potes: et tamen ista, quantū potes, provide. nihil habeo tanta rerū perturbatione, quod scribam. tuas literas expecto. Vale.

CICERO ATTICO S. 20

P E D E M in Italia uideo nullam esse, qui non in istius potestate sit. De Pōpeio scio nihil, eumq; nisi in nauim se contulerit, exceptum iri puto. ò celeritatem incredibilem, huius autem nostri. sed non possum sine dolore accusare eum, de quo angor, & crucior. Tu cædem non sine causa times: non quo minus quidquam Cæsari expediat ad diuturnitatem uictoriæ, et dominationis: sed uideo, quorum arbitrio sit acturus. reſte sit. censeo cedendum de oppidis his. egeo consilij. quod optimum factu uidebitur, facies. cum Philoti-

mo loquere, atque adeo Terentiam habebis Idibus. ego quid agam? quā aut terra, aut mari persequar eum, qui ubi sit, nescio? etsi terra quidem qui possum? mari quo? tradam igitur isti me? fac posse tuto: multi enim hortantur: num etiam honeste? nullo modo quidem. à te petam consilium, ut soleo. explicari res non potest: sed tamen, si quid in mentem uenit, uelim scribas, & ipse quid sis acturus. Vale.

CICERO ATTICO S. 21

V. Id. Febr. uesperis è Philotimo literas accepi, Domitium exercitum firmum habere, cohortes ex Piceno, Lentulo, & Thermo ducentibus, cum Domitij exercitus coniunctas esse; Casarem intercludi posse, eumque id timere; bonorum animos recreatos Romæ, improbos quasi percussos. hæc metuo quidem ne sint insomnia: sed tamen M. Lepidum, L. Torquatum, C. Cassium Trib. pl. (ij enim sunt nobiscum, id est in Formiano) Philotimi literæ ad uitam reuocarunt. ego autem illa metuo ne ueriores sint, nos omnes penè iam captos esse, Pompeium Italia cedere. quem quidem (ò rem acerbam) persequi Casar dicitur. persequi Casar Pompeium? quid? ut interficiat? ò me miserum: & non omnes nostra corpora opponimus? in quo tu quoque ingemiscis. sed quid faciamus? uicti, oppressi, capti plane sumus. ego tamen Philotimi literis lectis mutavi consilium de mulieribus: quas, ut scripseram ad te, Romam remittebam: sed mihi uenit in mentem, multum fore sermonem, me

LIB. VII. EPIST.

iudicium iam de causa publica fecisse: qua desperata, quasi hunc gradum mei reditus esse, quod mulieres reuertissent. De me autem ipso tibi assentior, ne me dem incerta, & periculosa fuga, cum Reip. nihil prosim, nihil Pompeio, pro quo emori cum pie possum, tum libenter. manebo igitur: etsi uiuere. Quod quaeris, hic quid agatur: tota Capua, & omnis hic delectus iacet: desperata res est: in fuga omnes sunt, nisi quid eiusmodi fuerit, ut Pompeius istas Domitij copias cum suis coniungat. sed uidebamur omnia biduo, triduo ne scituri. Caesaris literarum exemplum tibi misi: rogaras enim. cui nos ualde satisfacere multi ad me scripserunt. quod patior facile, dum, ut adhuc, nihil faciam turpiter. Vale.

CICERO ATTICO S. 22

P HILOTIMI literae me quidem non nimis, sed eos, qui in his locis erant, admodum delectarunt. ecce postri die Cassij literae Capua à Lucretio familiari eius, Nigidium à Domitio Capuam uenisse; eum dicere, Vibullium cum paucis militibus è Piceno currere ad Cneum, confestim sequi Caesarem, Domitium non habere militum uim. idem scripsit Consules Capua discessisse. non dubito, quin Cneus in fuga sit, modo effugiat. à consilio fugiendi, ut tu censes, absum. Vale.

CICERO ATTICO S. 23

C VM dedissem ad te literas tristes, et metuo ne ueras, de Lucretij ad Cassium literis Capua missis, Cephalio ue

nit à nobis, attulit etiā à te literas hilariores, nec tamen firmas, ut soles. omnia facilius credere possum, q̄ quod scribitis, Pompeium exercitum habere. nemo huc ita affert; omniaq; quæ nolim. rem miseram. malas causas semper obtinuit, in optima concidit. quid dicam, nisi, illud eum scisse, neq; enim erat difficile: hoc nescisse; erat enim ars difficilis recte Remp. regere. sed iam, iamq; omnia sciemus, & scribemus ad te statim. Vale.

CICERO ATTICO S. 24

NON uenit idem usu mihi, quod tu tibi scribis: Quoties exorior: ego enim nunc paulum exorior, et maxime quidem his literis, quæ Roma afferuntur, de Domitio, de Picentium cohortibus. omnia erant facta hoc bi- duo letiora. itaq; fuga, quæ parabatur, repressa est. Cesaris interdicta, si te secundo lumine hic offendero, respuuntur. bona de Domitio, præclara de Afranio fama est. Quod me amicissime admones, ut me integrum, quoad possim, seruem, gratum est. Quod addis, ne propensior ad turpem causam uidear: certe uideri possum. ego me ducem in ciuili bello, quoad de pace ageretur, negaui esse: nō quin rectum esset: sed quia, quod multo rectius fuit, id mihi fraudem tulit. plane eum, cui noster alterum Consulatum deferret, & triūphum, at quibus uerbis? pro suis gestis amplissimis, inimicum habere nolueram. ego scio, & quem metuam, & quam ob rem. sin erit bellum, ut uideo fore: partes meæ non desiderabuntur. De HS XX Terentia tibi rescripsit. Dionysio, dum existimabam uagos nos fo-

LIB. VIII. EPIST.

re, nolui molestus esse. tibi autem crebro ad me scribē-
ti de eius officio, nihil rescripsi, quod diem ex die expe-
ctabam, ut statuerem, quid esset faciendum. nunc, ut
uideo, pueri certe in Formiano uidentur hyematuri:
num & ego, nescio: si enim erit bellum, cum Pom-
peio esse constitui. quod habebo certi, faciam, ut scias.
ego bellum foedissimum futurum puto, nisi qui (tu
scis) Parthicus casus extiterit. Vale.

M. TVLLII CICERONIS EPISTO-
LARVM AD T. POMPONIVM
ATTICVM LIBER VIII.

CICERO ATTICO S.

VM ad te literas dedissem, redditæ mi-
hi literæ sunt à Pompeio. cætera de re-
bus in Piceno gestis, quæ ad te Vibul-
lius scripsisset, de delectu Domitij, quæ
sunt nobis nota, nec tamen lata, erant
in ijs literis. quam ad me Philotimus scripserat, ipsam
tibi epistolam misissem, sed subito fratris puer profici-
scebatur: cras igitur mittam. sed in ea Pompeij episto-
la erat in extremo ipsius manu: Tu censeo Luceriam
uenias: nusquam eris tutius. id ego in eam partem
accepi, hæc oppida, atq; oram maritimam illum pro-
derelicto habere: nec sum miratus, eū, qui caput ipsum
reliquisset, reliquis membris non parcere. ei statim re-
scripsi, hominemq; certum misi de comitibus meis, non
me querere, ubi tutissime essem: si me uellet sua, aut

Reip. causa Luceriam uenire, statim esse uenturum : hortatusq; sum, ut oram maritimam retineret, si rem frumentariam sibi ex prouincijs suppeditari uellet. hæc me frustra scribere uidebam : sed uti in Vrbe retinenda tunc, sic nunc in Italia non relinquenda testificabar sententiam meam : sic enim parari uideo, ut Luceriam omnes copię contrahantur : Et ne is quidem locus stabilis, sed ex eo ipso, si urgeamur, paretur fuga. quo minus mirere, si inuitus in eam causam descendo, in qua neq; pacis, neq; uictorię ratio quęsita sit unquam, semper flagitiosę, et calamitosę fugę. eundum, ut, quemcunq; fors tulerit casum, subeam potius cum ijs, qui dicuntur esse boni, quàm uidear à bonis dissentire. etsi propediem uideo bonorum, id est lautorum, et locupletum, Urbem refertam fore ; municipijs uero his relietis, refertissimam. quo ego in numero essem, si hos libertores molestissimos non haberē : nec me M. Lepidi, L. Volcatij, Ser. Sulpitij comitum poeniteret : quorum nemo nec stultior est, quàm L. Domitius ; nec inconstantior, quàm App. Claudius. unus Pompeius me mouet, beneficio, non auctoritate : quam enim ille habeat auctoritatem in hac causa, qui, cum omnes Casarem metuebamus, ipse eum diligebat ? postquam uero ipse metuere coepit, putat omnes hostes illi oportere esse. ibimus tamen Luceriam : nec eum fortasse delectabit noster aduentus : dissimulare enim non potero, mihi, quę adhuc acta sunt, displicere. ego, si somnum capere possem, tam longis te epistolis non obtunderem. tu, si tibi eadem causa est, me remunerare sanè uelim. Vale.

CICERO ATTICO S. 2

M IHI uero omnia grata : et quod scripsisti ad me, quæ audieras: & quod non credidisti, quæ digna diligentia mea non essent : & q̄ monuisti, quod sentiebas. Ego ad Cæsarem unas Capua literas dedi, quibus ad ea res scripsi, quæ mecum ille de gladiatoribus suis egerat, breues, sed beneuolentiam significantes, non modo sine contumelia, sed etiam cum maxîma laude Põpei: id enim illa sententia postulabat, quæ illum ad cõcordiam hortabar. eas si quò ille misit, in publico proponat uelim. alteras eodem die dedi, quo has ad te. non potui nõ dare, cum & ipse ad me scripsisset, et Balbus. earum exẽplũ ad te misi. nihil arbitror fore, quod reprehendas. si qua erunt, doce me. quo modo enim effugere possum? nihil, inquires, omnino scripseris. qui magis effugias eos, qui uolent fingere? ueruntamen ita faciam, quoad fieri poterit. Nam quod me hortaris ad memoriam factorum, dictorum, scriptorũ etiam meorum: facis amice tu quidem, mihiq; gratissimum: sed mihi uideris aliud tu honestum, miq; dignũ in hac causa iudicare, atq; ego existimem: mihi enim nihil ulla in gente unquã ab ullo auctore Reip. ac duce turpius factum esse uidetur, q̄ à nostro amico factũ est. cuius ego uicem doleo, qui Urbem reliquit, id est patriam, pro qua, & in qua mori præclarum fuit. ignorare mihi uideris, hæc quanta sit clades: es enim etiam nunc domi tuæ: sed inuitis perditissimis hominibus esse diutius non potes. hoc miserius, hoc turpius quicquã? uagamur egentes cum coniugibus, et liberis:

beris. in unius hominis quotannis periculose agrotan-
tis anima positas omnes nostras spes habemus, non ex-
puli, sed euocati e patria, quam non seruadam ad re-
ditum nostrum, sed diripiendam, & inflammandam re-
liquimus. ita multi nobiscum sunt non in suburbanis,
non in hortis, non in ipsa vrbe: & si nunc sunt, non e-
runt: nos interea ne Capuæ quidem, sed Luceriæ, & o-
ram quidem maritimam iam relinquemus. Afranium
expectabimus, & Petreium: nam in Labieno parum est
* dignitatis. hic tu in me illud desideras. nihil de
* me dico: alij uiderint. hic quidem quæ est domi
uestra estis, & eritis omnes boni. quis tum se mihi non
ostendit? quis nunc adest hoc bello? sic enim iam ap-
pellandum est. Vibully res gestæ sunt adhuc maximæ.
id ex Pompeij literis cognosces. in quibus animaduerti-
to illum locum, ubi erit διπλῆ. uidebis, de Cneo nostro
ipse Vibullius quid existimet. quod igitur hæc spectat
oratio? ego pro Pompeio libenter emori possum. facio
* pluris omnium hominum neminem. sed non ita non meo
iudicio spem de salute Reip. significas enim aliquanto se-
cus, q̄ solebas: ut etiam, Italia si ille cedat, putes ceden-
dum: quod ego nec Reip. puto esse utile, nec liberis me-
is: præterea neq; rectum, neq; honestum. sed cur? pote-
ris ne uidere tyrannum? quasi intersit, audiam, an uide-
am: aut locupletior mihi sit querendus auctor, q̄ Socra-
tes, qui, cum triginta tyranni essent, pedem porta non ex-
tulit. est mihi præterea præcipua causa manēdi, de qua
utinam aliquando tecum loquar. Ego XIII. Cal.
cum eadem lucerna hanc epistolam scripsissem, qua in-
flamaram tuā, Formijs ad Pompeiū, si de pace ageretur,

Q

profecturus eram: si de bello, uidero. Vale.

CICERO ATTICO S. 3

MAXIMIS, & miserrimis rebus perturbatus, cum coram tecum mihi potestas deliberandi non esset, uti tamen tuo consilio uolui. deliberatio autem omnis hæc est. si Pompeius Italia cedat (quod eum facturum esse suspicor) quid mihi agendum putes. & quo facilius consilium dare possis; quid in utranque partem mihi in mentem ueniat, explicabo breui. Cum merita Pompeij summa erga salutem meam, familiaritasq; quæ mihi cum eo est, tum ipsa Reip. causa me adducit, ut mihi uel consilium meum cum illius consilio, uel fortuna coniungenda esse uideatur. accedit illud: si maneo, & illum comitatum optimorum, & clarissimorum ciuium desero; cadendum est in unius potestatem. qui etsi multis rebus significat se nobis esse amicum, & ut esset, à me est (tute scis) propter suspicionem huius impendentis tempestatis multo ante prouisum: tamen utrunque considerandum est, & quanta ei fides sit habenda; & si maxime exploratum sit, eum nobis amicum fore, sit ne uiri fortis, & boni ciuis esse in ea Vrbe, in qua cum summis honoribus, imperijsq; usus sit, res maximas gesserit, sacerdotio sit amplissimo præditus, non futurus sit sui iuris, subeundumq; periculum sit cum aliquo forte dedecore, si quando Pompeius Remp. recuperarit. in hac parte hæc sunt: uide nunc, quæ sint in altera. Nihil actum est à Pompeio nostro sapienter, nihil fortiter; adde etiam, nihil nisi contra consilium, auctoritatemq; meam. omitto, a uetera, quod istum

in Remp. ille aluit, auxit, armavit : ille legibus per uim,
 & contra auspicio ferendis auctor : ille Galliae ulterio-
 ris adiunctor : ille gener : ille in adoptando P. Clodio Au-
 gur : ille restituendi mei, quam retinendi, studiosior : ille
 provinciae propagator : ille absentis in omnibus adiu-
 tor : idem etiam tertio Consulatu, postquam esse defen-
 sor Reip. cepit, contendit, ut decem Tribuni pl. ferrent,
 ut absentis ratio haberetur. quod idem ipse sanxit lege
 quadam sua, Marcoq; Marcello Cos. finienti provincias
 Gallias Cal. Martij, restitit. sed ut haec omittam, quid
 facilius, quid perturbatius hoc ab Vrbe discessu, siue po-
 tius turpissima fuga? quae conditio non accipienda fuit
 potius, q̄ relinquenda patria? male conditiones erant, fa-
 teor, sed nunquid hoc peius? at recuperabit Remp. qua-
 do? aut quid ad eam spem est parati? non ager Picenus
 amissus? non patefactum iter ad Urbem? non pecunia
 omnis & publica, & priuata aduersario tradita? deni-
 que nulla causa, nullae uires, nulla sedes, quod concurrant
 qui Remp. defensam uelint. Apulia delecta est inanissi-
 ma pars Italiae, & ab impetu huius belli remotissima. fu-
 ga, & maritima opportunitas uisa quæri desperatione.
 inuite cepi Capuam, non quo munus illud defugerem,
 sed sine causa, in qua nullus esset ordinum, nullus aper-
 tus priuatorum dolor; bonorum autem esset aliquis, sed
 hebes, ut solet, & ut ipse sensissem, multitudo, & infi-
 mus quisq; propensus in alteram partem : multi muta-
 tionis rerum cupidi. dixi ipsi, me nihil suscepturum sine
 praesidio, & sine pecunia. itaq; habui nihil omnino nego-
 tij; quod ab initio uidi, nihil quæri præter fugam. eum si
 nunc sequor, quoniam? cum illo non. ad quem cum essem pro-

LIB. VIII. EPIST.

fecturus, cognoui in ijs locis esse Cæsarem, ut tuto Luce-
 riam uenire non possem. infero mari nobis incerto cur-
 su, hieme maxima nauigandum est. age iam, cum fra-
 tre, an sine? cum filio, an quomodo? in utraque enim
 re summa difficultas erit, summus animi dolor. qui au-
 tem impetus illius erit in nos absentes, fortunasq; no-
 stras? acrior, quam in ceterorum, quod putabit fortasse
 in nobis uiolendis aliquid se habere populare. age iam,
 has compedes, fasces inquam hos laureatos efferre ex
 Italia q̄ molestum est? qui autem locus erit nobis tutus,
 ut iam placatis utamur fluctibus, ante, quam ad illum
 uenerimus? quæ autem, aut quò, nihil scimus. at si re-
 stitero, & fuerit nobis in hac parte locus: idem fecero,
 quod in Cinna dominatione Philippus, quod L. Flaccus,
 quod Q. Mutius, quoquomodo ea res huic quidem ceci-
 dit, qui tamen ita dicere solebat, se id fore uidere, quod
 factum est; sed hoc malle, quam armatum ad patriæ
 mœnia accedere. aliter Thrasibulus, & fortasse meli-
 us. sed est certa quædam illa Mutij ratio, atque senten-
 tia, est illa etiam Philippi: & cum sit necesse, seruire tē-
 pori; & non amittere tempus, cum sit datum. sed in
 hoc ipso habent tamen ijdem fasces molestiam: sit enim
 nobis amicus, quod incertum est, sed sit, deferet trium-
 phum, non accipere ne periculosum sit, an accipere inui-
 diosum ad bonos? o rem, inquis, difficilem, & inexplica-
 bilem. atqui explicanda est: qui enim fieri potest? ac
 ne me existimaris ad manendum esse propensorem, quòd
 plura in ea parte uerba fecerim. potest fieri, quod fit
 in multis quæstionibus, ut res uerbosior hæc fuerit, illa
 uerior. quam ob rem ut maxima de re aquo animo de-

liberanti, ita mihi des consilium uelim. nauis & in Ca-
 ieta est parata nobis, & Brundusij. sed ecce nuntij, scri-
 bente me hæc ipsa noctu in Caleno, ecce literæ, Cæsarem
 ad Corfinium, Domitium Corfinij cum firmo exercitu,
 & pugnare cupiente. non puto etiam hoc Cneum no-
 strum commissurum, ut Domitium relinquat. & si Brū-
 dusium Scipionē cum cohortibus duabus præmiserat.
 legionem à Fausto conscriptam, in Siciliam sibi place-
 re à Consule duci, scripserat ad Consules. sed turpe
 Domitium erit deserere implorantem eius auxilium. est
 quædam spes mihi quidem non magna, sed in his locis
 firma, Afranium in Pyreneo cum Trebonio pugnas-
 se, pulsum Trebonium, etiam Fabium tuum transisse cum
 cohortibus: summum autem, Afranium cum magnis
 copijs aduentare. id si est, in Italia fortasse manebitur.
 ego autem, cum esset incertum iter Cæsaris, quod uel ad
 Capuam, uel ad Luceriam iturus putabatur: Leptam
 ad Pompeium misi, & literas: ipse, ne quod inciderem,
 reuerti Formias. hæc te scire uolui, scripsiq; sedatiore
 animo, quam proxime scripseram, nullum meum iudi-
 cium interponens, sed exquirens tuum. Vale.

CICERO ATTICO S.

DIONYSIVS quidem tuus potius, quam noster, cu-
 ius ego cum satis cognossem mores, tuo tamen potius sta-
 bam iudicio, quam meo; ne tuum quidem testimonium,
 quod ei sæpe apud me dederas, ueritus, superbum se præ-
 buit in fortuna, quam putauit nostram fore: cuius for-
 tune nos, quantum humano consilio effici poterit, mo-

Q iiij

LIB. VIII. EPIST.

tum ratione quadam gubernabimus. cui qui noster ho-
nos, quod obsequium, quæ etiam ad ceteros cōtempti cu-
iusdam hominis commendatio defuit? ut meum iudiciū
reprehendi à Quinto fratre, uulgoq; ab omnibus mal-
lem, q̄ illum non efferre laudibus; Ciceronesq; nostros
meo potius labore subdoceri, q̄ me alium us magistrū
querere. ad quem ego quas literas Dī immortales mi-
seram? quantum honoris significantes? quantum amo-
ris? Dicē archum mehercule, aut Aristoxenū diceret ac-
cerſi, non unum omnium loquacissimū, & minime ap-
tum ad docendum. sed est memoria bona. me dicet esse
meliore. quibus literis ita respondit, ut ego nemini, cui-
us causam non reciperem: semper enim, si potero, si
ante suscepta causa non impediar. nunquam reo cui-
quam tam humili, tam sordido, tam nocenti, tam alieno
tam præcise negavi, quam hic mihi: planè sine ulla ex-
ceptione præcidit. nihil cognoui ingratius. in quo ui-
tio nihil mali non inest. sed de hoc nimis multa. Ego
navem paravi: tuas literas tamen expecto, ut sciam,
quid respondeant consultationi meæ. Sulmone C. At-
tium Pelignum aperuisse Antonio portas, cum essent co-
hortes quinque; Q. Lucretium inde effugisse scis, Cneū
ire Brundisium desertum. confecta res est. Vale.

CICERO ATTICO S.

C VM ante lucem VIII. Cal. ad te literas dedissem, ue-
speri ad nos eodem die uenit ipse Dionysius auctoritate
tua permotus, ut suspicor: quid enim putem aliud? &=
si solet eum, cum aliquid furiose fecit, pœnitere. nun-

quam autem certior fuit, q̄ in hoc negotio : nam quod
ad te non scripseram, postea audiui, a' tertio miliario tū
* eum isse πολλὰ καὶ ἄλλα KAEPECCINECHE ἔα-
θυμῆν δ' ἦτα . multa inquam mala cum dixisset, suo ca-
* piti (ut aiunt) sed meam mansuetudinem. conieceram in
fasciculum unā cum tua ueniētem ad illum epistolam:
hāc ad me referri uolo, nec ullam ob aliam causam Pol-
licem seruum a' pedibus meum Romam misi. eo autem
ad te scripsi, ut, si tibi forte reddita esset, mihi curares
referendā, ne in illius manus perueniret. Noui siquid
esset, scripsissem. pendeo animi expectatione Corfiniensi,
in qua de salute Reip. decernitur . Tu fasciculum,
qui est M. Curio inscriptus, uelim cures ad eum perfe-
rendum: Tironemq; Curio commendes, ut ei, ut petij, si-
quid opuserit, in sumptum eroget. Vale.

CICERO ATTICO S.

OBSIGNATA iam epistola, quam de nocte daturus
eram, sicut dedi (nam eam uesperī scripseram) C. Sossius
Præt. in Formianum uenit ad M. Lepidum uicinum no-
strum, cuius Quæstor fuit: Pompeij literarum ad Con-
sulem exemplum attulit. Literæ mihi a' L. Domi-
tio ad VIII. Cal. Martij allatæ sunt. earum exemplū
infra scripsi. nunc, ut ego non sciebam sua sponte intel-
ligere: scio quanti Reip. intersit omneis copias in u-
num locum primo quoque tempore conuenire. sed tu,
si tibi uidebitur, dabis operam, quamprimum ad nos
uenias. præsidij Capuæ, quantum constitueris esse satis,
relinquas. Vale. deinde supposuit exemplum epi-
stolæ Domitij, quod ego ad te pridie miseram. Di-

Q iiij

LIB. VIII. EPIST.

immortales, qui me horror perfudit. quàm sum solici-
tus, quidnam futurum sit. hoc tamen spero, magnum
nomen imperatoris fore, magnum in aduentu terro-
rem. spero etiam, quoniam adhuc nihil nobis obfuit, ni-
* hil mutasse, nec te gentia hoc, quod cum fortiter, & dili-
genter, tum etiam mehercule: modo enim audiui quar-
tanà à te discessisse. moriar, si magis gauderem, si id
mihi accidisset. Filia dic, non esse æquum, eam diutius
habere, nec id esse uestre concordie. Tironem nostrum
ab altera relictum audio. sed eum uideo in sumptum
ab alijs mutuatum. ego autem Curium nostrum, siquid
opus esset, rogaram. malo Tironis uerecundiam in cul-
pa esse, quàm illiberalitatem Curij. Vale.

CICERO ATTICO S.

VNUM etiam restat amico nostro ad omne dedecus, ut
Domitio non subueniat. at nemo dubitat, quin subsidio
uenturus sit: ego non puto. deseret igitur talem ciuem?
& eos, quos una scis esse? cum habeat præsertim &
ipse cohortes XXX? nisi me omnia fallunt, deseret. in-
credibiliter pertimuit. nihil spectat, nisi fugam: cui tu
(uideo enim, quid sentias) me comitem putas debere esse.
ego uero quem fugiam, habeo: quem sequar, nō habeo:
quod enim tu meum laudas, & memoradum dicis, mal-
le quòd dixerim me cum Pōpeio uinci, quàm cum istis
uincere? ego uero malo, sed cum illo Pompeio, qui tum
erat, aut qui mihi esse uidebatur: cum hoc uero, qui an-
te fugit, q̄ scit aut quem fugiat, aut quò, qui nostra tra-
didit, qui patriam reliquit, Italiam relinquit, si ma-

lui, contigit, uictus sum. quod superest, nec ista uidere possum, quæ nunquam timui ne uiderem; nec mehercule istum, propter quem mihi non modo meis, sed memet ipso carendum est. Ad Philotimum scripsi de uiatiko, siue à Moneta, nemo enim soluit; siue ab Oppijs tuis cōtubernalibus. cætera apposita tibi mandabo. Vale.

CICERO ATTICO S.

O REM turpem, & ea re miserā: sic enim sentio, id deum, aut potius id solum esse miserum, quod turpe sit. aluerat Casarem: eundē repente timere cōperat: conditionem pacis nullam probarat: nihil ad bellum pararat: Urbem reliquerat: Picenum amiserat culpa: in Apuliam se compegerat: ibat in Græciam: omnes nos ἀπεροφάντους, expertes sui tanti, tam inusitati consilij relinquebat. ecce subito literæ Domitij ad illum, ipsius ad Consules. fulsisse mihi uidebatur τὸ καλὸν ad oculos eius, & exclamasse ille uir, qui esse debuit, πρὸς ταῦτ' ὅτι χρεὶ καὶ παλαμάσθων, καὶ πᾶν ἐπ' ἐμοί, καὶ τεκτανέσθων: τὸ γὰρ ἐν, μετ' ἐμοῦ. at ille tibi, πολλά χαίρειν πῶ καλῶ, dicens, pergit Brundisium. Domitium autem aiunt re audita, & eos, qui unā essent, se tradidisse. o rem lugubrem. itaq; intercludor dolore, quo ad te plura non scribam. tuas literas expecto. Vale.

CICERO ATTICO S.

EPISTOLAM meam quod peruulgatam scribis esse, non fero moleste: quin etiam ipse multis dedi describendam: ea enim & acciderunt iam, & impendent, ut te

LIB. VIII. EPIST.

statum esse uelim, de pace quid senserim. cum autem ad eam hortarer, eum præsertim hominem, non uidebar ullo modo facilius moturus, quam si id, ad quod eum hortarer, conuenire eius sapientiæ dicerem. eam si admirabilem dixi, cum eum ad salutem patriæ hortabar, non sum ueritus, ne uiderer assentari, cui tali in re libenter me ad pedes abiecissem. quæ autem est, Aliquid impertias temporis, non est de pace, sed de me ipso, & de meo officio ut aliquid cogitet. nam quod testificor, me expertem belli fuisse, & si id re perspectum est, tamen eo scripsi, quo in suadendo plus auctoritatis haberem. eodemq; pertinet, quod causam eius probo. sed quid hæc nunc? utinam aliquid profectum esset: næ ego istas literas in concione recitari uelim: siquidem ille ipse ad eundem scribens in publico proposuit epistolam illam, in qua est, Pro tuis rebus gestis amplissimis: amplioribus ne, quam suis, quam Africani? ita tempus ferebat: siquidem etiam uos duo tales ad quintum miliarium. quid nunc ipsum unde se recipienti, quid agenti, quid acturo? quanto autem ferocius ille causæ suæ confidet, cum uos, cum uestri similes non modo frequentes, sed læto uultu gratulantes uiderit? num igitur peccamus? minime uos quidem. sed tamen signa conturbantur, quibus uoluntas à simulatione distinguí posset. quæ uero S.C. uideo? sed apertius, quam proposueram. Ego Arpini uolo esse prid. Cal. deinde circumuillulas nostras errare, quas uisurum me postea desperaui. Εὐγεῖνὰ tua consilia, & tamen pro temporibus non incauta, mihi ualde probantur. Lepido quidem (nam ferè σὺν δ' ἱμμερῇ νομῶν, quod gratissimum illi est) nun-

quam placuit ex Italia exire, Tullo multo minus: crebro enim illius literæ ab alijs ad nos commeant. sed me illorum sententiæ minus mouebant. minus multa dederant illi Reip. pignora. tua mehercule auctoritas uehementer mouet: affert enim & reliqui temporis recuperandi rationem, & praesentis tuendi. sed, obsecro te, quid hoc miserius, quàm alterum plausus in fœdissima causa quærere, alterum offensiones in optima? alterum existimari conseruatorem inimicorum, alterum desertorem amicorum? & mehercule quamuis amemus Cneum nostrum, ut & facimus, & debemus, tamen hoc, quòd talibus uiris non subuenit, laudare non possum: nam siue timuit, quid ignauius? siue, ut quidam putant, meliorem suam causam illorum cæde fore reputauit, quid iniustius? sed hæc omittamus: augeamus enim dolorem retractando. VI. Cal. uesperis Balbus minor ad me uenit, occulta uia currens ad Lentulum Cos. missu Cæsaris, cum literis, cum mandatis, cum promissione prouinciæ, Romam ut redeat. cui persuaderi posse non arbitror, nisi erit conuentus. idem diebat, nihil malle Cæsarem, quàm ut Pompeium assequeretur. id credo: ut rediret in gratiam, id non credo: & metuo, ne omnis hæc clementia ad unam illam crudelitatem colligatur. Balbus quidem maior ad me scribit, nihil malle Cæsarem, quàm principe Pompeio sine metu uiuere. tu puto hæc credis? sed cum hæc scribebam V. Cal. Pompeius iam Brundisium poterat uenisse: expectus enim antecesserat legiones Luceria. sed hoc te pæc horribili uigilantia, celeritate, diligentia est. planè, quid futurum sit, nescio. Vale.

LIB. VIII. EPIST.

CICERO ATTICO S.

DIONYSIVS cum ad me præter opinionem meam
uenisset, locutus sum cum eo liberalissime: tempora ex-
posui: rogavi, ut diceret, quid haberet in animo, me ni-
hil ab ipso invito contendere. respondit, se, quod in nu-
mis haberet, nescire quo loci esset: alios nō soluere: alio-
rum diem non dum esse. dixit etiam alia quædam de ser-
uulis suis, quare nobiscum esse non posset. morem gessi:
dimisi à me, ut magistrum Ciceronum, non libenter; ut
hominem ingratum, non invito. uolui te scire, quid ego
de eius facto indicarem. Vale.

CICERO ATTICO S.

QUOD me magno animi motu perturbatum putas, sum
equidem, sed non tam magno, q̄ tibi fortasse uideor: le-
uatur enim omnis cura, cum aut consistit consilium, aut
cogitando nihil explicatur. lamentari autem licet. illud
tamen totos dies. sed uereor, ne, nihil cum proficiā, etiam
dedecori sim studijs, ac literis nostris, consumo igitur o-
mne tempus considerans quanta uis sit illius uiri, quē no-
stris libris satis diligenter (ut tibi quidem uidemur) ex-
pressimus. tenes ne igitur, moderatorem illum Reip. quò
referre uelimus omnia? nam sic quinto, ut opinor, in li-
bro loquitur Scipio. V T enim gubernatori cursus secū-
dus, medico salus, imperatori uictoria, sic huic moder-
atori Reip. beata ciuium uita proposita est, ut opibus fir-
ma, copijs locuples, gloria ampla, uirtute honesta sit: hu-
ius enim operis maximi inter homines, atque optimi illū

esse effectorem uolo. Hoc Cneus noster cū antea nunquam, tum in hac causa minime cogitauit. dominatio quaesita ab utroque est, non id actum, beata, & honesta ciuitas ut esset. nec uero ille Urbem reliquit, q̄ eam tueri non posset; nec Italiam, quod ea pelleretur: sed hoc à primo cogitauit, omnes terras, omnia maria mouere, Reges barbaros incitare, gentes feras armatas in Italiam adducere, exercitus conficere maximos. genus illud Sullanæ regni iampridem appetitur, multis, qui unà sunt, cupientibus. an censes, nihil inter eos conuenire? nullam pactionem fieri potuisse? hodie potest. sed neutri σκοπὸς est ille, ut nos beati simus. uterque regnare uult. hæc à te inuitatus breuiter exposui: uoluisti enim me, quid de his malis sentirem, ostendere. περὶ οὗτοῦ igitur noster Attice, non ariolans, ut illa, cui nemo credidit, sed cōiectura prospiciens. Iamq; mari magno. non multo inquam secus possum uaticinari: tanta malorum impendet iactura. atque hoc nostra grauior est causa, qui domi sumus, q̄ illorum, unà qui transierunt, q̄ illi quidem alterum metuant, nos utrunque. cur igitur, inquis, remanemus? uel tibi paruimus, uel non occurrimus, uel hoc fuit rectius. conculcari inquam miseram Italiam uidebis proxima æstate ab utriusque mancipijs ex omni genere collectis. nec tam proscriptio pertimescenda, quæ Luceriæ multis sermonibus denuntiata est, q̄ uniuersæ interitus: tantas in confligendo utriusque uires uideo futuras. habes coniecturam meam. tu autem cōsolationis fortasse aliquid expectasti: nihil inuenio: nihil fieri potest miserius, nihil perditius, nihil fœdus. Quod quaeris, quid Cæsar ad me scripserit: quod sæpe: gratissimum

LIB. VIII. EPIST.

sibi esse, quod quierim : oratq; in eo ut perseuerem. Balbus minor hæc eadem mandata. iter autem eius erat ad Lentulum Cos. cum literis Cæsaris, præmiorumq; promissis, si Romam reuertisset. uerum, cum habeo rationem dierum, ante puto transmissurum, quam potuerit conueniri. Epistolarum Pópej duarum, quas ad me misit, negligentiam, meamq; in rescribendo diligentiam uolui tibi notam esse. earum exempla ad te misi. Cæsaris hic per Apuliam ad Brundisium cursus quid efficiat, expecto : utinam aliquid simile Parthicis rebus. simul aliquid audiero, scribam ad te. tu ad me uelim bonorum sermones. Romæ frequentes esse dicuntur. scio equidem te in publicum non prodire : sed tamen, audire te multa, necesse est. Memini tibi librū afferri, a Demetrio Magnete ad te missum, περὶ ὁμοιοίας. eum mihi uelim mittas. uides, quam causam mediter. Vale.

Cn. Pompeius Procos. M. Ciceroni Imp. S.

Q Fabius ad me uenit ad IIII. Id. Febr. is nuntiat L. Domitium cum suis cohortibus XI. & cohortibus XIII. quas Vibullius adduxit, ad me iter habere : habuisse in animo proficisci Corfinio, & ad V. Id. Febr. C. Hirrum cum V. cohortibus subsequi. censeo, ad nos Luceriam uenias : nam te hic tutissime puto fore. Vale.

Cicero Cn. Pompeio Procos. S.

A D XV. Cal. Martij Formijs accepi tuas literas : ex quibus ea, quæ in agro Piceno gesta erant, cognoui com-

modiora esse multo, quàm ut erat nobis nuntiatum :
Vibullijq; uirtutem, industriamq; libenter agnoui.
Nos adhuc in ea ora, ubi præpositi sumus, ita fui-
mus, ut nauem paratam haberemus : ea enim audie-
bamus, & ea uerebatur, ut quodcunq; tu consilium
præcepisses, id nobis persequendum putaremus. nunc,
quoniam auctoritate, & consilio tuo in spe firmiore
sumus, si teneri posse putas Tarracinam, & oram ma-
ritimam, in ea manebo : & si præsidia in oppidis nulla
sunt: nemo enim nostri ordinis in his locis est, præter M.
Eppium, quem ego Minturnis esse uolui, uigilantem ho-
minem, & industrium. L. Torquatium, uirum, fortem,
& cum auctoritate, Formijs non habemus : ad te pro-
fectum arbitramur. ego omnino, ut proxime tibi pla-
cuerat, Capuam ueni eo ipso die, quo tu Theano Sidi-
cino es profectus : uolueras enim me cum M. Considio
Proprat. illa negotia tueri. cum eo uenissem, uidi T.
Ampium delectum habere diligentissime, ab eo accipe-
re Libonem summa item diligentia, & in illa colonia
auctoritate. fui Capuæ, quoad Coss. iterum, ut erat di-
ctum, ab Coss. ueni Capuam ad Non. Febr. cum fui-
sem triduum, recepi me Formias. nunc quod tuum con-
silium, aut quæ ratio belli sit, ignoro. si tenendam hanc
oram putas, quæ opportunitatem, & dignitatem ha-
bet, & egregios ciues, & ut arbitror, teneri potest :
opus est esse, qui præsit. sin omnia in unum locum
contrahenda sunt : non dubito, quin ad te statim ueniā:
quo mihi nihil optatius est : idq; tecum, quo die ab Vrbe
discessimus, locutus sum. ego, sicui adhuc uideor segnior
fuisse, dum ne tibi uidear, non laboro. & tamen, si, ut

LIB. VIII. EPIST.

video, bellum gerendum est, confido me omnibus facile
satisfacturum. M. Tullium meū necessarium ad te misi,
• cui tu, si tibi uideretur, ad me literas dares. Vale.

Cn. Pompeius Procos. M. Ciceroni Imp. S.

T V A S literas libenter legi: recognoui enim tuam pri-
stinam uirtutem etiam in salute communi. Consules
ad eum exercitum, quem in Apulia habui, uenerunt. ma-
gnopere te hortor pro tuo singulari, perpetuoq; studio
in Remp. ut te ad nos conseras, ut cōmuni consilio Reip.
afflictæ opem, atq; auxilium feramus. censeo, uia Ap-
pia iter facias, & celeriter Brundisium uenias.
Cura, ut ualeas.

M. Cicero Cn. Pompeio Procos. S.

C V M ad te literas misissem, quæ tibi Canusij redditæ sūt,
suspicionem nullam habebam, te Reip. causa mare transi-
turum, eramq; in spe magna, fore, ut in Italia possemus
aut concordiam constituere, qua mihi nihil utilius uide-
batur, aut Remp. summa cum dignitate defendere. inte-
rim non dum meis literis ad te perlatis, ex ijs mandatis,
quæ Dialio ad Consules dederas, certior tui consilij fa-
ctus, non expectavi, dum mihi à te literæ redderentur,
confestimq; cum Quinto fratre, & cum liberis nostris
iter ad te in Apuliam facere cœpi. cum Theanum Sidi-
cinum uenissem, C. Messius familiaris tuus mihi dixit,
aliq; cōplures, Cæsarem iter habere Capuam, & eo ipso
die mansurum esse Eserniæ. sanè sum comotus; q; si ita
esset,

esset, non modo iter meum interclusum, sed me ipsum plane exceptum putabam. itaque tum Cales processi, ut ibi potissimum consisterem, dum certum nobis ab Esernia de eo, quod audieram, referretur. at mihi, cum Calibus essem, affertur literarum tuarum exemplum, quas tu ad Lentulum Cos. misisses. hæ scriptæ sic erant: literas tibi à L. Domitio ad XIII. Cal. Martij allatas esse, earumq; exemplum subscripseras: magniq; interesse reip. scripseras, omnes copias primo quoque tempore in unum locum conuenire, & ut, præsidij quod satis esset, Capuæ relinqueret. his ergo literis lectis, in eadem opinione fui, qua reliqui omnes, te cum omnibus copijs ad Corfinium esse uenturum. quod mihi, cum Cæsar ad oppidum castra haberet, tutum iter esse non arbitrabar. cum res in summa expectatione esset, utrunque simul audimus, & quæ Corfinij acta essent, & te iter Brundisium facere coepisse. cumq; nec mihi, nec fratri meo dubium esset, quin Brundisium contenderemus, à multis, qui è Samnio, Apuliaq; ueniebant, admoniti sumus, ut caueremus, ne exciperemur à Cæsare, quod is in eadem loca, quæ nos petebamus, profectus, celerius etiam, quàm nos possemus, ed, quod intenderat, uenturus esset. quod cum ita esset, nec mihi, nec fratri meo, nec cuiquam amicorum placuit committere, ut temeritas nostra non solum nobis, sed etiam reip. noceret; cum præsertim non dubitaremus, quin, si etiam tutum nobis iter fuisset, te tamen iam consequi non possemus. interim accepimus tuas literas, Canusio ad X. Cal. Martij datas, quibus nos hortaris, ut celerius Brundisium ueniamus. quas cum accepissemus ad III. Cal. Martij, non dubi-

R

L I B. M V I I I. E P I S T.

tabamus, quin tu iam Brundisium peruenisses: nobisq;
iter illud omnino interclusum uidebamus, neque minus
nos esse captos, quàm qui Corfinium uenissent: neq; n.
eos solos arbitrabamur capi, qui in armatorum manus
incidissent, sed eos nihilo minus, qui regionibus exclusi,
intra praesidia, atque intra arma aliena uenissent. quod
cum ita sit, maxime uellem primum tecum semper fuis-
se, quod quidem tibi ostenderam, cum à me Capuam
reijciebam: quod feci non uitandi oneris causa, sed quod
uidebam teneri illam urbem sine exercitu non posse:
accidere autem mihi nolebam, quod doleo uiris fortissi-
mis accidisse. quoniam autem, tecum ut essem, non cō-
tigit: utinam tui consilij certior factus essem: nam su-
spicione assequi non potui; quod omnia prius arbitratus
sum fore, quàm ut hæc reip. causa in Italia non posset
duce te consistere. neque uero nunc consilium tuum re-
prehendo, sed fortunam reip. lugeo: nec, si ego, quid
tu sis secutus, non perspicio, idcirco minus existimo, te
nihil, nisi summa ratione, fecisse. mea quæ semper fue-
rit sententia, primum de pace uel iniqua conditione reti-
nenda, deinde de Vrbe, (nam de Italia quidem nihil mi-
hi unquā ostenderas) meminisse te arbitror. sed mihi non
sumo, ut meum consilium ualere debuerit: secutus sum
tuū, neque id reip. causa, de qua desperaui, quæ & nunc
afflicta est, nec excitari sine ciuili perniciosissimo bello
potest: sed te quærebam: tecum esse cupiebam: neque
eius rei facultatem, si qua erit, prætermittam. ego me
in hac omni causa facile intelligebam pugnandi cupidis
hominibus non satisfacere. primum enim præ me tulī,
me nihil malle, quā pacē: non quin eadem timerem, quæ

illi: sed ea bello civili leuiora ducebam. inde suscepto bello, cum pacis conditiones ad te afferri, à teq; ad ea honorifice, & large responderi uiderem: duxi meam rationem, quam tibi facile me probaturum pro tuo in me beneficio arbitrabar. memineram me esse unum, qui pro meis maximis in remp. meritis supplicia miserrima, & crudelissima pertulissem: me esse unum, qui, si offendissem eius animum, cui tum, cum iam in armis essemus, Consulatus tamen alter, & triumphus amplissimus defereretur, subijcerer eisdem praelijs: ut mea persona semper ad improborum ciuium impetus aliquid uideretur habere populare. atque hæc non ego prius sum suspicatus, quàm mihi palā denunciata sunt: neque ea tā peritui, si subeūda essent, quàm declināda putauī, si honeste uitare possem. quoniam breuem illius temporis, dū in spe pax fuit, rationem nostram uides: reliqui facultatem res ademit. Iis autem, quibus non satisfacio, facile respondēdo. neque. n. ego amicior C. Cæsari unquā fui, quàm illi: neque illi amiciores reip. quàm ego. hoc inter me, & illos interest, quodd, cum & illi ciues optimi sint, & ego ab ista laude non absim, ego conditionibus, quod idem te intellexeram uelle, illi armis disceptari maluerunt. quæ quoniam ratio uicit, perficiam profecto, ut neque resp. cū uis à me animum, neque tu amici desideres. Vale.

CICERO ATTICO S.

MIHI MOLESTIOR lippitudo erat etiā, quàm ante fuerat: dictare tamen hanc epistolam malui, quàm Gallo Fabio amantissimo utriusque nostrum

R ij

LIB. VIII. EPIST.

nihil ad te literarum dare: nam pridie quidem, quoquo modo potueram, scripseram ipse eas literas, quarum uaticinationem falsam esse cupio. huius autem epistolæ non solum ea causa est, ut ne quis à me dies intermittatur, quin dem ad te literas; sed etiam hæc iustior, ut à te impetrarem, ut sumeres aliquid temporis, quo quia tibi per exiguo opus est, explicari mihi tuum consilium plane uolo, ut penitus intelligam. omnia sunt integra nobis. nihil prætermisum est, quod non habeat sapientem excusationem, non modo probabilem. nam certe neque tum peccaui, cum imparatā iam Capuam, nō solum ignauia delectus, sed etiam perfidia suspicionem fugiens, accipere nolui: neque, cum post conditiones pacis per L. Cæsarem, & Fabium allatas caui, ne animum eius offenderē, cui Pompeius iam armatus armato Consulatum, triumphūq; deferret. nec uero hæc extrema quisquam potest iure reprehendere, quod mare nō transierim: id enim, etsi erat deliberationis, tamen obire nō potui: neque enim suspicari debui, præsertim cum ex ipsius Pompeij literis, idem quod uideo te existimasse, non dubitarim, quin is Domitio subuenturus esset. & plane, quid rectum, & quid faciendum mihi esset, diutius cogitare malui. primum igitur, hæc qualia tibi esse uideantur, etsi sæpius significata sunt à te, tamen accuratius mihi perscribas, uelim: deinde aliquid etiam in posterum prospicias, fingasq; quem me esse deceat, & ubi me plurimū prodesse reipub. sentias: ecquæ pacifica persona desideretur, an in bellatore sint omnia. atq; ego, qui omnia officio metior, recordor tamen tua consilia. quibus si paruisssem, tristitiam illorum temporū non subiisssem. memini, quid mihi

tum suaseris per Theophanem, per Culeonem: idq; sæpe ingemiscens sum recordatus. quare nunc saltem ad illos calculos reuertamur, quos tum abiecinus, ut nō solum gloriosis consilijs utamur, sed etiam paulo salubrioribus. sed nihil præscribo. accurate uelim perscribas tuam ad me sententiā. uolo etiam exquiras quā diligentissime poteris (habebis autē, per quos possis) quid Lentulus noster, quid Domitius agat, quid acturus sit: quē admodum nunc se gerāt, num quē accusent, num cui succenseant: quid dico, num cui? num Pompeio. omnino culpam omnem Pompeius in Domitiū confert: quod ipsius literis cognosci potest: quarum exemplum ad te mitto. hæc igitur uidebis: et, quod ad te ante scripsi, Demetrii Magnetis librum, quem ad te misit, de concordia, uelim mihi mittas. Vale.

Cn. Magnus Procos. M. Marcello

L. Lentulo Coss. S.

E G O, quodd exstimabā dispersos nos neq; Reip. utiles, neq; nobis præsidio esse posse, idcirco ad L. Domitiū literas misi, primū uti ipse cum omni copia ad nos ueniret si de se dubitaret, ut cohortes X I X, quæ ex Piceno ad me iter habebant, ad nos mitteret. quod ueritus sum, factum est, ut Domitius implicaretur, neque ipse satis firmus esset ad castra faciendā, q̄ meas X I X, & suas X I I cohortes tribus in oppidis distributas haberet (nā partim Albæ, partim Sulmone collocauit) neq; si uellet, expedire posset. nunc scitote me esse in summa solitudine: nam & tot, & tales uiros periculo obsi-

R iij

L I B. V I I I. E P I S T.

dionis liberare cupio : neque subsidio ire possum , quodd
his duabus legionibus non puto esse committendū , ut illuc
ducantur . ex quibus tamen non amplius X I I I I . co=
hortes contrahere potui, quas Brundusium misi: neq; Ca=
nusium sine praesidio, dum abessem, putavi esse dimittē=
dum. D. Aelio mandarā, quodd maiores copias sperabā
nos habituros, ut, si uobis uideretur, alteruter uestrum
ad me ueniret, alter in Siciliam cum ea copia, quā Ca=
puā, & circum Capuam comparastis, & cum ijs militi=
bus, quos Faustus legit, proficisceretur, Domitius cum
X I I . suis cohortibus eodem adiungeretur, reliquae co=
pia omnes Brundisium cogerentur, & inde nauibus
Dyrrhachium transportarentur . nunc, cum hoc tēpo=
re nihilo magis ego, quā uos, subsidio Domitio ire pos=
sim, seu per montes explicare, nos est nobis committen=
dum, ut has X I I I I . cohortes, quas dubio animo ha=
beo, hostis accedere, aut in itinere me cōsequi possit. quā
ob rem placitum est mihi (etiam uideo C. Marcello, &
ceteris nostri ordinis, qui hic sunt) ut Brundisium du=
cerem hanc copiam, quā mecum habeo . uos hortor, ut,
quodcunque militum contrahere poteritis, contrahatis,
& eodem ueniat is quamprimum . arma, quae ad me
missuri eratis, ijs censeo armetis milites, quos uobis=
cum habetis . quae arma superabunt, ea si Brundisium
iumentis deportaritis, uehemēter Reip. profueritis . de
hac re uelim nostros certiores faciat is . ego ad P. Lupū,
et C. Coponiū Praetores misi, ut se uobis cōiungerent, et,
militū quod haberent, ad nos deducerent. Vale.

Cn. Pompeius Procos. L. Domitio Procos. S.

MIROR te ad me nihil scribere, et potius ab alijs, quā à te de Rep. certiorē me fieri. nos disiecta manu pares aduersarijs esse non possumus. contractis nostris copijs, spero nos et Reip. et cōmuni saluti prodesse posse. quā ob rem cum constituisses, ut Vibullius mihi scripserat, ad V. Id. Feb. Corfinio proficisci cum exercitu, et ad me uenire: miror, quid causæ fuerit, quare consiliū mutaris: nā illa causa, quā mihi Vibullius scribit, leuis est, te propterea moratum esse, quod audieris Cæsarem Firmo progressum in castrum Truentinum uenisse: quāto enim magis appropinquare aduersarius cœpit, eo tibi celerius agendum erat, ut te mecum coniūgeres, prius, quā Cæsar aut tuum iter impedire, aut me abs te excludere posset. quam ob rem etiam te rogo, & horro, id quod non destiti superioribus literis à te petere, ut primo quoque die Luceriā aduenias ante, quā copię, quas instituit Cæsar contrahere, in unum locum coactæ nos à nobis distrahāt. sed, si erunt, qui te impedian, ut illas suas seruent: æquum est me à te impetrare, ut cohortes, quæ ex Piceno, & Camerino uenerunt, quæ fortunas suas reliquerunt, ad me missum facias. Vale.

Cn. Pompeius Procos. L. Domitio Procos. S.

LITERAS abs te M. Calenius ad me attulit ad X. III. Calendarum Martij: in quibus literis scribis, tibi in animo esse obseruare Cæsarem, & si secundum mare ad me ire cœpisset, confestim in

R iiij

L I B. VIII. E P I S T.

Samnium ad me uenturum : sin autem ille circū istæc
 loca commoraretur, te ei, si propius accessisset, resistere
 uelle . te animo magno, & forti istam rem agere existi
 mo : sed diligentius nobis est uidendum, ne distracti pa
 res esse aduersario non possimus, cum ille magnas co
 pias habeat, & maiores breui habiturus sit : non enim
 pro tua prudētia debes illud solum animadvertere, quot
 in præsentia cohortes contra te habeat Cæsar, sed quan
 tas breui tempore equitum, & peditum copias cōtractu
 rus sit . cui rei testimonio sunt literæ, quas Bussenius ad
 me misit, in quibus scribit, id quod ab alijs quoque mihi
 scribitur, præsidia curionem, quæ in Umbria, & Thua
 scis erant, contrahere, & ad Cæsarem iter facere . quæ
 si copię in unum locum fuerint coactæ, ut pars exer
 citus ad Albam mittatur, pars ad te accedat, ut non
 pugnet, sed locis suis repugnet: hærebis, neque solus cum
 ista copia tantam multitudinem sustinere poteris, ut fru
 mentatum eas, quam ob rem te magnopere hortor, ut
 quam primum cum omni copia huc uenias . Consules
 constituerūt idem facere . ego Metuscilio ad te manda
 ta dedi, providendum esse, ne duæ legiones sine Picenti
 nis cohortibus in conspectum Cæsaris committerentur .
 quam ob rem nolito commoueri, si audieris me regredi,
 si forte Cæsar ad me ueniet : cauendum enim puto es
 se, ne implicatus hæream : nam neque castra propter
 anni tempus, & militum animos facere possum ; ne
 que ex omnibus oppidis contrahere copias expedit, ne
 receptum amittam . itaque non amplius XIII cohortes
 Luceriam coegi . Consules præsidia omnia deducturi
 sunt, aut in Siciliam ituri : nam aut exercitum fir

num habere oportet, quo confidamus perrumpere nos posse; aut regiones eiusmodi obtinere, è quibus repugnemus; id quod neutrum nobis hoc tēpore contingit, quodd & magnā partem Italiæ Cæsar occupauit, & nos non habemus exercitum tam amplū, neq; tam magnum, q̄ ille. itaq; nobis providendum est, ut summam Reip. rationem habeamus. etiam atq; etiam te hortor, ut cum omni copia quāprimum ad me uenias. possumus etiam nunc Remp. erigere, si cōmuni consilio negotium administrabimus: sin distrahemur, infirmi erimus. mihi hoc constitutum est. His literis scriptis, Sica à te mihi literas attulit, et mandata. quod me hortare, ut istuc ueniam: id me facere non arbitror posse, quodd non magnopere his legionibus confido: Vale.

Cn. Pompeius L. Domitio S.

LITERAE mihi à te redditæ sunt ad XIII. Cal. Marti. in quibus scribis, Cæsarem apud Corfinium castra posuisse. quod putauī, et præmonui, sit, ut nec in præsentia cōmittere tecum prælium uelit, & omnibus copijs conductis te implicet, ne ad me iter expeditū tibi sit, atq; istas copias cōiungere optimorum ciuium possis cum his legionibus, de quarum uoluntate dubitamus: quo etiam magis tuis literis sum cōmotus, neq; enim eorum militum, quos mecum habeo, uoluntati satis confido, ut de omnibus fortunis Reip. dimicem: neq; etiam, qui ex delectibus conscripti sunt à Consulibus, conueniunt: quare da operam, si ulla ratione etiam nūc efficere potes, ut te explices, huc quāprimum uenias ante, q̄

LIB. VIII. EPIST.

omnes copiae aduersariorum conueniant: neque enim ce-
leriter ex delectibus huc homines conuenire possunt: &
si conuenirent, quantum ijs committendum sit, quod inter se ne
noti sunt, contra ueteranas legiones, non te praeterit. Vale.

CICERO ATTICO S.

LIPPITVDINIS mea signum tibi sit librarij ma-
nus, & eadem causa breuitatis. etsi nunc quidem, quod
scribere, nihil erat. omnis expectatio nostra erat in nun-
cijs Brundusinis. si nactus hic esset Cneum nostrum, spes
dubia pacis: sin ille ante transmisisset, exitiosi belli me-
tus. sed uides ne, in quem hominem inciderit Respublica? quod
acutum? quam uigilantem? quam paratum? si mehercule ne-
minem occiderit, nec cuiquam quidquam ademerit; ab
ijs, qui eum maxime timuerant, maxime diligitur. mul-
tum mecum municipales homines loquuntur, multum
rusticani. nihil prorsus aliud curant, nisi agros, nisi
uillulas, nisi nummulos suos. & uide, quam conuersa
res est. illum, quo antea confidebant, metuumt: hunc amant,
quem timebant. id quatenus nostris peccatis, uitiumque euene-
rit, non possum sine molestia cogitare. quae autem im-
pendere putarem, scripseram ad te, & iam tuas literas
expectabam. Vale.

CICERO ATTICO S.

NON dubito, quin tibi odiosae sint epistolae quoti-
dianae, cum praesertim neque noua de re aliqua certiore
te faciam, neque nouam denique iam reperiam scribendi ullam
sententiam. sed si dedita opera, cum causa nulla esset,
tabellarios ad te cum inanibus epistolis mittere, facerem

inepte : euntibus uero, domesticis præsertim, ut nihil ad te dem literarum, facere non possum. & simul (crede mihi) requiesco paululum in his miserijs, cum quasi tecum loquor : cum uero tuas epistolas lego, multo etiam magis . omnino intelligo , nullū fuisse tempus post has fugas , & formidines , quod magis debuerit mutū esse à literis, propterea q̄ neque Romæ quidquā auditur noui, nec in his locis, quæ à Brūdusio absunt propius, quàm tu biduū aut triduū . Brundusij autem omne certamē uertitur huius primi temporis . qua quidem expectatione torqueor . sed omnia ante nos sciemus: eodē enim die uideo Cæsare à Corfinio post meridiem profectum esse, quo Canusio mane Pompeium . eo modo autē ambulat Cæsar, & ijs diarijs militū celeritatem incitat, ut timeā, ne citius ad Brundusiū, quā opus sit , accesserit . dices, quid igitur proficis, qui anticipes eius rei molestiā , quā triduo sciturus sis ? nihil equidē : sed, ut supra dixi , tecum perlibenter loquor . & simul scito labare meum consilium illud , quod satis iam fixum uidebatur . non mihi satis idonei sunt auctores ij , qui à te probantur : quod enim unquam eorū in Rep . forte factū , extitit ? aut quis ab ijs ullam rem laude dignam desiderat ? nec mehercule laudandos existimo, qui trans mare belli parandi causa profecti sunt : (quanquā hæc ferenda non erant) uideo enim, quantum id bellum, & quā pestiferum futurum sit . sed me mouet unus uir , cuius fugientis comes, Remp. recuperātis socius uideor esse debere . toties ne igitur sententiam mutas ? ego tecum, tanquam mecū, loquor . quis autē est, tāta quidē de re, quin uarie secum ipse disputet ? simul & elicere cupio sen-

LIB. VIII. EPIST.

rentiam tuam; si manet, ut firmitior sim; si mutata est, ut
tibi assentiar. omnino ad id, de quo dubito, pertinet me
scire, quid Domitius acturus sit, quid noster Lentulus.
* de Domitio uaria audimus, modo esse in Tiburti, aut Le-
pidi, quo cum Lepidus accessisset ad Urbem, quod item
falsum uideo esse: ait enim Lepidus, eū nescio quod pe-
netrasse itineribus: occultandi sui causa, an maris api-
scendi, ne id quidem scit: ignorat enim de filio. addit
illud sanè molestum, pecuniam Domitio satis grandem
* quam is Coreni habuerit, non esse redditam. de Lentu-
lo autem nihil audimus. hæc uelim exquiras, ad meq;
perscribas. Vale.

CICERO ATTICO S.

AD V. Non. Mart. epistolas mihi tuas Aegyptia red-
didit, unā ueterem IIII. Cal. quā te scribis dedisse Pi-
nario, quem non uidimus, in qua expectas quid nā prae-
missus agat Vibullius: qui omnino non est uisus à Cae-
sare. in altera epistola uideo te scire ita esse: & quem
admodum redeuntem excipiam Caesarem, quē omnino
* uitare cogito: & aut Hemoris fugam tendis, cōmutatio
nemq; uitæ tuæ: quod tibi puto esse faciendum: & igno-
ras, Domitius cum fascibus ne sit. quod cū scies, facies,
ut sciamus. habes ad primam epistolam. secutæ sunt
duæ, prid. Cal. ambæ datæ, quæ me conuellerunt de pri-
stino statu, iam tamē, ut ante ad te scripsi, labantē. nec
me mouet, quod scribis, Ioui ipsi iniquum: nam pericu-
lum in utriusque iracūdia positum est: uictoria autem
ita incerta, ut deterior causa paratior mihi esse uidea-
tur. nec me Cōsules mouent, qui ipsi pluma, aut folio

facilius mouentur. officij me deliberatio cruciat, crucias
uitq; adhuc. cautiore certe est mansio: honestior existi-
matur traiectio. malo interdum, multi me non caute,
quam pauci non honeste fecisse existiment. De Lepi-
do, & Tullo quod quæris: illi uero non dubitant, quin
Cæsari præsto futuri, in senatumq; uenturi sint. Recen-
tissima tua est epistola Cal. data, in qua optas cōgressum,
pacem non desperas: sed ego, cum hæc scribebam, nec il-
los congressuros, nec, si congressi essent, Pompeium ad
ullam conditionem accessurum putabam. Quod ui-
deris nō dubitare, si Consules transeant, quid nos facere
oporteat: certe transeunt, uel quo modo nunc est, tran-
sierunt. sed memento, præter Appium, neminem esse fe-
rè, qui non ius habeat transeundi: nam aut cum impe-
rio sunt, ut Pōpeius, ut Scipio, Setenas, Fānius, Voconius,
Sestius, ipsi Consules, quibus more maiorum concessum
est uel omnes adire prouincias: aut Legati sunt eorum.
sed nihil defero. quid placeat tibi, & quid propemodum
rectum sit, intelligo. plura scriberem, si ipse possem: sed,
ut mihi uideor, potero biduo. Balbi Cornelij literarum
exemplum, quas eodem die accepi, quo tuas, misi ad te,
ut meā uicem doleres, cum me derideri uideres. Vale.

Balbus Ciceroni Imp. S.

OBSECO te Cicero, suscipe curam, & cogita-
tionem dignissimam tuæ uirtutis, ut Cæsarem, & Poms-
peium, perfidia hominum distractos, rursus in pristinam
concordiam reducas. crede mihi, Cæsare nō solum in tua
fore potestate, sed etiam maximum beneficium te sibi

LIB. VIII. EPIST.

dedisse iudicaturum, si huc te reijcis. uelim, idem Pompeius faciat: qui ut adduci tali tempore ad ullam conditionem possit, magis opto, quàm spero. sed cum cōsiterit, & timere desierit, tū incipiā non desperare, & tuam auctoritatem plurimum ualituram. Quod Lentulum Cos. meum uoluisti hic remanere, Cæsari gratum, mihi uero gratissimum mediūsfidius fecisti: nam illum tanti facio, qui non Cæsarem magis diligam. qui si passus esset, nos secum, ut consueueramus, loqui, & non se totum etiam & etiam ab sermone nostro auertisset: minus miser, quàm sum, essem: nam caue putet, hoc tempore plus me quenquam cruciari, quod eum, quem ante me diligo, uideo in Consulatu quiduis potius esse, quàm Consulem. quod si uoluerit tibi obtemperare, & nobis de Cæsare credere, & Consulatum reliquum Romæ peragere: incipiam sperare, etiam consilio senatus, auctore te, illo relatore, Pōpeium, & Cæsarem coniungi posse. quod si factum erit, me satis uixisse putabo. Factum Cæsaris de Corfinio totum me probaturum scito, & quo modo in huiusmodi re commodius cadere nō potuit, quàm ut res sine sanguine cōfieret. Balbi mei, tuiq; aduentu delectatum te, ualde gaudeo. is quæcunque tibi de Cæsare dixit, quæq; Cæsar scripsit, scio re tibi probabit, quæcunque fortuna eius fuerit, bellissime scripsisse. Vale.

CICERO ATTICO 5.

OMNIA mihi prouisa sunt præter occultum & tum iter ad mare superū: hoc enim mari uti non possu-

mus hoc tempore anni . illuc autem , quid spectat anis-
mus , & quid res uocat , quā ueniam ? cedendum enim
est celeriter , ne forte qua re impediatur , atque alliger .
nec uero ille me ducit , qui uidetur : quem ego hominem
ἀπολιτικώτατον omnium iam ante cognoram , nunc ue-
ro etiam ἀστρατηγικώτατον . non me igitur is ducit ,
sed sermo hominum , qui ad me à Philotimo scribitur :
is enim me ab optimatibus ait conscindi . quibus optima-
tibus Dij boni ? qui nunc quo modo occurrunt ? quo mo-
do autem se uenditant Cæsari ? municipia uero Deum :
nec simulant , ut cum de illo agroto uota faciebant . sed
plane , quidquid mali hic Pisistratus non fecerit , tam
gratum est , quā si alium facere prohibuerit . hunc
propitium sperant : illum iratum putant . quas fieri cen-
ses ἀπαντίσεις ex oppidis ? quos honores ? metuumt , in-
quies . credo , sed hercule illum magis . huius insidiosa
clementia delectantur : illius iracundiam formidant .
iudices D C C C L , qui præcipue Cneo nostro delecta-
bantur , ex quibus quotidie aliquem uideo , nescio quas
eius Lucerias horrent . itaque quaero , qui sint isti optima-
tes , qui me exturbent , cum ipsi domi maneant . sed tam-
en , quicunque sunt , ἀδ' ἐομαι Τρώας . etsi , qua spe
proficiscar , uideo : coniungoq; me cum homine magis
ad uastandam Italiam , quā ad uincendum parato . do-
* mum quem expecto . & quidem , cum hæc scribebam
I I I I . Non iam expectabam aliquid à Brundisio . quid
autem aliquid ? quā inde turpior fugisset , & uictor
hic quā se referret , & quid . quod ubi audissem , si ille
Appia ueniret , ego Arpinum cogitabam . Vale .

M. TVLLII CICERONIS EPISTOLA
RVM AD T. POMPONIVM AT=
TICVM LIBER IX.

CICERO ATTICO S.

E

TSI, cum tu has literas legeres, pu=
tabam fore, ut scirem iam, quid Brūdu
sij actum esset; nam Canusio VIII.
Cal. profectus erat Cneus; hæc au=
tem scribebam prid. Non. XIIII.

die postquam ille Canusio mouerat: tamen angebar sin=
gularum horarum expectatione, mirabarq; nihil allatū
esse, ne rumoris quidem: nam erat mirum silentium. sed
hæc fortasse νεώτερον εἶναι sunt: quæ tamen iam sciuntur,
necesse est. illud molestū, me adhuc inuestigare non pos=
se, ubi Lentulus noster sit, ubi Domitius. quæro autē, quo
facilius scire possim, quid acturi sint, ituri ne ad Pompe=
ium, & si sint, quā, quando'ue ituri sint. Urbē quidem
iam refertam esse optimatium audio, Sositum, & Lupū,
quos Cneus noster ante putabat Brundisium uenturos
esse, quā se, ius dicere. hinc uero uulgo uadunt. etiam
M. Lepidus, quocum diem conterere solebam, cras cogi=
tabat. nos autē in Formiano morabamur, quo citius au=
diremus. deinde Arpinū uolebamus: inde, iter quā maxi=
me ἀναπάντητον esset, ad mare superum, remotis, siue
omnino missis liētoribus: audio enim bonis uiris, qui &
nunc, & sepe antea magno præsidio reipub. fuerunt,
hanc cunctationem nostram non probari, multaq; in
me, &

me, & seuerē in conuiuijs tempestiuis quidē disputari
cedamus igitur, & ut boni ciues simus, bellū Italiæ ter-
ra, mariq; inferamus, & odia improborum rursus in
nos, quæ iam extincta erant, incēdamus, & Luceij con-
silia, ac Theophanis persequamur. nam Scipio uel in Sy-
riam proficiscitur sorte, uel cum genero honeste, uel Cæ-
rem iugit iratum. Marcelli quidem, nisi gladium Cæ-
saris timuissent, manerēt. Appius & eodem timore, &
inimicitiarum recentium. & tamen, præter hūc, et C.
Cassium, reliqui Legati, Faustus Proquæ. ego unus, cui
utrumuis liceret. frater accesserit, quē sociū huius for-
tunæ esse non erat æquum: cui magis etiam Cæsar ira-
scetur: sed impetrare nō possum, ut moneat. dabimus
hoc Pompeio, quod debemus: nam me quidem alius ne-
mo mouet; non sermo bonorum, qui nulli sunt; nō cau-
sa, quæ acta timide est, agetur improbe. uni uni hoc da-
mus, nec id quidem roganti, nec suam causam, ut ait
agenti, sed publicam. Tu quid cogites de transeundo
in Epeirum, scire sanè uelim. Vale.

CICERO ATTICO S.

ET SI Non. Martijs, die tuo, ut opinor, expectabā
à te epistolā longiorē, tamen ad eā ipsam breuē, quam
III. Non. Martij ὑπὸ τῷ δικάλῃ dedisti, rescribendū
putaui, Caudere ais te, māsisse me: & scribis, in senten-
tia te manere. mihi autem superioribus literis uidebare
non dubitare, quin caderem, ita si & Cneus bene comi-
tatus conscendisset, & Consules trāsissent. utrū, hoc tu
parum cōmeministi, an ego nō satis intellexi? an muta

S

LIB. IX. EPIST.

si sententiam? sed aut ex epistola, quam expecto, perspiciam, quid sentias: aut alias abs te literas eliciam. Brundusio nihil dum erat allatum. o rem difficilem, planeque perditam. quam nihil pratermittis in consilio dando: quam nihil tamen, quod tibi ipsi placeat, explicas. non esse me unam cum Pompeio, gaudes: ac proponis, quam sit turpe me adesse, cum quid de illo detrahatur; nefas esse approbare. certe. contra igitur? Dij, inquis, auerrunt. quid ergo fiet, si in altero scelus est, in altero supplicium? impetrabis, inquis, a Caesare, ut tibi abesse liceat, et esse otioso. supplicandum igitur? miserum. quid, si non impetraro? et de triumpho erit, inquis, integrum quid, si hoc ipso premar? accipiam? quid foedius? negem? repudiari se totum, magis etiam, quam olim in XX uiratu, putabit. ac solet, cum se purgat, in me conferre omnem illorum temporum culpam: ita me sibi fuisse inimicum, ut ne honorem quidem a se accipere uellem. quanto nunc hoc idem accipiet asperius? tanto scilicet, quanto et honor hic illo est amplior, et ipse robustior. nam quod negas te dubitare, quin magna in offensa sim apud Pompeium hoc tempore: non uideo causam, cur ita sit, hoc quidem tempore: qui enim amisso Corfinio denique certior me sui consilii fecit, is quaeritur Brundisium me non uenisse, cum inter me, et Brundisium Caesar esset? deinde etiam scit, ἀπαρ' ἐν τῷ ἰατρῷ esse in ea causa querelam suam. me putat de municipiorum imbecillitate, de deletibus, de pace, de Urbe, de pecunia de Piceno occupando plus uidisse, quam se. sin, cum potuero, non uenero: tum erit inimicus: quod ego non eo uereor, ne mihi noceat: (quid enim faciet? τίς ὁ ἐγὼ)

δοῦλα, τοῦτο κενὸν ἀφροντίς ὦν;) sed quia ingrati animi
 crimen horreo. confido igitur aduentum nostrum illi,
 quoquo tempore fuerit, ut scribis, ἀσμένιδον fore. nam
 quod ais, si hic temperantius egerit, consideratius consi-
 lium te daturum: qui hic potest se gerere non perdit?
 uita, mores, ante facta, ratio suscepti negotij, socij, uires
 bonorum, aut etiam constantia? uix dum epistolam
 tuam legeram, cum ad me, currens ad illum, Post-
 humus Curtius uenit, nihil nisi classeis loquēs, & exer-
 citus. eripiebat Hispanias: tenebat Asiam, Siciliam,
 Africam, Sardiniam: confestim in Græciam perseque-
 batur. eundem igitur est, nec tam ut belli, quàm ut fu-
 gæ socij simus: nec enim ferre potero sermones istorum,
 quicumque sunt: non sunt enim certe, ut appellantur,
 boni. sed tamen id ipsum scire cupio, quid loquantur:
 idq; ut exquiras, meq; certiore facias, te uehementer
 rogo. nos adhuc, quid Brundusij actum esset, plane
 nesciebamus: cum sciemus, tum ex re, & ex tempore
 consilium capiemus, sed utemur tuo. Vale.

CICERO ATTICO S.

DOMITII filius transijt Formias VIII. Id.
 currens ad matrē Neapolim, mihiq; nunciari iussit, pa-
 trem ad Urbem esse. cū de eo curiose quæisset seruus
 noster Dionysius. nos autem audieramus eū profectū
 siue ad Pompeium, siue ad Hispaniā. id cuiusmodi sit,
 scire sanè uelim: nam ad id, quod delibero, pertinet,
 si ille certe nusquā discessit, intelligere Cneum, non esse
 faciles nobis ex Italia exitus, cum ea tota armis,

S ij

LIB. IX. EPIST.

præsidijſq; teneatur, hyeme præſertim: nam ſi commo-
 dius anni tempus eſſet: uel infero mari liceret uti. nunc
 nihil poteſt, niſi ſupero, trãſmitti, quò iter intercluſum
 eſt. quæres igitur & de Domitio, & de Lentulo. A
 Brunduſio nulla adhuc fama uenerat: & erat hic dies
 VII. Id. quo die, ſuſpicabamur, aut pridie Brunduſium
 ueniſſe Cæſarem: nam Calendis Arpis manſerat. ſed ſi
 Poſthumum audire uelles, perſecuturus erat Cneum:
 tranſiſſe enim iam putabat coniectura tempeſtatũ, ac
 dierum. ego nautas eum non putabam habiturum: ille
 confidebat, et eo magis, quòd audita nauicularijs homi-
 nis liberalitas eſſet. ſed, tota res Brũduſina iam quo mo-
 do habeat ſe, diutius neſcire non poſſum. Ego et ſi
 tam diu requieſco. quàm diu aut ad ſe ſcribo, aut tuas
 literas lego: tamen & ipſe egeo argumẽto episto-
 larum, & tibi idem accidere certo ſcio: quæ enim ſoluto ani-
 mo familiariter ſcribi ſolent, temporibus his excludun-
 tur: quæ autem ſunt horum temporum, ea tam con-
 tritiuiſus. ſed tamen, ne me totum ægritudini dedam,
 ſumpſi mihi quaſdam tanquam δέσις, quæ & pulci-
 cæ ſunt, & temporum horum, ut et abducã animum
 ab quærelis, & in eo ipſo, de quo agitur, exercear. eæ
 ſunt huiuſmodi. Εἰ μενετέον ἐν τῇ πατρίδι τυραννουμένη
 νῇ, τυραννουμένης δὲ αὐτῆς, εἰ παντὶ τρόπῳ τυραννίδῃ
 κατάλυσιν πειρατέον, καὶ μελλήσῃα τοῦτο περὶ τῶν ὅλων
 ἢ πόλις κινδυνεύειν. εἰ δὲ λαβητέον τὸν καταλόντα, μὴ
 αὐτὸς ἄρῃται, εἰ πειρατέον ἄρῃται τῇ πατρίδι εἰρήνῃ
 μᾶλλον ἢ πολέμῳ. εἰ πολιτικὸν τὸ ἡσυχάζειν ἀναχῶς ἡ-
 σκοντά ποι τῆς πατρίδῃ τυραννουμένης. ἢ διὰ παν-
 τὸς ἰτέον κινδύνου τῆς ἐλευθερίας τέρε. εἰ πόλεμον ἐπα-

κτεόν τῇ χώρᾳ, καὶ πολιορκητέον αὐτῷ τυραννουμένην.
 εἰ καὶ μὴ δοκιμάζοντα πῶς διὰ πολέμου κατάλυσις τῆς
 τυραννίδος συναπογραπτέον ὁμῶς τοῖς ἀρίστοις, εἰ τοῖς
 δειροτέτοις, καὶ φίλοις τυγκινδυνυτέον ἐν τοῖς πολιτικοῖς,
 καὶ μὴ δοκῶσιν οὐ βεβουλεύσασθαι περὶ τῶν ὅλων. εἰ δὲ με-
 γάλα πῶς πατρίδα δειροτέτηςας, δι' αὐτὸ δὲ τοῦτο ἀνέ-
 κεδά παδῶν, καὶ φθονηθεῖς, κινδυνύσαν ἀν' ἐβελοντής
 ὑπὲρ τῆς πατρίδος: ἢ ἀφετέον αὐτῷ ἐαυτοῦ ποτε, καὶ
 τῶν οἰκοτάτων ποιῆσθαι πρόνοιαν ἀφεμένῳ τὰς πρὸς
 τοὺς ἰσχύοντας διαπολιτείας. *in his ego me consultatio-
 nibus exercens, & differens in utranq; partē tum græ-
 ce, tum latine, & abduco parumper animum à mole-
 stijs, & τῶν προύγον τ' delibero. sed uereor, ne tibi
 ἄκουρος sim: si enim recte ambulauit is, qui hanc epi-
 stolam tulit, in ipsum tuum diem incidit. Vale.*

CICERO ATTICO S.

NATALI die tuo scripsisti epistolam ad me ple-
 nam consilij, summāq; τῇ beneuolentiæ, tum etiam pru-
 dentiae. eam mihi Philotimus postridle, quā à te ac-
 ceperat, reddidit. Sunt ista quidem, quæ disputas,
 difficillima, iter ad superum, nauigatio infero, di-
 scessus Arpinum, ne hunc fugisse; mansio Formijs, ne
 obtulisse nos gratulationi uideamur: sed miseriùs ni-
 hil, quā ea uidere, quæ tamen iam, iam inquam ui-
 denda erunt. fuit apud me Posthumus: scripsi ad te,
 quā grauis. uenit ad me etiam Q. Fufius, quo uul-
 tu, quo spiritu; properans Brundisium, scelus ac-
 cusans Pompeij, leuitatem, & stulticiam senatus. hæc

S. iij

LIB. IX. EPIST.

qui in mea uilla non feram, cur tum in curia potero
 ferre? age finge me quamuis ὁ δομάχος hæc feren-
 tem: quid illa, dic M. Tulli, quem habebunt exitum?
 Et omitto causam Reip. quam ego amissam puto cum
 uulneribus suis, tum medicamentis his, quæ parantur:
 de Pompeio quid agam? cui plane (quid enim negem?)
 succensui: semper enim causæ euentorum magis mo-
 uent, quàm ipsa euenta. hæc igitur mala, quibus maio-
 ra esse quæ possunt? considerans, uel potius iudicans
 eius opera accidisse, Et culpa, inimicior erā huic, quàm
 ipsi Cæsari. ut maiores nostri funestiores diem esse uo-
 luerunt Alliensis pugnae, quàm Urbis captæ, quòd hoc
 malum ex illo, itaque alter religiosus etiam nunc dies,
 alter in uulgus ignotus: sic ego decem annorum pecca-
 ta recordās, in quibus inerat ille etiam annus, qui nos,
 * hoc defendente, ne dicam grauius, afflixerat; præsen-
 tisq; temporis cognoscens temeritatem, ignauiam, ne-
 gligentiam, succensebam. sed ea iam mihi exciderūt.
 beneficia eiusdem cogito, cogito etiam dignitatem: in-
 telligo serius equidem, quàm uellem propter episto-
 las, sermonesq; Balbi: sed uideo plane nihil aliud agi,
 nihil actum ab initio, quàm ut hunc occideret. ego
 igitur, si quis apud Homerum, cum ei Et mater, Et
 Dea dixisset, αὐτίκα γὰρ τοι ἔπειτα μέθ' Ἑκτορα πόντα
 μὲν ἔτοιμος, matri ipse respondit, αὐτίκα τεθναίνην ἐπεὶ
 οὐκ ἄρα ἐμὲλλον ἐπαύρω κτενομένῳ ἐπαμύνωαι. quid, si
 non ἐπαύρω solum, sed etiam δὲ ἐγγέτη? adde, tali ui-
 ro, talem causam agenti. Et ego uero hæc officia
 mercanda uita puto. optimatibus uero tuis nihil
 confido, nihil iam ne in seruiο quidem. uideo, ut

se huic dent, ut daturi sint. quidquam tu illa putas
fuisse de ualitudine decreta municipiorum præ his de
uictoria gratulationibus? timent, inquires. at ipsi tum
se timuisse dicunt. sed uideamus, quid actum sit Brunda-
dusij. ex eo fortasse mea consilia nascentur, aliæq; li-
tera. Nos adhuc Brundusio nihil. Roma scripsit Bal-
bus, putare iam Lentulum Cos. transmisisse, nec eum à
minore Balbo conuentum, quod is hoc iam Canusij au-
disset: inde ad se eum scripsisse: cohortesq; sex, quæ
Albæ fuissent, ad Curtium Minutia transisse: id Cæ-
sarem ad se scripsisse, & breui tempore eum ad Vr-
bem futurum. ergo utar tuo consilio, neque me in
Arpinum hoc tempore abdā. etsi, Ciceroni meo to-
gam puram cum dare Arpini uellem, hanc eram ip-
sam excusationem relicturus ad Cæsarem. sed fortasse
in eo ipso offendetur, cur non Romæ potius. sed tamen,
si est conueniendus, hic potissimum. tum reliqua uis-
debimus, id est & quo, & quā, & quando. Do-
mitius, ut audio, in Cossano, & quidem, ut aiunt,
paratus ad nauigandum: si in Hispaniam, non probo:
si ad Cneum, laudo: quouis potius certe, quā ut Cur-
tium uideat, quem ego patronus aspicere non possum.
quid alios? sed opinor quiescamus, ne nostram culpam
coarguamus, qui, dum Urbem, id est patriam, a-
mamus, dumq; rem conuenturam putamus, ita nos
gessimus, ut plane interclusi, captiq; simus. Scripta
iam epistola, Capua literæ sunt allatæ hoc exemplo.
Pompeius mare transijt cum omnibus militibus, quos se-
cum habuit. hic numerus est hominū millia XXX, &
Cōsules duo, et Trib. pl. & senatores, qui fuerant cū eo,

omnes cum uxoribus, & liberis, conscendisse dicitur ad
 IIII. Non. Mart. ex ea die fuere Septentriones uenti.
 naues, quibus usus nō est, omnes aut præcidisse, aut in-
 cendisse dicunt. de hac re literæ L. Metello Trib. pl. Ca-
 puam allatæ sunt ab Clodia socru, quæ ipsa transijt.
 ante sollicitus eram, & angebar, sicut res scilicet ipsa co-
 gebat, cum consilio explicare nihil possem: nunc autem
 postquā Pompeius, & Cōsules ex Italia exierunt, nō an-
 gor sed ardeo dolore. οὐδ' ἐμοὶ ἥτορ ἔμπεδον, ἀλλ' ἄλκι-
 λυκτημαί. non sum inquam (mihi crede) mentis com-
 pos: tantum mihi dedecoris admisisse uideor. me non
 primū cum Pompeio qualicunq; cōsilio uso, deinde cū
 bonis esse, quāuis causa temere instituta? præsertim cū
 ij ipsi, quorum ego causa timidius me fortunæ commit-
 tebam, uxor, filia, Cicerones pueri me illuc sequi mal-
 lent, hoc turpe, & me indignum putarent. nam Quin-
 tus quidē frater, quidquid mihi placeret, id rectum se
 putare aiebat, id animo æquissimo sequebatur. tuas
 nūc epistolas à primo lego. hæc me paulū recreant. pri-
 mæ monent, & rogant, ne me proijciam. proximæ gau-
 dere te ostendunt, me remansisse. eas cum lego, minus
 mihi turpis uideor, sed t. idiu, dum lego. deinde emer-
 git rursus dolor, & αἰσχροῦ παντασίου. quam ob rem
 obsecro te mi Tite, eripe mihi hunc dolorē, aut minus
 saltem aut consolatione, aut consilio, aut quacunque
 re potes. quid tu autem possis? aut quid homo quis-
 quam? uix iam Deus. equidem illud molior, quod tu
 mones sperasq; fieri posse, ut mihi Cæsar cōcedat. ut ab-
 sim, cum aliquid in senatu contra Cneū agatur: sed ti-
 meo, ne non impetrem, uenit ab eo Furnius, ut quidem

scias, quos sequamur: Q. Titinij filium cū Cesare esse nunciat; sed illū maiores mihi gratias agere, quam uelalem. quid autem me roget (paucis ille quidem uerbis, sed ἐν ὀλίγοις) cognosce ex ipsius epistola, me miserum quòd tu non ualueris, unā fuisset: consilium certe non defuisset σὺν τῷ δὲ ἐξ ὁμοῦ. sed acta ne agamus: reliqua paremus. me adhuc hæc duo fefellerunt, initio
 * spes compositionis, qua facta uolebam, ut populari, ut ea solitudine senectutem nostram liberari: deinde bellum crudele, & exitiosum suscipi à Pompeio intelligebam. melioris medijs fidius ciuis, & uiri putabam, quous uis supplicio affici, quàm illi crudelitati nō solum præesse, uerū etiam interesse. uidetur uel mori satius fuisse, quàm esse cum ijs. ad hæc igitur cogita mi Attice, uel potius excogita. quemuis euentum fortius feram, quàm hunc dolorem. Vale.

Cesar Imp. S. D. Ciceroni Imp.

CVM Furniū nostrum tantum uidissem, neque loqui, neque audire me commode potuisset, properarem, atq; essem in itinere præmissis iā legionibus: præterire tamen nō potui, quin & scriberem ad te, & illum mitterem, gratiaq; agerem. etsi hoc officium & feci sæpe, & sæpius mihi facturū uideo: ita de me mereris. in primis à te peto, quoniam confido me celeriter ad Urbem uenturum, ut te ibi uideam, ut tuo cōsilio, gratia, dignitate, ope omnium rerum uti possim. ad propositum reuertar: festinationi meæ, breuitatiq; literarum ignoscas: reliqua ex Furnio cognoscas. Vale.

SCRIPSERAM ad te epistolam, quam darem
 IIII. Id. sed eo die is, cui dare uoluerā, nō est profectus.
 uenit autē eo ipso die ille celeripes, quem Saluius dixe-
 rat: attulit uberrimas tuas literas, quae mihi quiddam,
 quo stare, instillarunt: recreatum enim me non queo
 dicere: sed plane τὸ σὺνέχον effecisti: ego enim nō iam
 id ago, mihi crede, ut prosperos exitus consequar: sic
 enim uideo, nec duobus his uiuis, nec hoc uno nos un-
 quam Remp. habituros. ita neque de otio nostro spero
 iam, nec ullam acerbiter recusor. unum illud extime-
 scebam, ne quid turpiter facerem, uel, dicam, iā effecis-
 sem. sic ergo habeto, salutare te mihi literas misisse,
 neq; solum has longiores, quibus nihil potest esse expli-
 catius, nihil perfectius, sed etiam illas breuiores, in qui-
 bus hoc mihi iucundissimū fuit, cōsiliū, factumq; no-
 strum ab Sexto probari. pergratumq; mihi tu fecisti, a
 quo diligere me, & quid rectum sit, intelligi, scio. longior
 uero tua epistola non me solum, sed meos omnes a gri-
 tudine leuauit. itaque utar tuo consilio, & ero in For-
 miano, ne aut ad Urbem & πᾶν τῆς πόλεως mea animaduerta-
 tur, aut, si nec hic, nec illic eum uidero, deuitatum
 se a me putet. Quod autem suades, ut ab eo petam,
 ut mihi concedat, ut idem tribuam Pompeio, quod ipsi
 tribuerim: id me iam pridem agere intelliges ex literis
 Balbi, & Oppij, quarū exempla tibi misi, nisi etiā Cae-
 saris ad eos sana mente scriptas: quo modo in tanta in-
 sania? si mihi Caesar hoc non cōcedat, uideo tibi illud

placere, me πολιτὸν de pace suscipere: in quo non
extimesco periculum: cum enim tot impendeant, cur
non honestissimo depacisci uelim? sed uereor, ne Pom-
peio quid oneris imponam, μή μοι γογγύην κεφαλὴν δ' ἐν
νοῖο πελώρου intorqueat: mirandum enim in modum
Cneus noster Sullani regni similitudinem concupiuit,
ἀδῶσσι λέγω. nihil inquam ille minus obscure tulit.
cum hoc ne igitur, inquit, esse uis? beneficium sequor,
mihi crede, non causam, ut in Milone, ut in. sed ha-
cenus. causa igitur non bona est? immo optima: sed
agetur (memento) foedissime. primum, consilium est,
suffocare Urbem, & Italiam fame: deinde, agros uasta-
re, urere, pecunijs locupletum non abstinere. sed cum
eadem metuum ab hac parte: si illinc beneficium nō sit,
rectius putem quiduis domi perpeti. sed ita meruisse il-
lum de me puto, ut ἀχαρίδιος crimen subire non aua-
deam. quanquam à te eius quoque rei iusta defensio
est explicita. De triumpho tibi assentior. quem qui-
dem totum facile, & libenter abiecero. egregie pro-
bo fore, ut, dum igamus, ὁ πλοῦς ὠρεῖται & obrepat: si mo-
do, inquit, satis ille erit firmus. est firmior etiam, quàm
putabamus. de isto licet bene speres: promitto tibi,
si ualebit, regulam illum in Italia nullam relictu-
rum. tēne igitur socio? contra mehercule meum iudi-
cium, & contra omnium antiquorum auctoritatem:
nec tam ut illa adiuuem, quàm ut hæc ne uideā, cupio
discedere: noli enim putare tolerabiles horum insanias,
nec uniusmodi fore: etsi quid te horum fugit, legibus,
iudicijs, senatu sublato, libidines, audacias, sumptus,
egestates tot egenuissimorum hominum nec priua-

LIB. IX. EPIST.

tas posse res, nec Remp. sustinere? abeamus igitur inde qualibet navigatione: et si id quidem, ut tibi uidebitur: sed certe abeamus: sciemus enim id, quod expectas, qd Brūdusij actum sit. Bonis uiris qd ais probari, quæ adhuc fecerimus, sciriq; ab ijs nō profectis, ualde gaudeo, si est nunc ullus gaudendi locus. De Lentulo inuestigabo diligentius: id mandavi Philotimo, homini fortis, ac nimium optimati. Extremum est, ut tibi argumentum ad scribendum fortasse iam desit: nec enim alia de re nunc ulla scribi potest: & de hac quid iam amplius inueniri potest? sed quoniam & ingenium suppeditat (dico mehercule, ut sentio) & amor, quo & meū ingenium incitatur: perge, ut facis, & scribe, quantum potes. In Epeirum quod me nō inuitas, comitem non molestum: subirascor: sed uale: nam, ut tibi ambulandum, unguendum, sic mihi dormiendum: etenim literæ tuæ mihi somnum attulerunt.

CICERO ATTICO S.

COENANTIBVS prid. Id. nobis, ac noctu quidam, Staius à te epistolā breuē attulit. De L. Torquato quid modo quæris? non modo Lucius, sed etiam Aulus profectus est, alij multi. De Reatinorum corona: quod scribis, moleste fero in agro Sabino sementem fieri proscriptionis. Senatores multos esse Romæ, nos quoque audieramus. ecquid potes dicere, cur exierint? In his locis opinio est coniectura magis, quàm nuncio, aut literis, Cæsarem Formijs ad XI. Cal. Apr. fore. hic ego uellem habere Homerī illam Mineruam simulatam Mentori, cui dicerem, Μέντορ πῶς τ' ἄρ' ἴω,

πῶς τ' ἄρ' προωτῶσθαι αὐτὸν? nullam rem unquam
difficiliorem cogitavi, sed cogito tamen, nec ero, ut in
malis. imparatus: sed cura, ut ualeas: puto enim diem
tuum heri fuisse.

Cæsar Oppio, Cornelio S.

GAVDEO mehercule uos significare literis, quàm
ualde probetis ea, quæ apud Cornificium sunt gesta. con-
silio uestro utar libenter, & hoc libentius, quòd mea
sponte facere constitueram, ut quamlenissimum me
præberem, & Pompeium, darem operam, ut reconcilia-
rem. tentemus, hoc modo si possumus omnium uolun-
tates recuperare, & diuturna uictoria uti, quoniam
reliqui crudelitate odium effugere non potuerunt, nec
que uictoriam diutius tenere, præter unum L. Sullam,
quem imitaturus non sum. hæc noua sit ratio uincendi
ut misericordia, & liberalitate nos muniamus. id
quemadmodum fieri possit, nonnulla mihi in men-
tem ueniunt, & multa reperiri possunt. de his rebus,
rogo uos, ut cogitationem suscipiatis. Cn. Magiū Pom-
peij præfectum deprehendi: scilicet meo instituto usus
sum, & eum statim missum feci. iam duo præfecti fa-
brum Pompeij in meam potestatem uenerunt, & à me
missi sunt. si uolent grati esse, debebunt Pompeium hor-
tari, ut malit mihi esse amicus, quàm ijs, qui & illi,
& mihi semper fuerunt inimicissimi: quorum artifi-
cij effectum est, ut resp. in hunc statum perueniret.

Balbus Ciceroni Imp. S.

SUBITO, posteaquam literas cōmunes cum Opio ad te dedi, ab Cæsare epistolā accepi, cuius exēplum tibi misi, ex quibus perspicere poteris, quā cupiat concordiam, & Pompeiū reconciliare, & quā remotus sit ab omni crudelitate, quod eum sentire, ut debeo, ualde gaudeo. De te, & tua fide, & pietate idem mehercule mi Cicero sentio, quod tu, non posse tuam famam et officium sustinere, ut contra eum arma feras, à quo tantum beneficium te accepisse prædices. Cæsarem hoc idem probaturum, exploratum pro singulari eius humanitate habeo: eiq; cumulatissime satisfacturū te certo scio, cum nullam partem belli contra eum suscipias, neque socius eius aduersarijs fueris. atque hoc nō solum in te tali, & tanto uiro satis habebit, sed etiam mihi ipse sua concessit bonitate, ne in ijs castris esse, quæ cōtra Lentulum, aut Pompeium futura essent, quorum beneficia maxima haberem: sibiq; satis esse dixit, si togatus urbana officia sibi præstitissem, quæ etiā illi, si uellem, præstare possem. itaq; nunc Romæ omnia negotia Lentuli procuro, sustineo; meumq; officium, fidem, pietatē, ijs præsto. sed mehercule rursus tam abiectam compositionis spem nō desperatissimam esse puto, quoniā Cæsar est ea mente, qua optare debemus. hac re mihi placet, si tibi uidetur, te ad eum scribere, et ab eo præsidium petere, ut petisti à Pompeio, me quidē approbante, temporibus Milonianis. præstabo (si Cæsare bene noui) eum prius tuæ dignitatis, q̄ suæ utilitatis rationē habiturū.

hæc quàm prudenter tibi scribam, nescio: sed illud cer-
te scio, me ab singulari amore, ac beneuolentia, quæcun-
que scribo, tibi scribere, quòd te (ita incolumi Cæsare
moriar) tãti facio, ut paucos æque ac te caros habeam.
de hac re cum aliquid constitueris, uelim mihi scribas:
nam non mediocriter laboro, ut utrique, ut uis, tuam
beneuolentiam præstare possis: quam mehercule te præ-
staturum confido. Fac ualeas.

Balbus, & Oppius S. D. M. Ciceroni.

NEDVM hominum humilium, ut nos sumus, sed
etiam amplissimorum uirorum consilia ex euentu, non
ex uoluntate à plerisq; probari solent: tamen freti tua
humanitate, quod uerissimũ nobis uidebitur, de eo qd
ad nos scripsisti, tibi consilium dabimus: quod si nõ fue-
rit prudens, at certe ab optima fide, & optimo animo
proficiscetur. Nos, nisi id, quod nostro iudicio Cæsarem
facere oportere existimamus, ut, simul Romam uenerit,
agat de reconciliatione gratiæ suæ, & Põpeij, id eũ fa-
cturũ ex ipso cognouissemus: te hortari desineremus, ut
uelles his rebus interesse, quo facilius, & maiore cũ di-
gnitate p te, qui utriq; es cõiunctus, res tota confieret:
aut, si ex cõtrario putaremus, Cæsarem id non facturũ,
et eũ uelle cũ Põpeio bellũ gerere sciremus; nunquã tibi
suaderemus, contra hominẽ optime de te meritũ arma
ferres, sicuti te semp orauimus, ne cõtra Cæsarẽ pugna-
res. sed cũ etiam nũ, quid facturũ Cæsar sit, magis opi-
nari, q̃ scire possimus: nõ possumus nisi hoc, nõ uideri eã
tuã esse dignitatẽ, neq; fidẽ omnibus cognitã, ut cõtra

LIB. IX. EPIST.

alterutrum, cum utrique sis maxime necessarius. arma
feras & hoc, nō dubitamus, quin Cæsar pro sua huma-
nitate maxime sit probaturus. nos tamen (si tibi uidebi-
tur) ad Cæsarem scribemus, ut nos certiores faciat, quid
in hac re acturus sit. à quo si erit nobis rescriptum, stas-
sim, quæ sentiemus, ad te scribemus, & tibi fidem facie-
mus, nos ea suadere, quæ nobis uidentur tuæ dignitati,
non Cæsaris rationi, esse utilissima. & hoc Cæsare pro
sua indulgentia in suos probaturum putamus. Vale.

CICERO ATTICO S.

TREIS epistolas tuas accepi postridie Iduū: erant
autem IIII.III. prid. Id. data. igitur antiquissima
cuique primum respondebo. Assentio tibi, ut in For-
miano potissimum commorer. & iam de supero mari
* plaboque, ut antea ad te scripsi, et quonā modo possem
uoluntate eius nullā reipub. partem attingere. Quod
laudas, quia obliuisci me scripsi antefacta, & dicta no-
stri amici: ego uero ita facio, quin ea ipsa, quæ à te cō-
memorantur, secus ab eo in me ipsum facta esse non
memini: tanto plus apud me ualere beneficij gratiam,
quā iniuriæ dolorem uolo. faciamus igitur, ut cen-
* ses, colligamusq; nos: festiuo enim simili urus decurro,
atque cursu. De ceteris meas commentari non desino: sed
sunt quedam earum perdifficiles ad iudicandum.
De optimatibus sit sanè ita, ut uis: sed nosti illud, Διό-
vov & ἐν Κορίνθῳ. Titinij filius apud Cæsarem est.
Quod autem quasi uereri uideris, ne mihi tua consi-
lia displiceant: me uero nihil delectat aliud, nisi consi-
lium, & literæ tuæ. quare fac, ut ostendis; ne deslites-
ris

ris ad me, quidquid tibi in mētem uenerit, scribere. mihi nihil potest esse gratius. Venio ad alteram nūc epistolam. recte non credis de numero militū: ipso dimidio plus scripsit Clodia. falsum etiam de corruptis nauibus. Quod Cōsules laudas, ego quoq; animum laudo, consilium reprehendo: discessu enim illorum, actio de pace sublata est, quam quidem ego meditabar: itaq; postea Demetrii librum de concordia tibi remisi, et Philotimo dedi. nec uero dubito, quin exitiosum bellū impendat, cuius initium ducetur a fame. & me tamen doleo nō interesse huic bello, in quo tanta uis sceleris futura est, ut, cum parentis non alere nefarium sit, nostri principes antiquissimam, & sanctissimam parentem patriam fame necandam putent. atq; hoc nō opinione timeo, sed interfui sermonibus. omnis hęc classis, Alexandria, Colchis, Tyro, Sidone, Andro, Cyprio, Pamphylia, Lycia, Rhodo, Chio, Bizatio, Lesbo, Smyrna, Myleto, Co, ad intercludendos commeatus Italiae, & ad occupandas frumētarias prouincias comparatur. at quā ueniet iratus, & ijs quidem maxime, qui eam maxime saluam uolebant, quasi relictus ab ijs, quos reliquit. itaque mihi dubitanti, quid me facere par sit, permagnum pondus affert beneuolentia erga illum: qua dempta, perire melius esset in patria, quā patriam seruando euertere. De Septentrione plane ita est. metuo, ne ueretur Epeirus. sed quem tu locum Græciæ non direptum iri putas? prædicat enim palam, & militibus ostendit, se largitione ipsa superiorem, quā hunc, fore.

Illud me præclare admones, cum illū uidero, ne nimis indulgenter, & ut cum gravitate potius loquar.

T

plane sic faciendum. Arpinum, cum eum conuenero, cogito, ne forte aut absim, cum ueniet, aut cursem huc illuc uia deterrima. Bibulum, ut scribis, audio uenisse, et redisse prid. Id. Philotimum, ut ais epistola tertia, expectabas. at ille Idibus à me profectus est. eo seri-
 rius ad tuā illam epistolam, cui ego statim rescripserā, redditæ sunt meæ literæ. De Domitio, ut scribis, ita opinor esse, ut et in Cosano sit, et consilium eius igno-
 retur. iste omnium turpissimus, et sordidissimus, qui consularia comitia à Prætoribus ait haberi posse, est idem, qui semper in Rep. fuit. itaque nimirum hoc illud est, quod Cæsar scribit in ea epistola, cuius exemplum ad te misi, se uelle uti **CONSILIO** meo: age esto hoc cōmune: **GRATIA**: ineptū id quidē, sed puto hoc si-
 mulat ad quasdā senatorū sententias: **DIGNITA-
 TE**, fortasse sententia consularis: illud extremū est, **OPE** omniū rerū: id ego suspicari coepi tum ex tuis literis, aut hoc ipsum esse, aut nō multo secus: nā per-
 magni eius interest, rem ad interregnum nō uenire. id assequitur, si per Prætores Consules creantur. nos autē in libris habemus, nō modo Consules à Prætoribus, sed ne Prætores quidem creari ius esse, idq; factum esse nū-
 quam: Consules, eo nō esse ius, q̄ maius imperium à minore rogari non sit ius: Prætores autem, cum ita ro-
 gentur, ut collegæ Consulū sint, quorum est maius im-
 perium. aberit nō longe, quin hoc à me decerni uelit, neque sit contentus Galba, Scauola, Cassio, Antonio.
 τότε μοι χάρις εὐγεῖα χεῖρ. sed, quanta tempestas impē-
 deat, uides. Qui transierint senatores, scribam ad te, cum certum habebo. De re frumentaria recte intelli-

gis, quæ nullo modo administrari sine uectigalibus potest: nec sine causa et eos, qui circum illum sunt, omnia postulanters, & bellum nefariū times. Trebatium nostrum, etsi, ut scribis, nihil bene sperat, tamen uidere sanè uelim. quem fac horteris, ut properet: opportune enim ad me ante aduētum Caesaris uenerit. De Lanui no, statim, ut audiui Phameā mortuum, optaui, si modo esset futura Resp. ut id aliquis emeret meorum: neq; tamen de te, qui maxime meus, cogitaui: sciebam enim de quoto anno, & quātum in solo solere quærere, neq; * solum Romæ, sed etiam delictum digamma uiderē. ueruntamen ego illud, quanquam est bellum, minoris aestimo, quàm aestimabatur Marcellino Cos. cum ego istos hortulos propter domum, Antiq quam tum habebā, iucundiores mihi fore putabam, et minore impēsa, quàm * si Tusculanū refecissem. uolui HS. Q. egi per prædem, illi daret, Antiq cum haberet uenale: noluit. sed nunc omnia ista iacere puto propter numorum caritatem. mihi quidem erit aptissimum, uel nobis potius, si tu emeris: sed eius dementias caue contemnas: ualde est uenustum. quanquam mihi ista omnia iam addicta uasitanti uidentur. respondi epistolis tribus: sed exspecto tuas: nam me adhuc tuæ literæ sustentarunt. Data Liberalibus.

CICERO ATTICO S.

N I H I L habebam, quod scriberē: neq; enim noui quidquam audierā, et ad tuas omnes rescripserā pridie. sed cū me agritudo nō solū somno priuaret, uerū ne uigila

T ij

LIB. IX. EPIST.

re quidē sine summo dolore pateretur : tecum ut quasi loquerer, in quo uno acquiesco, hoc nescio quid nullo argumento proposito scribere institui. Amēs mihi fuisse uideor à principio, & me una hæc res torquet, quòd non omnibus in rebus labentem, uel potius ruentem Pòpeium tanquam unus manipularis secutus sim. uidi hominem XIII. Cal. Febr. plenum formidinis. illo ipso die sensi, quid ageret. nunquam mihi postea placuit, nec unquam aliud in alio peccare destitit. nihil interim ad me scire, nihil nisi fugam cogitare. quid quæris? sicut ἐν τοῖς ἐξωτερικοῖς alienantur immundæ, insulsæ, indecoræ : sic me illius fugæ, negligentiaq; deformitas auertit ab amore : nihil enim dignum faciebat, quare eius fugæ comitem me adiungerem. nunc emergit amor : nunc desiderium ferre non possum : nunc mihi nihil libri, nihil literæ, nihil doctrina prodest. itaque dies & noctes, tanquam auis illa, mare prospecto, euolare cupio. do, do pœnas temeritatis meæ. etsi quæ fuit illa temeritas? quid feci non consideratissime? si enim nihil præter fugam quæreretur, fugissem libentissime : sed genus belli crudelissimi, & maximi, quod non dum uident homines quale futurum sit, perhorruì. quæ minæ municipiis? quæ nominatim uiris bonis? quæ denique omnibus, qui remansissent? quàm crebro illud? Sulla potuit, ego nō potero? mihi autem hæserūt illa. male Tarquinius, qui Porsenam, qui Octauium Manilium contra patriam : impie Coriolanus, qui auxilium petijt à Volscis : recte Themistocles, q̄ mori maluit : nefarius Hippas Pisistrati filius, qui in Marathonìa pugna cecidit, arma contra patriam ferens. at Sulla, at Marius,

at Cinna recte, immo iure fortasse. sed quid eorum uis-
etoria crudelius? quid funestius? huius belli genus fu-
gi, & eo magis, quod crudeliora etiam cogitari, et pa-
rari uidebam. me, quem non nulli cōseruatorem istius
urbis, quem parentem esse dixerūt, Getarum, & Arme-
niorum, & Colchorum copias ad eam adducere? me
meis ciuibus famem, uastitatem inferre Italiae? hūc pri-
mū mortalem esse, deinde etiam multis modis posse ex-
tingui cogitabam: Urbem autem, et populum nostrum
seruandum ad immortalitatem, quantū in nobis esset,
putabam. & tamen spes quaedam me obtentabat, fo-
re, ut aliquid conueniret potius, quā aut hic tantum
sceleris, aut ille tantum flagitij admitteret. alia res nūc
tota est, alia mea. sol (ut est in tua quadam epistola) ex-
cidisse mihi ē mundo uidetur. ut aegroto, dum anima
est, spes esse dicitur: sic ego, quoad Pompeius in Italia
fuit, sperare non destiti. haec me fefellerūt, & (ut ue-
rum loquar) aetas iam à diuturnis laboribus deuexa ad
otium, domesticarum me rerum delectatione molliuit.
nunc siue periculo experiundum erit, experiar certe, ut
hinc auolē: ante oportuit fortasse: sed ea, quae scripsi-
sti, me tardarūt, & auctoritas maxime tua: nam cū
ad hūc locum uenissem, euolui uolumen epistolarum
tuarum, quod ego sub signo habeo, seruoq; diligentissi-
me. erat igitur in ea, quam X. Cal. Febr. dederas hoc
modo. SED uideamus, & Cneus quid agat, et illi-
us rationes quorsum fluant. quod si iste Italiam relin-
quet, faciet omnino male, et, ut ego existimo, ἀλγί-
στος, sed tum demum consilia nostra commutanda
erunt. hoc scribis post diem quartum, quā ab Vrbe

T iij

LIB. IX. EPIST.

discessimus. deinde VIII. Cal. Febr. TANTVM
 MODO Cneus noster ne, ut Urbem ἀλογίστως reli-
 quit, sic Italiam relinquat. eodem die das alteras lite-
 ras, quibus mihi consulenti planissime respondes: est. n.
 sic. SED uenio ad consultationem tuam. si Cneus
 Italia cedit, in Urbem redeundum puto: qui enim finis
 peregrinationis? hoc mihi plane hæsit: et nunc ita ui-
 deo, infinitum bellum iunctum miserrima fuga, quā tu
 peregrinationem ὑποκόριζῃ. sequitur χρεσμός VI.
 Cal. Febr. EGO, si Pompeius manet in Italia, nec
 res ad pacem uenit, longius bellum puto fore: sin
 Italiam relinquit, ad posterum bellum ἀσπονδον strui
 existimo. huius igitur belli ego particeps, & socius, et
 adiutor esse cogor, quod et ἀσπονδον, & cum ciuibus.
 deinde VI. Id. Febr. cū iam plura audires de Pompeij
 consilio, concludis epistolā quandā hoc modo. EGO
 quidem tibi non sim auctor, si Pompeius Italiam relin-
 quit, te quoq; profugere: summo enim periculo facies,
 nec Reip. proderis, cui quidē posterius poteris prodesse,
 si manseris. quem φιλόπατρι, ac πολιτικόν hominis
 prudentis, et amici tali admonitu nō moueret auctori-
 tas? deinceps III. Id. Febr. iterum mihi respondes cō-
 * sulenti, sic. QVOD quæris à me, fugam ne fidam,
 an moram deferendam utiliorem putem: ego uero in
 præsentia subitum discessum, & præcipitem profectio-
 nem cum tibi, tum ipsi Cneo inutilem, & periculosam
 puto: & satius esse existimo, uos dispersitos, & in spe-
 culis esse: sed mediusfidius turpe nobis puto esse de fu-
 ga cogitare. hoc turpe Cneus noster biennio ante co-
 gitauit: ita Sullaturit animus eius, et proscripturit ian-

diu. inde, ut opinor, cum tu ad me quædam γενικώτερον
scripsisses, et ego mihi à te quædā significari putassem,
ut Italia cederem: detestaris hoc diligenter XI. Cal.

Mart. EGO uero nulla epistola significavi, si Cneus
Italia cederet, ut tu unā cederes: aut, si significavi, nō
dico fui inconstans, sed demens. in eadem epistola alio
loco. NIHIL relinquitur, nisi fuga: cui te sociū
neutiquam puto esse oportere, nec unquā putavi. Totā
autem hæc deliberationem euoluis accuratius in literis
VIII. Cal. Mart. datis. SI M. Lepidus, & L. Volca-
tius remanent, manendum puto, ita, ut, si saluus sit Pō-
peius, & cōstiterit alicubi, hæc vexīlīa relinquant, & te
in certamine uinci cum illo facilius patiaris, q̄ cū hoc in
ea, quæ perspicitur, futura colluuiē regnare. multa di-
sputas huic sententiæ convenientia. inde ad extremū.

QVID si, inquis, LEPIDVS, & Volcatius di-
scedunt? plane ἀπορῶ. quod euenerit igitur, & quod
egeris, id στερεώτερον putabo. si tum dubitares, nunc cer-
te non dubitas istis manentibus. deinde in ipsa fuga
V. Cal. Mart. INTÉREA nō dubito, quin in For-
miano māsurus sis. cōmodissime. n. τὸ μέλλον ibi καρα-
δοκίσεις. ad Cal. Mart. cū ille quintū iam diē Brūdi-
sij esset. TVM poterimus deliberare, non, s. integra-
re, sed certe minus infracta, q̄ si unā proieceris te. de
inde III. Non. Mart. ὑπὸ τῷ λήπῳ cū breuiter scri-
beres, tamen ponis hoc. CRAS scribam plura, &
ad omnia: hoc tamen dicam, non poenitere me consilij
de tua mansione: & quanquam magna solitudine, ta-
mē quia minus mali puto esse, q̄ in illa profectione, ma-
neo in sentētia, et gaudeo te māsisse. Cū uero iam an-

T iiij

LIB. IX. EPIST.

gerer, & timerem, ne quid à me dedecoris esset admis-
sum, III. Non. Mart. T A M E N te non esse unà
cum Pompeio, non fero moleste. postea si opus fuerit, nō
erit difficile: & illi, quoquo tempore fiet, erit ἀσμενι-
στον. sed hoc ita dico, si hic qua ratione initium fecit,
eadem cetera ager, sincere, temperate, prudenter, ualde
uidero, & consideratius utilitati nostræ consulero.
VII. Id. Mart. scribis, Peduceo quoq; nostro probari,
quod quærim: cuius auctoritas multum apud me ua-
let. his ego tuis scriptis me consolor, ut nihil à me ad-
huc delictum putem. tu modo auctoritatem tuam de-
* fendito, aduersus me nihil opus esse, conscius ego alijs.
ego, si nihil peccaui, reliqua tuebor. ad ea tute hortare,
et me omnino tua cogitatione adiunua. hic nihil dum de
reditu Cæsaris audiebatur. ego his literis hoc tamē pro-
feci: perlegi omnes tuas, & in eo acquieui. Lentulū
nostrum scis Puteolis esse: quod cum è uiatore quodam
esset auditum, qui se diceret, eum in Appia, cū is pau-
lum lecticam aperuisset, cognosse, etsi uix uerisimile,
misi tamen Puteolos pueros, qui peruestigarent, & ad
eum literas. inuentus est uix, in hortis suis se occultās,
literasq; mihi remisit, mirifice gratias agens Cæsari: de
suo autem consilio C. Cæcio mandata ad me dedisse.
eum ego hodie expectabam, id est XIIII. Cal. Apr.
uenit etiam ad me Matius Quinquatribus, homo me-
hercule, ut mihi uisus est, temperatus, & prudens:
existimatus quidem est semper auctor otij. quā ille
hæc non probare mihi quidem uisus est? quā illam
uexiγev (ut tu appellas) timere? huic ego in mul-
to sermone epistolam ad me Cæsaris ostendi, eam,

cuius exemplum ad te antea misi: rogauitque, ut interpretaretur, quid esset, quod ille scriberet, consilio meo se uti uelle, gratia, dignitate, ope rerum omnium. respondit, se non dubitare, quin & opem, & gratiam meam ille ad pacificationem quaereret. utinam aliquod in hac miseria Reip. πολιτικὸν opus efficere, et nauare mihi liceat. Matius quidem et illum in ea sententia esse confidebat, & se auctorem fore pollicebatur. Pridie autem apud me Crassipes fuerat, qui se prid. Non. Martij Brundisio profectum, atque ibi Pompeium reliquisse dicebat. quod etiam, qui VII. Id. illinc profecti erant, nuntiabant: illa uero omnes, in quibus etiam Crassipes, qui prudentia potuit attendere sermones, minacis inimicos optimatum, municipiorum hostes, meras proscriptiones, meros Sullas: quæ Luceiū loqui, quæ totam Græciam, quæ uero Theophanem. & tamen omnis spes salutis in illis est: & ego excubo animo, nec partem ullā capio quietis: et, ut has pestes effugiam, cum dissimillimis nostri esse cupio: quid enim tu illuc Scipionē, quid Faustum, quid Libonem prætermisurum sceleris putas? quorum creditores conuenire dicuntur: quid eos autem, cum uicerint, in ciues effecturos? quam uero putas μακροβύτην Cnei nostri esse? nuntiant Aegyptum, & Arabiam ἐν δούλοις cogitare, Hispaniam abieciisse. monstra narrant: quæ falsa esse possunt: sed certe & hæc perdita sunt, & illa non salutaria. Tuas literas iam desidero. post fugam nostram, nunquam iam nostrum earum interuallum fuit. Misi ad te exemplum literarum mearum ad Casarem, quibus me aliquid profecturum puto. Vale.

Cicero Imp. S. D. Cæsari Imp.

V T legi tuas literas, quas ab Furnio nostro acceperam, quibus mecum agebas, ut ad Urbem essem, te uelle uti consilio, & dignitate mea; minus sum admiratus: de gratia, & de ope quid significares, mecum ipse querebam: spe tamen deducebar ad eam cogitationem, ut te pro tua admirabili, ac singulari sapientia de otio, de pace, de concordia ciuium agi uelle arbitrarer: & ad eam rationem existimabam satis aptam esse et naturā, & personam meam. quod si ita est, & si qua de Pompeio nostro tuendo, & tibi, ac Reip. reconciliando cura te attingit: magis idoneum, quam ego sum, ad eā causam profecto reperies neminem: qui & illi semper, & senatui, cum primum potui, pacis auctor fui; nec sumptis armis belli ullam partē attigi; iudicauiq; te eo bello uiolari, contra cuius honorem populi R. beneficio concessum inimici, atq; inuidi niterentur. sed, ut eo tempore non modo ipse auctor dignitatis tuæ fui, uerum etiam cæteris auctor ad te adiuuandum: sic me nunc Pompeij dignitas uehementer mouet: aliquot enim sunt anni, cum uos duos delegi, quos præcipue colerem, & quibus essem, sicut sum, amicissimus. quam ob rem à te peto, uel potius precibus omnibus oro, & obtestor, ut in tuis maximis curis aliquid impertias temporis huic quoq; cogitatiōi, ut tuo beneficio bonus uir, gratus, pius deniq; esse in maximi beneficii memoria possim. quæ si tantum ad me ipsum pertinerent, sperarem me à te tamen impetraturum: sed, ut arbitror, & ad tuam fi-

dem, et ad Remp. pertinet, me & pacis utriusq; uestrū,
& ad ciuium concordiam, per te, quam accommodatissi-
mum, conseruari. Ego, cum antea tibi de Lentulo gra-
tias egissem, cum ei saluti, qui mihi fuerat, fuisses: ta-
men eius literis lectis, quas ad me gratissimo animo de
tua liberalitate, beneficioq; misit, eandem me salutem
à te accepisse putauī, quam ille. in quem si me intel-
ligis esse gratum, cura obsecro, ut etiam in Pompeium
esse possim. Vale.

CICERO ATTICO S.

L E G E B A M tuas literas XIII. Cal. cū mihi episto-
la affertur à Lepta, circumuallatum esse Pompeium,
ratibus etiam exitus portus teneri. nō mediū fidiū prae-
lacrymis possum reliqua nec cogitare, nec scribere. misi
ad te exemplum. miseros nos, cur non omnes fatum
illius undā executi sumus? ecce eadem à Matio, & Tre-
batio: quibus Minturnis obuij Caesaris tabellarij. tor-
queor infelix, ut iam illum Mutianum exitum exoptē.
at quā honesta, at quā expedita tua consilia? quā
euigilata tuis cogitationibus? quā itineris, quā nauig-
ationis, quā congressus, sermonisq; cum Caesare. o-
mnia tum honesta, tum cauta. in Eperrum uero in-
uitatio quā suauis, quā liberalis, quā frater-
na? De Dionysio sum admiratus: qui apud me ho-
noratior fuit, quā apud Scipionem Panatius: à quo
impurissime haec, haec nostra fortuna despecta est.
odi hominem, et odero: utinam ulcisci possem: sed il-
lum ulciscuntur mores sui. Tu quāso nunc uel ma-

LIB. IX. EPIST.

xime, quid agendum nobis sit, cogita. populi R. exercitus
 Cn. Pompeiū circumsidet: fossa et uallo septū tenet: fu-
 ga prohibet. nos uiuimus, et stat urbs ista? Prætores ius
 dicunt? Aediles ludos parāt? uiri boni usuras perscri-
 bunt? ego ipse sedeo? coner illuc ire, ut insanus? im-
 plorare fidem municipiorum? boni non sequentur, le-
 ues irridebunt; rerum nouarum cupidi, uictores præser-
 tim, & armati, uim, et manus asferent. quid censes igi-
 * tur? & quidnam est tui consilij ad finis huius miserrimæ
 uitæ? nunc doleo, nunc torqueor, cum quibusdam
 aut sapiens uideor, quod unā non ierim; aut felix fuisse:
 mihi contra: nunquam enim illius uictoriæ socius
 esse uolui, calamitatis malletm fuisse. quid ego nunc
 tuas literas, quid tuam prudentiam, aut beneuolentiam
 implorem? actum est. nulla re iam possum iuuari,
 qui ne quid optem quidem iā habeo, nisi ut aliqua ini-
 mici misericordia liberetur. οὐκ ἔστιν ἐτυμος λόγος (ut
 opinor) ille de ratibus: quid enim est, quod Dolabel-
 la ijs literis, quas I. I. Id. Mart. à Brundisio dedit,
 hanc εὐμεγείαν quasi Cæsaris scriberet, Pompeium in
 fuga esse? eumq; primo uento nauigaturum? quod
 ualde discrepat ab ijs epistolis, quarum exempla antea
 ad te misi. hic quidem mera scelera loquuntur: sed
 non erat nec recentior auctor, nec huius rei quidem
 melior Dolabella. Vale.

CICERO ATTICO S.

T V A S. XI. Cal. accepi literas, quibus omnia consilia
 differs in id tempus, cum scierimus, quid actum sit. &

certe ita est: nec interim potest quidquam statui, ne cogitari quidem. quāquam hæ mihi literæ Dolabellæ iubent ad pristinas cogitationes reuerti: fuit enim pridie Quinquatrus egregia tempestas, qua ego illum usum puto. συνταγμα consiliorum tuorum non est à me collecta ad querelam, sed magis ad consolationem meam: nec enim me tā hæc mala angebāt, quā suspicio culpæ, ac temeritatis meæ. eam nullam puto esse, quoniam cum consilijs tuis mea et facta, et consilia consentiunt.

Quod mea prædicatione factum esse scribis magis, quā illius merito, ut tātum ei debere uiderer: est ita. ego illa extuli semper, et eo quidem magis, ne quid ille superiorum meminisse me putaret. quæ si maxime meminissem, tamen illius temporis similitudinem iam si quid deberem. nihil me adiunxit, cum posset: et postea fuit amicus, et tam ualde, et quam ob causam, plane scio. ergo ego quoque illi. quin etiam illud par in utroque nostrum, quod ab eisdem illecti sumus. sed utinam tantum ego ei prodesse potuissem, quantum ille mihi potuit. mihi tamen, quod fecit, est gratissimum. nec ego, eum nūc iuuare qua re possim, scio: nec, si possem, cum tam pestiferum bellum pararet, adiunxerem. tantum offendere animū eius hic manēs nolo. nec me hercule ista uidere, quæ tu potes iam animo providere, nec interesse istis malis possem: sed eo tardior ad discedendum fui, quod difficile est de discessu uoluntario sine ulla spe reditus cogitare: nam ego hunc ita paratum uideo peditatu, equitatu, classibus, auxilijs Gallorum, quos Matius ἑσάλμζεν (ut puto) sed certe dicebat, peditum, equitum se polliceri sumptu suo annos decem.

sed sit hoc λάπις μ. magnas habet certe copias, et ha-
 bebit non ille uectigal, sed ciuium bona. adde confiden-
 tiam hominis, adde imbecillitatem bonorum uiuorum,
 qui quidem, quod illum sibi merito iratum putant, ode-
 * runt. ut tu scribis ludum. ac uellem, scribis, quisnam
 hac significasset. sed et iste, quia plus ostenderat, quam
 fecit, & uulgo illum, qui amarunt, non amant. muni-
 cipia uero, & rustici Romani illum metuunt, hunc ad-
 huc diligunt. quare ita paratus est, ut, etiam si uincere
 non possit, quo modo tamen ipse uinci possit, nō uideā.
 ego autem non tam γοντείαν huius timeo, quam πει-
 θανή γκην: αἱ γὰρ τῶν τυράννων δέσεις, inquit Πλάτων,
 οἷοδ' ὅτι μεμιγμένοι ἀνέγκους. illa ἀλιμένα uideo tibi nō
 probari: quæ ne mihi quidem placebant: sed habebā in
 illis & occultationem, et ὑπαγοσίαν fidelem. quæ si mi-
 hi Brundisij suppetant, mallet: sed ibi occultatio nul-
 la est. uerum (ut scribis) cum scimus. uiris bonis me
 non nimis excuso: quas eos enim cœnas & facere, &
 obire scripsit ad me Sextus? quàm lautas, quàm tempe-
 stiuias? sed sint quamuis boni: non sunt meliores, quàm
 nos: mouerēt me, si essent fortiores. De Lanuino Pha-
 meæ erravi: Troianum somniaueram. id ego uolui Q.
 sed plurius est. istuc tamē cuperem emerere, si ullam spem
 fruendi uiderem. Nos quæ monstra quotidie intelliga-
 mus, ex illo libello, qui in epistolam coniectus est. Len-
 tulus noster Puteolis est, αἰ δὲ μόνον, ut Cæcius narrat.
 quid agat? Διὰ τοῦτον Corfiniensem reformidat: Pom-
 peio nunc putat satisfactum: beneficio Cæsaris moue-
 * tur: sed tamen mouetur magis prospecta re, nec hæc
 posse ferre. omnia misera: sed hoc nihil miserius.

Pompeius Cn. Magium de pace misit, et tamen oppugnatur: quod ego non credebam: sed habeo à Balbo literas, quarum ad te exemplum misi. lege, quaeso, et illud infimum caput ipsius Balbi optimi, cui Cneus noster locum, ubi hortos edificaret, dedit: quem cui nostrum non saepe prætulit? itaq; miser torquetur. sed, ne bis eadem legas, ad ipsam te epistolam reijcio. spem autem pacis habeo nullam. Dolabella suis literis Idib. Martij datis merum bellum loquitur. maneamus ergo in illa eadem sententia misera, et desperata, quando hoc miseriùs esse nihil potest.

Balbus Ciceroni Imp. S.

C A E S A R nobis literas perbreues misit, quarum exemplum subscripsi. breuitate epistolæ scire poteris eum ualde esse distentum, qui tanta de re tam breuiter scripserit. si quid præterea noui fuerit, statim tibi scribam. Cæsar Oppio, Cornelio S. Ad VII. Id. Mart. Brundisium ueni: ad murum castra posui. Pompeius est Brundisij: misit ad me Cn. Magium de pace. quæ uisa sunt, respondi. hoc uos statim scire uolui. cum in spē uenero, de compositione aliquid me conficere, statim uos certiores faciam. Valete. Quo modo me nunc putas mi Cicero torqueri, postquam rursus in spem pacis ueni, ne qua res compositione eorum impediatur? nanque, quod absens facere possum, opto. quod si unà essem, aliquid fortasse proficere possem. nunc expectatione crucior. Vale.

CICERO ATTICO S.

MISERAM ad te VIII. Cal. exemplū epistolæ Balbi ad me, & Cæsaris ad eū. ecce tibi eodem die Capua literas accepi ab Q. Pedio, Cæsarem ad se prid. Id. Mart. misisse literas hoc exemplo. Pompeius se oppido tenet. nos ad portas castra habemus: conamur opus magnum, & multorum dierum propter altitudinem maris: sed tamen nihil est, quod potius faciamus. ab utroq; portus cornu molens iacimus, ut aut illum quāprimum transire quod habet Brundusij copiarum cōgamus, aut exitus prohibeamus. ubi est illa pax, de qua Balbus scripserat torqueri se? ecquid acerbius? ecquid crudelius? atq; eum loqui quidam aduenturōs narrant, Cn. Carbonis, M. Bruti se poenas persequi, omniumq; eorum, in quos Sulla crudelis hoc socio fuisset: nihil Curionem se duce facere, quod non hic Sulla duce fecisset: ad ambitionem, quibus exilij poena superioribus legibus non fuisset, ab illo patriæ proditores de exilio reductos esse: queri de Milone per vim expulso: neminem tamen se uiolaturum, nisi qui arma hæc contra. Bebius quidam à Curione III. Id. profectus, homo

* non infans, sed quis ulli non dicat? plane nescio, quid agam. illinc quidem Cneum profectum puto. quidquid est, biduo sciemus. A te nihil ne ante prorsus quidem quid literarum: nec mirū: quid enim est, quod scribamus? ego tamen nullum diē prætermitto. Scripta epistola, literæ mihi ante lucē à Lepta Capua redditæ sunt Idib. Mart. Pompeiū à Brundusio conscendisse, at Cæsarem ad VII. Cal. Apr. Capuæ fore. Vale.

Cicero

CICERO ATTICO S.

C V M dedissem ad te literas, ut scires Casarem Capuæ VII. Cal. fore, allatæ mihi sunt literæ, eum in Albano apud Curionem V. Cal. fore. eum cum uidero, Arpinum pergam. si mihi ueniam, quam peto, dederit, utar conditione: sin minus, impetrabo aliquid à me ipso. ille, ut ad me scripsit, legiones singulas posuit Brundusij, Tarenti, Siponti. claudere mihi uidetur maritimos exitus, & tamen ipse Græciam spectare potius, quàm Hispanias. sed hæc longius absunt. me nunc & congressus huius stimulat (is uero adest) & primas eius actiones horreo: uolet enim, credo, S. C. facere: uolet Augurum decretum: rapiemur, aut absentes uexabimur, uel ut Consules roget Prætor, uel Dictatorem dicat, quorum neutrum ius est. at si Sulla potuit efficere, ab interrege ut Dictator diceretur, & magister equitum: cur hic non possit? nihil expedio, nisi ut aut ab hoc tanquam Q. Mutius, aut ab illo tanquam L. Scipio. cum tu hæc leges, ego illum fortasse conuenero. τέτλα κίνεσθαι, ne illud quidem nostrum proprium: erat enim spes propinqui reditus, erat hominum querela: nunc exire cupimus; qua spe reditus, mihi quidem nunquam in mentem uenit. non modo autem nulla querela est municipalium hominum, ac rusticorum, sed contra metunt ut crudelem, iratum. nec tamen mihi quicquam est miseriùs, quàm remansisse; nec optatius, quàm euolare, non tam ad belli, quàm ad fugæ societatem. sed tu omnia cōsilia differebas in id tempus, cum sciremus,

LIB. IX. EPIST.

quæ Brundisij acta essent. scimus nempe: hæremus
 nihilo minus: uix enim spero mihi hunc ueniam datu-
 rum: & si multa affero iusta ad impetrandum. sed ti-
 bi omnem illius, meumq; sermonem omnibus uerbis ex-
 pressum statim mittam. tu nunc omni amore enitere,
 ut nos cura tua, & prudentia iuues. ita subito accur-
 rit, ut ne Trebatium quidem, ut constitueram, possim
 uidere. omnia nobis imparatis agenda, sed tamen ἄλ-
 λα μὲν αὐτὸς, ut ait ille, ἄλλα δ' ἐκὼν δ' αὖ μὴ ὑποθήσε-
 ται. quidquid egero, continuo scies. Mandata Cæsa-
 ris ad Consules, & ad Pompeium, quæ rogas, nulla ha-
 beo: quæ descripta attulit, illa è uia misi ad te: è qua
 bus mandata puto intelligi posse. Philippus Neapoli
 est, Lentulus Puteolis. de Domitio, ut facis, sciscitare,
 ubi sit, quid cogitet. Quod scribis asperius me, quàm
 mei patiantur mores, de Dionysio scripsisse: uide, quàm
 sim antiquorum hominum: te medijsfidijs hanc rem
 grauius putauì laturum esse, quàm me: nam præter-
 quam quòd te moueri arbitror oportere iniuria, quæ
 mihi à quoquam facta sit, præterea te ipsum quonam
 modo hic uiolauit, cum in me tam improbus fuit? sed
 tu id quanti æstimes, tuum iudicium est: nec tamen in
 hoc tibi quidquam oneris impono: ego autem illum ma-
 le sanum semper putauì, nunc etiam impurum, & scele-
 ratum puto, nec tamen mihi inimiciorem, quàm sibi.
 Philargyro bene: causam certe habuisti & ueram, &
 bonam: relictum esse me potius, quàm reliquisse. Cū
 dedissem iam literas ad V. III. Cal. quos cum Matio
 pueros, & Trebatio miseram, epistolam mihi attulerūt
 hoc exemplo. Matius, & Trebatius Ciceroni Impera-

tori S. Cum Capua exissemus, in itinere audiui-
 Pompeium Brundisio ad XVI. Cal. Apr. cum omni-
 bus copijs, quas habuerat, profectum esse: Casarem po-
 stero die in oppidum introisse, cōcionatum esse, inde Ro-
 mam contendisse: uelle ante Cal. esse ad Urbem, &
 paucos dies ibi commorari, deinde in Hispanias profici-
 sci. nobis non alienum uisum est, quoniam de aduentu
 Caesaris pro certo habebamus, pueros tuos ad te remitte-
 re, ut id tu quamprimum scires. Mandata tua nobis cu-
 ra sunt, eaque, ut tempus postularit, agemus. Trebatius
 Scauola facit, ut antecedit. Epistola conscripta nun-
 tiatum est nobis, Casarem ad VIII. Cal. Capuæ, ad
 VII. Sinuessæ. hoc pro certo putamus. Vale.

CICERO ATTICO S.

CVM, quid scriberem ad te, nihil haberem, tamen, ne-
 quem diem intermitterem, has dedi literas. Ad VII.
 Cal. Casarem Sinuessæ mansurum nuntiabant. ab eo
 mihi literæ redditæ sunt ad VII. Cal. quibus iam opes
 meas, non, ut in superioribus literis, opem expectat. cū
 eius clementiam Corfiniensem illam per literas collauda-
 uissem, rescripsit hoc exemplo. Caesar Imp. Ciceroni
 Imp. S. Recte auguraris de me (bene enim tibi cogni-
 tus sum) nihil à me abesse longius crudelitate. atque
 ego cū ex ipsa re magnā capio uoluptatem: tum meum
 factū probari abs te, triumpho, & gaudeo. neque illud
 me mouet, q̄ ij, qui à me dimissi sunt, discessisse dicun-
 tur, ut mihi rursus bellum inferrent: nihil enim malo,
 quàm & me mei similem esse, & illos sui. Tu uelim

V ij.

LIB. IX. EPIST.

mihī ad Urbem praeſto ſis, ut tuiſ conſilijs, atque opi-
bus, ut conſueui, in omnibus rebus utar. Dolabella tuo
nihil ſciro mihī eſſe iucundius. hanc adeo habebo gra-
tiam illi: neque enim aliter facere poterit: tanta eius
humanitas, iſ ſenſus, ea in me eſt beneuolentia. Vale.

CICERO ATTICO S.

TREBATIVM VI. Cal. quo die has literas dedi, ex-
pectabam. ex eius nuntio, Matijq; literis meditor, quo
modo cum illo loquar. o tempus miſerum. nec dubi-
to, quin à me contendat, ad Urbem ueniam: ſenatum
enim Cal. uelle ſe frequentem adeſſe, etiam Formijs pro-
ſcribi iuſſit. ergo ei negandum eſt? ſed quid praeſcripi?
ſtatim ad te perſcribam omnia. ex illius ſermone ſta-
tuam, Arpinum ne mihī eundum ſit, an quò aliò.
Volo Ciceroni meo togam puram dare, iſtic puto. tu
quaſo cogita, quid deinde: nam me hebetem moleſtiae
reddiderunt. A' Curio, uelim ſcire, ecquid ad te ſcri-
ptum ſit de Tirone: ad me enim ipſe Tiro ita ſcripſit,
ut uerear, quid agat. qui autem ueniunt inde, id mo-
do nuntiant. ſanè in magnis curis etiam hæc me ſolici-
tant: in hac enim fortuna perutilis eius & opera, &
fidelitas eſſet.

CICERO ATTICO S.

UTRUMQUE ex tuo conſilio: nam & oratio fuit
ea noſtra, ut bene potius ille de nobis exiſtimaret, quàm
gratias ageret: & in eo manſimus, ne ad Urbem. illa

fefellerunt, facilem quod putaramus: nihil uidi minus.
 damnari se nostro iudicio: tardiores fore reliquos, si in
 his non ueniremus, dicere. ego, dissimilem illorum esse
 causam. cum multa: ueni igitur, et age de pace. meo
 ne, inquam, arbitratu? an tibi, inquit, ego prescribam?
 sic, inquam, agam, senatui non placere in Hispanias iri,
 nec exercitus in Græciam transportari: multaue in=
 quam de Cneo deplorabo. tum ille, ego uero ista dici no
 lo. ita putabam, inquam. sed ego eo nolo adesse, quod
 aut sic mihi dicendum est, multaue, quæ nullo modo
 possem silere, si adessem: aut non ueniendum. sum=
 ma fuit, ut ille quasi exitum quærens, ut deliberarem.
 non fuit negandum. ita discessimus. credo igitur hunc
 me non amare. at ego me amaui, quod mihi iam pri=
 dem usu non uenit. reliqua ò Di, qui comitatus, quæ,
 ut tu soles, dicere, *ὅτι*? in qua erat Eros Celeri. ò
 rem perditam, ò copias desperatas. quid? Seruii filius.
 quot in his castris fuerunt, quibus Pompeius circumside
 retur? sex legiones. multum uigilat, audet. nullum
 uideo finem mali. nunc certe promenda tibi sunt consi
 lia. hoc fuerat extremum. illa tamen κατὰ τὸ ἴδιον illius est
 odiosa, quam pene præterij: si sibi consilijs nostris uti
 non liceret, usurum quorum posset, ad omniaque esse de
 scensurum. uidisti igitur uirum, ut scripseras? inge=
 muisti? certe. cedo reliqua. quid? continuo ipse in
 Puteolanum, ego Arpinum. inde expecto quidem ἀλλὰ
 τέλος illam tuam. tu (malum) inquires, actum ne
 agas. etiam illum ipsum, quem sequimur, multa fefelle
 runt. sed ego tuas literas expecto: nihil est enim iam, ut
 antea, **VIDEAMVS HOC QVORSVM**

LIB. IX. EPIST.

EVADAT. extremum fuit de congressu nostro.
quo quidem non dubito quin istum offenderim. eo ma-
turius agendum est. amabo te epistolam, & πολιτικὴν.
ualde tuas literas nunc expecto. Vale.

CICERO ATTICO S.

EGOMEo Ciceroni, quoniam Roma caremus, Arpini po-
tissimum togam puram dedi: idq; municipibus nostris
fuit gratum. & si omnes, & illos, & quā iter feci,
moestos, afflictosq; uidi: tam tristis, & tam atrox est
& ἀνθρώπων huius ingentis mali. delectus habetur: in
hyberna deducuntur. ea, quæ, etiam cum à bonis uiris,
cum iusto in bello, cum modeste fiunt, tamen ipsa per se
molesta sunt; quàm censes acerba nunc esse, cum à per-
ditis, in civili nefario bello, petulātissime fiant? caue au-
tem putes quēquam hominem in Italia turpem esse, qui
hinc absit. uidi ipse Formijs uniuerfos: neque mehercu-
le unquam homines putauī: & noram omnes, sed nun-
quam uno loco uideram. pergamus igitur quò placet,
& nostra omnia relinquamus: profisciscamur ad eum,
cui gratior noster aduentus erit, quàm si unā fuisset-
mus: tum enim eramus in maxima spe; nunc, ego qui
dem, in nulla. nec prater me quisquam Italia cessit, nisi
qui hunc inimicum sibi putaret. nec mehercule hoc fa-
cio Reip. causa, quam funditus deletam puto, sed ne quis
me putet ingratum in eum, qui me leuauit ijs incommo-
dis, quibus idem affecerat: & simul quòd ea, quæ fiunt,
aut quæ certe futura sunt, uidere non potero. etiam e-
quidem S. C. facta quædam iam puto, utinam in Vol=

catij sententiam. sed quid refert? est enim una sententia omnium. sed erit immitissimus Seruius, qui filium misit ad affligendum Cn. Pompeium, aut certe capiendum, cum Pontio Titiniano. Et si hic quidem timoris causa, ille uero? sed stomachari desinamus, et aliquando sententiam terminemus, ut nihil noui, nisi id, quod minimum uellem, spiritum reliquum esse. Nos, quoniam superum mare obsidetur, infero nauigabimus: et, si Puteolis erit difficile, Crotonem petemus, aut Thurios, et boni ciues amantes patriae mare infestum habebimus. aliam rationem huius belli gerendi nullam uideo. in Aegyptum nos abdimus. exercitu pares esse non possumus. pacis fides nulla est. sed hæc satis deplorata sunt. Tu uelim literas Cephioni des de omnibus rebus ætis, denique etiam de sermonibus hominū; nisi plane obmutuerunt. ego tuis consilijs usus sum, maxime quod et grauitatem in congressu nostro tenui, quam debui, et, ad Urbem ut non accederem, perseueraui. quod superest, scribe quaeso quam accuratissime (iam enim extrema sunt) quid placeat, quid censeas: etsi iam nulla dubitatio est: tamen, si quid, uel potius quidquid ueniet in mentem, scribas uelim. Vale.

M. TVLLII CICERONIS EPISTO-
LARVM AD T. POMPO-
NIVM ATTICVM
LIBER X.

CICERO ATTICO S.

Ertio Non. cum in Lateriũ fratris ue-
nisssem, accepi literas, & paulum ressi-
raui, quod post has ruinas mihi nõ ac-
ciderat: per enim magni æstimo, tibi
firmitudinem animi nostri, et factum
nostrum probari: Sexto enim nostro quod scribis pro-
bari, ita lætor, ut me quasi patris eius, cui semper uni tri-
bui plurimum, iudicio cõprobari putem: qui mihi, quod
sæpe soleo recordari, dixit olim Nonis illis, illis Decēbri-
bus, cum ego, Sexte, quidnam ergo? Μη μὲν, inquit ille,
ἀσπουδῆς εἶγε καὶ ἀκλειῶς ἀπολόμην, Ἀλλὰ μέγα βέβηκας,
τι καὶ ἐσσομένοισι πυθέσθαι. eius igitur mihi uiuit au-
toritas, & simillimus eius filius eodem est apud me pō-
dere, quo fuit ille: quem saluere uelim iubeas plurimũ.
tu tuum consiliũ & si nõ in longũ tempus differs (iam
enim illum emptũ pacificatorẽ perorasse puto, iam actũ
aliquid esse in cõfessu senatorũ) tamẽ suspẽsum me de-
tines, sed eo minus, q̃ non dubito, quid nobis agendũ pu-
tes: quid enim Flauio legionem, & Siciliam dari scri-
bis, & id iam fieri? quæ tu scelera partim parari, &
iam cogitari, partim ex tempore futura censes? ego
uero Solonis popularis tui, & ut puto, etiam mei, legem
negligam, qui capite sanxit, si qui in seditione non al-
terutrius partis fuisset (nisi tu aliter censes) & hinc

abero, & filij: sed alterum mihi est certius: nec præri-
piam tamen, expectabo tuum consilium, & eas literas,
nisi alias iam dedisti, quas, scripsi, ut Cephaloni dares.

Quod scribis, nõ quo alicunde audieris, sed te ipsum
putare, me attractũ iri, si de pace agatur: mihi omni-
no nõ uenit in mentem, quæ possit actio esse de pace, cũ
illi certissimum sit, si possit, expoliare exercitu, & pro-
uincia Pompeium: nisi forte iste summarius ei potest
persuadere, ut, dum oratores eant, & redeant, quiescat.
nihil uideo, quod sperẽ, aut quod iam putem fieri posse.
sed tamen hominis hoc ipsum probi est, & magnum
τῶν πολιτικῶν σκεμμάτων, ueniendum ne sit in con-
siliũ tyranni, si is aliqua de re bona deliberaturus sit.
quare, si quid eiusmodi euenerit, ut accersamur: quod
equidem non curo: quid enim essem de pace dicturus,
dixi; ipse ualde repudiavit: sed tamen si quid accide-
rit, quid censeas mihi faciendum, utique scribito: nihil
enim mihi adhuc accidit, quod maioris consilij esset.
Trebatij, boni uiri, & ciuis, uerbis te gaudeo delectatũ:
tuaque ista crebra ἐκφώνησις ὑπέρεμ me sola adhuc de-
lectauit. Literas tuas uehementer expecto, quas qui-
dem credo iam datas esse. Tu cũ Sexto seruasti gra-
uitatem eandem, quam mihi præcipis. Celer tuus di-
sertus magis est, quàm sapiens. De iuuenibus, quæ ex
Tullia audisti, uera sunt. M. Antonij istud, quod scri-
bis, nõ mihi uidetur tam re esse triste, quàm uerbo. hæc
est ἄλγῃ, in qua nunc sumus, mortis instar: aut enim
mihi libere inter malos πολιτῶν τέον fuit, aut uel pericu-
lose cum bonis: aut nos temeritatem bonorũ sequamur,
aut audaciam improborum insecutemur. utrunque pe-

LIB. X. EPIST.

riculosum est . at hoc, quod agimus, & turpe, nec ta-
men tutum. istum, qui filium Brūdusium de pace misit
(de pace idem sentio, quod tu; simulationem esse aper-
tam; parari autem bellum acerrime) me legatum iri
non arbitror, cuius adhuc, ut optavi, mentio facta nula
sit. eo minus habeo necesse scribere, aut etiam cogi-
tare, quid sim factururus, si acciderit, ut legarer. Vale.

CICERO ATTICO S.

E G O cū accepissem tuas literas Non. Apr. quas Cephā-
lio attulerat, essemq; Minturnis postridie mansurus, &
inde protinus: sustinui me in Arcano fratris, ut, dum
aliquid certius afferretur, occultiore in loco essemus, age-
renturq; nihilo minus quæ sine nobis agi possunt.
* M M T E Y C A iam adest, & animus ardet: nec est
quidquam, quò, & quā. sed hæc nostra erit cura, &
peritorum. tu tamen, quoad poteris, ut adhuc fecisti,
nos consilijs inuabis. res sunt inexplicabiles. fortune
sunt committenda omnia. sine spe conamur ullæ. me-
lius si quid acciderit, mirabimur. Dionysium nolim
ad me profectum: de quo ad me Tullia mea scripsit:
sed & tempus alienum est, & homini nō amico nostra
incommoda, tanta præsertim, spectaculo esse nollem:
cui te meo nomine inimicum esse nolo. vale.

CICERO ATTICO S.

C V M, quid scribere, plane nihil haberem; hæc autē reli-
qua essent, quæ scire cuperem, profectus ne esset, quo in

statu urbem reliquisset, in ipsa Italia quæ cuique regio-
ni, aut negotio præfecisset, & qui essent ad Pompeium,
& ad Cōsules ex S. C. de pace legati: ut igitur hæc sci-
rem, dedita opera has ad te literas misi. feceris igitur
commode, mihiq; gratum, si me de his rebus, & si quid
erit aliud, quod scire opus sit, feceris certiore. ego in
Arcano operior, dum ista cognosco. Ad VII. Id. al-
teram tibi eodem die hanc epistolam dictavi, & pridie
dederam mea manu longiorem. Visum te aiunt in
Regia: nec reprehendo, quippe cum ipse istam reprehen-
sionem non fagerim. sed expecto tuas literas: neque
iam sanè uideo, quid expectem: sed tamen, etiam si ni-
hil erit, id ipsum ad me uelim scribas. Cæsar mihi
ignoscit per literas, quod non uenerim, seseq; in optimā
partem id accipere dicit. facile patior, quod scribit, se-
cum Tullium, & Seruium questos esse, quia non idem
sibi, quod mihi, remisisset. homines ridiculos, qui cum fi-
lios misissent ad Cn. Pompeium circumsidendum, ipsi in
senatum uenire dubitarent. sed tamen exemplum misi
ad te Cæsaris literarum. Vale.

CICERO ATTICO S.

M VLT A S à te accepi epistolas eodem die, omnes dili-
genter scriptas. ea uero, quæ uoluminis instar erat, sæ-
pe legenda, sicuti facio: in qua nō frustra laborem su-
scipisti: mihi quidem pergratum fecisti. quare, ut id,
quoad licebit, idest quoad scies ubi sumus, quam sæpissi-
me facias, te uehementer rogo. at deplorandi qui-
dem, quod quotidie facimus, sit iam nobis aut finis o-
mnino, si potest, aut moderatio quedam, quod profecto

LIB. X. EPIST.

potest: non enim, quam dignitatem, quos honores, quem uitæ statum amiserim, cogito, sed quid consecutus sim, quid præstiterim, qua in laude uixerim, his denique in malis quid intersit inter me, & istos, quos propter omnia amisimus. hi sunt, qui, nisi me ciuitate expulissent, obtinere se non posse putarunt licentiam cupiditatum suarum: quorum societas, & sceleratæ consensionis fides quò eruperit, uides. alter ardet furore, & scelere, nec remittit aliquid, sed in dies ingrauescit: modo Italia expulit: nunc alia ex parte persequi, ex alia prouincia spoliare conatur: nec iam recusat, sed quodam modo postulat, ut, quemadmodum est, sic etiam appelletur tyrannus. alter, is, qui nos sibi quondam ad pedes stratos ne subleuabat quidem, qui se nihil contra huius uoluntatem aiebat facere posse, elapsus è soceri manibus, ac ferro, bellum terra, & mari comparat, non iniustum ille quidem, sed tum pium, tum etiam necessarium, suis tamē ciuibus exitiabile, nisi uicerit, calamitosum etiam si uicerit. horū ego summorum imperatorum non modo res gestas non antepono meis, sed ne fortunam quidem ipsam, qua illi florentissima, nos duriore conflictati uidemur: quis enim potest aut deserta per se patria, aut oppressa beatus esse? & si (ut nos à te admone-mur) recte in illis libris diximus, nihil esse bonum, nisi quod honestum; nihil malum, nisi quod turpe sit: certe uterque istorum est miserrimus, quorū utrique semper patriæ salus, & dignitas posterior sua dominatione, & domesticis commodis fuit. præclara igitur conscientia sustentor, cum cogito me de Rep. aut meruisse optime, cum potuerim, aut certe nunquam, nisi diuine,

cogitasse, eaq; ipsa tempestate euersam esse Remp. quā ego XIII. annis ante prospexerim. hac igitur conscientia comite profisciscar, magno equidem cum dolore, nec tam id propter me, aut propter fratrem meum, quorum iam acta atas, quam propter pueros, quibus interdum uidemur prestare etiam Remp. debuisse: quorum quidem alter non tam, quia maiore pietate est, me mirabiliter excruciat, alter (o rem miseram, nihil enim mihi accidit in omni uita acerbius) indulgentia uidelicet nostra deprauatus, eò progressus est, quod non audeo dicere: & expecto tuas literas: scripsisti enim te scripturum esse plurima, cum ipsum uidisses. omne meum obsequium in illum fuit cum multa seueritate: neque unum eius, nec paruum, sed multa magna delicta compressi. patris autē lenitas amanda potius ab illo, quam tam crudeliter negligenda. nā literas eius ad Cæsarem missas ita grauiter tulimus, ut te quidem celaremus. sed ipsius uidemus uitam insuauem reddidisse. hoc uero eius iter, simulatioq; pietatis qualis fuerit, non audeo dicere. tantū scio, post Hircium conuentum, accersitum ab Cæsare: cum eo de meo animo ab suis rationibus alienissimo, & consilio relinquendi Italiam. & hæc ipsa timide: sed nulla nostra culpa est: natura metuēda est. hæc Curionē, hæc Hortensij filiū, non patrū culpa, corrumpit. iacet in mœrore meus frater, neque tā de sua uita, quam de mea metuit. huic tu, huic tu malo affer consolationes, si ullas potes, maxime quidem illam uelim, ea, quæ ad nos delata sint, aut falsa esse, aut minora: quæ si uera sint, quid futurum sit in hac fuga, nescio: nam si haberemus Remp. consilium mihi

non deesset nec ad seueritatem, nec ad indulgentiam. hæc siue iracundia, siue dolore, siue metu permotus, grauius scripsi, quàm aut tuus in illum amor, aut meus postulabat. si uera sunt, ignosces: si falsa, me libente eripies mihi hunc errorem. quoquo modo uero se res habeat, nihil assignabis nec patruo, nec patri. Cum hæc scripsissem, à Curione mihi nuntiatum est, eum ad me uenire: uenerat enim is in Cumanum uesteri pridie, id est Idibus. si quid eius igitur sermo eiusmodi attulerit, quod ad te scribendum sit, id in literis adiungā.

Præterijt uillam meam Curio, iussitq; mihi nuntiari, mox se uenturum: cucurritq; Puteolos, ut ibi concionaretur. concionatus est: redijt: fuit ad me sanè diu. ò rem foedam. nosti hominem: nihil occultauit, in primis nihil esse certius, quàm ut omnes, qui lege Pompeia condemnati essent, restituerentur; itaque se in Sicilia eorum opera usurum. de Hispanijs, nō dubitabat, quin Cæsaris essent: inde ipsum cum exercitu, ubicunque Pompeius esset: eius itineritu finem belli fore: propius factum esse nihil, eum plane iracundia elatum, uoluisse occidi Metellum Tribunum pl. quod si esset factum, eadem magnam futuram esse: permultos hortatores esse cædis, ipsum autem non uoluntate, aut natura non esse crudelem, sed quòd putaret popularem esse clementiam: quòd si populi studium amisisset, crudelem fore: eumq; perturbatum, quòd intelligeret, se apud ipsam plebem offendisse de ærario: itaque ei cum certissimum fuisset, ante, quàm proficisceretur, concionē habere, ausum non esse, uehementerq; animo perturbato profectum. cum autem ex eo quererem, quid uideret, quod

exemplum, quam Remp. plane fatebatur nullam spem
reliquam: Pompeij classem timebat: quæ si esset, se
de Sicilia abiturum. quid isti, inquam, sex tui fascēs?
si ab senatu, cur laureati? si ab ipso, cur sex? cupi-
ui, inquit, ex S. C. surrepto: nam aliter non poterat.
at ille impendio nunc magis odit senatum. à me, in-
quit, omnia proficiſcentur. sex autem, quia duode-
cim nolui: nam licebat. tum ego, quàm uellem, in-
quam, petiſſe ab eo, quod audio Philippum impetraſ-
ſe: ſed ueritus ſum, quia ille à me nihil impetrabat.
libenter, inquit, tibi conſeſſiſſet. uerum puta te im-
petraſſe: ego enim ad eum ſcribam, ut tu ipſe uoles,
de ea re nos inter nos locutos. quid autem illius inter-
eſt, quoniam in ſenatum non uenis, ubi ſis? quin nunc
ipſum minime offendiſſes, eius cauſa ſi in Italia nō fuiſ-
ſes. atque ego me reſeſſum, & ſolitudinem quærere,
maxime quod liſtores haberem. laudabat conſilium.
quid ergo, inquam? nam mihi curſus in Græciam per
tuam prouinciā eſt, quoniam ad mare ſuperum mi-
lites ſunt. quid mihi, inquit, optatius? hoc loco mul-
ta perliberaliter. ergo hoc quidem eſt uerum proſeſto,
ut non modo tuto, uerum etiam palām nauigaremus.
reliqua in poſterum diem diſtulit: ex quibus ſcribam
ad te, ſi quid erit epiſtola dignum. ſunt autem, quæ
præterij, interregnum ne eſſet expeſtaturus, an quo
modo dixerim. ad ſe ille quidem deferri Conſulatum,
ſed ſe nolle in proximum annum. & alia ſunt, quæ
exquiram. iurabat ad ſummam, quod nullo nego-
tio faceret, amiciffimum mihi Cæſarem. eſſe debet:
quid enim, inquam, ſcripſit ad me Dolabella? dico,

LIB. X. EPIST.

quid? affirmabat, cum scripsisset, quod me cuperet ad
 Urbem uenire, illum quidem gratias agere maximas,
 & non modo probare, sed etiam gaudere. quid qua-
 * ris? atque iubebat: est enim suspicio illa domestici mali,
 & sermonis Hirciani. q̄ cupio illum dignū esse nobis,
 & quā ipse me inuito, quā pro illo sit suspicandum,
 sed opus fuit Hircio conuento. est profecto nescio quid.
 sed uelim quā minimo. & tamen eū nondum redisse
 miramur. sed haec uidebimus. Tu Oppios Terētia da-
 bis: iam enim Urbis unū periculum est. me tamen con-
 silio iuua, pedibus ne Rhegyum, an hinc statim in na-
 uem. ceterum, quoniam commoror, ego ad te statim
 habebo, quod scribam, simul ut uidero Curionem.

De Tirone cura quaeso, quod facis, ut scia, quid is agat.

De tota mea cogitatione scripsi ad te antea satis, ut
 mihi uisus sum, diligenter. de die nihil sanē potest scri-
 bi certi prāter hoc, non ante lunam nouam. Curio-
 nis sermo postridie eandem habuit ferē summam, nisi
 q̄ apertius significauit, se earum rerū exitum non ui-
 dere. Quod mihi mandas de quodam regendo, ἀνα-
 δεικνύς: tamen nihil prātermittam: atque utinā tu: sed
 modestior non ero. epistolam ad Vestorium statim de
 Tullia: ac ualde requirere solebat. Cōmodius tecū Ve-
 etenus est locutus, quā ad me scripserat. sed mirari
 satis hominis negligentiam non queo: cum enim mihi
 Philotimus dixisset, HS L emere de Canuleio diuerso-
 rium illud posse, minoris etiam empturum, si Veētenū
 rogassem; rogauī, ut, si quid posset, ex eā summa detra-
 heret: promisit: ad me nup̄, se HS XXX emisse, ut scri-
 berē cui uellē addicī: diē pecuniā Id. Nou. esse. rescripsi

ci

ei stomachosius, cum ioco tamen familiari. nunc, quoniam agitur liberaliter, nihil accuso hominem, scripsi quod ad eum, me a te certiore esse factum. Tu de tuo itinere quid, & quando cogites, uelim me certiore facias. ad XV. Cal. May. Vale.

CICERO ATTICO S.

ME ADHVC nihil prater tempestatem moratur. astute nihil sum acturus. fiat in Hispania quidlibet: et tamen retice. meas cogitationes omnes explicavi tibi superioribus literis. quocirca hæ sunt breues: et tamen quia festinabam, eramque occupatior de Quinto fratre, ita me quidem sedulo; sed nosti reliqua. quod dein me mones, et amice, & prudenter mones: sed erunt omnia facilia, si ab uno illo cauero. magnum opus est. mirabilia multa. nihil simplex, nihil syncerum. uellem, si sciepißes iuuenem regendum: pater enim nimis indulgens, quidquid ego astrinxi, relaxat. si sine illo possem, regerem; quod tu potes: sed ignosco. magnum inquam opus est. Pompeium pro certo habemus per Illyricum proficisci in Galliam. ego nunc, quæ, & quò, uidebo. ego uero Apuliam, & Sipontum, & tergiuersionem istam probo, nec tuam rationem eandem esse duco, quam meam: non quin in Rep. rectum idem sit utrique nostrum: sed ea non agitur: regnandi contentio est, in qua pulsus est modestior Rex, & probior, et integrior, et is, qui nisi uincit, nomen populi R. deleatur necesse est: sin autem uincit, Sullano more, exemploque uincet. ergo hac in contentione neutrum tibi palam sentiendum, &

LIB. X. EPIST.

tempori seruiendum est. mea causa autem alia est, quod beneficio uinctus, ingratus esse non possum, nec tamen in acie, sed Melitæ, aut alio in loco, siue in oppidulo futurum puto. nihil, inquires, iuuas eum, in quem ingratus esse non uis? immo minus fortasse uoluisset. sed de hoc uidebimus. exeamus modo: quod ut meliore tempore possimus, facit Adriatico mari Dolabella, freto Siciliensi Curio. iniecta autem mihi spes quædam est, uelle mecum Ser. Sulpitium colloqui. ad eum misi Philotimum cum literis. si uir esse uolet, præclara conuocatio: sin autem, erimus nos, qui solemus. Curio mecum uixit, iacere Cæsarem putans offensione populari, Siciliaeq; diffidens, si Pompeius nauigare coepisset.

Quintum puerum accepi uehementer. auaritiam uideo fuisse, & spem magni congiarij. magnum hoc malum est: sed scelus illud, quod timueramus, spero nullum fuisse. hoc autem uitium puto te existimare non nostra indulgentia, sed à natura profectum. quem tamen nos disciplina regimus. De Oppijs Veliensibus quid placeat, cum Philotimo uidebis. Epeirum nostram putabimus: sed alios cursus uidebamur habituri. Vale.

CICERO ATTICO S.

ET RES ipsa monebat, & tu ostenderas, et ego uidebam, de ijs rebus, quas intercipi periculosum esset, finem inter nos scribendi fieri tempus esse. sed cum ad me sæpe mea Tullia scribat, orans, ut, quid in Hispania generatur, expectem, & semper ascribat idem uideri tibi,

idq; ipse etiam ex tuis literis intellexerim: non puto esse alienum, me ad te, quid de ea re sentiam, scribere. Consilium istud tunc esset prudens, ut mihi uidetur, si nostras rationes ad Hispaniensem casum accommoda- tui essemus: quod fieri dicitis oportere: necesse est enim aut, id quod maxime uelim, pelli istum ab Hispa- nia, aut trahi id bellum, aut istum, ut confidere uide- tur, apprehendere Hispanias. si pelleretur: quàm gra- tus, aut quàm honestus tum erit ad Pompeium noster aduentus, cum ipsum Curionem ad eum transiturum putem? si trahitur bellum: quid expectem, aut quā- diu? relinquatur, ut, si uincimur in Hispania, quie- scamus. id ego contra puto: istum enim uictorem ma- gis relinquendum puto, quàm uictum, & dubitan- tem magis, quàm fidentem suis rebus: nam cædem ui- deo, si uicerit, & impetum in priuatorum pecunias, & exulum redditum, & tabulas novas, & turpissi- morum honores, & regnum non modo Romano ho- mini, sed ne Persæ quidem cuiquam tolerabile. tacita esse poterit in id dignitas nostra? pati poterunt oculi me cum Gabinio sententiam dicere? & quidem illum rogari prius: præsto esse clientem tuum Chælium, Ca- tuli Plaguleiū, cæteros? sed cur inimicos colligo? qui meos necessarios à me defensos nec uidere in curia sine dolore, nec uersari inter eos sine dedecore potero. quod si ne id quidem est exploratum, fore, ut mihi liceat scri- bunt enim ad me amici eius, me illi nullo modo satisfac- cisse, quod in senatum non uenerim) tamen ne dubite- mus, an ei nos etiam cum periculo uenditemus, quicum coniuncti ne cum præmio quidem uoluimus esse? de-

LIB. X. EPIST.

inde hoc uide, non esse iudicium de tota contentione in Hispanijs : nisi forte his amissis arma Pompeium abieturum putas, cuius omne consilium Themistocleum est : existimat enim, qui mare teneat, eum necesse rerum potiri : itaq; qui nunquam egit, ut Hispaniæ per se tenerentur, naualis apparatus ei semper antiquissima cura fuit. nauigabit igitur, cum erit tempus, maximis classibus, & ad Italiam accedet : in qua nos sedentes quid erimus ? nam medios esse iam non licebit. classibus aduersabimur igitur ? quod malum maius scilicet tantum ? denique quid turpius ? Annibal hic in absentis solus tuli scelus : eiusdem cum Pompeio, & cum reliquis principibus non feram ? quod si iam misso officio periculi ratio habenda est : ab illis est periculum, si peccaro ; ab hoc, si recte fecero : nec ullum in his malis consilium periculo uacuum inueniri potest : ut nō sit dubium, quin cum periculo fugiamus, quod fugeremus etiam cum salute. non simul cum Pompeio mare transierimus : omnino non potuimus. extat ratio dierum. sed tamen (fateamur enim, quod est) ne condamus quidem, ut possumus : fefellit ea res, quæ fortasse non debuit, sed fefellit : pacem putavi fore : quæ si esset, iratum mihi Cæsarem esse, cum idem amicus esset Pompeio, nolui : senseram enim, quàm iudem essent. hoc ueritus in hanc tarditatem incidi : sed assequar omnia, si propero ; si cunctor, amitto. & tamen mi Attice auguria quoq; me incitant quadā spe nō dubia, non hæc collegi nostri ab Appio, sed illa Platonis de tyrannis : nullo enim modo posse uideo stare istum diutius, quin ipse per se, etiam languentibus nobis, concidat, quippe qui

- * florentes, ac novos, ut uti diebus ipsi illi egenti, ac perditæ multitudinī in odium acerbissimum uenerit, qui duarum rerum simulationem tam cito amiserit, mansuetudinis in Metello, diuitiarum in ærario. iam quibus utatur uel socijs, uel ministris, si ij prouincias, si Remp. regent, quorum nemo duos menses potuit patrimonium suum gubernare? non sunt omnia colligenda: quæ tu acutissime prospicis. sed tamen ea pone ante oculos, iam intelliges id regnū uix semestre esse posse. quod si me fefellerit, feram, sicut multi præclarissimi homines in Rep. excellentes tulerunt: nisi forte me
- * Sardanapali uice in suo lectulo mori malle censueris, q̃ exilio Themistocleo: qui cum fuisset, ut ait Thucydides, τῶν τε παρὰ χεῖμα δι' ἐλαχίστης βουλῆς κρείττος γνώμων, καὶ τῶν μελλόντων ὡδὶ πλείστον τοῦ γενησομένου ἄριστος εἰκαστής, tamen incidit in eos casus, quos uitasset, si eum nihil fefellerit. etsi is erat (ut ait idem) qui τό τε ἄμεινον ἢ χεῖρον ἐν τῷ ἀφανεῖ ἐτι προεώρα μάλιχα: tamen non uidit, nec quo modo Lacedæmoniorum, nec quo modo suorum ciuium inuidiam effugeret, nec quid Artaxerxi polliceretur. non fuisset & illa nox tam acerba Africano sapientissimo uiro, non tam dirus ille dies Sullanus callidissimo uiro C. Mario, si nihil utrumque eorum fefellerit. nos tamen hoc confirmamus illo augurio, quod diximus: nec fallit, nec aliter accidet. corruat iste, necesse est, aut per aduersarios, aut ipse per se, qui quidem sibi est aduersarius unus acerrimus. id spero uiuis nobis fore. quanquam tempus est nos de illa perpetua iam, non de hac exigua uita cogitare. sin quid acciderit maturius, haud sanè mea multum in-

LIB. X. EPIST.

ter fuerit, utrum factum uideam, an futurum esse multo ante uiderim. quæ cum ita sint, non est committendum, ut ijs pareā, quos cōtra me senatus, ne quid Respublicæ detrimenti acciperet, armauit. Tibi sunt omnia commendata: quæ commendationis meæ pro tuo in nos amore non indigent. ne hercule quidem reperio, quid scribam: sedeo enim πλουτοκλῶν: etsi nihil unquam tam fuit scribendum, quàm nihil mihi unquam ex plurimis tuis iucunditatibus gratius accidisse, quàm quoddam meam Tulliam suauissime, diligentissimeq; coluisti. ualde eo ipsa delectata est, ego autem non minus. cuius quidem uirtus mirifica. quo modo illa fert publicam cladem? quo modo domesticas tricas? quātus autem animus in discessu nostro? στοργὴς sit summa σύντηξις: tamen nos recte facere, et bene audire uult. sed hac super re nimis, ne meam ipse συμπάθειαν euocem. tu, si quid de Hispanijs certius, et si quid aliud; dū adsumus, scribes: et ego fortasse discedēs dabo ad te aliquid, eo etiā magis, quoddam Tullia te non putabat ex Italia hoc tēpore. cū Antonio item est agendum, ut cum Curione Melitæ me uelit esse, huic bello nolle interesse. eo uelim tam facili uti possem, et tam bono in me, quàm Curio. is ad Misenum VI. Non. uenturus dicebatur, id est hodie. sed præmisit mihi odiosas literas hoc exemplo.

Antonius Trib. pl. Propr. Ciceroni Imp. S.

NISI te ualde amarem, et multo quidem plus, quàm putas, non extimuissem rumorem, qui de te prolatus est, cū præsertim falsum esse existimarem: sed quia te nimio

plus diligo, nō possum dissimulare, mihi famam quoq; quamvis sit falsa, magni esse. te iturum trans mare, credere non possum, cum tanti facias Dolabellam, & Tullia tuā, foeminā lectissimam, tantiq; ab omnibus nobis fias, quibus mehercule dignitas, amplitudoq; tua penē carior est, quā tibi ipsi. sed tamen nō sum arbitratus esse amici, non commoueri etiam improborū sermone. atq; eo feci studiosus, quod iudicabam duriores partes mihi impositas esse ab offensione nostra, quæ magis à ζηλοτυπία mea, q̄ ab iniuria tua nata est: sic enim uolo te tibi persuadere, mihi neminem esse cariorē te, excepto Cæsare; meq; illud unā iudicare, Cæsarem maxime in suis M. Ciceronem reponere. quare mi Cicero te rogo, ut tibi omnia integra serues, eius fidem improbes, qui tibi, ut beneficiū daret, prius iniuriam fecit: cōtra, ne profugias, qui te, etsi non amabit (quod accidere nō potest) tamen saluū, amplissimūq; esse cupiet. dedita opera ad te Calpurnium familiarissimum meum misi, ut mihi magnæ curæ tuam uitam, ac dignitatem esse scires. Eodem die à Cæsare Philotimus literas attulit hoc exemplo.

Cæsar Imp. M. Ciceronī Imp. S.

E T S I te nihil temere, nihil imprudenter facturū iudicaram: tamen permotus hominum fama, scribendū ad te existimaui, et pro nostra beneuolētia petendū, ne quō progredereis inclinata iam re, qua integra etiā progrediendū tibi nō existimasses: nāq; et amicitiae grauiorē iniuriā feceris, et tibi minus cōmode cōsulueris, si nō for-

X iij

LIB. X. EPIST.

tunæ obsecutus uidebere ; omnia enim secundissima nobis , aduersissima illis accidisse uidentur : nec causam secutus ; eadem enim tum fuit , cum ab eorum consilijs abesse iudicasti : sed meum aliquod factum condemnasse : quo mihi grauius abs te nil accidere potest . quod ne facias , pro iure nostræ amicitiae à te peto . postremo quid uiro bono , & quieto , & bono cini magis conuenit , quàm abesse à civilibus controuersijs ? quod non nulli cum probarent , periculi causa sequi non potuerunt . tu explorato & uitæ meæ testimonio , & amicitiae iudicio , neq; tutius , neq; honestius reperiēs quidquam , quàm ab omni contentione abesse . XV. Cal. May, ex itinere. Vale.

CICERO ATTICO S.

ADVENTVS Philotimi (at cuius hominis , quàm insulsi , et quàm saepe pro Pompeio mentientis) exanimauit omnes , qui mecum erant : nam ipse obdurui . dubitauit nostrum nemo , quin Caesar itinera repressisset , (uolare dicitur) Petreius cum Afranio coniunxisset . nihil affert eiusmodi . quid quæris ? etiam illud erat persuasum , Pompeium cum magnis copijs iter in Germaniam per Illyricum fecisse : id enim ad DEVTIKΩS nuntiabatur . Melitam igitur opinor capeffemus , dum , quod in Hispania : quod quidem propemodum uideor ex Caesaris literis ipsius uoluntate facere posse , qui negat neq; honestius , neque tutius mihi quidquam esse , quàm ab omni cōtentione abesse . dices , ubi ille ergo tuus animus , quem proximis literis ? adest , & idem est : sed utinam

meo solum capite decernerem : lacrymæ meorū me in-
terdum molliunt, precantium, ut de Hispaniis expecte-
mus. M. Celij quidem epistolam scriptā miserabiliter,
quæ hoc idem obsecraret, ut expectarem, ne fortunas
meas, ne unicam filiā, ne meos omnes tam temere pro-
derem, non sine magno fletu legerunt pueri nostri. et si
meus quidem est fortior, eoq; ipso uehementius commo-
uet, nec quidquam nisi de dignatione laborat. Melitam
igitur, deinde quod uidebitur. tu tamen etiam nūc mi-
hi aliquid literarum, & maxime si quid ab Afranio.
ego, si cum Antonio locutus ero, scribam ad te, quid
actū sit: ero tamen in credendo, ut mones, cautus. nam
occultādi ratio tum difficilis, tum etiam periculosa est.
Seruiū expecto ad Nonas, et adiicit à Posthumia. sed
& Seruij filij quartanam leuiorem esse gaudeo. misi
ad te Celij etiam literarum exemplum. Vale.

Celius M. Ciceroni Imp. S.

EXANIMATVS tuis literis, quibus te nihil, nisi
triste, cogitare ostendisti, neq; id quod esset, perscri-
psisti, neq; non tamen, quale esset, quod cogitares, ape-
ruisti; has ad te illico literas scripsi. per fortunas tuas
Cicero, per liberos te oro, et obsecro, ne quid grauius
de salute, & incolumitate tua consulas: nam Deos,
hominesq; amicitiamq; nostram testificor, me tibi præ-
dixisse, neq; temere monuisse: sed postquam Cæsarem
conuenerim, sententiamq; eius, qualis futura esset par-
ta uictoria, cognorim, te certiozem fecisse. si existi-
mas eandem rationem fore Cæsaris in dimittēdis ad-

uersarijs, et conditionibus feredis, erras. nihil nisi atrox
 & seuum cogitat, atq; etiam loquitur. iratus senatui
 exijt. his intercessionibus plane incitatus est. non meher-
 cule erit deprecationi locus. quare si tibi tu, si filius uni-
 cus, si domus, si spes tuæ reliquæ tibi caræ sunt; si ali-
 quid apud te nos, si uir optimus gener tuus ualet: eo-
 rum fortunam non debes uelle cõturbare, ut eam cau-
 sam, in cuius uictoria salus nostra est, odisse, aut relin-
 quere cogamur, aut impiam cupiditatem cõtã salutem
 tuam habeamus. deniq; illud cogita, quod offensæ fue-
 rit, in ista cunetatione te subiisse. nunc te contra uicto-
 rem facere, quem dubijs rebus ledere noluisti, & ad
 eos fugatos accedere, quos resistentes sequi nolueris,
 summæ stultitiæ est. uide, ne, dum pudet te parum opti-
 matem esse, parum diligenter, quod optimum sit, eli-
 gas. quod si totum tibi persuadere non possum, sal-
 tem, dum, quid de Hispanijs agamus, scitur, expecta,
 quas tibi nuntio aduentu Cæsaris fore nostras. quam
 isti spem habeant amissis Hispanijs, nescio. quod porro
 tuum consilium sit ad desperatos accedere, non mediufi-
 dius reperio. hoc, quod tu non dicendo mihi significa-
 sti, Cæsar audierat: ac simul atq; aue, mihi dixit, sta-
 tim, quid de te audisset, exposuit. negaui me scire: tamẽ
 ab eo petiui, ut ad te literas mitteret, qbus maxime ad
 remanendum commoueri posses. me secum in Hispani-
 am ducit: nam, nisi ita faceret, ego prius, quàm ad
 urbem accederem, ubicunq; esses, ad te percurrissem, et
 hoc à te præsens contendissem, atq; omni ui te retinuis-
 sem. etiam atq; etiã Cicero cogita, ne te, tuosq; omnes
 funditus euertas, nec te sciens, prudẽsq; eò demittas, un-

de exitum uides nullum esse. quòd si te aut uoces opti-
matium commouent, aut nò nullorum hominum inso-
lentiam, & iactationem ferre non potes: eligas censeo
aliquod oppidum uacuum à bello, dum hæc decernun-
tur, quæ ià erunt confecta, id si feceris, et ego te sapien-
ter fecisse iudicabo, & Cæsarem non offendes. Vale.

CICERO ATTICO S.

ME CAECVM, qui hæc ante non uiderim. nisi ad
te epistolam Antonij. & cum ego sæpissime scripsis-
sem, nihil me contra Cæsaris rationes cogitare, memi-
nisse me generi mei, meminisse amicitiae, potuisse, si ali-
ter sentire, esse cum Pompeio, me autem, quia cū lieto-
ribus inuitis cursarem, abesse uelle, nec id ipsum certū
etiam nunc habere: uide, quàm ad hæc τυχευικῶς.
Tuum consilium quàm uerum est: nam qui se medium
esse uult, in patria manet: qui proficiscitur, aliquid de
alterutra parte iudicare uidetur. sed ego is non sum,
qui statuere debeam, iure quis proficiscatur, nec ne. par-
teis mihi Cæsar has imposuit, ne quem omnino disce-
dere ex Italia paterer. quare parui refert me proba-
re cogitationem tuam, si nihil tamen tibi remittere pos-
sum. ad Cæsarem mittas, censeo, & ab eo hoc petas.
non dubito, quin impetraturus sis, cum præsertim te
amicitiæ nostræ rationem habiturum esse pollicearis.
habes σκυτάλην λακωνικὴν. omnino excipiam homi-
nem. erat autem V. Non. uenturus uesteri, id est ho-
* die. cras igitur ad me fortasse ueniet. tentabo, audeam
nihil properare. missurum ad Cæsarem clamabā. cum

LIB. X. EPIST.

paucissimis alicubi occultabor. certe hinc istis inuitissimis euolabo, atq; utinam ad Curionem. σὺν θεῷ τοι λέγω. magnus dolor accessit. efficietur aliquid dignum nobis. Δυσουρία tua mihi ualde molesta. medere amabo, dum est ἄρχη. De Massiliensibus gratæ tuæ mihi literæ. quæso, ut sciam, quidquid audieris. Siciliam cuperem, si possem palam; quod à Curione effeceram. hic ego Seruium expecto: rogor enim ab eius uxore, et filio: & puto opus esse. hic tamen Cyteridem secum lætica aperta portat, altera uxore. septem præterea coniunctæ læticae amicarum. hæ sunt amicorum. uide, quam turpi leto pereamus. & dubita, si potes, quin ille, seu uictus, seu uictor redierit, eadem facturus sit. ego uero uel lintriculo, si nauis non erit, eripiam me ex istorum parricidio. sed plura scribam, cum illum cōueniero. Iuuenem nostrum non possum non amare: sed ab eo nos non amari planè intelligo. nihil ego uidi tam ἀνθρώπου, tam auersum à suis, tam nescio quid cogitantis. uim incredibilem molestiarum. sed erit curæ, & est, ut regatur: mirum est enim ingenium: ἡθὺς ἐπιμελητέον.

CICERO ATTICO S.

OB SIGNATA iam epistola superiore, non placuit ei dare, cui constitueram, quod erat alienus: itaq; eo die data non est. interim uenit Philotimus, et mihi à te literas reddidit: quibus quæ de fratre meo scribis, sunt ea quidem parum firma, sed habent nihil ὑποβόλον, nihil fallax, nihil non flexibile ad bonitatem, nihil, quod non, quod uelis, uno sermone possis perducere.

ne multa, omnes suos, etiam quibus irascitur crebrius,
tamen caros habet, me quidem se ipso cariorum. quod
de puero aliter ad te scripsit, & ad matrem de filio,
non reprehendo. de itinere, & de sorore, quæ scribis,
molesta sunt, eoq; magis, quod ea tempora nostra sunt,
ut ego his mederi non possim: nam certe mederer: sed
quibus in malis, & qua in desperatione rerum simus,
uides. illa de ratione numaria non sunt eiusmodi (se-
pe enim audio ex ipso) ut non cupiat tibi præstare, &
in eo laboret. sed si mihi Q. Axius in hac mea fuga,
HS XIII. non reddit, quæ dedi eius filio mutua, &
uitur excusatione temporis; si Lepta, si cæteri: soleo
mirari de nescio quers HS XX. cū audio ex illo se ur-
geri: uides enim profecto angustias: curari tamen ea
tibi utiq; iubet. an existimas illum in isto genere len-
tulum, aut restrictum? nemo est minus. de fratre sa-
tis. de eius filio, indulgit illi quidem suus pater semper,
sed non facit indulgentia mendacem, aut auarum, aut
non amantem suorum, ferocem fortasse, & arrogan-
tem, & infestum facit. itaq; habet hæc quoq; quæ nas-
cuntur ex indulgentia: sed ea sunt tolerabilia: (quid enim
dicam, hac iuuetute?) ea uero, quæ mihi quidem, qui il-
lum amo, sunt his ipsis malis, in quers sumus, miseriora,
non sunt ab obsequio nostro: nam suas radices habet:
quas tamen euellerem profecto, si liceret. sed ea omnia
mihi sunt patienda. ego meū facile teneo: nihil est enim
eo tractabilius. cuius quidem misericordia languidio-
ra adhuc consilia cepi: & quo ille me fortiolem uult
esse; eo magis timeo, ne in eum existam crudelior. sed
Antonius uenit heri uesteri. iā fortasse ad me ueniet,

LIB. X. EPIST.

aut ne id quidem, quoniam scripsit, quid fieri uellet. sed scies continuo, quid actum sit. nos iā nihil, nisi occulte. de pueris quid agam? paruo ne nauigio committam? quid mihi animi in nauigando censes fore? recordor enim, æstate cum illo Rhodiorum ἀφράκτω nauigans quā fuerim sollicitus. quid duro tempore anni actuariolo fore censes? ò rem undique miseram. Trebatius erat mecum, uir plane, & ciuis bonus. quæ ille monstra, Dii immortales. etiam ne Balbus in senatum uenire cogitet? sed ei ipsi cras ad te literas dabo. Vetenū mihi amicum, ut scribis, ita puto esse. cum eo, quod ἀποτόμως ad me scripserat de numis curandis, θυμικώτερον erat. id tu, si ille aliter acceperit, ac debuit, lenies. Monetali autem ascripsi, quod ille ad me, Procōsuli. sed quoniam est homo, & nos diligit, ipse quoque à nobis diligatur. Vale.

CICERO ATTICO S.

QVID NAM mihi futurum est? aut quis me non solum infelicior, sed iam etiam turpior? nominatim de me sibi impetratum dicit Antonius: nec me tamen ipse adhuc uiderat, sed hoc Trebatio narrauit. quid agam nunc, cū nihil procedit, caduntq; ea, quæ diligentissime me sunt cogitata, teterrime? ego enim Curionem natus, omnia me consecutum putauī. is de me ad Hortensium scripserat. Reginus erat totus noster. huic nihil suspicabamur cum hoc mare negotij fore. quod me nunc uertam? undiq; custodior. sed satis lacrymis. παρὰ πλοῦτέον igitur, & occulte in aliquam onera-

riam corpendum : nō cōmittendum, ut etiā compa-
cto prohibiti uideamur . Sicilia petenda : quā si eri-
mus naēti , maiora quādam consequemur . sit modo
recte in Hispanijs . quanquam de ipsa Sicilia utinam sit
uerum , sed adhuc nihil secundi . concursus Siculorum
ad Catonem dicitur factus ; orasse , ut resisteret ; omnia
pollicitus : commotum illum , delectum habere coepisse .
non credo , ut est luculentus auctor . potuisse cer-
te tenere illam provinciam scio . ab Hispanijs autem
iam audietur . hic nos C. Marcellum habemus eadē de
re cogitantem , aut bene simulantem . quanquam ipsum
non uideram , sed ex familiarissimo eius audiebam . tu
quaeso , si quid habebis noui . ego , si quid moliti erimus ,
ad te statim scribam . Quintum filium seuerius adhi-
bebo . utinam proficere possem . tu tamen eas epistolas ,
quibus asperius de eo scripsi , aliquando concerpito , ne
quādo quid emanet : ego item tuas . Seruium expecto ,
nec ab eo quidquam dyēs . scies , quid erit . sine dubio
errasse nos , confitendum est . at semel ? at una in re ? im-
mo omnia , quo diligentius cogitata , eo facta sunt impru-
dentius . ἀλλὰ τὰ μὲν προτέτυχθαι, ἐάσωμεν ἀχνύμενοι
περὶ . in reliquis modo ne ruamus : iubes enim profectio-
nem meam providere . quid provideam ? ita patent
omnia , quae accidere possunt , ut , ea si uitem , sedendū sit
cum dedecore , & dolore ; si negligam , periculū est , ne
in manus incidam perditorum . sed uide , quantis in mi-
serijs simus . optandum interdum uidetur , ut aliquam
accipiamus ab istis quamuis acerbam iniuriam , ut ty-
ranno in odio fuisse uideamur . quod si nobis is cur-
sus , quem speraram , pateret ; effecissem aliquid profe-

LIB. X. EPIST.

Eto, ut tu optas, et hortaris, dignū nostra mora: sed mi-
 rificæ sunt custodiae. Et quidē ille ipse Curio suspectus.
 quare uī, aut clām agendum est: Et si uī, forte ne cum
 tempestate: clām autem cū istis. in quo si quod σφέλ-
 μα, uides quā turpe est. trahimur, nec fugiendum, si
 quid uiolentius. De Celio sæpe mecū agito, nec, si quid
 habuero tale, dimittam. Hispanias spero firmas esse.
 Massiliensium factū cum ipsum per se luculentum est,
 tum mihi argumento est, recte esse in Hispaniis: minus
 enim auderent, si aliter esset: Et scirent: nam et iun-
 cti, Et diligentes sunt. Odium autem recte animad-
 uertis significatum theatro. Legiones autē has, quas
 in Italia assumpsit, alienissimas esse uideo: sed tamē ni-
 hil inimicius, quā sibi ipse. illud recte times, ne ruat.
 si desperarit, certe ruet. quo magis efficiendum aliquid
 est, fortuna uelim meliore, animo Celiano, sed primum
 quidq; ; quod, quaecunq; erit, continuo scies. Nos iu-
 ueni, ut rogas, suppeditabimus, et Peloponnesum ipsam
 sustinebimus: est enim indoles, modo aliquid hoc sit
 ἡδὸς AKIMODON: quod si adhuc nullum est, esse
 tamen potest, aut ἀγέτη non est διδασκόν, quod mi-
 hi persuaderi non potest. Vale.

CICERO ATTICO S.

EPISTOLA tua gratissima fuit meæ Tulliae, et me-
 hercule mihi. semper secum aliquid afferūt tuæ literæ.
 scribes igitur: ac si qd ad spem poteris, ne dimiseris. tu
 Antonij leones pertimescas caue. nihil est illo homine in-
 cundius. attēde πρᾶξιν πολιτικοῦ. euocauit literis è mu-
 nicipiis

nicipijs denos : et Quatuor uiri uenerunt ad uillam eius mane . primū dormiit ad horas treis. deinde, cum esset nuntiatum uenisse Neapolitanos, & Cumanos (his enim est Cæsar iratus) postridie redire iussit, lauari se uelle, et περὶ κοιλιολυγαίων γίνεσθαι . hoc heri effecit . hodie autem in Aenariam transire constituit. exulibus reditum pollicetur. sed hæc omittamus, de nobis aliquid agamus.

Ab Axio accepi literas . de Tirone gratum. Veſte-
num diligo . Vestorio reddidi. Seruius prid. Non. Maij Minturnis mansisse dicitur, hodie in Liternino māsurus apud C. Marcellum. cras igitur nos mature uidebit, mihiq; dabit argumentum ad te epistolæ : iam enim nō re-
perio, quid tibi scribam . illud admiror, quod Antonius ad me ne nuntium quidem, cum præsertim me ualde obseruarit . uidelicet (aut aliquid atrocius de me impe-
raturum est) coram negare mihi non uult . quod ego nec rogaturus eram, nec, si impetrassem, crediturus. nos ta-
men aliquid excogitabimus . tu quæso, si quid in Hispa-
nijs : iam enim poterit audiri. & omnes ita expectant, ut, si recte fuerit, nihil negotij futurum putet . ego au-
tem nec, retentijs his, confectam rem puto ; neque, amif-
sis, desperatam . Siluium, & Ocellam, & cæteros credo retardatos . te quoque à Curtio impediri uideo . & si, ut opinor, habes Scythæ ὄνον : uitam miseram, maiusq; malum, tandiu timere, quàm est illud ipsum, quod time-
tur . Seruius, ut antea scripsi, cum uenisset Non. Maij, postridie ad me uenit . ne diutius te teneam, nullius con-
siliij exitum inuenimus . nunquam uidi hominem per-
turbatiorem metu . neque hercule quidquam timebat, quod non esset timendum : illum sibi iratum, hunc non

LIB. X. EPIST.

amicum: horribilem utriusque uictoriam, cum propter alterius crudelitatem, alterius audaciam, tum propter utriusque difficultatē pecuniariam, qua frui nusquam, nisi ex priuatorum bonis, posset. atque hæc ita multis cum lacrymis loquebatur, ut ego mirarer eas tam diu-
turna miseria non exaruisse. mihi quidem etiam lippitudo hæc, propter quam non ipse ad te scribo, sine ulla lacryma est, sed sæpius odiosa est propter uigilias. quā ob rem quidquid habes ad consolandum, collige, et illa scribe, non ex doctrina, neque ex libris: nam id quidem domi est, sed nescio quo modo imbecillior est medicina, quā morbus: hæc potius conquire de Hispanijs, de Massilia: quæ quidem satis bella Seruius affert: qui etiam de duabus legionibus luculentos auctores esse dicebat. hæc igitur si habebis, & talia. & quidem paucis diebus aliquid audiri necesse est. sed redeo ad Seruium. distulimus omnino sermonem in posterum, sed tardus ad exeundum: multo se in suo letulo malle, quidquid foret. odiosus scrupulus de filij militia Brundusina. unum illud firmissime asseuerabat, si damnati restituerentur, in exilium se iturum. nos autem ad hæc, & ipsum certo fore, & quæ iam fiebant, non esse leuiora: multaque colligebamus. uerum ea non animum eius augebant, sed timorem, ut iam celandus magis de nostro consilio, quā ad idem uideretur. quare in hoc non multum est. Nos à te admoniti de Celio cogitabimus. Vale.

CICERO ATTICO S.

SERVIVS cum esset apud me, Cephalio cum tuis literis VI. Id. uenit, quæ nobis magnam spem attulerunt meliorum rerum de octo cohortibus: etenim hæ quoque, quæ in his locis sunt, labare dicuntur. eodem die Furnisulanus à te attulit literas, in quibus erat confirmatius idem illud. ei de suo negotio respondi cumulate, cum omni tua gratia. adhuc non satisfaciabat: debet autem mihi multos numos, nec habetur locuples. nunc ait se daturum: cui expensum tulerit, morari: tabellariis, si apud te esset, quæ satisfecisses, dares: quantum sit, Eros Philotimi tibi dicet. sed ad maiora redeamus.

Quod optas, Celianum illud maturescit. itaque torqueor, utrum uentum expectem. uexillo opus est: conuolabunt. Quod suades, ut palam: prorsus assentior. itaque me profecturum puto. tuas tamen interim literas expecto. Seruii consilio nihil expeditur. omnes captiones in omni sententia occurrunt. unum C. Marcello cognoui timidiorē, quem Consulem fuisse poenitet. ὁ πολλὸς ἀγεννέας, qui etiam Antonium confirmasse dicitur, ut me impediret, quo ipse credo honestius. Antonius autē VI. Id. Capuā profectus est. ad me missus sit, se pudore deterritū ad me nō uenisse, quod me sibi succedere putaret. ibitur igitur, et ita quidem, ut censes, nisi cuius grauioris personæ suscipiendæ spes erit ante oblata. sed uix erit tā cito. Halienus autē Præt. putabat aliquē, si ego nō, ex collegis suis. quiuis licet, dū modo aliquis. De sorore laudo. De Quinto puero, datur opera: spe-

Y ij

LIB. X. EPIST.

ro esse meliora. De Quinto fratre, scito eum non me diocriter laborare de usura: sed adhuc nihil à L. Egnatio expressit. Axius de XL. millibus pudens: saepe enim ascripsit, ut Gallio, quantum is uellet, darem. quod si non scripsisset, possem ne aliter? Et quidem saepe sum pollicitus. sed tantum uoluit cito. me uero adiuuarent ijs in angustijs. sed tu istos. uerum alias. Te à quar-
tana liberatum gaudeo, itemq; Piliam. Ego, dum pa-
nes, et cetera in nauem parantur, excurro in Pompeia-
num. Veſtēno uelim gratias, quod studiosus. si quē-
quam nactus fueris, qui perferat, literas des ante, quam
discedimus. Vale.

CICERO ATTICO S.

COMMODVM ad te dederam literas de pluribus
rebus, cum ad me bene mane Dionysius fuit. cui qui-
dem ego non modo placabilem me prabuissem, sed to-
tum remissem, si uenisset qua mente tu ad me scripse-
ras: erat enim sic in tuis literis, quas Arpini acceperam,
eum uenturum, facturumq; quod ego uellem. ego uo-
lebam autem, uel cupiebam potius, esse eum nobiscum.
quod quia plane, cum in Formianum uenisset, præcide-
rat, asperius ad te de eo scribere solebam. at ille per-
pauca locutus, hanc summam habuit orationis, ut sibi
ignoscerem, se rebus suis impeditum nobiscum ire non
posse. pauca respondi: magnum accepi dolorem: in-
tellexi fortunam ab eo nostram despectam esse. quid
queris? fortasse miraberis: in maximis horum tempo-
rum doloribus hunc mihi scito esse. uelim, ut tibi ami-

cus sit. hoc cum tibi opto, opto, ut beatus sis: erit enim tandiu. Consilium nostrum spero uacuum periculo fore: nam & dissimulauimus, & ut opinor, acerrime obseruabimus. nauigatio modo sit, qualem opto. cetera, quæ quidem consilio prouideri poterunt, cauebuntur. tu, dum adsumus, non modo quæ scieris, audieris' ue, sed etiam quæ futura prouidebis, scribes uelim. Cato, qui Siciliam tenere nullo negotio potuit, & si tenuisset, omnes boni ad eum se contulissent; Syracusis profectus est ante diem V III. Cal. Maij, ut ad me Curio scripsit. utinam, quod aiunt, Cotta Sardiniam teneat: est enim rumor. o, si id fuerit, turpem Catonem.

Ego, ut minuerem suspicionem profectionis, aut cogitationis meæ, profectus sum in Pompeianum ad I III. Id. ut ibi essem, dum, quæ ad nauigandum opus essent, pararentur. cum ad uillam uenissem, uentum est ad me: centuriones trium cohortium, quæ Pompeijs sunt, me uelle postridie, (hæc mecum Ninnius noster) uelle eos mihi se, & oppidum tradere. at ego tibi postridie à uilla ante lucem, ut me omnino illi ne uiderent: quid enim erat in tribus cohortibus? quid si plures, quo apparatus? cogitavi eadē illa Celiana, quæ legi in epistola tua, quā accepi simul in Cumantum uenī eodem die. & simul fieri poterat, ut tentaremur. omnem igitur suspicionem sustuli. sed cum redeo, Hortensius uenerat, ad Terentiā salutatū diuerterat, sermone erat usus honorifico erga me. tamen eum, ut puto, uidebo: misit enim puerum, se ad me uenire. hoc quidem melius, quā collega noster Antonius, cuius inter lictores lectica mima portatur. tu, quoniam quartana cares, & non modo

LIB. X. EPIST.

morbum remouisti, sed etiam grauedinem, te uegetum nobis in Græcia siste, & literarum aliquid interea.

CICERO ATTICO S.

P R I D. Id. Hortensius ad me uenit scripta epistola. uellem cetera eius. quàm in me incredibilem *ἐκτένεια*: qua quidem cogito uti. deinde Serapion cum epistola tua. quam prius quàm aperuissem, dixi ei, te ad me de eo scripsisse antea, ut feceras. deinde epistola lecta, cumulatissime cetera. & hercule hominem probo: nam & doctum, & probum existimo. quin etiam nauis eius me, & ipso conuettore usurum puto. Crebro refricat lippitudo, non illa quidem perodiosa, sed tamen quæ impediat scriptionem meam. Valetudinem tuam iam confirmatam esse & à uetere morbo, & à nouis tentationibus, gaudeo. Ocellam uellem haberemus: uidentur enim esse hæc paulo faciliora. nunc quidem æquinoctium nos moratur, quod ualde perturbatum erat. id s. cras erit. utinam idem maneat Hortensius, si quidem adhuc erat. liberalius esse nihil potest. De diplomate admiraris, quasi nescio cuius te flagitij insimularem: negas enim te reperire, qui mihi id in mentem uenerit. ego autem, quia scripseras te proficisci cogitare (etenim audieram nemini aliter licere) eo te habere censebam, & quia pueris diploma sumpseras. habes causam opinionis meæ. & tamen uelim scire, quid cogites, in primisq; si quid etiam nunc noui est. XV II. Cal. Iun.

CICERO ATTICO S.

T VLLIA mea peperit XIII. Cal. Iun. puerum ἐπ-
ταμηνιάων . quod ἐντόκησεν, gaudebam . quod quidem
est natum, perimbecillum est. Me mirifica tranquil-
litates adhuc tenuerunt, atque maiore impedimento
fuerunt, quàm custodiæ, quibus asseruor: nam illa
Hortensiana omnia fuere infantia. ita fiet homo nequis-
simus: à Saluio liberto deprauatus est. itaque posthac
non scribam ad te, quid facturus sim, sed quid fece-
rim: omnes enim Κωρυκαῖοι uidetur subauscultare, quæ
loquor. tu tamen, si quid de Hispanys, siue quid aliud,
perge quæso scribere, nec meas literas expectaris, nisi
cum, quò opto, peruenerimus, aut si quis ex cursu.
sed hoc quoque timide scribo: ita omnia adhuc tarda,
& spissa, ut male posuimus initia, sic cætera sequen-
tur. furias nunc sequimur. eadem nos fortasse furia
persequentur. ex Balbi autem sermone, quem tecum
habuit, non probamus de Melita. dubitas igitur, quin
nos in hostium numero habeat? scripsi equidem Balbo,
te ad me de beneuolentia scripsisse, & de suspitione.
de altero egi gratias: de altero ei me purgaui. ecquem
tu hominem infeliciorem? non loquor plura, ne te quo-
que excruciem. ipse conficior uenisse tempus, cū iam nec
fortiter, nec prudenter quidquam facere possim. Vale.

M. TVLLII CICERONIS EPISTO-
LARVM AD T. POMPO-
NIVM ATTICVM

LIBER XI.

CICERO ATTICO S.

CC EPIA te signatum libellum, quē
Anteros attulerat, ex quo scire nihil
potui de nostris domesticis rebus, de
quibus acerbissime afflictor, quod qui
eas dispensauit, neque adest istic, ne-
que, ubi terrarum sit, scio. omnem autem spem habeo
existimationis, priuatarumq; rerum in tua erga me
mihi perspectissima beneuolentia: quam si his tempo-
ribus miseris, & extremis præsiteris, hæc pericula,
quæ mihi communia sunt cum cæteris, fortius feram.
idq; ut facias, te obtestor, atque obsecro. ego in cisto-
phoro in Asia habeo ad HS bis, & uicies. huius pe-
cuniæ permutatione fidem nostram facile tuebere: quā
quidem ego nisi expeditam relinquere putassem, cre-
dens ei, cui tu scis iam pridem minime credere: com-
moratus essem paulisper, nec domesticas res impeditas
reliquissem: ob eamq; causam serius ad te scribo, quod
sero intellexi, quid timendum esset. te etiam, atque
etiam oro, ut me totum tuendum suscipias, ut, si ij
salui erunt, quibus cum sum, unā cum ijs possim inco-
lumis esse, salutemq; meam beneuolentiæ tuæ acceptam
referre.

Vale.

CICERO ATTICO S.

L I T E R A S tuas accepi prid. Non. Febr. eoq; ipso die ex testamento creui hæreditatē . ex multis meis, & mi ferrimis curis est una enata, si, ut scribis, ista hæreditas fidem, & famā meam tueri pōtest : quā quidem te intelligo etiā sine hæreditate tuis opibus defensurū fuisse .

De dote quod scribis, per omnes Deos te obtestor, ut totam rem suscipias, & illam miseram mea culpa, & negligentia, tuare meis opibus, si quæ sunt, tuis, quibus tibi molestum non erit, facultatibus . cui quidem deesse omnia, quod scribis, obsecro te noli pati : in quos enim sumptus abeunt fructus prædiorum? iam illa HS LX, quæ scribis, nemo mihi unquam dixit ex dote esse detracta: nunquā enim essem passus. sed hæc minima est ex ijs iniurijs, quas accepi, de quibus ad te dolore, & lacrymis scribere prohibeor. ex ea pecunia, quæ fuit in Asia, partem dimidiam ferè exegi. tutius uidebatur fore ibi, ubi est, quā apud publicanos. Quod me hortaris, ut firmo sim animo: uellē posses aliquid afferre, quā ob rē id facere possem . sed si ad cæteras miseras accessit etiā id, quod mihi Chrysippus dixit parari (tu nihil significasti) de domo, quis me miserior uno iam fuit? oro, obsecro, ignosce : nō possum plura scribere . quāto mœ rore urgear, profecto uides. quod si mihi cōmune cum cæteris esset, qui uidetur in eadē causa esse, minor mea culpa uideretur, & eo tolerabilior esset: nunc nihil est, quod consoletur, nisi quid tu efficis, si modo etiam nūc effici potest, ut ne qua singulari afficiar calamitate, &

LIB. XI. EPIST.

iniuria. Tardius ad te remissi tabellarium, quod potestas mittendi non fuit. A' tuis & numorum accepi HS LXX, & uestimentorum quod opus fuit. Quibus tibi uidebitur, uelim des literas nomine meo. nosti meos familiares. signum requirent, aut manum: dices ijs, me propter custodias ea uitasse. Vale.

CICERO ATTICO S. 3

QVID hic agatur, scire poteris ex eo, qui literas attulit: quem diutius tenui, quia quotidie aliquid noui expectabamus. neque nunc mittendi tamen ulla causa fuit, praeter eam, de qua tibi rescribi uoluisti. Quod ad Cal. Quint. pertinet, quid uelle: utrumque graue est, & tam graui tempore periculum tanta pecunia, & dubio rerum exitu ista, quam scribis, abruptio. quare ut alia, sic hoc uel maxime tuae fidei, beneuolentiaeque; permitto, & illius consilio, & uoluntati: cui miserae consuluissem melius, si tecum olim coram potius, quam per literas de salute nostra, fortunisque; deliberauissem. Quod negas praecipuum mihi ullum incommodum impendere, & si ista res nihil habet consolationis, tamen etiam praecipua multa sunt, quae tu profecto uides grauissima esse, & me facillime uitare potuisse: ea tamen erunt minora, si, ut adhuc factum est, administratione, diligentiaque; tua leuabuntur. Pecunia apud Egnatium est. sit a me, ut est: neque enim hoc, quod agitur, uidetur diuturnum esse posse, ut scire iam possim, quid maxime opus sit. & si egeo rebus omnibus, quod is quoque in angustiis est, qui cum sumus; cui magnam dedimus pecuniam mutuam,

opinantes nobis constitutis rebus eam rem etiam hono-
ri fore. Tu, ut antea fecisti, uelim, si qui erunt,
ad quos aliquid scribendum à me existimes, ipse confi-
cias. Tuis salutem dic. Cura, ut ualeas. in primis id,
quod scribis, omnibus rebus cura, & provide, ne quid
ei desit, de qua scis me miserrimum esse. Idib. Iun.
ex castris.

CICERO ATTICO S. 4

A CCEPI ab Isidoro literas, & postea datas binas. ex
proximis cognoui, prædia non uenisse. uidebis ergo, ut
sustentetur per te. de Frusinati, si modo futuri sumus,
erit mihi res opportuna. Meas literas quod requiris,
impedior inopia rerum, quas nullas habeo literis di-
gnas, quippe cui nec, quæ accidunt, nec, quæ aguntur,
ullo modo probentur. utinam coram tecum olim po-
tius, quàm per epistolas. Hic tua, ut possum, tueor
apud hos. cætera Celer. ipse fugi adhuc omne munus,
eo magis, quòd ita nihil poterat agi, ut mihi, & meis
rebus aptum esset. Quid sit gestum noui, quæris: ex
Isidoro scire poteris: reliqua non uidentur esse diffici-
liora. tu id uelim, quod scis me maxime uelle, cures, ut
scribis, ut facis. Me conficit sollicitudo, ex qua etiam
summa infirmitas corporis. qua leuata, ero unà cum
eo, qui negotium gerit, estq; in spe magna. Brutus ami-
cus in causa uersatur acriter. hætenus fuit, quod cau-
te à me scribi posset. De pensione altera, oro te, omni
cura considera, quid sit faciendum, ut scripsi ijs literis,
quas Pollex tulit. Vale.

CICERO ATTICO. S.

QV AE me causa mouerint, quàm acerbâ, quàm graues,
 quàm nouâ, coegerintq; impetu magis quodâ animi uti,
 quàm cogitatione, nō possum ad te sine maximo dolore
 scribere: fuerunt quidē tantâ, ut id, quod uides, effece-
 rint. itaque nec quid ad te scribam de meis rebus, nec
 quid à te petâ, reperio. rem, & summâ negotij uides.
 equidem ex tuis literis intellexi, & ips, quas cōmuniter
 cū alijs scripsisti, & ips, quas tuo nomine, quod etiâ mea
 sponte uidebam, te subdebitatū nouas rationes tuendi
 mei querere. Quod scribis placere, ut propius accedâ,
 iterq; per oppida noctu faciam: non sanè uideo, quem-
 admodum id fieri possit: neque enim ita apta habeo di-
 uersoria, ut tota tempora diurna in his possim cōsume-
 re: neque ad id, quod quæris, multum interest, utrum
 me homines in oppido uideant, an in uia. sed tamē hoc
 ipsum, sicut alia, considerabo quemadmodum cōmodis-
 sime fieri posse uideatur. ego propter incredibilem &
 animi, & corporis molestiam conficere plures literas
 non potui: ips tantum rescripsi, à quibus acceperam. tu
 uelim & Basilio, & quibus præterea uidebitur, etiam
 Seruilio conscribas, ut tibi uidebitur, meo nomine.
 Quod tanto interuallo nihil omnino ad uos: profecto
 intelligis rem mihi deesse, de qua scribam, non uolunta-
 tem. Quod de Vatinio quæris: neque illius, neque cu-
 iusquâ mihi præterea officiū deest, si reperire possent,
 qua in re me iuuarent. Quintus auersissimo à me
 animo Patris fuit: eodem Corcyra filius uenit: inde
 profectos eos unâ cum cæteris arbitrator. Vale.

SOLICITVM esse te cum de tuis, cōmunibusq; fortunis, tum maxime de me, ac de dolore meo, sentio. quī quidē dolor meus non modo nō minuitur, cum socium sibi adiūgit dolorem tuum, sed etiam augetur. omnino pro tua prudentia sentis qua cōsolatione leuari maxime possim: probas enim meum consiliū, negasq; mihi quidquam tali tempore potius faciēdum fuisse. addis etiam (quod etsi mihi leuius est, q̄ tuum iudicium, tamen nō est leue) ceteris quoque, id est qui pondus habeant, factū nostrum probari. id si ita putarem, leuius dolerē. crede, inquis, mihi. credo equidē: sed scio, q̄ cupias minui dolorem meum. Me discessisse ab armis nunquā poenituit. tāta erat in illis crudelitas, tanta cum barbaris gentibus coniunctio, ut non nominatim, sed generatim proscriptio esset informata; ut iam omnium iudicio constitutū esset, omnium uestrum bona prādam esse illius uictoriā, uestrum plane dico: nūquam enim de te ipso, nisi crudelissime, cogitatū est. quare uolūtatis me meae nunquam poenitebit: consilij poenitet. in oppido aliquo malle resedisse, quoad accerserer: minus sermonis subiissem: minus accepissem doloris: ipsum hoc me non angere. Brūdusij iacere, in omnes partes est molestum. propius accedere, ut suades, quo modo sine lictoribus, quos populus dedit, possum? qui mihi incolumi adimī nō possunt: quos ego modo paulisper cū bacillis in turba conieci ad oppidū accedēs, ne quis impetus militū fieret. recipio tēpore me domo, te nūc ad Oppiū, quoniā

ijs placeret modo propius accedere, ut hac de re confide-
 rarent. credo fore auctores: sic enim recipiunt, Cæsari
 nō modo de conseruanda, sed etiam de augenda mea di-
 gnitate curæ fore: meq; hortantur, ut magno animo
 sim, ut omnia summa sperē: ea spondēt, confirmāt. quæ
 quidē mihi exploratiora essent, si remāsissem. sed inge-
 ro præterita. uide quæso igitur ea, quæ restāt: & ex-
 plora cū istis: et si putabis opus esse, & si istis placebit,
 quo magis factū nostrū Cæsar probet, quasi de suorum
 sententia factum; adhibeantur Trebonius, Pansa, si quī
 alij, scribantq; ad Cæsare, me, quidquid fecerim, de sua
 sententia fecisse. Tullie meæ morbus, & imbecillitas
 corporis me exanimat: quā tibi intelligo magnæ curæ
 esse, quod est mihi gratissimum. De Pōpeij exitu mi-
 hi dubiū nunquam fuit: tanta enim desperatio rerum
 eius omniū Regum, & populorū animos occuparat, ut,
 quocūque uenisset, hoc putare futurū. non possum eius
 casum nō dolere: hominem enim integrū, & castū, &
 grauem cognoui. De Fānio cōsoler te? pernicioſa lo-
 quebatur de mansione tua. Lucius uero Lētulus Hortē-
 sij domum sibi, & Cæsaris hortos, & Baias despōderat.
 omnino hæc eodē modo ex hac parte fuit: nisi illud erat
 infinitū: omnes enim, qui in Italia remāserant, hostium
 numero habebantur. sed uelim hæc aliquādo solutiore
 animo. Quintum fratrem audio profectū in Asiā, ut
 deprecaretur. de filio nihil audiui. sed quare ex Dioca-
 re Cæsaris liberto, quē ego nō uidi, qui istas Alexandrinas
 literas attulit. is dicitur uidisse an euntē, an iā in Asia?
 Tuas literas, prout res postulat, expecto, quas uelim cu-
 res quāprimū ad me perferēdas. Vale. II II. Cal. Dec.

CICERO ATTICO S. V.

GRATIAE mihi tuæ literæ sunt, quibus accurate perscripsisti omnia, quæ ad me pertinere arbitratus es. factum igitur, ut scribis, istis placere, iisdem istis lictoribus me uti, quod concessum Sestio sit: cui non puto suos esse cōcessos, sed ab ipso datos: audio enim eum ea S. C. improbare, quæ post discessum Tribunorum facta sunt. quare poterit, si uolet sibi cōstare, nostros lictores cōprobare. quāquam quid ego de lictoribus, qui penè ex Italia decedere sim iussus? nam ad me misit Antonius exemplū Cæsaris ad se literarum, in quibus erat, se audiuisse, Catonem, & L. Metellum in Italiam uenisse, Romæ ut essent palam: id sibi non placere, ne qui motus ex eo fierent: prohiberiq; omnes Italia, nisi quorum ipse causam cognouisset. deq; eo uehementius erat scriptum. itaque Antonius petebat à me per literas, ut sibi ignoscerem: facere se non posse, quin ijs literis pareret. tum ad eum misi L. Lamiam, qui demonstraret illum Dolabella dixisse, ut ad me scriberet, ut in Italiam quamprimum uenirem: eius me literis uenisse. tum ille edixit ita, ut me exciperet, & Laliū nominatim. quod sanè nollem: poterat enim sine nomine re ipsa excipi. o multas, & graues offensiones: quas quidem, tu das operam, ut lenias: nec tamē nihil proficis: quin hoc ipso minuis dolorem meum, quod, ut minuas, tam ualde laboras: idq; uelim ne grauere quam sapissime facere. maxime autem assequere quod uis, si me adduxeris, ut existimem me bonorum iudicium non fundi-

LIB. XI. EPIST.

tus perdidisse . quanquā quid tu in eo potes? nihil scilicet . sed si quid res dabit tibi facultatis, id me maxime cōsolari poterit . quod nunc quidē uideo nō esse . sed si quid ex euentis : ut hoc nunc accidit . dicebar debuisse cum Pompeio proficisci . exitus illius minuit eius officij prætermissi reprehensionem . sed ex omnibus nihil magis tamen desideratur, quā quod in Africam non ierim . iudicio hoc sum usus, nō esse barbaris auxilijs fallacissimæ gentis Remp. defendēdam, præsertim contra exercitum sæpe uictorem . non probant fortasse : multos enim uiros bonos in Africam uenisse audio, & scio fuisse antea . ualde hoc loco urgeor . hic quoque opus est casu aliqui sint ex eis, aut, si potest, omnes, qui salutē anteponāt : nam si perseverant, & obtinent ; quid nobis futurum sit, uides . dices, quid illis, si uicti erunt? honestior est plaga . hæc me excruciant . Sulpitij autē consilium, non scripsisti, cur meo non anteponeres . quod & si non tam gloriosum est, quā Catonis, tamen & periculo uacuum est, et dolore . extremum est eorū, qui in Achaia sunt . ij tamen ipsi se hoc melius habēt, quā nos, quod & multi sunt uno in loco, & cum in Italiam uenerint, domum statim uenerint . hæc tu perge, ut facis, mitigare, & probare quā plurimis . Quod te excusas : ego uero & tuas causas nosco, et mea interesse puto, te istic esse, uel ut cū ijs, quibus oportebit, agas, quæ erunt agēda de nobis, ut ea, quæ egisti . in primisq; hoc uelim animaduertas . multos esse arbitror, qui ad Cæsare detulerint, delaturiue sint, me aut poenitere consilij mei, aut non probare, quæ fiant . quorum & si utrūque uerū est, tamē ab illis dicitur animo à me alienato,

alienato, non quo ita perspexerint. sed totum ut hoc Balbus sustineat, & Oppius, & eorum crebris literis illius uoluntas erga me confirmetur, & hoc plane ut fiat, diligentiam adhibebis. Alterum est, cur te nolim discedere, quod scribis Terentiam flagitare. ò rem miseram. quid scribam? aut quid uelim? breue faciã: lacrymæ enim se subito profuderunt: tibi permitto: tu consule. tantum uide, ne hoc tēporis Terentiæ obesse aliquid possit. ignosce, obsecro te: non possum præ fletu, et dolore diutius in hoc loco commorari. tantum dicam, nihil mihi gratius esse, quàm quòd eam diligis. Quòd literas, quibus putas opus esse, curas dandas, facis commode. Quintum filiū, uidi, qui Sami uidisset, patrem Sicyone: quorum deprecatio est facilis. utinam illi, qui prius illum uiderunt, me apud eum uelint adiutum tantum, quātum ego illos uellem, si quid possem. Quod rogas, ut in bonam partem accipiam, si qua sint in tuis literis, quæ me mordeant: ego uero in optimam, tēq; rogo, ut aperte, quemadmodum facis, scribas ad me omnia, idq; facias quam sēpissime. Vale. XIII. Cal. Ian.

CICERO ATTICO S. 9

QUANTIS curis afficiar, etsi profecto uides, tamen cognosces ex Lepta, & Trebatio. maximas pœnas pendō temeritatis meæ, quam tu prudētiā mihi uideri uis, neq; te deterreo, quo minus id disputes, scribasq; ad me q̄sēpissime: nō nihil enim me leuant tuæ literæ hoc tēpore. per eos, qui nostra causa uolunt, ualentq; apud illum, diligentissime contendas opus est, per Balbum, & Oppium maxime, ut de me scribant quam diligētissime:

Z

LIB. XI. EPIST.

oppugnamur enim, ut audio, & à presentibus quibusdam, & per literas. is ita occurrédum, ut rei magnitudo postulat. Furnius est illic mihi inimicissimus. Quintus misit filium non solum sui deprecatorem, sed etiam accusatorem mei. diētitat, se à me apud Cæsarem oppugnari. quod refellit Cæsar ipse, omnesq; eius amici. neq; uero desistit, ubicunque est, omnia in me maledicta conferre. nihil mihi unquam tam incredibile accidit, nihil in his malis tam acerbū. qui ex ipso audissent, cum Sicyone palàm multis audientibus loqueretur, nefaria quædam ad me pertulerunt. nosti genus, etiam expertus es fortasse: in me id est omne conuersum. sed augeo commemorando dolorem, & facio etiam tibi. quare ad illud redeo. cura, ut huius rei causa dedita opera mittat aliquem Balbus. ad quos uidebitur, uelim cures literas meo nomine. Vale. XV. Cal. Ian.

CICERO ATTICO S. 10

E G O uero & incaute, ut scribis, & celerius, quam oportuit, feci, nec in ulla sum spe, quippe qui exceptionibus edictorum retinear. quæ si nō essent sedulitate effecta, & beneuolentia tua, liceret mihi abire in solitudines aliquas. nunc ne id quidem licet. quid autem me iuuat, quod ante initum Tribunatum ueni, si ipsum, quod ueni, nihil iuuat? iā quid sperem ab eo, qui mihi amicus nunquam fuit, cum iam lege etiam sim confectus, & oppressus? quotidie Balbi ad me literæ languidiores, multaq; multorum ad illum, fortasse cōtra me. meo uitio pereō. nihil mihi mali causa attulit: omnia culpa contracta sunt: ego enim, cum genus belli uide-

rem, imparata, & infirma omnia contra paratissimos,
iueram (quid facerem?) ceperamq; consilium non tā
forte, quam mihi prater ceteros concedendum. cessi=
mus, uel potius parui. ex quibus unus qua mente fue=
rit, is, quem tu mihi commendas, cognosces ex ipsius lite=
ris, quas ad te, & ad alios misit. quas ego nunquam
aperuissim, nisi res acta sic esset. delatus est ad me fa=
sciculus: solui, si quid esset ad me literarū: nihil erat.
epistola Vatino, & Ligurio altera: iussi ad eos deferri.
illi ad me statim ardentes dolore uenerunt, scelus ho=
minis clamantes. epistolas mihi legerunt plenas omni=
um in me probrorum. hic Ligurius furere: se enim sci=
re, summo illum in odio fuisse Cæsari; illum tamen nō
modo fouisse, sed & tantam pecuniam illi dedisse ho=
noris mei causa. hoc ego dolore accepto, uolui scire,
quid scripisset ad ceteros: ipsi enim illi putauī perni=
ciosum fore, si eius hoc tantum scelus percrebuisse.
cognoui. eiusdem generis literas ad te misi. quas si pu=
tabis illi ipsi utile esse reddi, reddes: nil me lædet. nam
quod resignatae sunt, habet, opinor, eius signum Pompo=
nia. hac ille acerbitate initio navigationis cum usus es=
set, tanto me dolore affecit, ut postea iacuerim. neque
nunc tam pro se, quam contra me laborare dicitur.
ita omnibus rebus urgeor, quas sustinere uix possum,
uel plane nullo modo possum. quibus in miserijs una
est pro omnibus, quod istam miseram, patrimonio,
fortuna omni spoliata relinquam. quare te, ut
polliceris, uidere plane uelim: alium enim, cui il=
lam commedem, habeo neminem, quoniam matri quo=
que eadem intellexi esse parata, quæ mihi. sed si me non

LIB. XI. EPIST.

offendes, satis tamen habeto commendatā, patrumq; in ea, quantū poteris, mitigato. hæc ad te die natali meo scripsi: quo utinā susceptus nō essem, aut ne qd ex eadē matre postea natū esset. plura scribere fletu prohibeor.

CICERO ATTICO S. 11

A D MEAS incredibiles ægritudines aliquid noui accedit ex ijs, quæ de Q. Q. ad me afferuntur. P. Terentius meus necessarius operas in portu, & scriptura Asiæ pro magistro dedit. is Quintum filiū Ephesi uidit VI. Id. Dec. eumq; studiose propter amicitiam nostrā inuitauit. cumq; ex eo de me contaretur, eū sibi ita dixisse narrabat, se mihi esse inimicissimum, uolumentq; sibi ostendisse orationis, quam apud Casarem cōtra me esset habiturus: multa à se dicta contra eius amentia: multa postea Patris consimili scelere secum Quintum patrem locutum: cuius furorem ex ijs epistolis, quas ad te misi, perspicere potuisti. hæc tibi dolori esse certo scio: me quidem excruciant, et eo magis, quod mihi cum illis ne querendi quidem locum futurum puto. De Africanis rebus longe alia nobis, ac tu scripseras, nuntiātur: nihil enim firmitus esse dicunt, nihil paratius. accedit Hispania, & alienata Gallia, legionum nec uis eadem, nec uoluntas, urbanæ res perditæ. quid est, ubi acquiescam? nisi quandiu tuas literas lego: quæ essent profecto crebriores, si quid haberes, quo putares meam molestiam minui posse. sed tamen te rogo, ne intermittas scribere ad me, quidquid erit; eosq; qui mihi tā crudeliter inimici sunt, si odisse non potes, accuses tamen, non ut aliquid proficias, sed ut tibi me carum esse sentiant. plu-

ra ad te scribam, si mihi ad eas literas, quas proxime ad te dedi, rescripseris. Vale. XII. Cal. Febr.

CICERO ATTICO S. 12.

C ONFECTVS iam cruciatu maximorum dolorū, ne si sit quidem, quod ad te debeam scribere, facile id exequi possem, hoc minus, quod res nulla est, quæ scribenda sit, cum præsertim ne spes quidem ulla ostendatur fore melius. ita iam ne tuas quidem literas expecto. quanquam semper aliquid afferunt, quod uelim. quare tu quidem scribito, cū erit, cui des. ego tuis proximis, quas tamen iam pridem accepi, nihil habeo, quod rescribam: longo enim intervallo uideo immutata esse omnia, illa esse firma, quæ debeant, nos stultitiæ nostræ grauissimas pœnas pendere. P. Sallustio curanda sunt HS XXX, quæ accepi à Cn. Sallustio. uelim uideas, ut sine mora curentur. de ea re scripsi ad Terentiam. atque hoc ipsum iam propè cōsumptum est. quare id quoque uelim, cum illa uideas, ut sit, qui utamur. hic fortasse potero sumere, si sciam istic paratum fore: sed prius, quàm id scirem, nihil sum ausus sumere. qui sit omnium rerum status noster, uides. nihil est mali, quod non et sustineam, et expecte. quarū rerū eo grauior est dolor, quo culpa maior. ille in Achaia nō cessat de nobis detrachere. nihil uidelicet tuæ literæ profecerunt. Vale. VIII. Id. Martij.

CICERO ATTICO S. 13.

C EPHALIO mihi à te literas reddidit ad VIII. Id. Martij uespere. eo autem die mane tabellarios mi-

Z ii

seram, quibus ad te dederam literas. tuis tamen lectis literis, putavi aliquid rescribendum esse, maxime, quod ostendis te pendere animi, quamnam rationem sim Cæsari allaturus profectiois meae tum, cū ex Italia disceserim. nihil opus est mihi noua ratione: saepe enim ad eū scripsi, multisq; mandavi, non potuisse, cum cupissem, sermones hominum sustinere: multaq; in eam sententiam: nihil enim erat, quod minus eum uellem existimare, quam me tanta de re nō meo consilio usum esse: potestaq; quā mihi literæ à Balbo Cornelio minore missæ essent, illum existimare. Quintum fratrem lituum meae profectiois fuisse (ita enim scripsit) qui nōdum cognosset quæ de me Quintus scripsisset ad multos: etsi multa præsens in præsentem acerbe dixerat, & fecerat, tamen

* L. in eo his uerbis ad Cæsarem scripsi. de Quinto fratre meo nō minus laboro, q̄ de me ipso. sed eum tibi cōmendare hoc meo tempore non audeo. illud duntaxat tamē audebo petere abs te, quod te oro, ne qd existimes ab illo factum esse, quo minus mea in te officia constaret, minus ue te diligerem, potiusq; illum semper auctorem nostræ coniunctionis fuisse, meiq; itineris comitem, non ducem. quare cæteris in rebus tantum ei tribues, quātum humanitas tua, amicitiaq; uestra postulat: ego ei ne quid apud te obsem, id te uehementer etiam, atq; etiam rogo. Quare, si quis congressus fuerit mihi cū Cæsare (etsi nō dubito, quin is lenis in illū futurus sit, idq; iam declarauerit) ego tamen is ero, qui semper fui. sed, ut uideo, multo magis est nobis laborandum de Africa. quam quidem tu scribis confirmari quotidie magis ad conditionis spem, quā uictoriæ. quod utinam

ita esset. sed lōge aliter esse intelligo, tēq; ipsum ita existimare arbitror, aliter autem scribere non fallendi, sed confirmandi mei causa, praesertim cum adiungatur ad Africam etiā Hispania. Quod me admones, ut scribā ad Antonium, et ad ceteros: si quid uidebitur tibi opus esse, uelim facias id, quod saepe fecisti: nihil enim uenit mihi in mētē, quod scribendū putē. Quod me audis fractionem esse animo: quid putas, cū uideas accessisse ad superiores egritudines praeslantas generi actiones? tu tamē uelim, ne intermittas, quoad eius facere poteris, scribere ad me, etiā si rem, de qua scribas, nō habebis: semper enim afferunt aliquid mihi literae tuae. Galeonis hereditatē creui: puto enim cretionem simplicem fuisse, quoniam ad me nulla missa est. Vale. VIII. Id. Mart.

CICERO ATTICO S. 14.

A' M V R E N A E liberto nihil adhuc acceperā literarum. P. Sifer reddiderat eas, quibus rescribo. De Serui patris literis quod scribis, item, Quintum in Syriam uenisse, quod ais esse qui nuntient: ne id quidem uerum est. Quod certiore te uis fieri, quo quisque in me animo sit, aut fuerit eorum, qui huc uenerunt: neminem alieno intellexi: sed quantum id meae inter sit, existimare te posse certo scio. mihi cum omnia sunt intolerabilia ad dolorē, tum maxime, quod in eam causam uenisse me uideo, ut sola utilia mihi esse uideatur, quae semper nolui. P. Lentulum patrem Rhodi esse aiunt, Alexandriae filium: Rhodōq; Alexandriam C. Cassum profectum esse constat. Quintus mihi per literas satisfacit, multo asperioribus uerbis, quā cum

grauissime accusabat: ait enim se ex literis tuis intelli-
 gere, tibi non placere, quod ad multos de me asperius
 scripsit: itaq; se poeniter, qd animū tuū offenderit: sed
 se iure fecisse. deinde perscribit spurcissime, quas ob cau-
 sas fecerit. sed neq; hoc tēpore, nec antea patefecisset
 odiū suū in me, nisi omnibus rebus me esse oppressum
 uideret. atq; utinam uel nocturnis, quē admodū tu scri-
 pseras, itineribus propius te accessissem. nūc nec ubi,
 nec quando te sim uisurus, possum suspicari. De cohe-
 redibus Rufidianis nihil fuit, quod ad me scriberes: nam
 & equum postulant, & quidquid egisses, recte esse
 actum putarem. De fundo Frusinati redimendo iam
 pridem intellexisti uoluntatem meam. etsi tum meliore
 loco res erant nostrae, neq; tam mihi desperaturi uide-
 bamur. tamen in eadē sum uoluntate. id quemadmo-
 dum fiat, tu uidebis. & uelim, quoad poteris, conside-
 res, ut sit, unde nobis suppeditentur sumptus necessarij.
 si quas habuimus facultates, eas Pōpeio tum, cū id uide-
 bamur sapienter facere, detulimus. itaq; tum & à tuo
 uillito sumpsimus, & aliunde mutuati sumus, cū Quin-
 tus quereretur per literas, sibi nos nihil dedisse, qui neq;
 ab illo rogati sumus, neq; ipsi eā pecuniam aspeximus.
 sed uelim uideas, quid sit, quod confici possit, quidq; mi-
 hi de omnibus des consiliū: & causam nosti. plura ne
 scribā, dolore impediōr. si quid erit, quod ad quos scri-
 bēdū meo nomine putes, uelim, ut soles, facias: quotiesq;
 habebis, cui des ad me literas, nolim pratermittas. Vale.

CICERO ATTICO S. 11

NON me offendit ueritas literarum tuarū, qd me tum

communibus, tum præcipuis malis oppressum ne incipis
quidem, ut solebas, consolari, faterisq; id fieri iam non
posse: nec enim ea sunt, quæ erant antea, cum, ut nihil
aliud, comites me, et socios habere putabam: omnes enim
Achaici deprecatores, item qui in Asia, quibus non erat
ignotum, etiam quibus erat, in Africam dicuntur nauig-
gaturi. ita, præter Lælium, neminem habeo culpæ so-
cium: qui tamen hoc meliore in causa est, quod iam est
receptus. de me autem, non dubito, quin ad Balbum, et
ad Oppium scripserit: à quibus, si quid esset lætius, cer-
tior factus essem, tecum etiam essent locuti: quibus cū
tu de hoc ipso colloquare uelim, et ad me, quid tibi re-
sponderint, scribas: non quod ab isto salus data quid-
quam habitura sit firmitudinis: sed tamen aliquid con-
soli, et prospici poterit. etsi omnium conspectum hor-
reo, præsertim hoc genero: tamen, in tantis malis quid
aliud uelim, non reperio. Quintus pergit, ut ad me et
Pansa scripsit, et Hircius: isq; item Africam petere cū
tateris dicitur. Ad Minutium parentem scribam, et
tuas literas mittam, ad te scribam, num quid egerit. HS
XXX potuisse mirarer, nisi multa de Fufidianis præ-
liis. et id uideo tamē. te expecto: quē uidere, si ullo mo-
lo potes uenire, peruellē. iā extremū concluditur. ibi
* facile est, quod quale sit, grauius existimare. Vale.

CICERO ATTICO S. 10

QUONIAM iustas causas affers, quod te hoc tempore
uidere non possim: quaeso, quid sit mihi faciendum: il-
leenim ita uidetur Alexandriam tenere, ut eum scribe-
rietiam pudeat de illis rebus: ij autem ex Africa iam

LIB. XI. EPIST.

affuturi uidentur. Achæi item ex Asia redituri ad eos, aut libero aliquo loco comoraturi. quid mihi igitur putas agendum? uideo difficile esse consilium: sum enim solus, aut cum altero, cui neque ad illos reditus sit, neque ab his ipsis quidquam ad spem ostendatur. sed tamē scire uelim, quid censeas: idque erat cum alijs, cur te, si fieri posset, cuperem uidere. Minutium XII sola curasse, scripsi ad te antea. quod superest, uelim uideas, ut curetur. Quintus non modo non cum magna prece ad me, sed acerbissime scripsit. filius uero mirifico odio. nihil fingi potest mali, quo non urgear. omnia tamen sunt faciliora, quam peccati dolor, qui et maximus est, & aternus. cuius peccati si socios essem habiturus ego, quos putauī, tamen esset ea cōsolatio tenuis: sed habit aliorum omnium ratio exitum, mea nullum. alij capij, alij interclusi non ueniunt in dubium de uoluntate, & minus scilicet, cum se expedierint, & unā esse coeperint. ij autem ipsi, qui sua uoluntate ad Fusium uenerunt, nihil possunt, nisi timidi existimari. multi autem sunt, qui, quicumque sunt, modo ad illos se recipere uolent, recipientur. quo minus debes mirari, nō posse mi tanto dolori resistere: solius enim meum peccatum corrigi non potest, & fortasse Lælij: sed quid me id leuat nā Caiū quidem Cassium aiunt consilium Alexandrū eundi mutauisse. hæc ad te scribo, non ut queas tu demere solitudinem, sed ut cognoscam, ecquid tu ad ea afferas, quæ me conficiunt. ad quæ gener accedit, et ætera, quæ, fletu reprimor, ne scribam. quin etiam Aesopi F. me excruciat. prorsus nihil abest, quin sim miserimus. sed ad primum reuertor: quid putes facia-

dum, occulte ne aliquod propius ueniendum, an mare transeundū: nam hic maneri diutius non potest. De Fufidianis quare nihil potuit confici? genus enim cōditionis eiusmodi fuit, in quo non solet esse controuersia, cum ea pars, quæ uidetur esse minor, licitatione expleri posset. hæc ego non sine causa quæro: suspicor enim cohæredes dubiam nostram causam putare, & eo rem in integro esse. Vale. prid. Id. Maij.

CICERO ATTICO S. VD

NON meo uitio fit hoc quidem tempore (ante enim est peccatum) ut me ista epistola nihil consoletur: nam & exigue scripta est, & suspensiones magnas habet, nō esse ab illo; quas animaduertisse te existimo. De obuiam itione ita faciam, ut suades: neque enim ualde aduentus eius opinio est: neq; si qui ex Asia ueniunt, quidquam auditum esse dicunt de pace: cuius ego spe in hanc fraudem incidi. nihil uideo, quod sperandum putem, nunc præsertim, cum ea plaga in Asia sit accepta, in Illyrico, in Cassiano negotio, in ipsa Alexandria, in Vrbe, in Italia. ego uero, etiam si rediturus ille est, qui adhuc bellum gerere dicitur, tamen ante reditum eius negotium confectum iri puto. Quod autem scribis quandam letitiam bonorum esse commotam, ut sit auditum de literis: tu quidem nihil prætermittis, in quo putes aliquid solatiij esse: sed ego non adducor, quenquam bonum ullam salutem putare mihi tanti fuisse, ut eam peterem ab illo, & eo minus, quod huius consilij iam ne socium quidem habeo quenquam, qui in Asia sunt, rerum exitum expectant. Ahaici etiā

LIB. XI. EPIST.

Fusio spem deprecationis afferunt. horum & timor
idem fuit primo, qui meus, & constitutum. mora Ale-
xandrina causam illorū correxit, meam euertit. quam
ob rem idem à te nunc peto, quod superioribus literis,
ut, si quid in perditis rebus dispiceres, quod mihi puta-
res faciendum, me moneres. si recipior ab his, quod ui-
des nō fieri; tamen, quoad bellum erit, quid agam, aut
ubi sim, non reperio. sin iactor, eo minus. itaq; tuas lite-
ras expecto; easq; ut ad me sine dubitatione scribas, ro-
go. Quod suades, ut ad Quintum scribam de his lite-
ris: facerem, si me quidquā istæ literæ delectarent. et si
quidam scripsit ad me his uerbis. Ego, ut in his malis,
Patris sum non inuitus: essem libentius, si frater tuus
ea de te loqueretur, quæ ego audire uellē. Quod ais il-
lum ad te scribere, me sibi nullas literas remittere: se-
mel ab ipso accepi: ad eas Cephalioni dedi, qui multos
menses tempestatibus retentus est. Quintum filium ad
me acerbissime scripsisse, iam ante ad te scripsi. Ex-
tremum est, quod te orem, si putas rectum esse, & à te
suscipi posse, cum Camillo communices, ut Terentiam
moneatis de testamento. tempora monent, ut uideat, ut
satisfaciat, quibus debeat. auditum ex Philotimo est, eā
scelerate quadam facere. credibile uix est. sed certe si
quid est, quod fieri possit, prouidendum est. de omnibus
* rebus uelim ad me scribas, & maxime quid scribas de
ea: in quo tuo consilio egeo, etiam si nihil excogitas:
id enim mihi erit pro desperato. Vale. III. Non. Iun.

CICERO ATTICO S. 18

P R O P E R A N T I B V S tabellarijs alienis hāc epi-

stolam dedi, eo breuiorem, quòd eram missurus meos.

Tullia mea uenit ad me prid. Id. Iun. deq; tua erga se obseruantia, beneuolentiãq; mihi plurima exposuit, literasq; reddidit trinas. ego autem ex ipsius uirtute, humanitate, pietate non modo eam uoluptatem non cepi, quam capere ex singulari filia debui, sed etiam incredibili sum dolore affectus, tale ingenium in tam misera fortuna uersari, idq; accidere nullo ipsius delicto, summa culpa mea. itaq; à te neq; consolationem iam, qua cupere te uti uideo, neque consilium, quòd capi nullum potest, expecto; teq; omnia cum superioribus sepe literis, tum proximis tentasse intelligo.

Ego cum Sallustio Ciceronem ad Casarem mittere cogitabam. Tulliam autem, nò uidebam esse causam, cur diutius mecum tanto in communi mœrore retinerem. itaq; eram tibi eam, cum primum per ipsam liceret, remissurus. pro ea, quemadmodum consolandis scripsisti,

* P. tanta eo me scripsisse, quæ tu ipse intelligis respondere potuisse. Quod Oppium tecum scribis locutum: non abhorret à mea suspitione eius oratio: sed non dubito, quin istis persuaderi nullo modo possit, ea, quæ faciant, mihi probari posse, quoquo modo loquar. ego tamen utar moderatione, qua potero. quanquam, quid mea intersit, ut eorum odium subeam, non intelligo.

Te iusta causa impediri, quo minus ad nos uenias, uideo, idq; mihi ualde molestum est. Illum ab Alexandria discessisse nemo nuntiat, constatq; ne profectum quidem illò quenquam post Id. Mart. nec post Id. Dec. ab illo datas ullas literas. ex quo illud intelligis, illud de literis ad V. Id. Febr. datis (quod inane esset, etiam si

LIB. XI. EPIST.

uerum esset) non uerum esse. L. Terentium disces-
sisse ex Africa scimus , Paestumq; uenisse . quid is affe-
rat , aut quo modo exierit , aut quid in Africa fiat , sci-
re uelim : dicitur enim per Nasidium emissus esse . id
quale sit , uelim , si inueneris , ad me scribas . De
HS X , ut scribis , faciam . Vale . XVIII.
Cal. Quint.

CICERO ATTICO S. 19

DE ILLIVS ab Alexandria discessu nihil adhuc rui-
moris , contraq; opinio , ualde esse impeditum : ita-
que nec mitto , ut constitueram , Ciceronem ; & te ro-
go , ut me hinc expedias : quoduis enim supplicium le-
uius est hac permansione . hac de re & ad Antonium
scripsi , & ad Balbum , & ad Oppium : siue enim bel-
lum in Italia futurum est , siue classibus utetur , hic esse
me minime conuenit : quorum fortasse utrunque erit :
alterum certe intellexi omnino ex Oppij sermone , quem
tu mihi scripsisti , quæ istorum uia esset . sed , ut eam fle-
ctas , te rogo . nihil omnino iam expecto , nisi miserum .
sed hoc perditius , in quo nunc sum , fieri nihil potest .
quare , cum Antonio loquare , uelim , & cum istis , &
rem , ut poteris , expedias , & mihi quamprimum de
omnibus rebus rescribas . Vale . XII. Cal. Quint.

CICERO ATTICO S. 20

CVM tuis dare possem literas , non prætermisi : et si , quid
scriberem , non habebam . tu ad nos & rarius scribis ,

quàm solebas, & breuius, credo quia nihil habes, quod me putes libenter legere, aut audire posse. ueruntamen uelim, quid erit, qualecunq; erit, scribas. est autem unum, quod mihi sit optandum, si quid agi de pace possit: quod nulla equidem habeo in spe; sed quia tu leuiter interdum significas, cogis me sperare, quod optandum uix est. Philotimus dicitur Idib. Sext. nihil habeo de illo amplius. tu uelim ad ea mihi rescribas, quæ ad te antea scripsi. mihi tantum temporis satis est, dum, ut in pessimis rebus, aliquid caueam, qui nihil unquam caui. Vale. XI. Cal. Sext.

CICERO ATTICO S. 21.

X VII. Cal. Sept. uenerat die XXVIII Seleucea
 * Peria C. Trebonij, is, qui se Antiochiæ diceret apud Casarem uidisse Quintum filium cum Hircio: eos de Quinto, quæ uoluissent, impetrasse nullo quidem negotio. quod ego magis gauderem, si ista nobis impetrata quidquam ad spem explorati haberent. sed & alia timenda sunt, ab alijsq;: & ab hoc ipso quæ dantur ut à domino, rursus in eiusdem sunt potestate, etiam Sallustio ignouit. omnino dicitur nemini negare. quod ipsum est suspectum, notionem eius differri. M. Gallius Q. F. mancipia Sallustio reddidit. is uenit, ut legiones in Siciliam traduceret, et protinus iturum Casarem Patris. quod si faciet, ego, quod ante mallem, aliquò propius accedam. tuas literas ad eas, quibus à te proxime consilium petiui, uehementer expecto. Vale. XVI. Cal. Sept.

A CCEPI VI. Cal. Sept. literas à te, datas XII. Cal. doloremq; quē ex Quinti scelere iā pridē acceptū iā abiecerā, lecta eius epistola grauissimū cepi. tu etsi nō potuisti ullo modo facere, ut mihi illā epistolā non mitteres, tamē malle non esse missam. Ad ea autē, quae scribis de testamento, uidebis, quid, et quo modo. De numis, & illa sic scripsit, ut ego ad te antea, et nos, si qd opus erit, utemur ex eo, de quo scribis. Ille ad Cal. Sept. Athenis non uidetur fore. multa eū in Asia dicuntur morari, maxime Pharnaces. Legio XII, ad quā primū Sulla uenit, lapidibus egisse hominē dicitur. nullā putant se cōmoturā. illū arbitrantur protinus Patris in Siciliā. sed, si hoc ita est, huc ueniat necesse est. ac malē illū: aliquo. n. modo hinc euasissē. nunc metuo, ne sit expectandū: et cū reliquis etiā loci grauitas hic mihi ferrime perferenda. Quod me mones, ut ea uideā, quae ad tēpus accōmodem: facerē, si res pateretur, et si ullo modo fieri posset: sed in tātis nostris peccatis, tātisq; nostrorū iniurijs, nihil ē, quod aut facere dignū nobis, aut simulare possim. Sullana confers: in quibus omnia genere ipso praeclarissima fuerūt, moderatiōe paulo minus tēperata: haec autē eiusmodi sunt, ut obliuiscar, multoq; malim quod omnibus sit melius, quorū utilitati meā iuxxi. tu ad me tamē uelim quāsepiissime scribas, eoq; magis, qd praeterea nemo scribit: ac si omnes, tuas tamē maxime expectarē. Quod scribis, illū per me Quinto fore placatiōrē: scripsi ad te antea, eum statim Quinto filio omnia tribuisse, nostri nullam mentionem. Vale.

Cicero

DILIGENTER mihi fasciculū reddidit Balbi tabellarius: accepi. n. à te literas, quibus uideris uereri, ut epistolas illas acceperim: quas quidē uellē mihi nūquam redditas: auxerūt. n. mihi dolorē: nec, si in aliquem incidissent, quidquā noui attulissent: quid. n. tā peruulgatū, quā illius in me odiū, & genus hoc literarū? quod ne Cæsar quidē ad istos uidetur misisse, quasi quo illius improbitate offenderetur, sed, credo, uti notiora nostra mala essent. nā quod te uereri scribis, ne illi obsint, eiq; remedi: ne rogari quidē se passus est de illo. quod quidē mihi molestum nō est: illud molestius, istas impetrationes nostras nihil ualere. Sulla, ut opinor, cras erit hic cum Messala. currunt ad illū pulsi à militibus, qui se negant usquam, nisi acceperint. ergo ille huc ueniet: quod non putabant: tarde quidem: itinera. n. ita facit, ut multos dies in oppidū ponat. Pharnaces autem, quo modo agit, offeret morā. quid mihi igitur censes: iam. n. corpore uix sustineo grauitatē huius coeli, qui mihi laborē affert in dolore. an his illuc euntibus mandē, ut me excusent? ipse accedam propius? quæso attende, & me, quod adhuc sæpe rogatus non fecisti, consilio iuua. scio rem difficilem esse, sed ut in malis. etiā illud mea magni interest, te ut uideam. profecto aliquid profecero, si id acciderit. De testamento, ut scribis, animaduertes. Vale.

CICERO ATTICO S. 24.

QVOD ad te scripserā, ut cum Camillo cōmunicares. de eo Camillus mihi scripsit, te cum eo locutū. tuas

A A

LIB. XII. EPIST.

literas expectabam : nisi illud quidem mutari , si aliter
 est ut oportet , non uideo posse : sed cum à nullo accepis-
 sem literas , desideravi tuas (etsi putabam te fortio-
 rem factum non esse) modo ualeres : scripseras . n . te quodam
 ualitudinis genere tentari . Augustus quidam Rhodo
 uenerat VII . Id . Quint . is nunciabat , Quintum F .
 ad Caesarem profectum III . Cal . Iun . Philotimum
 i Rhodum pridie eius diei uenisse , habere ad me literas .
 ipsum Augustum audies . sed tardius iter faciebat . eo
 feci , ut celeriter eunti darem . quid sit in ijs literis , ne-
 scio : sed mihi ualde Quintus frater gratulatur . equi-
 dem in meo tanto peccato nihil ne cogitatione quidem
 assequi possum , quod mihi tolerabile possit esse . te oro ,
 ut de hac misera cogites , & illud , de quo ad te proxime
 scripsi , ut aliquid coficiatur ad inopiam propulsandam ,
 & etiam de ipso testamento . illud quoque uellem antea :
 sed omnia timuimus . melius quidem in pessimis nihil
 fuit dissidio . aliquid fecissemus , ut uiui uel tabularum
 nouarum nomine , uel nocturnarum expugnationum ,
 * uel Metellæ , uel omnium maiorum . nec res perisset , &
 uideremur aliquid doloris uirilis habuisse . memini o-
 mnino tuas literas . sed & tempus illud , & si quid uis
 prestitit . nunc quidem ipsa uidetur denunciare : audi-
 mus enim de statu reip . d . Dij , generum ne nostrum po-
 tissimum , ut hoc uel tabulas novas ? placet mihi igitur
 & idem tibi , nuncium remitti . petet fortasse tertiam ,
 * pensionem . considera igitur tum , ne uim abuso nasce-
 tur , an prius . ego , si ullo modo potuero , uel nocturnis
 itineribus experiar , ut te uideam . tu & hæc , & si quid
 erit , quod intersit me scire , scribas uelim . Vale .

QV AE dudum ad me, & quæ etiam ad meâ Tul-
 liâ de me scripsisti, ea sentio esse uera. eo sum miserior,
 (etsi nihil uidebatur addi posse) quodd mihi nō modo ira-
 sci grauissima iniuria accepta, sed ne dolere quidē im-
 pune liceat. quare istud feramus: quod cum tulerimus,
 tamen eadē erūt perpetienda, quæ tu, ne accidāt, ut ca-
 ueamus, mones: ea. n. est à nobis cōtracta culpa, ut omni
 statu, omniq; populo eundē exitū habitura uideatur. sed
 ad meâ manū rediero: etenim hæc occultius agenda. ui-
 de quaeso etiam nūc de testamento, quod tū factum, cum
 illa querere cœperat. nō credo, & cōmoti neque eum ro-
 * gari, ne me quidem. sed quasi ita sit, quoniā in sermonē
 iam uenisti, poteris eam monere, ut alicui cōmittat, cuius
 extra periculū huius belli fortuna sit. equidē tibi potis-
 simū uelim, si idem illa uellet: quā quidem cœlo mise-
 rā me hoc timere. de illo altero, scio equidē uenire nunc
 nil posse: sed seponi, & occultari possunt, ut extra rui-
 nā sint eam, quæ impendet. nā quod scribis nobis, nostra,
 & tua Terentiæ fore parata: tua credo: nostra quæ
 poterūt esse? de Terentia autē (mitto cætera, quæ sunt
 innumerabilia) quid ad hoc addi potest? scripseras, ut
 HS XII. permutaret, tantū esse reliquum de argento.
 misit illa CCLDD mihi, & ascripsit tantū esse reli-
 quum. cū hoc tam parū de paruo detraxerit, perspicis
 quid in maxima re fecerit? Philotimus nō modo nullus
 uenit, sed ne per literas quidē, aut per nūcium certiorē
 facit me, quid egerit. Epheso qui ueniūt, ibi se eū de suis
 cōtrouersis in ius aduentem uidisse nūciant: quæ quidem

A A ij

LIB. XI. EPIST.

(ita .n. uerisimile est) in aduentū Caesaris fortasse reijciūtur. ita aut nihil puto eū habere, quod putet ad me celerius perferendum, & eo me magis esse despectū: aut, etiā si quid habet, id nisi omnibus suis negotijs confectis ad me referre nō curet. ex quo magnū equidē capio dolore, sed non tantū, quantū uideor debere: nihil .n. me minus interesse puto, quā quid illinc afferatur. id quā ob rē, te intelligere certo scio. Quod me mones de uultu, & oratione ad tempus accommodanda, etsi difficile est, tamē imperare mihi, si mea quidquā interesse putarem. Quod scribis, literis, putare, Africanum negotium confici posse: uelim scriberes, cur ita putares. mihi quidem nihil in mentem uenit, quare id putē fieri posse. tu tamen uelim, si quid erit, quod cōsolationis aliquid habeat, scribas ad me: sin, ut perspicio, nihil erit, scribas id ipsū. ego ad te, si quid audiero citius, scribā. Vale. VIII. id. Sext.

CICERO ATTICO S. 16.

FACILE assentior tuis literis, quibus exponis pluribus uerbis, nullū te habere consiliū, quo à te possim iuari. cōsolatio certe nulla est, qua leuare possit dolorem meū: nihil est .n. contractū casu: nā id esset ferendū: sed omnia fecimus ijs erroribus & miserijs & animi, et corporis, quibus proximi utinā mederi maluissent, quā obesse. quoniā neque cōsiliū tui, neque cōsolationis cuiusquā spes ulla mihi ostēditur, nō quārā hāc à te posihac. tantū uelim, ne pristinū hoc officiū intermittas: scribas ad me quidquid ueniet tibi in mentē, cū habebis, cui des, & dū erit, ad quē des, quod longū nō erit. Illū discessisse Alexandria rumor est non firmus, ortus ex Sulpitij literis.

quas cuncti postea nuncij confirmarunt. quod uerū, an
 falsum sit, quoniā mea nihil interest, utrū malim nescio.
 Quod ad te iam pridem de testamēto scripsi apud epi-
 * stolas uelim ut possim aduersas ego huius miserū ea fa-
 cultate cōfectus conflīctor. nihil unq̄ simile natū puto.
 cui si qua re consulere aliquid possum, cupio à te admo-
 neri. uideo eandē esse difficultatē, quā in cōsilio dato :
 attamē hoc me magis sollicitat, q̄ omnia. In pensione se-
 cunda cāci fuimus. aliū malle. sed prāterijt. te oro,
 ut in perditis rebus, si quid cogi, cōficiq; potest, quod sit
 in tuto, ex argēto, neque satis multa ex supellectile, des-
 operā : iam enim mihi uidetur adesse extremū, nec ulla
 fore conditio pacis, eāq; quæ sunt, etiā sine aduersario pe-
 ritura. hæc etiā, si uidebitur, cū Terētia loquere oppor-
 tune. nō queo omnia scribere. Vale. III. Non. Quint.

M. TVLLII CICERONIS EPISTO-
 LARVM AD T. POMPONIVM
 ATTICVM LIBER XII.

CICERO ATTICO S.

V NDECIMO die postquam à te di-
 scesseram, hoc literularū exaravi egre-
 diens è uilla ante lucem : atque eo die
 cogitabā in Anagnino, postero autem
 in Tusculano, ibi unum diem, V. Cal.
 igitur ad constitutū : atque utinam continuo ad cōple-
 xum meæ Tullia, ad osculum Atticæ possim currere.
 quod quidem ipsum scribe quæso ad me, ut, dum consi-

AA iij

LIB. XII. EPIST.

sto in Tusculano, scia, quid garriat: sin rusticatur, quid scribat. eiq; interea aut scribes salutem, aut nunciabis, itemq; Pilia: & tamen, etsi continuo congressuri sumus, scribes ad me, si quid habebis. Cum complicarem hanc epistolam, noctuabundus ad me uenit cum epistola tua tabellarius. qua lecta, de Attica febricula scilicet ualde dolui. reliqua, quae expectabam, ex tuis literis cognoui omnia. sed quod scribis, igniculum matutinum, $\gamma\epsilon\gamma\omicron\nu\tau\iota\kappa\omega\tau\epsilon\gamma\omicron\nu$ est memoriola uacillare: ego enim IIII. Cal. Axio dederam, tibi III. Quinto quo die uenissem, id est V. Cal. hoc igitur habebis, noui nihil. quid ergo opus erat epistola? quid, cum coram sumus, & garrimus quidquid in buccam? est profecto quaedam $\lambda\epsilon\sigma\chi\eta$, quae habet, etiam si nihil subest, collocutione ipsa suauitatem.

Hic rumor est, T. Murcum perisse naufragio, Asinium delatum uiuum in manus militum, L. nauers delatas Vticam restatu hoc, Pompeium non comparere, nec in Balearibus omnino fuisse, ut Patietus affirmat. sed auctor nullius rei quisquam. habes, quae, dum tu abes, locuti sunt. ludi interea Praeneste. ibi Hircius, & isti omnes, & quidem ludi dies octo. quae coenae? quae deliciae? res interea fortasse transacta est. o miros homines. at Balbus aedificat: $\tau\iota\ \kappa\alpha\iota\ \alpha\upsilon\tau\omega\ \mu\epsilon\lambda\epsilon\alpha\iota$ uerum, si quaeris, hoc mini non recta, sed uoluptaria quaerenti nonne $\beta\epsilon\beta\iota\omega\tau\alpha\iota$? tu interea dormis. iam explicandum est $\pi\epsilon\omicron\upsilon\lambda\eta\mu\alpha$, si quid acturus es. si quaeris quid putem, ego fructu puto. sed quid multa? iam te uidebo, & quidem, ut spero, de uia recta ad me: simul enim et diem Tyrannionem constituemus, & si quid aliud. Vale.

V N V M te puto minus blandū esse, quā me: aut, si
uterq; nostrū est aliquādo aduersus aliquē, inter nos cer
te nunquā sumus. audi igitur me hoc ἀγορεύων dicens
tem. ne uiuā mi Attice, si mihi nō modo Tusculanū, ubi
ceteroqui sum libenter, sed μακάρεων νῆστοι tanti sunt, ut
sine te sim totos dies. quare obduretur hoc tridui: ut te
quoque ponā in eodē πᾶσι: quod ita est profecto. sed ue
lim scire, hodie ne statim de auēctione, aut quo die ue
nias. ego me interea cū libellis. ac moleste fero Vēnonij
historiā non habere. sed tamen, ne nihil de re, nomē illud,
quod à Cæsare, treis habet conditiones, aut emptionem
ab hasta, (perdere malo: etsi, præter ipsam turpitudinē,
hoc ipsū puto esse perdere) aut delegationē à mācipe an
nua die (q̄ erit, cui credā? aut quādo iste Metonis annus
ueniet?) aut Veētēni cōditione, semisse. σκέψαι igitur. ac
uereor, ne iste iā auēctionē nullā faciat, sed ludis factis
* Clypo subsidio currat, ne talis uir ἀλογηθῇ. sed μελέσῃ.

O' GRATAS tuas mihi, iucū dāsq; literas. quid
queris? restitutus est mihi dies festus: angebar. n. quod Ti
ro ἐνεργουμένης te sibi esse uisum dixerat. addā igitur, ut
censes, unū diem. Sed de Catone πρόβλημα ἀρχιμήδειον
est. nō assequor, ut scribā, quod tui conuiuiæ non modo
libenter, sed etiā æquo animo legere possint. quin etiam,
si à sentētijis eius diētis, si ab omni uoluntate, consilijsq;
quæ de Rep. habuit, recedam, ψυδῶςq; uelim graui
tatem, constantiamq; eius laudare: hoc ipsum tamē ijs

L I B. XII. EPIST.

odiosum ἀκονομα sit. sed uere laudari ille uir nō potest, nisi hæc ornata sint, q̄ ille ea, quæ nunc sunt, & futura uiderit, & ne fierent, cōtenderit, et, facta ne uideret, uitā reliquerit. horū quid est, quod Atedio probare possumus? sed cura obsecro, ut ualeas, eāq; , quā ad omnes res adhibes, in primis ad cōualescendū adhibe prudentiā.

CICERO ATTICO S.

QVINTVS pater quartū, uel potius millesimum, nihil sapit, qui lætetur Luperco filio, & Statio, ut cernat duplici dedecore cumulatā domū. addo etiam Philotimū tertium. ò stultitiam, nisi mea maior esset singularē. (q̄ autem osim hanc rem, ἐξαυον à te) fac, non ad διωσαν κρήνην sed ad πειρήνην εἷ uenisse: ἀμπνδυμα σεμνόν. Αλφειοῦ πειρήνην (ut scribis) haurire, in tātis suis præsertim angustiis? ποῦ ταῦτ' ἂν ἀποσκήψαι? sed ipse uiderit. Cato me quidē delectat, sed etiam Bassum Luciliū sua. De Celio, tu quæres ut scribis. ego nihil noui. noscēda est natura, nō facultas modo. de Hortēσιο, & Virginio tu, si quid dubitabis: etsi, quod magis placeat, ego quamū aspicio, non facile inueneris. cum Musiela, quēadmodum scribis, cum uenerit Crispus. Ad Aulū scripsi, ut ea, quæ bene nosse de auro, Pisoni demonstrare: tibi. n. sanē assentior, & istud nimium diu duci, et omnia nūc undiq; contrahēda. te quidē nihil agere, nihil cogitare aliud, nisi quod ad me pertineat, facile perspicio, meisq; negotiis impediri cupiditatē tuam ad me ueniendi. sed mecū esse te puto, non solū q̄ meam rem agis, uerū etiā q̄ uidere uideor, quo modo agas: neq; .n. ulla hora tui mihi est operis ignota. Tubulū Præt. ui-

deo L. Metello, Q. Maximo Coss. nūc uelim, P. Scauola
 Pōtifex maximus, quibus Coss. Tribunus pl. equidē puto
 Cepione, & Pōpeio: Prator enim P. Furio Sex. Attilio.
 dabis igitur Tribunatū, & si poteris, Tubulus quo cri-
 mine. & uide quāso, L. Libo, ille, qui de Ser. Galba, Cen-
 sorino, et Mālio, an Quintio, Mālio Coss. Trib. pl. fuerit:
 cōturbor. n. in Bruti epitoma Fānianorū, scripsi, quod
 erat in extremo: idq; ego secutus, hūc Fanniū, qui scri-
 psit historiā generū esse scripsērā Latiū. sed tu me reape-
 tēdus refelleras: te autē nunc Brutus, et Fānius. ego ta-
 mē de bono auctore Hortētio sic acceperā, ut apud Bru-
 tū est. hūc igitur locū expedies. Ego misi Tironē Do-
 labellā obuiā. is ad me idibus reuertetur. te expecta-
 bo postridie. De Tullia mea tibi antiquissimū esse ui-
 deo: idq; ita ut sit, te uehementer rogo. Ergo & in inte-
 gro omnia: sic. n. scribis. mihi etsi Calēda uitāda fue-
 rūt, incessionumq; ἀπέχεται fugiēda, conficiēdaq; tabu-
 la: nihil tamē tantū, ut ā te abessem, fuit. cum Romae
 essem, & te iam iamq; uisurū me putarē quotidie; ta-
 mē horae, quibus expectabā, lōgae uidebātur. scis me mi-
 nime esse blandū. itaq; minus aliquāto dico, q̄ sentio.

CICERO ATTICO S.

DE CELIO uide quāso, ne quae lacuna sit in au-
 ro. ego ista nō noui. sed certe in collybo est detrimēti
 satis. huc aurū si accedit: sed quid loquor? tu uidebis. Ha-
 bes Hegesiae genus, quod Varro laudat. Venio ad Tyran-
 nionē. ain tu sūerū hoc fuit; sine me? at ego quoties, cum
 essem otiosus, sine te tamen nolui? quo modo hoc ergo
 lues? uno scilicet, si mihi librū miseris: quod ut facias,

LIB. XII. EPIST.

etiam, atque etiā rogo. etsi me non magis liber ipse delectabit, quā tua admiratio delectauit: ἀμο. n. πάντα φιλόδ. ημ. ον: τε. q; istā tā tenuem θεωρίαν tā ualde admiratum esse gaudeo. etsi tua quidem sunt eiusmodi omnia: scire. n. uis: quo uno animus alitur. sed quāso quid ex ista acuta, & graui refertur ad τέλ. q; sed longa oratio est, & tu occupatus in meo fortasse aliquo negotio: & pro isto asso sole, quo tu abusus es in nostro praeulo, à te nitidum solem, unctumq; repetemus. sed ad prima redeo. librum, si me amas, mitte: tuus est enim profecto, quoniam quidem est missus ad te. Vale.

CICERO ATTICO S.

TANTVM ne ab re tua est otij tibi, ut etiā Oratorem legas? maxime uirtute: mihi quidē gratū. et erit gratius, si nō modo in libris tuis, sed etiā in aliorū per librariorum tuos Aristophanē reposueris pro Eupoli. Caesar autē mihi irridere uisus est QVAESO illud tuū, quod erat ὑμν. ες, et urbanū. ita porro te sine cura esse iussit, ut mihi qdē dubitationē omnē tolleret. Atticā doleo tādīu: sed quoniā iā sine horrore est, spero esse, ut uolumus.

CICERO ATTICO S.

QVAE desideras, omnia scripsi in codicillis, eosq; Eroti dedi: breuiter, sed etiā plura, quā quæris: in ijs de Cicerone, cuius quidē cogitationis initiū tu mihi attulisti. locutus sum cū eo liberalissime: quod ex ipso uelim, si modo tibi erit cōmodum, sciscitare. sed quid differo? exposui, te ex me detulisse, ecquid uellet, ecquid requireret: uelle Hispaniam, requirere liberalitatem. e. liberat

litate, dixi, quantum Publius, quantum Flamen Lentulus filio. de Hispania duo attuli, primum idē, quod tibi, me uereri uituperationē: nō satis esse, si hæc arma reliquisset: etiā cōtraria? deinde fore, ut angeretur, cum à fratre familiaritate & omni gratia uinceretur. uelim magis liberalitate uiri mea, quàm sua libertate: sed tamen permisi: tibi. n. intellexerā nō nimis displicere. ego etiā, atque etiā cogitabo: teq; ut idem facias, rogo. magna res: simplex est manere: illud anceps. uerū uidebimus. De Balbo, & in codicillis scripseram, & ita cogito, simul ac redierit. sin ille tardius, ego tamē triduū. & quod præterij, Dolabella etiā mecum. Vale.

CICERO ATTICO S.

DE Cicerone, multis res placet. comes est idoneus. sed de prima pensione ante uideamus: adest enim dies, et ille currit. scribe quæso, quid referat Celer egisse Cæsarem cum candidatis, utrum ipse in foenicularium, an in campū Martium cogitet. & sanē scire uelim, nunquid necesse sit comitijs esse Romæ: nam & Piliæ satisfaciendum est, et utique Atticæ. Vale.

CICERO ATTICO S.

NAE ego essem hic libenter, atque id quotidie magis, nī esset ea causa, quā tibi superioribus literis scripsi. nihil hac solitudine incūdus, nisi paulū interpellasset Amyntæ filius, ὁ ἀπεραντολογίαν δοῦς. cetera noli putare amabiliora fieri posse ulla litore, prospectu maris, tum his rebus omnibus. sed neque hæc digna longioribus literis, nec erat, quod scriberem, & somnus urgebat.

LIB. XII. EPIST.

CICERO ATTICO S.

MALE mehercule de Athamāte . tuus autē dolor humanus is quidē, sed magnopere moderādus. consolatio nū autē multa uia, sed illa rectissima . impetret ratio, quod dies impetratura est. Alexim uero curemus, imaginē Tironis. quē agrū Romā remisi, et, si qd habet collis ἐπισημιον, ad me cū testamēto transferamus. tota domus superior uacat, ut scis . hoc puto ualde ad rē pertinere.

CICERO ATTICO S.

MALE de Seio: sed omnia humana tolerabilia ducēda: ipsi enim quid sumus? aut quādiu hēc curaturi sumus? ea uideamus, quæ ad nos magis pertinēt, nec tamē multo, quid agamus de senatu. Et, ut ne quid prætēmittā, Cesonius ad me literas misit, Posthumia Sulpitij domū ad se uenisse . de Pōpeiij Magni filia, tibi rescripsi, nihil me hoc tēpore cogitare. alterā uero illam, quam tu scribis, puto nosti: nihil. n. uidi foedius. sed adsum . corām igitur . Obsignata epistola accepi tuas . Atticæ hilaritatem libenter audio: cōmotiunculis συμπασχω.

CICERO ATTICO S.

DE dote, tāto magis perpurga. Balbi regia cōditio est delegandi . quouo modo cōfice . turpe est rem impediatam iacere. Insula Arpinas habere potest germanam ἀποδέωσιν: habere uideatur: ἐκχόνημα est: igitur animus in hortis: quod tamē inspiciā, cum uenero. De Epicuro, ut uoles: etsi μετὰ χρόνον in posterum genus hoc personarū . incredibile est, q̄ ea quidam requirant.

ad antiquos igitur : ἀνεμέσωντο γὰρ. nihil habeo, ad te quod perscribā : sed tamen institui quotidie mittere, ut eliciam tuas literas, non quo aliquid ex his expectem, sed nescio quo modo tamen expecto. quare siue habes quid, siue nihil habes, scribe tamen aliquid, teq; cura. cōmouet me Attica. etsi assentior Cratero. Bruti literæ scriptæ & prudēter & amice, multas mihi tamē lacrymas attulerūt. me hæc solitudo minus stimulat, quā ista celebritas. te unū desidero. sed literis non difficilius utor, quā si domi essem. ardor tamē ille urget, et manet, nō mehercule indulgēte me, sed tamē non repugnante.

Quod scribis de Apuleio, nihil puto opus esse tua contentione, nec Balbo, & Oppio; quibus quidē ille receperat, mihiq; etiā iusserat nunciari, se molestū omnino nō futurū. sed cura, ut excuser morbi causa in dies singulos. Lenas hoc receperat. prēde C. Septimium, L. Statilium. denique nemo negabit se iuraturū, quē rogaris. quod si erit durius, ueniam, & ipse perpetuū morbum iurabo: cum enim mihi carendum sit conuiuijs, malo id lege uideri facere, quā dolore. Cocceium uelim appelles: quod enim dixerat, non facit. ego autem uolo aliquod emere latibulum, perfugium doloris mei. Vale.

CICERO ATTICO S.

DE me excusando apud Apuleiū dederā ad te pridie literas. nihil esse negotij arbitror. quēcūque appellaris, nemo negabit. sed Septimiū uide, & Lanatē, & Statiliū: tribus. n. opus est. sed mihi Lenas totum receperat. Quod scribis, à Iunio te appellatū: omnino Cornificius locuplex est: sed tamē scire uelim, quādo dicar spopōdisse,

LIB. XII. EPIST.

Et pro patre, an ne pro filio: neque eo minus, ut scribis, procuratores Cornificij, et Apuleiū prædiorē uidebis. Quod me ab hoc mœrore recreari uis, facis, ut omnia: sed me mihi nō defuisse tu testis es: nihil. n. de mœrore minuendo scriptum ab ullo est, quod ego non domi tuæ legerim. sed omnem consolationem uincit dolor. quin etiam feci, quod profecto ante me nemo, ut ipse me per literas consolaretur. quem librum ad te mittam, si descripserint librarij. affirmo tibi nullam consolationem esse talem. totos dies scribo, non quo proficiā quid, sed tantisper impediōr, non equidem satis (uis enim urget) sed relaxor tamen, ad omniaq; nitor, non ad animum, sed ad uultum ipsum, si quæ, reficiendum: idq; faciens, interdum mihi peccare uideor, interdum peccaturus esse, nisi faciam. solitudo aliquid adiuvat: sed multo plus proficeret, si tu tamen interesses. quæ mihi una causa est hinc discedendi. nam pro malis recte habebat. quanquam ipsum doleo: non enim iam in me idem esse poteris. perierunt illa, quæ amabas. De Bruti ad me literis scripsi ad te antea. prudenter scriptæ: sed nihil, quod me adiuuarent. quod ad te scripsit, id uellem, ut ipse adesset: certe aliquid, quoniam me tam ualde amat, adiuuaret. quod si quid scies, scribas ad me uelim, maxime autem, Pansa quando. De Attica doleo. credo tamen Cratero. Piliam angī uetabat. Vale.

CICERO ATTICO S.

PRO omnibus apud Apuleiū, quoniam in perpetuū nō placet, in dies ut excuser, uidebis. in hac solitudine careo omniū colloquio: cumq; mane me in syluā ab-

strusi densam, & asperam, non exeo inde ante uesterū.
secundum te, nihil est mihi amicus solitudine. in hac
mihi omnis sermo est cum literis. eum tamen interpel-
lat fletus: cui repugno, quoad possum: sed adhuc pa-
res non sumus. Bruto, ut suades, rescribam. eas lite-
ras cras habebis. cum erit cui des, dabis. Vale.

CICERO ATTICO S.

TE tuis negotijs relictis malo ad me uenire: ego. n.
potius accedam, si diutius impediere: etsi ne deceissem
quidem ē conspectu tuo, nisi me plane nihil ulla res ada-
iuuaret. quod si esset aliquod leuamē, id esset in te uno:
& cum primum ab aliquo poterit esse, à te erit. nunc
tamen ipsum sine te esse non possum: sed nec tuæ do-
mū probatur, nec meæ poteram: nec, si propius essem
uispiam, tecum tamen essem: idem enim te impediret,
quo minus mecum esses, quod nunc etiam impedit. mihi
adhuc nihil aptius fuit hac solitudine: quam uereor ne
Philippus tollat: heri enim uesteri uenerat. me scriptio,
& literæ non leniunt, sed obturbant. Vale.

CICERO ATTICO S.

MARTIANVS ad me scripsit, me excusatum
esse apud Apuleiū à Laterensi, Nasone, Lenate, Torqua-
to, Strabone. his uelim meo nomine reddendas literas cu-
res, gratum mihi eos fecisse. Quod pro Cornificio
me ab hinc amplius annis XXV. spondisse dicit Fla-
uius, etsi reus locuples est, & Apuleius prædicator libe-

LIB. XII. EPIST.

ralis, tamen uelim des operam, ut inuestiges ex conspō-
 sorum tabulis, sit ne ita: mihi enim ante Aedilitatem
 meam nihil erat cum Cornificio. potest tamen uideri.
 sed scire certum uelim, & appelles procuratores, si tibi
 uidetur: quanquam quid ad me? ueruntamen. Pansa
 profectionem scribes, cum scies. Atticam saluere iube, &
 eam cura obsecro diligenter. Filiae salutem. Vale.

CICERO ATTICO S.

DVM recordationes fugio, quæ quasi morsu quodā
 dolorem efficiunt, refugio à te admonendo. quod uelim
 mihi ignoscas, eiusmodi est: etenim habeo nonnullos ex
 ijs, quos nunc lectito, auctores, qui dicant fieri id oportere,
 quod sæpe tecum egi, & quod à te approbari uolo,
 de fano illo dico, de quo tantum, quantum me amas, ue-
 lim cogites. equidem neque de genere dubito; placet
 enim mihi Cluatij: neque de re; statutum est enim:
 de loco non nunquam. uelim igitur cogites. ego, quan-
 tum his temporibus tam eruditis fieri poterit, profecto
 illam consecrabo omni genere monumentorum ab om-
 nium ingenijs scriptorum & Græcorum, & Latinorū.
 quæ res forsitan sit refricatura uulnus meum. sed iam
 quasi uoto quodam, & promisso me teneri puto: lon-
 gumq; illud tempus, cum non ero, magis me mouet,
 quàm hoc exiguum, quod mihi tamen nimium longum
 uidetur: habeo enim nihil, tentatis rebus omnibus, in
 quo acquiescam: nam, dum illud trahebam, de quo
 antea scripsi ad te, quasi fovebam dolores meos: nunc
 omnia respuo, nec quidquam habeo tolerabilius, quàm
 solitudinem

Solitudinem: quam, quod eram ueritus, non obturbauit
Philippus: nam, ut heri me salutauit, statim Romā pro
fectus est. Epistolam, quā ad Brutum, ut tibi placue-
rat, scripsi, misi ad te. curabis cum tua perferendam.
eius tamen misi ad te exemplum, ut, si minus placeret,
ne mitteres. Domestica quod ais ordine administrari,
scribes, quæ sunt ea: quædam enim expecto. Cocceius
uide ne frustretur. nam Libo quod pollicetur, ut Eros
scribit, non incertum puto. de sorte mea Sulpitio con-
fido, & Egnatio scilicet. de Apuleio quid est, quod labo-
res? cum sit excusatio facilis. Tibi ad me uenire, ut o-
stendis, uide, ne non sit facile: est enim longū iter, disce-
dentemq; te, quod celeriter tibi erit fortasse faciendum,
non sine magno dolore dimittam. sed omnia, ut uoles:
ego enim, quidquid feceris, id cum recte, tum etiā mea
causa factum putabo. Heri, cum ex aliorum literis
cognouissem de Antoniū aduentu, admiratus sum nihil
esse in tuis: sed erant pridie fortasse scriptæ, quā da-
tæ. neq; ista quidem curo. sed tamen opinor propter
prædes suos accucurrisse. Quod scribis Terentiam de
obsignatoribus mei testamenti loqui: primum tibi per-
suade, me istæc non curare, neq; esse quidquam aut par-
uæ curæ, aut nouæ loci: sed tamen quid simile? illa eos
non adhibuit, quos existimauit quæsituros, nisi scissent,
quid esset: num id etiam mihi periculi fuit? sed tamē
faciat illa, quod ego. dabo meum testamentum legen-
dum cui uoluerit. intelliget non potuisse honorificen-
tius à me fieri de Nepote, quā fecerim. nam quod nō
aduocaui ad obsignandum: primum mihi non uenit in
mētē: deinde ea re nō uenit, quia nihil attinuit. tute

LIB. XII. EPIST.

scis, (si modo meministi) me tibi tum dixisse, ut de tuis aliquos adduceres: quid enim opus erat multis? equidem domesticos iusseram. tum tibi placuit, ut mittere ad Silium: inde est natū, ut ad Publiū. sed necesse neutrum fuit. hoc tu tractabis, ut tibi uidebitur. Vale.

CICERO ATTICO S.

EST hic quidē locus amœnus, & in mari ipso, qui et Antio, & Circaeis aspici possit: sed ineunda nobis ratio est, quemadmodum in omni mutatione dominorum, q̄ innumerabiles fieri possunt in infinita posteritate, (si modo hæc stabunt) illud, quasi consecratum, remanere possit. equidem iam nihil egeo uectigalibus, & paruo contentus esse possum. cogito interdum trans Tyberim hortos aliquos parare, & quidem ob hanc causam maxime: nihil enim uideo, quod tā celebre esse possit: sed quos, coram uidebimus, ita tamen, ut hac æstate fanum absolutum sit. tu tamen cum Apella Chio confice de columnis. De Cocceio, & Libone quæ scribis, approbo, maxime, quod de iudicatu meo responsum sit. si quid perspexeris, & tamen quid procuratores Cornificij dicant, uelim scire, ita, ut in ea re te, cum tam occupatus sis, non multum operæ uelim ponere. De Antonio quoque Balbus ad me cum Oppio conscripsit, idq; tibi placuisse, ne perturbarer. illis egi gratias. te tamen, ut iam ante ad te scripsi, scire uolo, me neque isto nuntio esse perturbatum, nec iam ullo perturbatum iri. Pansa si hodie, ut putabas, profectus est, posthac iam incipito scribere ad me, de Bruti aduentu quid expectes, id est quos ad dies. id, si scies

ubi iam sit, facile coniectura assequere. Quod ad Ti-
ronem de Terentia scribis, obsecro te mi Attice suscipe
totum negotium. uides & officium agi meum quod-
dam, cui tu es conscius, & ut non nulli putant, Cicero
nis rem. me quidem id multo magis mouet, quod mihi
est & sanctius, & antiquius; praesertim cum hoc alte-
rum neq; sincerum, neq; firmum putem fore. Vale.

CICERO ATTICO S.

NON dum uideris perspicere, quàm me nec Antonius
comouerit, nec quidquã iã eiusmodi possit comouere.
De Terentia autẽ scripsi ad te ijs literis, quas dederam
pridie. Quod me hortaris, idq; à ceteris desiderari scri-
bis, ut dissimulẽ me tã grauius dolere: possum ne ma-
gis, q; totos dies consumo in literis? quod etsi nõ dissi-
mulationis, sed potius leniendi, & sanandi animi causa
facio: tamen, si mihi minus proficio, simulationi certe
facio satis. minus multa ad te scripsi, quod expectabã
tuas literas ad eas, quas ad te pridie dederam: expecta-
bam autem maxime de fano, nõ nihil etiam de Teren-
tia. uelim me facias certiore proximis literis, Cn. Ce-
pio Seruiliae Claudij pater uiuo ne patre suo naufragio
perierit, an mortuo, item Rutilia uiuo ne C. Cotta fi-
lio suo mortua sit, an mortuo pertinet ad eum librum,
quem de luẽtu minuendo scripsimus. Vale.

CICERO ATTICO S.

LEGI Bruti epistolam, eamq; tibi remisi, sanẽ
non prudenter rescriptam ad ea, quæ requisieras.
sed ipse uiderit. quanquam illud turpiter ignorat.

LIB. XII. EPIST.

Catonem primum sententiam putat de animaduersione dixisse, quam omnes ante dixerant, præter Cæsarem. Et cum ipsius Cæsaris tam seuera fuerit, qui tum prætorio loco dixerit; consulariū putat leniores fuisse, Catuli, Seruili, Lucullorum, Curionis, Torquati, Lepidi, Gellij, Volcatij, Figuli, Cottæ, L. Cæsaris, C. Pisonis, etiam M. Atilij Glabrionis; Silani, Murenæ, designatorū Consulū. cur ergo in sententiam Catonis? quia uerbis luculentioribus, et pluribus rem eandem comprehendit. me autē hic laudat, quod retulerim, non quod patefecerim, quod cohortatus sim, quod denique ante, quam consulerē, ipse iudicauerim. quæ omnia quia Cato laudibus extulerat in cælū, perscribendaque censuerat, iccirco in eius sententiā est facta discessio. hic autē se etiam tribuere multū mihi putat, quod scripserit, optimū Consulē: quis. n. ieiunius dixit inimicus? ad cætera uero tibi quemadmodum rescripsit? tantum rogat de S. C. ut corrigas. hoc quidem fecisset, etiam si Rancio admonitus esset. sed hæc iterum ipse uiderit. De hortis, quoniam probas, effice aliquid. rationes meas nosti. si uero etiam à Faberio recedit, nihil negotij est. sed etiam sine eo posse uideor contendere. uenales certe sunt Drusi, fortasse et Lamiani, et Cassiani. sed coram. De Teretia nō possum commodius scribere, quam tu scribis. officium sit nobis antiquissimum. si quid nos fefellerit, illius malo me, quam mei pœnitere. Quia C. Lolij curanda sunt HS C. negat Eros posse sine me; credo, quod accipienda aliqua sit, et danda aestimatio. uellem tibi dixisset: si enim res est, ut mihi scribit, parata, nec in eo ipso metitur, per te confici potuit. cognoscas, et conficias, ue-

lim. Quod me in forum uocas, eò uocas, unde etià bonis meis rebus fugiebam : quid enim mihi cum foro sine curia ? in oculos incurrentibus ijs, quos æquo animo uidere non possum ? Quod autem homines à me postulare scribis, ut Romæ sim, neq; mihi, ut absim, cōcedere, aut quatenus eos mihi concedere : iam pridem scito esse, cum unum te pluris, quàm omnes illos putem. ne me quidem contemno, meoq; iudicio multo stare malo, quàm omnium reliquorum : neque tamen progredior longius, quàm mihi doctissimi homines cōcedunt: quorum scripta omnia, quæcunque sunt in eam sententiã, non legi solum, quod ipsum erat fortis agroti, accipere medicinam ; sed in mea etiam scripta transuli, quod certe afflictæ, & fracti animi non fuit. ab his me remedijs noli in istam turbam uocare, ne recidã.

De Terentia quod mihi omne onus imponis, non cognosco tuam in me indulgentiam : ista enim sunt ipsa uulnera, quæ non possum tractare sine maximo gemitu. moderare igitur quæso, ut potes : neque enim à te plus, quàm potes, postulo. potes autem, quid ueri sit, perspicere tu unus. De Rutilia, quoniam uideris dubitare, scribes ad me, cum scies ; sed quamprimum, num Clodia D. Bruto consulari filio suo mortuo uixerit. id de Marcello, aut certe de Posthumia sciri potest, illud autem de M. Cotta, aut de Syro, aut de Satyro. De hortis etiam, atque etiam rogo. omnibus meis, eorumq; , quos scio mihi non defuturos, facultatibus, sed potero meis, enitendum mihi est. sunt etiam, quæ uendere facile possim : sed, ut non uendam, eiq; usuram pendam, à quo emero, non plus

BB ij

LIB. V XII. EPIST.

annum, possum assequi, quod uolo, si tu me adiuuas, paratissimi sunt Drusi: cupit enim uendere. proximos puto Lamiae: sed abest. tu tamen, si quid potes, odorare. ne Silius quidem quidquam utitur, & ipsi uis facillime sustentabitur. habe tuum negotium, nec, quid res mea familiaris postulet, quam ego non curo, sed quid uelim, existima. Vale.

CICERO ATTICO S.

P. V. T. A. R. A. M. te aliquid noui, quod eiusmodi fuerat initium literarum, quamuis non curare, quid in Hispania fieret, tamen te scripturum: sed uidelicet meis literis respondisti, ut de foro, & de curia. sed domus est, ut ais, forum. quid ipsa domo mihi opus est carenti foro? occidimus, occidimus Attice, iam pridem nos quidem, sed nunc fatemur, posteaque unum, quo tenebamur, amisimus. itaque solitudinem sequor. & tamen, si qua me res istud abdukerit, enitar, si quo modo potero (potero autem) ut praeter me nemo dolorum meum sentiat: si ullo modo poterit, ne tu quidem. atque etiam illa causa est non ueniendi. me ministri, quid ex te Ate dius quaesierit. quin etiam nunc molesti sunt. quid existimas, si uenero? De Terentia ita cura, ut scribis, meque hac ad maximas aegritudines accessione non maxima libera. et, ut scias me ita dolere, ut non iaceam; quibus Consulibus Carneades, & ea legatio Romam uenerit, scriptum est in tuo annali: haec nunc quaero, quae causa fuerit: de Oropo opinor, sed certum ne scio: & si ita est, quae controuersia: praeterea, qui eo tempore nobilis Epicureus fuerit Athenis, qui praefuerit hortis, qui etiam Athenis πολιτικοὶ fuerint illustres: quae

etiam ex Apollodori puto posse inueniri. De Attica molestū: sed quoniā leuiter, recte esse confido. De Magala dubiū mihi non erat: unde enim tā felix Ligus pater? nā quid de me dicā? cui ut omnia cōtingant, quae uolo; leuari non possum. De Drusi hortis quanti li-
cuisset tu scribis, id ego quoq; audierā, & ut opinor, he-
ri ad te scripserā: sed quanti quanti, bene emitur, quod
necesse est. mihi, quoquo modo tu existimas (scio enim,
ego ipse quid de me existimē) leuatio quaedam est, si mi-
nus doloris, at officij debiti. Ad Sicam scripsi, quod
utitur L. Cotta: si nihil conficeretur de Trāstyberinis,
habet in Ostiensi Cotta celeberrimo loco, sed pusillum
loci, ad hanc rem tamen plus etiam satis: id uelim co-
gites. nec tamen ista pretia hortorum pertimueris. nec
mihi argento iam, nec ueste opus est, nec quibusdam
amoenis locis, hoc opus est. uideo etiam, à quibus adiu-
uari possim. sed loquere cum Silio: nihil enim est me-
lius. mādauit etiā Sicā. rescripsit, constitutū se cū eo
habere. scribat igitur ad me, quid egerit, et tu uidebis.

CICERO ATTICO S.

BENE fecit A. Silius, qui transfegerit: neque enim ei
deesse uolebam, et, quid possem, timebam. De Ouia cō-
fice, ut scribis. De Cicerone, tempus esse iam uidetur:
sed quæro, quod illi opus erit Athenis, permutari ne pos-
sit, an ipsi ferendum sit: de totāq; re, quemadmodum, et
quando placeat, uelim consideres. Publius iturus ne
sit in Africam, et quando, ex Atedio scire poteris. quæ-
ras, & ad me scribas, uelim. & ut ad meas ineptias
redeam, uelim me certiore facias, P. Crassus Viru-

BB iiij

LIB. XII. EPIST.

liae filius uiuo ne P. Crasso consulari patre suo mor-
tuo sit, ut ego meminisse uideor, an post. item qua-
ro de Regillo Lepidi filio, recte ne meminerim patre
uiuo mortuum. Cuspiana explicabis, itemq; Pretia-
na. De Attica, optime: & ei salutem dices, & Piliae.

CICERO ATTICO S.

S CRIPSIT ad me diligenter Sica de Silio, seq; ad te
rem detulisse, quod tu idem scribis. mihi & res, &
conditio placet, sed ita, ut numerato malim, quam
aestimatione: uoluptarias enim possessiones nolet Si-
lius: uectigalibus autem ut his possum esse contentus,
qua habeo, sic uix minoribus. unde ergo numerato?
HS DC exprimes ab Hermogene, cum praesertim ne
cesse erit. & domi uideo esse HS DC. reliqua pecu-
niae uel usuram Silio pendemus, dum a Faberio, uel ab
aliquo, qui Faberio debet, representabimus. erit etiam
aliquid alicunde. sed totam rem tu gubernabis. Dru-
sianis uero hortis multo antepono: neq; sunt unquam
comparati, mihi crede. una me causa mouet, in qua
scio me τετυφῶσθαι: sed, ut facis, obsequere huic erro-
ri meo. nam quod scribis ἐγγύαμα: actū iam de isto
est, alia magis quaero. Vale.

CICERO ATTICO S.

S ICA, ut scribit, etiam si nihil confecerit cum A.
Silio, tamen se scribit X. Cal. esse uenturum. cuius
occupationibus ignosco: caeq; mihi sunt notae. De uo-
luntate tua, ut simul simus, uel studio potius, & cupi-
ditate, non dubito. De Nicia quod scribis: si ita me

haberem, ut eius humanitate frui possem, in primis uellem illum mecum habere: sed mihi solitudo, & recessus prouincia est: quod quia facile ferebat Sica, eo magis illum desidero. praeterea nosti Nicia nostri imbecillitatem, mollitiem, consuetudinem uictus. cur ego illi molestus uelim, cum mihi ille iucundus esse non possit? uoluntas tamen eius mihi grata est. Vnā rem ad me scripsisti, de qua decreui nihil tibi rescribere: spero enim me à te impetrasse, ut priuares me ista molestia. Piliae, & Atticae salutem. Vale.

CICERO ATTICO S.

DE SILIANO negotio, etsi mihi non est ignota conditio, tamen hodie me ex Sica arbitror omnia cogniturum. Cotta quidem negas te nosse: sed ultra Silianam uillam est, quam puto tibi notam esse, uillula sordida, & ualde pusilla: nihil agri: ad aliam rē loci satis, nihil ad eam, quā quero. sequor celebritatē. sed, si perficitur de hortis Silij, hoc est si perficis (est enim totū positum in te) nihil est scilicet, quod de Cotta cogitemus.

De Cicerone, ut scribis, ita faciam. ipsi permittam de tempore. numorum quātum opus erit, ut permutetur, tu uidebis. Ex Aledio, quod scribis, si quid inueneris, scribes. & ego ex tuis animaduerto literis, et profecto tu ex meis, nihil habere nos, quod scribamus. eadē quotidie. quae iā, iamq; ipsa contrita sunt. tamē facere nō possum, quin quotidie ad te mittam, ut tuas accipiam.

De Bruto tamē, si quid habebis: scire enim iā puto, ubi Pansam expectet: si, ut cōsuetudo est, in prima prouincia, circiter Calendas affuturus uidetur. uellē, tardius:

ualde enim Urbem fugio multas ob causas. itaq; id ipsum dubito, an excusationem aliquam ad illum parem: quod quidem uideo facile esse. sed habemus satis tēporis ad cogitandum. Pilæ, Atticæ salutem. Vale.

CICERO ATTICO S.

DE SILIO nihilo plura cognoui ex præsentē Sica, q̄ ex literis tuis: scripseras enim diligenter. si igitur tu illū conueneris, scribes ad me, si quid uidebitur. de quo putas ad me missum esse, sit missum, nec ne, scio dictū quidē mihi. certe nihil est. tu igitur, ut coepisti: & si quid ita conficies, (quod equidē nō arbitror fieri posse) ut illi probetur, Ciceronē, si tibi placebit, adhibebis. eius aliquid interest, uideri illius causa uoluisse; mea quidē nihil, nisi id, quod tu scis, quod ego æstimo. Quod me ad consuetudinem reuocas, fuit meum quidem iampridem Remp. regere, quod faciebam: sed interea erat, ubi acquiescerem. nūc plane nec ego uictum, nec uitam illam colere possum: nec in ea re, quid alijs uideatur, mihi puto curādum. mea mihi cōscientia pluris est, quā omnīū sermo. quod me ipse per literas cōsolatus sum, non pœnitet me quantum profecerim. mœrorem minui: dolorem nec potui, nec, si possem, uellem. De Triario, bene interpretaris uoluntatem meam. tu uero nihil, nisi ut illi uolēt. amo illum mortuum: tutor sum liberis: totam domū diligo. De Castriciano negotio, si Castricius pro mancipijs pecuniam accipere uolet, eāq; ei solui, ut nunc soluitur; certe nihil est cōmodius. sin autem ita actum est, ut ipsa mācipia abduceret; nō mihi uidetur esse æquum: rogas enim me, ut tibi scribā,

quid mihi uideatur : nolo enim negotij Quintum fratrem quidquam habere : quod uideor mihi intellexisse, tibi uideri idem. Publius, si æquinoctium expectat, ut scribis Atedium dicere, nauigaturus uidetur. mihi autem dixerat, per Siciliam. utrum, & quando, uelim scire. & uelim aliquando, cum erit tuum cōmodum, Lentulum puerum uisas, eiq; de mancipijs, quæ tibi uidebitur, attribuas. Piliæ, Atticæ salutem. Vale.

CICERO ATTICO S.

SILIVS, ut scribis, hodie. cras igitur, uel potius cum poteris, scribes, si quid erit, cum uideris. Nec ego Brutum uito, nec tamen ab eo leuationē ullam expecto : sed erāt causæ, cur hoc tempore istic esse nollem : quæ si manebunt, querenda erit excusatio ad Brutum : & ut nunc est, mansuræ uidentur. De hortis, quæso, explica. caput illud est, quod scis. sequitur, ut etiam mihi ipsi quiddam opus sit : nec enim esse in turba possum, nec à uobis abesse. huic meo consilio nihil reperio isto loco aptius. & de hac re quid tui consilij sit, mihi persuasum est, et eo magis, quod idem intellexi tibi uideri ; me ab Oppio, et Balbo ualde diligere. cum ijs communices, quanto opere, et quare uelim hortos ; sed ita posse, si expediatur illud
 * Faberianum. sint igitur auctores futuri, si qua etiam iactura facienda sit in representando (quod possum) adducito : tum enim illud desperatum denique intelliges, & quid inclinent ad hoc meum consilium adiuvandum. si quid erit, magnum est adiumentum : sin minus, quacunque ratione contendamus. uetus illud ἐγγύς μοι quemadmodum scripsisti, uel ἐν τῷ φίλῳ πρὸς

LIB. XII. EPIST.

tato . De illo Ostiensi nihil est cogitandum , si hoc non assequimur . à Lamia non puto posse . Damasippi experiendum est. Vale.

CICERO ATTICO S.

QVAERO , quid ad te scribam : sed nihil est : eadem quotidie . Quòd Lentulum inuisis , ualde gratum . pueros attribue ei quot , & quos uidebitur . De Siliij uoluntate uendendi , & de eo , quanti : tu uereri uideris , primum ne nolit , deinde ne tanti . Sica aliter , sed tibi assentior . quare , ut ei placuit , scripsi ad Egnatium . quod Silius te cum Clodio loqui uult , potes id mea uoluntate facere , còmodiusq; id est , quàm , quod ille à me petit , me ipsum scribere ad Clodiũ . De máciijs Castricianis , còmodissimũ esse credo trãsigere Egnatium : quod scribis te ita futurum putare . Cum Ouia quæso quidem ut conficiatur . Quoniam , ut scribis , nox erat , in hodierna epistola plura expecto . Vale.

CICERO ATTICO S.

SILIVM mutasse sententiam Sica mirabatur . equidem magis miror , quòd , cum in filium causam conferret , quæ mihi nò iniusta uidetur (habet enim , qualem uult) ais te putare , si addiderimus aliud , à quo refugiat , cum ab ipso id fuerit , destinatum uenditurum . Queris à me , quod summum pretium constituam ; & quantum anteire istos hortos , Drusi : accessi nunquam ; Coponianam uillam , & ueterem , et nò magnam , noui , syluam nobilem , fructum autem neutrius : quod tamè puto nos scire oportere . sed mihi , utrius istorum , tẽpo-

re magis meo, quàm ratione æstimandi sunt. possim autem assequi, nec ne, tu uelim cogites. si enim Faberianum uenderem, explicare uel repræsentatione non dubitarem: de Silianis, si modo adduceretur, ut uenderet: si uenales nō haberet, transirem ad Drusum uel tanti, quanti Egnatius illum uelle tibi dixit. magno etiam adiumento nobis Hermogenes potest esse in repræsentando. at concede mihi quæso, ut eo animo sim, quo is debeat esse, qui emere cupiat. Et tamen seruius ita cupiditati, Et dolori meo, ut à te regi uelim. Egnatius mihi scripsit. is si quid tecum locutus erit (commodissime enim per eum agi potest) ad me scribes: Et id agendum puto: nam cum Silio nō uideo confici posse. Piliæ, Et Atticæ salutem. hæc ad te mea manu. uide quæso, quid agendum sit. Vale.

CICERO ATTICO S.

P VBLILIA ad me scripsit, matrem suam cum Puzblilio loquī, eam ad me cum illo uenturam, Et se unā, si ego paterer. orat multis, Et supplicibus uerbis, ut liceat, Et ut sibi rescribam. res quàm molesta sit, uides. rescripsi, me etiam grauius esse affectum, quàm tum, cum illi dixissem, me solum esse uelle: quare nolle me hoc tempore eam ad me uenire. putabam, si nihil rescripsissem, illam cum matre uenturam: nunc non puto: apparebat enim illas literas nō illius esse. illud autem, quod fore uideo, ipsum uolo uitare, ne illæ ad me ueniant. Et una est uitatio: Et ego nollem: sed necesse est. te hoc nunc rogo, ut explores, ad quā diem hic ita possim esse, ut ne opprimar. ages, ut scri-

his, temperate. Ciceroni uelim hoc proponas (ita tamen, si tibi non iniquum uidebitur) ut sumptus huius peregrinationis (quibus, si Romæ esset, domumq; conduceret, quod facere cogitabat, facile contentus futurus erat) accommodet ad mercedes Argileti, & Auentini. & cum ei proposueris, ipse uelim reliqua moderare, quemadmodum ex his mercedibus suppeditemus ei quod opus sit. præstabo, nec Bibulum, nec Accidinum, nec Messalam, quos Athenis futuros audio, maiores sumptus facturos, quam quod ex eis mercedibus recipietur. itaque uelim uideas, primum conductores qui sint, & quanti: deinde ut sit, qui ad diem soluat, & quid uiatiki, quid instrumenti satis sit. iumeto certe Athenis nihil opus sit. quibus autem in uia utatur, domi sunt plura, quam opus erat: quod etiam tu animaduertis. Vale.

CICERO ATTICO. 5.

E GO, ut heri ad te scripsi, si & Silius is fuerit, quem tu putas, nec Drusus facilem se præbuerit, Damasippum uelim aggrediare: is, opinor, ita partem fecit in ripa nescio quotenorum iugerum, ut certa pretia constitueret; quæ mihi nota non sunt. scribes ad me igitur, quidquid egeris. Vehementer me sollicitat Atticæ nostræ ualerudo; ut uerear etiam, ne qua culpa sit. sed & pædagogi probitas, & medici assiduitas, et tota domus in omni genere diligens me rursus id suspicari uetat. cura igitur: plura enim non possum. Vale.

CICERO ATTICO S.

E GO hic uel sine Sica (Tironi enim melius est) facillime possem esse, ut in malis : sed, cū scribas uidendū mihi esse, ne opprimar ; ex quo intelligā, te certum illius profectiois diē non habere ; putauī esse cōmodius, me istuc uenire ; quod idē uideo tibi placere. cras igitur in Sicæ suburbano : inde, quēadmodū suades, puto me in Ficulēsi fore. qbus de rebus ad me scripsisti, quoniā ipse uenio, corā uidebimus. tuā qdē et in agēdis nostris rebus, et in cōsilijs inuēdis, mihiq; dandis, in ipsis literis, q̄s mittis, beneuolētiā, diligētīā, prudētīā mirifice diligo.

CICERO ATTICO S.

T V tamen, si quid cū silio, uel illo ipso die, quo ad Sicam uenturus ero ; certiorē me uelim facias, & maxime cuius loci detractionē fieri uelit : quod enim scribis, extremi ; uide, ne is ipse locus sit, cuius causa de tota re (ut scis) est à nobis cogitatū. Hircij epistolā tibi misi, et recentē, et beneuole scriptā. ante, quā proxime discessi, nunq̄ mihi uenit in mentē, quo plus insumptū in monimentū esset, quā nescio quid quod lege conceditur, tantū dē populo dandū esse : quod nō magnopere moueret, nisi nescio quo modo (ἀλόγως fortasse) nollē illud ullo nomine nisi fani appellari. quod si uolumus, uereor, ne assequi nō possimus, nisi mutato loco. hoc quale sit, q̄so cōsidera : nā etsi minus urgeor, meq; ipse propemodū collegi, tamē indigeo tui cōsiliij. itaq; te uehemēter etiā, atq; etiā rogo, magis q̄ à me uis, aut pateris te rogari, ut hanc cogitationē toto pectore amplectare. Vale.

LIB. XII. EPIST.

CICERO ATTICO S.

FANVM fieri uolo, neq; hoc mihi erui potest. se-
pulcri similitudinem effugere non tam propter poenam
legis studeo, quàm ut maxime assequar ἀποθέωσις :
quod poteram, si in ipsa uilla facerem : sed, ut sæpe
locuti sumus, commutationes dominorum reformido.
in agro ubicunque fecero, mihi uideor assequi posse, ut
posteritas habeat religionem. hæ meæ tibi ineptiæ (fa-
tebor enim) ferendæ sunt : non habeo, ne me quidem
ipsum, qui cum tam audaciter cōmunicem, quàm te. si
tibi res, si locus, si institutum placet, lege quæso le-
gem, mihiq; eam mitte. si quid in mentem ueniet, quo
modo eam effugere possimus; utemur. Ad Brutū si
quid scribes, nisi alienum putabis, obiurgato eum, quòd
in Cumano esse noluerit propter eam causam, quā tibi
dixi : cogitāti enim mihi, nihil tam uidetur potuisse fa-
cere rustice. et si tibi placebit sic agere de fano, ut cœ-
pimus; uelim cohortere, & exacuas Cluatium: nam,
etiam si alio loco placebit, illius nobis opera, consilioq;
utendum puto. tu ad uillam fortasse cras. Vale.

CICERO ATTICO S.

A'TE heri duas epistolas accepi, alteram pridie datā
Hilaro, alteram eodem die tabellario. accepiq; ab Aeg-
gypta literas eodem die, Piliam, & Atticam plane bel-
le se habere. tuæ literæ mihi redditæ sunt tertio decimo
die. Quòd mihi Bruti literas, gratum. ad me quoque
misit. eam ipsam ad te epistolam misi, & ad eā exem-
plum mearū literarū. De fano, si nihil mihi hortorū
inuenis,

inuenis, qui quidem tibi inueniendi sunt, si me tanti facis, quanti certe facis: ualde probo rationem tuam de Tusculano. quāuis prudens ad cogitandum sis, sicut es: tamen, nisi magnæ curæ tibi esset, ut ego consequerer id, quod magnopere uellē, nunquam ea res tibi tam belle in mentem uenire potuisset: sed nescio quo pacto celebritatem requiro. itaque hortos mihi cōficias, necesse est. maxima est in Scapulæ celebritas, propinquitas præterea ubi sis, ne totū diem in uilla. quare ante, quā discedit, Othonem, si Romæ est, conuenias peruelim. si nihil erit, etsi tu meā stultitiam consuesti ferre, ed tamen progrediar, ut mihi stomachere. Drusus. n. certe uendere uult. si ergo aliud erit, non mea erit culpa, nisi emero? qua in re ne labor, quæso provide. providendi autem una ratio est, si quid de Scapulanis possumus. & uelim me certio-riorem facias, quādiu in suburbano sis futurus. Apud Terentiā gratia opus est nobis, tuāq; auctoritate. sed facies, ut uidebitur: scio enim, si quid mea intersit, tibi maiori curæ solere esse, quā mihi. Hircius ad me scripsit, Sex. Pōpeium Corduba exisse, & fugisse in Hispaniam citeriorem, Cneum fugisse nescio quō, neque enim curo: nihil præterea noui. literas Narbone dedit XIII. Cal. Maij. Tu mihi de Caninij naufragio quasi dubiare misisti. scribas igitur, si quid erit certius. Quod me à mœstitia auocas, multum proficies, si locum fano dederis. multa mihi eīs ἀποδεύουσιν in mentem ueniunt: sed loco ualde opus est. quare etiam Othonem uide. Vale.

CICERO ATTICO S.

NON dubito, quin occupatissimus fueris, qui ad

CC

LIB. XII. EPIST.

me nihil literarum. sed homo nequam, qui tuum cōmo-
dum non expectarit, cum ob eam unā causam missus es-
set. nunc quidem, nisi quid te tenuit, suspicor esse in sub-
urbano. at ego hic scribendo dies totos nihil equidem le-
uor, sed tamen aberro. Asinius Polio ad me scripsit de
impuro nostro cognato. quod Balbus minor super satis
plane, Dolabella obscure, hic apertissime. ferrē grauitē,
si nouæ agrimonie locus esset. sed tamen quid impurius?
d hominem cauendum. quanquam mihi quidem. sed te
mendus dolor est. tu, quoniam necesse nihil est, sic scri-
bes aliquid, si uacabis. Quod putas oportere provide-
ri iam animi mei firmitatem, grauiusq; quosdam scri-
bis de me loqui, quā aut te scribere, aut Brutum: si,
qui me fractum animo, & debilitatum putant, sciant
quid literarum, & cuius generis conficiam; credo (si mo-
do homines sint) existiment me, siue ita leuatus sim, ut
animum uacuum ad res difficiles scribendas asseram, res
prehendendū non esse; siue hanc aberrationem à dolo-
re delegerim, quæ maxime liberalissima, doctoq; homi-
ne dignissima, laudari etiam oportere. sed cū ego faciam
omnia, quæ facere possim ad me adiuuandum; tu effi-
ce id, quod uideo te non minus, quā me, laborare. hoc
mihi debere uideor, neque leuari posse nisi soluero, aut
uidero me posse soluere, id est locū, qualem uolo, inuene-
ro. heredes Scapulae si istos hortos, ut scribis tibi Othonē
dixisse, partibus quatuor factis, liceri cogitant: nihil est
scilicet emptori loci. sin uenibunt: quid fieri possit, ui-
debimus. nam ille locus publicatus, qui est Trebonij, &
Cusini, erat ad me allatus. sed scis aream esse. nullo
pacto probo. Clodiae sanē placent, sed non puto esse ue-

nales. de Drusi hortis, quamuis ab ijs abhorreas, ut scribis; tamen ed confugiam, nisi quid inueneris. edificatio me non mouet: nihil enim aliud edificabo, nisi id, quod etiā si illos nō habuero. Κόρη mihi sic placuit, ut cetera Antisthenis, hominis acuti magis, quā eruditi. Vale.

CICERO ATTICO S.

TABELLARIVS cum ad me sine literis tuis uenisset, existimaui tibi eam causam nō scribendi fuisse, quod pridie scripisses, ea ipsa, ad quā rescripsi, epistola. expectaram tamen aliquid de literis Asinij Polionis. sed nimium ex meo otio tuum spectro. quanquam tibi remitto, nisi quid necesse erit, necesse ne habeas scribere, nisi eris ualde otiosus. De tabellarijs facere, quod suades, si essent ullæ necessariae literæ, ut erant olim, cum breuioribus diebus tamen quotidie respondebant tempori tabellarij: & erat aliquid, Silius, Drusus, alia quædam. nunc nisi Otho extitisset, quid scriberemus, nō erat. id ipsum dilatum est: tamen allenor, cum loquor tecum absens, multo etiā magis, cum tuas literas lego. sed quoniā & abes (sic enim arbitror) & scribendi necessitas nulla est, conquiescent literæ, nisi quid noui extiterit. Vale.

CICERO ATTICO S.

QUALIS futura sit Cæsaris uituperatio contra laudationē meā, perspexi ex eo libro, quē Hircius ad me misit, in quo colligit uitia Catonis, sed cum maximis laudibus meis. itaque misi librum ad Muscam, ut tuis librarijs daret. uolo enim eum diuulgari: quod quo facilius fiat, imperabis tuis. συμβουλευτικὸν sæpe conor: ni-

LIB. XII. EPIST.

hil reperio : & quidem mecum habeo & Αριστοτέλους
 & Διοπόμπου πρὸς Αλέξανδρον : sed quid simile ? illi ,
 quæ & ipsis honesta essent, scribebant, & grata Alexan-
 dro. ecquid tu eiusmodi reperis ? mihi quidem nihil in-
 mentem uenit. Quod scribis te uereri, ne & gratia, et
 auctoritas nostra hoc meo mœrore minuatur : ego, quid
 homines aut reprehendant, aut postulent, nescio: ne do-
 leam ? qui potest ? ne iaceam ? quis unquam minus ? dum
 tua me domus leuabat, quis à me exclusus ? quis uenit,
 qui offenderetur ? Asturam sum à te profectus . legere
 isti lati, qui me reprehendunt, tam multa non possunt,
 quàm ego scripsi : quàm bene, nihil ad rem : sed genus
 scribēdi id fuit, quod nemo abiecto animo facere posset.
 XXX dies in hortis fui. quis aut congressum meum,
 aut facilitatem sermonis desiderauit ? nunc ipsum, ea le-
 go, ea scribo, ut ij, qui mecum sunt, difficilius otium fe-
 rant, quàm ego laborem. si quis requirit, cur Romæ non
 sim ; quia discessus est : cur non sim in his meis prædio-
 lis, quæ sunt huius temporis ; quia frequentiam illam nō
 facile ferrem . ibi sum igitur, ubi is, qui optimas Baias
 habebat, quotannis hoc tempus consumere solebat. cum
 Romam uenero, nec uultu, nec oratione reprehendar. hī
 laritatem illam, qua hanc tristitiam temporum condie-
 bamus, in perpetuum amisi. constantia, & firmitas nec
 animi, nec orationis requiretur. De hortis Scapulanis
 hoc uidetur effici posse, aliud tua gratia, aliud nostra,
 ut præconi subiiciantur. id nisi fit, excludemur. sin ad
 tabulam uenimus, uincemus facultates Othonis nostra
 cupiditate. nam quod ad me de Lentulo scribis, non est
 in eo. Faberiana modo res certa sit, tuq; enitare, quod

facis : quod uolumus, consequemur. Quod quæris, quā diu hic : paucos dies : sed certū nō habeo: simul ac cōstituerō, ad te scribā: et tu ad me, quādiu in suburbano sis futurus. quo die ego ad te hęc misi, de Pilia, & Attica mihi quoq; eadē, quæ scribis, et scribuntur, et nunciantur.

CICERO ATTICO S.

NIHIL erat, quod scriberem : scire tamen uolebā, ubi esses ; si abes, aut abfuturus es, quando rediturus es. facias igitur me certiore. & quod tu scire uolebas, ego quando ex hoc loco : postridie Iduum Ianuarij constitui manere, inde postridie in Tusculano, aut Romæ. utrum sim facturus, eo ipso die scies. Scis, quā sit φιλαίτιον συμφορά, minime in te quidem: sed tamen auidesum affectus de fano ; quod nisi non dico effectum erit, sed fieri uidero, audebo, hoc dicere, et tu, ut soles, accipies, incurſabit in te dolor meus, non iure ille quidē, sed tamen feres hoc ipsum, quod scribo, ut omnia mea fers, ac tulisti. omneis tuas consolationes unam hanc in rem uelim conferas. si quæris, quid optem : primū Scapulæ, deinde Clodiæ, postea, si Silius nolet, Drusus aget iniuste, Cusini, & Trebonij. puto Terentium esse domi nū, Rebilum fuisse certo scio. sin autem tibi Tusculanū placet, ut significasti quibusdam literis : tibi assentiar. hoc quidem utique perficies, si me leuari uis, quem iam etiam grauius accusas, quā patitur tua consuetudo : sed facis summo amore, & uictus fortasse uirio meo : sed tamen, si me leuari uis, hęc summa leuatio, uel, si uerum scire uis, una. Hircij epistolā si legeris, quæ mihi quasi πρόπλασμα uidetur eius uituperationis, quā

LIB. XII. EPIST.

Cæsar scripsit de Catone, facias me, quid tibi uisum sit, si tibi erit cōmodum, certiorē. Redeo ad fanū. nisi hac æstate absolutum erit, quam uides integram restare; scelere me liberatum non putabo. Vale.

CICERO ATTICO S.

NULLVM à te desideravi diē literarū. uidebā. n. quæ scribis: & tamen suspicabar, uel potius intelligebā, nihil fuisse, quod scriberes. ad V I. Id. uero & abesse te putabam, & plane uidebam nihil te habere. ego tamen ad te ferē quotidie mittam: malo. n. frustra, q̄ te non habere, cui des, si quid forte sit, quod putes me scire oportere. itaque accepi V I. Id. literas tuas inanes: quid. n. habebas, quod scriberes? mihi tamē illud, quid quid erat, non molestum fuit, nihil aliud, scire me, noui te nihil habere. scripsisti tamē nescio quid de Clodia: ubi ergo ea est, aut quādo uentura? placet mihi res sic, ut secundum Othonē nihil magis. sed neque hāc uenditurā puto; delectatur. n. & copiosa est: & illud alterū quā sit difficile, te nō fugit. sed obsecro enitamur, ut aliquid ad id, quod cupio, excogitemus. ego me hinc postridie exiturum puto, sed aut in Tusculanū, aut domum, inde fortasse Arpinum. cum certum sciero, scribam ad te. Venerat mihi in mentē monere te, ut id ipsum, quod facis, faceres: putabam. n. cōmodius te idem istud domi agere posse interpellatione sublata. Vale.

CICERO ATTICO S.

EGO postridie Idū, ut scripsi ad te ante, Lanuuī manere constitui, inde aut Romæ, aut in Tusculano. scies

* ante utrunque. Quod scies recte illā rem fore leuamen-
to, bene facis, cū id esset (mihi crede) perinde, ut existi-
mare tu nō posses. res indicat quantopere id cupiam, cū
tibi audeam confiteri, quē id non ita ualde probare ar-
bitrer. sed ferendus tibi in hoc meus error, ferendus? im-
mo uero etiā adiuuandus. De Othone, diffido, fortas-
se quia cupio: sed tamen maior etiam res est, quā fa-
cultates nostrae, praesertim aduersario & cupido, &
locuplete, & haerede. proximum est, ut uelim Clo-
dia. si ista minus confici possunt, effice quiduis. ego
me maiore religione, quā quisquam fuit ullius uoti,
obstrictum puto. uidebis etiam Trebonianos: etsi ab-
sunt domini. sed, ut ad te heri scripsi, considerabis
etiam de Tusculano; ne aetas effluat: quod certe non
est committendum. Vale.

CICERO ATTICO S.

ET Hirciū aliquid ad te συγκατάθετος de me scripsis-
se, facile patior; (fecit. n. humane) et te eius epistolā ad
me non misisse, multo facilius: tu. n. etiam humanius.
illius librum, quem ad me misit de Catone, propterea
uolo diuulgari ab tuis, ut ex istorum uituperatione sit
illius maior laudatio. Quod per Mustelam agis, habes
hominē ualde idoneū, meiq; sanē studiosum iam inde à
Pontiano. perfice igitur aliquid: quid autem aliud, nisi
ut aditus sit emptori? quod per quemuis haeredem po-
test effici: sed Mustelam id perfecturum, si rogaris, pu-
to. mihi uero & locum, quem opto, ad id, quod uolu-
mus, dederis, & praeterea ἐγγύαμα. nam illa Silij, &
Drusi nō satis ὁμοειπετοῖς mihi uidentur: quid. n.

LIB. XII. EPIST.

sedere totos dies in uilla ista ? igitur malim primū Otho-
nis, deinde Clodiæ . si nihil fiet, aut Druso ludus est sug-
gerendus, aut utendum Tusculano. Quoddomi te in-
clusisti, ratione fecisti : sed quæso confice, & te uacuum
redde nobis . ego hinc, ut scripsi antea, postridie Idus La-
nuuium, deinde postridie in Tusculano : contudi. n. ani-
mum, & fortasse uici, si modo permansero . scies igitur
fortasse cras, summum perendie . sed quid est quæ-
so ? Philotimus nec Cartini Pompeium teneri, (qua de
re literarū ad Clodium Patauinum missarum exemplū
mihi Oppius, & Balbus miserant, se id factum arbi-
trari) bellumq; narrat reliquum satis magnum . solet
omnino esse Fuluiaster : sed tamen, si quid habes. uolo
etiā scire de naufragio Caniniano, quid sit . Vale .

CICERO ATTICO S.

EGO hic duo magna συντάγματα absolui: nullo
enim alio modo à miseria quasi aberrare possū. tu mi-
hi, etiā si nihil erit, quod scribas, quod fore ita uideo ;
tamen id ipsum scribas uelim, te nihil habuisse, quod scri-
beres, dū modo ne his uerbis. De Attica, optime. ἀκρόασις
tua me mouet. etsi scribis nihil esse. In Tusculano eo
cōmodius ero, q̄ et crebrius tuas literas accipiam, & te
ipsum non nunquam uidebo: nam cæteroqui ἀντιότρεσς
erant Asturæ: nec hæc, quæ refricant, hic me magis an-
gunt . etsi tamen, ubicunque sum, illa sunt mecū. De
Cæsare uicino scripseram ad te, quia cognoram ex tuis
literis . eum σὺννατον Quirini malo, quā Salutis.
Tu uero peruulga Hircium : id enim ipsum putaram,
quod scribis; ut, cum ingenium amici nostri probaretur,

ὑποθέσις vituperandi Catonis irrideretur. Vale.

CICERO ATTICO S.

VINCAM, opinor, animum: Lanuvio pergā in Tusculanū: aut enim mihi in perpetuū fundo illo carendum est; (nam dolor idem manebit, tantū mediocrius) aut nescio quid intersit, utrum illuc nunc ueniam, an ad decē annos: neque enim ista maior admonitio, quā quibus assidue conficior & dies, & noctes. quid ergo, inquires, nihil literæ? in hac quidem re, uereor, ne etiam contra: nam essem fortasse durior: exulto enim animo nihil agreste, nihil inhumanum est. Vale.

CICERO ATTICO S.

TV igitur, ut scripsisti, nec id incōmodo tuo: uel binæ. n. poterunt literæ. occurrā etiā, si necesse erit. ergo id quidem, ut poteris. De Mustela, ut scribis. etsi magnum opus est. eo magis de labor ad Clodiam. quanquā in utroque Faberianū nomen explorandū est. de quo, nihil nocuerit, si aliquid cum Balbo eris locutus, et quidem, ut res est, emere nos uelle, nec posse sine isto nomine, nec audere incerto. sed quando Clodia Romæ futura est, & quia tanti rem aestimās, eō prorsus specto: nō quin illud malim: sed & magna res est, & difficile certamen cum cupido, cum locuplete, cum hærede. etsi de cupiditate nemini cōcedam: cæteris rebus infirmiores sumus. sed hæc corā m. Hircij librū, ut facis, diuulga. De Philotimo, idē & ego arbitrabar. Domū tuam pluris uideo futuram uicino Cæsare. Tabellariū meū hodie expectamus. nos de Pilia, et Attica certiores faciet.

LIB. XII. EPIST.

CICERO ATTICO S.

DOMI te libéter esse, facile credo. sed uelim scire quid tibi restet, aut iā ne confeceris. ego te in Tusculano expecto, eoq; magis, q̄ Tironi statim te uenturū scripsisti, & addidisti, te putare opus esse. seniebam omnino, quantū mihi præsens prodesse, sed multo magis post discessu tuum sentio. quam ob rem, ut ante ad te scripsi, aut ego ad te totus, aut tu ad me, quod licebit.

CICERO ATTICO S.

HERI non multo post, quā tu à me discessisti, puto quidā urbani, ut uidebantur, ad me mādāta, et literas attulerunt à C. Mario C. F. eū multis uerbis agere mecū; per cognationē, quā mihi secū esset; per eū Mariū, quem scripsissem; per eloquētiā L. Crassi aut sui, ut se defenderē; causamq; suā mihi perscripsit. rescripsi, patrono illi nihil opus esse, quoniā Cæsaris propinqui eius omnis potestas esset, uiri optimi, et hominis liberalissimi: me tamē ei fauturū. O tēpora: fore, cū dubitet Curtius Consulatū petere? sed hæc hætenus. De Tirone mihi curæ est: sed iā sciā, quid agat: heri. n. misi, qui uideret: cui etiā ad te literas dedi. Epistolā ad Cæsare tibi misi. Horti quā in diē proscripti sint, uelim ad me scribas.

CICERO ATTICO S.

VT me leuarat tuus aduentus, sic discessus afflixit. quare, cum poteris, id est cū Sexti auctiōni operam dederis, reuises nos. uel unus dies mihi erit utilis, quid dicam gratus? ipse Romam uenirem, ut unā essemus, si satis

consilium quadam de re haberem. Vale.

CICERO ATTICO S.

TIRONEM habeo citius, q̄ uerebar. uenit etiā Nicias: & Valeriū hodie audiebā esse uenturū. quāuis multi sint, magis tamen ero solus, q̄ si unus esses. sed ex pecto te à Peduceo utique. tu autē significas aliquid, etiam ante. uerum id quidem, ut poteris. De Virgilio, ut scribis. hoc tamen uelim scire, quando auctio. Epistolam ad Cæsare mitti, uideo tibi placere. quid quæris? mihi quoque idem maxime placuit, & eo magis, quidd nihil est in ea nisi optimi ciuis, sed ita optimi, ut tempora, quibus parere omnes πολιτικοὶ præcipiunt. sed scis nobis esse uisum, ut isti ante legerent. tu igitur id curabis. sed, nisi plane ijs intelliges placere, mittēda nō est. id autem utrum illi sentiant, an uero simulent, tu intelliges. sed mihi simulatio pro repudiatione fuerit. τοῦτο δὲ μολώσῃ. De Cerelia quid tibi placeret, Tiro mihi narrauit: debere, non esse dignitatis meæ: perscriptionem tibi placere: hoc metuere, alterum in metu non ponere. sed & hæc, & multa alia coram. suslinenda tamen, si tibi uidebitur, solutio est nominis Cereliani, dum & de Metone, & de Faberio sciamus. Vale.

CICERO ATTICO S.

L. TVLLIVM Montanū nosti, qui cū Cicero ne profectus est. ab eius sororis uiro literas accepi, Montanū Planco debere, q̄ præ pro Flaminio sit, HS XX: de ea re nescio quid te à Mōtano rogatū. sanè uelim, siue Plancus est rogandus, siue qua re potes illum iuuare,

LIB XII. EPIST.

iuues . pertinet ad nostrum officiū . si res tibi forte no-
tior est, q̄ mihi, aut si Plancum rogandum putas, scri-
bas ad me uelim, ut, quid rei sit, & quid rogandum,
sciam. De epistola ad Cæsarem quid egeris, expecto .
De Silio non ita sanè laboro . tu mihi aut Scapulanos,
aut Clodianos efficias, necesse est . sed nescio quid uide-
ris dubitare de Clodia, utrum, quando ueniat, an sint ne-
uinales? Sed quid est, quod audio Spintherem fecisse di-
uortium? De lingua latina securi es animi, dices, qui ta-
lia conscribis. ἀπὸ γράφῃ sunt : minore labore fiunt .
uerba tantum affero, quibus abundo. Vale.

CICERO ATTICO S.

EGO, etsi nihil habeo, quod ad te scribā, scribo ta-
men, quia tecū loqui uideor . hic nobiscū sunt Nicias, et
Valerius . hodie tuas literas expectabamus matutinas.
erunt fortasse alteræ pomeridianæ, nisi te Epiroticæ lite-
ræ impediunt, quas ego non interpello . misi ad te episto-
las ad Marianum, & ad Montanum . eas in eundem
fasciculum uelim addas, nisi forte iam dedisti. Vale.

M. TVLLII CICERONIS EPISTOLA
RVM AD T. POMPONIVM AT-
TICVM LIBER XIII.

CICERO ATTICO S.

D Ciceronem ita scripsisti, ut neque seuerius,
A neq; temperatius scribi potuerit, nec magis, q̄
quemadmodum ego maxime uellem . prudē-
tissime etiam ad Tullios . quare aut ista proficiunt, aut

aliud agamus. De pecunia uero, uideo à te omnem diligenti-
 am adhiberi, uel potius iam adhibitam: & si effi-
 cis, à te hortos habeo. nec uero ullum genus possessionis
 est, quod malim, maxime scilicet ob eam causam, quæ su-
 scepta est, cuius festinationem mihi tollis, quoniã de æsta-
 te polliceris, uel potius recipis. deinde etiam ad κατὰ βίαν
 σιν, mœstitiãq; minuendam nihil mihi reperiri potest
 aptius. cuius rei cupiditas impellit me interdũ, ut te hor-
 tari uelim. sed me ipse reuoco: nō. n. dubito, quin, quod
 me ualde uelle putes, in eo tu me ipsum cupiditate uin-
 cas. itaque istuc iam pro factō habeo. Expecto, quid
 istis placeat de epistola ad Cæsarem. Nicias te, ut debet,
 amat, uehementẽr q; tua sui memoria delectatur. Ego ue-
 ro Peduceũ nostrũ uehementer diligo: nã & quanti pa-
 trem feci, totũ in hunc: ipsum per se æque amo, atque il-
 lũ amari; te uero plurimũ, qui hoc ab utroque nostrum
 fieri uelis. Si hortos inspexeris, etsi de epistola certio-
 rem me feceris, dederis mihi quod ad te scribam: sin minus,
 scribam tamen aliquid: nunquam enim deerit. Vale.

CICERO ATTICO S.

GRATIOR mihi celeritas tua, quàm ipsa res:
 quid. n. indignius? sed iam ad ista obduruimus, & hu-
 manitatẽ omnẽ exuimus. Tuas literas hodie expecta-
 bam, nihil equidẽ ut ex ijs noui: quid enim? ueruntamẽ.
 Oppio, & Balbo epistolas deferri iubebis, & tamẽ Pisonẽ
 sicubi de auro. Faberius si uenerit, uidebis, ut tãtum attri-
 buatur, si modo attribuetur, quantũ debetur. accipies ab
 Erote. Ariarathes Ariobarzanis filius Romam uenit.
 uult, opinor, regnum aliquod emere à Cæsare: nam, quo

LIB. XIII. EPIST.

modo nunc est, pedem ubi ponat in suo, non habet. omnino eū Sestius noster parochijs publicis occupauit: quod quidem facile patior. uerūtamen, quodd mihi summo beneficio meo magna cū fratribus illius necessitudo est, inuito eum per literas, ut apud me diuersetur. ad eā rem cū mittere Alexandrum, has ei dedi literas. Cras igitur auctio Peducei: cum poteris ergo: etsi impedit fortasse Faberius: sed tamen, cum licebit. Dionysius noster grauiter queritur, & tamen iure, à discipulis abesse tandiu. multis uerbis scripsit ad me, credo item ad te. mihi quidem uidetur etiam diutius absfuturus. ac nollem: ualde enim hominem desidero. Vale.

CICERO ATTICO S.

A TE literas expectabam, non dum scilicet, nā has mane rescribere. Ego uero ista nomina sic probo, ut nihil aliud me moueat, nisi quodd tu uideris dubitare. illud enim nō accipio in bonā partē, quodd ad me refers. quid? ipse negotium meū gerere, nisi consilio tuo? sed tamen intelligo, magis te id facere diligentia, qua semper uteris, q̄ quodd dubites de nominibus istis: etenim Celiū nō probas: plura non uis. utrunque laudo: his igitur utendum est. præs aliquando factus esset, in his quidem tabulis. à me igitur omnia. quodd dies longiores: teneamus modo, quod uolumus: puto fore istam etiam à præcone diem, certe ab hæredibus. De Crispo, & Mustela uidebis: & uelim scire, quæ sit pars duorum. De Bruti aduentu eram factus certior: attulerat enim ab eo Aegyptia libertus literas. misi ad te epistolam, quia commode scripta erat. Vale.

CICERO ATTICO S.

HABEO munus à te elaboratum decem legato-
rum, & quidem puto: nā filius anno post Quæstor fuit,
quàm Consul Mumius. sed quoniam sæpius de nomini-
bus quæris quid placeat: ego quoque tibi sæpius respōdeo,
placere. Si quid poteris cum Pisone, conficies: Aulus. n.
videtur in officio futurus. Velim ante possis: si minus,
utique simul, cum Brutus ueniet in Tusculanum. magnū
interest mea, unā nos esse. scies autem, qui dies is futu-
rus sit, si puero negotium dederis, ut quærat. Spurium
Mumium putaram in decem legatis fuisse, & uidelicet:
etenim Συλῳον, fratri fuisse: fuit enim ad Corinthum.

CICERO ATTICO S.

MISI tibi Torquatū. colloquere tu quidē cū Silio,
ut scribis, & urge. illā diē negabat esse mēse Maio: istam
nō negabat. sed tu, ut omnia, istuc quoque ages diligēter.
De Crispo, et Mustela scilicet, cū quid egeris. Quoniā ad
Bruti aduentū fore te nobiscū polliceris, satis est, præser-
tim cū hi tibi dies in magno nostro negotio consumātur.

CICERO ATTICO S.

DE AQUAEDUCTV probe fecisti. colūna-
riū, uide, ne nullū debeamus. quāquā mihi uideor audis-
se à Camillo, cōmutatam esse legem. Pisoni, quid est, quod
honestius respōdere possimus, quàm solitudinē Catonis?
nec cohæredibus solum Herennianis, sed etiam, ut scis, (tu
enim mecum egisti) de puero Lucullo: quam pecuniam
tutor (nā hoc quoque ad rē pertinet) in Achaia sumpse-

LIB. XIII. EPIST.

rat. sed agit liberaliter, quoniam negat se quidquam fa-
cturum contra nostram uoluntatem. coram igitur, ut
scribis, constituemus, quemadmodum rem explicemus.
quod reliquos cohæredes conuenisti, plane bene. Quod
epistolam meam ad Brutum poscis, non habeo eius exem-
plum, sed tamen saluum est, & ait Tiro te habere oportere,
& ut recorder, unâ cum illius obiurgatoria tibi
meam quoque, quam ad eum rescipseram, nisi iudicia-
li molestia ut caream, uidebis. Tuditanium istum, pro-
auum Hortensij, plane non noram; & filium, qui tum
non potuerat esse legatus, fuisse putaram. Mumium
fuisse ad Corinthum, pro certo habeo: sæpe enim hic
* Spurius, qui nuper est epistolas mihi pronuncia-
bat uersiculis facietis, ad familiares missas à Corin-
tho. sed non dubito, quin fratri fuerit legatus, non in decem.
atque hoc etiam accepi, non solitos maiores nostros legare
in decem, qui essent imperatorum necessarij, ut nos igna-
ri pulcherrimorum institutorum, aut negligentes potius
M. Lucillum, & L. Muranum, & cæteros ad L. Lucul-
lum misimus. illudq; ὁ λογιώτατος, illum fratri in pri-
mis eius legatis fuisse. Vale.

CICERO ATTICO S.

OPERAM tuam multam, quæ & hæc cures, &
mea expedias, & sis in tuis multo minus diligens, quàm
in meis. Sestius apud me fuit, & Theopompus pridie:
uenisse à Cæsare narrabat literas: hoc scribere, sibi cer-
tū esse Romæ manere, causamq; eam ascribere, quæ erat
in epistola nostra, ne se absente leges suæ negligerentur,
sicut esset neglecta sumptuaria. est ὁ λογιώτατος: idq; eram
suspiciatus

susplicatus . sed istis mos gerendus est , nisi placet hanc ipsam sententiā nos persequi . & Lentulum cū Metella fecisse diuortium . hęc omnia tu melius . rescribes igitur , quidquid uoles , dum modo quid : iam enim non reperio , quid te rescripturum putem , nisi forte de Mustela , aut si Silium uideris . Brutus heri uenit in Tusculanum post horam decimam . hodie igitur me uidebit , ac uellem , cum tu adesses . nisi equidem ei nunciari , te , quoad potuisses , expectasse eius aduentū , uenturūq; , si audisses , meq; , ut facio , continuo te certiorē esse facturū . Vale .

CICERO ATTICO S.

PLANE nihil erat , quod ad te scriberem : modo enim discesseras , & paulo post triplices remiseras . uelim cures fasciculum ad Vestorium deferendū : & alicui des negotium , qui quærat , Q . Faberij fundus nunquis in Pompeiano , Nolano uenalis sit . Epitomen Bruti Celianorum uelim mihi mittas , & à Philoxeno Πανουρίου περί ηγοροίας . te Idibus uidebo cum tuis . Vale .

CICERO ATTICO S.

COMMODVM discesseras heri , cum Trebatius uenit , paulo post Curtius , hic salutādi causa , sed mā sit inuitatus . Trebatium nobiscum habemus . hodie mane Dolabella . multus sermo ad multum diem . nihil possum dicere ἐκτενέστερον , nihil φιλοσοφώτερον . uentum est tamen ad Quintum . multa ἄφρατα , ἃ δὲ ἰσχυρὰ , sed unum eiusmodi , quod , nisi exercitus sciret , non modo Tironi dictare , sed ne ipse quidem auderem scribere . sed hætenus . ὁ καί ποτε ad me uenit , cum hæ-

DD

LIB. XIII. EPIST.

berem Dolabellam, Torquatus: humanissimeq; Dolabella, quibus uerbis secum egissem, exposuit: commodum enim egeram diligentissime. quæ diligentia grata est uisa Torquato. A te expecto, si quid de Bruto. quanquam Nicias confectum putabat, sed diuortium non probari: quo etiam magis laboro idem, quod tu: si quid est enim offensionis, hæc res mederi potest. mihi Arpinum eundum est: nam & opus est constitui à nobis illa prædiola; & uereor, ne exeundi potestas non sit cum Cæsar uenerit: de cuius aduentu eam opinionem Dolabella habet, quam tu coniecturâ faciebas ex literis Messalæ. cum illuc uenero, intellexeroq; quid negotij sit, tū, ad quos dies rediturus sim, scribam ad te. Vale.

CICERO ATTICO S.

MINIME miror, te & grauiter ferre de Marcello, & plura uereri periculi genera: quis enim hoc timeret, quod neque acciderat antea, nec uidebatur natura ferre, ut accidere posset? omnia igitur metuenda. sed illud πᾶσι τὸ ἰσχυρὸν tu, præsertim me reliquum consularem. quid tibi Seruius, quid uidetur? quanquā hoc nullam ad partem ualet scilicet, mihi præsertim, qui non minus bene actum cum illis putem: quid enim sumus? aut quid esse possumus? domi ne, an foris? quod nisi hoc mihi uenisset in mentem, scribere ista nescio quæ; quid uerterem me, non haberem. ad Dolabellam, ut scribis, ita puto faciendum, κοινότερα quædam, & πολιτικότερα. faciendum certe aliquid est: ualde enim desiderat. Brutus si quid, curabis ut sciam. cui quidem quamprimum agendum puto, præsertim

si statuit : sermunculum enim omnem aut restinxerit ,
aut sedarit : sunt enim , qui loquantur etiam mecum .
sed hæc ipse optime , præsertim si etiam tecum loquetur .
Mihî est in animo proficisci X I. Cal. hic enim nihil
habeo , quid agam , ne hercule illic quidem , nec us-
quam , sed tamen illic . hodie Spintherem expecto : mi-
sit enim Brutus ad me : per literas purgat Casarem de
interitu Marcelli : in quem ne , si insidijs quidem ille in-
terfectus esset , caderet ulla suspicio . nunc uero , cum
de Magio constet , non ne furor eius omnem causam su-
stinet ? plane , quid sit , non intelligo , explanabis igitur .
quâquâ nihil habeo , quod dubitè , nisi , ipsi Magio quæ fue-
rit causa amentiae : pro quo quidem etiam sponsor factus
est . nimirum id fuit : soluendo . n. non erat : credo enim
petiisse à Marcello aliquid , & illum , ut erat , constan-
tius respondisse , οὐ γὰρ ὀνειδίζω . Vale .

CICERO ATTICO S.

CREDERAM esse facile : totū est aliud , post-
ea quàm sum à te diiunctior . sed fuit faciendum , ut
& constituerem mercedulas prædiorum , & ne magnū
onus obseruantiae Bruto nostro imponerem : posthac enim
poterimus commodius colere inter nos in Tusculano :
hoc autem tempore , cum ille me quotidie uidere uellet ,
ego ad illum ire non possem , priuabatur omni delecta-
tione Tusculani . tu igitur , si Seruilia uenerit , si Brus-
tus quid egerit , etiam si constituerit quando obuiam ,
quidquid denique erit , quod scire me oporteat , scribes .
Pisonem , si poteris , conuenias . uides , quàm maturum
sit . sed tamen , quod commodo tuo fiat . Vale .

DD ij

LIB. XIII. EPIST.

CICERO ATTICO S.

VALENDE me momorderunt epistolæ tuæ de Attica
nostra: eadem tamen sanauerunt: quod enim te ipse con-
solabare eisdem literis, id mihi erat satis firmum ad le-
niendā aegritudinem. Ligarianā præclare uēdidisti. post-
hac quidquid scripsero, tibi præconiū deferā. Quod ad
me de Varrone scribis, scis me antea orationes, aut ali-
quid id genus solitū scribere, ut Varronem nusquā pos-
sem intexere. postea autem quā hāc cœpi φιλολογώτερα,
iam Varro mihi denūciauerat magnam sanē, & grauē
προσφώνησιν. biennium præterijt, cum ille χαλλιπρότης
assiduo cursu cubitum nullum processerit. ego autem
me parabam ad id, quod ille mihi misisset, ut αὐτῷ τῷ
μέτρω, καὶ λώιον, si modo potuissē: nam hoc etiam
Hesiodus ascribit αἴκε δύναι. nunc illam περὶ τελῶν
σωτάξιν, sanē mihi probatam, Bruto, ut tibi placuit,
despondimus, idq; eum non nolle mihi scripsisti. ergo
illam ἀκαδημαϊκὴν, in qua homines, nobiles illi quidem,
sed nullo modo philologi, nimis acute loquuntur, ad Var-
ronem transferamus: etenim sunt Ἀντιόχεια, quæ iste
ualde probat. Catulo, & Lucullo alibi reponemus, ita
tamen, si tu hoc probas: deq; eo mihi rescribas, uelim.
De Brinniana auctione accepi à Vestorio literas. ait, sine
ulla controuersia rē ad me esse collatam (Romæ uideli-
cet, aut in Tusculano me fore putauerunt) ad VIII.
Cal. Quint. dices igitur uel amico tuo, uel Othoni cohæ-
redi meo, uel Labeoni nostro, paulū proferāt auctionē, me
circiter Nonas in Tusculano fore. cū Pisone Erotē habes.
De Scapulanis hortis toto pectore cogitemus. dies adest.

CICERO ATTICO S.

COMMOTVS tuis literis, quodd ad me de Var-
rone scripseras, totam Academiam ab hominibus nobis-
sissimis abstuli, trāstuliq; ad nostrum sodalem, & ex
duobus libris contuli in quatuor. grandiores sunt om-
nino, quā erant illi, sed tamen multa detracta. tu au-
tem mihi peruelim scribas, qui intellexeris illum uelle.
illud utique scire cupio, quem intellexeris ab eo Ζηλωτὺς
πείδου, nisi forte Brutum. id hercle restabat. sed tamē
scire peruelim. libri quidem ita exierunt (nisi forte me
cōmunis φιλαυρία decipit) ut in tali genere ne apud Græ-
cos quidē simile quidquā. tu illā iacturā feres æquo a-
nimo, quodd illa, quæ habes de Academicis, frustra descri-
pta sunt. multo tamen hæc erunt splendidiora, breuior-
ra, meliora. nunc autē ἀπορώ, quodd me uertā. uolo Dola-
bellæ ualde desideranti. non reperio, quid: & simul
αὐδ' εὐομαι Τεῶας: neque, si aliquid, potero μέμψιν effuge-
re. aut cessandum igitur, aut aliquid excogitandū. sed
quid hæc leuia curamus? Attica mea, obsecro te, quid
agit? quæ me ualde angit. sed crebro regusto tuas lite-
ras: in his acquiesco: tamen expecto nouas. Vale.

CICERO ATTICO S.

BRINNII libertus cohæres noster scripsit ad me,
uelle, si mihi placet, cohæredes, & Sabinum Albium
ad me uenire. id ego plane nolo. hæreditas tanti nō est.
& tamen obire auctōnis diem facile poterunt, (est
enim III. Idus) si me in Tusculano postridie Nonas

DD iij

LIB. XIII. EPIST.

mane conuenerint . quod si laxius uolent proferre diē,
poterunt uel biduum , uel triduum , uel ut uidebitur:
nihil . n . interest . quare , nisi iam profecti sunt , retinebis
homines . De Bruto si quid erit , de Casare si quid scies
præterea , scribes . Illud etiā atque etiā cōsideres uelim ,
placeat ne tibi mitti ad Varronē , quod scripsimus : etsi
etiā ad te aliquid pertinet : nā scito te ei dialogo adiun-
ctū esse tertiu . opinor igitur cōsideremus . etsi nomina
iā facta sunt : sed uel induci , uel mutari possunt . Vale .

CICERO ATTICO S .

QVID agit , obsecro te , Attica nostra ? nam triduo
abs te nullas acceperam : nec mirum : nemo enim uene-
rat : nec fortasse causa fuerat . itaque , ipse quid scribe-
rem , nō habebā . quo autē die has Valerio dabam , expe-
ctabam aliquem meorū : qui si uenisset , & à te quid at-
tulisset , uidebā non defuturū , quid scriberem . Vale .

CICERO ATTICO S .

NOS cum flumina , & solitudinem sequeremur ,
quo facilius sustentare nos possemus , pedē ē uilla ad-
huc egressi non sumus : ita magnos , & assiduos imbres
habebamus . illā Academicen συνταξιν totā ad Varronē
traduximus : modo fuit Catuli , Luculli , Hortensij : de-
inde , quia παρὰ τὸ πρῶτον uidebatur , quodd erat hos-
minibus non ignota , non illa quidem ἀπεθεωρία , sed
in ijs rebus ἀτρεψία ; simul ac ueni ad uillam , eos-
dem illos sermones ad Catonem , Brutumq ; transuli .
ecce tuæ literæ de Varrone . nemini uisa est aptior Av-
τιοχρία ratio . sed tamen uelim scribas ad me , primum

placeat ne tibi aliquid ad illum : deinde, si placebit, hoc ne potissimum. Quid Seruilia, iam ne uenit? Brutus ecquid agit, ecquādo? de Cæsare quid auditur? ego ad Nonas, quē admodū dixi. tu cū Pisonē, si quid poteris.

CICERO ATTICO S.

DEVI. expectabam Roma aliquid. non imperassem igitur aliquid tuis. nunc eadē illa, quid Brutus cogitet, aut si aliquid egit, & quid à Cæsare. sed quid ista, quæ minus curo? Attica nostra quid agat, scire cupio. etsi tuæ literæ (sed iam nimis ueteres sunt) recte sperare iubent. tamen expecto recens aliquid. Vale

CICERO ATTICO S.

VIDES, propinquitās quid habet. nos uero conficiamus hortos. colloqui uidebāmur, in Tusculano cum essem: tāta erat crebritas literarū: sed id quidē iā erit. ego interea admonitu tuo perfeci sanē argutulos libros ad Varronē: sed tamen expecto, quid ad ea, quæ scripsi ad te: primum, qui intellexeris eum desiderare à me, cū ipse homo πολυγεφώτατ & nūquā me laceffisset: deinde, quem ἡλότηαν: multo Hortensium miuus, aut eos, quī de Rep. loquuntur. plane hoc mihi explices uelim: in primis, maneads ne in sententia, ut mittam ad eum, quæ scripsi; an nihil necesse putes. sed hæc coram.

CICERO ATTICO S.

COMMODVM discesserat Hilarus librarius IIII. Cal. cui dederā literas ad te, cū uenit tabellarius cū tuis literis pridie datis, in quibus illud mihi grātissimum

DD iiij

LIB. XIII. EPIST.

sumum fuit, quodd Attica nostra rogat te, ne tristis sis,
 quodq; tu ἀκίνοῦντα esse scribis. Ligarianam, ut uideo,
 praeclare auctoritas tua commendauit: scripsit enim ad
 me Balbus, ac Oppius, mirifice se probare, ob eamq;
 causam ad Caesarem meam se oratiunculam misisse.
 hoc igitur idem tu mihi antea scripseras. In Varro-
 ne ista causa me non moueret, ne uiderer φιλένδοξος:
 sic enim constituebam, neminem includere in dialogos
 eorum, qui uiuerent: sed quia scribis & desiderari à
 Varrone, & magni illum aestimare, eos confeci, et ab-
 solui, nescio quam bene, sed ita accurate, ut nihil pos-
 set supra, Academicam omnem quaestionem libris qua-
 tuor. in eis, quae erant contra ἀκαταληΐαν, praeclare
 collecta ab Antiocho, Varroni dedi: ad ea ipse respo-
 deo: tu es tertius in sermone nostro. si Cottam, &
 Varronem fecissem inter se disputantes, ut à te pro-
 ximis literis admoneor, meum κωφὸν πρόσωπον esset. hoc
 in antiquis personis suauiter fit, ut & Heraclides in
 multis, & nos sex de Rep. libris fecimus. sunt etiam de
 oratore nostri tres, mihi uehementer probati. in eis quo-
 que eae personae sunt, ut mihi tacendum fuerit: Cras-
 sus enim loquitur, Antonius, Catulus senex, C. Iulius
 frater Catuli, Cotta, Sulpitius. puero me hic sermo indu-
 citur, ut nullae esse possent partes meae. quae autem his
 temporibus scripsi, Ἀριστοτέλεον morem habent, in quo
 sermo ita inducitur ceterorum, ut penes ipsum sit prin-
 cipatus. ita confeci quinque libros περὶ τελῶν, ut Es-
 picurea L. Torquato, Stoica M. Catoni περιπατη-
 τικὰ M. Pisoni daremus. ἀζηλότυπον id fore puta-
 ram, quodd omnes illi decesserant. haec Academica, ut

scis, cum Catulo, Lucullo, Hortensio contuleram. san-
nè in personas non cadebant: erant enim λογικώτεροι,
quàm ut illi de ijs somniasse unquā uideretur. itaque,
ut legi tuas de Varrone, tanquam ἑγμείον arripui. az-
ptius esse nihil potuit ad id philosophiæ genus, quo ille
maxime mihi delectari uidetur, measq; partes, ut non
sim consecutus, ut superior mea causa uideatur: sunt
enim uehementer πιθανοὶ Antiochia: quæ diligenter à
me expressa, acumen habent Antiochi, nitorem oratio-
nis nostrum, si modo is est aliquis in nobis. sed tu, dan-
dos ne putes hos libros Varroni, etiā atque etiā ui-
debis. mihi quædam occurrunt, sed ea coràm. Vale.

CICERO ATTICO S.

A' C A E S A R E literas accepi cōsolatorias, datas
 prid. Cal. Maij Hispali. De Vrbe augenda quid sit pro-
 mulgatū, non intellexi. id sanè scire uelim. Torquato
 nostra officia grata esse facile patior: eaq; augere non
 desinam. De uxore Tiberonis, & priuigna, neque
 possum iam abdere, (est. n. res peruulgata) neque Tu-
 beronē uolo defendere: mirifice est enim φιλότιμος. thea-
 trum quidem sanè bellum habuisti. ego, etsi hoc loco
 facillime sustentor, tamen te uidere cupio: itaque, ut cō-
 stitui, adero. Fratrem credo à te esse conuentum. sci-
 re igitur studeo, quid egeris. De fama nihil sanè labo-
 ro: etsi scripseram ad te tunc stulte, nihil melius: cu-
 randū. n. non est: atq; hoc, in omni uita sua quenque à
 recta conscientia trāsuersum unguē nō oportere discede-
 re. uiden, quàm φιλοσόφος? an tu nos frustra existimas
 hæc in manibus habere? δεδῆχθαι te nollem, quod

LIB. XIII. EPIST.

nihil erat: redeo enim rursus eodem. quidquam ne me putas curare in toto, nisi ut ei ne desim? id ago scilicet, ut iudicia uidear tenere: μή γὰρ αὐτοῖς. uellem tam domestica ferre possem quàm ista contēnere. putas autem me uoluisse aliquid, quod perfectum non sit? nō licet scilicet sententiam suam: sed tamen, quæ tum acta sunt, non possum non probare: & tamen non curare pulchre possum, sicuti facio. sed nimium multa de nugis.

CICERO ATTICO S.

AD Hircium dederam epistolam sanè grandē, quā scripseram proxime in Tusculano. huic, quam tu mihi misisti, rescribā aliàs: nunc alijs malo. Quid possum de Torquato, nisi aliquid à Dolabella? quod simul ac, continuo scietis: expectabam hodie aut summum cras ab eo tabellarios: qui simul ac uenerint, mittentur ad te. à Quinto expecto: proficiscens. n. è Tusculano VIII. Cal. ut scis, misi ad eum tabellarios. nunc, ad rem ut redeam, INHIBERE illud tuum, quod ualde mihi arriserat, uehementer displicet: est enim uerbum totum nauticum. quanq̃ id quidem sciebam: sed arbitrabar sustineri remos, cū inhiberi essent remiges iussi. id nō esse eiusmodi didici heri, cum ad uillam nostram nauis appelleretur: nō. n. sustinet, sed alio modo remigāt. id ab ἐποχῆς remotissimū est. quare facies, ut ita sit in libro, quemadmodum fuit. dices hoc idem Varro: nī, si forte mutauit. nec est melius quidquam, quàm ut Lucullus sustineat currum, ut bonus sæpe agitator, equosq̃. semperq̃; Carneades πρῶτον pugilis, & reuentionem aurigæ similem facit ἐποχῆ. inhibitio au-

tem remigum motum habet, & uehementiorem quidem remigationis nauem conuertentis ad puppim. uides quanto hoc diligentius curem, quam aut de rumore, aut de Polione. De Pansa etiam, si quid certius: credo enim palam factum esse. De Critonio, si quid esset. Certe ne de Metello, & Balbino? dic mihi, placet ne tibi primum edere iniussu meo? hoc ne Hermodorus quidem faciebat, is, qui Platonis libros solitus est diuulgare, ex quo λόγοισιν Ερμόδωρος. quid illud? retum ne existimas cuiquam quidquam ante, quam Bruto? cui te auctore προσφωνῶ. scripsit enim Balbus ad me, se à te quintum de finibus librum descripsisse: in quo non sanè multa mutauit, sed tamen quædam. tu autem commodè feceris, si reliquos continueris, ne & Διοδότω habeat Balbus, & ἑωλεα Brutus. sed hæc hætenus, ne uidear πρὸς μικρὰ πρὸς δὲ λέειν. etsi nunc quidem maxima mihi sunt hæc: quid est enim aliud? Varroni quidem quæ scripsi te auctore, ita propero mittere, ut iam Romam miserim describenda. ea si uoles, statim habebis: scripsi enim ad librarios, ut fieret tuis, si tu uelles, describendi potestas. ea uero continebis quoad ipse te uideam. quod diligentissime facere soles, cū à me tibi dictū sit. quo modo autē fugit me tibi dicere? mirifice Cerelia, studio uidelicet philosophiæ flagrans, describit à tuis. istos ipsos de finibus habet. ego autem tibi confirmo (possum falli, ut humanus) à me non habere: nunquam enim ab oculis meis abfuerunt. tantum porro aberat, ut binos scriberent: uix singulos confecerunt. tuorum tamen eo nullum delictum arbitror, idemq; te uolo existimare: à me enim præter-

LIB. XIII. EPIST.

missum est, ut dicerem eos exire non dum uelle. hui quā
diu de nugis: de re enim nihil habeo, quod loquar.
De Dolabella tibi assentior. cohæredes, ut scribis, in Tu-
sculano. De Caesaris aduentu, scripsit ad me Balbus, nō
ante Cal. Sext. De Attica optime, quodd leuius, ac le-
uius, & quodd fert εὐκόλως. Quod autem de illa no-
stra cogitatione scribis, in qua nihil tibi credo ea, quæ
nouī: ualde probo hominem, domum, facultates. quod
caput est, ipsum non nouī, sed audio laudabilia de Scro-
fa: etiā proxime accedit, si quid hoc ad rem. εὐγενές
est etiam, quā pater. corā igitur, & quidem propē-
so animo ad probandum: accedit enim, quodd patrē (ut
scire te puto) plus etiam, quā non modo tu, sed quā
ipse scit, amo, idq; & merito, & iandiu. Vale.

CICERO ATTICO S.

DE VARRONE, nō sine causa, quid tibi pla-
ceat, tam diligenter exquiro. occurrunt mihi quædam:
sed ea corā. te autem ἀσμενέστατα intexui, faciamq;
id crebrius: proximis. n. tuis literis primū, te id nō nolle,
cognoui. De Marcello scripserat ad me Cassius antea,
τὰ κατὰ μέγεθ. Seruius. rem acerbam. ad prima re-
deo. scripta nostra nusquam malo esse, quā apud te,
sed ea tum foras dari, cum utrique nostrum uidebitur.
ego & librarios tuos culpa libero, neque te accuso, &
tamen aliud quiddam ad te scripseram, Cereliam quæ-
dam habere, quæ nisi à te non potuerit. Balbo quidem
intelligebam satisfaciendum fuisse: tantum nolebam,
aut obsoletum Bruto, aut Balbo inchoatum dari. Var-
roni, simul ac te uidero, si tibi uidebitur, mittam.

quid autem dubitarim, cum uidero te, scies. Attributos quodd appellas, ualde probe. Te de prædio auia exerceri, moleste fero. De Bruto nostro perodiosum: sed uita fert. mulieres autē uix satis humane, quæ inimico animo ferant, cum utraque officio pareat. Tullium scribam, nihil fuit, quodd appelles: nam tibi mandassem, si fuisset: nihil enim est apud eū positum nomine uoti. sed est quiddam apud illum meum. id ego in hāc rem statui conferre. itaque & ego recte tibi dixi, ubi esset: & tibi ille recte negauit. hoc quoque ipsum cōtinuo adoriāmur. locū hominibus nō sanē probo, quodd est desertior: sed habet ὀλολίαν. uerū hoc quoque, ut censueris; quippe quæ omnia. ego, ut constitui, adero, atque utinā tu quoque eodem die. sin quid, multa enim; utique postridie: etenim cohæredes: à queis sine te opprimi, malitia est. Alteris iam literis nihil ad me de Attica: sed id quidem mihi in optima spe pono. illud accuso, nō te, sed illam, ne salutem quidē. at tu & illi, et Piliæ plurimā. nec me tamē irasci indicaris. Epistolā Cæsaris misi, si minus legisses. Vale.

CICERO ATTICO S.

ANTEMERIDIANIS tuis literis heri statim rescripsi: nūc respondebo uespertinis. Brurus mallem me accerseret: nā & æquius erat, cū illi iter instaret & subitum, & longum: & mehercule nunc, cū ita simus affecti, ut non possimus plane simul uiuere, (intelligis enim profecto, quo maxime posita sit συμβίωσις) facile patiebar nos potius Romæ unā esse, quā in Tusculano. libri ad Varronem non morabantur: sunt enim de fecti, ut uidisti: tantum librariorum menda tolluntur.

LIB. XIII. EPIST.

de quibus libris scis me dubitasse : sed tu uideris . item , quos Bruto mittimus , in manibus habent librarij . Mea mandata , ut scribis , explica . quanquam ista retentione omneis ait uti Trebatius : quid tu istos putas ? nosti domum , quam confice βλώγας . incredibile est , quàm ego ista nō curem . omni tibi asseueratione affirmo , quod mihi credas uelim , mihi maiori offensionem esse , quàm deletioni possessiunculas meas : magis enim doleo , me non habere cui tradam , quàm habere , qui utar . atque illud Trebatius se tibi dixisse narrabat . tu autē ueritus es fortasse , ne ego inuius audirem . fuit id quidem humanitatis : sed , mihi crede , iam ista nō curo . quare da te in sermonem , & persequa , & confice , excita , compella , loquere , ut te cum illo Scaua loqui putes . ne existimes eos , qui nō debita consecrari soleant , quod debeat , remissuros . de die tantum uideto , & id ipsum bono modo . Vale .

CICERO ATTICO S.

QVID est , quod Hermogenes mihi Clodius Andromenē sibi dixisse , se Ciceronē uidisse Corcyrae ? ego enim audita tibi putarā . nil igitur ne ei quidē literarū ? an nō uidit ? facies ergo , ut sciam . Quid tibi ego de Varro ne rescribam ? quatuor διφθεράς sunt in tua potestate . quod egeris , id probabo . nec tamen αἰδέομαι Τρώας : quid enim ? sed , ipsi quàm res illa probaretur , magis ne rebar . sed quoniam tu suscipis , in alteram aure . Vale .

CICERO ATTICO S.

DE RETENTIONE , rescripsi ad tuas accurate literas scriptas . cōficiet igitur , et quidē sine ulla du-

bitatione, aut retractatione. hoc fieri & oportet, & opus est. De Andromene, ut scribis, ita putaram: scisses enim, mihiq; dixisses. Tu tamen ita mihi de Bruto scribis, ut de te nihil. quando autem illum putas? nam ego Romam pridie Idus. ita uolui Bruto scribere: sed quoniam tu te legisse scribis, fui fortasse ἀσχετός, me ex tuis literis intellexisse, nolle eum me quasi prosequendi sui causa Romam nunc uenire. sed quoniam iam adest meus aduentus, fac quaeso, ne quid eum Idus impediant, quominus suo commodo in Tusculano sit: nec enim ad tabulam eum desideraturus eram: in tali enim negotio cur tu unus non satis es? sed ad testamentum uolebam: quod iam malo alio die, ne ob eam causam Romam uenisse uidear. scripsi igitur ad Brutum, iam illud, quod putassem, Idibus nihil opus esse. uelim ergo totum hoc ita gubernes, ut ne minima quidem re ulla Bruti commodum impediamus. Sed quid est tandem, quod perhorrescas, quia tuo periculo iubeam libros dari Varroni? etiam nunc, si dubitas, fac, ut sciamus: nihil est enim illis elegantius. uolo Varronem, praesertim cum ille desideret: sed est, ut scis, δεινὸς ἀνὴρ, τὰ ἅπαντα καὶ ἀνὰ τὸν αὐτοῦ αὐτοῦ. ita mihi saepe occurrit uultus eius, querentis fortasse uel hoc, meas partes in ijs libris copiosius defensas esse, quam suas: quod mehercule intelliges non esse, si quando in Epeirum ueneris: nam nunc Alexionis epistolis cedimus: sed tamen ego non despero probatum iri Varroni: & id, quoniam impensam fecimus in macrocola, facile patior teneri. sed etiam atque etiam dico, tuo periculo fiet. quare, si addubitas, ad Brutum transeamus: est enim is quoque Antiochius. δ'Acade=

LIB. XIII. EPIST.

miā uolaticā, & sui similem, modo huc, modo il-
luc. sed, quāso, epistola mea ad Varronem ualde ne tibi
placuit? male mihi sit, si unquam quidquam tam eni-
tar. at ego ne Tironi quidem dictaui, qui totas περὶ
χὰς persequi solet; sed Spinthero syllabatim. Vale.

CICERO ATTICO S.

DE Virgilij parte ualde probo. sic ages igitur. &
quidem id erit primum, proximum Clodiæ. quodd si neu-
trum, metuo, ne turbē, & irruā in Drusum. intēperans
sum in eius rei cupiditate, quam nosti. itaque reuoluor
identidem in Tusculanū: quiduis enim potius, quā ut
non hac æstate absoluator. Ego, ut tempus est nostrum,
locum habeo nullum, ubi facilius esse possim, quā
Asturæ. sed quia qui mecum sunt, credo, quodd moesti-
tiam meam non ferunt, domum properant: etsi pote-
ram remanere, tamen, ut scripsi tibi, proficiscar hinc,
ne relictus uidear. quodd autem Lanuuius? conor equidē
in Tusculanum: sed faciam te statim certiore. tu li-
teras conficies. equidem, credibile non est, quantum scri-
bam die: quin etiam noctibus: nihil est enim somni. he-
ri etiam effeci epistolam ad Cæsarem: tibi enim place-
bat. quam non fuit malum scribi, si forte opus esse pu-
tares. ut quidem nunc est, nihil sanē est necesse mittere:
sed id quiddē, ut tibi uidebitur: mittā tamen ad te exem-
plum fortasse Lanuuius, nisi forte Romam: sed cras scies.

CICERO ATTICO S.

EPISTOLAM ad Cæsare, nobis uero semper
rectissime placuit, ut isti ante legerent: aliter enim fuis-
semus &

semus & in hos inofficiosi, & in nosmet ipsos, si illum
 offensuri fuimus, penè periculosi. isti autem ingenue,
 mihiq; gratum, qd, quid sentirent, non reticuerunt: illud
 uero uel optime, qd ita multa mutari uolunt, ut mihi de
 integro scribendi causa non sit. quanq̃ de Parthico bel
 lo quid spectare debui, nisi quod illum uelle arbitrabar?
 quod enim aliud argumentum epistolæ nostræ, nisi κολα
 κία fuit? an, si ea, quæ optima putaram, suadere uoluif
 sem, oratio mihi defuisset? totis igitur literis nil opus
 est: ubi enim ἐπιτολὴ magnum nullum fieri possit,
 ἀποτολὴ uel non magnum molestum futurum sit,
 quid opus est παρακινδυνώσθαι? praesertim cum illud oc
 currat, illum, cum antea nihil scripserim, existimaturū,
 me, nisi toto bello confecto, nihil scripturum fuisse. atq;
 etiā uereor, ne putet me hoc quasi Catonis μέλιμα esse
 uoluisse. quid quæris? ualde me poenitebat: nec in hac
 quidem re quidquā magis ut uellem accidere potuit, q̃
 quod σπουδὴ nostra non est probata. incidissemus etiā
 in illos, in eis in cognatum tuum. sed redeo ad hortos.
 Plane illuc te ire, nisi tuo magno cōmodo, nolo: nihil. n.
 urget. quidquid erit, operam Faberio ponamus. de die
 tamen auctōnis, si quid scies. Eum, qui è Cumano ue
 nerat, quod & plane ualere Atticam nuntiabat, & lite
 ras se habere aiebat, statim ad te misi. Vale.

CICERO ATTICO S.

HORTOS quoniā hodie eras inspecturus, quid uisum
 tibi sit, cras scilicet. De Faberio autem, cum uenerit.
 De epistola ad Cæsarem: iurato mihi crede, nō possum:
 nec me turpitudine deterret, etsi maxime debebat: quā

EE

LIB. XIII. EPIST.

enim turpis est assentatio, cū uiuere ipsum turpe sit nobis? sed, ut cœpi, non me hoc turpe deterret: (ac uellem quidem: essem enim, qui esse debebam) sed in mentem nihil uenit. nam quæ sunt ad Alexandrum hominum eloquentium, & doctorum suasionem, uides quibus in rebus uersentur. adolescentem incensum cupiditate uerissimæ gloriæ, cupientem sibi aliquid cōsiliū dari, quod ad laudem sempiternam ualeret, cohortantur ad decus. nō deest oratio. ego quid possum? tamē nescio quid ē queru exculperam, quod uideretur simile simulacri. in eo quod non nulla erant paulo meliora, quā ea, quæ sunt, et facta sunt, reprehenduntur: quod me minime poenitet: si enim peruenissent istæ literæ; mihi crede, nos poeniteret. quid? tu non uides, ipsum illum, Aristotelis discipulum, summo ingenio, summa modestia, posteaquē Rex appellatus sit, superbum, crudelem, immoderatum fuisse? quid, tu hunc de pompa, Quirini contubernalem, his nostris moderatis epistolis lætaturum putas? ille uero potius nō scripta desiderat, quā scripta non probet. postremo, ut uolet. abiit illud, quod tum me stimulabat, quod tibi dabam *περόλαια ἀρχιμήδ' εἶον*. multo mehercule magis nūc opto casum illum, quā tum timebam, uel quēlibet. Nisi quid te aliud impedit, mihi optato ueneris.

Nicias à Dolabella magno opere arcessitus (legi enim literas) & si inuito me, tamen eodem me auctore profectus est. hoc manu mea. Vale.

CICERO ATTICO S.

C V M quasi alias res quærerem de philologis ē Nicia, incidimus in Talnam. ille de ingenio nihil nimis. mode-

stum, & frugi. sed hoc mihi non placuit. se scire dicebat ab eo nuper petitam Cornificiam, Quinti filiam, uetulam sanè, & multarum nuptiarum: non esse probatam mulieribus, quòd ita reperirent, rem non maiorem DCCC. hoc putavi te scire oportere. De hortis ex tuis literis cognoui, & Chrysippo. in uilla, cuius insul- sitatem bene noram, uideo nihil, aut pauca mutata. balnearia tamen laudat. maiora de minoribus ait hiberna effici posse. tecta igitur ambulatiuicula addenda est: quam ut tantam faciamus, quantam in Tusculano fecimus, propè dimidio minoris constabit isto loco. ad id autem, quod uolumus, ὅτι δὲ γυμνασίον, nihil aptius uidetur, quàm lucus: quem ego noram, sed celebritatem nullam tum habebat, nunc audio maximam. nihil est, quod ego malim. in hoc τὸν τύπον μου πρὸς θεῶν τροποφόρησον. reliquum est. si Faberius nobis nomen illud explicat: non li quærere, quanti: Othonem uincas uolo. nec tamen insaniturum illum puto: nosse. n. mihi hominē uideor. ita male autem audio ipsum esse tractatum, ut mihi ille emptor non esse uideatur: quid enim pateretur? sed quid argumentor? si Faberianum explicas, emamus uel magno: sin minus, ne paruo quidem possumus. Clodiā igitur: à qua ipsa ob eam causam sperare uideor, quòd & multo minoris sunt, & Dolabellæ nomen iam expeditum uidetur, ut etiam representatione concludā. de hortis satis. Cras aut te, aut causam: quam quidem futuram Faberianam: sed si poteris. Vale.

CICERO ATTICO S.

CICERONIS epistolam tibi remisi. ò te ferreū, qui

EE 4

LIB. XIII. EPIST.

illius periculis non moueris . me quoq; accusat . eam epistolam tibi misissem . nam illam alterā de rebus gestis eodem exemplo puto . In Cumanum hodie misi tabellarium . ei dedi tuas ad Vestoriū, quas Pharnaci dederas . cōmodum ad te miseram Demeā, cum Eros ad me uenit . sed in eius epistola nihil erat noui, nisi auētionē bi diuum . ab ea igitur, ut scribis : & uelim, cōfēcto negotio Faberiano : quē quidem negat Eros hodie : cras mane putat . à te colēdus est . ista autem κολακίαι non longe absunt à scelere . te, ut spero, perendie . sicunde potes, erues qui decem legati Mumio fuerunt : Polybius nō nominat . ego memini, Albinum Cōsulare, & Sp. Mumiū : uideor audisse ex Hortensio, Tuditanum : sed in Libonis annali, XIII. annis post Prator est factus Tuditanus, q̄ Consul Mumiū . non sanē quadrat . uolo aliquem Olympiæ, aut ubiuisnā πολιτικὸν σύλλογον, more Dicæarchi familiaris tui. Vale.

CICERO ATTICO S.

V. C A L. mane accepi à Demea literas pridie datas, ex quibus aut hodie, aut cras te expectare deberem . sed, ut opinor, idem ego, qui expecto tuum aduētum, morabor te : non . n. puto tam expeditum Faberianum negotium futurum, etiam si est futurū, ut non habeat aliquid moræ . cum poteris igitur : quoniam etiamdum abes . Dicæarchi quos scribis libros, sanē uelim mihi mittas : addas etiam κατὰ βάρσιν . De epistola ad Cæsarem, κενφικὰ . atq; id ipsum, quod isti aiunt illum scribere, se nisi constitutis rebus nō iturum in Parthos ; idem ego suadebam in illa epistola ; uirum liberet, facere posse, au-

Etore me. hoc. n. ille expectat uidelicet, neq; est facturus quidquam, nisi de meo consilio. obsecro, abijciamus ista, & semiliberi saltem simus, quod assequemur & tacendo, & latendo. Sed aggredere Othonem, ut scribis. cofice mi Attice istam rem: nihil. n. aliud reperio, ubi & in foro non sim, & tecum esse possim. quanti autem, hoc mihi uenit in mentem. C. Albanius proximus est uicinus. is ∞ iugerum de M. Pilio emit; ut mea memoria est, HS C X V. omnia scilicet nunc minoris: sed accedit cupiditas: in qua, praeter Othonem, non puto nos ullum aduersarium habituros: sed eum ipsum tu poteris mouere, facilius etiam, si Canum haberes. ò gulam insulsam. pudet me patris. rescribes, si quid uoles.

CICERO ATTICO S.

AL TER A M à te epistolam cum hodie accepiſſem, nolui te una mea contentum. Tu uero age, quod scribis, de Faberio: in eo. n. totum est positum id, quod cogitamus. quæ cogitatio si non incidisset (mihi crede istuc, ut cætera) non laborarem. quam ob rem, ut facis (istuc. n. addi nihil potest) urge, insta, perfice. Dicæarchi περί τῶν χρησῶν utroſq; uelim mittas, & κατὰ βᾶσιν. πολιτικὸν non inuenio, & epistolam eius, quam ad Aristoxenum misit. treis eos libros maxime nunc uellem: apti essent ad id, quod cogito. Torquatus Romæ est. iussi, ut tibi daretur. Catulum, & Lucullum, ut opinor, antea. his libris noua procemia sūt addita, quibus eorū uterq; laudatur. eas literas uolo habeas. & sunt quædam alia. et quod ad te de decem legatis scripsi, parum intellexti, credo, quia διὰ σφραγίδος scripserā: de C. Tuditano enim

E E ij

LIB. XIII. EPIST.

quærebam, quem ex Hortensio audieram fuisse in decē.
 eum uideo in Libonis Prætorem L. Popilio P. Rupilio
 Consulibus. annis XIII ante, quàm Prætor factus
 est, legatus esse potuisset; nisi admodum sero Quæstor
 est factus: quod non arbitror: uideo. n. Curules magi-
 stratus eum legitimis annis perfacile cepisse. Posthumus
 um autem, cuius statuam in Isthmo meminisse te dicis,
 sciebam fuisse. is autem est, qui cum Lucullo fuit, quem
 tu mihi addidisti, sanè ad illum σύλλογον personam ido-
 neam. uidebis igitur, si poteris, ceteros; ut possimus
 πομπύσαι καὶ τοῖς προσώποις. Vale.

CICERO ATTICO S.

N EGLIGENTIAM miram. semel ne putas mihi
 dixisse Balbum, & Faberium, professionem relatam?
 quin etiam eorum iussu miseram, qui profiteretur: ita
 enim oportere dicebant. professus est Philotimus liber-
 tus. nosti credo librariū: sed scribis, & quidem confe-
 ctū. Ad Faberium, ut tibi placet, literas misi. cū Bal-
 bo autē puto te aliquid fecisse H. in Capitolio. In Vir-
 gilio mihi nulla est δύσκολία: nec. n. eius causa sanè de-
 beo: & si emero, quid erit, quod postulet? sed uidebis,
 ne is cū sit in Africa, ut Celius. De nomine tu uidebis
 cū Cuspio: sed, si Plancus destinat, tum haberes difficul-
 tatē. te ad me uenire uterq; nostrū cupit: sed ista res
 nullo modo relinquēda est. Othonē quod speras posse
 uinci, sanè bene narras. de æstimatione, ut scribis, cum
 agere cœperimus: & si nihil scripsit, nisi de modo agri.
 Cū Pisone, si quid poterit. Dicaarchi librum accepi:
 κατὰ βίαν expecto. negotium dederis. reperiēs ex eo

libro, in quo sunt S. C. Cn. Cornelio, & L. Coss. de Tuditano autem, quod putas, βολογος est, tum illum, quoniam fuit ad Corinthum: non enim temere dixit Hortensius, aut Quæstorem, aut Tribunum mil. idq; potius fuisse credo. sed tu de Antiocho scire poteris. uide etiam, quo anno Quæstor, aut Tribunus mil. fuerit: si neutrum, eodem in præf. aut contuber. fuerit, modo fuerit in eo bello. De Varrone loquebamur: lupus in fabula: uenit enim ad me, & quidem id temporis, ut retinendus esset: sed ego ita egi, ut non scinderem penulam: memini enim tui: & multi erant, nosq; imparati. quid refert? paulo post C. Capito cum T. Carrinate. horum ego uix attigi penulam: tamen remanserunt. cecidit belle. sed casu sermo à Capitone de Vrbe augenda, à ponte Muluio Tyberim duci secundum montes Vaticanos, campum Martium coëdificari, illum autem campum Vaticanum fieri quasi Martium campum. quid ais, inquam? at ego ad tabulam, ut si recte possem Scapulanos hortos. caue facias, inquit: nã ista lex perferetur: uult enim Cæsar. audire me, facile passus sum: fieri autem, moleste fero. sed tu quid ais? quanquam quid quæro? nosti diligentiam Capitonis in rebus nouis perquirendis: non concedit Camillo. facies igitur me certiore de Idibus: ista enim me res adducebat: eò adiunxeram cæteras: quas consequi tamen biduo, aut tri-duo post facile potero. te tamen in uia confici minime uolo. quin etiam Dionysio ignosco. de Bruto quod scribis, feci ut ei liberum esset, quod ad me attineret: scripsi enim ad eum heri, Idibus Maij eius opera mihi nihil opus esse. Vale.

EE iij

LIB. XIII. EPIST.

CICERO ATTICO S.

A S T V R A M ueni VIII. Cal. Iul. uitandi enim calo-
ris causa Lanuij treis horas acquieueram. tu uelim,
si graue nō erit, efficias, ne ante Nonas mihi illuc ueniē-
dum sit. id potes per Egnatiū Maximum. Illud in pri-
mis cū Publilio me pene absente conficies. de quo quae
fama sit, scribes. id populus curat scilicet. non meher-
cule arbitror: etenim hāc decantata erat fabula: sed
complexe paginam uolui. quid plura? ipse enim adsum,
nisi quid tu prorogas: scripsi enim ad te de hortis.

CICERO ATTICO S.

O R E M indignam. gentilis tuus Urbem auget: quam
hoc biēnio primum uidit: et ei parum magna uisa est,
quae etiam ipsum capere potuerit. hac de re igitur ex-
pecto literas tuas. Varroni scribis, te, simul ac uenerit.
dati igitur iam sunt, nec tibi integrum est: (hui, si scias
quanto periculo tuo) aut fortasse literae meae te retarda-
runt: sed eas nondum legeras, cum has proximas scri-
psisti. scire igitur aueo, quo modo res se habeat. Vale.

CICERO ATTICO S.

D E Bruti amore, uestraq; ambulatione, & si mihi nihil
nouī affers, sed idem, quod saepe, tamen hoc audio libe-
tius, quo saepius; eoq; mihi iucundius est, quod tu eo la-
taris; certiusq; eo est, quod à te dicitur. Vale.

CICERO ATTICO S.

H A S alteras hodie literas. De Xenonis nomine, & de

Epeiroticis XL, nihil potest fieri nec cōmodius, nec aptius, q̄ ut scribis. id erat locutus mecum eodem modo Balbus minor. Noui nihil sanè, nisi Hircium cum Quinto acerrime pro me litigasse: omnibus eū locis facere, maximeq; in conuiuijs: cum multa de me, tum redire ad patrem: nihil autem ab eo tam ἀξιοπρεπὸς dici, q̄ alienis simos nos esse à Cæsare: fidem nobis habendam nō esse, me uero etiā cauendum. φοβερόν ἔστι, nisi uiderē scire Regē, me animi nihil habere. Ciceronē uero meū uexari, sed id quidē arbitrati suo. Laudationem Porciæ gaudeo me ante dedisse Leptæ tabellario, q̄ tuas acceperim literas. eam tu igitur, si me amas, curabis, si modo mittetur, isto modo mittēdum Domitio, & Bruto. De gladiatoribus, de ceteris, quæ scribis ἀνεμοφόρητα, facies me quotidie certiorē. uelim, si tibi uidetur, appelles Balbum, & Offiliū de auctiōne proscribenda. equidem locutus sum cū Balbo. placebat (puto conscripta habere Offiliū omnia: habet & Balbus) sed Balbo placebat, propinquū diem, & Romæ: si Cæsar moraretur, posse in diem diem differri. sed is quidē adesse uidetur. totū igitur considera: placeat enim Vestitorio. Vale.

CICERO ATTICO S.

ANTE lucem cum scriberem contra Epicureos, de eodē oleo, & opera exarauī nescio quid ad te, & ante lucem dedi. deinde cum somno repetito simul cum sole experire stus essem, datur mihi epistola à sororis tuæ filio, quā ipsam tibi misi, cuius est principiū non sine maxima contumelia, sed fortasse οὐκ ἐπέστησεν. est autem sic. EGO enim nō probo, quidquid non belle in te dici po-

LIB. XIII. EPIST.

test. posse uult in me multa dici non belle, sed ea se negat approbare. hoc quidquam pote esse impurius? iam cetera leges (nisi enim ad te) iudicabisq; . Bruti nostri quotidianis, assiduisq; laudibus, quas ab eo de nobis haberi permulti mihi renuntiauerunt, comotum istum
 * aliquando scripsisti aliquid ad me; credo, & ad te: idq; ut scia, facies. nam ad patre de me quid scripserit, nescio: de matre qua pie? VOLVERAM, inquit, ut quamplurimum tecum essem, conduci mihi domum; & id ad te scripsera: neglexisti. ita minus multum unum erimus: nam ego istam domum uidere non possum: qua de causa, scis. Hanc autem causam pater odium matris esse dicebat. nunc me iuua mi Attice consilio, ποτερον δὲ καὶ τὰ χεῖρα ὑψιον, id est utrum aperte hominem asperner, ac respuam, ἢ σχολιας ἀπάτας: ut. n. Pindaro, sic δὲ ἴχα μοι νόσος ἀτρεκέων ἐπαίν. omnino moribus meis illud apertius, sed hoc fortasse temporibus. tu autem, quod ipse tibi suaseris, idem mihi persuasum putato. equidem uereor maxime, ne in Tusculano opprimar. in turba haec essent facilia. utrum igitur Asturae? quid? Caesar subito. iuua me, quaeso, consilio: utar eo, quod tu decreueris. Vale.

CICERO ATTICO S.

O INCREDBILEM uanitatem: ad patrem, domo sibi carendum propter matrem, plenam pietatis. hic autem iam languescit, & ait tibi illum iure iratum: sed utar tuo consilio: σχολιας enim tibi uideo placere. Romanam, ut censes, ueniam, sed inuitus. ualde. n. in scribendo haereo. Brutum, inquis, eadem. scilicet: sed nisi hoc esset, res me ista non cogeret: nec enim inde uenit, unde

mallem : neq; diu abfuit : neq; ullā literam ad me. sed
tamē scire aueo, qualis ei totius itineris summa fuerit.

Libros mihi, de quibus ad te antea scripsi, uelim mittas,
* *ἔ* maxime *φιλότητος περὶ θεῶν* *ἔ* *ΠΛΑΙΔΟC*. ita
ne nūtiat Brutus, illū ad bonos uiros *εὐαγγέλια* ? sed ubi
eos ? nisi forte se suspendit . hic autē, ut fultum est. ubi
igitur *φιλοτέχνημα* illud tuū, quod uidi in Parthenone ?
Alam, *ἔ* Brutū . sed quid faciant ? illud optime, quod
ne is quidē, qui omnium flagitiorū auētor, bene de no-
stro . at ego uerebar, ne etiā Brutus eū diligeret : ita. n.
significarat ijs literis, quas ad meas . at uellē aliquid de
gustasse de fabulis . sed coram, ut scribis . *ἔ* si quid mi-
hi auētor es, aduolo ne, an maneo ? equidē *ἔ* in libris
hæreo, *ἔ* illū hic excipere nolo : ad quē, ut audio, pater
hodie ad Saxa Acrimonia . mirum, q̄ inimicus ibat, ut
ego obiurgarē . sed ego ipse *κέρφομα*. itaq; posthac. tu
tamen uide, quid de aduentu meo censeas ; *ἔ* τὰ ὅλα
cras, si perspicere potuerint, mane statim ut sciam. Vale.

CICERO ATTICO S.

E G O uero Quinto epistolam ad sororem misi . cum ille
quereretur filio cum matre bellum, *ἔ* se ob eā causam
domo cessurum filio diceret: dixi, illum cōmodas ad ma-
trem literas, ad te nullas . ille alterum mirabatur: de te
autem suam culpam, quod sæpe grauitē ad filium scri-
psisset de tua in illum iniuria . quod autem relanguisse
se dicit, ego ei tuis literis lectis *σκολιῶς ἀπάτως* signifi-
caui me non fore : tum enim mentio Canai . omnino,
si id consilium placeret, esset necesse . sed, ut scribis, ra-
tio est habenda grauitatis, *ἔ* utriusque nostrum

LIB. XIII. EPIST.

idem consiliū esse debet : & si in me grauiores iniuriæ,
& certe notiores . si uero etiam Brutus aliquid afferet,
nulla dubitatio est . sed coram : magna . n . res , & mul-
ta cautionis . cras igitur , nisi quid à te cōmotus . Vale.

CICERO ATTICO S.

VENIT ille ad me, καὶ μάλα κατὰ κράτος . & ego, σὺ δ' ἐτι
σύνου; ? rogas, inquit? q̄ iter instet, & iter ab bellum,
idq; tum periculosum, tum etiam turpe. quæ uis igitur,
inquam? æs, inquit, alienum, & tamen ne uaticum qui-
dem . hoc loco ego sumpsi quiddam de tua eloquentia :
nam tacui . at ille , sed me maxime angit auunculus .
quidnam, inquam? q̄ mihi, inquit, iratus est . cur pate-
ris, inquam? malo . n . ita dicere, quàm cur cōmittis? nō
patiar, inquit : causam . n . tollam . & ego, rectissime qui-
dem : sed, si graue non est, uelim scire, quid sit causæ .
quia, dum dubitabam, quam ducerem, non satisfaciebā
matri , ita ne illi quidem . nunc nihil mihi tanti est . fa-
ciam, quod uolunt . feliciter uelim, inquam, teq; laudo .
sed quando? nihil ad me, inquit, de tempore, quoniā rem
probo . at ego, inquam, censeo prius, quàm proficiscaris .
ita patri quoque morem gesseris . faciam, inquit, ut cen-
ses . hic dialogus sic conclusus est . Sed heus tu, diem
meum scis esse IIII . Non . Iam . aderis igitur . scripserā
iam : ecce tibi orat Lepidus, ut ueniam (opinor Augures
nihil habere) ad templū effandum Saturni ἀσπρόνδου .
uidebimus te igitur . Vale.

CICERO ATTICO S.

E GO uero utar prorogatione diei : tuq; humanissime

fecisti, qui me certiolem feceris, atque ita, ut eo tempore acciperem literas, quo non expectarem, tuq; ut ab ludis scriberes. sunt omnino mihi quædam agenda Romæ: sed consequemur biduo post. Vale.

CICERO ATTICO S.

S VAVES tuas literas: & si acerba pompa: ueruntamen scire omnia non acerbum est, uel de Cotta. populum uero præclarum, q̄ propter malum uicinū ne Victorie quidē plauditur. Brutus apud me fuit: cui quidem ualde placebat, me aliquid ad Cæsarem. annuerā, sed pompam uideret. Tu tamen ausus es Varroni dare. expecto, quid iudicet. quando autem perleget? De Attica probo. est quiddam, etiam animum leuatum spectatione, tum etiam religionis opinione, & fama. Cottam mihi uelim mittas. Libonem mecum habeo, & habueram ante Cæsam. Brutus mihi T. Ligarij uerbis nuntiauit, quod appelletur L. Cursidius in oratione Ligariana, erratum esse meum, sed, ut aiunt, *μνημονικὸν ὁ μάλιστα*. sciebam, Cursidium pernecessariū Ligariorum: sed eum uideo ante esse mortuū. da igitur quaeso negotium Pharnaci, Antæo, Saluio, ut id nomen ex omnibus libris tollatur. Vale.

CICERO ATTICO S.

FVIT apud me Lamia post discessum tuum, epistolamq; ad me attulit missam sibi à Cæsare: quæ quanquā ante data erat, quā ille Diocharinæ; tamen plane declarabat, illum ante ludos Romanos esse ueturum. in qua extrema scriptū erat, ut ad ludos omnia pararet, ne ue-

LIB. XIII. EPIST.

committeret, ut frustra ipse properasset. prorsus ex his literis non uidebatur esse dubium, quin ante eam diem uenturus esset. idemque Balbo, cum eam epistolam legisset, uideri Lamia dicebat. Dies feriarum mihi additos uideo; sed quod multos, fac, si me amas, sciam. de Babio poteris, et de altero uicino Egnatio. Quod me hortaris, ut eos dies consumam in philosophia explicanda: currentem tu quidem: sed cum Dolabella uiuendum esse istis diebus uides. quod nisi me Torquati causa teneret; satis erat dierum, ut Puteolos excurrere possem, et ad tempus redire. Lamia quidem a Balbo, ut uidebatur, audiuerat, multos numos domi esse numeratos, quos oporteret quamprimum diuidi: magnum pondus argenti: auctionem, praeter praedia, primo quoque tempore fieri oportere. scribas ad me uelim, quid tibi placeat. equidem, si ex omnibus esset eligendum, nec diligentior, nec officiosior facile delegissem Vestorio: ad quem accuratissimas literas dedi: quod idem te fecisse arbitror. mihi quidem hoc satis uidetur. tu quid dicis? unum. non pungit, ne negligentiores esse uideamur. expectabo igitur tuas literas. Vale.

CICERO ATTICO S.

POLLEX quidem, ut dixerat, ad Idus Sext. ita mihi Lanuuij pridie Iduum praesto fuit, sed plane pollex, non index. cognosces igitur ex ipso. Balbum conueni: (Lepta enim de sua ui in curatione laborans, me ad eum perduxerat) in eo autem Lanuino, quod Lepido tradidit. ex eo hoc primum. paulo ante acceperam eas literas, in quibus magnopere confirmat, ante ludos Romanos. legi epistolam. multa de meo Catone: quem saepissime legedo,

se dicit copiosorem factum; Bruti Catone lecto, se sibi
uisum disertum. ex eo cognoui cretionem Cluuij, (ò Ve
storium negligentem) liberam, testibus presentibus se-
xaginta duobus. metuebam, ne ille arcessendus esset.
nunc mittendū est, ut meo iussu cernat. idē igitur Pol-
lex. etiam de hortis Cluuianis egi cū Balbo. liberalius:
se enim statim ad Cæsare scripturum. Cluuium autem
à T. Hordeonio legare & Terentiae HS L D D, et se-
pulcro, multisq; rebus, nihil à nobis. subaccusa quæso Ve-
storium. quid minus probandū, quàm Plotium unguē-
tarium per suos pueros omnia tanto ante Balbo, illum
mihi ne per meos quidē? De Cosinio doleo. dilexi ho-
minem. Quinto delegabo, si quid æri meo alieno supe-
rabit, & emptionibus, ex quibus mihi etiam æs alienum
faciendū puto. De domo Arpini nihil scio. Vestoriū,
nil est, quod accuses: iam. n. obsignata hac epistola, no-
Et tu tabellarius noster uenit, & ab eo literas diligenter
scriptas attulit, & exemplum testamenti. Vale.

CICERO ATTICO S.

P O S T E A Q V A M abs te Agamemno, non ut ueni-
rem (nam id quoque fecissem, nisi Torquatus esset) sed
ut scriberem, tetigit, omisi ea, quæ in manibus habebam,
abieci, quod iusseras edolauī. Tu uelim è Pollice cogno-
scas rationes nostras sumptuarias: turpe est enim nobis,
illum qualiscunque est, hoc primo anno egere: post mo-
derabimur diligentius. Idē Pollex remittendus est, ut
ille cernat. Plane Puteolos non fuit eūdum, cū ob ea,
quæ ad te scripsi, tum quod Cæsar adest. Dolabella scri-
bit, se ad me postridie Iduum. ò magistrum mole-

LIB. XIII. EPIST.

stum. Lepidus ad me heri uespero literas misit Antio :
nam ibi erat : habet .n. domum, quam nos uendidimus .
rogat magnopere, ut sim Calendis in senatu, me et sibi,
& Cæsari uehementer gratum esse facturū. puto equi-
dem nihil esse : dixisset .n. tibi fortasse aliquid Oppius,
quoniam Balbus est æger. sed tamen malim uenire fru-
stra, quàm desiderari, si opus esset : moleste ferrem po-
stea, itaq; hodie Antij, cras ante meridiem domi. tu ue-
lim, nisi te impediuisti, apud nos pridie Cal. cum Pilia .

Te spero cum Publilio confecisse. equidem Calēdis in
Tusculanum recurram : me .n. absente omnia cum illis
transigi malo. Quinti fratris epistolam ad te misi, nō
satis humane illam quidē respondentem meis literis, sed
tamen quod tibi satis sit, ut equidem existimo. tu uide-
bis. Heri nescio quid in strepitu uideor exaudisse, cum
diceres te in Tusculanū uenturū : quod utinam, iterum
utinam, tuo tamē cōmodo. Lepta me rogat, ut, si quid
sibi opus sit, accurrā : mortuus .n. Babulius. Cæsar opi-
nor ex uncia: & si nihil adhuc : sed Lepta ex triēte. ue-
retur autē, ne nō liceat tenere hæreditatem, ἀλόγως om-
nino, sed ueretur tamē. is igitur si accierit, accurrā: sin-
minus, haud ante, q̄ necesse erit. Tu Pollicē, cū poteris.

CICERO ATTICO S.

L AUDATIONEM Porciæ tibi misi correctā : ac
eo properavi, ut, si forte aut Domitio filio, aut Bruto
mitteretur, hæc mitteretur. id, si tibi erit commodum,
magnopere cures uelim. & uelim M. Varronis, & Lol-
lij mittas laudationem, Lollij utiq; : nam illam legi : uo-
lo tamē regustare : quædā enim uix mihi credo legisse.

Atticæ

Atticæ primum salutem, quam quidem ruri esse arbi-
tror. multam igitur salutem & Piliæ. De Tigellio, si
quid noui. qui quidem, ut mihi Gallus Fabius scripsit,
μέμνην ἀναφέγει mihi quandam iniquissimam, me Pha-
meæ defuisse, cum eius causam recepissem: quā quidem
receperam contra pueros Octauios Cn. F. non libenter:
sed Phameæ causa uolebam: erat enim, si meministi, in
Consulatus petitione per te mihi pollicitus, si quid opus
esset: quod ego perinde tuebar, ac si usus essem. is ad me
uenit, dixitq; iudicem operā dare sibi cōstituisse eo die
ipso, quo de Sestio nostro lege Pompeia in consilium iri
neceffe erat: scis enim dies illorum iudiciorum præstitu-
tos fuisse. respondi, non ignorare eum, quid ego deberē
Sestio, quē uellet alium diem si sumpsisset, me ei nō de
futurum. ita tū ille discessit iratus. puto me tibi nar-
rasse. non laboraui scilicet, nec hominis alieni iniustissi-
mam iracundiam mihi curandam putaui. Gallo autē
narraui, cū proxime Romæ fui, quid audissem, neq; no-
minaui Balbum minorem. habuit suū negotium Gal-
lus, ut scribit. ait illum, me animi cōscientia, quod Phæ-
meam destituissem, de se suspicari. quare tibi hactenus
mando, de illo nostro, si quid poteris, exquiras: de me ne
quid labores. est bellū aliquem libēter odisse, & quem-
admodū nō omnibus seruire. etsi mehercule, ut tu intel-
ligis, magis mihi isti seruiunt, si obseruare seruire est.

CICERO ATTICO S.

ADMONITVS quibusdā tuis literis, ut ad Cæsa-
rem uberiores literas mitterem, instituerā cū mihi Bal-
bus nuper in Lanuino dixisset, se, & Oppium scripsisse

FF

L I B. XIII. E P I S T.

ad Cæsarem, me legisse libros contra Catonem, et uehementer probasse: conscripsi de his ipsis libris epistolam Cæsari, quæ deferretur ad Dolabellam: sed eius exemplū misi ad Oppiū, & Balbū, scripsiq; ad eos, ut tum deferri ad Dolabellā iuberent meas literas, si ipsi exemplū probassent. ita mihi rescripserunt, nihil unquā se legisse melius: epistolamq; meā iusserunt dari Dolabellæ. Vestorius ad me scripsit, ut iuberē mācipiō dari seruo suo pro mea parte Heterēio cuidā fundum Brinnianū, ut ipse ei Puteolis recte mancipio dare posset. eū seruū, si tibi uidebitur, ad me mittes: opinor enim ad te etiam scripsisse Vestoriū. De aduentu Cæsaris idē, quod à te, mihi scriptū est ab Oppio, & Balbo. Miror te nihil dūcum Tigellio, uel ut hoc ipsum quantū acceperit. prorsus aueo scire, nec tamen floccifacio. Quæris, quid cogitem de obuiā itione: quid censes, nisi Alsiū? & quidem ad Muranā de hospitio scripserā: sed opinor cū Matio profectū. Salustius igitur urgebatur. Scripto iā superiore uersiculo, Eros mihi dixit, sibi Muranā liberalissime respōdisse. eo igitur utamur: nā Silius culcitrās nō habet: Dida aut, opinor, hospitibus totā uillā concessit.

CICERO ATTICO S.

AD Cæsare quā misi epistolē, eius exemplā fugit me tū tibi mittere. nec id fuit, quod suspicaris, ut me puderet tui, ne ridicule Micillus, nec mehercule scripsi aliter, ac si πρὸς ἴσον ὁ μοιονq; scriberē: bene. n. existimo de illis libris, ut tibi corā. itaq; scripsi et ἀκολακίστως, et tamē sic ut nihil eū existimē lecturū libētius. De Attica, nūc deum mihi est exploratū. itaq; ei de integro gratulare.

Tigellium totum mihi, et quidem apprimum: nam pendeo animi.
Narrabo tibi: Quintus cras, sed ad me, an ad te, nescio.
mihi scripsit, Romam VIII. Cal. sed misi, qui inuiteret. et si
hercle iam Romam ueniendum est, ne ille ante aduolet. Vale.

CICERO ATTICO S.

HOSPITEM mihi tam graue ἀμεταμέλητον: fuit. ne
periucunde. sed cum secundis Saturnalibus ad Philippum ue-
nisset, uilla ita completa militibus est, ut uix tri-
clinium, ubi coenaturus ipse Caesar esset, uacaret: quippe
hominum ∞∞. sane sum commotus, quid futurum esset
postridie. ac mihi Barba Cassius subuenit: custodes dedit:
castra in agro: uilla defensa est. ille tertius Saturnalis
bus apud Philippum ad horam VII. nec quenquam admisit.
rationes opinor cum Balbo. inde ambulauit in litore. post
horam VII. in balneum. tum audiuit: de Mamurra non mu-
tauit. unctus est, accubuit, ἐμετικὴν agebat: itaque et edit,
et bibit ἀδελῶς, et iucunde: opipare sane, et apparate: nec
id solum, sed bene, cocto, condito, sermone bono, et, si qua-
ris, libenter. praeterea tribus tricliniis accepti οἱ περὶ αὐτὸν
ualde copiose. libertis minus lautis, seruisque nihil defuit:
nam lautiores eleganter accepti. quid multa? homines uisi
sumus: hospes tamen non is, cui diceret: amabo te, eodem ad
me cum reuertere. semel satis est σπουδαῖον οὐδὲν in ser-
mone, φιλόλογα multa. quid quis? delectatus est, et liben-
ter fuit. Puteolis se aiebat unum diem fore, alterum ad Ba-
ias. habes hospitium, siue ἐπισκευή: odiosam mihi duxi,
non molestam. ego paulisper hic, deinde in Tusculanum. Do-
labellae uillam cum praeteriret, omnis armatorum copia dextra
sinistra ad equum, nec usquam alibi. hoc ex Nicia. Vale.

M. TVLLII CICERONIS EPISTOLA
RVM AD T. POMPONIVM AT-
TICVM LIBER XIII.

CICERO ATTICO S.

IVERTI ad illum, de quo tecū ma-
ne. nihil perditius: explicari rē nō pos-
se: etenim, si ille tali ingenio exitū nō
reperiebat, quis nunc reperiet? quid
quæris? perijisse omnia aiebat. quod
haud scio an ita sit. uerū ille gaudens; affirmatq; , mi-
nus diebus XX tumultum Gallicum: in sermonem se
post Idus Martij, præterquam Lepidi, uenisse nemini, ad
summam, non posse istæc sic abire. ò prudentem Op-
pium, qui nihilo minus illū desiderat, sed loquitur ni-
hil, quod quenquam bonū offendat. sed hæc hætenus.

Tu quæso, quidquid noui (multa autem expecto) scri-
bere ne pigrere, in his, de Sexto satis ne certū, maxime
autem de Bruto nostro: de quo quidem ille, ad quem
diuerti, Cæsarem solitum dicere: magni refert, hic quid
uelit; sed quidquid uult, ualde uult: idq; eum animad-
uertisse, cum pro Deiotaro Niceæ dixerit: ualde uehe-
menter eum uisum, & libere dicere. atque etiam (ut
enim quidq; succurrit, libet scribere) proxime, cum Ses-
tij rogatu apud eū fuisset, expectaremq; sedēs quo ad
uocarer, dixisse eum, ego dubitem. quin summo in odio
sim, cum M. Cicero sedeat, nec suo cōmodo me conueni-
re possit? atqui, si quisquam est facilis, hic est: tamē nō
dubito, quin me male oderit. Hæc, & eiusmodi multa.

sed ad propositum. quidquid erit, nō modo magnū, sed etiam parū, scribes. equidem nihil intermittā. Vale.

CICERO ATTICO S.

DVAS à te accepi epistolas heri. ex priore theatrū, Publiūq; cognoui, bona signa cōsentientis multitudinis. plausus uero L. Cassio datus, etiā facetus mihi quidem uisus est. altera epistola de Madaro scripta. apud quem nullum *σαλάρωμα*, ut putas: processi enim, sed minus diutius sermone enim sum retentus, quod autem ad te scripseram, obscure fortasse, id eiusmodi est. alebat Cæsarem secum, quo tempore Sestij rogatu uenī ad eum, cum expectarem sedens, dixisse. ego nunc tam sim stultus, ut hūc ipsum, facilem hominem, putē mihi esse amicum, cum tā diu sedens meum cōmodum expectet? habes igitur *φιλάρωμα*, inimicissimum orij, id est Bruti. In Tusculanū hodie, Lanuij cras, inde Asturæ cogitabā. Piliæ paratum est hospitium: sed uellē Atticam. uerū tibi ignosco. quarū utriq; salutē. Vale.

CICERO ATTICO S.

TRANQUILLAE quidē tuæ literæ: q̄ utinam diutius: nam Matius posse negabat. ecce autem stratores nostri ad frumentum profecti, cum inanes redissent, rumorem afferunt magnum, Romæ domum ad Antonium frumentum omne portari: *πανικόν* certe: scripsisses enim. Corrubus Balbi nullus adhuc: & mihi notum nomē: bellus enim esse dicitur architectus.

Ad obsignandū tu adhibitus non sine causa uideris: uolunt enim nos ita putare: nescio, cur nō animo quoq;

FF iiij

LIB. XIII. EPIST.

sentiant. sed quid hæc ad nos? odorare tamen Antonij
 διαδοσίν. quem quidem ego epularum magis arbitror
 rationem habere, quàm quidquam mali cogitare. tu,
 si quid πραγματικόν habes, scribe: sin minus, populi
 ἐπισήμασιν, & minorum dicta perscribito. Piliæ,
 & Atticæ salutem. Vale.

CICERO ATTICO S.

NUNC quid putas me Lanuvij? at ego te istic
 quotidie aliquid novi suspicor. tumēt negotia: nā cum
 Matius, quid censes ceteros? equidē doleo, quod nūquā
 in ulla ciuitate accidit, non unā cum libertate Remp.
 recuperatam. horribile est, quæ loquuntur, quæ minitē
 tur. ac uereor Gallica etiam bella, ipse Sextus quò eua
 dat. sed omnia licet concurrant, Idus Martiæ consolantur.
 nostri autē ἡρώες, quod per se ipsos confici potuit,
 gloriosissime, & magnificentissime confecerūt. reliquæ
 res opes, et copias desiderant: quas nullas habemus. hæc
 ego ad te, ut, si quid noui (nā quotidie aliqd expecto)
 confestim ad me: & si noui nihil, nostro more tamē ne
 patiamur intermitti literulas: equidē nō cōmittā. Vale.

CICERO ATTICO S.

SPERO tibi iā esse, ut uolumus, quoniā quidem
 εὐχόμενος q̄ leuiter cōmotus esses: sed tamē uelim scire,
 quid agas. Signa bella, q̄ Caluena moleste fert, se suspe
 ctum esse Bruto. illa signa non bona, si cum signis le
 giones ueniunt è Gallia. quid tu illas putas, quæ fue
 runt in Hispania? non ne idē postulaturas? quid eas,
 quas Annius transportauit? Caninium uolui, sed μὴν

μονικὸν ἀμάχημα, ab aleatore φεμὸς πολλῶς. nam ista
 quidem Cæsaris libertorum coniuratio facile opprime-
 retur, si recta saperet Antonius. meam stultam uere-
 cundiam, qui legari noluerim ante res prolatas, ne dese-
 rere uiderer hunc rerum tumorem: cui certe si possem
 mederi, deesse nō deberē: sed uides magistratus: si qui-
 dem illi magistratus: uides tamen tyranni satellites in
 imperijs: uides eiusdem exercitus: uides in latere uete-
 ranos: quæ sunt ὅλα πάντα omnia: eos autem, qui orbis
 terræ custodijs non modo septi, uerum etiā magni esse
 debebant, tantummodo laudari, atq; amari, sed parieti-
 bus contineri. atq; illi quoquo modo beati, ciuitas mise-
 ra. sed uelim scire, quid aduentus Octauij, num qui
 concursus ad eum, num quæ νεώτερος μὲν suspicio. non
 puto equidem: sed tamen, quidquid est, scire cupio. hæc
 scripsi ad te proficiscens Astura III. Id. Vale.

CICERO ATTICO S.

PRID. Id. Fundis accepi tuas literas cœnans pri-
 mum igitur, melius esse: deinde, meliora te nuntiare.
 odiosa illa enim fuerant, legiones uenire. nam de Octa-
 uio susq; deq; expecto, quid de Mario: quem quidem
 ego sublatum rebar à Cæsare. Antonij colloquiū cū
 heroibus nostris pro re nata non incōmodū: sed tamen
 adhuc me nihil delectat præter Idus Martij. nam quos-
 niā Fundis sum cum Ligure nostro, discrucior Sestilij
 fundum à Verberone Curtilio possideri. quod cum di-
 co, de toto genere dico: quid enim miserius, quā ea
 nos trueri, propter quæ illum oderamus? etiam ne Con-
 sules, & Tribunos pl. in biēnium, quos ille uoluit? nul-

FF iiij

LIB. XIII. EPIST.

lo modo reperio, quemadmodum possim πολιτεύεσθαι: nihil enim tam σόλοικον, quàm τυραννοτόνους in cœlo esse, tyranni facta defendi. sed uides Consules: uides reliquos magistratus, si isti magistratus: uides languorem bonorum. exultant lætitiâ in municipiis, dici enim nō potest, quanto pere gaudeant, ut ad me concurrant, ut audire cupiant uerba mea de re: nec ulla interea decreta: sic enim πεπολιτεύμεθα, ut uictos metueremus. hæc ad te scripsi apposita secunda mēsa. plura, & πολιτικώτερα postea: & tu, quid agas, quidq; agatur.

CICERO ATTICO S.

POSTRIDIE Idū Paulum Caietæ uidi. is mihi de Mario, & de Rep. alia quædam sanè pessima. à te scilicet nihil, nemo enim meorum. sed Brutum nostrū audio uisum sub Lanuuiō. ubi tandē est futurus? nam cum reliqua, tum de hoc scire aueo omnia. ego è Formiano exiens XVII. Cal. ut inde altero die in Puteolanū scripsi hæc. À Cicerone mihi literæ sanè πεπωμέναι, & bene longæ. cætera autem uel fingi possunt: πινω literarū significat doctiorē. nunc magnopere à te peto, de quo sum nuper tecum locutus, ut uideas, ne quid ei desit. id cū ad officium nostrum pertinet, tum ad existimationē, & dignitatē, & quod idē intellexi tibi uideri omnino. si ergo est, uolo mense Quintili in Græciam. sunt omnia faciliora. sed cum sint ea tempora, ut certū nihil esse possit, quid honestum mihi sit, quid liceat, quid expediat: quæso da operā, ut illum quam honestissime copiosissimeq; tueamur. hæc, & cætera, quæ ad nos pertinebunt, ut soles,

cogitabis, ad meq; , aut quod ad rem pertineat, aut ,
si nihil erit, quod in buccam uenerit, scribes. Vale.

CICERO ATTICO S.

TV ME iam rebare, cum scribebas, in agris esse no-
stris: at ego accepi XVII. Cal. in diuersoriolo Sinuessano
tuas literas. De Mario probe. etsi doleo L. Crassi nepo-
pote. Optime, tam etiam Bruto nostro probari Anto-
nium. nam quod Iunia scribis moderate, & amice scri-
ptas literas attulisse: mihi Paulus dedit ad se à fratre
missas, quibus in extremis erat, sibi insidias fieri, se id
certis auctoribus comperisse. hoc nec mihi placebat, &
multo illi minus. Reginae fuga mihi non molesta: sed
Clodia quid egerit, scribas ad me uelim. De Bizantijs
curabis, ut cetera: & Pelopem ad te arcesse. ego, ut
postulas, Baiana negotia, chorumq; illum, de quo scire
uis, cum perspexero, tum scribam, ne quid ignores.
quid Galli, quid Hispani, quid Sextus agat, uehemeter
expecto. ea scilicet tu declarabis, qui cetera. Nauséo-
lam tibi tum causam otij dedisse facile patiebar: uide-
bare enim mihi legenti tuas requiesse paulisper.
De Bruto semper ad me omnia perscribito, ubi sit, quid
cogitet: quem quidem ego spero iam tuto uel solum to-
ta Vrbe uagari posse: ueruntamen. Vale.

CICERO ATTICO S.

DE Rep. multa cognoui ex tuis literis: quas quidē
multi iuges accepi uno tempore à Vestorij liberto. ad
ea autem, quæ requiris, breui respondebo. primum ue-
hemeter me Cluuiana delectat: sed quod quæris, quid

LIB. XIII. EPIST.

arcesserim Chrysippum : tabernæ mihi duæ corruerunt, reliquæ rimas agunt : itaque non solum inquilini, sed mures etiam migrauerunt . hanc ceteri calamitatem uocant , ego ne incommodum quidem . o' Socrates, o' Socratici uiri , nunquam uobis gratiam referam . Dij immortales , quàm mihi ista pro nihilo . sed tamen ea ratio ædificandi initur , consiliario quidem, & auctore Vestorio , ut hoc damnum quæstuosum sit. hic turba magna est , eritq; , ut audio , maior : duo quidem quasi designati Consules . o' Dij boni , uiuit tyrannis, tyrannus occidit ? eius interfecti morte lætamur, cuius facta defendimus ? itaq; quã seuerè nos M. Curtius accusat , ut pudeat uiuere : neq; iniuria: nam mori milies præstitit, quã hæc pati, quæ mihi uidentur habitura etiã uetustatem. & Balbus hic est, multumq; mecũ : ad quẽ a' Vetere literæ datæ pridie Cal. Ian. cum a' se Cæcilius circumsideretur, & iam teneretur, uenisse cũ maximis copijs Pacorum Parthum : ita sibi esse eũ ereptum multis suis amissis: in qua re accusat Volcatium. ita mihi uidetur bellum illud instare. sed Dolabella, & Nicias uiderint . idem Balbus meliora de Gallia XXI die literas habebat: Germanos, illasq; nationes re audita de Cæsare, legatos misisse ad Aureliũ, qui est propositus ab Hircio, se, quod impatũ eẽt, esse facturos. qd quæris? omnia plena pacis, aliter ac mihi Caluena dixerat.

CICERO ATTICO S.

IT A' NE uero? hoc meus, et tuus Brutus egit, ut Lanuij esset? ut Trebonius itineribus deujs proficisceretur in prouinciã? ut omnia facta, scripta, dicta, promiss-

sa, cogitata Caesaris plus ualerent, quā si ipse uiueret
meministi ne clamare, illo ipso primo Capitolino die se
natum in Capitolium à Prætoribus uocari? Dij immor-
tales, quæ tum opera effici potuerunt, lætantibus omni-
bus bonis, etiam sat bonis, fractis latronibus. Liberalia
tu accusas. quid fieri tum potuit? iam pridem perieras-
mus. meministi ne te clamare, causam periisse, si func-
re elatus esset? at ille etiā in foro cōbustus, laudatusq;
miserabiliter: seruiq;, et egentes in tecta nostra cum fa-
cibus immissi. quæ deinde? ut audeant dicere, tu ne cō-
tra Caesaris nutū? hæc, & alia ferre non possum. itaq;
ἡνὶ πρὸ ἡὺς cogito. tua tamen ὑπὲρ μίος nausea iam
ne plane abiit? mihi quidem ex tuis literis coniectantē
ita uidebatur. redeo ad Thebassos, Scæuas, Frangones,
hos tu existimas confidere se illa habituros stantibus no-
bis? in quibus plus uirtutis putarunt, quā experti
sunt. pacis isti scilicet amatores, & non latrocinij aucto-
res. at ego cum tibi de Curtilio scripsi, Sestilianoq; fun-
do, scripsi de Censorino, de Messala, de Plāco, de Posthu-
mio, de genere toto. melius fuit periisse illo inter fe-
cto, quod nunquā accidisset, quā hæc uidere. Octa-
uius Neapolim uenit XIII. Cal. ibi eum Balbus ma-
ne postridie: eodemq; die mecum in Cumano: illū hæ-
reditatem aditurum. sed, ut scribis, & ἰσὶ ἐμὴν magnam
cū Antonio. Buthrotia mihi tua res est, ut debet,
eritq; curæ. Quod quæris, iam ne ad centena Cluuias-
num: aduentare uidetur: sed primo anno LXXX
deterimus. Quintus pater ad me grauiā de filio, ma-
xime q; matri nunc indulgeat, cui antea bene merentē
fuerit inimicus. ardentes in eum literas ad me misit.

LIB. XIII. EPIST.

ille autem quid agat, si scis, neque dum Roma es profectus, scribas ad me uelim, & hercule si quid aliud. uehementer delector tuis literis. Vale.

CICERO ATTICO S.

NVDIVS tertius dedi ad te epistolam longiorem. nunc ad ea, quæ proxime. Velim mehercule, Asturæ Brutus. ἀκολούθῳ istorum scribis. an censebas aliter? equidem etiam maiore expecto. cum equidem concionem lego de tanto uiro, de clarissimo ciue, ferre non queo. et si ista iam ad risum. sed memento: sic alitur consuetudo perditarum concionum: ut nostri illi non heroes, sed Dii futuri quidem in gloria sempiterna sint, sed non sine periculo quidem. uerum illis magna consolatio conscientia maximi, & clarissimi facti: nobis quæ? qui interfecto Rege liberi non sumus. sed hæc fortuna uiderit, quoniam ratio non gubernat. De Cicerone, quæ scribis, iucunda mihi sunt, uelim sint prospera. quæ uero curæ tibi est, ut ei suppeditetur ad usum, et cultum copiose, per mihi gratum est: idque ut facias, te etiam rogo. De Buthrotijs, & tu recte cogitas, & ego non dimitto istam curam, suscipiam omnem etiam actionem, quam uideo quotidie faciliorem. De Cluuiano, quoniam in re mea me ipsum diligentia uincis, res ad centena perducitur. ruina rem non fecit deteriore, haud scio an iam fructuosiore. Hic mecum Balbus, Hircius, Pansa. modo uenit Octavius, & quidem in proximam uillam Philippi, mihi totus deditus. Lentulus Spinther hodie apud me: cras mane uadit. Vale.

CICERO ATTICO S.

O MI Attice, uereor, ne nobis Idus Martiæ nihil dederint præter latitiam, et odij pœnam, ac doloris. quæ mihi istinc afferuntur? quæ hic uideo? *ἡ δὲ πόλις ἡμετέρα* nescis, quàm diligam Siculos, et quàm illam clientelam honestam iudicem. multa illis Cæsar, neq; me inuito. et si latinitas erat non ferenda: ueruntamē. ecce autem Antonius accepta grandi pecunia, fixit legē, à Dictatore comitijs latā, qua Siculi ciues Romani: cuius rei uiuo illo mētio nulla. quid? Deiorari nostri causa nō similis? dignus ille quidem omni regno, sed non per Fuluiam. sexcenta similia. uerum illuc refero. tam claram, tamq; testatam rem, tamq; iustam Buthrotiam non tenebimus aliqua ex parte? et eo quidem magis, quo ista plura. Nobiscum hic perhonorifice, et amice Octauius: quem quidem sui Cæsarem salutabāt, Philippus non, itaq; ne nos quidem quem nego posse bonū ciuē: ita multi circumstant, qui quidem nostris mortē minitantur. negat hæc ferri posse. quid cēses, cū Romā puer uenerit, ubi nostri liberatores tuto esse nō possunt? qui quidem semper erunt clari, conscientia uero facti sui etiam beati: sed nos (nisi me fallit) iacebimus. itaq; exire aueo, ubi nec Pelopidarū inquit. haud amo * uel hos designatos, qui etiam declamare me coegerunt, ut ne apud aquas quidem acquiescere liceret. sed hoc meæ nimie facilitatis: nā id erat quōdā quasi necesse: nunc, quoquo modo se res habet, nō est item, quàm dudum. nihil habeo, quod ad te scribam: scribo tamē, non ut delecter meis literis, sed ut eliciā tuas. tu, si quid erit

L I B. XIII. E P I S T.

de cæteris, de Bruto utiq; quidquid erit. hæc conscripsi
X. Cal. accubans apud Vestorium, hominem remotum
à dialecticis, in arithmeticis satis exercitatum. Septi-
mo deniq; die literæ mihi redditæ sunt, quæ erant à te
XIII. Cal. datæ: quibus quæris, atq; etiam me ipsum ne
scire arbitraris, utrū magis tumultis, prospectuq; an am-
bulatione ἀλειτουργία deleeter. est mehercule, ut dicis, utri-
usq; loci tāta amoenitas, ut dubitē, utra ἀτερονέδα sit.

Ἀλλ' οὐ δαυτὸς ἐπὶ τῷ ἔργῳ μέμλεν,
Ἀλλὰ λίην μέγα πῆμα διοτρεφέες ἐπὶ σοφῶντες
Δείδιμεν. ἐν δ' ἱεὶ δὲ σάωσεν, ἢ ἀπολέσθαι.

quamvis enim tu magna, & mihi iucunda scripseris
de D. Bruti aduentu ad suas legiones, in quo spem ma-
ximam uideo: tamen, si est bellum civile futurū, quod
certe erit, si Sextus in armis permanebit, quem per-
mansurum esse certo scio; quid nobis faciendum est,
īgnoro: neq; enim iam licebit, quod Cæsaris bello licuit,
neq; huc, neq; illuc: quencūq; enim hæc pars perditō-
rum letatum morte Cæsaris putabit (letitiam autem
apertissime tulimus omnes) hūc in hostiū numero ha-
bebit. quæ res ad cædem maximam spectat. restat, ut
in castra Sexti, aut, si forte, Bruti nos conferamus. res
odiosa, & aliena nostris ætatibus, & incerto exitu bel-
li: & nescio quo pacto tibi ego possim, mihi tu dicere,
Τέκνον ἐμὸν οὗτοι δ' ἐδ' ὅτ' αὖ πολέμια ἔργα,
Ἀλλὰ σὺ γ' ἱμερόντα μετέρχεο ἔργα λόγῳ.

sed hæc fors uiderit, ea, quæ talibus in rebus plus, quàm
rō pōt. nos aut id uideamus, quod in nobis ipsis esse de-
bet, ut, quidquid acciderit, fortiter, & sapiēter feras
mus, & accidisse hominibus meminerimus, nosq; cum

multum literæ, tum non minimū Idus quoq; Martiæ
 consolentur. Suscipe nunc meam deliberationem, qua
 solitor, ita multa ueniunt in mentē in utranque par
 tem. proficiscor, ut constituerā, legatus in Græciam: cæ
 dis impendentis periculum non nihil uitare uideor, sed
 casurus in aliquam uituperationem, q̄ Reip. defuerim
 tam graui tempore. sin autem mansero, equidē uideo
 in discrimine, sed accidere posse suspicor, ut prodes
 se possim Reip. iā illa consilia priuata sunt, q̄ sentio ual
 de esse utile ad confirmationem Ciceronis, me illuc ue
 nire. nec alia causa profectiōis mihi ulla fuit, cum cō
 silium cepi legari ab Cæsare. tota igitur hac de re, ut
 soles, si quid ad me pertinere putas, cogitabis. Redeo
 nunc ad epistolam tuam: scribis enim esse rumores,
 me, ad lacum quod habeo, uenditurum, minusculā ue
 ro uillam utique Quinto traditurū, uel impenso pre
 tio, quō introducatur, ut tibi Quintus F. dixerit, dota
 ta Aquilia. ego uero de uēditōe nihil cogito, nisi quid,
 quod magis me delectet, inuenero. Quintus autem de
 emendo nihil curat hoc tempore: satis enim torquetur
 debitione dotis, in qua mirificas Q. Egnatio gratias
 agit. à ducenda autem uxore sic abhorret, ut quidquā
 libero lectulo neget esse incūdus. sed hæc quoq; hæte
 nus: redeo enim ad miseram, seu nullam potius Remp.

M. Antonius ad me scripsit de restitutione Sex. Clo
 dij: quā honorifice, quod ad me attinet, ex ipsius lite
 ris cognosces: nisi enim tibi exemplum: quā dissolu
 te, quā turpiter, quāq; perniciose, ut non nunquā
 Cæsar desiderandus esse uideatur, facile existimabis:
 quæ enim Cæsar nūquā neq; fecisset, neq; passus esset,

L I B. XIII. E P I S T.

ea nunc ex falsis eius commentarijs proferuntur. ego autem Antonio facillimum me praeui: etenim ille, quoniam semel induxit animum, sibi licere quod uellet, fecisset nihilo minus me inuito. itaque mearum quoque literarum misi tibi exemplum. Vale.

Antonius Cos. S. D. Ciceroni.

OCCVPATIONIBVS est factum meis, & subita tua profectio, ne tecum coram de hac re agerem. quā ob causam uereor, ne absentia mea leuior sit apud te. quod si bonitas tua responderit iudicio meo, quod semper habui de te, gaudebo. A' Caesare petij, ut Sex. Clodium restitueret, impetraui. erat mihi in animo et tum sic uti beneficio eius, si tu concessisses. quo magis laboro, ut tua uoluntate id per me facere nunc liceat. quod si duriores te eius misera, & afflictæ fortunæ præbes, non contendam ego aduersus te. quam uideor debere tueri commentarium Caesaris. sed mehercule si humaniter, & sapienter, & amabiliter in me cogitare uis, facilem te profecto præbebis, & uoles P. Clodium in optima spe puerum repositum existimare, non te infectatum esse, cum potueris, amicos paternos. patere, obsecro te, pro Rep. uideri gessisse similitatem cum patre eius: non contempseris hanc familiam: honestius enim, & libentius deponimus inimicitias Reip. nomine susceptas, quā contumaciæ. me de inde sine ad hanc opinionē iam nūc dirigere puerum, & tenero animo eius persuadere, nō esse tradendas posteris inimicitias. quamquam tuam fortunam Cicero ab omni periculo abesse certum habeo. tamen arbitror

malle

malle te quietam senectutem, et honorificā potius agere, quā sollicitā postremo, meo iure te hoc beneficiū rogo: nihil. n. non tua causa feci. quōd si non impetro, per me Clodio daturus nō sum: ut intelligas, quāti apud me auctoritas tua sit, atq; eo te placabiliore praebeas. Vale.

Cicero Antonio Cos. S.

QVOD mecum per literas agis, unam ob causam mallē corā egisses: non. n. solum ex oratione, sed etiā ex vultu, & oculis, & fronte (ut aiunt) meum erga te amorem perspicere potuisses: nam cum te semper amavi, primum tuo studio, post etiā beneficio prouocatus, tum his temporibus respub. te mihi ita cōmendauit, ut cariorē habeam neminem. literæ uero tuæ tum amantissime, tū honorificentissime scriptæ sic me affecerunt, ut non dare tibi beneficiū uiderer, sed accipere à te ita petente, ut inimicum meū, necessarium tuum me inuito seruare nolles, cū id nullo negotio facere posses. ego uero tibi istuc mi Antoni remitto, atq; ita, ut me à te, cū his uerbis scripseris, liberalissime, atq; honorificētissime tractatum existimem. idq; cum totum, quoquo modo se res haberet, tibi dandum putarē, tum do etiā humanitati, & naturæ meæ: nihil enim unquā non modo acerbum in me fuit, sed ne paulo quidē tristiū, aut seuerius, quā necessitas reipub. postulauit. accedit, ut ne in ipsum quidē Clodium meū insigne odium fuerit unquā: semperq; ita statui, non esse insectandos inimicorum amicos, præsertim humiliores, nec his præsidys nōsmet ipsos esse spoliandos. nam de puero Clodio tuas partes esse arbitror, ut eius animum tenerum, quē ad

GG

modū scribis, his opinionibus imbuas, ut ne quas inimi-
citas residere in familijs nostris arbitretur. cōtendi cū
P. Clodio, cum ego publicā causam. ille suā defenderet.
nostras cōtentiones resp. dijudicavit. si uineret, mihi cū
illo nulla contentio iam maneret. quare, quoniam hoc à
me sic petis, ut, quæ tua potestas est, ea neges, teme in-
uito usurum, puero quoq; hoc à me dabis, si tibi uidebi-
tur: nō quo aut ætas nostra ab illius ætate quidquā de-
beat periculi suspicari, aut dignitas mea ullā contentio-
nē extimescat; sed ut nosmet ipsi inter nos cōiūctiores
simus, q̄ adhuc fuimus, interpellantibus. n. his inimici-
tijs, animus tuus mihi magis patuit, quā domus. sed
hæc hæc tēus. illud extremū. ego, quæ te uelle, quæq; ad
te pertinere arbitrabor, sēper sine ulla dubitatione sum-
mo studio faciam. hoc uelim tibi penitus persuadeas.

CICERO ATTICO S.

I T E R A dum eadem ista mihi. coronatus Quin-
tus noster Parilibus? Parilibus solus ne? et si addis La-
miam: quod demiror equidem: sed scire cupio, qui fue-
rint alij, quāquā satis scio, nisi improbū neminē. expla-
nabis igitur hoc diligētius. ego autem casu cū dedissem
ad te literas VI. Cal. satis multis uerbis, tribus ferè horis
post accepi tuas, et magni quidem ponderis. itaque loca
tua plena facetiarum, de hæresi Vestoriana, et de Phe-
rionum more Puteolano, risisse me satis, nihil est neces-
se rescribere. Πολιτικώτερὰ illa uideamus. ita Brutos, Cas-
sumq; defendis, quasi eos ego reprehēdā, quos satis lau-
dare non possum. rerū ego uitia collegi, non hominū:
sublato enim tyranno, tyrannida manere uide: nam

quæ ille facturus non fuit, ea fiunt, ut de Clodio: de quo mihi exploratum est, illum non modo non facturum, sed etiam ne passurum quidem fuisse. sequetur Rufio Vestorianus, Victor nunquam scriptus, ceteri, quis non? cui seruire ipsi non potuimus, eius libellis paremus. Nam Liberalibus quis potuit in senatum non uenire? fac id potuisse aliquo modo: num, etiam cum uenissemus, libere potuimus sententiam dicere? non ne omni ratione ueterani, qui armati aderant, cum praesidij nos nihil haberemus, defendendi fuerunt? illam sessionem Capitolinam mihi non placuisse, tu testis es. quid ergo? culpa ista Brutorum? minime illorum quidem, sed aliorum Brutorum, qui se cautos, ac sapientes putant: quibus satis fuit letari, non nullis etiam gratulari, nullis permanere. sed praeterita omittamus: istos omni cura, praesidioque tueamur; et, quemadmodum tu praecipis, contenti Idbus Martijs simus: quæ quidem nostris amicis diuinis uiris aditum ad caelum dederunt, libertatem populo Romano dederunt. recordare tua, non ne meministi clamare te, omnia periiisse, si ille funere elatus esset? sapienter id quidem: itaque ex eo quæ manarint, uides. Quæ scribis Calendis Iunij Antonium de prouincijs relaturum, ut et ipse Gallias habeat, et utriusque dies prorogetur: licebit ne decerni libere? si licuerit, libertatem esse recuperatam letabor. si non licuerit, quid mihi attulerit ista domini mutatio praeter laetitiam, quam oculis cepi iusto interitu tyranni? Rapines scribis ad Opis fieri, quas nos quoque tum uidebamus. ne nos et liberati ab egregijs uiris, nec liberi sumus. ita laus illorum est, culpa nostra. et hortaris me, ut historias scribam: ut col-

G G ij

LIB. XIII. EPIST.

ligam tanta eorum scelera, à quibus etiam nunc obside-
mur? potero ne eos ipsos non laudare, qui te ob signato-
rem adhibuerunt? nec me hercule me raudusculum mo-
uet: sed homines beneuolos, qualescūque sunt, graue est
insequi cōtumelia. sed de omnibus meis cōsilijs, ut scri-
bis, existimo exploratius nos ad Cal. Iun. statuere posse:
ad quas adero, et omni ope, atque opera enitar, adiunā
te me scilicet auctoritate tua, et gratia, et summa equi-
tate causæ, ut de Buthrotijs S. C. quale scribis, fiat.

Quod me cogitare iubes, cogitabo equidem. et si tibi de-
deram superiore epistola cogitandum. tu autem quasi
iam recuperata rep. uicinis tuis Massiliensibus sua red-
dis. hæc armis, quæ quàm firma habeamus, ignoro, resti-
tui fortasse possunt, auctoritate non possunt. Vale.

CICERO ATTICO S.

EPISTOLA breuis, quæ postea à te scripta est,
sanè mihi fuit iucunda, de Bruti ad Antonium, & de
eiusdē ad te literis. posse uidentur esse meliora, quā ad-
huc fuerint: sed nobis, ubi simus, & quò iam nos cōse-
ramus, prouidendum est. ò mirificum Dolabellā meum:
i. i. n. dico meū, antea (crede mihi) subdubitabā. magnā
a. v. a. b. a. g. h. t. i. v. res habet: de saxo, in crucem, columnā tol-
lere, locum illum sternendum locare. quid quæris? he-
roica. sustulisse mihi uidetur simulationem desiderij,
adhuc quæ serpebat in dies, & inueterata, uerebar, ne
periculosa nostris tyrānoctōnis esset. nūc prorsus assen-
tior tuis literis, speroq; meliora. quanquam istos ferre
non possum: qui dum se pacem uelle simulāt, aēta ne-
faria defendunt. sed non possunt omnia simul. incipit

res melius ire, quā putaram, nec uero discedam, nisi cū
tu id me honeste putabis facere posse. Bruto certe meo
nullo loco deero: idq; etiam si mihi cum illo nihil fuisset,
facerem propter eius singularē, incredibilemq; uirtutem.
Piliæ nostræ uillam totā, quæq; in uilla sunt,
trado, in Pompeianum ipse proficiscens Calendis Maij.
quā uelim Bruto persuadeas, ut Asturæ sit. Vale.

CICERO ATTICO S.

V. NON. conscendens ab hortis Cluuianis in phae-
selum epicopum has dedi literas, cum Piliæ nostræ uillā
ad Lucrinū, uillicosq; procuratores tradidissem. ipse au-
tem eo die in Pæti nostri tyrotarichū imminebam, per
paucis diebus in Pompeianū, post in hæc Puteolana, &
Cumana regna renauigare. o' loca cæteroquī ualde ex-
petenda, interpellantium autem multitudine penē fu-
giēda. Sed ad rē ut ueniam, o' Dolabellæ nostri ma-
gnam æstimationem. quanta est æstimationis. equidem laudare
eum, & hortari non desisto. recte tu omnibus episto-
lis significas, quid de re, quid de uiro sentias. mihi qui-
dem uidetur Brutus noster iam uel coronā auream per
forum ferre posse: quis enim audeat uiolare, proposita
cruce, uel saxo? præsertim tantis plausibus, tanta ap-
probatione infirmorum? nunc mi Attice me fac ut ex-
pedias. cupio, cū Bruto nostro affatim satisfecerim, ex-
currere in Græciā. magni interest Ciceronis, uel mea po-
tius, uel mehercule utriusq; me interuenire discenti.
nam epistola Leonidæ, quam ad me misisti, quid habet
quæso, in quo magnopere lætemur? nunquam ille mihi
satis laudari uidebitur, cū ita laudabitur, QVO MO-

LIB. XIII. EPIST.

DO NVNC EST. non est fidentis hoc testimo-
nium, sed potius timentis. Herodi autem mandaram,
ut mihi *κατὰ μέτρον* scriberet: à quo adhuc nulla litera
est. uereor ne nihil habuerit, quod mihi, cū cognossem,
iucundum putaret fore. Quòd ad Xenonem scripsi
sti, ualde mihi gratum est: nihil enim deesse Ciceroni,
tum ad officium, tum ad existimationē meā pertinet.

Flammā Flaminii audio Romæ esse. ad eū scripsi,
me tibi mādasse per literas, ut de Montani negotio cū
eo loquerere. & uelim cures epistolam, quam ad eum
misi, reddendam, & ipse, quod commodo tuo fiat, cum
eo colloquare. puto, si quid in homine pudoris est, præ-
staturum eum, ne pro se quodam modo dependatur.
De Attica pergratū mihi fecisti, quòd curasti, ante sci-
rem recte esse, quàm non belle fuisse. Vale.

CICERO ATTICO S.

IN Pompeianum ueni V. Cal. Maij, cum pridie, ut
antea ad te scripsi, Piliam in Cumano collocauissem. ibi
mihi cōnāti literæ tuæ sunt redditæ, quas dederas De-
merrio liberto prid. Cal. in quibus multa sapienter, sed
tamen talia, (quemadmodum tute scribebas) ut omne
cōsiliū in fortuna positū uideretur. itaq; his de rebus
ex tempore, & coram. De Buthrotio negotio utinam
quidem Antonium cōueniam: multum profecto profi-
ciam. sed non arbitrantur eum à Capua declinaturū.
quò quidē metuo ne magno Reip. malo uenerit. quod
idem L. Cæsari uidebatur, quem pridie Neapoli affectū
grauiter uideram. quā ob rem ista nobis ad Cal. Iun.
tractanda, & perficienda sunt. sed hætenus. Quin-

tus filius ad patrē acerbissimas literas misit: quæ sunt ei redditæ, cum uenissemus in Pompeianum: quarum tamen erat caput, Aquiliam nouercā non esse laturū. sed hoc tolerabile fortasse, illud uero? se ab Cæsare habuisse omnia, nihil à patre, reliqua sperare ab Antonio. ò perditū hominē. sed μέλινος. Ad Brutiū nostrū, et Cassium, et ad Dolabellā epistolas scripsi. earum exempla tibi misi, nō ut deliberare reddendæ ne essent, (plane enim iudico esse reddendas) sed q̄ non dubito, quin tu idem existimaturus sis. Ciceroni meo mi Attice supeditabis quantum uidebitur, meq; tibi hoc onus imponere patiere. quæ adhuc fecisti, mihi sunt gratissima.

Librum meum illum ἀνέκδοτον non dum, ut uolui, perpoliui. ista uero, quæ tu contexi uis, aliud quoddam separatum uolumen expectant. ego autem (credas mihi uelim) minore periculo existimo cōtra illas nefarias partes uiuo tyranno dici potuisse, quàm mortuo: ille enim nescio quo pacto ferebat me quidē mirabiliter: nunc quacunque nos commouimus, ad Cæsaris nō modo acta, uerum etiam cogitata reuocamur. De Montano, quoniam Flamma uenit, uidebis. puto rem meliore loco esse debere. Vale.

Cicero Dolabellæ Cos. suo S.

ET SI contentus erā mi Dolabella tua gloria, satisq; ex ea magnā lætitiā, uoluptatēq; cupiebā: tamen nō possum nō cōfiteri cumulari me maximo gaudio, q̄ uulgo hominū opinio sociū me ascribat tuis laudibus. neminem conuenio (conuenio autem quotidie plurimos: sunt enim permulti optimi uiri, qui ualitudinis

LIB. XIII. EPIST.

causa in hæc loca ueniant, præterea ex municipijs frequenter necessarij mei) quin omnes, cum te summis laudibus ad cælum extulerunt, mihi continuo maximas gratias agant: negant enim se dubitare, quin tu meis præceptis, & consilijs obtemperans, præstantissimum te ciuem, & singularem Consulẽ præbeas. quibus ego quam uerissime possim respondere, te, quæ facias, tuo iudicio, & tua sponte facere, nec cuiusquã egere consilio: tamen neq; plane assentior, ne imminuã tuam laudem, si omnis à meis consilijs profecta uideatur: neque ualde nego: sum enim auidior, etiã quã satis est, gloriæ. & tamen nõ alienum est dignitate tua, quod ipsi Agamemnoni Regi Regum fuit honestum, habere aliquem in consilijs capiendis Nestorem; mihi uero gloriosum te iuuenem Consulẽ florere laudibus, quasi alumnũ disciplinæ meæ. L. quidem Cæsar, cum ad eum ægrotum Neapolim uenisset, quãquã erat oppressus totius corporis doloribus, tamen ante, quã me plane salutauit, ò mi Cicero, inquit, gratulor tibi, cum tantũ uales apud Dolabellã, quãtũ si ego apud sororis filium ualerem, iã salui esse possemus. Dolabellæ uero tuo & gratulor, & gratias ago: quem quidem, post te Consulẽ, solum possum uere Consulẽ dicere. deinde multa de facto, ac de re gesta: tum nihil magnificentius, nihil præclarius actum unquam, nihil Reip. salutaris. atque hæc una uox omnium est. à te autem peto, ut me hæc quasi falsam hereditatem alienæ gloriæ sinas cernere, meq; aliqua ex parte in societatem tuarum laudũ uenire patiari. quanquam mi Dolabella (hæc enim iocatus sum) libetius omnes meas, si modo sunt aliqua meæ

laudes, ad te transfuderim, quàm aliquam partem ex
 hauserim ex tuis : nam cū te semper tantū dilexerim,
 quantum tu intelligere potuisti, tum his tuis factis sic
 incensus sum, ut nihil unquā in amore fuerit arden-
 tius: nihil est enim, mihi crede, uirtute formosius, nihil
 pulchrius, nihil amabilius. semper amaui, ut scis, M. Bru-
 tū propter eius summū ingeniū, suauissimos mores, sin-
 gularē probitatem, atque constantiam : tamen Idibus
 Martijs tantū accessit ad amorē, ut mirarer locū fuisse
 augendi in eo, quod mihi iam pridem cumulatū etiā
 uidebatur. quis erat, qui putaret ad eum amorem,
 quem erga te habebam, posse aliquid accedere? tan-
 tum accessit, ut mihi nunc denique amare uidear, an-
 tea dilexisse. quare quid est, quod ego te hortor, ut di-
 gnitati, et gloriæ seruias? proponā tibi claros viros, quod
 facere solent, qui hortantur? neminem habeo clariorē,
 quàm te ipsum. te imitere oportet, tecum ipse certes.
 nec licet quidem tibi iam, tantis rebus gestis, nō tui si-
 milem esse. quod cum ita sit, hortatio non est necessa-
 ria, gratulatione magis utendum est: contigit enim ti-
 bi, quod haud scio an nemini, ut summa seueritas ani-
 maduersionis nō modo non inuidiosa, sed etiam popu-
 laris esset & cum bonis omnibus, tū infimo cuiq; grā-
 tissima. hoc si tibi fortuna quadam contigisset, gratu-
 larer felicitati tuæ: sed cōtingit magnitudine tum ani-
 mi, tum etiam ingenij, atq; consilij : legi enim concio-
 nem tuam: nihil illa sapientius : ita pedetentim tū ac-
 cessus à te ad causam facti, tū recessus, ut res ipsa ma-
 turitatem tibi animaduertendi omnium cōcessu daret.
 liberaisti igitur & urbem periculo, & ciuitatem metu.

LIB. XIII. EPIST.

neque solum ad tempus maximam utilitatē attulisti, sed etiam ad exēplum. quo factō intelligere debes, in te positam esse Remp. tibiq; non modo tuendos, sed etiā ornandos illos uiros, à quibus initiū libertatis profectū est. sed his de rebus corā plura propediem, ut spero. tu quoniam Remp. nosq; conseruas, fac, ut diligentissimē te ipsum mi Dolabella custodias. Vale.

CICERO ATTICO S.

S A E P I V S me iā agitas, q̄ rē gestā Dolabellæ nimis in cœlum uidear efferre. ego autem, quanquā sanè probo factum, tamē, ut tantopere laudarem, adductus sum tuis & unis, & alteris literis. sed totum se à te abalienauit Dolabella, ea de causa, qua me quoque sibi inimicissimum reddidit. ò hominem prudentē. Cal. Ian. debuit: adhuc nō soluit, præsertim cum se maximo ære alieno Faberij manu liberarit, & opem ab eo petierit. licet. n. iocari, ne me ualde contrubatū putes. atque ego ad eum V I I I. Id. literas dederam bene mane. eodem autē die tuas literas uesperī acceperam in Pompeiano, sanè celeriter, tertio abs te die. sed, ut ad te eo ipso die scripserā, satis aculeatas ad Dolabellā literas dedi: quæ si nihil profecerint, puto fore, ut me præsentem non sustineat. Albianū te confecisse arbitror. De Petulciano nomine, q̄ mihi suppeditatus es, gratissimū est, et simile tuorū omniū. sed ego Erotē ad ista expediēda factū mihi uidebar reliquisse: cuius non sine magna culpa uacillarūt. sed cū ipso uidero. De Montano, ut sæpe ad te scripsi, erit tibi tota res curæ. Seruius proficiscens q̄ d. speranter tecū locutus est, minime miror, neque ei

quidquā in desperatione concedo. Brutus noster singularis uir si in senatū nō est Calpurnius uenturus, quid facturus sit in foro, nescio. sed hoc ipse melius. ego ex his, quæ parari uideo, nō multū idibus Martiis profectū iudico: itaque de Græcia quotidie magis, et magis cogito: nec n. Bruto meo exiliū, ut scribis ipse, meditātī uideo quid prodesse possim. Leonidæ me literæ non satis delectarunt. De Herode tibi assentior. Saufeium legisse uellem. Ego ex Pompeiano VI. Idus Maij cogitabam.

CICERO ATTICO S.

NON IS Maij, cū essem Pompeiano, accepi binas à te literas, alteras sexto die, alteras quarto. ad superiores igitur prius. Quàm mihi iucundum, opportune tibi Barnachum literas reddidisse. tu uero cū Cassio, ut cætera. quàm cōmode autem, quòd id ipsum, quod memones, quatrinduo ante ad eū scripseram, exemplumq; mearum literarum ad te miseram. sed cū Dolabellæ auaritia, sic enim tu ad me scripseras, magna desperatione affectus essem, ecce tibi et Bruti, et tuæ literæ. ille exilium meditari. nos autem alium portū propiorē huic ætati uidebamus: in quem malle equidem peruehi florente Bruto nostro, constitutaq; Rep. sed nūc quidem, ut scribis, non utrum uis: assentiris enim mihi, nostram ætatem præsertim, à castris ciuilibus abhorrere. M. Antonius ad me tantum de Clodio rescripsit, meam lenitatem, et clementiam et sibi esse gratam, et mihi uoluptati magnæ fore. sed Pansa furere uidetur de Clodio, itemq; de Deiotaro; et loquitur seuerē, si uelis credere. illud tamen non belle, ut mihi qui-

LIB. XIII. EPIST.

dem uidetur, quòd factum Dolabellæ uehementer improbat. De coronatis, cum sororis tuæ filius à patre accusatus esset, rescripsit, se coronam habuisse honoris Cæsaris causa, posuisse luctus gratia: postremo se libenter uituperationem subire, q̃ amaret etiam mortuum Cæsarem. Ad Dolabellam, quemadmodum tibi dicis placere, scripsi diligenter: ego etiam ad Sicam. tibi hoc oneris non impono. nolo te illum iratum habere. Seruij orationē cognosco: in qua plus timoris uideo, quàm consilij. sed quoniam perterriti omnes sumus, assentior Seruio. Publilius tecum tricatus est: huc enim Cerelia missa ab istis est legata ad me: cui facile persuasi, mihi id, quod rogaret, ne licere quidem, non modo non libere. Antonium si uidero, accurate agam de Buthroto. Venio ad recentiores literas. quāquam de Seruio iam rescripsi me facere magnam *περὶ* Dolabellæ. mihi mehercule ita uidetur, nō potuisse maior tali re, taliq; tēpore. sed tamē qdquid ei tribuo. tribuo ex tuis literis. tibi uero assentior maiore *περὶ* eius fore, si mihi, quod debuit, dissoluerit. Brutus uelim sit Asturæ. Quod autem laudas me, quòd nihil ante de profectio-
ne constituam, quā, ista quò euasura sint, uidero: mu-
to sententiā, neque quidquam tamen ante, quā te ui-
dero. Atticam meam gratias mihi agere de matre gaudeo. cui quidem ego totam uillam, cellamq; tradi-
di, eamq; cogitabam V. Id. uidere. tu Atticæ salutem di-
ces. nos Piliam diligenter tuebimur. Vale.

CICERO ATTICO S.

E' POMPEIANO naui aduectus sum in Luculli no

stri hospitium VI. Id. hora ferè tertia. egressus autem
 è naui, accepi tuas literas, quas tuus tabellarius in Cua
 manum attulisse dicebatur, Nonis Maij datas: à Lucul
 lo postridie eadè ferè hora, qua ueni, VII. Id. Lannuio
 datas. audi igitur ad omnes. Primum quæ de re mea
 gesta & in solutione, & in Albiano negotio, grata. de
 tuo autè, cum in Põpeiano essem, Missenum uenit An
 tonius: inde ante discessit, quàm illū uenisse audissem:
 à quo in Samnium. uide, quid speres. Romæ igitur de
 Buthroto. L. Antonij horribilis concio, Dolabellæ præ
 clara. iā uel sibi habeat numos, modo numeret Idibus.
 Tertullæ nollem abortum: tam enim Cassij sunt iam,
 quàm Bruti serēdī. De Regina uelim, atq; etiā de Cæ
 sare illo. persolui primæ epistolæ. uenio ad secundam.
 De Quintis, Buthroto, cum uenero, ut scribis. Quòd
 Ciceroni suppeditas, gratū. Quòd errare me putas,
 qui remp. putem pendere è Bruto: sic se res habet: aut
 nulla erit, aut ab isto, istis uel seruabitur. Quod me hor
 taris, ut scriptam concionem mittā: accipe à me mi At
 tice καὶ Δολακὸν δεινὸν καὶ εὐχρηστικὸν earū rerum, in quibus satis exer
 citati sumus. nemo unquā neque poeta, neque orator
 fuit, qui quēquā meliorem, quàm se arbitraretur. hoc
 etiā malis cōtigat: quid tu Bruto putas & ingenioso, &
 erudito? de quo etiam experti sumus nuper in edicto.
 scripserā rogatu tuo. meū mihi placebat, illi suū. quin
 etiā cum ipsius precibus penè adductus, scripsissem ad
 eum de optimo genere dicendi, non modo mihi, sed etiā
 tibi scripsit, sibi illud, quod mihi placeret, non probari.
 quare sine quæso sibi quenque scribere: suā cuique spō
 sam, mihi meā. suum cuique amorem, mihi meum. nō

LIB. XIII. EPIST.

scire: hoc enim Attilius porta durissimus. atque utinā
liceat isti concionari: cui si esse in Vrbe tuto licebit, ui-
cimus: ducem enim noui belli ciuilis aut nemo seque-
tur, aut ij sequentur, qui facile uincantur. uenio ad
tertiam. Gratas fuisse meas literas Bruto, & Cassio,
gaudeo. itaque ijs rescripsi. Quod Hircium per me
meltiorem fieri uolunt, do equidem operam, & ille op-
time loquitur, sed uiuit, habitatq; cum Balbo: qui item
bene loquitur. quid credas, uideris. Dolabellam ual-
de placere tibi uideo: mihi quidem egregie. Cum
Pansa uixi in Pompeiano. is planè mihi probabat se be-
ne sentire, & cupere pacem. Causam armorum qua-
ri planè uideo. Edictum Bruti, & Cassij probo.
Quæris, ut suscipiam cogitationem. quidnam istis agen-
dum putem: consilia temporum sunt, quæ in horas
commutari uides. Dolabellæ & prima illa actio, &
hæc contra Antonium concio mihi profecisse permul-
tum uidetur. prorsus ibat res. nunc autem uidemur
habaturi ducem: quod unum municipia, boniq; deside-
rant. Epicuri mentionem facis, & audes dicere, mi-
πολιτῶν οὐδὲν non te Bruti nostri uulticulus ab ista ora-
tione deterret? Quintus filius, ut scribis, est dexte-
la. per eum igitur, quod ualemus, facile auferemus.

Expecto, si, ut putas, L. Antonius produxit Octa-
uium, qualis concio fuerit. Hæc scripsi: statim enim
Cassij tabellarius. erat continuo Piliam salutaturus:
deinde ad epulas Vestorij, nauicula. Atticæ plurimam
salutem. Vale.

CICERO ATTICO S.

CVM paulo ante dedissem ad te Cassij tabellario literas, V. id. uenit noster tabellarius, & quidem portēti simile, sine tuis literis. sed cito cōieci, Lanuuij te fuisse. Eros aut festinauit, ut ad me literæ Dolabellæ perferrentur, non de re mea (non dum enim meas acceperat) rescripsit ad eas, quarum exēplum tibi miseram, sanè luculente. ad me autem, cum Cassij tabellarium dimissem, statim Balbus. ò Dī boni, quā facile perspiceres timere otium. & nosti uirum, quā teētus: sed tamen Antonij consilia narrabat, illū circuire ueteranos, ut acta Cæsaris sancirēt, idq; se facturos esse iurarent: ut rata omnes haberent, eaq; Duumuii omnibus mēsi bus inspicerent. quæstus est etiam de sua inuidia. eaq; omnis eius oratio fuit, ut amare uideretur Antonium. quid quæris? nihil sinceri. mihi autem non est dubium, quin res spectet ad castra: acta enim illa res est. animo uirili, consilio puerili: quis enim hoc non uidit, regni heredem relictum? quid autem absurdius, hoc metuere, alterum in metu non ponere? quin etiā hoc ipso tempore multa ὑποπόλαια, Pontij Neapolitanum à matre tyranno cōtoni possideri. legendus mihi sæpius est Cato maior ad te missus: amariorem enim me senectus facit: stomachor omnia: sed mihi quidem βεβήκωτα: uiderint iuuenes. tu mea curabis, ut curas. hæc scripsi, seu dictaui apposita secunda mensa, apud Vestorium. postridie apud Hirium cogitabam. & quidē πεντέλοιπον, sic hominem traducere ad optimates parō. ἄνθρωπος πολὺς. nemo est istorum, qui otium non ti-

LIB. XIII. EPIST.

meat. quare talaria uideamus: quiduis enim potius, quam castra. Atticæ salutem plurimam uelim dicas.

Expecto Octauij concionem, & si quid aliud, maxime autem ecquid Dolabella tinniat, an in meo nomine tabulas nouas fecerit. Vale.

CICERO ATTICO S.

CERTIOR à Pilia factus, mitti ad te Idibus tabellarios, statim hoc nescio quid exaravi. primū igitur scire te uolui, me hinc Arpinum XVI. Cal. Iun. eō igitur mittes, si quid erit posthac: (quanquā ipse iā iamq; adero) cupio enim ante, quā Romā uenio, odorari diligentius, quid futurum sit: quanquam uereor, ne nihil coniectura aberrem: minime enim obscurum est, quid isti moliantur. meus uero discipulus, qui hodie apud me coenat, ualde amat illum, quē Brutus noster sauciauit: & si quæris, (perspexi enim plane) timent otiū: ὅτι οὐδὲ σὺν autem hanc habent, eamq; præ se ferunt, uirum clarissimum interfectum, totā remp. illius interitu perturbatā: irrita fore, quæ ille egisset, simul ac desistemus timere: clementiā illi malo fuisse: qua si usus non fuisset, nihil ei tale accidere potuisse. mihi aut uenit in mentem, si Pompeius cū exercitu firmo ueniat, quod est σύλλογον, certe fore bellum. hæc me species, cogitatioq; perturbat: neque enim iā, quod tibi tum licuit, nobis nunc licebit: nam aperte lætati sumus. deinde habent in ore, nos ingratos. nullo modo licebit, quod tū & tibi licuit, & multis. φαινομένη οὖν ἔστιν ergo, & ἰτέον in castra? milites mori melius, huic præsertim ætati. itaq; me Idus Martiæ non tam consolantur, quā antea: magnum enim

enim mendū continent. etsi illi iuuenes ἄλλοις ἐν ἰδοῖς
τὸν δ' ἀποδοῦναι λόγον. sed si tu melius quippiam spe-
ras, quod & plura audis, & interes consilijs, scribes ad
me uelim, simulq; cogites, quid agendum nobis sit super
legatione uotina. equidem in his locis moneor à multis,
ne in senatu Calendis: dicuntur enim occulte milites ad
eam diem comparati, & quidem in istos, qui mihi uiden-
tur ubiuis tutius, quàm in senatu fore. Vale.

M. TVLLII CICERONIS EPISTOLA
RVM AD T. POMPONIVM AT-
TICVM LIBER XV.

CICERO ATTICO S.

FACTVM male de Alexione. in-
credibile est, quanta me molestia affece-
rit, nec mehercule ex ea parte maxime,
quod plerique mecū: ad quē igitur me-
dicū te conferes? quid mihi iam medi-
co? aut, si opus est, tanta inopia est? amorem erga me,
humanitatem, suauitatemq; desidero. etiam illud, quid
est, quod non pertimescendum sit, cum hominem tempe-
rantem, summum medicum tantus improviso morbus
oppresserit? sed ad hæc omnia una consolatio est, quod ea
conditione nati sumus, ut nihil, quod homini accidere
possit, recusare debeamus. De Antonio, iam antea tibi
scripsi, non esse eum à me conuentum: uenit enim Misse-
num, cum ego essem in Pompeiano: inde ante profectus
est, quàm ego eum uenisse cognoui. sed casu, cum lege-
rem tuas literas, Hircius erat apud me in Puteolano. ei

HH

legi, & egi primū, quod attinet: nihil mihi concedebat. deinde ad summum, arbitrum me statuebat non modo huius rei, sed totius Consulatus sui. cum Antonio autem sic agemus, ut perspiciat, si in eo negotio nobis satisfecerit, totum me futurum suum. Dolabellam spero domi esse. Redeamus ad nostros: de quibus tu bonam spem te significas habere propter edictorum humanitatem. ego autem perspexi, cum à me X V I I. Cal. de Puteolano Neapolim Pansa conueniendi causa proficisceretur Hircius, omnem eius sensum: seduxi enim, & ad pacem sum cohortatus. non poterat scilicet negare se uelle pacem, sed non minus se nostrorum arma timere, quam Antonij, & tamen utrosque non sine causa praesidium habere, se autem utraque arma metuere. quid queris? οὐδὲν ὀπίς. De Quinto F. tibi assentior. patri quidem gratissima, & bellae tuae litera fuerunt. Cereliae uero facile satisfeci. nec ualde laborare mihi uisa est: & si illa, ego certe non laborarem. istā uero, quam tibi molestam scribis esse, auditam à te esse omnino demiror. nā quod eā collaudauī apud amicos, audientibus tribus filiis eius, & filia: τοῦτο οὐ λόγον. quid est hoc? quid est autem, cur ego personatus ambulem? parum ne foeda persona est ipsius senectutis? Quod Brutus rogat, ut ante Calendas: ad me quoque scripsit: & fortasse faciam: sed plane, quid uelit, nescio: quid enim illi afferre consilij possum, cum ipse egeam consilio? & cum ille suae immortalitatis melius, quam nostro otio consuluerit? De Regina rumor extinguetur. De Flamma, obsecro te, si quid potes. Here dederam ad te literas exiens è Puteolano, diuerteramq; in Cumanum. ibi penè ualentem uideram

Piliam. quoniam etiam paulo clàm ipsam uidi: uenerat enim in funus: cui funeri ego quoque operam dedi. Cn. Lucullus familiaris noster matrem efferebat. mansi igitur eo die in Sinuessano, atque inde mane postridie Arpinum proficiscens hanc epistolam exaravi. erat autem nihil noui, quod aut scriberem, aut ex te quererem: nisi forte hoc ad te putas pertinere. Brutus misit ad me orationem suam habitam in concione Capitolina, petiuitque à me, ut eam ne ambitiose corrigerem ante, quam ederet. est autem oratio scripta elegantissime sententijs, uerbis, ut nihil possit ultra. ego tamen, si illam causam habuissem, scripsissem ardetius. ἵπὸ θεοῖς, uides, quæ sit, persona dicentis: itaque eam corrigere non potui: quo enim in genere Brutus noster esse uult, et quod iudiciū habet de optimo genere dicendi, ita consecutus est ea oratione, ut elegantius nihil esse possit. sed ego solus alius sum, siue hoc recte, siue non recte. tu tamen uelim orationem legas, nisi forte iam legisti, certioremq; me facias, quid indices ipse. quanquam uereor, ne cognomine tuo lapsus ὑπεραπικὸς sis in iudicando. sed si recordabere Διὸς δ' ἐν οὐραῖς fulmina, tum intelliges posse ἄπικωτάτα grauissime dici. sed hæc coram. nunc nec sine epistola, nec cum inani epistola uolui ad te Metrodorum uenire. Vale.

CICERO ATTICO S.

XV. Cal. è Sinuessano proficiscens cum dedissem ad te literas, diuerrissemque à Cumis in Vestiano, accepi à tabellario tuas literas: in quibus nimis multa de Buthrotono. n. tibi ea res maiori curæ aut est, aut erit, quàm mihi: sic. n. decet, te mea curare, tua me. quâ ob rem id quæ-

LIB. XV. EPIST.

dem sic susceptum est mihi, ut nihil sim habiturus antiquius. L. Antonium concionarum esse, cognoui tuis literis & alijs, sordide: sed id quale fuerit, nescio: nihil enim scripsisti. De Menedemo, probe. Quintus certe ea dictitat, quæ scribis. Consilium meum à te probari, quod ea non scribā, quæ tu à me postularis, facile patior: multoq; magis id probabis, si orationem eam, de qua hodie ad te scripsi, legeris. Quæ de legionibus scribis, ea uera sunt, sed non satis hoc mihi uideris tibi persuasisse, quid de Buthroijs nostris per senatum speres cōfici posse. quod puto (tantū enim uideo) non uidemur esse uicturi. sed, si etiam nos hoc fallat, de Buthroto te non fallat. De Octauij concione idem sentio, quod tu: ludorumq; eius apparatus, & Marius, ac Posthumus mihi procuratores nō placent. S. aserna collega dignus. sed isti omnes, quemadmodū sentis, nō minus otium timent, quā nos arma. Balbum leuari inuidia per nos uelim: sed ne ipse quidem id fieri posse confidit, itaque alia cogitat. Quod prima disputatio Tusculana te confirmat, sanè gaudeo: neque. n. ullū est perfugiū aut melius, aut paratius. Flāma quod bene loquitur, non moleste fero. Tyndaritarorum causa, de qua laboras, quæ sit, ignero. hos tamen πεντέλοισιν mouere ista uidentur, in primis erogatio pecunie. De Alexione doleo: sed quoniam inciderat in tam grauē morbū, bene actū cū illo arbitror. quos tamen secundos heredes, scire uellem, & diem testamenti. Vale.

CICERO ATTICO S.

X I. Cal. accepi duas epistolas tuas, quibus duabus meis respōdisti. una erat XV. Cal. altera XII. data. ad

superiorem igitur . Prins accurre in Tusculanum , ut scribis : quod me V I . Cal . uenturum arbitrabar . Quod scribis parendum uictoribus : non mihi quidem , cui sunt multa potiora . nam illa , quæ recordaris Lentulo , et Marcello Coss . acta in æde Apollinis ; nec causa eadem est , nec simile tempus , præsertim cum Marcello scribas , aliosq ; discedere . erit igitur nobis coram odorandum , & constituendum , tuto ne Romæ esse possimus . noui conuentus habitatores sanè mouet : in magnis enim uersamur angustiis . sed sint ista parui : quin & maiora contemnimus . Caluæ testamentum cognoui , hominis turpis , ac sordidi . Tabula Demonici quod tibi curæ est , gratum . De Mario scripsi iam pridè ad Dolabellam accuratissime , modo literæ redditæ sint . eius causa & cupio , & debeo . Venio ad propiorè . Cognoui de Alexione , quæ desiderabam . Hircius est tuus . Antonio , quàm est , uolo peius esse . De Quinto filio , ut scribis , & de patre coram agemus . Brutum omnire , qua possum , cupio inuare . cuius de oratiuncula idem te , quod me , sentire uideo : sed parum intelligo , quid me uelis scribere , quasi à Bruto habita oratione , cū ille ediderit . qui tandè conuenit : an sicut in tyrannū iure optimo casum multa dicentur , multa scribentur à nobis sed alio modo , & tempore . De sella Caesaris , bene Tribuni . præclaros etiā XIIII . ordines . Brutū apud me fuisse gaudeo , modo & libenter fuerit , & sat diu .

CICERO ATTICO S .

X . Cal . VIII . ferè à Q . Fusio uenit tabellarius , nescio quid ab eo literularum , ut me sibi restituerè , sanè

HH iij

LIB. XV. EPIST.

insulse, ut solet: nisi forte, quem non ames, omnia uidentur insulse fieri. scripsi ita, ut te probaturum existimem. mihi duas à te epistolas reddidit, unam XI. alteram X. Cal. ad recentiore prius. & leniore laudo: si uero etiam Calfulenus, ἀνα ποταμῶν. Antonij consilia narras turbulenta: atque utinam potius per populum agat, quàm per senatum: quod quidem ita credo. sed mihi totum eius consilium ad bellum spectare uidetur, si quidem D. Bruto provincia eripitur. quo modo ego de illius nervis existimo, non uidetur fieri posse sine bello. sed non cupio, quoniam cauetur Buthrotijs. rides? ast condoleo non mea potius assiduitate, diligentia, gratia perfici. Quod scribis te nescire, quid nostris faciundum sit: iam pridem me illa ἀπορία sollicitat: itaque stulta iam Iduum Martiarum est consolatio: animis enim usi sumus uirilibus, consilijs, mihi crede, puerilibus: excisa enim est arbor, non euulsa: itaque, quàm fruticetur, uides. redeamus igitur, quoniam sæpe usurpas, ad Tusculanas disputationes. Saufeium pete. celemus: ego nunquam indicabo. Quod te à Bruto scribis, ut certior fieret, quo die in Tusculanū essem futurus: ut ad te ante scripsi, VI. Cal. & quidem ibi te quamprimum peruidere uelim: puto enim nobis Lanuium eundum, & quidem non sine multo sermone. sed μελίσσει. Redeo ad superiorem: ex qua prætereo illa prima de Buthrotijs: quæ mihi sunt inclusa medullis: sit modo, tu scribis, locus agendi. De oratione Bruti, prorsus contendis committere, tam multis uerbis agis. ego ne ut eam causam, quam is scripsit? ego scribam non rogatus ab eo?

nulla παρεχέμεν fieri potest contumeliosior. at, in-
 quis, ἡ ἀκλειδίων aliquod. non recusato id quidem, sed
 & componendum argumentum est, & scribendi expe-
 ctandum tempus maturius. licet enim de me, ut libet,
 existimes: uelim quidem quamoptime: si hæc ita ma-
 nant, ut uidentur, (feres quod dicam) me Idus Martia
 non delectant: ille. n. nunquā reuertisset, nos timor cō-
 firmare eius acta non coegisset: aut (ut in Sau-
 feianam, reliquasq; Tusculanas disputationes, ad quas
 tu etiam Vestorium hortaris) ita gratiosi eramus apud
 illum, quem Dij mortuum perdant, ut nostræ ætati, quo-
 niam interfecto domino liberi non sumus, non fue-
 rit dominus ille fugiendus. rubeo, mihi crede: sed iam
 scripseram, delere nolui. De Menedemo, uellem ue-
 rum fuisset. De Regina, uelim uerum sit. cætera
 coram, & maxime quid nostris faciendum sit, quid ea-
 tiam nobis, si Antonius militibus obsessurus est senatū.
 hanc epistolam si illius tabellario dedissem, ueritus sum,
 ne solueret: itaque misi dedita opera: erat enim
 rescribendum tuis. Quam uellem, Bruto stu-
 dium tuum nauare potuisses. ego igitur ad eum lite-
 ras. Ad Dolabellam Tironem misi cū mandatis, &
 literis. eum ad te uocabis, & si quid habebis, quod pla-
 ceat, scribes. ecce autem de transuerso L. Cæsar, ut ue-
 niā ad se, rogat, in nemus; aut scribam, quod se uenire
 uelim: Bruto enim placere, se à me conueniri. ò rem
 odiosam, & inexplicabilem. puto me ergo iturum, &
 inde Romam, nisi quid mutaro. Summatim adhuc
 ad te: nihil dum enim à Balbo. tuas igitur expecto,
 nec actorum solum, sed etiam futurorum. Vale.

HH iij

A' BRUTO tabellarius redijt: attulit & ab eo, & Cassio. consilium meum magnopere exquirunt, Brutus quidē utrum de duobus. d rem miserā. plane non habeo, quid scribam: itaque silentio puto me usurum, nisi quid aliud tibi uidetur. sin tibi quid uenit in mentē, scribe quaeso. Cassius uero uehementer orat, ac petit, ut Hircium quamoptimum faciam. sanum putas? ὁ δὲ σκαυὸς ἀνέκατος. epistolam tibi misi. ut tu de provincia Bruti, & Cassij per S. C. ita scribit et Balbus, et Hircius quidem se acturum: etenim iam in Tusculano est: mihiq; ut absim, uehementer auctor est: ille quidē, periculi causa; quod sibi etiam fuisse dicit: ego autem, etiam ut nullum periculum sit; tantum abest, ut Antonij suspicionem fugere non curem, ne uidear eius secundis rebus non delectari, ut mihi causa sit, cur Romā uenire nolim, ne illū uideā. Varro autē noster ad me epistolam misit, sibi à nescio quo missam, (nomen enim delebat) in qua scriptum erat, ueteranos eos, qui reijciantur, (nā partem esse dimissam) improbissime loqui; ut magno periculo Romæ sint futuri, qui ab eorū partibus dissentire uideantur. quis porro noster itus, reditus, uultus, incessus inter istos? quidd si, ut scribis, L. Antonius in Decimum, reliqui in nostros: ego quid faciā? aut quo me pacto geram? mihi uero deliberatum est, ut nunc quidem est, abesse ex ea urbe, in qua non modo florui cum summa, uerum etiam seruiui cum aliqua dignitate: nec tam statui ex Italia exire, de quo tecum deliberauo, quā iam istuc non uenire.

CICERO ATTICO S.

CVM ad me Brutus noster scripsisset, & Cassius, ut Hircium, quem adhuc bonum fuisse sciebant, neque confidebant fore, mea auctoritate meliorem facerem, (Antonio est enim fortasse iratior, causa vero amicissimus) tamen ad eum scripsi, eiq; dignitatem Bruti, & Cassij commendavi. ille quid mihi rescripsisset, scire te uolui, si forte idem tu, quod ego, existimares, istos etiam nunc uereri, ne forte ipsi nostri plus animi habeant, quam habent.

Hircius Ciceroni suo S.

RVRE an redierim, queris: an ego, cum omnes ca-
leant, ignauiter aliquid facia. etiam ex Vrbe sum pro-
fectus: utilius. n. statui abesse. has tibi literas exiens in
Tusculanũ scripsi. noli autem me tam strenuũ putare,
ut ad Nonas recurrã: nihil enim iã video opus esse no-
stra cura, quoniam praesidia sunt in tot annos prouisa.
Brutus, & Cassius utinã quã facile à te de me impe-
trare possunt, ita per te exorentur, ne quod callidius in-
eant consilium: cedentes enim hæc ais scripsisse: quid? aut
quare? retine, obsecro te, Cicero illos: noli sinere hæc
omnia perire, quæ funditus mediusfidius rapinis, incen-
dijs, cædibus peruertuntur. tantũ, si quid timet, caueã,
nihil præterea moliantur. non mediusfidius acerrimis
consilijs plus, quã etiam inertissimis, dum modo dili-
gentibus, consequentur: hæc. n. quæ fluunt, per se diu-
turna non sunt, in contentione praesentis ad nocendum
habent uires. quid speres de illis, in Tusculanum ad

LIB. XV. EPIST.

me scribe. Habes Hircij epistolam : cui rescripsi, nil illos callidius cogitare, idq; confirmaui. hoc, qualecūque esset, te scire uolui. Obsignata iam epistola, Balbus ad me, Seruiliā rediisse, confirmare non discessuros. nūc expecto à te literas.

CICERO ATTICO S.

GRATVM, quodd mihi epistolas: quæ quidē me delectarunt, in primis Sexti nostri. dices, quia te laudat. puto mehercule id quoque esse causæ: sed tamen etiam ante, q̄ ad eū locū ueni, ualde mihi placebat cū sensus eius de Rep. tum scribendi cura. Seruius uero pacificator cū librariolo suo uidetur obiisse legationē, et omnes captiunculas pertimescere. debuerat autem non ex iure manu cōsertū, sed quæ sequuntur. tu quoque scribes.

CICERO ATTICO S.

POST tuū discessum binas à Balbo; nihil noui: itemq; ab Hircio, qui se scribit uehementer offensum esse ueteranis. expectat animus, quidnā agant de Cal. Martijs. nisi igitur Tironem, & cum Tirone plures, quibus singulis, ut quid accidisset, dares literas. atque etiā scripsi ad Antonium de legatione, ne, si ad Dolabellam solum scripsissem, iracūdus homo commoueretur. quodd autem aditus ad eum difficilior esse dicitur, scripsi ad Eutrapelum, ut is ei meas literas redderet, legatione mihi opus esse. honestior est uotina: sed licet uti utraque. de te quæso etiam atque etiam uide. uelim possis coram: si minus, literis idem consequemur. Græcius ad me scripsit, C. Cassium sibi scri-

psisse, homines comparari, qui armati in Tusculanum mitterentur. id quidem mihi non uidebatur, sed cauendum tamen (ut ille) quæ plures uident. debet aliquid crastinus dies ad cogitandum nobis dare. Vale.

CICERO ATTICO S.

III. Non. uesperis à Balbo reddita mihi litera, fore Nonis senatū, ut Brutus in Asia, Cassius in Sicilia frumentum emendum, & ad Urbem mittendum curarent. id rem miseram, primum ullam ab istis, dein, si aliquā, hanc legatariam provinciam: atque haud scio, an melius sit, quàm ad Eurotam sedere. sed hæc casus gubernabit. ait autem, eodem tempore decretum iri, ut & ijs, & reliquis prætorijs provinciæ decernantur. hoc certe melius, quàm illa Persice porticus: nolo enim Lacedæmonem longinquam Lanuvium existimari. rides, inquires, in talibus rebus? quid faciam? plorando fessus sum. Dii immortales, quàm me conturbatum tenuit epistolæ tuæ prior pagina. quid autem iste in domo tua casus armorum? sed hunc quidem nimbum cito transiisse letor. tu quid egeris tua cum tristi, tum etiam difficili ad consiliandum legatione, uehementer expecto: est enim inexplicabilis: ita circumsidemur copijs omnibus. me quidem Bruti litera, quas ostendis à te lectas, ita perturbarunt, ut, quanquam ante egebam consilio, tamen animi dolore sim tardior. sed plura, cum ista cognoro. hoc autem tempore, quod scriberē, nihil erat, eoq; minus, quod dubitabam, tu has ipsas literas esses ne accepturus: erat enim incertū, uisurus ne te esset tabellarius. ego tuas literas uehementer expecto.

LIB. XV EPIST

CICERO ATTICO S.

O' Bruti amanter scriptas. d iniquū tuum tempus, qui ad eum ire non possis. ego autem quid scribam? ut beneficio istorū utantur? quid turpius? ut moliantur aliquid? nec audent, nec iam possunt. age, quiescant auctoribus nobis? quis incolumitatem praestat? si uero aliquid de Decimo gratius: quæ nostris uita, etiam si nemo molestus sit? ludos uero non facere quid foedius? frumentum imponere, quæ est alia Dionis legatio? aut quod munus in Rep. sordidius? prorsus quidem consilia tali in re ne ijs quidē tuta sunt, qui dant: sed possim id negligere proficiens: frustra uero quid ingrediar? matris consilio cum utatur, uel etiam precibus, quid me interponam? sed tamen cogitabo, quo genere utar literarum: nam silere non possum. statim igitur mittam uel Antium, uel Circaos. Vale.

CICERO ATTICO S.

ANTIVM ueni ante VI. Cal. Bruto iucundus noster aduentus. deinde, multis audiētibz, Seruilia, Tertulla, Porcia, quærere, quid placeret. aderat etiā Faonius. ego, quod erā meditatus in uia, suadere, ut uteretur Asiatica curatione frumētī; nihil esse iam reliqui, quod ageremus, nisi ut saluos esse; in eo etiam ipsi Reip. esse praesidium. quam orationē cum ingressus essem, Cassius interuenit. ego eadem illa repetiui. hoc loco fortibus sanē oculis Cassius, Martē (spirare dices) se in Siciliam non iturum. ego ne ut beneficium accepisse in cōtume- lia? quid ergo agis, inquam? at ille, in Achaiam se itu-

rum. quid tu, inquam, Brute? Romam, inquit, si tibi uidetur. mihi uero minime: tuto enim non eris. quid, si possem esse? placere? ne? atque ut omnino neque nunc, neque ex Prætura in prouinciā ires: sed auctor non sum, ut te Vrbi cōmittas. dicebā ea, quæ tibi profecto in mentem ueniunt, cur non esset tuto futurus. multo inde sermone querebantur; atque id quidem Cassius maxime, amissas occasiones; Decimumq; grauitè accusabat. ea negabam oportere, præterita: assentiebar tamen. cumq; ingressus essem dicere, quid oportuisset; nec uero quidquam noui, sed ea, quæ quotidie omnes; nec tamen illum locum attingere, quenquam præterea oportuisse tangi, sed senatum uocari, populum ardentem studio uehementius incitari, totam suscipere rempub. exclamat tua familiaris; Hoc uero neminem unquam audiui. ego repressi. sed & Cassius mihi uidebatur iturus (et enim Seruilia pollicebatur se curaturam, ut illa frumenti curatio de S. C. tolleretur) & noster cito deiectus est de illo inani sermone: uelle enim se dixerat. constituit igitur, ut ludi absente se fierent suo nomine. proficisci autem mihi in Asiam uidebatur ab Antio uelle. ne multa, nihil me in illo itinere præter conscientiam delectauit: non enim fuit committendum, ut ille ex Italia prius, quàm à me conuentus esset, discederet. hoc dempto munere amoris, atque officij, sequebatur, ut mecum ipse: ἢ δὲ ὁ δὸς σοὶ τὴν δούλω τῶν δεινόνων? prorsus dissolutum offendi nauigium, uel potius dissipatum. nihil consilio, nihil ratione, nihil ordine. itaque etsi ne antea quidem dubitauī, tamen nunc eo minus, euolare hinc, idq; quamprimum, ubi nec Pelopidarū facta, neque

LIB. XV. EPIST.

famam audiam . sed heus tu, ne forte sis nescius , Do-
labella me sibi legauit ad IIII. Non. Apr. id mihi heri
uesperi nunciatum est . uotina ne tibi quidem placebat:
etenim erat absurdum , quæ , si stetisset resp. nouissem ,
ea me, euerfa illa, uota dissoluere. & habent , opinor ,
liberæ legationes definitum tempus lege Iulia, nec facile
addi potest : idq; adeo genus legationis, ut, cum uelis, in-
troire, exire liceat. quod nunc mihi additum est . bella
est autem huius iuris quinquennij licentia . quanquam
quid de quinquennio cogitem ? contrahi mihi negotium
uidetur . sed βλάβος φηµι mittamus. Vale.

CICERO ATTICO S.

BENE mehercule de Buthroto . at ego Tironē ad
Dolabellā cum literis, quia iusseras , miseram . quid no-
cer? De nostris autem Antiatibus satis uidebar plane scri-
psisse, ut non dubitares, essent quin otiosi futuri, usuriq;
beneficio Antonij contumelioso . Cassius frumentariam
rem aspernabatur . eam Seruilia sublaturam ex S. C.
se esse dicebat . noster uero, καὶ μὴ ἀλλὰ σεμνὸς, in Asiam;
postea quā mihi est assensus, tuto se Romæ esse nō pos-
se: ludos enim absens facere malebat : statim autem se
iturum, simul ac ludorum apparatus ijs, qui curaturi
essent, tradidisset . nauigia colligebat . erat animus in
cursu. interea in eisdem locis erant futuri : Brutus qui-
dem se aiebat Astura. L. quidem Antonius liberaliter li-
teris sine cura me esse iubet . habeo unum beneficium, al-
terū forte, si in Tusculanū uenerit. d. negotia non feren-
da, quæ feruntur tamen. τὰν δ' αἰτίαν τῶν βροῦτων τὶς εἰ-
χεν? Octauiano, ut perspexi, satis ingenij, satis animi:

uidebaturq; erga nostros ἡρώας ita fore, ut nos uellemus, animatus. sed quid ætati credendum sit, quid nomini, quid hereditati, quid κατηχίσει, magni consilij est: uir- tricus quidem nihil censebat: quem Astura uidimus. sed tamen alendus est, & ut nihil aliud, ab Antonio seiun- gendus. Marcellus præclare, si præcipit nostro, nostri: cui quidem ille deditus mihi uidebatur. Pansa autem, & Hircio non nimis credebat. bona indoles, εὖ δὲ διακρίνεται.

CICERO ATTICO S.

VIII. Cal. duas à te accepi epistolas. respondebo igitur priori prius. Assentior tibi, ut nec duces simus, nec ag- me cogamus, faueamus tamē. Orationē tibi misi. eius cu- stodiēdæ, & proferendæ arbitriū tuū. sed quādo illū diē, cū tu edēdā putes? Inducias, quas scribis, nō intelligo fieri posse. melior est ἀνακρίψασθαι: qua me usurum arbi- tror. Quod scribis legiones duas Brūdusium uenisse: uos omnia prius: scribes igitur, quidquid audieris. Varro- nis διάλογον expecto. Iam probō ἡγακλέειον, præsertim cū tu tātopere delectere. sed quale uelis, uelim scire.

- Quodd ad te antea, atque adeo prius scripsi, (sic. n. maui-
 * ad scribēdū tibi uere dicere) fecisti me acriorē. ad tuū iu-
 diciū, quod mihi erat notū, addidisti Peducei auctorita-
 tē, magnā quidē apud me, & in primis grauē. enitar igitur, ne desideres aut industriā meā, aut diligentia. Ve-
 etenū, ut scribis, & Faberū foueo. Clodiū nihil arbitror
 malitiose: quāquā, si quid egerit de libertate retinenda,
 * qua certe nihil est dulcius, tibi assentior. ita ne? Gallo ani-
 mo hominē nequā? quid. n. dicā aliud? cautū Marcel-
 lū, me sic, sed nō tamē cautissimū. Lōgiori epistola, su-

L I B. XV. E P I S T.

perioriq; respondi . nunc breuiori , propioriq; quid res-
pondeam, nisi eam fuisse dulcissimam ? Res Hispanien-
ses ualde bone . modo Balbium incolumem uideam ,
subsidium nostræ senectutis . De Anniano item , quod
me ualde obseruat Visellia . sed hæc quidem humana .

De Bruto te nihil scire dicis : sed Selicia , uenisse M.
Scaptium, eumq; non qua pompa, ad se tamen clam uer-
turum . sciturumq; me omnia : quæ ego statim . inter
rea narrat eadem , Bassi seruum uenisse, qui nuntiaret
legiones Alexandrinas in armis esse , Bassum arcessi ,
Cassium expectari . quid quæris? uidetur Resp. ius suum
recuperatura . sed ne quid ante . nosti horum exercita-
tionem in latrocinio, & amentiam . Dolabella uir opti-
mus, etsi, cum scribebam secunda mensa apposita, ue-
nisse eum ad Baias audiebam; tamen ad me ex Formia
no scripsit, quas literas, cum è balineo exissem, accepi,
sefe de attributione omnia summa fecisse . Veſtenum
accusat . tricatur scilicet, ut homo talis : sed ait totum
negotium Sestium nostrum suscepisse, optimum quidem
illum uirum, nostriq; amantissimum : quæro autem,
quid tandem Sestius in hac re facere possit, quod non
quiuis nostrum ? sed, si quid præter spem erit, facies,
ut sciam . sin est, ut arbitror, negotium perditum, scri-
bes tamen, neque ista res commouebit . Nos hic φιλοσο-
φούμενα (quid enim aliud?) & τὰ περὶ τοῦ καδύκοντος
magnifice explicamus, προσφωνοῦμενq; Ciceroni : qua
de re enim potius pater filio? deinde alia . quid quæris ?
extabit opera peregrinationis huius . Varronem hodie,
aut cras uenturum putabant . ego autem in Pompeia-
num properabā, non quo hoc loco quidquam pulchrius,
sed

sed interpellatores illic minus molesti. sed perscribe quæ
so, quæ causa sit Myrtilo. pœnas quidē illum pependis-
se audiui. & satis ne putet, unde corruptus. hæc cum
scriberem, tantum quod existimabam ad te orationem
esse perlatā. hui, quā timeo, quid existimes. etsi quid
ad me? quæ non sit foras proditura, nisi rep. recupera-
ta. de quo quid sperem, non audeo scribere. Vale.

CICERO ATTICO S.

VI. Cal. accepi à Dolabella literas, quarū exēplum
tibi misi: in quibus erat, omnia se fecisse, quæ tu uelles.
statim ei rescripsi, & multis uerbis gratias egi: sed ta-
men, ne miraretur, cur idem iterum facerē; hoc causæ
sumpsi, quod ex te ipso corā anteā nihil potuissem co-
gnoscere. sed quid multa? literas hoc exemplo dedi.

Cicero Dolabellæ Cos. suo S.

ANTEA cū per literas Attici nostri de tua sum-
ma liberalitate, sūmoq; erga se beneficio certior factus
essem; cumq; tu ipse etiā ad me scripsisses, te fecisse ea,
quæ nos uoluissēmus: egi tibi gratias per literas ijs uer-
bis, ut intelligeres, nihil te mihi gratius facere potuisse.
postea uero q̄ ipse Atticus ad me uenit in Tusculanum
huius unius rei causa, tibi ut apud me gratias ageret,
eximiam quandā, & admirabilem in causa Buthrotia
uoluntatem, & singularem erga se amorem perspexis-
set: teneri nō potui, quin tibi apertius illud idē his lite-
ris declarare: ex ōnibus. n. mi Dolabella studijs in me, et
officijs, quæ summa sunt, hoc scito mihi & amplissimū
uideri, et gratissimū eē, q̄ perfeceris, ut Atticus intelli-

LIB. XV. EPIST.

geret quantum ego te, quantum tu me amares. quod reliquum est, Buthrotiam & causam, & civitatem, quanquam à te constituta est (beneficia autem nostra tueri solemus) tamē uelim receptam in fidem tuam. à meq; etiam tibi commendatam, auctoritate, et auxilio tuo teētam uelis esse. satis erit in perpetuum Buthro-
tijs præsidijs, magnaq; cura, & sollicitudine Atticum, & me liberaris, si hoc honoris mei causa susceperis, ut eos semper à te defensos uelis. quod ut facias, te ue-
hementer etiam, atque etiam rogo.

His literis scriptis, me ad σωτήριος dedi: quæ quidē, ue-
reor, ne miniata cærulea tua pluribus locis notadæ sint:
ita sum μετέωρος, et magnis cogitationibus impeditus.

CICERO ATTICO S.

L. ANTONIO male sit, si quidem Buthrotijs molestus est. Ego testimoniū composui: quod, cū uales, obsignabo. tu numos Arpinatū, si L. Fadius Aedilis pe-
tet, uel omneis reddito, ego ad te alia epistola scripsi de HSCX quæ Statio curarētur. si ergo petet Fadius, ei uo-
lo reddi: præter Fadiū, nemini. apud me itē puto depo-
sitū. id scripsi ad Erotē, ut redderet. Reginā odi. me iure
facere scit. sponsor promissorum eius Ammonius: quæ
quidē erant φιλόλογα, & dignitatis meæ, ut uel in con-
tione diceret auderē. Sarā autē præterquam q̄ nefariū
hominē cognoui, præterea in me cōtumacē. semel eū om-
nino domi meæ uidi. cū φιλοφρόνων ex eo quærerē, quid
opus esset. Atticū se dixit quærerere. superbi. autē ipsius
Reginæ, cū esset trans Tyberim in hortis, cōmemorare
sine magno dolore nō possum. nihil igitur cū istis, nec

tam animū me, q̄ stomachū non habere arbitrantur.

Profectionem meam, ut uideo, Erotis dispensatio im-
pedit: nam cum ex reliquis, quæ Nonis Apr. fecit, abunda-
re debeam; cogor mutuari; quodq; ex istis fructuosus re-
bus receptū est, id ego ad illud fanū sepositū putabā.
sed hæc Tiboni mādaui, quē ob eā cām Romā misi. te
nolui impeditū impedire. Cicero noster quo modestior
est, eo me magis cōmouet: ad me enim de hac re nihil
scripsit, ad quē nimirū potissimū debuit: scripsit hoc au-
tem ad Tironem, sibi post Cal. Apr. (sic. n. annum tem-
pus confici) nihil datū esse, tibi pro tua natura semper
placuisse, teq; existimasse id etiam ad dignitatem meā
pertinere, eum non modo liberaliter à nobis, sed etiā or-
nate, cumulateq; tractari. quare uelim cures (nec tibi
essem molestus, si per alium hoc agere possem) ut per-
mutetur Athenas, quod sit in annum sumptū. Et scī-
licet Eros numerabit: eius rei causa Tironē misi. cura-
bis igitur, et ad me, si quid tibi de eo uidebitur, scribes.

CICERO ATTICO S.

TANDEM à Cicerone tabellarius: et mehercu-
le literæ πεπισμύενος scriptæ, qđ ipsum προκοπῶν aliquā
significaret. itemq; ceteri præclara scribunt. Leonides
tamen retinet suum illud ADHVC. summis uero
laudibus Herodes. quid quæris? uel uerba mihi dari fa-
cile patior in hoc, meq; libenter præbeo credulū. tu ue-
lim, si quid tibi est à tuis scriptū, quod pertineat ad me,
certiorē me facias. Narro tibi: hæc loca uenusta sunt,
abditæ certe, et, si quid scribere uelis, ab arbitris libera:
sed nescio quo modo οἷον φίλον: itaq; me referūt pe-

des in Tusculanum: & tamen hæc ἑωπώγραφία ripulæ uidetur habitura celerem satietatem. equidem etiam pluuias metuo, si prognostica nostra uera sunt: ranæ enim ἑντορεῖσθουσιν. tu, quæso, fac sciam, ubi Brutum nostrum, & quo die uidere possim. Vale.

CICERO ATTICO S.

D V A S accepi postridie Idus, alterum eo die datâ, alteram Idibus. prius igitur superiori. De Bruto, cum scies. De Consulibus ficto timore cognoueram: Sica. n. φιλοσόφως ille quidem, sed tumultuosius ad me etiâ illam suspicionem pertulit. quid tu autem, τὰ πλεῖστα δὲ οὐ μενᾶ? nullū. n. uerbum à Siregio. non placet. De Plestorio uicino tuo, permolestè tuli, quinquā prius audis se, quā me. De Siro prudenter. L. Antoniū per Marcum fratrem, ut arbitror, facillime deterrebis auctoritate, uel ui: sed non dum acceperas literas: nec cuiquā, nisi L. Fadio Aedili: aliter enim nec caute, nec iure fieri potest. Quod scribis tibi deesse HS C, quæ Ciceroni curata sint: uelim ab Erote quæras, ubi merces insularū. Arabionī de Sicio nihil irascor. ego de itinere, nisi explicato A, nihil cogito. quod idem tibi uideri puto. habes ad superiorem: nunc audi ad alteram. Tu uero facis, ut omnia, q̄ Seruiliæ non dees, id est Bruto. De Regina gaudeo te non laborare, certe etiâ tibi probari. Erotis rationes & ex Tirone cognoui, et uocaui ipsum. Gratissimum, q̄ polliceris Ciceroni nihil defuturum. de quo mirabilia Messalla, qui Lanuuiō rediens ab illis uenit ad me. et mehercule ipsius literæ sic et φιλοσόφως, & πινῶς scriptæ, ut eas uel in acroasi audeam legere:

quo magis illi indulgendum puto. De Buciliano Sestium puto non moleste ferre. Ego, si Tiro ad me, cogito in Tusculanum. tu uero, quidquid erit, quod me scire par sit, statim. Vale.

CICERO BRUTO S.

XVII. Cal. etsi satis uidebar scripsisse ad te, quid mihi opus sit; & quid te facere uellem, si tibi commodum esset: tamen cum profectus essem, et in lacu nauigare, Tironem statui ad te esse mittendū, ut ijs negotijs, quæ agerentur, interesset. atq; etiam scripsi ad Dolabellam, me, si ei uideretur, uelle proficisci: petijq; ab eo de mulis uecturæ itineris. ut in eis, cū intelligo te distentissimū esse quā de Buthrotijs, quā de Bruto, cuius etiā ludorum suorum curam, etiam administrationē suspicor ex magna parte ad te pertinere: ut ergo in eiusmodi re, tribues nobis paulū operæ: nec. n. multū opus est. mihi res ad cadē, & eam quidem propinquā spectare uidetur. uides homines. uides arma. prorsus non mihi uideor esse tutus. si tu aliter sentis, uelim ad me scribas: domi. n. manere, si recte possum, multo malo. Vale.

CICERO ATTICO S.

QVIDNAM est, quod audendū amplius de Buthrotijs? steterisse. n. te frustra scribis. quid autem se refert Brutus? doleo mehercule te tā esse detentū. quod decem hominibus referendum est acceptū, est illud quidem ἐγὼ δέω, sed ἀνέκτων, mihiq; gratissimum. De armis, nihil uidi apertius. fugiamus igitur: & ut ais, corām. Theophanes quid uelit, nescio: scripserat enim

LIB. XV. EPIST.

ad me. cui rescripsi, ut potui. mihi autem scribit, uenire ad me se uelle, ut & de suis rebus, & quædam, quæ ad me pertineret. tuas literas expecto. uide quæso, ne quid temere fiat. Statius scripsit ad me, locutum secum esse Q. Ciceronem ualde asseueranter, se hæc ferre nō posse, certum sibi esse ad Brutum, & Cassium transire. hoc enim uero nunc discere aueo. hoc, ego, quid sit, interpretari non possum. potest aliquid iratus Antonio: potest gloriam nouam quærere: potest totum esse $\sigma\chi\epsilon\iota\varsigma$ & $\delta\iota\alpha\sigma\tau\alpha$: & nimirū ita est. sed tamen & ego uereor, et pater conturbatus est: scit enim, quæ ille de hoc. mecum quidem $\alpha\phi\alpha\tau\alpha$. nolim. plane, quid uelit, nescio. A Dolabella mandata habebo, quæ mihi uidebuntur, id est nihil. Dic mihi, C. Antonius uoluit ne fieri Septemuir? fuit certe dignus. De Menedemo est, ut scribis. facies omnia mihi nota.

Vale.

CICERO ATTICO S.

EGI gratias Vecteno: nihil enim potuit humanius. Dolabellæ mandata sint quælibet, modo aliqd, uel quod Nicie nunciem: quis enim hæc, ut scribis ante? ne nunc dubitare quæquā prudentē, quin meus discessus desperationis sit, nō legationis? Quod ais, extrema quædam iam homines de Rep. loqui, & eos quidem uiros bonos: ego, quo die audiri illum tyrānum in concione clarissimū uirū appellari, subdiffidere cœpi: postea uero quā tecū Lanuuij uidi nostros tantū spei habere ad uiuendum, quantum acceperant ab Antonio, desperaui. itaq; mi Attice fortiter hoc uelim accipias, ut ego scribo. genus illud interitus, quo casurus es, fœdū du-

ces, & quasi denunciātū nobis ab Antonio. ex hac nasci
sa exire constitui, nō ad fugam, sed ad spem mortis me
lioris. hæc omnis culpa Bruti. Pompeium Cartheiæ
receptum scribis. iam igitur contra hunc exercitum.
utra ergo castra? media enim tollit Antonius. illa in=
firma, hæc nefaria. properemus igitur. sed iuuā me con=
silio, Brundisio ne, an Puteolis. Brutus quidem subito:
sed sapienter. πᾶσιν ὅτι: quando enim illum? sed hu=
mana ferenda. tu ipse eum uidere non potes. Dij illi
mortuo, qui unquam Buthrotum. sed acta missa. ui=
deamus, quæ agēda sint. rationes Erotis, & si ipsum nō
dum uidi, tamen & ex literis eius, & ex eo, quod Tiro
cognouit, propemodum cognitas habeo. uersurā scri=
bis esse faciendam mensium quinque, id est ad Cal.
Nov. HS C C: in eam diem cadere numos, qui à Quin=
to debentur. uelim igitur, quoniam Tiro negat tibi pla=
cere me eius rei causa Romam uenire; si te ea res nihil
offendet, uideas, unde numi sint, mihi feras expensum.
hoc uideo in præsentia opus esse. reliqua diligentius ex
hoc ipso exquiram, in his, de mercedibus dotalium præ=
diorum: quæ si fideliter Ciceroni curabuntur, quāquā
uolo laxius, tamen ei propemodum nihil deerit. equi=
dem uideo mihi quoq; opus esse uaticum: sed id ex
prædijs, ut cadet, ita soluetur: mihi autem opus est uni=
uerso quidē. & si mihi uidetur iste, qui umbras timet,
ad cædem spectare: tamen, nisi explicata solutione, non
sum discessurus. sit ne autem excitata, nec ne, tecum co=
gnoscam. hanc putauī mea manu scribendam: itaque
feci. De Fadio, ut scribis: utique alij nemini. rescri=
bas uelim hodie.

Vale.

II iij

LIB. XV. EPIST.

CICERO ATTICO S.

NARRO tibi: Quintus pater exultat letitia: scripsit. n. filius, se idcirco profugere ad Brutum uoluisse, q. cum sibi negotiū daret Antonius, ut eum Dictatorem efficeret, praesidium occuparet, id recusasset: recusasse autem se, ne patris animum offenderet: ex eo sibi illū hostem. tum me, inquit, collegi, uerens, ne quid mihi ille iratus tibi noceret: itaque eum placavi. & quidem CCC certa, reliqua in spe. scribit autem Statius illum cum patre habitare uelle. hoc uero mirum: & id gaudet. quem tu illo certiore nebulonem? ἐποχὴν uestram de re Cani deliberationis probo. nihil eram suspectus de tabulis: ἀνεργάως restitutam arbitrabar. Quae differs, ut mecum coram: expectabo. tabellarios, quoad uoles, tenebis: es enim occupatus. Quod Xenonem, probe. Quod scribo, cum absoluerō. Quinto scripsisti, te ad eum literas. nemo attulerat. Tiro negat iā tibi placere Brundisium, & quidem dicere aliquid de militibus. at ego iam destinaram Hydruntē quidem. mouebant me tuæ quinq; horæ. hic autē quātus πλοῦς sed uidebimus. Nullas à te X I. Cal. quippe: quid enim iam noui? cum primum igitur poteris, uenies. ego propero, ne ante Sextus: quem aduentare aiunt. Vale.

CICERO ATTICO S.

GRATVLOR nobis Quintū filiū exiisse: molestus non erit. Pansam bene loqui credo; semper enim coniunctum esse cum Hircio scio: amicissimum Bruto, & Cassio puto, si expediet: sed quando illos uidebit?

inimicum Antonio,quādo,aut cur? quousq; ludemur?
Ego autem scripsi Sextum aduentare, non quo iam ad
esset, sed quia certe id agere, ab armisq; nullus discede
ret. certe, si pergit, bellum paratum est. hic autem no-
ster Cyterius, nisi uictorem, neminem uicturum. quid
ad hęc Pansa? utro erit, si bellum erit; quod uidetur
fore? sed & hęc, & alia corā m, hodie quidem, ut scri-
bis, aut cras. Vale.

CICERO BRUTO S.

MIRIFICE torqueor, sine dolore tamen: sed per
multa mihi de nostro itinere in utrāq; partē occurrūt.
quousque, inquires? quoad erit integrum: erit autē usq;
dum ad nauem. Pansa si rescripserit, & meā tibi, &
illius epistolā mittam. Siliū expectabā: cui ὑπομνημα
cōpositum, si quid noui. ego literas misi ad Brutū: cui-
us de itinere etiā ex te uelim, si quid scies, cognoscere.

CICERO ATTICO S.

TABELLARIVS, quem ad Brutum miserā, ex
itinere redijt VII. Cal. ei Seruilia dixit, eo die Brutum
Puteolis profectū. sanē dolui meas redditas non esse.
Silius ad me non uenerat. causam composui. eum libel-
lum tibi misi. te quo die expectem, uelim scire.

CICERO ATTICO S.

DE MEO itinere uariae sententiae: multi enim ad
me. sed tu incumbe quāso in eam carā. magna res est.
an probas, si ad Cal. Ian. cogitamus? meus animus est
* æquus, sic tamen, ut si nihil offensionis sit, & tu etiam

LIB. XV. EPIST.

* scribe, quo die Olympia cum mysteria scilicet, ut tu scires, casus consilium nostri itineris indicabit. dubitemus igitur. hyberna enim navigatio odiosa, eoq; ex te quaesieram mysteriorum diem. Brutum, ut scribis, visum iri à me puto. ego hinc uolo prid. Cal. Vale.

CICERO ATTICO S.

DE Quinti negotio uideo à te omnia facta. ille tamē dolet, dubitās utrū morem gerat Leptæ, an fidē infirmet Silio mandibili. L. Pisonē uellem exire legatum. *Ἰσοδοῦς* S. C. uelim scire, quid sit Tabellarius ille, quem tibi dixerā à me ad Brutū esse missum in Anagninū, ad me uenit ea nocte, quæ proxima ante Cal. fuit, literasq; ad me attulit, in quibus unū alienū summa sua prudentia, ut spectem ludos suos. rescripsi scilicet, primū me iam profectum, ut nō integrum sit: dein *ἀποπώτατον* esse, me, qui Romam omnino post hæc arma non accesserim, neq; id tam periculi mei causa fecerim, quā dignitatis, subito ad ludos uenire: tali. n. tēpore ludos facere illi honestum est, cui nō necesse est spectare: mihi ut nō est necesse, sic nec honestum est. equidem illos celebrari, & esse quamgratissimos mirabiliter cupio: idq; ita futurum esse confido: & tecū ago, ut iam ab ipsa commissione ad me, quemadmodū accipiantur, deinde omnino reliquorum dies singulos persequare. sed de ludis hætenus. Reliqua pars epistolæ: illa nanq; in utranque. sed tamen non nullos interdū iacit igniculos uirileis. quod, quale uideretur, ut posses interpretari, misi ad te exemplum epistolæ. quāquā mihi tabellarius noster dixerat, tibi quoque se attulisse

literas à Bruto, easq; à Tusculano esse delatas. Ego itinera sic composueram, ut Non. Quint. Puteolis essem: ualde enim festino, ita tamen, ut, quantum homo possit, quamcautissime nauigem. M. Aelium cura libera. ei sine paucos specus in extrmo fundo, & eos quidem subterraneos, seruitutis apud Talnæ quid habituros: id me iam iam nolle, neq; mihi quidquam esse tanti. sed, ut mihi dicebas, quālenissime, potius ut cura liberetur, quā ut me succensere aliquid suspicetur. Item de illo Tulliano, cupide libero: cum Caselio loquare. parua res est: sed tu bene attēdisti nimis callide agebatur. ego autē, si mihi imposuisset aliquid, quod penē fecit, nisi tua malitia affuisset; animo iniquo tulissem. itaque, ut erit, rem impediri malo. octauam partem Tullij luminarium in ædium ad strane meminere. cui Cerelia uideris mancipio dare ad eam summam, quæ sub præcone fuit maxima. id opinor esse CCCCLXXX. noui si quid erit, atq; etiam si quid prospicies, quod futurum putes, scribas ad me quamsepissime uelim. Varroni, quemadmodum tibi mandauim, meminere excusare tarditatem literarum mearum. Mundus istum. M. Ennius quid egerit de testamento, curiosius facias me uelim certiozem. Ex Arpinati, VI. Non. Vale.

CICERO ATTICO. S.

GAVDEO id te mihi suadere, quod ego mea sponte pridie fecerā: nam cum ad te VI. Non. darem, eidem tabellario dedi etiam ad Sestiū scriptas πέντε φιλοσόφως.

Ille autem, q̄ Puteolos prosequitur, humane: quod queritur, iniuste: non enim ego tam illum expectas

LIB. XV. EPIST.

re, cum de Cossano rediret, debui, quàm ille aut nō ire ante, quàm me uidisset, aut citius reuerti: sciebat etiam me celeriter uelle proficisci, se seq; ad me in Tusculanū scripserat esse uenturum. Te, ut à me discesseris, lacrymasse, moleste ferebam. quod si me præsente fecisses, cōfiliū totius itineris fortasse mutassem. sed illud præclare, q̄ te consolata est spes breui tempore congregiendi: quæ quidem expectatio me maxime sustētat. meæ tibi literæ nō deerunt. De Bruto scribam ad te omnia. Librum tibi celeriter mittam de gloria. excudam aliquid ἡρακλέειον, quod lateat in thesauris tuis. De Planco, memini. Attica iure queritur. Quòd me de Bacchi, de statuarū coronis certiolem fecisti, ualde gratum: nec quidquam posthac non modo tantum, sed ne tantulum quidem præterieris. Et de Herode, & Metio meminero, & de omnibus, quæ te uelle suspicor. modo turpem sororis tuæ filium, cum hæc scriberem. aduentabat autem βουλίστα cœnantibus nobis. Vale.

CICERO ATTICO S.

E GO, ut ad te pridie scripserā, Nonis constituerā uenire in Tusculanū. ibi igitur quotidie tuas literas expectabo, et maxime de ludis: de quibus etiā ad Brutum tibi scribēdū est: cuius epistolæ, quā interpretari ipse uix poterā, exēplū pridie tibi miserā. Atticæ meæ uelim me ita excuses, ut omnē culpā in te trāsferas, et ei tamē cōfirmes, me minime totū amorē eò mecum abstulisse.

CICERO ATTICO S.

BRUTI ad te epistolā misi. Dī boni, quāta ἀμνησ-

viā cognosces, cum legeris. De celebratione ludorum, tibi assentior. Ad M. Aelium nullus tu quidem domū, sed sicubi inciderit, de Tulliano semisse, M. Axianū adhibebis, ut scribis. Quod cum Cosiano egisti optime. Quod nō solum mea, uerum etiam tua expedis, gratū.

Legationem probari meam gaudeo. Quod promittis, Dii faxint: quid enim mihi, meis iucundius? sed istam, quam tu excipis, metuo. Brutum cum conuenero, perscribam omnia. De Planco, & Decimo, sanē uelim Sextum scutum abijcere. De Mundo, si quid scies, rescripsi ad omnia. nunc nostra accipe. Quintus filius usque Puteolos: mirus ciuis, ut tu Fauonium, Asinium dicas: & quidem duas ob causas, & ut mecū, et ὡς αὐτὸς αὐτὸς uult cum Bruto, & Cassio. sed tu quid ais? scio enim te familiarem esse Othonum. ait hic sibi Iuliam ferre: constitutum enim esse dissidium. quæsiuit ex me pater, qualis esset fama. dixi, sanē nihil me audisse, (nesciebam enim cur quæreret) nisi de ore, et patre. sed cur tu, inquam? at ille, filium uelle. tum ego, et si ἐβουλόμην, tamen negaui. putauī illa esse uera: σκοπὸς hoc est enim huic nostro, nihil præbere. illa autem οὐ παρὰ τοῦτο. ego tamen suspicor hunc, ut solet, hallucinari. sed uelim quæras, (facile autem potes) & me certiore. Obsecro te, quid est hoc? signata iam epistola, Formiani, qui apud me cœnabant, Plancū se dicebant, hunc Buthrotium, pridie, quā hoc scribebā, id est III. Nonarum, uidisse demissum, sine phaleris; seruulos autē dicere, eum, & agripetas eiektos à Buthrotijs. maecte. sed, amabo te, perscribe mihi totum negotium. Vale.

M. TVLLII CICERONIS EPISTOLA-
RVM AD T. POMPONIVM AT-
TICVM LIBER XVI.

CICERO ATTICO S.

ONIS Quint. ueni in Puteolanum
iens ad Brutum. in Neside hæc scripsi.
N sed eo die, quo ueneram coenanti Eros
tuas literas. Ita ne? Nonis Iulij & me-
hercule istis. sed stomachari totū diē
licet: quidquā ne turpius, quā Bruto Iulij? redeo ad
* meū igitur, ^{ἐλθόμεν.} nihil uidi. sed quid est quaeso, quod
agripetas Buthroti concisos audio? quid autem Plancus
tam cursim? ita enim meditabar diem, & noctē. sanē
cupio scire, quid sit. Meam profectiōem laudari gau-
deo, Dymæos agro pulsos, mare infestū habere, nil mi-
rum. uidendum est, ut mansio laudetur. ^{ἐν ὁμοπλίᾳ} Bru-
ti uidetur aliquid praesidij eē: sed opinor minuta nauis-
gia. sed iam sciam, & ad te cras. De Ventidio, <sup>παυ-
κὸν</sup> puto. De Sexto pro certo habebatur, ad arma quod
si uerum est, sine bello civili uideo seruiendum. quid er-
go? Calendis Ianuarij in Pansa spes. ^{ἀπὸ πολλῶν} in ui-
no & in somno istorum. De CCCX, optime. Ciceronis
* rationes explicentur. Obuius. n. recessis multa, quæ uel-
lem: in his, ne hoc quidem malū, in mandatis sat abun-
de: HS LXXII satis esse, affatim prorsus, sed Xeno-
nem perexigue, et ^{πλὴν} χεῖρας præbere, id est minutatim.
quo plus permutasti, quā ad fructum insularum, id
ille annus habeat, in quē itineris sumptus accessit. hinc
ex Cal. Apr. Ad HS LXXX accommodetur, nunc enim

insulæ tantum: uidendū enim est, quid, cū Romæ erit: non enim puto socrum illam ferendam. Pindaro Decumano negaram. Nunc, cuius rei causa tabellarium miserim, accipe. Quintus filius mihi pollicetur se Catonem. egit autem & pater, & filius, ut tibi sponderē, sed ita, ut tum crederes, cum ipse cognosces. huic ego literas ipsius arbitrati dabo: eā te ne mouerint. has scripsi in eam partem, ne me motum putares. Diī faxint, ut faciat ea, quæ promittit: commune enim gaudiū: sed ego nihil dico amplius. is hinc VII. Idus: ait enim attributionem in Idus, se autem urgeri acriter. tu ex meis literis, quomodo respondeas, meditabere. Plura, cum & Brutum uidero, & Erotem remittam. Atticæ meæ excusationem accipio, eamq; amo plurimum: cui, & Piliæ salutem. Vale.

CICERO ATTICO S.

VI. Idus duas epistolas accepi, unā à meo tabellario, alteram Bruti. De Buthrotijs longe alia fama in his locis fuerat: sed cum alijs multis hoc ferendum. Erotem remisi citius, quàm constituerā, ut esset cū Hortensio, & quia equitibus quidē ait se Idibus cōstituisse. Hortensius uero impudenter: nihil. n. debetur ei, nisi ex tertia pensione, quæ est Cal. Sext. ex qua pensione ipsa minor pars est ei soluta aliquando ante diem. sed hæc Eros uidebit. De Publilio autem, q̄ perscribi oportet, moram non puto esse faciendam. sed cū uideas, quantū de iure nostro decesserimus, quī de residuis CCCC HS CC præsentia soluerimus, reliqua perscribamus; loqui cum eo, si tibi uidebitur, poteris, cum commodum no-

L I B. XVI. E P I S T.

strum expectare debere, cum tanta sit à nobis iactura
facta iuris. sed amabo te mi Attice (uides ne quàm blā
de?) omnia nostra, quoad eris Romæ, ita gerito, rogito,
gubernato, ut nihil à me expectes: quanquā enim re-
liqua satis apta sint ad soluendum; tamen fit sæpe, ut
ijs, qui debent, non respōdeant ad tēpus. si quid eiusmo-
di acciderit, ne quid tibi sit fama mea potius. nō modo
uersura, uerum etiam uenditione, si ita res coget, nos
uindicabis. Bruto tuæ literæ gratae erant: fui. n. apud il-
lum multas horas in Neside, cū paulo ante tuas literas
accepissem. delectari mihi Tereo uidebatur, & habere
maiores Accio, quàm Antonio gratiam. mihi autē quo-
latiora sunt, eo plus stomachi, & molestiae est, populum
R. manus suas non in defendenda Rep. sed in plauden-
do cosumere. mihi quidem uidentur istorum animi in-
cendi etiam ad representandā improbitatem suā. sed
tamen, dū modo doleant aliquid, doleāt quidlibet. Con-
siliū meum q̄ ais quotidie magis laudari, nō moleste
fero, expectabamq̄; , si quid de eo ad me scriberes: ego
enim in uarios sermones incidebam: quin etiā idcirco
trahebam, ut quādiutissime integrū esset. sed quoniā
euro uilla extrudimur, Brundisium cogito: facilius. n.
& exploratio deuitatio legionum fore uidetur, quàm
piratarū, qui apparere dicuntur. Sestius VI. Id. expecta-
batur, sed non uenerat, quod sciam. Cassius cum clas-
sica sua uenerat, ego, cum eum uidissem V. Calendas,
in Pōpeianum cogitabā, inde Aculanum. nosti reliqua,
De Tutia ita putaram. De C. Metio non credo, nec ta-
men curo plus, quàm tu. Planco, & Oppio scripsi equi-
dem, quoniam rogaras: sed, si tibi uidebitur, ne necesse
habueris

habueris reddere: cum enim tua causa fecerint omnia,
 uereor, ne meas literas superuacaneas arbitrentur. Op-
 pio quidem utique: quem tibi amiciissimum cognoui:
 uerum, ut uoles tu. Quoniam scribis hiematurum te in
 Epeiro, feceris mihi gratum, si ante eò ueneris, quàm
 mihi in Italiam te auctore ueniendum est. literas ad
 me quamsepiissime, sed de rebus minus necessarijs aliquè
 naetus: sin autem erit quid maius, domo mittito.
 Ησακλέειον, si Brundisium salui, adoriemur. de glo-
 ria misi tibi: custodies igitur, ut soles: sed notentur eclo-
 garij: quos Saluius, bonos auditores naetus, in conuiui-
 duntaxat legat. mihi ualde placent: mallet tibi.
 Etiam atque etiam uale.

CICERO ATTICO S.

TV VERO sapienter: nunc demum enim res
 scribo ijs literis, quas mihi misisti conuento Antonio Ti-
 buri: sapienter igitur, quòd manus dedisti, quodq; etiam
 ultro gratias existi. certe enim, ut scribis, deseremur ocys
 à rep. quàm à re familiari. quòd uero scribis te magis
 delectari O' TITE, SI QUID EGO: addis mi-
 hi scribendi alacritatem. Quòd Erotem non sine mu-
 nusculo expectare dicis, gaudeo non fefellisse eam rem
 opinionem tuam. sed tamen idem σῶταγμα misi ad te
 retractatius, et quidem ἀχέτυπον ipsum, crebris locis in-
 culcatum, & refectum. hunc tu tralatam in macrocolū
 lege arcano conuiuis tuis, sed, si me amas, hilaris, & be-
 ne acceptis, ne in me stomachum erumpant, cum sint ti-
 bi irati. De Cicerone, uelim ita sit, ut audiuius.
 De Xenone, coràm cognoscam: quanquā nihil ab eo ar-

K K

LIB. XVI. EPIST.

bitror neque indiligenter, neque illiberaliter. De Hero-
de faciam, ut mandas, & ea, quæ scribis, ex Saufeio, &
è Xenone cognoscam. De Quinto filio, gaudeo tibi
meas literas prius à tabellario meo, quàm ab ipso reddi-
tas. quanquam te nihil fefellisset. ueruntamen. sed ex-
pecto, quid ille tecum, quid tu uicissim: nec dubito, quin
suo more uterque. sed eas literas Curium mihi spero red-
diturum: qui quidem & si per se est amabilis, à meq; di-
ligitur, tamen accedet magnus cumulus commendatio-
nis tuæ. Literis tuis satis responsum est. nunc audi,
quod, etsi intelligo scribi necesse non esse, scribo tamen.

Multa me mouent in discessu, in primis mehercule,
quòd disiungor à te. mouet etiam navigationis labor,
alienus non ab ætate solum nostra, uerum etiam à di-
gnitate; tempusq; discessus subabsurdum: relinquimus
enim pacem, ut ad bellum reuertamur; quodq; tempo-
ris in prædiolis nostris & belle ædificatis, & satis amœ-
nis consumi potuit, in peregrinatione consumimus. conso-
lantur hæc, aut proderimus aliquid Ciceroni: aut, quan-
tum profici possit, iudicabimus. deinde tu iam, ut spero,
& ut promittis, aderis. quod quidem si acciderit, omnia
nobis erunt meliora. maxime autem me angit ratio reli-
quorū meorum. quæ quanquam explicata sunt, tamen,
quòd & Dolabellæ nomen in ijs est, & attributio est mi-
hi nominū ignota, cōturbor, nec ulla res magis angit ex
omnibus. itaque non mihi uideor errasse, quòd ad Balbū
scripsi aperiū, ut, si quid tale accidisset, ut non concurre-
rent nomina, subueniret: meq; tibi etiam mandasse, ut,
si quid eiusmodi accidisset, cum eo cōmunicares. quod fa-
cias, si tibi uidebitur, eoq; magis, si proficisceris in Epei-

rum. Hec ego conscendens è Pompeiano tribus aetna-
riolis decemscalmis. Brutus erat in Neside etiam nunc,
Neapoli Cassius. Ecquid amas Deiotarum? & non amas
Eram? qui, ut Blesamius uenit ad me, cum ei præscri-
ptū esset, ne quid sine Sestij nostri sententia ageret, neque
ad illum, neque ad quenquam nostrum retulit. Atticam
nostram cupio suauari: ita mihi dulcis salus uisa est
per te missa ab illa. referes igitur ei plurimam, itemq;
Piliæ dicas uelim. Vale.

CICERO ATTICO S.

ITA ut heri tibi narraui, uel fortasse hodie, Quina-
tus enim altero die se aiebat. in Nesida VIII. Idus. ibi
Brutus. quàm ille doluit de Nonis Iulijs: mirifice est cō-
turbatus: itaque sese scripturū aiebat, ut uenationē etiā,
quæ postridie ludos Apollinares futura est, proscriberent,
III. Idus Quintileis. Libo interuenit. is Philonem Pōpeij
libertū, & Hilarū suum uenisse à Sexto cum literis ad
Consules, sine quo alio nomine sunt. earum exemplum
nobis legit, si quid uideretur. pauca παρὰ λέξις: cætero=
qui & satis grauiter, & non contumaciter. tantum ad-
di placuit, quod erat, COSS. solū, ut esset, PRAETT.
TRIBB. PL. SENATVI; ne illi non proferrent
eas, quæ ad ipsos missæ essent. Sextum autem nuncia-
uit cum una solum legione fuisse Carthagine, eiq; eo ip-
so die, quo oppidum Boream cepisset, nunciatum esse
de Casare: capto oppido, miram latitiam, commuta-
tionemq; animorum, concursumq; undique, sed illum
ad sex legiones, quas in ulteriore reliquisset, reuertisse.
ad ipsum autem Libonem scripsit, nihil esse, nisi ad

LIB. XVI. EPIST.

larem suum liceret. summa postulatorum, ut omnes exercitus dimittatur, qui ubique sint. hæc ferè de Sexto. De Buthrotijs undique quarens nihil reperiebã. alij, concisos agripetas: alij, Plancum, acceptis numis, reli-
etis illis, aufugisse. itaque non uideo sciturum me, quid eius sit, ni statim aliquid literarum. Iter illud Brundisium, de quo dubitabam, sublatum uidetur: legiones enim aduentare dicuntur: hæc autem nauigatio habet quasdam suspensiones periculi: itaque constituebam uti ὁ μὲν πλοῖα. paratiorem offendi Brutum, quàm audiebã: nam & ipse Domitius bona plane habet dicota, suntq; nauigia præterea luculenta Sestij, Buciliani, cæterorum: nã Cassij classem, quæ plane bella est, non numero, ultra fretum. illud est mihi submolestum, quoddam parum Brutus properare uidetur. primum confectorum ludorum nuntios expectat: deinde, quantum intelligo, tarde est nauigaturus, consistens in locis pluribus. tamen arbitror esse commodius tarde nauigare, quàm omnino non nauigare. etsi, cum processerimus exploratiora uidebuntur, & testis utemur. Tuas iam literas Brutus expectabat: cui quidem ego non nouum attuleram de Tereio Accij. ille Brutum putabat. sed tamen rumoris nescio quid afflauerat, cõmissione Græcorum frequentiam non fuisse: quæ quidem me minime fefellit: scis enim, quid ego de Græcis ludis existimem. nunc audi quod pluris est, quàm omnia. Quintus fuit mecum dies cõplures: & si ego cuperem, ille uel plures fuisset: sed, quantum fuit, incredibile est, quàm me in omni genere delectarit, in eoq; maxime, in quo minime satisfaciebat: sic enim commutatus est totus & scriptis meis quibus-

dam, quæ in manibus habebam, & assiduitate orationis, & præceptis, ut tali animo in Rēp. quali nos uolumus, futurus sit. hoc cum mihi non modo confirmasset, sed etiam persuasisset; egit mecum accurate multis uerbis, tibi ut sponderem, se dignum et te, & nobis futurum; neque se postulare, ut statim crederes, sed, cū ipse perspexisses, tum ut se amares. quod nisi fidem mihi fecisset, indicassemq; hoc, quod dico, firmū fore, non fecissem id, quod dicturus sum: duxi enim mecum adolescentē ad Brutū: sic ei probatum est quod ad te scribo, ut ipse crediderit, me sponsores accipere noluerit, eūq; laudans amicissime mentionem tui fecerit, complexus, osculatusq; dimiserit. quam ob rem etsi magis est, quod gratuler tibi, quàm quod te rogem, tamen etiam rogo, ut, si quæ minus antea propter infirmitatem ætatis constāter ab eo fieri uidebantur, ea indices illum abiecisse, mihiq; credas, multum allaturam, uel plurimum potius ad illius iudicium confirmandum auctoritatem tuam.

Bruto cum sæpe iniecissem de ὁμοπλαῖα, non perinde, atque ego putaram, arripere uisus est. existimabam μετεωρότερον esse: & hercule erat, & maxime de ludis. at mihi, cum ad uillam redissem, Cn. Luceius, qui multum utitur Bruto, narrauit, illum ualde morari, nō tergiuersantem, sed expectantem, si qui forte casus. itaque dubito, an Venusium tendam, & ibi expectem de legionibus: si aberunt, (ut quidam arbitrantur) Hydruntem: si neutrum erit ἀσφαλές, eodem reuertar. iocari me putas? moriar, si quisquam me tenet præter te: etenim circumspecte: sed ante erubescō. ò dies in auspicijs Lepi = di descriptos, & aptos ad consilium reditus nostri. ma =

LIB. XVI. EPIST.

gna ἵσταν ad proficiscendum tuis literis. atque utinam te illic : sed ut conducere putabis . Nepotis epistolam ex-
pecto . cupidus ille meorum ? qui ea , quibus maxime γαυριῶ , legenda non putet . & ais μετ' ἀμύμονα . tu ue-
ra ἀμύμων . ille quidem ἀμβροτῶ . Meorum epistola-
rum nulla est συναγωγή . sed habet Tiro instar septua-
ginta . & quidem sunt à te quædā sumendæ . eas ego ,
oportet , perspiciam , corrigam . tum denique edentur .

CICERO ATTICO S.

EGO adhuc (perueni enim Vibonem ad Sicā) magis
cōmode, quā strenue nauigauī : remis enim magnā par-
tem . prodromi nulli . illud satis opportune . duo sinus
fuerunt, quos tramitti oportet, Paestanus, & Vibonensis :
utrumque pedibus equis transmisimus . ueni igitur ad
Sicam octauo die è Pompeiano, cum unum diem Velie
constitissem, ubi quidem fui sanè libenter apud Talnam
nostrum, nec potui accipi , illo absente præsertim, libera-
lius . I X . Cal . igitur ad Sicam . ibi tanquam domi
meæ scilicet , itaque obduxi posterum diem . sed puta-
bam, cum Regium uenissem, fore, ut illic, ὁλοῖχον πλόον
ὁρμῶντες, cogitarem, corbita ne Patras, an actua-
riolis ad Leucopetram Tarentinorum , ast inde Corcy-
ram : & si oneraria, statim ne freto, an Syracusis . hac
super re scribam ad te Regio . mehercule mi Attice sæ-
pe mecum , ἢ ἂν ᾤδῃς σοι τι δύναται ; cur ego tecū
non sum ; cur ocellos Italiæ, uillulas meas nō uideo ? sed
id satis , superq̃ ; tecum me non esse fugientem pericu-
lum . nec id nunc quidem (nisi fallor) ullum est : ad

ipsum enim reuocat me auctoritas tua : scribis enim ,
in cœlum ferri profectionem meam , sed ita , si ante Cal.
Ian . redeam : quod quidem certe enitar : malo enim
uel cum timore domi esse , quàm sine timore Athenis
tuis . sed tamen prospice , quod ista uergant , mihiq ; aut
scribe , aut , quod multo malim , affer ipse . hac hæte-
nus . illud uelim in bonam partem accipias , me agere
tecum , quod tibi maiori curæ sciam esse , quàm ipsi mi-
hi . nomina mea per Deos expedi , exolue bella reliqui .
sed opus est diligentia , cohæredibus pro Cluuiano Cal.
Sext . persolutum ut sit cum Publilio quo modo agen-
dum sit , uidebis . non debet urgere quoniam iure non
utimur : sed tamen ei quoque satisfieri plane uolo .
Terentiæ uero quid ego dicam ? etiam ante diem , si pos-
tes . quin , si , ut spero , celeriter in Epeirum ; hoc , quod
satisfato debeo , peto à te , ut ante provideas , planeq ; ex-
pedias , & solutum relinquas . sed de his satis , metuôq ;
ne tu nimium putes . nunc negligentiam meam cogno-
sce . De gloria librum ad te misi : & in eo proœ-
mium id est , quod in Academico tertio . id euenit ob eâ-
rem , quod habeo uolumen proœmiorum : ex eo elige-
re soleo , cum aliquid *προεμια* institui . itaque iâ in
Tusculano , qui non meminisssem me abusum isto proœ-
mio , conieci id in eum librum , quem tibi misi . cum au-
tem in nauî legerem Academicos , agnouî erratum me-
um : itaque statim nouum proœmium exaravi , & ti-
bi misi . tu illud desecabis , & hoc agglutinabis .
Piliæ salutem dices , & Atticæ , delicijs , atque amo-
ribus meis .

Vale.

K K iij

LIB. XVI. EPIST.

CICERO ATTICO S.

VIII. id. Sext. cū à Leucopetra profectus (inde enim tramittebā) stadia circiter CCC processisse, reiectus sum austro uehementi ad eandem Leucopetram. ibi cū uentum expectarem (erat enim uilla Valerij nostri, ut familiariter essem, & libenter) Regini quidam illustres homines ed uenerunt, Roma sanè recentes, in ijs Bruti nostri hospes, qui Brutum Neapoli reliquisset. hæc afferebant, edictum Bruti, & Cassij, & fore frequentem senatum Calendis: à Bruto, Cassio literas missas ad consulares, & pratorios: ut adessent, rogare. summam spem nunciabant, fore, ut Antonius cederet, res conueniret, nostri Romam redirent. addebant etiam, me de siderari, subaccusari. quæ cum audissem, sine ulla dubitatione abieci consilium profectionis, quo mehercule ne antea quidem delectabar. lectis uero tuis literis admiratus equidem sum, te tam uehementer sententiam commutasse, sed non sine causa, arbitrabar. etsi, quamuis non fueris suator, & impulsor profectionis meæ, approbator certe fuisti, dummodo Cal. Ian. Romæ essem. ita fiebat, ut dum minus periculi uideretur, abessem, in flammam ipsam uenirem. sed hæc etiam si non prudenter, tamen ἀνεμείοντα sunt; primum, quod de mea sententia acta sunt: deinde, etiam si te auctore, quid debet, qui consilium dat, prestare præter fidem? illud admirari satis non potui, quod scripsisti his uerbis. BENE igitur tu, qui ὁ δὲ πατρίαν, bene relinquis patriam? An ego relinquebam? aut tibi tum relinquere uidebar, tu id non modo nō prohibebas, uerum etiam approbabas?

grauiora, quæ restant. VELIM σχόλιον aliquod eli-
 mes ad me, oportuisse te istuc facere. ita ne mi At-
 tice defensione eget meum factum, præsertim apud te,
 qui id mirabiliter approbasti? ego uero istum ἀπολογί-
 σμὸν συντάξομαι, sed ad eorum aliquem, quibus inuitis,
 & dissuadentibus profectus sum. etsi quid iam opus
 est σχολίου: si perseuerassem, opus fuisset. at hoc ipsum
 non constanter. nemo doctus unquam (multa autē de
 hoc genere scripta sunt) mutationem consilij, inconstan-
 tiam dixit esse. deinceps igitur hæc. N A M si à Phæ-
 dro nostro, expedita excusatio esset. nunc quid respon-
 demus? ergo id erat meum factum, quod Catoni pro-
 bare nō possim, flagitijs scilicet plenū, et dedecoris. uiti-
 nam à primo ita tibi esset uisum. tu mihi, sicut esse so-
 les fuisses Cato. Extremum illud uel molestissimum.
 N A M Brutus noster silet: hoc est, non audet hominē
 id ætatis monere. aliud nihil habeo, quod ex ijs à te uer-
 bis significari putem. & hercule ita est. nam X V I.
 Cal. Sept. cum uenissem Veliam, Brutus audiuit: erat
 enim cum suis nauibus apud Heletem fluiuium citra Ve-
 liam millia passuum I I I. pedibus ad me statim. Dij
 immortales, quā ualde ille reditu, uel potius reuersio-
 ne mea letatus: effudit illa omnia, quæ tacuerat: ut re-
 cordarer illud tuum. N A M Brutus noster silet.
 maxime autem dolebat, me Cal. Sext. in senatu nō fuis-
 se: Pisonem ferebat in cælum: se autem letari, quod
 effugissem duas maximas uituperationes, unam, quam
 itinere faciendo me intelligebam suscipere, desperationis,
 ac relictionis Reip. (flentes mecum uulgo querebātur,
 quibus de meo celeri reditu non probabam) alterā, de

LIB. XVI. EPIST.

qua Brutus, & qui undè erant (multi autem erant) læta-
bantur, quòd eam uituperationem effugissem, me exi-
stimari ad Olympia. hoc uero nihil turpius quoniam
Reip. tempore: sed hoc ἀναπολόγητον. ego uero austro
gratias miras, qui me à tanta infamia auerterit. reuer-
sionis has speciosas causas habes, iustas illas quidem, &
magnas, sed nulla iustior, quàm quòd tu idem alijs lite-
ris. PROVIDE, SI CUI QUOD DEBE-
TUR, VT SIT VNDE PAR PARI RE-
SPONDEATUR: MIRIFICA ENIM
ΔΥΞΡΗΣΤΙΑ EST PROPTER ME-
TVM ARMORVM. in freto medio hanc
epistolam legi, ut, quid possem providere, in mentē non
ueniret mihi, nisi q̄ præsens me ipse defenderē. sed hæc
hactenus. reliqua coram. Antonij edictū legi à Bruto,
et horū cōtra, scriptū præclare. sed quid ista edicta uide-
ant, aut quò spectent, plane nō uideo. nec ego nūc, ut
Brutus cēsebat, istuc ad Rēp. capeSSendā uenio: qd̄ .n. fie-
ri pōt? nū quis Pisoni est assensus? nū rediit ipse postri-
die? sed abesse hanc atq̄ lōge à sepulcro negāt oportere.
sed, obsecro te, qd̄ est quod audiui de Bruto? Piliā
περιέξειν παρὰ λόγον, te scripsisse aiebat. ualde sum
cōmotus. etsi idē, te scribere, sperare melius. ita plane ue-
lim: ei dicas plurimā salutē, et suauissimæ Atticæ. hæc
scripsi nauigans, cū Pōpeianū accederē, XIII. Cal.

CICERO ATTICO S.

CVM scia, quo die uēturus sim, facia, ut scias. impedi-
mēta expectāda sunt, quæ Anagnia ueniūt: & familia
agra est. Cal. uesperī literæ mihi ab Octauiano redditæ

sunt. magna molitur. ueteranos, quiqui Cassilini, et Calatiae sunt perduxit ad suā sententiā: nec mirū: quingenos denarios dat: cogitat reliquas colonias obire. plane hoc spectat, ut se duce bellū geratur cū Antonio. itaque uideo paucis diebus nos in armis fore. quē aut sequamur uide nomē: uide etatē. atq; à me postulat, primū ut clā colloquatur, uel Capuæ: puerile hoc qdē, si id putat clā fieri posse. docui literis, id nec opus esse, nec fieri posse. misit ad me Cecinā quēdā Volateranū familiare suū, qui hoc pertulit, Antoniū cū legione Alaudarū ad Urbē pergere, pecunias municipijs imperare, legionē sub signis ducere. cōsultabat, utrū Romā cū ∞∞∞ ueteranorū proficisceretur, an Capuā teneret, et Antonium uenientē excluderet, an iret ad treis legiones Macedonicas, q̄ iter secūdū mare superū faciunt, quas sperat suas esse. hēc cōgiariū ab Antonio accipere noluerūt, ut hic quidē narrat, et ei cōitiū grāde fecerūt cōcionatēq; reliquerūt. quid quæris? ducē se profitetur, nec nos sibi putat deesse oportere. equidē suasi, ut Romā pergeret: uidetur. n. mihi & plebeculā urbanā, et, si fidē fecerit, etiā bonos uiros secū habiturus: ò Brute ubi es? quātā ōkaiā amittis. non equidē hoc diuināui, sed aliquid tale putāui fore. nūc tuū consiliū exquiro. Romam'ne uenio, an hic maneo, an Arpinū? ἀσφαλῆαν habet is locus. fugiā Romā, ne desideremur, si quid actū uidebitur. hoc igitur explica. nunquam in maiore. ἀπογία fui. Vale.

CICERO ATTICO S.

BINAE mihi uno die literæ ab Octauio. nūc quidē, ut Romā statim ueniā; uelle se rem agere per senatum.

LIB. XVI. EPIST.

cui ego, non posse senatum ante Cal. Ian. quod quidem ita credo. ille autem addit consilio tuo. quid multa? ille urget: ego autem σκέπτομαι: non cōfido etati: ignoro, quo animo: nil sine Pansa tuo uolo: uereor, ne ualeat Antonius; nec à mari discedere libet: & me tuo, ne quæ ἀπιστία me absente. Varroni quidem displicet consilium pueri, mihi non. firmas copias habet: Brutum habere potest, & rem gerit palàm, centuriat Capuæ, dinumerat. iam, iamq; uideo bellum. ad hæc rescribe. tabellarium meum Calendis Roma profectum sine tuis literis miror. VI. Arpinum ueni, ad IIII in Sinuessanum. eodem die uulgo loquebantur, Antonium mansurum esse Casilini: itaque mutavi consilium: statueram enim rectà appia Romam. facile me ille esset assecutus: aiunt enim eum Casariana uti celeritate. uerti igitur me à Minturnis Arpinum uersus. constitueram, ut pridie Idus aut Aquini manerem, aut in Arcano. nunc mi Attice tota mente incumbere in hanc curā: magna enim res est. tria sunt autem, maneam ne Arpini, an propius accedam, an ueniam Romam. quod censueris, faciam: sed quamprimum auide expecto tuas literas. VI. Idus mane, in Sinuessano. Vale.

CICERO ATTICO S.

NONIS accepi à te duas epistolas: quarum alteram Cal. dederas, alteram pridie. igitur prius ad superiorem. Nostrum opus tibi probari lator. ex quo ante ipse posuisti, quæ mihi florentiora sunt uisa tuo iudicio: cerulas enim tuas miniatulas illas extimescebam. De Sica ita est, ut scribis. ast egre me tenui. itaque perstrin-

gam sine ulla contumelia Sicae, & Septimiae : tantum ,
 * ut sciant παῖδες παίδων sine uallo Luciliano, eum ex C.
 Fadij filia liberos habuisse. atque utinam eum diem ui-
 deam, cum ista oratio ita libere uagetur, ut etiam in Si-
 cae domum introeat. sed illo tempore opus est, quod fuit
 illis Triumuiris. moriar, nisi facete. tu uero leges Sex-
 to, eiusq; iudicium mihi perscribes. εἰς ἐμοὶ μῦθοι. Ca-
 leni interuentum, et Caluena cauebis. quod uereris, ne
 ἀδολέσχῃ : mihi tu ? quis minus ? cui, ut Aristophani
 iambus, sic epistola longissima quæque optima uidetur.

Quod me admones, tu uero etiam si reprehenderes,
 non modo facile paterer, sed etiam letarer, quippe cum
 in reprehensione est prudentia cum δὲ μενέει. ita liben-
 ter ea corrigam, quæ à te animaduersa sunt, eodem ius-
 re, quo Rubriana potius, quàm quo Scipionis: et de lau-
 dibus Dolabellæ deruam cumulum. attamen est isto
 loco bella, ut mihi uidetur, εἰς ῥονεία, quodd eum contra ci-
 ues in acie. illud etiam malo, indignius esse hunc uiue-
 re, quàm quod indignius. Πεπλογραφίαν Varronis
 tibi probari non moleste fero : à quo adhuc ἡρακλείδιον
 illud non abstuli. Quodd me hortaris ad scribendum,
 amice tu quidem, sed me scito agere nihil aliud. Gra-
 uedo tua mihi molesta est. quæso adhibe, quam soles,
 diligentiam. Ο' ΤΙΤΕ, tibi prodesse letor. Ana-
 gnini sunt Mustela ταξιάρχης, & Laco, qui plurimum
 bibit. Librum, quem rogas, perpoliam, & mittam.

Hæc ad posteriorem. τὰ περὶ τοῦ καθήκοντος, qua-
 tenus Panætius, absolui duobus : illius tres sunt. sed cū
 initio diuississet ita, tria genera exquirendi officij esse;
 unum, cum deliberamus, honestū, an turpe sit; alterum,

LIB. XVI. EPIST.

utile, an inutile; tertium, cum hæc inter se pugnare uideantur, quo modo iudicandum sit, qualis causa Reguli, redire honestum, manere utile: de duobus primis præclare differuit: de tertio pollicetur se deinceps scripturum, sed nihil scripsit. eum locum Posidonius persecutus. ego autem & eius librum accersivi, & ad Athendorum Caluum scripsi, ut ad me τὰ κεφάλαια mitteret: quem expecto: quem uelim cohortere, & roges, ut quæ primum: in eo est περὶ τοῦ κατὰ περιστάσιν καὶ δύναντο. quod de inscriptione quæris: non dubito, quin τὸ καὶ δύναντο officium sit, nisi quid tu aliud: sed inscriptio plenior, de officiis. προσφώνω autem Ciceroni filio. uisum est non ἀνοικεῖν. De Myrtilo dilucide. ὁ qualis tu semper istos. ita ne in D. Brutum de istis? ego me, ut scripseram, in Pompeianum non abdidi, primo tempestatibus, quibus nihil tetrius: deinde ab Octauio quotidie literæ, ut negotium susciperem, Capuam uenirem, iterum remp. seruarem, Romam utique statim: αὐτὸς δὲ ἐν μὲν ἀντιπαύσαι, δεῖσιν δ' ὑποδέχθαι. is tamen egit sanè strenue, & agit, Romam ueniet cum manu magna. sed est plane puer. putat senatum statim. quis ueniet? si uenerit, quis incertis rebus offendet Antonium? Calendis Ian. erit fortasse præsidio, aut quidem ante depugnabitur. puero municipia mire fauent: iter enim faciens in Samnium uenit Cales, mansit Theani. mirifica ἀπαύθησις, & cohortatio. hoc tu putares? ob hoc ego citius Romam, quàm constitueram. simul ac constituerem, scribam. etsi nondum stipulationes legeram: nec enim Eros uenerat: tamen rem pridie Idus uelim conficias. Epistolas Catinam, Taurómeniū, Syracusas cōmodius mittere po-

tero, si Valerius interpres ad me nomina gratiosorū scripserit: alij. n. sunt alijs, nostriq; familiares ferè demor-
tui. publice tamen scripsi, si uti uellet eis Valerius; aut
mihi nomina mitteret. De Lepidianis feris Balbus ad
me. Vsque ad III. Cal. expectabo tuas literas: meq; Tor-
* quati negociolo siturum puto. Quinti literas ad te misi,
ut scires, quàm ualde eum amaret, quem dolet à te mi-
nus amari. Atticæ, quoniam, quod optimum in pueris
est, hilarula est, meis uerbis suauium des. Vale.

CICERO ATTICO S.

OPPII epistolæ, quia perhumana erat, tibi misi ex-
emplum. De Ocella, dū tu muginaris, nec mihi quidquā
rescribis, cepi consilium domesticū: itaque me prid. Idus
arbitror Romæ futurum. commodius est uisum, fru-
stra me istic esse, cum id non necesse esset, quàm, si opus
esset, non adesse. & simul, ne intercluderer, metuebam:
ille enim iam aduentare potest: etsi uarij rumores, mula-
tiq; , quos cuperem ueros: nihil tamen certi. ego uero,
quidquid est, tecum potius, quàm animi pendeam, cum à
te absim, & de te, & de me. sed quid dicam? bonum
animum. De Ἡρακλεῶς Varronis, negotia salsa: me
quidem nihil unquam sic delectauit. sed hæc, & alia
maiora coràm. Vale.

CICERO ATTICO S.

O' CASVM mirificū. V. Idus cū ante lucē de Sī-
nueffano surrexissem, uenissēmq; diluculo ad Pōtem Ti-
retiū, qui est Minturnis, in quo flexus est ad iter Arpinas,
obuiā mihi fit tabellarius, qui me offendit δολιχὸν πλόον

LIB. XVI. EPIST.

ὁρμαίνοντα. ego statim, cedo, inquam, si quid ab Attico. nondum legere poteramus: nam & lumina dimiseramus, nec satis lucebat. cum autem luceret, ante scripta epistola ex duabus tuis prior mihi legi coepta est. illa omnium quidem elegantissima. ne sim saluus, si aliter scribo, ac sentio. nihil legi humanius. itaque ueniam, quod uocas, modo adiutore te. sed nihil tam ἀποροδίο- υντορ mihi primo uidebatur, quam ad eas literas, quibus ego à te consilium petieram, te mihi ista rescribere. ecce tibi altera, qua hortaris παρ' ἡμετέραν μίμναντα, νῦν σὸν ἀδελφόν, Appiam ἐν ἀγρίῳ ἔχοντα: itaque eo die mansi Aquini. longulum sanè iter, & uia inepta. inde postridie mane proficiscens, has literas dedi. & quidem, ut à me dimitterem inuitissimus, fecerunt Erotis literæ. rem tibi Tiro narrabit. tu, quid faciendum sit, uidebis: præterea, possim ne propius accedere (malo enim esse in Tusculano, aut uspiam in suburbano) an etiam longius discedendum putas. crebro ad me uelim scribas. erit autem quotidie, cui des. Quod præterea consulis, quid tibi censeam faciendum: difficile est, cum absim: ueruntamen, si pares æque inter se; quiescendum: sin; latius manabit, & quidem ad nos, deinde communiter. auide tuum consilium expecto. timeo, ne absim, cum ad esse me sit honestius: uenire non audeo. de Antoni itineribus nescio quid aliter audio, atque ut ad te scribebã. omnia igitur uelim explices, & ad me certa mittas. De reliquo quid ego tibi dicam? ardeo studio historia: incredibiliter enim me commouet tua cohortatio. quæ quidem nec institui, nec effici potest sine tua ope. coràm igitur hoc quidem conferemus. in præsentia mihi uelim scribas,

scribas, quibus Coss. C. Fannius M. F. Trib. pl. fuerit: ut
deor mihi audisse, P. Africano, L. Mummiō. id igitur
quero. tu mihi de ijs rebus, quæ nouantur, omnia certa,
clara. III. Id. ex Arpinati. Vale.

CICERO ATTICO S.

NIHIL erat plane, quod scriberē. nam, cū Puteolis
essem, quotidie aliquid noui de Octauiano, multa etiam
falsa de Antonio. ad ea autē, quæ scripsisti (tres. n. accepe-
rā III. Idus à te epistolas) ualde tibi assentior, si multū
possit Octauianus, multo firmitus acta tyrāni cōprobatū
iri, quā in Telluris, atque id cōtra Brutū fore. sin autē
uincitur, uides intolerabilem Antoniū: ut, quē uelis, ne-
scias. O' Sestij tabellariū hominē nequā. postridie Puteo-
lis Romæ se dixit fore. Quod me mones, ut pedetentim:
assentior: & si aliter cogitabam. nec me Philippus, aut
Marcellus mouet: alia. n. eorum ratio: & si nō est, tamē
uidetur. sed in isto iuvene, quāquā animi satis, auctori-
tatis parū est. tamē uide, si forte in Tusculano recte esse
possim, ne id melius sit: ero libētius: nihil. n. ignorabo: an
hoc, cū Antonius uenerit. Sed, ut aliud ex alio, mihi nō est
dubiū, quin, quod Græci καὶ δῆλον, nos officium. id autem,
quid dubitas, quin etiam in remp. præclare caderet? non
ne dicimus, Cōsulū officiū, senatus officiū? præclare cō-
uenit, aut da melius. Male narras de Nepotis filio. ual-
de mehercule moueor, & moleste fero. nescierā omnino
esse istū puerū. Caniniū perdidi, hominē, quod ad me
attinet, nō ingrātū. Athenodorū, nihil est, quod hortere:
misit enim satis bellū ὑπομνημα. Grauedini quæso o-
mni ratione subueni. Quintus tui patris nepos, scribit

LL

LIB. XVI. EPIST. A

ad patris mei nepotem, si ex Nonis ijs, quibus nō magna
gessimus, eadem Op̄is explicaturum, idq; ad populum. ui
debis igitur, & scribes. Sexti iudicium expecto. Vale.

CICERO ATTICO S.

NOLI putare pigritia facere me, quod non mea
manu scribam: sed mehercule pigritia: nihil enim ha-
beo aliud, quod dicam. & tamen in tuis quoque epistolis
Alexim uideor agnoscere. sed ad rem uenio. Ego, si me
non improbissime Dolabella tractasset, dubitassem for-
tasse, uerum remissior essem, an summo iure contende-
rem: nunc nero etiam gaudeo mihi causam oblatam,
in qua & ipsi sentiat, & reliqui omnes, me ab illo alie-
natum: idq; prae me feram, & quidem me mea facere,
& reipub. causa, cur illum oderim, quod, cum eam me
auctore defendere coepisset, non modo deseruit impius
pecunia, sed etiam, quantum in ipso fuerit, euerterit.
Quod autem quæris, quo modo agi placeat, cum dies ue-
nerit: primum uelim eiusmodi sit, ut non alienum sit,
me Romæ esse; de quo, ut de cæteris, faciam, ut tu cen-
sueris: de summa autem, agi prorsus uehementer, &
seuere uolo. & si, sponsores appellare, uidetur habere
quandam δύσωνίαν. tamen, hoc quale sit, consideres
uelim. possumus enim, ut sponsores appellentur, procu-
ratorem introducere: neque enim illi litem contestabun-
tur: quo facto, non sum nescius sponsores liberari. sed
& illi turpe arbitror, eo nomine, quod satisdato debeat,
procuratores eius non dissoluere: & nostræ grauitatis,
ius nostrum sine summa illius ignominia persequi. de
hoc quid placeat, rescribas uelim: & non dubito, quin

hoc totum lenius administraturus sis. Redeo ad tempus.
 multa mehercule à te sæpe ἐν πολιτικῷ genere prudentius
 scribis: sed his literis nihil prudentius: QV AN QV AM
 ENIM POSSET IN PRAESENTIA
 BELLE ISTE PVER RETVNDERE
 ANTONIVM, TAMEN EXITVM EX
 PECTARE DEBEMVS. at quæ concio? nam
 est missa mihi. iurat, ita sibi parentis honores consequi
 liceat: & simul dextram intendit ad statuam. μὴ δὲ
 σὺ δέειν, εἴ ποτε τοιοῦτο. sed, ut scribis, certissimum esse
 uideo discrimen Cascae nostri Tribunatum: de quo quidam
 ipso dixi Oppio, cum me hortaretur, ut adolescentem,
 totamq; causam, manumq; ueteranorum complecterer,
 me nullo modo facere posse, ni mihi exploratum esset,
 eum non modo non inimicum tyrannoctonis, uerum eti-
 am amicum fore. cum ille diceret, ita futurum: quid
 igitur festinamus, inquam? illi enim mea opera ante
 Cal. Ian. nihil opus est: nos autem eius uoluntatem an-
 te Idus Dec. perspiciemus in Casca. mihi ualde assens-
 sus est. quam ob rem hæc quidem hæctenus. Quod
 reliquum est, quotidie tabellarios habebis, & ut ego ar-
 bitror, etiam, quid scribas, quotidie. Leptæ literarum
 exemplum tibi misi: ex quo mihi uidetur ἡ γὰρ τὴν αὐτὴν illi
 deiectus de gradu. sed tu, cum legeris, existimabis.
 Obsignata iam epistola, literas à te, & à Sexto accepi.
 nihil iucundius literis Sexti, nihil amabilius. nam tuæ
 breues, priores erant uberrimæ. tu quidem & prudent-
 ter, & amice suades, ut in his locis potissimum sim, quo-
 ad audiamus, hæc, quæ cōmota sunt, quorsum euadant.
 sed me, mi Attice, non sanè hoc quidem tempore mouet.

L I B. X V I. E P I S T.

resp. non quo ea sit mihi quidquam carius, aut esse debeat, sed desperatis etiam Hippocrates uetat adhibere medicinam. quare ista ualeant. me res familiaris mouet: rem dico? immo uero existimatio: cum enim tanta reliqua sint, ne Terentiae quidem adhuc quod soluam expeditum est: Terentiam dico? scis nos pridem iam constituisse Montani nomine HS XXI dissoluere. prudentissime hoc Cicero petierat, uti de suo. liberalissime me, ut tibi quoque placuerat, promiseram; Erotiq; dixeram, ut sepositum haberet. non modo, sed iniquissimo foenore uersuram facere Aurelius coactus est. nam de Teretiae nomine Tiro ad me scripsit, te dicere, numos à Dolabella fore. male eum credo intellexisse, si quisquā male intelligit; potius nihil intellexisse: tu enim ad me scripsisti Cocceij responsum, & iisdem penè uerbis Eros. ueniendum est igitur uel in ipsam flammam: turpius est enim priuatim cadere, quàm publice. itaque ceteris de rebus, quas ad me suauissime scripsisti, perturbato animo non potui, ut consueueram, rescribere. consenti in hac cura, ubi sum, ut me expediam: quibus autem rebus, uenit quidem mihi in mentem: sed certo constituere nihil possum, prius quàm te uidero. qui minus autem ego istuc recte esse possim, quàm est Marcellus? sed non id agitur: neque id maxime curo: quid curem, uides. adsum igitur. Vale.

CICERO ATTICO S.

IVCVNDISSIMAS tuas legi literas. ad Plancium scripsi. habes exemplum. cum Tirone quid sit lo-

cutus, cognoscam ex ipso. Cum sorore ages attentius,
si te occupatione ista relaxaris. Vale.

M. Cicero L. Planco Præt. Des. S.

ATTICI nostri te ualde studiosum esse cognoui,
mei uero ita cupidum, ut mehercule paucos aque obser-
uanteis, atque amanteis me habere existimem: ad patera-
nas enim magnas, & ueteres, & iustas necessitudines
magnam attulit accessione tua uoluntas erga me, mea q;
erga te par, atque mutua. Buthrotia tibi causa igno-
ta non est: egi enim sæpe, tibi q; totam rem demonstra-
ui: quæ est acta hoc modo. ut primum Buthrotium a-
grum proscriptum uidimus, commotus Atticus libellum
composuit, eum mihi dedit, ut darem Cæsari: eram
enim cœnaturus apud eum illo die. cum libellum Cæ-
sari dedi, probauit causam, rescripsit Attico, aqua eum
postulare: admonuit tamen, ut pecuniam reliqua Buth-
throtij ad diem soluerent. Atticus, qui ciuitatem cōser-
uatam cuperet, pecuniam numerauit de suo. quod cū
esset factum, adiuimus ad Cæsarem, uerba fecimus pro
Buthrotijs, liberalissimum decretum abstulimus: quod
est obsignatum ab amplissimis uiris. quæ cum essent
acta, mirari quidem solebam pati Cæsarem conue-
nire eos, qui agrum Buthrotium concupissent, neque so-
lum pati, sed etiam ei negotio te præficere. itaque &
ego cum illo locutus sum, & sæpius quidem, ut etiã ac-
cusarer ab eo, quodd parum constantiæ suæ confiderem:
& M. Messalæ, & ipsi Attico dixit, ut sine cura essent:
aperte q; ostendebat, se præsentium animos (erat enim

LL iij

LIB. XVI. EPIST.

popularis, ut noras) offendere nolle: cum mare transissent, curaturum se, ut in alium agrum deduceretur. hæc illo uiuo. post interitum uero Caesaris, ut primum ex S. C. causas Consules cognoscere instituerunt, hæc, quæ scripsi, ad eos delata sunt. probauerunt causas sine ulla dubitatione, seq; ad te literas datuos esse dixerunt. ego autem mi Plance, etsi non dubitabam, quin & S. C. & lex, & Consulum decretum, ac literæ apud te plurimum auctoritatis haberet, teq; ipsius Attici causa uelle intellexeram: tamen hoc pro coniunctione, & beneuolentia nostra mihi sumpsi, ut id à te peterẽ, quod tua singularis humanitas, suauissimiq; mores à te essent impetraturi. id autem est, ut hoc, quod te tua spõ te facturum esse certo scio, honoris nostri causa libenter, prolixè, celeriter facias. mihi nemo est amicior, nec iucundior, nec carior Attico: cuius antea res solum familiaris agebatur, eaq; magna, nunc accessit etiam existimatio, ut, quod consecutus est magna & industria, & gratia, & uiuo Casare, & mortuo, id te adiuvante obtineat. quod si à te erit impetratum, sic uelim existimes, me de tua liberalitate ita interpretaturum, ut tuo summo beneficio me affectum iudicem. ego, quæ te uelle, quæq; ad te pertinere arbitrabor, studiose, diligenterq; curabo. da operam, ut ualeas. Vale.

Cicero Plancio Prat. Des. S.

I A M antea petiui abs te per literas, ut, cum causa Buthrotiorum probata à Consulibus esset, quibus & lege, & S. C. permissum erat, ut de Caesaris actis cognoscerent, statuerent, iudicarent, eam rem tu adiuares, Atq;

ticumq; nostrum, cuius te studiosum cognoui, & me, qui non minus laboro, molestia liberares: omnibus enim rebus magna cura, multa opera, & labore confectis, in te positum est, ut nostræ sollicitudinis finem quamprimum facere possimus. quanquam intelligimus ea te esse prudentia, ut uideas, si ea decreta Consulum, quæ de Cæsaris actis interposita sunt, non seruentur, magnā perturbationem rerum fore. equidem, cum multa, quod necesse erat in tanta occupatione, non probentur, quæ Cæsar statuerit; tamen otij, pacisq; causa acerrime illa soleo defendere: quod tibi idem magnopere faciendū censeo: quanquam hæc epistola non suavis est, sed rogatoris. igitur mi Plance togo te, & etiam oro, sic mediisfidius, ut maiore studio, magisq; ex animo agere non possim, ut totum hoc negotium ita agas, ita tractes, ita conficias, ut, quod sine ulla dubitatione apud Consules obtinuimus propter summam bonitatem, & æquitatem causæ, id tu nos obtinuisse non modo facile patiare, sed etiam gaudeas. qua quidem uoluntate esse erga Atticum, sæpe præsens & illi ostendisti, & uero etiā mihi. quod si feceris, me, quem uoluntate, & paterna necessitudine coniunctum semper habuisti, maximo beneficio deuinctum habebis. idq; ut facias, te uehementer etiam atque etiam rogo. Vale.

Cicero Capitori suo S.

NUMQUAM putauī fore, ut supplex ad te uenirē: sed hercule facile patior datum tempus, in quo amorem experirer tuum. Atticum quanti faciam, scis. amabo te, da mihi & hoc: obliuiscere mea causa illū aliquan-

L L iii

LIB. XVI. EPIST.

do suo familiari aduersario tuo uoluisse consultum, cū illius existimatio ageretur. hoc primū ignoscere, est humanitatis tuæ: suos enim quisque debet tueri. deinde, si me amas, omitte Atticum Ciceroni tuo: quē quātī facias, præ te soles ferre. totum hoc, ut, quod semper existimaui, nunc plane intelligam, me à te multū amari. Buthrotios cum Cæsar decreto suo, quod ego obsignaui cum multis amplissimis uiris, liberauisset, ostendissetq; nobis, se, cum agrarij mare transissent, literas missurum, quem in agrum deducerentur: accidit, ut subito ille interiret. deinde, quemadmodū tu scis (interfuiisti enim, cum Consules oporteret ex. S. C. de actis Cæsaris cognoscere) res ab ijs in Cal. Iun. dilata. accessit ad S. C. lex, quæ lata est ad IIII. Non. Iun. quæ lex earum rerum, quas Cæsar statuisset, decreuisset, egisset, Consulibus cognitionem dedit. causa Buthrotiorum delata est ad Consules. decretum Cæsaris recitatum est, & multi præterea libelli Cæsaris prolati. Consules de consilij sententia decreuerunt secundum Buthrotios, Plancū dederunt. nunc mi Capito (scio enim quantum semper apud eos, quibuscum sis, posse soleas, eo plus apud hominem facillimum, atque humanissimum Plancum) enitere, elabora, uel potius eblandire, effice, ut Plancus, quem spero optimum esse, sit etiam melior opera tua. omnino res huiusmodi uidetur esse, ut sine cuiusquam gratia Plancus ipse pro ingenio, & prudentia sua non sit dubitaturus, quin decretum Consulū, quorū & lege, & S. C. cognitio, & iudicium fuit, conseruet, præsertim cum, hoc genere cognitionum labefactato, acta Cæsaris in dubium uentura uideantur: quæ non

modo ij, quorum interest, sed etiam ij, qui illa non probant, otij causa confirmare uelint. quod cum ita sit, tam men interest nostra, Plancum hoc animo libenti, prolixoq; facere. quod certe faciet, si tu neruulos tuos mihi sepe cognitos, suauitatemq; qua nemo tibi par est, adhibueris. quod ut facias, te uehementer rogo. Vale.

Cicero Cupiennio S.

P A T R E M tuum plurimi feci, meq; ille mirifice & coluit, & amauit. nec mehercule unquam mihi dubiū fuit quin à te diligerer. ego quidem id facere nō destiti. quam ob rem peto à te in maiorem modum, ut ciuitatem Buthrotiam subleues, decretumq; Consulū, quod ij secundum Buthrotios fecerunt, cum & lege, & S. C. statuendi potestatem haberent, des operā, ut Plancus noster quamprimum confirmet, & probet. hoc te uehementer mi Cupienni etiam atque etiā rogo. Vale.

Cicero Planco Præt. Des. S.

I G N O S C E mihi, quod, cum antea accuratissime de Buthrotijs ad te scripserim, eadem de re sepius scribam. nō mehercule mi Plance facio, quod parum confidam aut liberalitati tuæ, aut nostræ amicitiae: sed cū tanta res agatur Attici nostri, nūc uero etiam existimatio, ut id, quod probauit Cæsar, nobis testibus, & obsignatoribus, qui & decretis & responsis Cæsaris interfueramus, uideatur obtinere potuisse, præsertim cum tota potestas eius rei tua sit, ut ea, quæ Consules decreuerunt

LIB. XVI. EPIST.

secundum Caesaris decreta, & responsa non dicam com-
probes, sed studiose, libenterq; comprobes. id mihi sic
erit gratum, ut nulla res gravior esse possit. etsi iam
sperabam, cum has literas accepisses, fore, ut ea, quæ su-
perioribus literis à te petissemus, impetrata essent: ta-
men non faciam finem rogandi, quoad nobis nūciatum
erit, te id fecisse, quod magna cum spe expectamus: de-
inde enim confido fore, ut alio genere literarū utamur,
tibiq; pro tuo summo beneficio gratias agamus. quod
si acciderit, uelim sic existimes, non tibi tam Atticū, cu-
ius permagna res agitur, quàm me, qui non minus la-
boro, quàm ille, obligatum fore. Vale.

Cicero Capitori S.

NON dubito, quin mirere, atque etiam stomae-
chere, quòd tecum de eadē re agā sæpius. hominis fami-
liarissimi, & mihi omnibus rebus coniunctissimi perma-
gna res agitur Attici. cognoui ego tua studia in amicos,
etiam in te amicorum. multū potes nos apud Plancum
iuuare. noui humanitatem tuam: scio, quàm sis amicis
iucundus. nemo nos in hac causa plus iuuare potest, quā
tu. & res ista est firma; ut debet esse, quam Consules de
consilij sententia decreuerunt, cum & lege, & S. C. co-
gnoscerent. tamen omnia posita putamus in Planci tui
liberalitate: quem quidem arbitramur cum officij tui
& Reip. causa decretum Consulū cōprobaturum, tum
libenter nostra causa esse facturum. adiunabis igitur
mi Capito: quod ut facias, uehementer etiam atque
etiam rogo. Vale.

T. POMPONII ATTICI VITA
PER CORNELIVM
NEPOTEM.

POMPONIVS Atticus ab origine
ultima stirpis Romana generatus, per
petuo a maioribus acceptam equestrem
obtinuit dignitatem. patre usus est dili-
gente, indulgente, et, ut tū erant tem-
pora, diu, in primisq; studio literarum. hic, prout ip-
se amabat literas, omnibus doctrinis, quibus puerilis æ-
tas impertiri debet, filium erudiuit. erat autem in pue-
ro, præter docilitatem ingenij, summa suauitas oris, et
uocis, ut non solum celeriter acciperet, quæ tradebantur,
sed etiam excellenter pronunciaret. quæ ex re pueritia
nobis inter æquales ferebatur, clariusq; exsplendescere
bat, quàm generosi condiscipuli animo æquo ferre possent.
itaque incitabat omnis studio suo. quo in nume-
ro fuerunt L. Torquatus, C. Marij filius, M. Cicero:
quos consuetudine sua sic sibi deuinxit, ut nemo ijs per-
petuo fuerit carior. pater mature decessit. ipse adoles-
centulus propter affinitatem P. Sulpitij, qui Trib. pl.
interfectus est, non expers fuit illius periculi: nanque
* Anitia Pomponij consobrina nupserat M. Seruio fratri
Sulpitij. itaque interfecto Sulpitio, posteaq; uidit Cin-
nano tumultu ciuitatem esse perturbatā, neque sibi da-
ri facultatem pro dignitate uiuendi, quin alterutram
partem offenderet, dissociatis animis ciuium, cum alij
Sullanis, alij Cinnanis fauerent partibus; idoneum tem-
pus ratus studijs obsequendi suis, Athenas se contulit:

A T T I C I

neque eo secius adolescentem Marium hostem indicatū
 inuit opibus suis: cuius fugam pecunia subleuauit. ac,
 ne illa peregrinatio detrimentum aliquod afferret rei fa-
 miliari, eodem magnam partem fortunarum traiecit
 suarum. hic ita uixit, ut uniuersis Atheniensibus merito
 esset carissimus: nam præter gratiam, quæ iam in ado-
 lescentulo magna erat, sæpe suis opibus inopiam publi-
 cam leuauit: cum enim usuram facere publice necesse
 esset, neque eius conditionem æquam haberent, semper
 se interposuit, atque ita, ut neque usuram unquam ab
 ijs acceperit, neque longius, quàm dictum esset, debe-
 re passus sit. quod utrūque erat ijs salutare: nam ne-
 que indulgendo inueterascere eorum æs alienum patie-
 batur, neque multiplicandis usuris crescere. auxit hoc
 officium alia quoque liberalitate: nam uniuersos frumē-
 to donauit, ita, ut singulis VII. modij tritici daren-
 tur, qui modius mensuræ medimnus Athenis appella-
 tur. hic autem sic se gerebat, ut cōmunis infimis, par
 principibus uideretur. quo factum est, ut huic omneis
 honores, quos possent, publice haberent, ciuemq; facere
 studerent. quo beneficio ille uti noluit. quod non nulli
 ita interpretantur, amitti ciuitatem Romanā alia ascie-
 ra. quandiu affuit, ne qua sibi statua poneretur, restitit:
 absens prohibere non potuit. itaque aliquot ipsi, et Phi-
 dia locis sanctissimis posuerunt: hunc enim in omni pro-
 curatione Reip. aētorē, auctorēq; habebant. igitur primū
 illud munus fortune, quodd in ea potissimum ur-
 be natus est, in qua domicilium orbis terrarum esset
 imperij, ut eandem & patriam haberet, & domum:
 hoc specimen prudentiæ, quodd, cum in eam se ciuitatem

contulisset, quæ antiquitate, humanitate, doctrinâq; præstaret omnes, ei unus ante alios fuerit carissimus. huc ex Asia Sulla decedens cum uenisset; quandiu ibi fuit, secum habuit Pomponium, captus adolescentis & humanitate, & doctrina: sic enim græce loquebatur, ut Athenis natus uideretur: tanta autem erat suauitas sermonis latini, ut appareret in eo natiuum quendam leporem esse, non ascitum. idem poemata pronuntiabat & græce, & latine sic, ut supra nihil posset. quibus rebus factum est, ut Sulla nunquam à se dimitteret, cuperetq; secum deducere. qui cum persuadere tentaret, noli, oro te, inquit Pomponius, aduersum eos me uelle ducere, cum quibus ne contra te arma ferrem, Italiam reliqui. at Sulla adolescentis officio collaudato, omnia munera ei, quæ Athenis acceperat, proficiscens iussit deferri. hic complures annos moratus, cum & rei familiari tantum operæ daret, quantum non indiligens deberet paterfamilias, & omnia reliqua tempora aut literis, aut Atheniensium reipub. tribueret, nihilo minus amicis urbana officia præstitit: nam & ad comitia eorum uenitavit, & si qua res maior acta est, non defuit, sicut Ciceroni in omnibus eius periculis singularem fidem præbuit, cui ex patria fugienti HS CC & quinquaginta millia donauit. tranquillatis autem rebus Romanis, remigravit Romam, ut opinor, L. Cotta, & L. Torquato Coss. quem diem sic uniuersa ciuitas Atheniensium prosecuta est, ut lacrymis desiderij futuri dolorem indicaret. habebat auunculum Q. Cæcilium equitem Romanum, familiarem L. Luculli, diuitem, difficillima natura: cuius sic asperitatem ueritus est, ut, quem nemo fere

A T T I C I

re posset, huius sine offensione ad summam senectutem
retinuerit beneuolentiam. quo facto, tulit pietatis fru-
ctum: Cæcilius enim moriens testamento adoptauit eū,
heredemq; fecit ex dodrante. ex qua hereditate accepit
circiter centies HS. Erat nupta soror Attici Q.
Tullio Ciceroni, easq; nuptias M. Cicero conciliarat, cum
quo à condiscipulatu uiuebat coniunctissime, multo eti-
am familiarius, quàm cum Quinto: ut iudicari possit,
plus in amicitia ualere similitudinem morum, quàm af-
finitatem. utebatur autem intime Q. Hortensio, qui ijs
temporibus principatum eloquentia tenebat, ut intelligi
non posset, uter eum plus diligeret, Cicero, an Hortensius:
Et id, quod erat difficillimū, efficiebat, ut inter quos
tanta laudis esset æmulatio, nulla intercederet obreeta-
tio, essetq; talium uirorum copula. In reperta est uer-
satus, ut semper optimarum partium Et esset, Et existi-
maretur, neque tamen se civilibus fluctibus committeret,
quod non magis eos in sua potestate existimabat esse,
qui se his dedissent, quàm qui maritimis iactarentur.
honores non petijt, cum ei paterent propter uel gra-
tiam, uel dignitatem; quod neque peti more maiorum,
neque capi possent conseruatis legibus in tam effusis am-
bitus largitionibus, neque reipub. sine periculo corruptis
ciuitatis moribus. ad hastam publicam nunquam access-
sit. nullius rei neque præs, neque manceps factus est.
neminem suo nomine, neque subscribens accusauit. in
ius de sua re nunquam iijt. iudicium nullum habuit.
multorum Consulum, Prætorumq; præfecturas dela-
tas sic accepit, ut neminem in prouinciam sit secutus,
honore fuerit contentus, rei familiaris despexerit fru-

Etum, qui ne cum Q. quidem Cicerone uoluerit ire in Asiam, cum apud eum legati locum obtinere posset: non enim docere se arbitrabatur, cum Præturam gerere noluisset, asseclam esse Prætoris. qua in re non solum dignitatis seruiebat, sed etiam tranquillitati, cum suspiciones quoque uitaret criminum. quo fiebat, ut eius obseruantia omnibus esset, carior, cum eam officio, non timori, neque spei tribui uiderent. Incidit Cæsarianum ciuile bellum, cum haberet annos circiter sexaginta. usus est ætatis uacatione, neque quoquam se mouit ex Vrbe. quæ amicis suis opus fuerant ad Pompeium proficiscentibus, omnia ex sua re familiari dedit. ipsum Pompeium coniunctum non offendit. nulum ab eo habebat ornamentum, ut ceteri, qui per eum aut honores, aut diuitias ceperant: quorum partim inuitissimi castra sunt secuti, parum summa cum eius offensione domi remanserunt. Attici autem quies tanti opere Cæsari fuit grata, ut uictor cum priuatis pecunias per epistolas imperaret, huic non solum molestus non fuerit, sed etiam sororis filium Q. Cicero- nem ex Pompeij castris concesserit. sic uetere instituto uitæ effugit noua pericula. secutum est illud occiso Cæsare, cum res pub. penes Brutum uideretur esse, & Cassium, ac tota ciuitas se ad eum conuertisse uideretur. sic M. Bruto usus est, ut nullo ille adolescens æquali familiaris, quàm hoc sene, neque solum eum principem consilij haberet, sed etiam in conuictu. excogitatum est à quibusdam, ut priuatum ærarium Cæsaris interfectoris ab equitibus Romanis constitueretur. id facile effici posse arbitrati sunt, si & principes

A T T I C I

illius ordinis pecunias contulissent . itaque appellatus est à C. Flauio Bruti familiari Atticus , ut eius rei princeps esse uellet . at ille , qui officia amicis præstanda sine factione existimaret , semperq; à talibus se consilijs remouisset ; respondit , si quid Brutus de suis facultatibus uiuoluisset , usurum quantum ex paterentur ; sed neque cū quoquam de ea re collocuturum , neque coiturum . sic ille consensionis globus huius unius dissensione dissectus est . neq; multo post superior esse cœpit Antonius , ita , ut Brutus & Cassius prouinciarum , quæ ijs necis causæ datæ erant à Consulibus , desperatis rebus , in exilium proficiscerentur . Atticus , qui pecuniam simul cum cæteris cōferre noluerat florenti illi parti , abiecto Bruto , Italiaq; cedenti HS C M muneri misit : eidem in Epeiro absens CCC iussit dari : neque eo magis potenti adulatus est Antonio , neque desperatos reliquit . secutum est bellum gestum apud Mutinam : in quo si tantum eum prudentem dicam , minus , quàm debeam , prædicem , cum ille potius diuinus fuerit , si diuinatio appellanda est perpetua naturalis bonitas , quæ nullis casibus agitur , neque minuitur . hostis Antonius iudicatus Italia cesserat . spes restituendi nulla erat . non solum inimici , qui tamen erant potentissimi , & plurimi , sed etiam qui aduersarijs eius se dabant , & in eo lædendo aliquam consecuturos sperabant cōmoditatem , Antonij familiares sequebantur , uxorem Fuluiam omnibus rebus spoliare cupiebant , liberos etiam extinguere parabant . Atticus cum Ciceronis intima familiaritate uteretur , amicissimus esset Bruto , non modo nihil ijs indulsit ad Antoniū uiolandum , sed è contrario familiares eius ex Vrbe profu-

gientes

gientes, quantum potuit, textit; quibus rebus indiguerunt, adiunxit: P. uero Volumnio ea tribuit, ut plura à parente proficisci nō potuerint: ipsi autem Fulvia, cum litibus distineretur, magnisq; terroribus uexaretur, tanta diligentia officium suum præstitit, ut nullum illa præstiterit uadimonium sine Attico, sponsor omnium rerum fuerit. quin etiam, cum illa fundum secundæ fortuna emisisset in diem, neque post calamitatem uersuram facere potuisset, ille se interposuit, pecuniæq; sine foenore, sineq; ulla stipulatione credidit, maximum existimans quæstum, memorem, gratumq; cognosci, simulq; aperire, se non fortunæ, sed hominibus solere esse amicum. quæ cum faciebat, nemo eum temporis causa facere poterat existimare: nemini enim in opinionem ueniebat, Antonium rerum potiturum. sed sensus eius à non nullis optimatibus reprehendebatur, quòd parum odisse malos ciues uideretur. ille autem sui iudicii, potius, quid se facere par esset, intuebatur, quàm quid alij laudaturi forent. conuersa fortuna est. ut Antonius redijt in Italiam, nemo non magno in periculo Atticum putarat propter intimam familiaritatem Ciceronis, et Bruti: itaque ad aduentum imperatorum de foro decesserat timens proscriptionem: latebatq; apud P. Volumnium, cui, ut ostendimus paulo ante, opem tulerat (tanta uarietas his temporibus fuit fortunæ, ut modo hi, modo illi in summo essent aut fastigio, aut periculo) habebatq; secum Q. Gellium Cæcium æqualem, simillimumq; sui. hoc quoq; sit Attici bonitatis exemplum, quòd cum eo, quem puerum in ludocognorat, adeo cōiuncte uixit, ut ad extremam ætatem

MM

ATTICI

tem amicitia eorum creuerit . Antonius autem , & si
tanto odio ferebatur in Ciceronem , ut non solum ei , sed
etiam omnibus suis amicis esset inimicus , eosq; uellet pro
scribere multis hortantibus : tamen Attici memor fuit
officii , & ei , cum requisisset ubinam esset , sua manu scri
psit , ne timeret , statimq; ad se ueniret , se cum , & Gel
lium Canium de proscriptorum numero exemisse : ac ,
ne quod periculum incideret , quod noctu fiebat , prae
sidium ei misit . sic Atticus in summo timore non solu
sibi , sed etiam ei , quem carissimum habebat , praesidio
fuit : neq; enim suae solum a quoquam auxilium petijt
salutis , sed coniunctim , ut appareret nullam seiuncta
sibi ab eo uelle fortunam . quod si gubernator prae
cipua laude fertur , qui nauē ex hyeme , mariq; scopuloso
seruat : cur non singularis eius existimetur prudentia , qui
ex tot , tantisq; grauibus procellis ciuilibus ad incolumi
tatem peruenit ? quibus ex malis ut se emerferat , nihil
aliud egit , quam ut plurimis , quibus rebus posset , esset
auxilio . cum proscriptos praemijs imperatorum uulgo
conquireret , nemo in Epeirum uenit , cui res ulla defue
rit : nemini non ibi perpetuo manendi potestas facta
est . quin etiam post praedium Philippense , interitumq;
C . Cassij , & M . Bruti L . Iulium Mocillam praetoriū ,
& filium eius , Aulumq; Torquatum , ceterosq; pari for
tuna percussos institerit tueri , atque ex Epeiro ijs om
nia Samothraciam supportari iusserit : difficile enim
est omnia persequi , & non necessaria . illud unum in
telligi uolumus , illius liberalitatem neque temporariam ,
neque callidam fuisse . id ex ipsis rebus , ac temporibus
iudicari potest , quod non florentibus se uenditauit , sed

afflictis semper succurrit, qui quidem Serviliam Bruti matrem non minus post mortem eius, quam florentem coluerit. sic liberalitate utens nullas inimicitias gessit, quod neque laedebat quenquam, neque, siquam iniuriam acceperat, non malebat obliuisci, quam ulcisci. idem immortali memoria percepta retinebat beneficia: quae dum ipse tribuerat, tandiu meminerat, quoad ille gratus erat, qui acceperat. itaque hic fecit, ut uere dictum uideatur: sui cuique mores fingunt fortunam. neque tamen prius ille fortunam, quam se ipse finxit, qui cauit, ne quae in re plecteretur. his igitur rebus effecit, ut M. Vipsianus Agrippa intima familiaritate coniunctus adolescenti Caesari, cum propter suam gratiam, et Caesaris potentiam nullius conditionis non haberet potestatem, potissimum eius deligeret affinitatem, praecipereque equitis Romani filiam generosarum nuptiis. atque harum nuptiarum conciliator fuit (non enim est celandum) M. Antonius Triunvir Reipublicae, cuius gratia cum augere possessiones posset suas, tantum abfuit a cupiditate pecuniae, ut nulla in re usus sit ea, nisi in deprecandis amicorum aut periculis, aut incommodis. quod quidem sub ipsa proscriptione perillustre fuit: nam cum L. Sausaeus equitis Romani aequalis sui, qui cum plures annos studio ductus philosophiae habitabat, habebatque in Italia pretiosas possessiones, Triunviri bona uendidissent consuetudine ea, qua tum res gerebantur; Attici labore, atque industria factum est, ut eodem nuntio Sausaeus fieret certior, se patrimonium amisisse, et recuperasse. idem L. Iul. Calidius, quem post Lucretium, Catullique mortem multo elegantissimum poetam nostram tulisse aetate uere uideor posse contendere, neque

MM ij

AT T I C I

minus uirum bonum, optimisq; artibus eruditum, post
 proscriptionem equitum propter magnas eius Africa=
 nas possessiones in proscriptorum numerum à P. Volu=
 mnio præfeto fabrum Antonij absentem relatum, expe=
 diuit. quod in præfenti utrum ei laboriosius, an glorio=
 sius fuerit, difficile fuit iudicare; quod, in eorum peri=
 culis nõ secus absentes, quàm præfentes amicos Attico es=
 se curæ, cognitum est. neque uero minus ille uir, bonus
 paterfamilias habitus est, quàm ciuis: nam cum esset
 pecuniosus, nemo illo minus fuit emax, minus ædifica=
 tor: neque tamen non in primis bene habitauit, omni=
 busq; optimis rebus usus est: nam domũ habuit in colle
 Quirinali Cæcilianam, ab auunculo hæreditate relietã,
 cuius amœnitas non ædificio, sed sylua constabat: ip=
 sum enim tectum antiquitus constitutũ, plus salis, quàm
 sumptus habebat: in quo nihil cõmutauit, nisi siquidẽ
 uetustate coactus est. usus est familia, si utilitate iudi=
 candum est, optima; si forma, uix mediocri: nanq; in
 ea erant pueri literatissimi, anagnostæ optimi, & pluri=
 mi librarij, ut ne pedisequus quidem quisquam esset, qui
 non utrunq; horum pulchre facere posset: pari modo
 artifices ceteri, quos cultus domesticus desiderat, appri=
 me boni: neq; tamen horum quenquam, nisi domi na=
 tum, domiq; factum, habuit: quod est signum non solũ
 continentia, sed etiam diligentia: nam & non intempe=
 ranter concupiscere, quod à pluribus uideas, continentis
 debet duci; & potius diligentia, quàm pretio parare,
 non mediocris est industria. elegans, non magnificus:
 splendidus, non sumptuosus, omni diligentia munditiã
 non affluentem affectabat. supellex modica, nõ multa,

ut in neutram partem conspici posset . nec prateribo ,
quanquam nō nullis leue uisum iri putem . cum primis
lautus esset eques Romanus , & non parum liberaliter
in domum suam omnium ordinum homines inuitaret ;
scimus , non amplius , quā terna millia æris , peræque in
singulos menses ex ephemeride cum expensum sumptui
ferre solitum : atque hoc non auditum , sed cognitum
prædicamus : sæpe enim propter familiaritatem dome-
sticis rebus interfuimus . nemo in conuiuio eius aliud
ἀνθρώπων audiuit , quā anagnosten : quod nos quidem
iucundissimum arbitramur . neq; unquam sine aliqua
lectiōe apud eum coenatum est ; ut nō minus animo , q̃
uentre conuiuæ delectarentur : nanq; eos uocabat , quo-
rum mores à suis non abhorrent . cum tanta pecuniæ
facta esset accessio , nihil de quotidiano cultu mutauit ,
nihil de uitæ consuetudine : tantāq; usus est moderatio-
ne , ut neque in HS uicies , quod à patre acceperat , parū
se splendide gesserit , neque in HS centies affluentius ui-
xerit , quā instituerat , parīq; fastigio steterit in utraq;
fortuna , nullos habuerit hortos , nullam suburbanā , aut
maritimam sumptuosam uillam , neque in Italia , præter
Ardeatinum , & Nomentanum , rusticum prædium . om-
nisq; eius pecuniæ redditus constabat in Epiroticis , et ur-
banis possessionibus . ex quo cognosci potest , cum usum
pecuniæ non magnitudine , sed ratione metiri solitum .
mendacium neque dicebat , neque pati poterat . itaque
eius comitas non sine seueritate erat , neque grauitas si-
ne facilitate : ut difficile esset intellectu , utrum eū ami-
ci magis uererentur , an amarent . quidquid rogabatur ,
religiose promittebat , quod non liberalis , sed leuis arbi-

MM ii

trabatur, polliceri quod præstare non posset. idem in nitendo quod semel admisisset, tanta erat cura, ut nō mādātam, sed suam rem uideretur agere. nusquam suscepti negotij eum pertesum est: suam enim existimationem in ea re agi putabat: qua nihil habebat carius.

* quo fiebat, ut omnia Ciceronum, Catonis, Marci; Hortensij, A. Torquati, multorum præterea equitū Romanorum negotia procuraret. ex quo iudicari poterat, non inertia, sed iudicio fugisse Reip. procuratorem. humanitatis uero nullum afferre maius testimoniū possum, quā quod adolescens idem seni Sullæ fuerit iucundissimus, senex adolescenti M. Bruto, cū æqualibus autem suis Q. Hortensio, & M. Cicerone sic uixerit, ut iudicare difficile sit, cui ætati fuerit aptissimus. quanquam eum præcipue dilexit Cicero, ut ne frater quidem ei Quintus carior fuerit, aut familiarior. ei rei sunt iudicio, præter eos libros, in quibus de eo facit mentionem, qui in uulgus sunt editi, sexdecim uolumina epistolarum ab Consulatu eius usque ad extremum tempus ad Atticum missarum: quæ quilegat, non multū desideret historiam contextam eorum temporum: sic enim omnia de studijs principum, uitijs ducum, æmulationibus Reip. perscripta sunt, ut nihil in his non appareat, & facile existimari possit, prudentiam quodam modo esse diuinationem: non enim Cicero ea solū, quæ uiuo se acciderunt, futura prædixit, sed etiam, quæ nunc usu ueniunt, cecinit, ut uates. De pietate autem Attici quid plura commemorem? cū hoc ipsum uere gloriantem audierim in funere matris suæ, quam extulit annorum nonaginta, cum esset septem, & sexaginta, se

nunquam cum matre in gratiam rediſſe, nunquam cū
ſorore fuiſſe in ſimultate, quam propè atate æqualem ha
bebat : quod eſt ſignum, aut nullam unquam inter eos
querimoniam interceſſiſſe, aut hunc ea fuiſſe in ſuos in
dulgentia, ut, quos amare deberet, irasſci eis nefas duce
ret : neque id fecit natura ſolum (quanquam omnes ei
paremus) ſed etiam doct̃rina : nam & principum phi
loſophorum ita percepta habuerat præcepta, ut his ad
uitam agendam, non ad oſtentationem uteretur . moris
etiam maiorum ſummus imitator fuit, antiquitatisq;
amator : quam adeo diligenter habuit cognitam, ut eā
totam in eo uolumine expoſuerit, quo magiſtratus orna
uit : nulla enim lex, neque pax, neque bellum, neque res
illuſtris eſt populo R. quæ non in eo ſuo tempore ſit no
tata . et, quod difficillimum fuit, ſic familiarum origi
nem ſubtexuit, ut ex eo clarorū uirorū propagines poſ
ſimus cognoscere . fecit hoc idem ſeparatim in alijs li
bris, ut M. Brusi rogatu Iuniam familiam à ſtirpe ad
hanc atatem ordine enumerauerit, notans, qui à quoq;
ortus, quos honores, quibusq; temporibus cepiſſet . pari
modo Marcelli Claudij de Marcellorum, Scipionis Cor
nelij, & Fabij Maximi Fabiorum, & Aemiliorū . qui
bus libris nihil poteſt eſſe dulcius iſ, qui aliquam cupi
ditatē habent notitiæ clarorum uirorum . attigit quo
que poetice, credimus, ne eius expers eſſet ſuauita
tis : nanque uerſibus, qui honore, rerumq; geſtarum
amplitudine ceteros Ro. populi præſtiterunt, expoſuit,
ita, ut ſub ſingulorum imaginibus facta, magiſtra
tusq; eorum non amplius quaternis, quinisq; uerſibus de
ſcripſerit : quod uix credendum ſit, tantas res tam bre

MM iiij

A T T I C I

uiter potuisse declarari . est etiam unus liber græce cōfectus de Consulatu Ciceronis . hætenus Attico uiuo edita à nobis sunt . Nunc, quoniam fortuna nos superstites ei esse uoluit, reliqua persequemur, & quantū potuerimus, rerum exemplis lectores docebimus, sicut supra significauimus, suos cuique mores plerunque conciliare fortunam : nanque hic cōtentus ordine equestri, quo erat ortus, in affinitatem peruenit imperatoris diui Iulij filij, cum iam ante familiaritatem eius esset consecutus nulla alia re, quàm eleganti uitæ, qua ceteros ceperat principes ciuitatis dignitate pari, fortuna humiliores : tanta enim prosperitas Casarem est consecuta, ut nihil ei non tribueret fortuna, quod cuiquam ante detulerit, & conciliarit, quod ciuis Romanus quiuisset cōsequi. nata autem est Attico neptis ex Agrippa, cui uirginem filiam collocauit . hanc Cæsar uix anniculam T. Claudio Neroni, Drusilla nato, priuigno suo, despondit. quæ coniunctio necessitudinem eorum sanxit, familiaritatem reddidit frequentiore . quamuis ante hæc sponsalia, non solum cum ab Vrbe abesset, nunquam ad suorum quēquam literas misit, quin Attico mitteret, quid ageret in primis, quid legeret, quibusq; in locis, & quam diu esset moraturus : sed & cum esset in Vrbe, & propter suas infinitas occupationes minus sæpe, quàm uellet, Attico frueretur, nullus dies temere intercessit, quo non ad eum scriberet, quo aliquid de antiquitate ab eo requireret, modo aliquam quæstionem poeticam ei proponeret, interdum iocans eius uerbosiores eliceret epistolas . ex quo accidit, cum ædes Iouis Feretrii in Capitolio ab Romulo constituta, uetustate, atque incuria detecta

prolaberetur, ut Attici admonitu Cæsar eam reficiendâ curaret. neque uero à M. Antonio minus absens literis colebatur, adeo ut accurate ille ex ultimis terris, quid ageret, quid curæ sibi haberet, certiores faceret Atticū. hoc quale sit, facilius existimabit is, qui indicare poterit quantâ sit sapientiæ, eorum retinere usum, beneuolentiâq; inter quos maximarum rerum non solum æmulatio, sed obsecratio tanta intercedebat, quantam fuit intercedere necesse inter Cæsarem, atque Antonium, cū se uterque principem non solum urbis Romanæ, sed orbis terrarum esse cuperet. tali modo cum septem, & septuaginta annos compleisset, atque ad extremam senectutem nō minus dignitate, quā gratia, fortunâq; creuisset (multas enim hereditates nulla alia re, quā bonitate consecutus) tantâq; prosperitate usus esset ualitudinis, ut annis XXX medicina nō indiguisset: nactus est morbum, quem initio & ipse, & medici contempserunt: nam putarunt esse tenasmon, cui remedia celeria, faciliâq; proponebantur. in hoc cum tres menses sine ullis doloribus, præterquam quos ex curatione capiebat, consumpsisset, subito tanta uis morbi in unum intestinum prorupit, ut extremo tempore per lumbos fistula putris eruperit. atque antea quidem morbi diuturnitatem moleste ferebat, prius quā hoc ei accideret: postquam uero in dies dolores accrescere, febresq; accessisse sensit; Agrippam generum ad se accersiri iussit, & cū eo L. Cornelium Balbum, Sextumq; Peduceum. hos ut uenisse uidit, in cubitum nixus, quantam, inquit, curam, diligentiamq; in ualitudine mea tuenda hoc tempore adhibuerim, cum uos testes habeam, nihil opus est plu-

ribus uerbis commemorare . quibus quoniam , ut spe-
 ro , satisfeci , me nihil reliqui fecisse , quod ad sanandum
 me pertineret : reliquum est , ut egomet mihi consulam .
 id uos ignorare nolui : nam mihi stat , alere morbum desi-
 nere : nanque his diebus quidquid cibi sumpsi , ita pro-
 duxi uitam , ut auxerim dolores sine spe salutis . quare
 à uobis peto , primum ut consilium probetis meum , dein
 de ne frustra dehortando conemini . hac oratione habi-
 ta tanta constantia uocis , atque uultus , ut non ex ui-
 ta , sed ex domo in domum uideretur migrare : cum
 quidem Agrippa eum flens , atque osculans oraret , atque
 obsecraret , ne ad id , quod natura cogeret , ipse quoque
 sibi acceleraret , & quoniam tum quoque posset tempo-
 ribus superesse , se sibi , suisq; reseruaret ; preces eius ta-
 citurna sua obstinatione depressit . sic cum biduum ci-
 bo se abstinuisset , subito febris decessit , leuiorq; morbus
 esse coepit : tamē propositum nihilo secius peregit . ita-
 que die quinto postquam id consilium inierat , prid. Cal.
 Apr. Cn. Domitio , C. Sosio Coss. decessit . elatus est in le-
 ticula , ut ipse praescripserat , sine ulla pompa funeris , co-
 mitantibus omnibus bonis , maxima uulgi frequentia .
 sepultus est iuxta uiam Appiam ad quintum lapidem
 in monumento Q. Cæciliij auunculi sui .

M. TVLLII CICERONIS EPISTO-
LARVM AD BRVTVM
LIBER.

CICERO BRVTO S.

CLODIVS Trib. pl. designatus
ualde me diligit, uel, ut ἐμφοτικώτερον
dicam, ualde me amat. quod cum mi-
hi ita persuasum sit, non dubito (bene
enim me nosti) quin illum quoque iu-
dices à me amari: nihil enim mihi minus hominis ui-
detur, quam non respondere in amore is, à quibus pro-
uocere. is mihi uisus est suspicari, nec sine magno quā-
dem dolore, aliquid à suis, uel per suos potius inimicos
ad te esse delatum, quo tuus animus à se esset alienior.
non soleo mi Brute (quod tibi notum esse arbitror) te-
mere affirmare de altero: est enim periculosum pro-
pter occultas hominum uoluntates, multiplicesq; natu-
ras. Clodij animum perspectum habeo, cognitum, iudi-
catum. multa eius indicia, sed ad scribendum non ne-
cessaria: uolo enim hoc testimonium tibi uideri potius,
quàm epistolam. auētus Antonij beneficio est. eius ip-
sius beneficij magna pars à te est. itaque eum saluis no-
bis uellet saluum. in eum autem locum rem adductā
intelligit (est enim, ut scis, minime stultus) ut utrique sal-
ui esse non possint: itaque nos mauult. de te uero ami-
cissime et loquitur, et sentit. quare, si quis secus ad te de
eo scripsit, aut si coràm locutus est, peto à te etiā atq; ēr,
mihi ut potius credas, qui & facilius iudicare possum,

LIB. I. EPIST.

quàm ille nescio quis, et te plus diligo. Clodium tibi amicissimum existima, ciuemq; talem, qualis & prudentissimus, & fortuna optima esse debet. Vale.

CICERO BRUTO S.

SCRIPTA, & obsignata ià epistola, literæ mihi reditæ sunt à te, plenæ rerum nouarum, maximeq; mirabiles, Dolabellam quinque cohortes misisse in Cherrhonessum. adeo ne copiis abundat, ut is, qui ex Asia fugere dicebatur, Europam appetere conetur? quinque autem cohortibus quid se nam facturum arbitratus est, cum tu eo quinque legiones, optimum equitatum, maxima auxilia haberes? quas quidem cohortes spero iam tuas esse, quoniam latro ille tam fuit demens. & tuum consilium uehementer laudo, quod nō prius tuum exercitum Apollonia, Dyrrhachioq; mouisti, quàm de Antoni fugam audisti, Bruti eruptione, populi R. uictoria. itaque quod scribis, postea statuisse te ducere exercitum in Cherrhonessum, nec pati sceleratissimo hosti ludibrio esse imperiū populi R. facis ex tua dignitate, & è Rep.

Quod scribis de seditione, quæ facta est in legione quarta de Antoniis: quod dicam, in bonam partem accipias: magis mihi probatur militum seueritas, quàm tua. Te beneuolentiam exercitus, equitumq; expectum esse, uehementer gaudeo. De Dolabella, ut scribis, si quid habes noui, facies me certiore. in quo ualde delector, me ante prouidisse, ut tuum iudicium liberum esset cum Dolabella belli gerendi: et id ualde perituit, ut ego tum intelligebam, ad Remp. ut nunc iudico, ad dignitatem tuam. Quod scribis me maximo

odio egisse, ut insectarer Antonios, idq; laudas : credo ita uideri tibi : sed illam distinctionē tuam nullo pacto probo : scribis enim, acius prohibenda bella ciuilia esse, quā in superatos iracundiam exercendam . uehementer à te Brute dissentio : neque clementiæ tuæ concedo : sed salutaris seueritas uincit inanem speciem clemētiæ . quod si clementes esse uoluerimus, nūquam deerunt bella ciuilia . sed de hoc tu uideris . de me possum idem, quod Plautinus pater in Trinumo : Mihi quidem ætas acta fermē est, tua istuc refert maxime . opprimemini, mihi crede Brute, nisi prouideritis : neque enim populum semper eundem habebitis, neque senatum, neque senatus ducem . hæc ex oraculo Apollinis Pythij edita tibi puta : nihil potest esse uerius . XIII. Cal. Maij.

CICERO BRUTO S.

NOSTRÆ res meliori loco uidebantur : scripta enim ad te certo scio, quæ gesta sunt . quales tibi sæpe scripsi, Consules tales extiterunt . Cæsaris uero pueri mirifica indoles uirtutis . utinam tam facile eum florentem & honoribus, & gratia regere, ac tenere possimus, quā facile adhuc tenuimus . est omnino illud difficilius, sed tamen non diffidimus : persuasum est enim adolescenti, & maxime per me, eius opera nos esse saluos . & certe, nisi is Antonium ab Vrbe auertisset, periissent omnia . triduo uero, aut quatriduo ante hanc rem pulcherrimā, timore quodam perculsa ciuitas tota ad te se cum coniugibus, et liberis effundebat : eadem recreata ad XII. Cal. Maij, te huc uenire, quā se ad te ire malebat. quo quidem die magnorum meorum laborum, multarumq;

LIB. EPIST.

uigiliarum fructum cepi maximum, si modo est aliquis fructus ex solida, uerâq; gloria: nam tantæ multitudinis, quantam capit urbs nostra, concursus est ad me factus. ea cum usque in Capitolium deductus, maximo clamore, atq; plausu in rostris collocatus sum. nihil est in me inane: neque enim debet. sed tamen omnium ordinum consensus, gratiarum actio, gratulatioq; me commouet, propterea quod popularem me esse in populi salute præclarum est. sed hæc te malo ab alijs audire. Me uelim de tuis rebus, consilijsq; facias diligentissime certiore: illudq; consideres, ne tua liberalitas dissolutior uideatur. sic sentit senatus, sic populus Rom. nullos unquam hostes digniores omni supplicio fuisse, quam eos ciues, qui hoc bello contra patriam arma ceperunt. quos quidem ego omnibus sententijs ulciscor, & persequor omnibus bonis approbantibus. tu quid de hac re sentias, tui iudicij est. ego sic sentio, trium fratrum unam, & eandem esse causam. Consules duos, bonos quidem, sed duntaxat bonos, amisimus. Hircius quidem in ipsa uictoria occidit, cum paucis diebus magno prælio ante uicisset. nam Pansa fugerat uulneribus acceptis, quæ ferre non potuit. reliquias hostium Brutus persequitur, & Caesar. hostes autem omnes iudicati, qui M. Antonij sectam secuti sunt. itaque id S. C. plerique interpretantur etiam ad tuos siue captiuos, siue dedititios pertinere. equidem nihil differui durius, cum nominatim de C. Antonio decernerem, quod ita statueram, à te cognoscere causam eius senatum oportere. X. Cal. Maij.

BRVTVS CICERONI S.

QVANTA *sim* letitia affectus cognitis rebus Bruti nostri, & Consulum, facilius est tibi existimare, quàm mihi scribere. cum alia laudo, & gaudeo accidisse, tum quòd Bruti eruptio nò solum ipsi salutaris fuit, sed etià maximo ad uictoriam adiumento. Quod scribis, triũ Antoniorum unam atque eandem causam esse; quid ego sentiam, mei iudicii esse: statuo nihil, nisi hoc, senatus aut populi Ro. iudicium esse de ips ciuibus, qui pugnantes non interierint. at hoc ipsum, inquires, inique facis, qui hostilis animi in Remp. homines ciuers appelles: immo iustissime: quod enim non senatus censuit, nec populus R. iussit, id arroganter non præiudico, neque reuoco ad arbitrium meum. illud quidem non muto, quòd ei, quem me occidere res non coegit, neque crudeliter quidquam eripui, neq; dissolute quidquam remisi, habuiq; in mea potestate, quoad bellum fuit. multo quidem honestius iudico, magisq; quod concedere possit Resp. miserorum fortunam non insectari, quàm infinita tribuere potentibus, quæ cupiditatem, & arrogantiam incendere possint. qua in re Cicero uir optime, ac fortissime, mihiq; merito & meo nomine, & Reip. carissime, nimis credere uideris spei tuæ, statimq;, ut quisque aliquid recte fecerit, omnia dare, ac permittere, quasi non liceat traduci ad mala consilia corruptum largitionibus animum. quæ tua est humanitas, æquo animo te moneri patieris, præsertim de communi salute: facies tamen, quod tibi uisum fuerit: etiam ego, cum me docueris. nunc Cicero, nunc agendum est, ne

frustra oppressum esse Antonium gausi simus, neu semper primi cuiusque mali excidendi causa sit, ut aliud renascatur illo peius. nihil iam neque opinantibus, aut patientibus nobis aduersi euenire potest, in quo non cum omnium culpa, tum precipue tua futura sit, cuius tantam auctoritatem senatus, ac populus R. non solum esse patitur, sed etiam cupit, quanta maxima in libera ciuitate unius esse potest, quam tu non solum bene sentiendo, sed etiam prudenter tueri debes. prudentia porro, quae tibi superest, nulla abs te desideratur, nisi modus in tribuendis honoribus. alia omnia sic abunde adsunt, ut cum quolibet antiquorum comparari possint tuae uirtutes. unum hoc grato animo, liberalique profectum, cautiorem, ac moderatiorem liberalitatem desiderat: nihil enim senatus cuiquam dare debet, quod male cogitantibus exemplo, aut praesidio sit. itaque timeo, de Consulatu, ne Caesar tuus altius se ascendisse putet decretis tuis, quam inde, si consul factus sit, descensurum. quod si Antonius ab alio relictum regni instrumentum occasionem regnandi habuit: quonam animo fore putas, si quis auctore non tyranno interfecto, sed ipso senatu putat se imperia qualibet concupiscere posse? quare tum et facilitatem, et providentiam laudabo tuam, cum exploratum habere coepero, Caesarem honoribus, quos acceperit, extraordinarijs fore contentum. alienae igitur, inquires, culpae me reum facies? prorsus alienae, si provideri potuit, ne existeret. quod utinam inspicere possis timorem de illo meum. His literis scriptis, te Consulem factum audiui. tum uero incipiam proponere mihi Remp. iustam, et iam suis nitentem uiribus, si istud

si istuc uidero. Filius ualet, & in Macedoniam cum equitatu præmissus est. Idibus Maijs, ex castris.

CICERO BRUTO S.

A D V. Cal. Maij, cū de ijs, qui hostes iudicati sunt, bello persequendis sententiæ dicerentur, dixit Seruilius etiam de Ventidio, & ut Cassius persequeretur Dolabella. cui cū essem assensus, decreui hoc amplius, ut tu, si arbitrarere utile fore, eiq; rep. esse, persequerere Dolabellam bello: si minus id cōmodo reip. facere posses, siue nō existimares ē rep. esse, ut in ijsdem locis exercitum contineres. nihil honorificentius potuit facere senatus, quā ut tuum esset iudicium, quid tibi maxime conducere reip. uideretur. equidem sic sentio, si manum habet, si castra, si ubi consistat uspiam, Dolabella; ad fidem, & ad dignitatem tuā pertinere, eū persequi. De Cassij nostri copijs nihil sciebamus: neque enim ab ipso ullæ literæ: neque nunciabatur quidquā, quod pro certo haberemus. quantopere autem intersit opprimi Dolabellam, profecto intelligis, tum ut sceleris pœnas persoluat, tum ne sit, quod se laironum duces ex Mutinensi fuga conferant. atque hoc mihi iam ante placuisse, potes ex superioribus meis literis recordari. quanquam tum & fugæ portus erat in tuis castris, & subsidium salutis in tuo exercitu. quo magis nunc liberati, ut spero, periculis, in Dolabella opprimendo occupati esse debemus. sed hæc cogitabis diligentius, statues sapienter: facies nos, quod constitueris, & quid agas, si tibi uidebitur, certiores. Ciceronem nostrum in uestrum collegium cooptari uolo. existimo omnino absentium rationem sacerdotum comitijs posse

N N

LIB. EPIST.

haberi: nā etiam factum est antea: Caius enim. Marius, cū in Cappadocia esset, lege Domitia factus est Augur: nec, quo minus id postea liceret, ulla lex sanxit. est etiam in lege Iulia, quæ lex est de sacerdotijs proxima, his uerbis, QVI PETIT, CVIVSVE RATIO HABEBITVR. aperte indicat posse rationē haberi etiam nō præsens. hac de re scripsi ad eū, ut tuo iudicio uteretur, sicut in rebus omnibus. tibi autem statuendū est de Domitio, & de Catone nostro. sed quamuis liceat absens rationem haberi, tamen omnia sunt præsentibus faciliora. quodd si statueris in Asiam tibi eundū, nulla erit ad comitia nostros accersendi facultas. omnino Pansa uiuo celeriora omnia putabamus: statim enim collegam sibi surrogasset: deinde ante prætoria, sacerdotum comitia fuissent. nunc per auspicia lōgam morā uideo: dum. n. unus erit patritius magistratus, auspicia ad patres redire non possunt. magna sanē perturbatio. tu tota de re quid sentias, uelim me facias certiorē. III. Non. Maij.

BRVTVS CICERONI S.

NOLI expectare, dū tibi gratias agam. iam pridē hoc ex nostra necessitudine, quæ ad summā beneuolentiā peruenit, sublatum esse debet. Filius tuus à me abest: in Macedonia congregiemur: iussus est enim Ambraziam ducere equites per Thessaliam: & scripsi ad eum, ut mihi Heracleam occurreret. cum eum uidero (quoniam nobis permittis) communiter constituemus de reditu eius ad petitionem, aut ad commendationem honoris. Tibi Glycona medicum Pansæ, qui sororem Achilleos nostri in matrimonio habet, diligentissime commendo.

audimus, eum uenisse in suspicionem Torquato de morte
 te Pansa, custodiriq; ut parricidam. nihil minus creden-
 dum est: quis enim maiorem calamitatem morte Pan-
 se accepit? præterea est modestus homo, & frugi, quem
 ne utilitas quidē uideatur impulsura fuisse ad facinus.
 rogo te, & quidem ualde rogo, (nam Achilleus noster
 non minus, quàm æquum est, laborat) eripias eum ex cu-
 stodia, conseruesq;: hoc ego ad meum officium privata-
 rum rerum æque, atque ullam aliam rem, pertinere ar-
 bitror. Cum has ad te scriberem literas, ab Satrio le-
 gato C. Trebonij reddita est mihi epistola, à Tullio, &
 Deiotaro Dolabellam cæsum, fugatumq; esse. græcam
 epistolam tibi misi Cytherei cuiusdam ad Satrium mis-
 sam. Flavius noster de controuersia, quam habet cum
 Dyrrhachinis hæreditariam, sumpsit te iudicem. rogo
 te Cicero, & Flavius rogat, rem conficias. quin ei, qui
 Flavius fecit heredem, pecuniam debuerit ciuitas, non
 est dubium, neque Dyrrhachini inficiantur, sed sibi do-
 natum æs alienum à Cæsare dicunt. noli pati, à necessa-
 rijs tuis necessario meo iniuriam fieri. XVII. Cal.
 Iun. ex castris, ad imam Candauiam.

B R V T V S C I C E R O N I S.

BIBVLVS quàm carus mihi esse debeat, nemo
 melius iudicare potest, quàm tu, cuius tãte pro rep. cõten-
 tiones, sollicitudinesq; fuerunt. itaque uel ipsius uirtus, uel
 nostra necessitudo debet conciliare te illi: quo minus mul-
 ta mihi scribenda esse arbitror: uoluntas enim te moue-
 re debet nostra, si modo iusta est, aut pro officio neces-
 sario suscipitur. in Pansa locum petere constituit. eam

N N ij

LIB. EPIST.

nominationem à te petimus. neque coniunctiori dare beneficiū, quàm nos tibi sumus, neque digniorem nomina re potes, quàm Bibulum. De Domitio, & Apuleio quid attinet me scribere, cum ipsi per se tibi commendatissimi sint? Apuleium uero tu tua auctoritate suslinere debes. sed Apuleius in sua epistola celebrabitur. Bibulum noli dimittere ex sinu tuo, tantum iam uirum, ex quanto, crede mihi, potest euadere, qui uestris paucorum respondet laudibus.

CICERO BRUTO S.

MULTOS tibi commendo, & commendem necesse est: optimus enim quisque uir, & ciuis sequitur iudicium tuum; tibiq; omnes fortes uiri nauare operam, & studiū uolunt; nec quisquam est, quin ita existimet, meā apud te & gratiam, & auctoritatem ualere plurimū: sed C. Nasennium municipem Sueffanum tibi ita commendo, ut neminem diligentius. Cretensi bello Metello imperatore octauum principem duxit. postea in re familiarī occupatus fuit. hoc tempore cum reip. partibus, tum tua excellenti dignitate commotus, uellet per te aliquid auctoritatis assumere. fortem uirum Brute tibi cōmendo, frugi hominem, & si quid ad rem pertinet, etiam locupletem. pergratum mihi erit, si eum ita tractaris, ut merito tuo mihi gratias agere possit.

CICERO BRUTO S.

FVNGERER officio, quo tu functus es in meo luctu, teq; per literas cōsolarer, nisi scire ijs remedijs, quibus meū dolorem tu leuasses, te in tuo nō egere. ac uelim

facilius, quàm tunc mihi, nunc tibi tute medeare: est enim alienum tanto viro, ut es tu, quod alteri praeceperit, id ipsum facere non posse. me quidem cum rationes, quas collegeras, tum auctoritas tua à nimio mœrore deterruit: cum enim mollius tibi ferre uiderer, quàm deceret uirum, praesertim eum, qui alios consolari solet, accusasti me per literas grauioribus uerbis, quàm tua consuetudo ferebat. itaque iudicium tuum magni aestimans, idque ueritus, me ipse collegi, & ea, quae didiceram, legeram, acceperam, grauiora duxi tua auctoritate addita. ac mihi tu Brute officio solum erat & naturae, tibi nunc populo & scaenae, ut dicitur, seruiendum est: nam cum in te non solum exercitus tui, sed omnium ciuium, ac penè gentium coniecti oculi sint, minime decet, propter quem fortiores ceteri sumus, eum ipsum animo debilitatum uideri. quā ob rem accepisti tu quidem dolorem, (id enim amisisti, cui simile in terris nihil fuit) & est dolendum in tam graui uulnere, ne id ipsum, carere omni sensu doloris, sit miserius, quàm dolere: sed, ut modice, ceteris utile est, tibi necesse est. scriberem plura, nisi ad te haec ipsa nimis multa essent. Nos te, tuumque exercitum expectamus: sine quo, ut reliqua ex sententia succedant, uix satis liberi uideamur fore. De tota Rep. plura scribam, & fortasse iam certiora ipsis literis, quas Veteri nostro cogitabam dare.

CICERO BRUTO S.

NULLAS adhuc à te literas habebamus, ne famam quidem quae declararet, te, cognita senatus auctoritate, in Italiam adducere exercitum: quod ut faceres, idque maturares, magnopere desiderabat Respublica. ingrauescit enim

NN iij

LIB. EPIST.

in dies intestinū malū, nec externis hostibus magis, quā domesticis laboramus: qui erant omnino ab initio belli, sed facilius frangebantur. erectior senatus erat, non sententijs solū nostris, sed etiam cohortationibus excitatus. erat in senatu satis uehemens, & acer Pansa, cum in ceteros huius generis, tum maxime in socerū: cui Consuli non animus ab initio, non fides ad extremum defuit. bellum ad Mutinā gerebatur, nihil ut in Cæsare reprehenderes, nōnulla in Hircio. huius belli fortuna, ut in secundis, fluxa; ut in aduersis, bona. erat uictrix respub. casis Antonij copijs, ipso expulso à Bruto. deinde ita multa peccata, ut quodam modo uictoria excideret è manibus. perterritos, inermos, saucios non sunt nostri duces persecuti: datumq; Lepido tempus est, in quo leuitatē eius, saepe perspectam, maioribus in malis experiremur. sunt exercitus boni, sed rudes, Bruti, & Planci. sunt fidelissima, & maxima auxilia Gallorū. sed Cæsarem meis consilijs adhuc gubernatum, præclara ipsum indole, admirabiliq; constantia, improbissimis literis quidam, fallacibusq; interpretibus, ac nūcijs impulerunt in spem certissimam Consulatus. quod simul atque sensi, neque ego illū absentem literis monere destiti, nec accusare præsentis eius necessarios, qui eius cupiditati suffragari uidebātur: nec in senatu sceleratissimorū consiliorum fontes aperire dubitauī. nec uero ulla in re memini aut senatū meliorē, aut magistratus: nunquam enim in honore extraordinario potentis hominis, uel potentissimi potius (quando quidem potentia iam in uī posita est, & armis) accidit, ut nemo Tribunus pl. nemo alio magistratu, nemo priuatus auctor existeret. sed in hac constātia, atque uirtu-

te, erat tamen sollicita ciuitas: illudimur enim Brute cum militum delicijs, tum imperatoris insolentia. tantum quisque in rep. posse postulat, quantum habet uirium. non ratio, non modus, non lex, non mos, non officium ualet, non iudicium, non existimatio ciuium, non posteritatis uerecundia. hæc ego multo ante prospiciens, fugiebam ex Italia, tum, cum me uestrorum edictorum fama reuocauit. incitasti uero tu me Brute Velia. quaquam. n. dolebam in eam me Urbem ire, quam tu fugeres, qui eam liberauisses, quod mihi quoque quondam acciderat periculo simili, casu tristiore: perrexisti tamen, Romamque peruenisti; nulloque praesidio quatefecisti Antonium; contraque eius arma nefanda, praesidia, quæ oblata sunt, Caesaris consilio, et auctoritate firmaui. qui si steterit idem, mihique paruerit, satis uidemur habituri praesidij. sin autem impiorum consilia plus ualuerint, quam nostra; aut imbecillitas ætatis non potuerit grauitatem rerum sustinere: spes omnis est in te. quamobrem aduola obsecro, atque eam remp. quam uirtute, atque animi magnitudine magis, quam euentis rerum, liberauisti, exitu libera. omnis omnium concursus ad te futurus est. hortare idem per literas Cassium. spes libertatis nusquam, nisi in uestrorum castrorum praesidijs, est. firmos omnino et duces habemus ab occidente, et exercitus. hoc adolescentis praesidium equidem adhuc firmum esse confido, sed ita multi labefacti sunt, ut, ne moueatur, interdum extimescam. habes totum reip. statum, qui quidem tum erat, cum has literas dabam. uelim deinceps meliora: sin aliter fuerit, (quod Diu omen auertant) reip. uicem dolebo, quæ immortalis esse debeat. mihi quidem quantulum reliqui est?

N N iiii

VETERIS Antistij talis animus est in Remp. ut non dubitē, quin in Cæsare, et Antonio se præsiturus fuerit acerrimum propugnatorem communis libertatis, si occasione potuisset occurrere: nam qui in Achaia congressus, P. Dolabella milites, atque equites habēte quodvis adire periculum ex insidijs paratissimi ad omnia latronis maluerit, quā uideri aut coactus esse pecuniam dare, aut libenter dedisse homini nequissimo, atque improbissimo, is nobis ultero pollicitus est, & dedit XX HS ex sua pecunia, & quod multo carius est, se ipsum obtulit, & coniunxit. huic persuadere coepimus, ut imperator in castris remaneret, remq; publicam defenderet. statuit eundem sibi, quoniam exercitum dimississet: statim uero rediturum ad nos confirmavit legatione suscepta, nisi Prætorum comitia habituri essent Consules: nam illi ita sentienti de Rep. magnopere auctor fui, ne differret tempus petitionis suæ. cuius factum omnibus gratum esse debet, qui modo indicarint hunc exercitum esse Reip. tibi tanto gratius, quanto maiore animo, gloriaq; libertatem nostram defendis, & dignitatem, si contigerit nostris consilijs exitus, quem optamus, perfunditurus es. ego etiam mi Cicero proprie, familiariterq; te rogo, ut Veterem ames uelisque esse quam amplissimum. qui etsi nulla re deterri a proposito potest, tamen excitari tuis laudibus, indulgentiaq; poterit, quo magis amplexetur, ac tueatur iudicium suum: & mihi gratissimum erit.

ETSI daturus erā Messala Coruino continuo literas, tamen Veterē nostrū ad te sine literis meis uenire nolui. Maximo in discrimine Respublica Brute uersatur, uictoresq; rursus decertare cogimur. id accidit M. Lepidi scelere, & amentia. quo tempore cum multa propter eam curam, quam pro Republica suscepi, grauiter ferrem, tum nihil tuli grauius, quam me non posse matris tuæ precibus cedere, non sororis. nā tibi, quod mihi plurimi est, facile me satisfacturum arbitrabar. nullo enim modo poterat causa Lepidi distinguī ab Antonio, omniumq; iudicio etiam durior erat, quod, cū honoribus amplissimis à senatu esset Lepidus ornatus, tum etiā paucis ante diebus praeclaras literas ad senatū misisset, repente nō solū recepit reliquias hostium, sed bellum acerrimum terra, mariq; gerit: cuius exitus qui futurus sit, incertum est. itaque cum rogamur, ut misericordiam liberis eius impertiamus, nihil affertur, quo minus summa supplicia, si (quod Iuppiter omen auertat) pater puerorum uicerit, subeunda nobis sint. nec uero me fugit, q̄ sit acerbum, parentum scelera filiorum poenis lui: sed hoc praeclare legibus comparatum est, ut caritas liberorum amiciores parētes Reip. redderet. itaq; Lepidus crudelis in liberos, non is, qui Lepidum hostem iudicat. atque ille, si armis positus de uī dānatus esset, quo in iudicio certe defensionem non haberet, eandem calamitatem subirent liberi bonis publicatis. quanquam, quod tua mater, & soror deprecatur pro pueris, id ipsum, & multa alia crudeliora nobis omnibus Lepidus, Antonius, & reliqui hostes

LIB. EPIST.

denunciant, itaque maximam spem hoc tempore habemus in te, atque exercitu tuo. cum ad reip. summam, tum ad gloriā, & dignitatem tuā uehementer pertinet, te in Italiam, ut ante scripsi, uenire quamprimum: eget enim uehementer tum uiribus tuis, tum etiam consilio resp. Veterem pro eius erga te beneuolentia, singulari q; officio libenter ex tuis literis complexus sum, eumq; cū tui, tum reipub. studiosissimum, amantissimumq; cognoui. Ciceronem meum propediem, ut spero, uidebo: tecum. n. illum, & te in Italiam celeriter esse uenturum confido.

BRUTVS CICERONI S.

DE M. Lepido uereri me cogit reliquorum timor. qui si eripuerit se nobis, quod uelim temere, atque iniuriose de illo suspicati sint homines: oro, atque obsecro te Cicero, necessitudinē nostrā, tuamq; in me beneuolentiā obtestans, sororis meae liberos obliuiscaris esse Lepidi filios, meq; his in patris locum successisse existimes. hoc si à te impetro, nihil profecto dubitabis pro his suscipere. aliter alij cum suis uiuunt: nihil ego possum in sororis meae liberos facere, quo possit expleri uoluntas mea, aut officium. quid uero aut mihi tribuere boni possunt, (si modo digni sumus, quibus aliquid tribuatur) aut ego matri, ac sorori, puerisq; illis praestaturus sum, si nihil ualuerit apud te, reliquumq; senatum contra patrem Lepidum Brutus auunculus? scribere multa ad te neque possum praesolitudine, ac stomacho, neque deo: nam, si in tanta re, tamq; necessaria uerbis mihi opus est ad te excitandum, & confirmandum; nulla spes est, facturum te, quod uolo, & quod oportet. quare noli expectare lon-

gas preces : intuerere me ipsum, qui hoc à te uel à Cicero-
ne coniunctissimo homine priuatim, uel à consulari tali
uiro remota necessitudine priuata impetrare debeo. quid
sis factururus, uelim mihi quamprimum rescribas. Cal.
Quint. ex castris.

CICERO BRUTO S.

BREUES tuæ literæ: breues, dico? immo nullæ.
tribus ne uersiculis his temporibus Brutus ad me? nihil
scripsissem potius. & requiris meas. quis unquam ad te
tuorum sine meis uenit? quæ autem epistola nō pondus
habuit? quæ si ad te perlata nō sunt, ne domesticas qui-
dem tuas perlatas arbitror. Ciceroni scribis te longio-
rem daturum epistolam. recte id quidē: sed hæc quoque
debut esse plenior. ego autem, cum ad me de Cicero-
nis abs te discessu scripsisses, statim extrusi tabellarios,
literasq; ad Ciceronem, ut, etiam si in Italiam uenis-
set, ad te rediret: nihil enim mihi iucundius, nihil illi ho-
nestius. quanquam aliquoties ei scripseram, sacerdotum
comitia mea summa contentione in alterum annum es-
se reiecta. quod ego cum Ciceronis causa elaborauit, tum
Domitij, Catonis, Lentuli, Bibulorum: quod ad te etiam
scripseram. sed uidelicet, cum illam pusillam episto-
lam tuam ad me dabas, non dum erat tibi id notum.
quare omni studio à te mi Brute contendo, ut Cicero-
nem meum ne dimittas, tecumq; adducas: quod ipsum,
si remp. cui susceptus es, respicis, tibi iam iamq; facien-
dum est: renatum enim bellum est, idq; non paruo sce-
lere Lepidi. exercitus autem Cæsaris, qui erat optimus,
non modo nihil prodest, sed etiam cogit exercitum tuum

L I B. E P I S T.

flagitari: qui si Italiam attigerit, erit ciuis nemo (quem quidem ciuem appellari fas sit) qui se non in tua castra conferat. etsi Brutum praeclare cum Planco coniunctum habemus. sed non ignoras, quàm sint incerti animi hominũ, & infecti partibus, & exitus praeliorum. quin etiam si, ut spero, uicerimus, tamen magnã gubernationem tui consilij, tuãq; auctoritatis res desiderabit. subueni igitur per Deos, idq; quãprimũ tibi persuade, non te Idibus Martijs, quibus seruitutẽ à tuis ciuibus repulisti, plus profuisse patriã, quàm, si mature ueneris, profuturum. II. Id. Quint.

C I C E R O B R U T O S.

M E S S A L A M habes. quibus igitur literis tam accurate scriptis assequi possum, subtilius ut explicem, quæ gerantur, quæq; sint in Rep. quàm tibi is exponet, qui & optime omnia nouit, & elegantissime expedire, et deferre ad te potest? caue enim existimes Brute, (quanquam non est necesse ea me ad te, quæ tibi nota sunt, scribere: sed tamen tantam omnium laudum excellentiam non queo silentio præterire) caue putes, probitate, constãtia, cura, studio Reip. quidquam illi esse simile: ut eloquentia, qua mirabiliter excellit, uix in eo locum ad laudandum habere uideatur: quanquam in hac ipsa sapientia plus apparet: ita graui iudicio, multaq; arte se exercuit in uerissimo genere dicendi. tanta autem industria est, tantumq; euigilat in studio, ut nõ maxima ingenio, quod in eo summum est, gratia habenda uideatur. sed prouehor amore: non enim id propositum est huic epistolæ, Messalam ut laudem, præsertim ad Brutum, cui

Et uirtus illius non minus, quàm mihi, nota est, Et hæc ipsa studia, quæ laudo, notiora. quem cum à me dimittens grauius ferrem, hoc leuabar uno, quodd ad te tanquàm ad alterum me proficiscens, Et officioungebatur, Et laudem maximam sequebatur. sed hæc hætenus.

Venio nunc, longo sanè interuallo, ad quandam epistolam, qua mihi multa tribuens unum reprehendebas, quodd in honoribus decernendis essem nimius, Et tanquàm prodigus. tu hoc: alius fortasse, quodd in animaduersione, poenâq; durior: nisi fortasse utrunque tu. quod si ita est, utriusque rei meum iudicium tibi cupio esse notissimum: neque solum ut Solonis dictum usurpem, qui Et sapiens unus fuit ex septem, Et legum scriptor solus ex septem. is Remp. duabus rebus contineri dixit, premio, Et poena. est scilicet utriusque rei modus, sicut reliquarum, Et quædam in utroque genere mediocritas. sed non tanta de re propositum est hoc loco disputare. quid ego autem secutus hoc bello sim in sentijs dicendis, alienum non puto aperire. post interitum Cæsaris, Et uestras memorabiles Idus Martias Brute quid ego prætermisum à uobis, quantamq; impendere Reip. tempestatem dixerim, non es oblitus. magna pestis erat depulsa per uos, magna populi R. macula deleta, uobis uero parata diuina gloria; sed instrumentum regni delatum ad Lepidum, Et Antonium: quorum alter inconstantior, alter impurior, uterque pacem metuens, inimicus otio. his ardentibus perturbandæ Reip. cupiditate quod opponi posset præsidium, non habebamus: crexerat enim se ciuitas in retinenda libertate consentiens. nos tum nimis acres. uos fortasse sapientius exces-

LIB. EPIST.

sistis urbe ea, quam liberaratis: Italiae sua uobis studia proferenti remisistis. itaque cum teneri Urbem à par-
ricidis uiderem, nec te in ea, nec Cassium tuto esse pos-
se, eamq; armis oppressam ab Antonio: mihi quoque
ipsi esse excedendum putavi: tetrum enim spectaculum,
oppressa ab impijs ciuitas, opitulandi potestate præci-
sa. sed animus idem, qui semper, infixus in patriæ ca-
ritate, discessum ab eius periculis ferre nō potuit. itaque
in medio Achaico cursu, cum Etesiarum diebus ausper-
me in Italiam, quasi dissuasor mei consilij, retulisset,
te uidi Veliae, doluiq; uehementer: cedebas enim Bru-
te, cedebas; quoniam Stoici uestri negant fugere sa-
pientis. Romam ut ueni, statim me obtuli Antoni sce-
leri, atque dementiae. quem cum in me incitauissem, cons-
ilia inire coepi, Brutina plane, (uestri enim hæc sunt
propria sanguinis) reipub. liberanda. longa sunt, quæ
restant, prætereunda: sunt enim de me. tantum di-
co, Cæsarem hunc adolescentem, per quem adhuc su-
mus, si uerum fateri uolumus, fluxisse ex fonte consi-
liorum meorum. huic habiti à me honores, nulli qui-
dem Brute, nisi debiti, nulli, nisi necessarij: ut enim
primum libertatem reuocare coepimus, cum se non dum
ne Decimi quidem Bruti diuina uirtus ita commouisset,
ut iam id scire possemus, atque omne præsidium esset in
puero, qui à ceruicibus nostris auertisset Antonium;
quis honos ei non fuit decernendus? quanquam ego illi
tum uerborum laudem tribui, eamq; modicam: de-
creui etiam imperium: quod quanquam uidebatur illi
ætati honorificum, tamen erat exercitum habenti neces-
sarium: quid enim est sine imperio exercitus? statuam

Philippus decreuit, celeritatem petitionis primo Seruius, post maiorem etiam Seruilius. nihil tum nimium uidebatur, sed nescio quo modo facilius in timore benigni, quàm in uictoria grati reperimur: ego enim, D. Druto liberato, cū letissimus ille ciuitati dies illuxisset, idemq; casu Bruti natalis esset, decreui, ut in fastis ad eū diem Bruti nomen ascriberetur: in eoq; sum maiorum exemplum secutus, qui hunc honorem mulieri Larentiæ tribuerunt, cuius uos Pōtīfices ad arā in Velabro facere soletis. quod ego cū dabam Bruto, notam esse in fastis gratissimæ uictoriæ sempiternā memoriā uolebā. atque illo die cognoui paulo plures in senatu maleuolos esse, quàm gratos. eos per ipsos dies effudi (si ita uis) honores in mortuos Hircium, & Pansam, Aquilā etiam: quod quis reprehendit, nisi qui, deposito metu, præteriti periculi fuerit oblitus? accedebat ad beneficij memoriā gratam ratio illa, quæ etiam posteris posset esse salutaris: extare enim uolebam in crudelissimos hostes monimenta odij publici sempiterna. suspicor illud minus tibi probari, quod ab tuis familiaribus, optimis illis quidem uiris, sed in repub. rudibus, non probatur, quòd, ut ouanti introire Cæsari liceret, decreuerim. ego autem (sed erro fortasse: nec tamen is sum, ut mea me maxime delectent) nihil mihi uideor hoc bello sensisse prudentius. cur autem ita sit, aperiendum non est, ne magis uidear prouidus fuisse, quàm gratus. hoc ipsum nimium: quare alia uideamus. D. Bruto decreui honores, decreui L. Planco. præclara illa quidem ingenia, quæ gloria inuitantur: sed senatus etiam sapiens, qui, quā quenque re putat, modo honesta, ad rempub. iuuandam posse ad-

duci, hac utitur. At in Lepido reprehendimur: cui cum statuam in Rostris statuissemus, ijdem illam euertimus. nos illum honore studuimus à furore renocare: uicit amentia leuissimi hominis nostram prudentiam. nec tamen tantum in statuenda Lepidi statua factum est mali, quantum in euertenda boni. satis multa de honoribus.

Nunc de poena pauca sunt dicenda: intellexi enim ex tuis saepe literis, te in ijs, quos bello deuicisti, clementiam tuam uelle laudari. existimo equidem, nil à te nisi sapienter: sed sceleris poenam pratermittere (id enim est, quod uocatur ignoscere) etiam si in ceteris rebus tolerabile est, in hoc bello perniciosum puto: nullum enim bellum ciuile fuit in nostra repub. omniū, quae memoria mea fuerunt, in quo bello non, utracunque pars uicisset, tamen aliqua forma esset futura reip. hoc bello uictores quam remp. simus habituri, non facile affirmarim: uictis certe nulla unquam erit. dixi igitur sententias in Antonium, dixi in Lepidum seueras, neque tam ulciscendi causa, quàm ut & in praesens sceleratos ciueis timore ab impugnanda patria deterrerem, & in posterum documentum statuerem, ne quis talem amentiam uellet imitari. quanquam haec quidem sententia non magis mea fuit, quàm omnium. in qua uidetur illud esse crudele, quodd ad liberos, qui nihil meruerunt, poena peruenit. sed id & antiquum est, & omnium ciuitatum: siquidem etiam Themistoclis liberi eguerunt. & si iudicio damnatos eadem poena sequitur ciueis, qui potuimus leniores esse in hosteis? quid autem queri potest quisquam de me, qui, si uicisset, acerbiores se in me futurum fuisse confiteatur, necesse est & habes rationem mearum sententiarum

tentiarum, de hoc genere duntaxat honoris, & poenae:
nam de ceteris rebus quid senserim, quidq; censuerim,
audisse arbitror. sed haec quidem non ita necessaria:
illud ualde necessarium Brute, te in Italiam cum exerci-
tu uenire quamprimum. summa est expectatio tui: qui
si Italiam attigeris, ad te concursus fiet omnium: siue
enim uicerimus, qui quidem pulcherrime uiceramus, ni-
si Lepidus perdere omnia, & perire ipse cum suis concu-
piuisset; tua nobis auctoritate opus est ad collocandum
aliquem ciuitatis statum: siue etiam nunc certamen re-
liquum est; maxima spes est cum in auctoritate tua,
tum in exercitus tui uiribus. sed propera per Deos: scis
enim, quantum sit in temporibus, quantum in celeritate.

Sororis tuae filiis quam diligenter consulam, spero te
ex matris, & ex sororis literis cogniturum. qua in cau-
sa maiorem habeo rationem tuae uoluntatis, quae mihi ca-
rissima est, quam, ut quibusdam uideor, constantiae
meae. sed ego nulla in re malo, quam te amando con-
stans & esse, & uideri.

B R V T V S C I C E R O N I S.

PARTICVLAM literarum tuarum, quas misi-
sti Octauio, legi, missam ab Attico mihi. studium tuum,
curaq; de salute mea nulla me noua uoluptate affecit:
non solum enim usitatum, sed etiam quotidianum est, ali-
quid audire de te, quod pro nostra dignitate fideliter, at-
que honorifice dixeris, aut feceris. at dolore, quantum animo
maximum capere possum, eadem illa pars epistolae scriptae
ad Octauium de nobis affecit: sic enim illi gratias agis
de republica, tam suppliciter, ac demisse, (quid scribam? pu-

o o

det conditionis, ac fortunæ: sed tamen scribendum est: cōmendas nostram salutem illi, quæ morte qua non perniciosior?) ut prorsus præ te feras non sublatam dominationem, sed dominū cōmutatum esse. uerba tua recognosce, & aude negare seruientis aduersus Regē istas esse preces. unum ais esse, quod ab eo postuletur, & expectetur, ut eos ciues, de quibus uiri boni, populusq; R. bene existimet, saluos uelit. quid, si nolit? non erimus? atqui non esse, quàm esse per illum, præstat. ego mediū fidius non existima tā omnes Deos auersos esse à salute populi R. ut Octavius orandus sit pro salute cuiusquam ciuis, non dicam pro liberatoribus orbis terrarum: iuuat enim magnifice loqui, & certe decet aduersus ignorantem, quid pro quoque timendum, aut à quoque petendum sit. hoc tu Cicero posse fateris Octaviū, & illi amicus es; aut, si me carū habes, uis Romæ uideri, cum, ut ibi esse possem, cōmendandus puero illi fuerim? cui quid agis gratias, si, ut nos saluos esse uelit, & patiat, rogandum putas? an hoc pro beneficio est habendum, quod se, quàm Antonium, esse maluerit, à quo ista petenda essent? iudici quidem alienæ dominationis, non uicario, ecquis supplicat, ut optime meritis de rep. liceat esse saluis? ista uero imbecillitas, & desperatio, cuius culpa non magis in te residet, quàm in omnibus alijs, & Cæsarem in cupiditatem regni impulit; & Antonio post interitum illius persuasit, ut interfecti locum occupare conaretur; & nūc puerum istum extulit, ut tu iudicares precibus esse impetrandam salutem talibus uiris, misericordiāq; unius uix etiam nunc uiri tutos fore nos, haud ulla alia re. quod si Romæ

nos nos esse meminissimus; non audacius dominari cuperent postremi homines, quàm id nos prohiberemus, neque magis irritatus esset Antonius regno Cæsaris, quàm ob eiusdem mortem deterritus. tu quidem consularis, & tantorum scelerum uindex, quibus oppressis, uereor, ne in breue tempus dilata sit abs te perniciēs, qui potes intueri, quæ gesseris, simul & ista uel probare, uel ita demisse, ac facile pati, ut probantis speciem habeas? quod autem tibi cum Antonio priuatum odium? nempe, quia postulabat hæc, salutem ab se peti precariam, nos incolumitatem habere, à quibus ipse libertatem accepisset, esse arbitrium suum de repub. quærenda esse arma putasti, quibus dominari prohiberetur, scilicet ut illo prohibito rogaremus alterum, qui se in eius locum reponi pateretur, an ut esset sui iuris, ac mancipij res? nisi forte non de seruitute, sed de conditione seruiendi recusatum est à nobis. atqui non solum bono domino potuimus Antonio tolerare nostram fortunam, sed etiam beneficijs, atque honoribus ut participes frui quantis uellemus: quid enim neget ijs, quorum patientiam uideret maximum suæ dominationis præsidium esse? sed nihil tanti fuit, quo uenderemus fidem nostram, & libertatem. hic ipse puer, quem Cæsaris nomen incitare uidetur in Cæsaris interfectores, quanti æstimet, si sit commercio locus, posse nobis auctoribus tantum, quantum profecto poterit, quoniam uiuere, & pecunias habere, & dici consulares uolumus? ceterum nequidquam perierit ille: cuius interitu quid gauisi sumus, si mortuo nihilo minus seruituri eramus? nulla cura adhibetur. sed mihi prius

omnia Dii, Deæq; eripuerint, quàm illud iudicium, quo non modo heredi eius, quem occidi, non concesserim quod in illo non tuli, sed ne patri quidem meo, si reuiscat, ut patiente me plus legibus, ac senatu possit. an hoc tibi persuasum est, fore ceteros ab eo liberos, quo inuito nobis in ista ciuitate locus non sit? qui porro id, quod petis, fieri potest, ut impetres? rogas enim, uelut nos saluos esse. uidemur ergo tibi salutem accepturi, cum uitam acceperimus? quam, si prius dimittimus dignitatem, & libertatem, qui possumus accipere? an tu, Romæ habitare, id putas incolumem esse? res, non locus, oportet præstet istuc mihi. neque incolumis fui Cæsare uiuo, nisi postquam illud consciui facinus: neque usquam exul esse possum, dum, seruire, & pati contumelias, peius odero malis omnibus alijs. non ne hoc est in easdem tenebras recidisse, cum ab eo, qui tyranni nomen asciuit sibi, (cum in Græcis ciuitatibus liberi tyrannorum, oppressis illis, eodem supplicio afficiantur) petitur, ut uindices, atq; oppressores dominationis salui sint? hanc ego ciuitatem uidere uelim, aut putem ullam, quæ ne traditam quidem, atque inculcatam libertatem recipere possit, plusq; timeat in puero nomen sublatis Regis, quàm confidat sibi, cum illum ipsum, qui maximas opes habuerit, paucorum uirtute sublatum uideat? me uero posthac ne commendaueris Cæsari tuo, ne te quidem ipsum, si me audies. ualde care æstimas tot annos, quot ista ætas recipit, si propter eam causam puero isti supplicaturus es. deinde, quod pulcherrime fecisti, ac facis in Antonium, uide, ne conuertatur à laude maximi animi ad opinionem formidinis: nam si Octanius tibi placet,

à quo de nostra salute petendum sit, non dominum fuisse, sed amicio rem dominum quæsisse uideberis. quem quoddam laudas ob ea, quæ adhuc fecit, plane probo: sunt enim laudanda, si modo contra alienam potentiam, non pro sua suscepit eas actiones. cum uero iudicas tantum illi non modo licere, sed etiam à te ipso tribuendum esse ut rogandus sit, ne nolit esse nos saluos; nimium magnam mercedem statuis: id enim ipsum illi largiris, quod per illum habere uidebatur respublica. neque hoc tibi in mentem uenit, si Octavius ullis dignus sit honoribus, quia cum Antonio bellum gerat, ijs, qui illud malum exciderint, cuius istæ reliquæ sunt, nihil, quo expleri possit eorum meritum, tributurum unquam populum R. si omnia simul congesserit. ac uide, quanto diligentius homines metuant, quàm meminerint, quia Antonius uiuat, atque in armis sit. de Cæsare uero quod fieri potuit, ac debuit, transactum est, neque iam reuocari in integrum potest. Octavius is est, qui quid de nobis iudicaturus sit, expectet populus R? nos ij sumus, de quorum salute unus homo rogandus uideatur? ego uero (ut istuc reuertar) is sum, qui non modo non supplicem, sed etiam coerceam postulantes, ut sibi supplicetur: aut longe à seruientibus abero, mihiq; esse iudicabo Romam, ubicunque liberum esse licebit; ac uestri miserebor, quibus nec ætas, neque honores, neque uirtus aliena dulcedinem uiuendi minuere potuerit. mihi quidem ita beatus esse uidebor, si modo constanter, ac perpetuo placebit hoc consilium, ut relatam putem gratiam pietati meæ: quid enim est melius, quàm memoria recte factorum, & libertate contentum negligere humana? sed certe

LIB. EPIST.

non succumbam succumbentibus, nec uincar ab ijs, qui se uinci uolunt, experiarq; , & tentabo omnia, neque desistam abstrahere à seruitio ciuitatem nostram . si secuta fuerit, quæ debet, fortuna, gaudebimus omnes: sin minus, ego tamen gaudebo: quibus enim potius hæc uita factis, aut cogitationibus traducatur, quàm ijs, quæ pertraherint ad liberandos ciues meos? te Cicero rogo, atque hortor, ne defatigare, neu diffidas; semper in presentibus malis prohibendis, futura quoque, nisi ante sit occursum, explores, ne se insinuent. fortem, & liberum animum, quo & Consul, & nunc consularis rep. uindicasti, sine constantia, & æquabilitate nullum esse putaris: fateor enim duriores esse conditionem spectatæ uirtutis, quàm incognitæ. benefacta pro debitis exigimus: quæ si aliter eueniunt, ut decepti ab his, infesto animo reprehendimus. itaque resistere Antonio Cicero nem, & si magna laude dignum est: tamen, quia ille Consul hunc consularem merito præstare uidetur, nemo admiratur. idem Cicero, si flexerit aduersus alios iudicium suum, quod tanta firmitate, ac magnitudine direxit in exturbando Antonio, non modo reliqui temporis gloriam eripuerit sibi, sed etiam præterita euanescere cogit: (nihil enim per se amplum est, nisi in quo iudicii ratio extat) quia neminem magis decet, quàm te, temp. amare, libertatisq; defensorem esse, uel ingenio, uel rebus gestis, uel studio, atque efflagitatione omnium. quare non Octavius est rogandus, ut uelit nos saluos esse: magis tu te exuscita, ut eam ciuitatem, in qua maxima gestisti, liberam, atque honestam fore putes, si modo sint populo duces ad resistendum improborum consilijs.

S C R I B I S mihi, mirari Ciceronem, quodd nihil si-
 gnificem unquam de suis actis. quoniam efflagitas, co-
 actu tuo scribam, quæ sentio. Omnia fecisse Ciceronem
 optimo animo, scio: quid. n. mihi exploratius esse potest,
 quàm illius animus in remp? sed quædam mihi uidetur,
 quid dicam, imperite uir omnium prudentissimus, an am-
 bitiose fecisse, qui ualentissimū Antonium suscipere pro
 rep. non dubitauit inimicum? nescio quid scribam tibi,
 nisi unum, pueri & cupiditatem, & licetiam potius esse
 irritatam, quàm repressam à Cicerone; tantumq; eum
 tribuere huic indulgentiæ, ut se maledictis non abstineat,
 ijs quidem, quæ in ipsum dupliciter recidunt, quodd &
 plures occidit uno, seq; prius oportet fateatur sicari-
 um, quàm obijciat Casca, quod obijcit; & imitatur in
 Casca Bestiam. an, quia non omnibus horis iactamus
 Idus Martias, similiter atque ille Nonas Decembreis
 suas in ore habet, eo meliore conditione Cicero pul-
 cherrimum factum uituperabit, quàm Bestia, & Clo-
 dius reprehendere illius Consulatum soliti sunt? susti-
 nuisse mihi gloriatur bellum Antonij togatus Cicero no-
 ster. quid hoc mihi prodest, si merces Antonij oppressi
 poscitur in Antonij locum successio? & si uindex illius
 mali auctor exitit alterius, fundamentum, & radices
 habituri altiores, si patiamur? ut iam ista, quæ facit,
 non dominationem, non, sed dominum Antonium
 timentis sint. ego autem gratiam non habeo, si quis,
 dum ne irato seruiat, rem ipsam non deprecatur. im-
 mo triumphum, & stipendium decernitur, & omni-

bus decretis ornatur . pudeat conspiciere fortunam , cuius nomen suscepit . consularis hoc , an Ciceronis est ? quoniam tacere non licuit , leges , quæ tibi necesse est molestæ esse : etenim ipse sentio , quanto cum dolore hæc ad te perscripserim : nec ignoro , quid sentias in repub. & quàm desperatam quoque sanari puto posse . nec me hercle te Attice reprehendo : ætas enim , mores , liberi se agnem efficiunt : quod quidem etiam ex Flavio nostro perspexi . sed redeo ad Ciceronem . quid inter Salvidenum , & eum interest ? quid autem amplius ille decerneret ? timet , inquit , etiam nunc reliquias belli civilis . quisquam ergo ita timeat profligatum , ut neque potentiam eius , qui exercitum victorem habeat , neque temeritatem pueri putet extimescendam esse ? an hoc ipsum a re facit , quod illi propter amplitudinem omnia iam , ultroq; deferenda putat ? ò magnam stultitiam timoris , id ipsum , quod verearis , ita cauere , ut , cum vitare fortasse potueris , ultro accersas , & attrahas . nimium timeamus mortem , & exilium , & paupertatem . hæc mihi videntur Ciceroni ultima esse in malis : & , dum habeat , à quibus impetret , quæ velit , & à quibus colatur , ac laudetur , seruitutem , honorificam modo , non aspernatur ; si quidquam in extrema , ac miserrima contumelia potest honorificum esse . licet ergo patrem appellet Octavius Ciceronem , referat omnia , laudet , gratias agat : tamen illud apparebit , uerba rebus esse contraria : quid enim tam alienum ab humanis sensibus est , quàm eum patris habere loco , qui ne liberi quidem hominis numero sit ? atqui ed tendit , id agit , ad eum exitum properat uir optimus , ut sit illi Octavius pro-

pitius . ego uero iam ijs artibus nihil tribuo , quibus scio
 Ciceronem instructissimum esse : quid enim illi profunt,
 quæ pro libertate patriæ de dignitate , quæ de morte ,
 exilio , paupertate scripsit copiosissime ? quanto autem
 magis illa callere uidetur Philippus , qui priuigno mi-
 nus tribuerit , quàm Cicero , qui alieno tribuat . desinat
 igitur gloriando etiam insectari dolores nostros : quid
 enim nostra, uictum esse Antonium, si uictus est, ut aliq-
 uacaret , quod ille obtinuit ? tamen si tuæ literæ dubia
 etiam nunc significant . uiuat hercule Cicero , qui pos-
 test, supplex, & obnoxius, si neque ætatis, neque honorû,
 neque rerum gestarum pudet . ego certe, qui cum ipsa re
 bellum geram, hoc est cum regno, & imperijs extraor-
 dinarijs, & dominatione, & potentia , quæ supra leges
 se esse uelit, nulla erit tam bona conditio seruiendi , qua
 non deterrear , quamuis sit uir bonus, ut scribis, Anto-
 nius : quod ego nunquam existimaui . sed dominum ne
 parentem quidem maiores nostri uoluerunt esse . Te
 nisi tantum amarem, quantum Ciceroni persuasum est
 diligere ab Octauio, hæc ad te non scripsissem . dolet mihi,
 quod tu non stomacharis , amantiſſimus tum tuorum
 omnium, tum etiam Ciceronis . sed persuade tibi, de uol-
 untate propria mea nihil esse remissum , de iudicio lar-
 giter : neque enim impetrari potest, quin, quale quidq; ui-
 deatur ei, talem quisque de illo opinionē habeat . uellem
 mihi scripsisses, quæ conditiones essent Atticæ nostræ : pos-
 tuissem tibi aliquid de meo sensu perscribere . Valetus-
 dinem Porciæ meæ tibi curæ esse non miror . Denique,
 quod petis, faciam libenter : nam etiam sorores me ro-
 gant : & hominem noro, & quid sibi uoluerit .

M. CICERO MARCO BRUTO S.

CUM saepe te literis hortatus essem, ut quāprimum reip. subuenires, in Italiamq; exercitum adduceres, neque id arbitrarer dubitare tuos necessarios; rogatus sum a prudentissima, & diligentissima foemina matre tua, cuius omnes curae ad te referuntur, & in te consumuntur, ut uenirem ad se ad V I I I. Cal. Sext. quod ego, ut debui, sine mora feci. cum autē uenissem, Casca aderat, & Labeo, & Scaplius. at illa retulit, quāsinitq; quidnam mihi uideretur, accerseremus ne te, atque tibi id conducere putaremus, an tardare, & commorari te melius esset. respondi id, quod sentiebam, & dignitati, & existimationi tuae maxime conducere, te primo quoque tempore ferre praesidium labenti, & inclinata reip. quid enim abesse censes mali in eo bello, in quo uictores exercitus fugientem hostem persequi noluerunt? & in quo incolumis imperator, honoribus amplissimis fortunisque; maximis, coniuge, liberis, uobis affinibus ornatus, bellum reipub. indixerit? quid dicam, in tanto senatus populiq; consensu, cum tantum resideat intra muros mali? maximo autem, cum haec scribebam, afficiebar dolore, quodd, cum me pro adolescentulo, ac penē puero resp. accepisset uadem, uix uidebar, quod promiseram, praestare posse. est autem grauior, & difficilior animi, & sententiae, maximis praesertim in rebus, pro altero, quā pecunia, obligatio: haec enim solui potest, & est rei familiaris iactura tolerabilis: reip. quod sponderis, quemadmodum soluas, nisi is dependi facile patitur, pro quo sponderis? quanquam & hunc, ut ste-

ro, tenebo multis repugnantibus: uidetur enim in eo esse indoles, sed flexibilis ætas, multiq; ad deprauandum parati, qui splendore falsi honoris obiecto, aciem boni ingenij perstringi posse confidunt. itaque ad reliquos hic quoque labor mihi accessit, ut omnes adhibeam machinas ad tenendum adolescentem, ne famam subeam temeritatis. quanquam quæ temeritas est? magis enim illum, pro quo sponendi, quam me obligauit. nec uero poenitere potest remp. me pro eo spondisse, qui fuit in rebus gerendis tum suo ingenio, tum mea promissione constanter. maximus autem, nisi me forte fallit, in republ. nodus est inopia rei pecuniariæ: obdurecunt enim magis quotidie boni uiri ad uocem tributi; quod ex centesima collatum impudenti censu locupletum, in duarum legionum præmijs omne consumitur. impendent autem infiniti sumptus tum in hos exercitus, quibus nunc defendimur, tum uero in tuum. nam Cassius noster uidetur posse satis ornatus uenire. sed & hæc, & multa alia coram cupio, idq; quamprimum. De sororis tuæ filijs, non expectaui Brute, dum scriberes. omnino iam tempora (bellum enim ducetur) integram tibi causam reseruant. sed ego à principio, cum diuinare de belli diuturnitate non possem, ita causam egi puerorum in senatu, ut te arbitror è matris literis potuisse cognoscere. nec uero ulla res erit unquam, in qua ego non uel uitæ periculo ea dicam, eaq; faciam, quæ te uelle, quæq; ad te pertinere arbitror.

Vale. VI. Cal. Sext.

M. TVLLII CICERONIS EPISTOLA
RVM AD Q. FRATREM
LIBER I.

MARCVS QVINTO FRATRI S.

ETSI non dubitabam, quin hāc episto
lā multi nunciij, fama denique esset ipsa
sua celeritate superatura, tuq; ante ab
alijs auditurus esses, annū tertium ac
cessisse desiderio nostro, & labori tuo:
tamen existimaui à me quoque tibi huius molestiae nun
cium perferri oportere. nam superioribus literis, non
unis sed pluribus, cum iam ab alijs desperata res esset,
tamen ego tibi spem maturae decessionis afferebam, non
solum ut quamdiutissime te incūda opinione oblectarē,
sed etiam quia tanta adhibebatur & à nobis, & à Præ
toribus contentio, ut rem posse confici non diffiderem.
nunc, quoniam ita accidit, ut neque Prætores suis opibus,
neque nos nostro studio quidquam proficere possimus; est
omnino difficile non grauitè id ferre; sed tamen nostros
animos, maximis in rebus gerendis, & sustinendis exerci
tatos, frangi, & debilitari molestia nō oportet. & quo
niam ferre ea molestissime homines debent, quæ ipsorum
culpa cōtracta sunt: est quiddam in hac re mihi mole
stius ferendū, quàm tibi: factum est enim mea culpa, cō
tra quàm tu mecum & proficiscens, & per literas ege
ras, ut priore anno non succederetur. quod ego, dum so
ciorum salutem consulo, dum impudentiæ nonnullorū ne
gociatorum resisto, dum nostram gloriam tua uirtute
augeri expeto, feci non sapienter, præsertim cū id com=

miserim, ut ille alter annus etiam tertium posset adducere.
 quod quoniam peccatum meum esse confiteor, est sapien-
 tia, atque humanitatis tuæ, curare, & perficere, ut hoc
 minus sapienter à me prouisum, diligentia tua corriga-
 tur. ac si te ipse uehementius ad omnes partes bene au-
 diendi excitaris, non ut cum alijs, sed ut tecum iam ipse
 certes; si omnem tuam mentem, curam, cogitationem, et
 excellentem omnibus in rebus laudis cupiditatem incitas-
 ris: mihi crede, unus annus additus labori tuo, multorum
 annorum lætitiā nobis, gloriā uero etiam posteris nostris
 afferet. quapropter hoc te primum rogo, ne contrahas
 aut demittas animum, ne ue te obrui, tanquam fluctu,
 sic magnitudine negotij sinas, contraq; erigas, ac resistas,
 siue etiam ultro occurras negotijs: neque enim eiusmodi
 partem reip. geris, in qua fortuna dominetur, sed in
 qua plurimum ratio possit, & diligentia. quodd si tibi
 bellum aliquod magnum, & periculosum administran-
 ti prorogatum imperium uiderem, tremere animo,
 quodd eodem tempore esse intelligerem etiam fortune po-
 testatem in nos prorogaram. nunc uero ea pars tibi reip.
 commissa est, in qua aut nullam, aut perexiguam par-
 tem fortuna tenet, & quæ mihi tota in tua uirtute, ac
 moderatione animi posita esse uideatur. nullas, ut o-
 pinor, insidias hostium, nullam prælij dimicationem,
 nullam defectionem sociorum, nullam inopiam stipen-
 dij, aut rei frumentariæ, nullam seditionem exerci-
 tus pertimescimus: quæ persæpe sapientissimis uiris ac-
 ciderunt, ut, quemadmodum gubernatores optimi
 uim tempestatis, sic illi fortune impetum superare non
 possent. tibi data est summa pax, summa tranquillitas,

LIB. I. EPIST.

ita tamen, ut ea dormientem gubernatorem uel obrue-
 re, uigilantem etiam delectare possit: constat enim ea
 prouincia primum ex eo genere sociorum, quod est ex
 hominum omni genere humanissimum; deinde ex eo ge-
 nere ciuium, qui aut, quodd publicani sunt, nos summa
 necessitudine attingunt, aut, quodd ita negotiantur, ut lo-
 cupletes sint, nostri Consulatus beneficio se incolumes for-
 tunas habere arbitrantur. at enim inter hos ipsos exi-
 stunt graues controuersiae, multae nascuntur iniuriae,
 magnae contentiones consequuntur. quasi uero ego id
 putem, non te aliquantum negotij sustinere. intelligo
 permagnum esse negotium, & maximi consilij. sed me
 mento, consilij me hoc negotium esse magis aliquanto,
 quam fortunae, putare: quid est enim negotij, contine-
 re eos, quibus praesidis, si te ipse contineas? id autem sit
 magnum, & difficile ceteris, sicut est difficillimum: ti-
 bi & fuit hoc semper facillimum, & uere esse debuit,
 cuius natura talis est, ut etiam sine doctrina uideatur
 moderata esse potuisse; ea autem adhibita doctrina est,
 quae uel uitiosissimam naturam excolere possit. tu cum
 pecuniae, cum uoluptati, cum omnium rerum cupidita-
 ti resistes, ut facis; erit, credo, periculum, ne improbum
 negotiatorem, paulo cupidiores publicanum compri-
 mere non possis. nam Graeci quidem sic te ita uiuentem
 intuebantur, ut quendam ex annalium memoria, aut
 etiam e coelo diuinum hominem esso in prouinciam de-
 lapsum putent. atque haec nunc, non ut facias, sed ut
 te facere, & fecisse gaudeas, scribo: praclarum est. n.
 summo cum imperio fuisse in Asia triennium, sic, ut
 nullum te signum, nulla pictura, nullum uas, nulla ue-

stis, nullum mancipium, nulla forma cuiusquam, nulla conditio pecunie, quibus rebus abundat ista prouincia, ab summa integritate, continentiaq; deduxerit. quid autem reperiri tam eximium, aut tam expectandum potest, quam istam uirtutem, moderationem animi, temperantiam non latere in tenebris, neque esse abditam, sed in luce Asiae, in oculis clarissimae prouinciae, atque in auribus omnium gentium, ac nationum esse positam; non itineribus tuis perterriti homines, non sumptu exauriri, non aduentu commoueri; esse, quocunque ueneris, & publice, & priuatim maximam laetitiam, cum urbs custodem, non tyrannum, domus hospitem, non expilatorem recepisse uideatur? his autem in rebus iam te usus ipse profecto erudiuit, nequaquam satis esse, ipsum hasce habere uirtutes, sed esse circumspectandum diligenter, ut in hac custodia prouinciae non te unum, sed omnes ministros imperij tui socijs, & ciuibus, & reipub. praestare uideare. quam legatos habes eos, qui ipsi per se habituri sint rationem dignitatis suae: de quibus honore, & dignitate, & aetate praestat Tubero: quem ego arbitror, praesertim cum scribat historiam, multos ex suis annalibus posse deligere, quos uelit, & possit imitari. Alienus autem, noster cum animo, & beneuolentia, tum uero etiam imitatione uiuendi. nam quid ego de Gratidio dicam? quem certo scio ita laborare de existimatione sua, ut propter amorem in nos fraternum etiam de nostra laboret. Quaestorem habes non tuo iudicio delectum, sed eum, quem sors dedit. hunc oportet & sua sponte esse moderatum, & tuis institutis, & praes-

LIB. I. EPIST.

ceptis obtemperare . quorum si quis forte esset sordidior, ferres eatenus, quoad per se negligeret eas leges, quibus est adstrictus, non ut ea potestate, quam tu ad dignitatem permisisses, ad quæstû abuteretur: neque enim mihi sanè placet, præsertim cum hi mores tantum iam ad nimiam leuitatem, & ambitionem incubuerint, scrutari te omneis sordis, excutere unumquemque eorum, sed, quanta sit in quoque fides, tantum cuique committere . atque inter hos, eos, quos tibi comites, & adiutores negotiorum publicorum dedit ipsa resp. duntaxat finibus ijs præstabis, quos ante præscripsi . quos uero aut ex domesticis conuictoribus, aut ex necessarijs apparitoribus tecum esse uoluisti, qui quasi ex cohorte Prætoris appellari solent, horum non modo facta, sed etiam dicta omnia præstanda nobis sunt. sed habes eos tecum, quos possis recte facientis facile diligere, minus consulenti existimationi tuæ facillime coercere. à quibus, rudis cum esses, uidetur potuisse tua liberalitas decipi: nam ut quisque est uir optimus, ita difficillime esse alios improbos suspicatur . nunc uero tertius hic annus habeat integritatem eandem, quam superiores, cautiorem etiam, ac diligentior . sint aures tuæ, quæ id, quod audiunt, existimentur audire, non in quas fictæ, aut simulate quæstus causa insurretur. sit annulus tuus non ut uas aliquod, sed tanquam ipse tu; non minister alienæ uoluntatis, sed testis tuæ . accensus sit eo etiam numero, quo eum maiores nostri esse uoluerunt, qui hoc non in beneficij loco, sed in laboris, ac muneris non temere, nisi libertis suis, deferebant; quibus illi quidem non multo secus, ac seruis, imperabant . sit licitor non suæ

nō suæ, sed tuæ lenitatis apparitor, maioraq; præferāt
 fasces illi, ac secur es dignitatis insignia, quàm potesta-
 tis. toti denique sit prouinciæ cognitum, tibi omnium,
 quibus præsis, salutem, liberos, famam, fortunas esse ca-
 rissimas. denique hæc opinio sit, non modo ijs, qui ali-
 quid acceperint, sed ijs etiã, qui dederint, te inimicū,
 si id cognoueris, futurum. neque uero quisquam da-
 bit, cum erit hoc perspectum, nihil per eos, qui simulāt
 se apud te multum posse, abs te solere impetrari. nec
 tamen est hæc oratio mea huiusmodi, ut te in tuos aut
 durum esse nimium, aut suspiciosum uelim. nã si quis
 est eorum, qui tibi biennij spatio nunquam in suspicio-
 nem auaritiæ uenerit, ut ego Cæsium, & Chærippum,
 & Labeonem audio, & quia cognoui, existimo. nihil
 est, quod non & ijs, & si quis est alius eiusmodi, & cō-
 mitti, & credi rectissime putem. sed si quis est, in quo
 iam offenderis, de quo aliquid senseris: huic nihil cre-
 dideris, nullam partem existimationis tuæ commiseris.
 in prouincia uero ipsa si quem es nactus, qui in tuam
 familiaritatem penitus intrarit, qui nobis ante fuerit
 ignotus: huic quantum credendum sit, uide: non quin
 possint multi esse prouinciales uiri boni: sed hoc spera-
 re licet, iudicare periculosum est: multis enim simula-
 tionum inuolucris tegitur, & quasi uelis quibusdā ob-
 tenditur uniuscuiusq; natura: frons, oculi, uultus per-
 sæpe mentiuntur, oratio uero sæpissime. quam ob rē
 qui potes reperire ex eo genere hominum, qui pecuniæ
 cupiditate adducti careant ijs rebus omnibus, à qui-
 bus nos diuulsi esse non possumus; te autem alienum
 hominem ament ex animo, ac non sui commodi causa

LIB. I. EPIST.

simulent? mihi quidem permagnum uidetur, præser-
 tim si ijdem homines priuatum non ferè quenquam,
 Prætores semper omnes amant. quo ex genere si quem
 forte tui cognouisti amantiorem (fieri enim potuit)
 quàm temporis: hunc ad tuum numerum libenter as-
 cribito. sin autem id non perspicias, nullum erit genus
 in familiaritate cauendum magis, propterea quòd &
 omnes uias pecunie norunt, & omnia pecunie causa
 faciunt, & quicum uicturi nò sunt, eius existimatio-
 ni consulere non curant. atque etiam è Grecis, ipsis di-
 ligenter cauenda sunt quedam familiaritates, præter
 hominum perpaucorum, si qui sunt uetere Græcia dis-
 gnì. sic uero fallaces sunt permulti, & leues, & diu-
 turna seruitute ad nimiam assentatione eruditi. quos
 ego uniuersos adhiberi liberaliter, optimum quenque
 hospitio, amicitiaq; coniungi dico oportere. nimia fa-
 miliaritates eorum neque tam fideles sunt (non enim
 audent aduersari nostris uoluntatibus) & inuidet nò
 nostris solum, uerum etiam suis. iam qui in eiusmodi
 rebus, in quibus uereor etiam ne durior sim, cautus
 esse uelim, ac diligens: quo me animo in seruos esse
 censes? quos quidem cum omnibus in locis, tum præci-
 pue in provincijs regere debemus. quo de genere mul-
 ta præcipi possunt: sed hoc & breuissimum est, & fa-
 cillime teneri potest: ut ita se gerant in istis Asiaticis
 itineribus, ut si iter Appia uia faceres; nèue interese
 se quidquã putent, utram Tralleis, an Formias uene-
 rint. ac si quis est ex seruis egregie fidelis, sit in dome-
 sticis rebus, & priuatis: quæ res ad officium imperij
 tui, atque ad aliquam partem Reip. pertinebunt, de ijs

rebus ne quid attingat : multa enim, quæ recte committi seruis fidelibus possunt, tamen sermonis, & uitu perationis uitandæ causa committenda non sunt. sed nescio quo pacto ad præcipiendi rationem delapsa est oratio mea, cum id mihi propositum initio nõ fuisset : quid enim ei præcipiam, quem ego, in hoc præsertim genere, intelligam prudentia nõ esse inferiorem, quàm me, usu uero etiam superiorem ? sed tamen, si ad ea, quæ faceres, auctoritas accederet mea, tibi ipsi illa putauit fore iucundiora. quare sint hæc fundamenta dignitatis tuæ, tua primum integritas, & continentia, deinde omnium, qui tecum sunt, pudor, deletus in familiaritatibus & provincialium hominum, & Græcorum percautus, & diligens, familiæ grauis, & constans disciplina. quæ cum honesta sint in his priuatis nostris, quotidianisq; rationibus : in tanto imperio, tam deprauatis moribus, tam corruptrice provincia, diuina uideantur, necesse est. hæc institutio, atque disciplina potest sustinere in rebus statuendis, discernendisq; eam seueritatē, qua tu in ijs rebus usus es, ex quib. non nullas simultates cum magna mea lætitia susceptas habemus : nisi forte me Paconij nescio cuius, hominis ne Græci quidem, at Mysi, aut Phrygij potius, querellis moueri putas, aut Tuscenij hominis furiosi, ac sordidi uocibus, cuius tu ex impurissimis faucibus inhonestissimam cupiditatē eripuisti summa cum equitate. hæc, & cætera plena seueritatis, quæ statuisti in ista provincia, non facile sine summa integritate sustinebimus. quare sit summa in iure dicendo seueritas, dum modo ea ne uarietur gratia, sed conseruetur æquabi-

P P ij

lis. sed tamen parui refert, abste ipso ius dici equaliter, & diligenter, nisi idem ab ijs fiet, quibus tu eius muneris aliquam partem concesseris. ac mihi quidem uidetur non sanè magna uarietas esse negotiorum in administranda Asia, sed ea tota iurisdictione maxime suslineri. in qua scientiæ, præsertim provincialis, ratio ipsa expedita est: constantia est adhibenda, & grauitas, quæ resistat non solum gratiæ, uerum etiam suspicioni. adiungenda etiam est facilitas in audiendo, lenitas in discernendo, in satisfaciendo, ac disputando diligentia. his rebus nuper Cn. Octavius iucundissimus fuit: apud quem primus licitor qui fuit, tacuit accensus: quoties quisque uoluit, dixit, & quàm uoluit diu. quibus ille rebus fortasse nimis lenis uideretur, nisi hæc lenitas illam seueritatem tueretur. cogeantur syllani homines, quæ per uim, & metum abstulerant, reddere. qui in magistratibus iniuriose decreuerant, eodem ipsis priuatis erat iure parendum. hæc illius seueritas acerba uideretur, nisi multis condimentis humanitatis mitigaretur. quod si hæc lenitas grata Romæ est, ubi tanta arrogantia est, tam immoderata libertas, tam infinita hominum licentia, denique tot magistratus, tot auxilia, tanta uis, tanta senatus auctoritas: quàm iucunda tandem Prætoris comitas in Asia potest esse? in qua tanta multitudo ciuium, tanta sociorum, tot urbes, tot ciuitates unius hominis nutum intuentur: ubi nullum auxilium est, nulla cōquestio, nullus senatus, nulla concio. quare permagni hominis est, & cum ipsa natura moderati, tum uero etiam doctrina, atque optimarum artium studijs eruditi, sic

se adhibere in tanta potestate, ut nulla alia potestas ab ijs, quibus præsint, desideretur. Cyrus ille à Xenophonte non ad historię fidem scriptus, sed ad effigiem iusti imperij: cuius summa gravitas ab illo philosopho cum singulari comitate coniungitur: quos quidem libros non sine causa noster ille Africanus de manibus ponere nō solebat: nullum est enim prætermissum in ijs officium diligentis, & moderati imperij. eaque si sic coluit ille, qui priuatus futurus nunquam fuit: quonam modo retinenda sunt ijs, quibus imperium ita datum est, ut redderent, & ab ijs legibus datum est, ad quas reuertendum est? ac mihi quidem uidentur huc omnia esse referenda ab ijs, qui præsunt alijs, ut ij, qui eorum in imperio erunt, sint quambeatissimi: quod tibi & esse antiquissimum, & ab initio fuisse, ut primum Asiam attingisti, constante fama, atque omnium sermone celebratum est. est autem non modo eius, qui socijs, & ciuibus, sed etiam eius, qui seruis, qui mutis pecudibus præsint, eorum, quibus præsint, commodis, utilitatibusque seruire. cuius quidem generis, constare inter omnes uideo, abs te summam adhiberi diligentiam, nullum æs alienum nouum contrahi ciuitatibus, uetere autem magno, & graui multas abs te esse liberatas urbes: complures dirutas, ac penè desertas, in quibus unā Ionie nobilissimam, alteram Caria, Samum, & Halicarnasum, per te esse recreatas: nullas esse in oppidis seditiones, nullas discordias: prouideri abs te, ut ciuitates optimatum consilijs administrantur: sublata Mysie latrocinia, cædes multis locis repressas, pacem tota prouincia constitutam, neque solum illa itinerum, atque

LIB. I. EPIST.

agrorum, sed multo etiam plura, & maiora oppidorū
 & furta, & latrocinia esse depulsa: remotam à fa-
 ma et à fortunis, ab otio locupletum illam acerbissi-
 mam ministrā Prætorum auaritiæ calumniam: sum-
 ptus, & tributa ciuitatum ab omnibus, qui earum ci-
 uitatū finis incolant, tolerari æquabiliter: facillimos
 esse aditus ad te: patere aures tuas querelis omniū: nul-
 lius inopiam, ac solitudinem non modo illo populari
 accessu, ac tribunali, sed ne domo quidem tua, & cu-
 biculo esse exclusam: tuo toto deniq; in imperio nihil
 acerbum esse, nihil crudele, atque omnia plena clemē-
 tiæ, mansuetudinis, humanitatis. quantum uero illud
 est beneficium tuum, q̄ iniquo, et graui uectigali ædi-
 litiorū, magnis nostris simultatibus, Asiam liberaſti?
 enim uero, si unus homo nobilis queritur palām, te, q̄
 edixeris, ne ad ludos pecuniæ decernerentur, HS CC si
 bi eripuisse: quanta tandem pecunia penderetur, si om-
 nium nomine, quicunq; Romæ ludos facerent, quod
 erat iam institutū, erogaretur? quanquā has quere-
 las hominū nostrorū illo consilio oppressimus, quod in
 Asia nescio quonam modo, Romæ quidē mediocri cum
 admiratione laudatur, q̄ cum ad templum, monimen-
 tumq; nostrum ciuitates pecunias decreuissent; cūq;
 id & pro magnis meis meritis, & pro tuis maximis
 beneficijs summa sua uoluntate fecissent; nomina-
 timq; lex exciperet, ut ad templum, monumentumq;
 capere liceret; cumq; id, quod dabatur, non esset inter-
 turum, sed in ornamentis templi futurum, ut non mi-
 hi potius, quā podulo R. ac Dijs immortalibus da-
 tum uideretur; tamē id, in quo erat dignitas, erat lex,

erat eorum, qui faciebant, uoluntas, accipiendum non
 putauit tum alijs de causis, tum etiam ut animo æquo
 re ferrent ijs, quibus nec deberetur, nec liceret. qua pro
 pter incumbe toto animo, & studio omni in eam ra-
 tionem, qua adhuc usus es, ut eos, quos tuæ fidei, pote-
 statiq; senatus, populusq; R. cōmisit, & credidit, dili-
 gas, et omni ratione tueare, ut esse quambeatissimos
 uelis. q. si te fors Afris, aut Hispanis, aut Gallis præfecis-
 set, immanibus, ac barbaris nationibus: tamen esset hu-
 manitatis tuæ, consulere eorum commodis, & utilita-
 ti, salutiq; seruire. cum uero ei generi hominum præsa-
 mus, nō modo in quo ipsa sit, sed etiam à quo ad alios
 peruenisse putetur humanitas: certe ijs eam potissimū
 tribuere debemus, à quibus accepimus: non enim me
 hoc iam dicere pudebit, præsertim in ea uita, atque ijs
 rebus gestis, in quibus non potest residere inertia, aut
 lenitatis ulla suspicio, nos ea, quæ consecuti sumus, ijs
 studijs, & artibus esse adeptos, quæ sint nobis Græciæ
 monumentis disciplinisq; tradita. quare, præter cōmu-
 nem fidem, quæ omnibus debetur, præterea nos isti ho-
 minum generi præcipue debere uidemur, ut, quorum
 præceptis simus eruditi, apud eos ipsos, quod ab ijs di-
 dicerimus, uelimus expromere. atque ille quidem prin-
 ceps ingenij, & doctrinæ Plato tum denique fere bea-
 tas Resp. putauit, si aut docti, & sapiētes homines eas
 regere cœpissent, aut, qui regerent, omne suum studiū
 in doctrina, ac sapientia collocassent. hanc coniunctio-
 nem uidelicet potestatis, & sapientiæ, saluti censuit
 ciuitatibus esse posse: quod fortasse aliquando uni-
 uersæ Reipub. nostræ, nunc quidem profecto isti pro-

uinciae contigit, ut is in ea summam potestatem haberet, cui in doctrina, cui in uirtute, atque humanitate percipienda plurimum à pueritia studij fuisset, & temporis. quare cura, ut hic annus, qui ad laborem tuum accessit, idem ad salutem Asiae prorogatus esse uideatur: quoniam in te retinendo fuit Asia feliciores, quam nos in deducendo; perfice, ut laetitia provinciae desiderium nostrum leniatur: etenim, si in promerendo ut tibi tanti honores haberentur, quanti haud scio an nemini, fuisti omnium diligentissimus, multo maiorem in his honoribus tuendis adhibere diligentiam debes. & quidem, de isto genere honorum quid sentirem, scripsi ad te ante. semper eos putavi, si uulgares essent, uiles; si temporis causa constituerentur, leues; si uero, id quod ita factum est, meritis tuis tribuerentur, existimabam multam tibi in ijs tuendis operam esse ponendam. quare, quoniam in istis urbibus cum summo imperio, & potestate uersaris, in quibus tuas uirtutes consecratas, & in Deorum numero collocatas uides: in omnibus rebus, quas statues, quas decernes, quas ages, quid tantis hominum opinionibus, tantis de te iudicijs, tantis honoribus debeas, cogitabis. id autem erit eiusmodi, ut consulas omnibus, ut medeare incommotis hominum, provideas saluti, ut te parem Asiae & dici, & haberi uelis. atque huic tuae uoluntati, ac diligentiae difficultatem magnam afferunt publicani: quibus si aduersamur, ordinem de nobis optime meritum, & per nos cum Rep. coniunctum, & à nobis, & à Rep. disiungemus: sin autem omnibus in rebus obsequimur, funditus eos perire patiemur.

mur, quorum non modo salutem, sed etiam commodis
 consulere debemus. hæc est una, si uere cogitare uo-
 lumus, in toto imperio tuo difficultas. nam esse ab-
 stinentem, continere omnes cupiditates, suos coercere,
 & iuris æquabilem tenere rationem, facilem te in re-
 bus cognoscendis, in hominibus audiendis, admittendisq;
 præbere, præclarum magis est, quam difficile: non est
 enim positum in labore aliquo, sed in quadam indu-
 ctione animi, atque uoluntate. illa causa publicano-
 rum quantam acerbicatem afferat socijs, intelleximus
 ex ciuibus, qui nuper in portorijs Italiæ tollendis non
 tam de portorio, quam de nonnullis iniurijs portito-
 rum querebantur. quare non ignoro, quid socijs acci-
 dat in ultimis terris, cum audiuerim in Italia quere-
 las ciuium. hic te ita uersari, ut & publicanis satisfac-
 cias, præsertim publicis male redemptis, & socios peri-
 re non sinas, diuinæ cuiusdam uirtutis esse uidetur, id
 est tuæ. ac primum Græcis id, quod acerbissimum est,
 quod sint uectigales, non ita acerbum uideri debet: pro-
 pterea quod sine imperio populi R. suis institutis per
 se ipsi ita fuerunt: nomen autem publicani aspernari
 non possunt, qui pendere ipsi uectigal sine publicano
 non potuerunt, quod ijs æqualiter Sylla descripserat.
 non esse autem leniores in exigendis uectigalibus Græ-
 cos, quam nostros publicanos, hinc intelligi potest, qd Can-
 nij nuper omnes ex insulis, quæ erant ab Sylla Rhodijs
 attributæ, confugerunt ad senatum, nobis ut potius ue-
 ctigal, quam Rhodijs penderent. quare nomen publica-
 ni neque ij debent horrere, qui semper uectigales fue-
 runt; neque ij aspernari, qui per se pendere uectis

LIB. I. EPIST.

gal non potuerunt; neque ij recusare, qui postulauerunt. simul & illud Asia cogitet, nullam à se neque belli externi, neque discordiarum domesticarum calamitatem abfuturam fuisse, si hoc imperio non teneretur. id autem imperium cum retineri sine uectigalibus nullo modo possit, æquo animo parte aliqua suorum fructuum pacem sibi sempiternam redimat, atq; otium. quod si genus ipsum, & nomen publicani non iniquo animo sustinebunt, poterunt ijs consilio, et prudentia tua reliqua uideri mitiora. possunt in actionibus faciendis non legem spectare censoriam, sed potius commoditatem conficiendi negotij, & liberationem molestiae. potes etiam tu id facere, quod & fecisti egregie, & facis, ut commemores quanta sit in publicanis dignitas, quantum nos illi ordini debeamus, ut, remoto imperio, ac uis potestatis, & fascium, publicanos cum Graecis gratia, atq; auctoritate coniungas. sed & ab ijs, de quibus optime tu meritus es, & qui tibi omnia debent, hoc petas, ut facilitate sua nos eam necessitudinem, quae est nobis cum publicanis, obtinere, & conseruare patiantur. sed quid ego te haec hortor, quae tu non modo facere potes tua sponte sine cuiusquam praeceptis, sed et magna iam ex parte perfecisti? non. n. desistunt nobis agere quotidie gratias honestissimae, & maximae societates: quod quidem mihi iccirco iucundius est, quod idem faciunt Graeci. difficile est autem, ea, quae commodis, utilitate, & prope natura diuersa sunt, uoluntate coniungere. at eo quidem, quae supra scripta sunt, non, ut te instituerem scripti (neque enim prudentia tua cuiusquam praecepta desiderat) sed me in scribendo commemoratio tua uir a

tutis delectauit. quanquam in his literis longior fui,
quàm aut uellē, aut me putauī fore. unū est, quod tibi
ego præcipere non desinam, neq; te patiar, quantū in
me erit, cum exceptiōe laudari: omnes. n. qui istinc ue-
niunt, ita de tua uirtute, integritate, humanitate com-
memorant, ut in tuis summis laudibus excipiant unā
iracundiam. quod uitium cum in hac priuata, quoti-
dianaq; uita leuīs esse animi, atq; infirmi uidetur. tū
uero nihil est tam deforme, quàm ad summum impe-
riū etiā acerbiter naturæ adiungere. quare illud
non suscipiam, ut, quæ de iracūdia dici solent à doctis-
simis hominibus, ea tibi nunc exponam, cum et nimis
longus esse nolim, & ex multorū scriptis ea facile pos-
sis cognoscere. illud, quod est epistolæ proprium, ut is,
ad quē scribitur, de ijs rebus, quas ignorat, certior fiat,
prætermittēdum esse non puto. sic ad nos omnes ferē
deferunt, nihil, cum absit iracundia, te fieri posse iucū-
dius: sed, cum te alicuius improbitas, peruersitasq; cō-
mouerit, sic te animo incitari, ut ab omnibus tua de-
sideretur humanitas. quare, quoniam in eam ratio-
nem uite nos nō tam cupiditas quædam gloriæ, quàm
res ipsa, ac fortuna deduxit, ut sempiternus sermo ho-
minum de nobis futurus sit: caueamus, quantum ef-
ficere, & consequi possumus, ne quod in nobis insigne
uitium fuisse dicatur. neq; ego hoc nunc cōtendo, quod
fortasse cum in omni natura, tum iam in nostra æta-
te difficile est, mutare animum, & si quid est penitus
insitū morib. id subito euellere: sed te illud admoneo,
ut, si hoc plene uitare non potes, quod ante occupatur
animus ab iracundia, quàm providere ratio potuit, ne

LIB. I. EPIST.

occuparetur; te ante cōpares, quotidieq; meditare resistendum esse iracundiæ; cumq; ea maxime animum moueat, tum tibi esse diligentissime linguam continendam: quæ quidem mihi uirtus nō interdum minor uidetur, quàm omnino non irasci: nam illud non solum est grauitatis, sed nonnunquam etiam lenitudinis: moderari uero & animo, & orationi, cum sis iratus, aut etiam tacere, et tenere in sua potestate motum animi, & dolorem, etsi non est perfectæ sapientiæ, tamen est non mediocris ingenij. atq; in hoc genere multo te esse iam cōmodiorem, mitioremq; nuntiant. nullæ tuæ uehementiores animi concitationes, nulla maledicta ad nos, nullæ contumeliæ perferuntur: quæ cum abhorrent à literis, ab humanitate, tum uero contraria sunt imperio, & dignitati: nam si implacabiles sunt iracundiæ, summa est acerbitas: sin autem exorabiles, summa leuitas: quæ tamen, ut in malis, acerbitati anteponenda est. sed quoniam primus annus habuit de hac reprehensione plurimum sermonis, credo propterea, quòd tibi hominum iniuriæ, quòd auaritia, quòd insolentia præter opiniōem accidebat, & intolerabilis uidebatur; secundus autem multo lenior, quòd & consuetudo, et ratio, & ut ego arbitror, meæ quoque literæ te patientiorem, lenioremq; fecerunt: tertius annus ita esse debet emendatus, ut ne minimam quidem rem quisquā possit ullam reprehendere. ac iam hoc loco non hortatione, neq; præceptis, sed precibus tecum fraternis ago, totum ut animum, curam, cogitationemq; tuam ponas in omnium laude undiq; colligenda. quòd si in mediocri statu sermonis, ac predicationis nostræ res essent, nī

hil abs te eximium, nihil præter aliorum cōsuetudinē
postularetur. nunc uero propter earum rerum, in quib=
bus uersati sumus, splendorem, & magnitudinem, nisi
summam laudem ex ista prouincia assequimur, uix
uidemur summā uituperationē posse uirare. ea nostra
ratio est, ut omnes boni tum faueant, tum etiam à no=
bis omnem diligentiam, uirtutemq; & postulent, &
expectent; omnes autē improbi, quòd cum ijs bellum
suscepimus sempiternum, uel minimare ad reprehen=
dendum contenti esse uideantur. quare quoniam eius=
modi theatrum est totius Asiæ, celebritate refertissi=
mum, magnitudine amplissimum, iudicio eruditissi=
mum, natura autem ita resonans, ut usq; Romam signi=
ficationes, uocesq; referantur: contende quæso, atq; ela=
bora, non modo ut his rebus dignus fuisse, sed etiā ut
illa omnia tuis artibus superasse uideare. & quoniam
mihi casus urbanam in magistratibus administratio=
nem Reip. tibi prouincialē dedit, & si mea pars nemi=
ni cedit; fac, ut tua cæteros uincat. simul & illud co=
gita, nō de reliqua, & sperata gloria iam laborare, sed
de parta dimicare: quæ quidem non tā expetēda fuit,
quā tuenda nobis est. ac si mihi quidquam esset abs
te separatum, nihil amplius desiderarem hoc statu, quā
mihi iam partus est: nunc uero res sic sese habet, ut, ni=
si omnia tua facta, atque dicta nostris rebus istinc re=
spondeant, ego me meis tantis laboribus, tantisq; peri=
culis, quorū tu omnium particeps fuisti, nihil consecutū
putem. q̄ si, ut amplissimum nomen consequeremur,
unus præter cæteros adiuuisti: certe idem, ut id retinea=
mus, præter cæteros elaborabis. non est tibi his solis utē

LIB. I. EPIST.

dum existimationibus, ac iudicijs, qui nunc sunt, hominum, sed ijs etiam, qui futuri sunt. quanquam illorum erit uerius iudicium, obtrectatione, & maleuolentia liberatum. deniq; illud etiam debes cogitare, non te tibi soli gloriam quærere: quod si esset, tamen non negligeres, præsertim cum amplissimis monumentis consecrare uoluisses memoriam nominis tui. sed ea tibi est communicanda mecum, prodenda liberis nostris. in qua cauendum est, ne, si negligentior fueris, non solum tibi parum cõsuluisse, sed tuis etiam inuidisse uidearis. atque hæc nõ eo dicuntur, ut te oratio mea dormientem excitasse, sed potius ut currentem incitasse uideatur. (facies. n. perpetuo, quæ fecisti, ut omnes æquitatẽ tuã, temperantiam, seueritatem, integritatemq; laudẽt) sed me quædam tenet, propter singularem amorem, infinita in te auiditas gloriæ. quanquam illud existimo, cum iam tibi Asia, sicut unicuique sua domus, nota esse debeat, cum ad tuam summam prudentiam tantus usus accesserit, nihil esse, quod ad laudem attineat, quod tu non optime perspicias, & tibi non, sine cuiusquam hortatione, in mentem ueniat quotidie. sed ego, qui, cum tua lego, te audire, & qui, cum ad te scribo, tecum loqui uideor, ideo & tua lōgissima quaq; epistola maxime delector, & ipse in scribendo sæpe sum longior. illud te ad extremum & oro, & hortor, ut, tanquam poetæ boni, & actores industrii solent, sic tu in extrema parte, & conclusionẽ muneris, ac negotij tui diligentissimus sis, ut hic tertius annus imperij tui tanquam tertius actus perfectissimus, atque ornatus fuisse uideatur. id facillime facies, si me,

cui semper uni magis, quàm uniuerſis, placare uoluisti, tecum semper esse putabis, & omnibus ijs rebus, quas dices, ac facies, interesse. Reliquum est, ut teorem, ut ualetudini tuæ, si me, & omnes tuos ualere uis, diligentissime seruias.

MARCUS QUINTO FRATRI S.

STATIVS ad me uenit ad VIII. Cal. Nov. eius aduentus, q̄ ita scripsisti, direptum iri te à tuis, dū is abesset, molestus mihi fuit. quòd autem expectationem tui, concursumq; eum, qui erat futurus, si unà tecum decederet: neq; antea uisus esset, sustulit, id mihi non incòmode uisum est accidisse: exhaustus. n. est sermo hominum, & multæ emissæ iā eiusmodi uoces, ἀλλὰ οἱ τινὰ φῶτα μέγαν: quæ te absente confecta esse lætor. quod aut̄ iccirco à te missus est, mihi ut se purgaret, id necesse minime fuit: primum n. nunquam ille mihi fuit suspectus: neq; ego, quæ ad te de illo scripsi, scripsi meo iudicio: sed cum ratio, salusq; omnium nostrum, quī ad Remp. accedimus, non ueritate solū, sed etiam fama niteretur, sermones ad te aliorū semper, nō mea iudicia, perscripsi. quī quidē q̄ frequentes eēnt, & quàm graues, aduētū suo Statius ipse cognouit: etenim interuenit nonnullorum querelis, quæ apud me de illo ipso habebantur, et sentire potuit sermones iniquorū in suum potissimū nomen erumpere. quod aut̄ me maxime mouere solebat, cū audiebā illū plus apud te posse, quàm grauitas illius ætatis, et imperij prudentia postularet (quàm multos. n. mecum egisse putas, ut se Statio cōmendare? quàm multa autem ipsum & p̄-

LIB. I. EPIST.

ἄλλος mecum in sermone ita protulisse ?) id mihi non
 placuit, monui, suasi, deterrui. quib. in rebus etiam si
 fidelitas summa est, quod prorsus credo, quoniā tu ita
 iudicas: tamen species ipsa tā gratiosi liberti, aut serui
 dignitatem habere nullam potest. atque hoc sic habe-
 to (nihil. n. nec temere dicere, nec acute reticere debeo)
 materiam omnem sermonum eorum, qui de te detra-
 here uelint, Statium dedisse: & antea tantum intelli-
 gi potuisse, iratos tuæ seueritati esse nonnullos; hoc ma-
 numisso, iraris, quod loquerentur, non defuisse. Nunc
 respondebo ad eas epistolas, quas mihi reddidit L. Cæ-
 sius: cui, quoniam ita te uelle intelligo, nullo loco de-
 ero. quarū altera est de Blandenio Zeuxide: quem scri-
 bis certissimum matricidā tibi à me intime cōmenda-
 ri. qua de re, et de hoc genere toto, ne forte me in Græ-
 cos tam ambitiosum factum esse mirere, pauca cogno-
 sce. Ego, cum Græcorum querelas nimium ualere sentire
 propter hominum ingenia ad fallendum parata: quos-
 cunq; de te queri audiui, quacunq; potui ratione pla-
 caui. primū Dionysipolitas, qui erant inimicissimi mei,
 leniui, quorum principem Hermippum non solū sermo-
 ne meo, sed etiam familiaritate deuinxi. ego Apamen-
 sem Ephæstum, ego leuissimū hominem Megaristū An-
 tandrium, ego Niciam Smyrnæū, ego nugas maximas
 omni mea comitate sum complexus, Nymphontem et
 Colophonium. quæ feci omnia, non quo me aut ij ho-
 mines, aut tota natio delectaret: pertæsum est n. leui-
 tatis, assentationis, animorum non officij, sed temporiz-
 bus seruientium. sed, ut ad Zeuxim reuertar, cum is
 de Caselij sermone secum habito, quæ tu scribis, ea ipsa
 loqueretur,

loqueretur
 ritatem r
 nescio, quā
 Myos in
 uincia ed
 xim elicer
 iudicium,
 ra, & elici
 non fuit,
 suis ciuibus,
 nobiliorem e
 Græcis solis i
 ratione plac
 tu, quem de
 ri non potest
 uis, ac sordid
 etiam is leuic
 rior, non rep
 sa, sed quid
 fisti? illum e
 ante detraxi
 tur, tota pla
 nescio quem
 circumgestat
 suo pullo N
 bium, ut et
 sm minus, q
 terra abs te
 tua, cum le
 habent. ac

loqueretur, obstiti eius sermoni, & hominem in familia
 ritatem recepi. tua autem quæ fuerit cupiditas tanta,
 nescio, quidd scribis, cupiſſe te, quoniam Smyrnæ duos
 Mysos inſuiſſes in culeum, simile in superiore parte pro
 uinciæ edere exemplum ſeueritatis tuæ, et idcirco Zeu=
 xim elicere omni ratione uoluſſe: quem adductum in
 iudicium, fortasſe dimitti non oportuerit: conquiri ue=
 ro, & elici blanditijs, ut tu ſcribis, ad iudicium neceſſe
 non fuit, eum præſertim hominem, quem ego & ex
 ſuis ciuibus, & ex multis alijs quotidie magis cognoſco
 nobiliorem eſſe propè, quàm ciuitatem ſuam. at enim
 Græcis ſolis indulgeo. quid L. Cæcilium? non ne omni
 ratione placauī? quem hominem? qua ira? quo ſpiri=
 tu? quem denique præter Tuſcenium, cuius cauſa ſana=
 ri non poteſt, non mitigauī? ecce ſupra caput homo le
 uis, ac ſordidus, ſed tamen equeſtri cenſu, Catienus.
 etiam is lenietur. cuius tu in patrem quidd fuiſti aſpe=
 rior, non reprehendo: certo enim ſcio, te feciſſe cum cau=
 ſa. ſed quid opus fuit eiſmodi literis, quas ad ipſum mi=
 ſiſti? illum crucem ſibi ipſi conſtituere, ex qua tu eum
 ante detraxiſſes: te curaturum, fumo ut comburere=
 tur, tota plaudente prouincia. quid uero ad C. Fabium
 nescio quem? (nam eam quoque epiſtolam T. Catienus
 circungeſtat) renunciari tibi, Licinium plagiarium cum
 ſuo pullo Miluino tributa exigere. deinde rogas Fa=
 bium, ut et patrem, & filium uiuos comburat, ſi poſſit:
 ſin minus, ad te mittat, uti iudicio comburantur. hæ li=
 tere abs te per iocum miſſæ ad C. Fabium, ſi modo ſunt
 tuæ, cum leguntur, inuidioſam atrocitatem uerborum
 habent. ac ſi omnium mearum literarum præcepta re=
 22

petes, intelliges nihil esse à me, nisi orationis acerbitem,
 & iracundiam, & si forte, raro literarum missarum
 indiligentiam reprehensam. quibus quidem in rebus si
 apud te plus auctoritas mea, quàm tua siue natura pau-
 lo acrior, siue quædam dulcedo iracundiæ, siue dicen-
 di sal, facetiæq; ualuisse: nihil sanè esset, quod nos
 poeniteret. & mediocri me dolore putas affici, cum au-
 diam, qua sit existimatione Virgilius, qua tuus uicinus
 Cn. Octavius? nam si te interioribus uicinis tuis, Cili-
 censi, & Syriaco anteponis, ualde magnum facis. at-
 que is dolor est, quod, cum ij, quos nominavi, te in-
 nocentia non uincant, uincunt tamen artificio beneuo-
 lentia colligenda, qui neque Cyrum Xenophontis, ne-
 que Agesilaum nouerint, quorum Regum summo in im-
 perio nemo unquam uerbum ullum asperius audiuit.
 sed hæc à principio tibi præcipiens, quantum profece-
 rim, non ignoro. nunc tamen decedens, id quod mihi
 iam facere uideris, relinque quæso quam uicundissi-
 mam memoriam tui. successorem habes perblandum.
 cætera ualde illius aduentu tua requirentur. in literis
 mittendis, ut sæpe ad te scripsi, nimium te inexorabi-
 lem præbuiisti. tolle omnes, si potes, iniquas, tolle inu-
 sitatas, tolle contrarias. Stadius mihi narrauit scriptas
 ad te solere afferri, ab se legi, & si iniquæ sint, fieri
 te certiolem. ante quàm uero ipse ad te uenisset, nullum
 delectum literarum fuisse: ex eo esse uolumina selecta-
 rum epistolarum, quæ reprehendi solerent. hoc de ge-
 nere nihil te nunc quidem moneo: sero est enim: ac sci-
 re potes, multa me uarie, diligenterq; monuisse. illud
 tamen, quod Theopompo mandari, cum essem admo-

nitus ab ipso, uide per homines amantem tui, quod est facile, ut hæc genera tollantur epistolarum, primum iniquarum, deinde contrariarum, tum absurde, & inusitate scriptarum, postremo in aliquem contumeliosarum. atque hæc tam esse, quam audio, non puto: & si sunt, occupationibus tuis minus animaduersa; nunc perspice, & purga. legi epistolam, quam ipse scripsisse Sylla nomenclator dictus est, non probandam. legi non nullas iracundas. sed tempore ipso de epistolis: nam, cum hanc paginam tenerem, L. Flavius Prætor designatus ad me uenit, homo mihi ualde familiaris: is mihi, te ad procuratores suos literas misisse, quæ mihi uisæ sunt iniquissimæ, ne quid de bonis, quæ L. Octauij Nasonis fuissent, cui L. Flavius hæres est, diminuerent ante, quam C. Fundanio pecuniam soluissent: itemq; misisse ad Apollonidenses, ne de bonis, quæ Octauij fuissent, diminui paterentur prius, quam Fundanio debitum solutum esset. hæc mihi uerisimilia non uidentur: sunt enim à prudentia tua remotissima. ne diminuat hæres? quid, si inficiatur? quid, si omnino non debetur? quid? Prætor solet iudicare, deberi? quid? ego Fundanio non cupio? non amicus sum? non misericordia moueor? nemo magis: sed uia iuris eiusmodi est quibusdam in rebus, ut nihil sit loci gratiæ. atque ita, mihi dicebat Flavius, scriptum in ea epistola, quam tuam esse dicebat, te aut quasi amicis tuis gratias acturum, aut quasi inimicis incommoda laturum. quid multa? ferebat grauitè: id uehementer mecum querebatur: orabatq; ut ad te quam diligentissime scriberem: quod facio, & te prorsus uehementer etiam

Q Q ij

atque etiam rogo, ut & procuratoribus Flauij remittas de diminuendo, & Apollonidesibus ne quid praescribas, quod contra Flauium sit; amplius, & Flauij causa, & scilicet Pompeij facias omnia. nolo mediufidius ex tua iniuria in illum tibi liberalem me uideri. sed & te oro, ut tu ipse auctoritatem, & monumentum aliquod decreti, aut literarum tuarum relinquant, quod sit ad Flauij rem, & ad causam accommodatum: fert enim grauius homo & mei obseruantissimus, & sui iuris, dignitatisque retinens, se apud te neque amicitia, neque iure ualuisse. & ut opinor, Flauij aliquando rem & Pompeius, & Caesar tibi commendarunt, & ipse ad te scripserat Flauius, & ego certe. quare, si ulla res est, quam tibi me faciendam petente putes, haec ea sit. si me amas, cura, elabora, perfice, ut Flauius & tibi, & mihi quammaximas gratias agat. hoc te ita rogo, ut maiore studio rogare non possim. Quod ad me de Heremia scribis, mihi mehercule ualde molestum fuit. Literas ad te parum fraterne conscripseram, quas oratione Diodoti Luculli liberti commotus, de pactione statim quod audieram, iracundius scripseram, & reuocare cupiebam. huic tu epistola non fraterne scriptae fraterne debes ignoscere. De Censorino, Antonio, Cassio, Scauola, te ab ijs diligere, ut scribis, uehementer gaudeo. cetera fuerunt in eadem epistola grauiora, quam uellem. ὁ πρὸς τὸν καὶ, & ἀπὸς δὲ καὶ. maiora ista erunt.

Meae obiurgationes fuerunt amoris plenissimae, quae sunt non nullae, sed tamen mediocres, & paruae potius. ego te nunquam ulla in re dignum minima reprehensione putassem, cum te sanctissime gereres, nisi inimicos

multos haberemus. quæ ad te aliqua admonitione, aut
obiurgatione scripsi, scripsi propter diligentiam cautio-
nis meæ: in qua & maneo, & manebo, & idem ut tu
facias, non desistam rogare. Attalus Iphimeneus mecum
egit, ut se ne impedires, quo minus, quod ad Q. Publice-
ni statuam decretum est, erogaretur. quod ego te rogo;
& admoneo, ne talis uiri, tamq; nostri necessarij hono-
rem minui per te, aut impediri uelis. Præterea Aeso-
pi tragœdi, nostri familiaris, Licinius seruus tibi notus
aufugit: is Athenis apud Patronem Epicureum pro li-
bero fuit: inde in Asiam uenit: postea Plato quidam
Sardianus Epicureus, qui Athenis solet esse multum, &
qui tum Athenis fuerat, cum Licinius eò uenisset; cum
eum fugitiuum postea esse ex Aesopi literis cognosset,
hominem comprehendit, & in custodiam Ephesi tradi-
dit, sed in publicam, uel in pistrinum, non satis ex lite-
ris eius intelligere potuimus. tu quoquo modo, quoniam
Ephesi est, hominem inuestiges uelim, summaq; diligen-
tia uel tecum deducas. noli spectare, quanti homo sit:
parui enim pretij est, qui iam nihili sit: sed tanto dolo-
re Aesopus est affectus propter serui scelus, & audaciã,
ut nihil ei gratius facere possis, quàm si illum per te re-
cuperarit. Nunc ea cognosce, quæ maxime exoptas.
Remp. funditus amisimus, adeo, ut Cato adolescens, nul-
lius consilij, sed tamen ciuis Romanus, & Cato, uix
uiuus effugeret, quòd, cum Gabinium de ambitu uellet
postulare, neque Prætores diebus aliquot adiri possent,
uel potestatem sui facerent, in concionem ascendit, &
Pompeium priuatus Dictatorem appellauit. propius ni-
hil est factum, quàm ut occideretur. ex hoc, qui sit stas

LIB. I. EPIST.

tus totius Reip. uidere potes. nostræ tamen causæ non uidentur homines defuturi: mirandum in modum profitentur, offerunt se, pollicentur. Et quidem cum spem maxima, tum maiore etiam animo. spero superiores fore nos: confido animo, ut in hac Rep. ne casum quidem ullum pertimescam. sed tamen res sic se habet. si diem nobis Clodius dixerit, tota Italia concurret, ut multiplicata gloria discedamus. sin autem ui agere conabitur, spero fore studiis non solum amicorum, sed etiam alienorum, ut ui resistamus. omnes & se, & suos liberos, amicos, clientes, libertos, seruos, pecunias denique suas pollicentur. nostra antiqua manus bonorum ardet studio nostri, atque amore. si qui antea aut alieniores fuerant, aut languidiores, nunc horum odio se cum bonis coniungunt. Pompeius omnia pollicetur, & Caesar: quibus ego ita credo, ut nihil de mea comparatione diminuiam. Tribuni pl. Dess. sunt nobis amici. Consules se optime ostendunt. Prætores habemus amicissimos, & acerrimos ciues, Domitium, Nigidium, Memmium, Lentulum, bonos etiam alios, sed hos singulareis. quare magnum fac animum habeas, & spem bonam. de singulis tamen rebus, quæ quotidie gerantur, faciam te crebro certiore. Vale.

MARCUS QUINTO FRATRI S.

MI FRATER, mi frater, tu ne id ueritus es, ne ego iracundia aliqua adductus pueros ad te sine literis miserim? aut etiã, ne te uidere noluerim? ego tibi irascerer? tibi ego possem irasci? scilicet tu me afflixisti, tui me inimici, tua me inuidia, ac non ego te mi-

sere perdidit. meus ille laudatus Consulatus, mihi te, liberos, patriam, fortunas, tibi uelim ne quid eripuerit praeter unum me. sed certe à te mihi omnia semper honesta, & iucunda ceciderunt: à me tibi luctus mea calamitatis, metus tuæ, desiderium, mœror, solitudo. ego te uidere noluerim? immo uero me à te uideri nolui: non enim uidisses fratrem tuum; non eum, quem reliqueras; non eum, quem noras; non eum, quem flens flentē, prosequenter proficiscens dimiseras, ne uestigium quidem eius, nec simulacrum, sed quandam effigiem spirantis mortui. atque utinam me mortuum prius uidisses, aut audisses. utinam te non solum uitæ, sed etiam dignitatis meæ superstitem reliquisssem. sed testor omnes Deos, me hac una uoce à morte esse reuocatum, quod omnes in mea uita partem aliquam tuæ uitæ repositam esse dicebant. quare peccaui, scelerateq; feci: nam, si cecidisssem, mors ipsa meam pietatem, amoremq; in te facile defenderet. nunc commisi, ut uiuo me careres, uiuo me alijs indigeres, mea uox in domesticis periculis potissimum occideret, quæ saepe alienissimis praesidio fuisset. nam quod ad te pueri sine literis uenerunt, quoniam uides non fuisse iracundiæ causa, certe pigritia fuit, & quædam infinita uis lacrymarum, & dolorum. hac ipsa me quo fletu putas scripsisse? eodem, quo te legere certo scio. an ego possum aut non cogitare aliquando de te, aut unquam sine lacrymis cogitare? cum enim te desidero, fratrem solum desidero. ego uero suauitate propè fratrem propè æqualem, obsequio filiū, consilio parentem. quid mihi sine te unquam, aut tibi sine me iucundum fuit? quid, quod eodem tempo-

re desidero filiam? qua pietate, qua modestia, quo ingenio, effigiem oris, sermonis, animi mei? quid filium uenustissimum, mihiq; dulcissimum? quem ego ferus, ac ferreus è complexu dimisi meo, sapientiore puerum, quàm ueller: sentiebat enim miser iam, quid ageretur. quid uero tuum filium? quid? imaginem meam, quem meus Cicero & amabat ut fratrem, & iam, ut maiorem fratrem, uerebatur. quid, quod mulierem miserrimam, fidelissimam coniugem me prosequi non sum passus, ut esset quæ reliquias communis calamitatis communes liberos tueretur? sed tamen, quoquo modo potui, scripsi, & dedi literas ad te Philogono liberto tuo, quas credo tibi postea redditas esse: in quibus idem te hortor, & rogo, quod pueri tibi uerbis meis nunciarunt, ut Romam protinus pergas, & properes: primum enim te praesidio esse uolui, si qui essent inimici, quorum crudelitas non dum esset nostra calamitate satiata: deinde congressus nostri lamentationem pertinui, digressum uero non tulissem: atque etiam id ipsum, quod tu scribis, metuebam, ne à me distrahi non posses. his de causis hoc maximum malum, quod te non uidi, quo nihil amantissimis, & coniunctissimis fratribus acerbius, ac miseriùs uidetur accidere potuisse, minus acerbum, minus miserum fuit, quàm fuisset tum congressio, tum uero digressio nostra. nunc, si potes, id quod ego, qui fortis tibi semper uidebar, non possum, erige te, & confirma, si qua subeunda dimicatio erit. spero, si quid mea spes habet auctoritatis, tibi & integritatem tuam, & amorem in te ciuitatis, & aliquid etià misericordiā nostri, praesidij laturam. sin eris ab isto periculo uacuus,

ages scilicet, si quid agi posse de nobis putabis. de quo scribunt ad me quidem multi multa, & se sperare de monstrant: sed ego, quid sperem, non dispicio, cum inimici plurimum ualeant, amici partim deseruerint me, partim etiam prodiderint, qui in meo reditu fortassis reprehensionem sui sceleris pertimescant. sed, ista qualia sint, tu uelim perspicias, mihiq; declares. ego tamen, quandiu tibi opus erit, si quid periculi subeundum uidebis, uiuam. diutius in hac uita esse non possum: neque enim tantum uirium habet ulla aut prudentia, aut doctrina, ut tantum dolorem possit sustinere. scio fuisse & honestius moriendi tempus, & utilius: sed non hoc solum, multa alia pratermisi: quæ si queri uelim præterita, nihil agam, nisi ut augeam dolorem tuum, indicem stultitiam meam. illud quidem nec faciendum est, nec fieri potest, me diutius, quam aut tuum tempus, aut firma spes postulabit, in tam misera, tamq; turpi uita commorari, ut, qui modo fratre fuerim, liberis, coniuge, copiis, genere ipso pecuniæ beatissimus; dignitate, auctoritate, existimatione, gratia non inferior, quàm qui unquam fuerunt amplissimi; is nunc in tam afflictâ, perditaq; fortuna neque me, neque meos lugere diutius possim. quare quid ad me scripsisti de permutatione? quasi uero nunc me non tuæ facultates sustineant. qua in re ipse uideo miser, & sentio, quid sceleris admiserim, cum de uisceribus tuis, & filij tui satisfactorius sis quibus debes, ego acceptam ex ærario pecuniâ tuo nomine frustra dissiparim. sed tamen & M. Antonio quantum tu scripseras, Cepioni tantundem solutum est. mihi ad id, quod cogito, hoc

LIB. I. EPIST.

quod habeo, satis est: siue enim restituimur, siue desperamur, nihil amplius opus est. tu, si forte quid erit molestiae, te ad Crassum, & ad Calidum conseras cen-
seo. quantum Hortensio credendum sit, nescio: me summa simulatione amoris, summaq; assiduitate quoti-
diana sceleratissime, insidiosissimeq; tractauit, adiuncto quoque Arrio: quorum ego consilijs, promissis, praeceptis destitutus in hanc calamitatem incidi. sed haec occulta-
bis, ne quid obsint. illud caueto, & eo puto per Pompo-
nium fouendum tibi esse ipsum Hortensium, ne ille uer-
sus, qui in te erat collatus, cum Aedilitatem petebas, de lege Aurelia falso testimonio, confirmetur: nihil enim tam timeo, quam ne, cum intelligant homines quan-
tum misericordiae nobis tuae preces, & tua salus allatu-
ra sit, oppugnent te uehementius. Messalam tui stu-
diosum esse arbitror: Pompeium etiam simulatorem pu-
to. sed haec utinam non experiare: quod precarer Deos,
nisi meas preces audire desissent: ueruntamen precor,
ut his infinitis nostris malis contenti sint: in quibus non
modo tamen nullius inest peccati infamia, sed omnis do-
lor est, quod optime factis poena est maxima constitu-
ta. Filiam meam, & tuam, Ciceronemq; nostrum
quid ego mi frater tibi commendem? quin illud mae-
reo, quod tibi non minorem dolorem illorum orbitas
affert, quam mihi. sed te incolumi orbi non erunt. re-
liqua, ita mihi salus aliqua detur, potestasq; in patria
moriendi, ut me lacrymae non sinunt scribere. etiam
Terentiam uelim tueare, mihiq; de omnibus rebus re-
scribas. sis fortis, quoad rei natura patietur. Idibus
Iun. Thessalonicae. Vale.

MARCUS QUINTO FRATRI S.

AMABO te mi frater, ne, si uno meo facto & tu, & omnes mei corruistis, improbitati, et sceleri meo potius, quam imprudentiæ, misericordiæq; assignes. nullum est meum peccatum, nisi quodd ijs credidi, a quibus nefas putaram esse me decipi, aut etiã quibus ne id expedire quidem arbitrabar. intimus, proximus, familiarissimus quisque aut sibi pertimuit, aut mihi invidit. ita mihi nihil misero, præter fidem amicorum. cautum meum consilium fuit. quodd si te satis innocentia tua, et misericordia hominum uindicat hoc tempore a molestia; perspicis profecto, ecquænam nobis salutis spes relinquatur. nam me Pomponius, & Sestius, & Piso noster adhuc Thessalonicae retinuerunt, cum longius discedere propter nescio quos motus uetarent. uerum ego magis exitum illorum literis, quam spe certa expectabam: nam quid sperem, potentissimo inimico, dominatione obtrektatorum, infidelibus amicis, pluribus inuidis? Denocius autem Trib. pl. est ille quidem in me officiosissimus, Sestius, & spero, Curtius, Milo, Fadius, Gratidius, sed ualde aduersante Clodio: qui etiã priuatus eadem manu poterit conciones concitare: deinde etiã intercessor parabitur. hæc mihi proficiscenti non proponebantur; sed sæpe triduo summa cum gloria dicebar esse rediturus. quid tu igitur, inquires? quid? multa conuenerunt, quæ mentem exturbarent meam, subita defectio Pompeij, alienatio Consulũ, etiã Prætorum timor, publicanorum arma, lacrymæ meorum me ad mortem ire pro-

hibuerunt: quod certe & ad honestatem, & ad effu-
 giendos intolerabiles dolores fuit aptissimum. sed de
 hoc scripsi ad te in ea epistola, quam Phaetonti dedi.
 nunc tu, quoniam in tantum luctum, laborem detru-
 sus es, quantum nemo unquam, si releuare potes com-
 munem casum misericordia hominum, scilicet incredi-
 bile quiddam assequeris. sin plane occidimus; me mi-
 sorum, ego omnibus meis exitio fuero, quibus ante de-
 decori non eram. sed tu, ut ante ad te scripsi, perspi-
 ce rem, & pertenta, & ad me, ut tempora nostra,
 non ut amor tuus fert, uere perscribe. ego uitam, quo-
 ad putabo tua interesse, aut ad spem seruandam esse,
 retinebo. tu nobis amicissimum sestium cognosces, cre-
 do tua causa uel Lentulum, qui erit Consul. quanquam
 sunt facta uerbis difficiliora. tu, & quid opus sit, &
 quid sit, uidebis omnino. si tuam solitudinem, com-
 munemq; calamitatem nemo despexerit: aut per te con-
 fici aliquid, aut nullo modo poterit. sin te quoque ini-
 mici uexare coeperint: ne cessaris: non enim gladijs te
 cum, sed litibus agetur. uerum hac absint uelim. te
 oro, ut ad me de omnibus rebus scribas, & in me ani-
 mi potius, aut consilij putes minus esse, quam antea, amo-
 ris uero, & officij non minus. Vale.

M. TVLLII CICERONIS EPISTOLARVM
AD Q. FRATREM
LIBER II.

MARCVS QVINTO FRATRI S.

PISTOLAM, quam legisti, mane dederam. sed fecit humaniter Licinius, quodd ad me, misso senatu, uesperu uenit, ut, si quid esset actum, ad te, si mihi uideretur, perscriberem. Senatus fuit frequentior, quam putabamus esse posse mense Decembri sub dies festos. consulares nos fuimus, et duo Consules designati, P. Seruilius, M. Lucullus, Lepidus, Volcatius, Glabrio, Praetores, sanè frequētes fuimus, omnino adducētos. commorat expectationem Lupus. egit causam agri Campani sanè accurate: auditus est magno silentio. materiam rei non ignoras. nihil ex nostris actionibus praetermisit. fuerunt non nulli aculei in C. Caesarem, contumeliae in Gellium, expostulationes cum absente Pompeio. causa sero perorata, sententias se rogaturum negauit, ne quod onus simultatis nobis imponeret: ex superiorum temporum conuiitijs, & ex praesenti silentio, quid senatus sentiret, se intelligere dixit. Milo coepit dimittere. tum Marcellinus, noli, inquit, ex taciturnitate nostra. Lupe, quid aut probemus hoc tempore, aut improbemus, iudicare. ego, quod ad me attinet, idemq; arbitror ceteros, idcirco taceo, quodd non existimo, cum Pompeius absit, causam agri Campani agi conuenire. tum ille se senatum negauit tene-

LIB. II. EPIST.

re. Racilius surrexit, & de iudicijs referre coepit: Marcellinum quidem primum rogauit. is cum graui- ter de Clodianis incendijs, trucidationibus, lapidatio- nibus questus esset, sententiam dixit, ut ipse iudices per Praetorem urbanum sortiretur: iudicum sortitione fa- cta, comitia haberentur: qui iudicia impediuiisset, eum contra Remp. esse facturum. approbata ualde senten- tia, C. Cato contra dixit, & Cassius, maxima accla- matione senatus, cum comitia iudicijs anteferreret. Phi- lippus assensit Lentulo. postea Racilius de priuatis me primum sententiam rogauit. multa feci uerba de toto furore, latrocinioq; P. Clodij: eum tanquam reum ac- cusauit multis, & secundis admurmurationibus cuncti senatus. orationem meam collaudauit satis multis uer- bis, non mehercule indiferte, Seuerus Antistius, isq; iu- dicioz causam suscepit, antiquissimamq; se habitu- rum dixit. ibatur in eam sententiam. cum Clodius ro- gatus, diem dicendo eximere coepit. furebat, à Raci- lio se contumaciter, urbaneq; uexatum. deinde eius operæ repente à Græcostasi, & gradibus clamorem satis magnum sustulerunt, opinor in Q. Sestilium, & amicos Milonis incitata. eo metu iniecto, repente magna querimonia omnium discessimus. Habes acta unius diei. reliqua, ut arbitror, in mensem Ianuarium reijciuntur. De Tribunis pl. longe optimum Racilium habemus. uidetur etiam Antistius amicus nobis fore. nam Plautius noster totus est. Fac, si me amas, ut considerate, diligenterq; nauige de mense Decembri. Vale.

MARCUS QUINTO FRATRI S.

NON occupatione, qua eram sanè impeditus, sed parvula lippitudine adductus sum, ut dictarem hanc epistolam, & non, ut soleo, ad te ipse scriberem. & primum me tibi excuso in eo ipso, in quo te accuso: me enim adhuc nemo rogavit, num quid in Sardiniam uellem: te puero saepe habere, etsi nō semper, qui, num quid Romam uelis, querant. Quod ad me de Lentuli, & Sexti nomine scripsisti; locutus sum cum Cincio. quo modo res se habet, non est facillima. sed habet profecto quoddam Sardinia appositum ad recordationem praeeritae memoriae: nam, ut ille Gracchus Augur, posteaquam in istam provinciam uenit, recordatus est, quid sibi in capō Martio comitia Consulū habenti contra auspicia accidisset; sic tu mihi uideris in Sardinia de forma Minutiana, & de nominibus Pomponianis in otio recogitasse. sed ego adhuc emi nihil. Culeonis auctio facta est. Tusculano emptor nemo fuit. si conditio ualde bona fuerit, fortasse non omitam. De aedificatione tua, Cyrum urgere non cesso: spero eum in officio fore: sed omnia sunt tardiora propter furiosae Aedilitatis expectationem: nam comitia sine mora futura uidentur: edicta sunt ad X I. Cal. Febr. te tamen sollicitum esse nolo: omne genus à nobis cautionis adhibebitur. De rege Alexandrino, factum est S. C. cū multitudine reduci, periculosum Reip. uideri. reliqua cum esset in senatu contentio, Lentulus ne, an Pompeius reduceret, obtinere causam Letulus uidebatur. in ea re nos et officio erga Lentulum mirifice, et uoluntati Pompeij praeclare satisfacimus. sed per

LIB. II. EPIST.

obrectatores Lentuli res calumnia extracta est. consecuti sunt dies comitiales, per quos senatus haberi non poterat. quid futurum sit latrocinio Tribunorum, non diuino: sed tamen suspicor per uim rogationem Caninium parlaturum. in ea re Pompeius quid uelit, non dispicio: familiares eius quid cupiant, omnes uident. creditores uero Regis aperte pecunias suppeditant contra Lentulum. sine dubio res à Léntulo remota uidetur esse, cum magno meo dolore: quanquam multa fecit, quare, si fas esset, iure ei succensere possemus. Tu, si ita expedit, uelim quamprimum bona, & certa tempestate conscēdas, ad meq; uenias: innumerabiles enim res sunt, in quibus te quotidie in omni genere desiderem. Tui, nostriq; ualent. Vale. XIII. Cal. Febr.

MARCUS QUINTO FRATRI S.

SCRIPSI ad te antea superiora. nūc cognosce, postea quæ sint acta. A' Cal. Febr. legationes in Id. Febr. reiciebantur. eo die res confecta non est. ad IIII. Non. Milo affuit: ei Pompeius aduocatus uenit. dixit Marcellus à me rogatus. honeste discessimus. producta dies est in VIII. Id. interim reiectis legationibus in Idus, referebatur de prouincijs Quæstorum, & de ornandis Prætoribus. sed res multis querelis de Rep. interponendis nulla transacta est. Cato legem promulgauit de imperio Lentulo abrogando. uestitum filius mutauit. ad VIII. Id. Milo affuit: dixit Pompeius, siue uoluit: nam, ut surrexit, operæ Clodianæ clamorem sustulerunt; idq; ei perpetua oratione contigit, non modo ut acclamatione, sed ut conuiuitio, & maledictis impediretur.

retur . qui ut perorauit (nam in eo sanè fortis fuit,
 non deterritus, dixit omnia, atque interdum etià si-
 lentio, cum auctoritate peregerat) sed ut perorauit,
 surrexit Clodius: ei tantus clamor à nostris, (placue-
 rat enim referre gratiam) ut neque mente, neque lin-
 gua, neque ore consisteret. ea res acta est, cum hora
 VI. uix Pompeius perorasset, usque ad horam VIII.
 cum omnia maledicta, uersus etiam obscœnissimi in
 Clodium. & Clodium dicerentur. ille furens, & ex-
 anguis interrogabat suos in clamore ipso, quis esset,
 qui plebem fame necaret? respondebant operæ, Pom-
 peius: quis Alexandriam ire cuperet? respondebant,
 Pompeius: quem ire uellent? respondebant, Crassum.
 is aderat tum, Miloni animo non amico. hora ferè
 IX, quasi signo dato, Clodiani nostros consputare cœ-
 perunt. exarsit dolor. urgere illi, ut loco nos moue-
 rent. factus est à nostris impetus, fuga operarum. eie-
 ctus de rostris Clodius: ac nos quoque tum fugimus.
 ne quid in turba. senatus uocatus in curiam. Pompe-
 ius domum. neque ego tamen in senatum, ne aut de tā-
 tis rebus tacerem, aut in Pompeio defendendo (nam is
 carpebatur à Bibulo, Curione, Fauonio, Seruilio fia-
 lio) animos bonorum offenderem. res in posterum di-
 lata est. Clodius in Quirinalia produxit diem. ad VII.
 Id. senatus ad Apollinis fuit, ut Pompeius adesset. acta
 res est grauiter à Pompeio. eo die nihil perfectum est.
 ad VI. Id. ad Apollinis S. C. factum est, ea, quæ facta
 essent ad VIII. Idus, contra Remp. esse facta. eo die
 Cato est uehementer in Pompeium inuectus, & eum
 oratione perpetua tanquam reū accusauit: de me mul-

R R

ta, me inuito, cum mea summa laude dixit, cum illius in me perfidiam increparet. auditus est magno silentio maleuolorum. respondit ei uehementer Pompeius, Crassumq; descripsit, dixitq; aperte, se munitiorem ad custodiendam uitam suam fore, quam Africanus fuisset, quem C. Carbo interemisset. itaque magnæ mihi res iam moueri uidebantur: nam Pompeius hæc intelligit, nobiscūq; comunicat, insidias uitæ suæ fieri, Catonem à Crasso sustentari, Clodio pecuniam suppeditari, utrunq; & ab eo, & à Curione, Bibulo, cæterisq; suis obrectatoribus confirmari; uehementer esse prouidendum, ne opprimatur, concionario illo populo à se propè alienato, nobilitate inimica, nō æquo senatu, inuēture improba. itaque se comparat, homines ex agris accersit. operas autem suas Clodius confirmat. manus ad Quirinalia paratur. in eo multo sumus superiores ipsis copijs. sed magna manus ex Piceno, & Gallia expectatur, ut etiā Catonis rogationibus de Milone, & Lentulo resistamus. Ad IIII. Id. Sestius ab indice Cn. Nerio Pupinia de ambitu est postulatus, & eodem die à quodam M. Tullio de ui. is erat æger. domum, ut debuimus, ad eum statim uenimus, eiq; nos totos tradidimus, idq; fecimus præter hominū opinionē, qui nos ei iure succensere putabant; ut humanissimi, gratissimiq; et ipsi, & omnibus uideremur: itaq; faciemus. sed idem Nerius index edidit ad allegatos Cn. Lentulum Vacciā, & C. Cornelium. eodem die S. C. factum est, ut sodalitates, decuriatq; discederēt, lexq; de ijs ferretur, ut qui non discessissent, ea poena, quæ est de ui, tenerentur. Ad III. Id. dixi pro Bestia de ambitu apud Prætorem

Cn. Domitium in foro medio, maximo conuentu : incen-
 diq; in eam locum in dicendo, cum Sestius multis in tē-
 plo Castoris uulneribus acceptis, subsidio Bestiæ senatus
 esset. hic μεσοκονομια μιν quidam ὁμοίως de ijs, quæ
 in Sestiū apparabantur crimina, & eum ornaui ueris
 laudibus, magno assensu omnium. res homini fuit ue-
 hementer grata. quæ tibi eo scribo, q̄ me de retinenda
 Sestij gratia literis monuisti. Pridie Id. hæc scripsi an-
 te lucem. eo die apud Pomponium in eius nuptijs erā
 coenatum. cetera sunt in rebus nostris, cuiusmodi tu
 mihi fere diffidenti prædicabas, plena dignitatis, et gra-
 tia : quæ quidē tua mi frater prudentia, patientia, uir-
 tute, pietate, suauitate etiā, tibi, mihiq; sunt restituta.
 Domus tibi ad Lucum Pisonis Liciniana conducta est.
 sed, ut spero, paucis mensibus post Calēdas Quint. in tuā
 commigrabis. tuam in Carinis mundi habitatores La-
 miæ conduxerunt. A te post illam Olbiensem episto-
 lam nullas literas accepi. quid agas, & ut te oblectes,
 scire cupio, maximeq; te ipsum uidere quamprimum.
 Cura mi frater, ut ualeas : & quanquam est hiems, ta-
 men Sardiniam istam esse cogites. XV. Cal. Mar.

MARCUS QUINTO FRATRI S.

SESTIVS noster absolutus est III. Id. Mar. &
 quod uehementer interfuit Rei. nullam uideri in eius-
 modi causa dissensionē esse, omnibus sententijs absolu-
 tus est. illud, quod tibi saepe curæ esse intellexerā, ne cui
 iniquo relinqueremus uituperādi locū, qui nos ingra-
 tos eē diceret, nisi illius peruersitatē quibusdā in rebus
 q̄humanissime ferremus, scito hoc nos in eo iudicio cōse-

RR ij

LIB. II. EPIST.

cutos esse, ut omnium gratissimi iudicaremur: nam in defendendo moroso homine cumulatissime satis fecimus, & id quod ille maxime cupiebat, Vatinium, à quo palam oppugnabatur, arbitrato nostro concidimus, Dijs, hominibusq; plaudentibus. quin etiam Paulus noster, cum testis productus esset in Sestium, confirmavit, se nomen Vatinij delaturum, si Macer Licinius cūctaretur: & Macer à Sestij subsejls surrexit, ac se illi non defuturum affirmavit. quid quæris? homo petulans, & audax Vatinus ualde perturbatus, debilitatusq; discessit. Quintus tuus, puer optimus, eruditur egregie. hoc nunc magis animaduerto, q̃ Tyrannio docet apud me. Domus utriusque nostrum ædificatur strenue. redemptori tuo dimidiū pecuniæ curavi. spero nos ante hiemem contubernales fore. De nostra Tullia tui me hercule amantissima spero cum Crassipede nos cōfecisse. dies erant duo, qui post latinas habentur religiosi. cæterum confectum erat. latiar erat exiturus. Ad * VII I. Id. Aprilis sponsalia Crassipedi præbui. huic conuiuium puer optimus Quintus tuus, meusq; q̃ perleuiter commotus fuerat, defuit. Ad VI. Id. Apr. ueni ad Quintum, eumq; uidi planè integrum: multumq; is mecum sermonem habuit, & perhumanū de discordijs mulierum nostrarum. quid quæris? nihil festiuus. Pomponia autem etiam de te quæstā est. sed hæc corā agemus. A puero ut discessi, in arcem tuam ueni. res agebatur multis structoribus. Longilium redemptorē cohortatus sum. fidem mihi faciebat, se uelle nobis placere. domus erit egregia: magis enim cerni iam poterat, quā quantum ex forma iudicabamus. iteq;

nostra celeriter edificabatur. eo die cœnauî apud Cras-
sipedem. cœnatus, in hortos ad Pompeium lectica latus
sum. Luceiûm conuenire nō potueram, quōd abfuerat.
uidere autem uolebam, q̄ eram postride Roma exitu-
rus, & q̄ ille in Sardiniam iter habebat. hominem con-
ueni, & ab eo petiui, ut quamprimum te nobis redde-
ret. statim, dixit. erat autem iturus, ut diebat, ad III.
Id. Apr. ut aut Labrone, aut Pisis conscenderet. tu mi
frater, simul ac ille uenerit, primam nauigationem,
dummodo idonea tempestas sit, ne omiseris. Ad II.
Id. Apr. ante lucem hanc epistolam dictaueram, scri-
pseramq̄; in itinere, ut eo die apud T. Titium in Ana-
gnino manerem. postridie autem in Laterio cogitabā:
inde, cum in Arpinati quinq; dies fuisset, ire in Pom-
peianum, rediens aspicere Cumanum, ut, quoniam in
Nonas Maias Miloni dies producta est, prid. Non. Ro-
mæ essem, teq̄; mi carissime, et suauissime frater ad eā
diem, ut sperabam, uiderem. edificationem Arcani ad
tuum aduentum sustentari placebat. fac mi frater ut
ualeas, quamprimumq̄; uenias. Vale.

MARCUS QUINTO FRATRI S.

O LITERAS mihi tuas iucundissimas, expecta-
tas, ac primo quidem cum desiderio, nūc uero etiā cum
timore. atq; has scito literas me solas accepisse post illas,
quas tuus nauta attulit Olbia datas. sed cetera, ut scri-
bis, præsenti sermoni reseruentur. hoc tamen nō queo
differre. Idibus Maijs senatus frequens diuinus fuit in
supplicatione Gabinio deneganda. adiurat Porcilius

RR ij

hoc nemini accidisse. foris ualde plauditur. mihi cum sua sponte iucundum, tum iucundius, q̄ me absente, (est enim ^{ἐλπίς} iudicium) sine oppugnatione, sine gratia nostra. eram Antiq̄. Quod Idibus, & postridie, fuerat dictum, de agro Campano actum iri, nō est actum. in hac causa mihi aqua hāret. sed plura, quā constitueram: corā enim. Vale mi optime, ac optatissimi me frater, & aduola. idem te nostri rogant pueri. illud scilicet, coenabis, cum ueneris. Vale.

MARCVS QVINTO FRATRI S.

PLACITVRVM tibi esse librū meū suspicabar: tā ualde placuisse, quā scribis, ualde gaudeo. quod me admones de non curantia, suadesq̄; ut meminerim Iouis orationem, quæ est in extremo illo libro: ego uero memini, & illa omnia mihi magis scripsi, quā cæteris. sed tamen postridie, quā tu es profectus, multa nocte cum Vibullio ueni ad Pampeium: cumq̄; ego egissem de istis operibus, atque inscriptionibus, perbenigne mihi respondit, magnam spem attulit, cum Crasso se dixit loqui uelle, mihiq̄; ut idem facerem, suaserit. Crassum Cos. ex senatu domū reduxi. suscepit rem, dixitq̄; esse, quod Clodius hoc tempore cuperet per se, & per Pompeium consequi: putare se, si ego eum non impedirem, posse me adipisci sine contentione, quod uellem. totum ei negotium permisi, meq̄; in eius potestate dixi fore. interfuit huic sermoni P. Crassus, adolescēs nostri, ut scis, studiosissimus. illud autem, quod cupit Clodius, est legatio aliqua, si minus per senatum, per populum, libera, aut

Bizantium, aut Brogitarum, aut utrunque. plena res
 numorum. quod ego non nimium laboro, etiam si mi-
 nus assequor quod uolo. Pompeius tamen cum Crasso
 locutus est. uidentur negotium suscepisse. si perficiunt,
 optime: sin minus ad nostrum Iouem reuertamur. ἀμ-
 φιλαφίαν autem illam, quam tu soles dicere, bono modo
 desidero, sic prorsus, ut aduenientem excipiam libeter,
 latentem etiam nunc non excitem. Tribus locis aedi-
 co: reliqua reconcinno: uiuo paulo liberalius, quam sole-
 bam. opus erat, si te haberem paulisper, fabris locum
 dare. sed & hæc, ut spero, breui inter nos communica-
 bimus. Res autem Romanæ sic se habent. Consul est
 egregius Lentulus, non impediens collega, sic inquam
 bonus, ut meliorem nō uiderim. dies comitiales exemit
 omnes: nam etiam Latinae instaurantur: nec tamen de-
 erant supplicationes. sic legibus perniciosissimis obfisti-
 tur, maxime Catonis: cui tamen egregie imposuit Milo
 noster: nam ille uindex gladiatorum & bestiariorum
 emerat de Cosconio, et Pomponio bestiarios, nec sine his
 armatis unquam in publico fuerat: hos alere non pote-
 rat, itaque uix tenebat. sensit Milo: dedit cuidam non
 familiari negotium, qui sine suspitione emeret eā fami-
 liam à Catone. quæ simul atque abducta est, Racilius,
 qui uerus est hoc tēpore Tribunus pl. rē patefecit, eosq;
 homines sibi emptos esse dixit, (sic enim placuerat) &
 tabulam proscripsit, se familiā Catonianā uenditurū.
 in eam tabulam magni risus consequebatur, nunc igitur
 Catonem Lentulus à legibus remouit, et eos, qui de
 Cæsare monstra promulgarunt, quibus intercederet ne-
 mo. nam quod de Pompeio Caninius agit, sane quā res

frixit: neque enim res probatur, & Pompeius noster in
amicitia P. Lentuli uituperatur: et hercule nō est idem:
nam apud illam perditissimam, atq; infimam fecē po-
puli propter Milonem suboffendit: & boni multa ab
eo desiderant, multa reprehendunt. Marcellinus autem
hoc uno mihi quidē non satisfacit, q̄ eum nimis aspere
tractat. quāquā id senatu nō inuito facit. quo ego me
libentius à curia, & ab omni parte Reip. subtrahō. in
iudicijs ij sumus, qui fuimus. domus celebratur, ita, ut
cum maxime. unum accidit imprudentia Milonis incō-
mode, de Sex. Celio: quem neque hoc tempore, neq; ab
imbecillis accusatoribus mihi placuit accusari. ei tres
sententiæ teterrimæ in consilio defuerunt. itaque homi-
nem populus renocat: & retrahatur, necesse est: non
enim ferunt homines, & quia, cum apud suos diceret,
pene dānatus est, uident damnatum. ea ipsa in re Pom-
peij offensio nobis obstitit: senatorum enim urna copio-
se abstulit, equitum adæquauit, Tribuni ærarij condē-
narunt. sed hoc incommodum consolantur quotidiane
dānationes inimicorum, in quibus me perlubente Ser-
uius allisus est, ceteri conciduntur. Cato concionatus est,
comitia haberi nō siturum, si sibi cum populo dies agē-
di essent exempti. & Appius à Cæsare non dum redie-
rat. Tuas mirifice literas expecto. atq; adhuc clau-
sum mare scio fuisse: sed quosdam uenisse tamē Olbia
dicebant, qui te unice laudarent, plurimiq; in prouin-
cia fieri dicerent. ijdem diebant, nunciare, te prima na-
uigatione transmissurum. id cupio: & quanquam te
ipsum scilicet maxime, tamen etiam literas tuas ante
expecto. Mi frater Vale.

MARCUS QUINTO FRATRI S.

DEDERAM ad te literas antea, quibus erat scriptū, Tulliam nostrā Crassipedi pridie Non. Apr. esse desponsatā: ceteraq; de Rep. & priuata perscripseram. postea sunt haec acta. Nonis Apr. S. C. Pompeio pecunia decreta in rem frumentariam ad HS MCCCC. sed eodem die uehementer actum de agro Campano, clamore senatus prope concionali. acriorē causam inopia pecuniae faciebat, & annonae caritas. non praetermittam ne illud quidem. M. Furium Flaccum, equitem Romanum, hominem nequam, Capitolini, & Mercu- riales de collegio eiecerunt, praesentem ad pedes uniuscuiusque iacentem. Ad III. Id. Maij S. C. factum est de ambitu in Afranij sententiam; quam ego dixeram, cum tu adesses: sed magno cum gemitu senatus Consules nō sunt persecuti eorum sententias, qui Afranio cum essent assensi, addiderunt, ut Praetores ita crearentur, ut dies LX. priuati essent. eo die Catonem plane repudiarunt. quid multa? tenent omnia, idq; ita omnes intelligere uolunt. Vale.

MARCUS QUINTO FRATRI S.

TV METVIS, ne me interpelles? primum, si in isto essem, tu scis quid sit interpellare. an te Ateius? me hercule mihi docere uidebaris istius generis humanitatis: qua quidē nihil utor abs te. tu uero ut me et appelles, & interpelles, & obloquare, & colloquare, uelim: quid enim mihi suauius, nō me hercule quisquam *μων-σopάτακτ* libentius sua recētia poemata legit, quā

LIB. II. EPIST.

ego te audio quacunq; de re, publica, priuata, rustica, urbana. sed mea factum est inuisa uerecundia, ut te proficiscens non tollerem. opposuisti semel ἀντίκτορ causam Ciceronis nostri ualetudinem: conticui. iterum Cicerones: quieui. nunc mihi iucunditatis plena epistola hoc aspersit molestiae, quid eris, ne mihi molestus esses, ueritus esse, atque etiam nunc uereri. litigare tecum, si fas esset. sed mehercule istuc si unquam suspicatus ero, nihil dicam aliud, nisi uerebor, ne quando ego tibi, cum sum una, molestus sim. uideo te ingemuisse. sic fit. εἰδ' ἂν, ἔα ἔλθοις: nunquam enim dicam, ἔα πάσας? Marium autem nostrum in lecticam mehercule coniecissem, non illam Regis Ptolemæi Anitianum: me mini enim, cum hominem portarem ad Baias Neapoli oëtophoro Anitiano, machærophoris centum sequentibus, miros risus nos edere, cum ille ignarus sui comitatus, repente aperuit lecticam, & penè ille timore, ego risu corruui. tunc, ut dico, certe sustulissim, ut aliquando subtilitatē ueteris urbanitatis, & humanissimi sermonis attingerem. sed hominem infirmum in uillam apertam, ac ne rudem quidem etiam nunc, inuitare nolui. hoc uero mihi peculiare fuerit, hic etiam isto frui. nam illorum prædiorum scito mihi uicinum Marium lumen esse. apud Anitium, uidebimus, ut paratum sit: nos enim ita philologi sumus, ut uel cum fabris habitare possimus. habemus hanc philosophiam, nam ab Hyemetto, sed ab area Syra. Marius & ualetudine est, & natura imbecilior. De interpellatione, tantum sumā à uobis temporis ad scribendum, quantum dabitis: uti nam nihil detis, ut potius uestra iniuria, quàm igna-

uia mea cessem. De Rep. nimium te laborare doleo, et
 meliorem ciuem esse, quàm Philoetetem, qui, accepta
 iniuria, illa spectacula querebat, quæ tibi acerba esse
 uideo. amabo te, aduola: consolabor te, & omnem ab
 stergebo dolorem. & adduc, si me amas, Marium:
 sed appropriate. hortus domi est. Vale.

MARCUS QUINTO FRATRI S.

EPISTOLAM hæc conuitio efflagitarunt codi-
 cili tui. nam res quidem ipsa, & is dies, quo tu es profe-
 ctus, nihil mihi ad scribendum argumenti sanè dabit.
 sed quemadmodum, coram cū sumus, sermo nobis deesse
 non solet: sic epistolæ nostræ debent interdum hallucina-
 ri. Tenediorum igitur libertas securi Tenedio præc-
 sa est, cū eos, præter me, & Bibulum, & Calidium,
 & Fauonium, nemo defenderet. De te magis ab Sipy-
 lo mentio est honorifica facta, cum te unum dicerent
 postulationi L. Sestij Pansæ restitisse. reliquis diebus, si
 quid erit quod te scire opus sit, aut etiā si nihil erit, ta-
 men scribam quotidie aliquid. Prid. Id. neq; tibi, neque
 Pomponio deero. Lucretij poemata, ut scribis, non ita
 sunt multis luminibus ingenij, multæ tamen artis. sed
 cum ueneris, uirum te putabo. si Sallustij Empedoclea
 legeris, hominem non putabo. Vale.

MARCUS QUINTO FRATRI S.

GAVDEO tibi iucundas esse meas literas. nec ta-
 mē habuissem scribēdi nunc quidem ullum argumētū,
 nisi tuas acceperissem: nam prid. Id. cum Appius sena-
 tum infrequentem coegisset, tantum fuit frigus, ut po-

LIB. II. EPIST.

puli conuitio coactus sit nos dimittere. De Comageno Rege q̄ rem discusseram, mirifice mihi & per se, et per Pomponium blanditur Appius: uidet enim, hoc genere dicendi si utar in cæteris, Februarium sterilem futurum: eumq̄; lusi iocose satis: neq; solum illud extorsi oppidulum, quod erat positum in Euphrate, et Zeugmate, sed præterea togam sum eius prætextam, quam erat adeptus Cæsare Consule, magno hominum risu cauillatus. quod nolit inquam renouare honores eosdem, quo minus togam prætextam quotannis interpellet, decernendum nihil censeo. uos autem homines nobiles, qui Busrenum prætextatum non ferebatis, Comagenum feretis? genus uides, & locum iocandi. multa dixi in ignobilem Regem, quibus totus est explosus. quo genere commotus, ut dixi, Appius totum me amplexatur: nihil est enim facilius, quam reliqua discutere. sed non faciam, ut illum offendam, ne impleret fidem Iouis hospitalis, Graios omnes conuocet, per quos mecum in gratiam redijt. Theopompo satisfaciemus. De Cæsare, fugerat me ad te scribere. uideo enim, quas tu literas expectaris. sed ille scripsit ad Balbum, fasciculum illum epistolarum, in quo fuerat & mea, et Balbi, totum sibi aqua madidum redditum esse, ut ne illud quidē sciat, meam fuisse aliquam epistolam. sed ex Balbi epistola pauca uerba intellexerat, ad quæ rescripsit his uerbis. De Cicerone uideo te quiddam scripsisse, quod ego non intellexi: quantum autem coniectura conseq̄uebar, id erat huiusmodi, ut magis optandum, quam sperandum putarem. Itaque postea misi eodem illo exemplo literas. iocum autem illius de sua egestate ne sis aspernas

tus, ad quem ego rescripsi, nihil esse, quod posthac ar-
ce nostræ fiducia conturbaret: lusiq; in eo genere &
familiariter, & cum dignitate. amor autem eius erga
nos perfertur omnium nūcijs singularis. & literæ qui-
dem ad id, quod expectas, ferè cum tuo reditu iungen-
tur. reliqua singulorum dierum scribemus ad te, si mo-
do tabellarios tu præbebis. quanquam eiusmodi frigus
impendebat, ut summum periculum esset, ne Appio
sue ades urerentur. Vale.

MARCUS QUINTO FRATRI S.

RISI niuē atrā: teq; hilari animo esse, & prōpto
ad iocundum, ualde me iuuat. De Pompeio, assen-
tior tibi, uel tu potius mihi: nam, ut scis, iampridem
istum canto Cæsarem. mihi crede, in sinu est, neque
ego discingor. Cognosce nunc Idus. Decimus erat Cæ-
lio dies. Domitius ad numerum iudices non habuit. ue-
reor, ne homo teter, & ferus Pola seruius ad accusatio-
nem ueniat: nā noster Cecilius ualde oppugnatur à ge-
te Clodia. certi nihil est adhuc: sed ueremur. eodem
igitur die Tyrijs est senatus datus frequens, frequētes
contra Syriaci publicani. uehementer uexatus Gabi-
nius: exagitati tamen à Domitio publicani, quod eum
essent cum equis persecuti. noster Lamia paulo fero-
cius, cum Domitius dixisset, uestra culpa hæc acciderūt
equites Romani; dissolute enim iudicatis; nos iudica-
mus, uos laudatis, inquit. actum est eo die nihil, nox di-
remit. Comitialibus diebus, qui Quirinalia sequuntur,
Appius interpretatur non impediri se lege Puppia, quo-
minus habeat senatum: & quod Gabinia sanctum sit,

LIB. II. EPIST.

etiam cogi, ex Cal. Febr. usque ad Cal. Mart. legatis sen-
natum quotidie dari. ita putantur detrudi comitia in
mensem Martium. sed tamen his comitialibus Tribuni
pl. de Gabinio se acturos esse dicunt. omnia colligo, ut
noui scribā aliquid ad te: sed, ut uides, res me ipsa defi-
cit. itaque ad Callisthenem, & Philistum redeo: in qui-
bus te uideo uolutatum. Callisthenis quidē uulgare, et
notū negotiū, quē admodum Græci aliquot locuti sunt.
Siculus ille capitalis, creber, acutus, brevis, penē pusillus
Thuydides. sed, utros eius habueris libros, (duo enim
sunt corpora) an utrosque, nescio. me magis de Diony-
sio delectat: ipse est enim ueterator magnus, & perfa-
miliaris Philisto. sed quod adscribis, aggrediaris ne ad
historiam: me auctore potes, et quoniā tabellarios sum-
ministras, hodierni diei res gestas Lupercalibus habebis.
oblecta te cum Cicerone nostro quambellissime.

MARCVS QUINTO FRATRI S.

DVAS adhuc à te accepi epistolas, quarum alte-
rum in ipso discessu nostro, alterā Arimino datam. plu-
reis, quas scribis te dedisse, non acceperam. Ego me in
Cumano, & Pompeiano, præter quā q̄ sine te, cate-
rum satis commode oblectabat: & eram in eisdem locis
usque ad Cal. Iun. futurus. scribebam illa, quæ dixerā,
πολιτικά, spissum sanē opus, & operosum: sed, si ex sen-
tentia successerit, bene erit opera posita: sin minus, in il-
lud ipsum mare deiciemus, quod scribentes spectaba-
mus: aggrediemur alia, quoniam quiescere nō possu-
mus. Tua mandata persequar diligenter, & adiun-
gendis hominibus, & quibusdam non alienandis. ma-

xime uero mihi curæ erit, ut Ciceronē tuū, nostrumq; uideam scilicet quotidie, sed inspicī, quid discat, quā sepiissime: & nisi ille contemnat, etiam magistrum me ei profitebor: cuius rei non nullam consuetudinem natus sum in hoc horum dierum otio, Cicerone nostro minore perdocendo. Tu, quemadmodum scribis, quod, etiam si non scriberes, facere te diligentissime tamen scribam, facies, scilicet ut mea mandata digeras, persequare, conficias. ego, cum Romam uenero, nullum prætermittam Cæsaris tabellarium, cui literas ad te nō dem. his diebus (ignosces) cui darem, fuit nemo ante hunc M. Orfium equitem Romanum, nostrum, & per necessarium, & quod est ex municipio Atellano, quod scis esse in fide nostra. itaque eum tibi cōmendo in maiorem modum, hominem domi splendidum, gratiosum etiam extra domū: quem, fac, ut, tua liberalitate tibi obliges. est Tribunus mil. in exercitu uestro. gratum hominem, obseruantemq; cognosces. Trebatium ut ualde ames, uehementer te rogo. Vale.

MARCUS QUINTO FRATRI S.

AD IIII. Non. Iun. quo die Romam ueni, accepi tuas literas datas Placētiae, deinde alteras postridie datas Blādenonæ, cū Cæsaris literis, refertis omni officio, diligētia, suauitate. sunt ista quidē magna, uel potius maxima, habēt. n. uim magnā ad gloriam, & ad summam dignitatem: sed mihi crede, quem nosti, quod in istis rebus ego plurimi aestimo, id iam habeo, te scilicet primum tam inseruientem communi dignitati, deinde Cæsaris tantum in me amorem: quem omnibus ijs ho-

LIB. II. EPIST.

noribus, quos me à se expectare, uult antepono. litera uero eius unà data cum tuis, quarum initium est, quàm suavis ei tuus aduentus fuerit, & recordatio ueteris amoris; deinde se effecturum, ut ego in medio dolore, ac desiderio tui, cū à me abesses, potissimum secum esse latarer; incredibiliter delectarunt. quare facis tu quidem fraterne, quòd me hortaris, sed mehercule currentem nūc quidem, ut omnia mea studia in istū unum conferam. ego uero ardenti quidem studio. ac fortasse efficiam, quod sepe uiatoribus, cum properāt, euenit, ut, si serius, quàm uoluerunt, forte surrexerint, properando etiam citius, quàm si de multa nocte uigilassent, perueniant quò uelint. sic ego, quoniam in isto homine colendo tā indormiui diu, te mehercule sepe excitante, cursu corrigam tarditatem, tum equis, tū uero, quoniam scribis poema ab eo nostrum probari, quadrigis poeticis. modo mihi date Britanniam, quam pingā coloribus tuis, penicillo meo. sed quid ago, quod mihi tempus, Romæ præsertim, ut iste me rogat, manenti uacuum ostenditur? sed uidero: fortasse enim, ut fit, uincet tuus amor omnes difficultates. Trebatiū quòd ad se miserim, persalse, et humaniter etiam gratias mihi agit: negat enim, in tanta multitudine eorum, qui unà esset, quenquam fuisse, qui uadimonium concipere posset. M. Curtio Tribunatum ab eo petiui (nam Domitius se derideri putasset, si essent à me rogatus: hoc. n. est eius quotidianum, se ne Tribunum mil. quidē facere: etiam in senatu lusit, Appium collegam propterea isse ad Cæsarem, ut aliquem Tribunatum auferret) sed in alterum annum, id & Curtius ita uolebat. Tu, quemadmodum

quemadmodum me censes oportere esse in rep. & in no-
 stris inimicijs, ita & esse, & fore auricula infima scito
 molliorem. Res Romana sic se habebant. erat nō nul-
 la spes comitiorum, sed incerta. erat aliqua suspicio Di-
 Etaturæ, ne ea quidem certa: summum otium forense,
 sed senescentis magis ciuitatis, quàm acquiescentis: senten-
 tia autem nostra in senatu eiusmodi, magis ut alijs nobis
 assentiantur, quàm nosmet ipsi. τοιαῦτα ὁ τλήμων πόλε-
 μος ἐξεργάζεται. Calamo, & atramento temperato,
 charta etiam dentata res agetur: scribis enim te meas li-
 teras superiores uix legere potuisse. in quo nihil eorū mi-
 frater fuit, quæ putas: neque. n. occupatus erā, neque per-
 turbatus, neque iratus alicui. sed hoc facio semper, ut,
 quicumque calamus in manus meas uenerit, eo sic utar,
 tanquā bono. Verū attende nunc mi optime, & sua-
 uissime frater, ad ea dum rescribo, quæ tu in hac eadem
 breui epistola περὶ ματικῶς ualde scripsisti. de quo pe-
 tis, ut ad te, nihil occultans, nihil dissimulans, nihil tibi in-
 dulgens, germane, fraterneq; rescribā, id est utrū uoles,
 ut dixerimus, ad expediendum te; si causa sit, cōmorere.
 si mi Quinte parua aliqua res esset, in qua sciscitare, quid
 uelle: tamen, cū tibi permissurus essem, ut faceres, quod
 uelles, ego, ipse quid uellem, ostenderē. in hac uero
 re hoc profecto quæris, cuiusmodi illū annum, qui sequi-
 tur, expectē. plane aut tranquillum nobis, aut certe mu-
 nitissimū: quod quotidie domus, quod forum, quod thea-
 tri significationes declarāt: neque laborāt, quodd mea con-
 sciētia copiarū nostrarū, quodd Caesaris, quodd Pōpeiū gra-
 tiā tenemus. hæc me, ut confidā, faciunt. sin aliquis erū-
 pet amentis hominis furor, omnia sunt ad eū frāgendum

expedita. hæc ita sentio, iudico, ad te explorate scribo: dubitare te, nō assentatorie, sed fraterne ueto. quare suauitatis equidem nostræ fruēdæ causa cuperem te ad id tēpus uenire, quod dixeras: sed illud malo tamen, quod putas, magis etiam illa, (etenim magni æstimo me) ἀμφιφύειν illā tuam, & expectationē debitorū tuorū. illud quidē sic habeto, nihil nobis expeditis, si ualebimus, fore fortunatius. parua sunt, quæ desunt, quo nostris quidē moribus: & ea sunt ad explicandum expeditissima, modo ualeamus. Ambitus redit immanis: nunquam fuit par. Idibus Quint. fœnus fuit Z Z ex Z coitione Mēmij, quā
 * cū Domitio habuit. Scaurus unum uincere. Messala flaccet, non dico ὑπερβολῶς. uel HS centies cōstituunt in prærogatiua pronunciare. res ardet inuidia. Tribunitij candidati compromiserunt, HS quingenis in singulos apud M. Catonē depositis, petere eius arbitratu, ut, qui cōtra fecisset, ab eo condēnaretur. quæ quidē comitia gratuita si fuerint, ut putantur; plus unus Cato fuerit, quā omnes leges, omnesq; iudices. Cū à me literas librarij manu acceperis, ne paulū otij me habuisse iudicato; cum autē mea, nullū: sic enim habeto, nunquam me à causis, & iudicijs distrētiorem fuisse, atque id anni tēpore grauissimo, & caloribus maximis. sed hæc, quoniā tu ita præscribis, ferēda sunt: neque cōmittendū, ut aut spei, aut cogitationi uestræ ego uidear defuisse, præsertim cū, tametsi id difficilius fuerit, tamē ex hoc labore magnā gratiā, magnamq; dignitatem sim collecturus. itaque, ut tibi placet, damus operā, ne cuius animū offendamus, atque ut etiā ab ijs ipsis, qui nos cū Cæsare tā cōiunctos dolēt, diligamur, ab æquis uero, aut etiā à propēsis in hāc partē uehementer e-

colamur, & amemur. De ambitu cum atrocissime ageretur in senatu multos dies, quod ita erant progressi candidati consulares, ut non esset ferendum; in senatu non fui. statui ad nullam medicinam Reip. sine magno praesidio accedere. quo die hæc scripsi, Drusus erat de prauaricatione à Tribunis ærarijs absolutus, in summa quatuor sententijs, cum senatores, & equites damnassent. ego eodem die post meridiem Vatinius aderam defensurus. ea res facilis est. comitia in mensem Septembrem reiecta sunt. Scauri iudicium statim exercebitur: cui nos non deerimus. $\sigma\omega\phi\iota\sigma\tau\epsilon\varsigma$ σοφοκλέους, quanquam à te actam fabellam uideo esse festiue, nullo modo probauit. Venio nunc ad id, quod nescio an primum esse debuerit. diuicundas mihi tuas de Britannia literas. timebam Oceanum: timebam litus insulae. reliqua non equidem contemno, sed plus habent tamen spei, quam timoris, magisque sum sollicitus expectatione ea, quam metu. te uero $\pi\acute{o}\theta\epsilon\sigma\tau\iota$ scribendi egregiam habere uideo. quos tu situs, quas naturas rerum, & locorum, quos mores, quas gentes, quas pugnas, quem uero ipsum imperatorem habes? ego te libenter, ut rogas, quibus rebus uis adiuuabo, & tibi uersus, quos rogas, $\gamma\lambda\alpha\upsilon\kappa\alpha$ εἰς Ἀθῆνας, mittam. sed heus tu, calari uideor à te. quo modo nam mi frater de nostris uersibus Cæsar? primum librum se legisse scripsit ad me ante, & prima sic, ut neget se ne græca quidem meliora legisse. reliqua ad quendam locum $\xi\alpha\delta\upsilon$ $\mu\acute{o}\tau\epsilon\rho\alpha$: hoc enim uisitur uerbo. dic mihi uerum, num aut res, aut $\kappa\alpha\tau\epsilon\kappa\tau\eta\varsigma$ non delectat? nihil est, quod uereare: ego enim ne pilo quidem minus me amabo. hac de re $\phi\iota\lambda\alpha\lambda\eta\delta\omega\varsigma$, & ut soles, scribe fraterne. Vale.

M. TVLLII CICERONIS EPISTOLARVM
AD Q. FRATREM
LIBER III.

MARCVS QVINTO FRATRI S.

GO ex magnis caloribus (non enim
meminimus maiores) in Arpinati sum
ma cum amoenitate fluminis me refeci
ludorum diebus , Philotimo tribulibus
commendatis. in Arcano ad IIII. Id.

Sept. fui . ibi Messidium cum Philoxeno, aquamq; , quā
ij ducebant non longe à uilla , belle sanè fluentem uidi ,
praesertim maxima siccitate : uberiolemq; aliquāto sese col
lecturos esse dicebant . Apud Herū recte erat . In Mālia
no offendi Diphilum Diphilo tardiolem : sed tamen ni
hil ei restabat praeter balnearia , & ambulationem , &
auiarium . uilla mihi ualde placuit , propterea quod sum
mam dignitatem pauimentata porticus habebat : quod
mihi denique apparuit , posteaquam & ipsa tota patet ,
& columnae politae sunt . totum in eo est , quod mihi erit
curae , tectorium ut concinnum sit . pauimenta recte fieri
uidebantur . cameras quasdam non probaui , muta
riq; iussi . quo loco in porticu , te scribere aiunt , ut atrio
lum fiat : mihi , ut est , magis placebat : neque enim satis
loci esse uidebatur atrio ; neque ferè solet nisi in ijs æ
dificijs fieri , in quibus est atrium maius ; nec habere pos
terat adiuncta cubicula , & eiusmodi membra . nunc
hoc uel honestate testudinis , uel ualde boni aestiuum lo
cum obtinebit . tu tamen , si aliter sentis , rescribe quam
primum . in balnearijs assa in alterum apodyterij ana

gulum promouī, propterea quoddam ita erant posita, ut eorum uaporarium, ex quo ignis erumpit, esset sub tectum cubiculi. subgrande cubiculum autem, & hybernium altum ualde probaui, quoddam ampla erat, & loco posita ambulationis uno latere, eo quod est proximum balnearijs. colūnas neque rectas, neque è regione Diphilus collocarat. eas scilicet demolietur; aliquando perpendiculo, & linea discet uti. omnino spero paucis mensibus opus Diphili perfectum fore: curat enim diligentissime Cæsius, qui tum mecum fuit. ex eo loco recta Vitularia uia profecti sumus in Fusidianum fundum, quem tibi proximis nuncijs Arpini de Fusidio HS CCCCIDDD∞ emeamus. ego locum æstate umbrosiorē uidi nunquam, per multis locis aquam profluentem, & eam uberem. quid queris? iugera L prati Cæsius irrigaturum facile te arbitrabatur. equidem hoc, quod melius intelligo, affirmo, mirifica suauitate te uillam habiturum, piscina, & salientibus additis, palæstra, & sylua uiridicata. fundum audio te hunc Bouilianum uelle retinere. de eo quod uideatur, ipse constitues. Cæsius aiebat, aqua dempta, & eius aquæ iure constituto, & seruitute fundo illi imposita, tamen nos pretium seruare posse, si uendere uellemus. Messidium mecum habui. is se ternis numis in pedem tecum transegisse dicebat: sese autem mensum pedibus aiebat passuum CCCC∞. mihi plus uisum est. sed præstabo, sumptum nusquam melius posse poni. Chilonem arcefferam Venafro. sed eo ipso die quatuor eius conseruos, & discipulos Venafri cuniculus oppresserat. Idibus Sept. in Laterio fui: uiam perspexi: quæ mihi ita placuit, ut opus publicum uideretur esse, præ-

ter CL passus : sum enim ipse mensus ab eo ponticulo ,
 qui est ad Furinæ Satricum uersus . eo loco pulvis , non
 glareæ iniecta est : & mutabitur : & ea uia pars ualde
 accliuus est . sed intellexi aliter duci non potuisse , præse-
 rim cum tu neque per Locustæ , neque Varronis uelles du-
 cere . Veluinus ante suum fundum propè munierat : Lo-
 custa non attigerat : quem ego Romæ aggrediar , et , ut
 arbitror , commouebo : & simul M. Taurum , quem ti-
 bi audio promississe , qui nunc Romæ erat , de aqua per
 fundum eius ducenda rogabo . Nicephorum uillicum
 tuum sanè probaui : quæsiuîq; ex eo , ecquid ei de illa ædi-
 ficatiuncula Laterij , de qua mecum locutus es , mandaui
 ses . tum is mihi respondit , se ipsum eius operis HS X M
 conductorem fuisse ; sed te postea multa addidisse ad
 opus , nihil ad pretium , itaque id se omisisse . mihi hercule
 ualde placet , te illa , ut constituebas , addere . quanquam
 ea uilla , quæ nunc est , tanquam philosophia uidetur es-
 se , quæ obiurget caterarum uillarum insaniam . uerun-
 tamen illud additum delectabit . topiarium laudauî : ita
 omnia conuestit edera , quæ basim uillæ , quæ intercolu-
 mnia ambulationis , ut denique illi palliati topiariam fa-
 cere uideantur , & ederam uendere . iam ἀποδύτης
 nihil alsius , nihil muscosius . habes ferè de rebus rusti-
 cis . Urbanam expolitionem urget ille quidem &
 Philotimus , & Cincius , sed etiam ipse crebro interui-
 so , quod est facile factu . quam ob rem ea te cura li-
 beratum uolo . De Cicerone , quiddam me semper rogas ,
 ignosco equidem tibi , sed tu quoque mihi uelim igno-
 scas : non enim concedo tibi , plus ut illum ames ,
 quàm ipse amo . atque utinam his diebus in Arpinati ,

A
 quod & ip-
 set . quod a
 cum aliquo
 clamores effi-
 Rome respici-
 ubi esse pollic-
 mercede prop-
 pluribus epist-
 bi uno die tre-
 eodem abs te
 primum erat
 pia literis , quæ
 quam necessar-
 re , literasq; a
 tur , & necessa-
 que nos datis i-
 Scribis de
 fouebis , & no-
 mus . De P
 quod mones .
 grata est , id eg-
 ex parte grati-
 cessandis quæ-
 quin abs te m-
 Trebatium u-
 ego illum ad
 minus , præst-
 libero . Q
 immortalitate
 quemadmo-

quod & ipse cupierat, & ego non minus, mecum fuisset. quod ad Pomponiam, si tibi uideretur, scribas uelim, cum aliquid exhibimus, eat nobiscum, puerumque ducat. clamores efficiam, si eum mecum habuero otiosum: nam Romae respirandi non est locus. id me scis antea gratis tibi esse pollicitum: quid nunc putas, tanta abs te mihi mercede proposita? uenio nunc ad tuas literas: quas pluribus epistolis accepi, dum sum in Arpinati: nam mihi uno die tres sunt redditae, & quidem, ut uidebantur, eodem abs te data tempore, una pluribus uerbis, in qua primum erat, quodd antiquior dies in tuis fuisset ascripta literis, quam in Caesaris. id facit Oppius non nunquam necessario, ut, cum tabellarios constituerit mittere, literasque a nobis acceperit, aliqua re noua impediat, & necessario serius, quam constituerat, mittat, neque nos datis iam epistolis diem commutari curemus.

Scribis de Caesaris summo in nos amore. hunc & tu fovebis, & nos, quibuscunque poterimus rebus, augebimus. De Pompeio, & facio diligenter, & faciam, quod mones. Quod tibi mea permissio mansionis tuae grata est, id ego summo meo dolore, et desiderio, tamen ex parte gaudeo. In Hippodamis, & non nullis alijs arcessendis quid cogites, non intelligo. nemo istorum est, quin abs te munus, fundi suburbanis instar, expectet. Trebatium uero meum quoddam istud admisceas, nihil est. ego illum ad Caesarem misi: qui mihi iam satisfecit: si ipsi minus, praestare nihil debeo, teque item ab eo uindico, & libero. Quodd scribis te a Caesare quotidie plus diligere, immortaliter gaudeo. Balbum uero, qui est istius rei, quemadmodum scribis, adiutor, in oculis fero. Treba-

nium meū à te amari, teq; ab illo, pergaudeo. De Tribunatu quod scribis, ego uero nominatim petiui Curtio, & mihi ipse Cæsar nominatim Curtio paratum esse rescripsit, meamq; in rogando uerecundiam obiurgauit. si cui præterea petiero, (id quod etiam Oppio dixi, ut ad illum scriberet) facile patiar mihi negari; quoniam illi, qui molesti sunt, sibi negari à me non facile patiuntur. ego Curtium, id quod ipsi dixi, non modo rogatione, sed etiam testimonio tuo diligo, quod literis tuis studium illius in salutem nostram facile perspexi. De Britannicis rebus cognoui ex tuis literis nihil esse, nec quod metuamus, nec quod gaudeamus. De publicis negotijs, quæ uis ad te Tironem scribere, negligentius ad te ante scribebam, quod omnia minima maxima ad Cæsarem mitti sciebam. Rescripsi epistolæ maximæ: audi nunc de minuscule: in qua primum est de Clodij ad Cæsarem literis: in quo Cæsaris consilium probo, quod tibi amatissime petenti ueniam non dedit, uti ullum ad illam furiam uerbum rescriberet. alterum est de Caluienti Marrij oratione. quod scribis, miror, tibi placere me ad eum rescribere, præsertim cum illam nemo lecturus sit, si ego nihil rescripsero; meam in illum pueri omnes tanquam dictata perdiscant. Libros meos, quos expectas, inchoaui, sed conficere non possum his diebus. Orationes effragitatas pro Scauro, & pro Plancio absolui. Poema ad Cæsarem, quod composueram, incidi. tibi quod rogas, quoniam ipsi fontes iam sitiunt, si quid habeo spatij, scribam. Venio ad tertiam. Balbum quod ais mature Romam bene comitatum esse uenturum, mecumq; assidue usque ad Id. Maias futurum, id mihi pergratum

perq; incundum erit. Quod me in eadem epistola, sicut saepe antea, cohortaris ad ambitionem, & ad laborem: faciam equidem, sed quando uiuemus? Quarta epistola mihi reddita est Idus Sept. quā ad I I I I. Idus Sext. ex Britania dederas. in ea nihil sanè erat noui, præter Erigonam: quam si ab Oppio accepero, scribam ad te quid sentiam: nec dubito, quin mihi placitura sit. & quod præterij, de eo, quem scripsisti de Milonis plausu scripsisse ad Cæsarem, ego uero facile patior ita Cæsarem existimare, illum quammaximum fuisse plausum. & prorsus ita fuit: & tamen ille plausus, qui illi datur, quodam modo nobis uidetur dari. Reddita est etiam mihi peruetus epistola, sed sero allata, in qua de æde Telluris, & de porticu Catuli me admones. fit utrumque diligenter. ad Telluris quidem etiam tuam statuas locum. item de hortis, quod me admones; nec fui unquam ualde cupidus, & nunc domus suppeditat mihi hortorū amœnitatē. Romam cū uenissem ad X I I I. Cal. Oct. absolutum offendi in adibus tuis tectum; quod super conclauia nō placuerat tibi esse multorū fastigiorum: id nunc honeste uergit in tectū inferioris porticus.

Cicero noster, dū ego adsum, non cessauit apud rhetorem. de eius eruditione quoddam labores, nihil est, quoniam ingenium eius nosti, studium ego uideo, cætera eius suscipio ut me putem præstare debere. Gabinium tres adhuc factiones postulant, L. Lentulus Flaminis filius, qui iam de maiestate postulauit; Ti. Nero, cum bonis subscriptoribus; C. Memmius Trib. pl. cum L. Capitone. ad Urbem accessit ad X I I. Cal. Oct. nihil turpius, nec desertius. sed his iudicijs nihil audeo confidere. quod

LIB. II. EPIST.

Cato non ualebat, adhuc de pecunijs repetundis nō erat postulatus. Pompeius à me ualde contendit de reditu in gratiam, sed adhuc nihil profecit, nec, si ullam partem libertatis tenebo, proficiet. Tuas literas uehementer expecto. Quod scribis, te audisse in candidatorum consularium coitione me interfuisse: id falsum est: eiusmodi enim pactiones in ea coitione factae, quas postea Memmius patefecit, ut nemo bonus interesse debuerit: & simul mihi committendum non fuit, ut ijs coitionibus interesssem, quibus Messala excluderetur: cui quidem uehementer satisfacio rebus omnibus; ut arbitror, etiam Memmio. Domitio ipsi multa iam feci, quae uoluit, quaeq; à me petiuit. Scaurum beneficio defensionis ualde obligauit. adhuc erat ualde incertum, & quando comitia, & qui Consules futuri essent. Cum hanc iam epistolam complicarem, tabellarij à uobis uenerunt ad X I. Cal. Sept. uicesimo die. d me sollicitum, quantum ego dolui in Caesaris suauissimis literis: sed quo erant suauiores, eo maiorem dolorem illius ille casus afferebat. Sed ad tuas uenio literas. primum tuam remansionem etiam atque etiam probo, praesertim cum, ut scribis, cum Casare communicaris. Oppium miror quidquam cum Publio: mihi enim non placuerat.

Quod interiore epistola scribis, me Idibus Sept. Pompeio legatum iri: id ego non audiui; scripsiq; ad Caesarem, Vibullium Caesaris mandata de mea mansione ad Pompeium pertulisse, nec ad Oppium, quo consilio? quamquam Oppiū ego tenui, quod priores partes Bibuli erat: cum eo enim coram Caesar egerat, ad Oppium scripserat. ego uero nullas obsequas persequas habere pos-

sum in Cæsaris rebus. ille mihi secundum te, & liberos
 nostros ita est, ut sit penè par. uideor id iudicio facere :
 iam enim debeo, sed tamen amore sum incensus. Cum
 scripsissem hæc infima, quæ sunt mea manu, uenit ad
 nos Cicero tuus ad coenam, cum Pomponia foris coenaz-
 ret, deditq; mihi epistolam legendam tuam, quam pau-
 lo ante acceperat ab Aristophane meo, ualde mehercule
 & suauem, et grauem, qua sum admodum delectatus.
 dedit etiam alteram illam mihi, qua iubes eum mihi esse
 affixum tanquam magistro. quàm illum epistolæ illæ
 delectarunt? quàm me? nihil puero illo suauius, nihil
 nostri amantius. hæc inter coenam Tironi dictaui, ne
 mirere alia manu esse. Annali literæ tuæ pergrata
 fuerunt, quodd & curares de se diligenter, & tamen con-
 silio se uerissimo iuuares. P. Seruilius pater ex lite-
 ris, quas sibi à Cæsare missas esse dicebat, significabat,
 ualde te sibi gratum fecisse, quodd de sua uoluntate erga
 Cæsarem humanissime, diligentissimeq; locutus esses.
 Cum Romam ex Arpinati reuertissem, dictum mihi est,
 Hippodamum ad te profectum esse. nō possum scribere,
 me miratum esse illum tam inhumaniter fecisse, ut sine
 meis literis ad te proficisceretur: illud scribo, mihi mo-
 lestum fuisse: iam enim diu cogitaueram, ex eo, quod
 tu ad me scripseras, ut, si quid esset, quod ad te diligen-
 tius perferri uellem, illi darem: quodd mehercule hisce
 literis, quas uulgo ad te mitto, nihil ferè scribo, quod si
 in alicuius manus inciderit, moleste ferendum sit. Minu-
 tio me, & Saluio, & Labeoni seruauam. Labeo au-
 tem tarde proficiscetur, aut hic manebit. Hippodamus
 ne num quidem quid uellem rogauit. T. Pinarius ama-

LIB. III. EPIST.

bileis ad me de te literas mittit, se maxime literis, sermo-
nibus, coenis denique tuis delectari. is homo semper me
delectauit, fraterq; eius mecum est multum. quare, ut in-
stituiſti, complectere adolescentem. Quod multos dies
epistolam in manibus habui propter commorationem
tabellariorum, ideo multa coniecta sunt, aliud alio tem-
pore, uelut hoc. T. Anitius mihi saepe iam dixit, sese tibi
suburbanum, si quod inuenisset, non dubitaturum esse
emere. in eius sermone ego utrunque soleo admirari; et
te de suburbano emendo, cum ad illum scribas, non mo-
do ad me non scribere, sed etiam aliam in sententiam
scribere; & cum ad illum scribas, nihil te recordari de
se, de epistolis illis, quas in Tusculano eius mihi osten-
disti, nihil de praeceptis Epicharmi. γὰρ δὲ, πῶς ἄλλω
κέρχεται. totum denique uultum, animum, sermonem
eius, quemadmodum conijcio, quasi. sed haec tu uideris.
de suburbano, cura ut sciam quid uelis: & simul, ne
quid ille turbet, uide. quid praeterea? quid? etiam.
Gabinus ad IIII. Cal. Oct. noctu in urbem introiuit,
& hodie hora octaua, cum edicto C. Alfij de maiestate
eum adesse oporteret, concursu magno, et odio uniuersi po-
puli penè afflictus est. nihil illo turpius. proximus est
tamen Piso. itaque mirificum ἐμβολίον cogito in secun-
dum meorum librorum inducere, dicentem Apollinem
in consilio Deorum, qualis reditus duorum imperato-
rum futurus esset, quorum alter exercitum perdidisset,
alter uendidisset. Ex Britania Caesar ad me Cal. Sept.
dedit literas, quas ego accepi ad IIII. Cal. Oct. satis
commodas de Britanicis rebus: quibus, ne admirer,
quod à te nullas acceperim, scribit, se sine te fuisse, cum

AD Q. FRATREM. 325

ad mare accesserit . ad eas ego literas nihil rescripsi , ne
gratulandi quidem causa , propter eius luctum . Te
oro etiam atque etiam , mi frater , ut ualeas .

MARCUS QUINTO FRATRI S .

AD VI. Id. Oct. saluus Ostia uesperis nauis pro=
fectus erat cū ijs rebus, quas tibi domo mitti uolueras . eo=
dē die Gabiniū ad populū luculēte calefecerat Mēmius ,
sic, ut Calidio uerbum facere pro eo nō licuerit . postridie
autem eius diei, qui erat tum futurus cum hac scribebā
ante lucem, apud Catonem erat diuinitio in Gabinium
futura inter Memmium, & Ti. Neronem, & C. L. An=
tonios M. F. putabamus fore, ut Memmio daretur : & si
erat Neronis mira contentio . quid quæris ? probe pre=
mitur, nisi noster Pompeius, Dijs, hominibusq; inuitis, ne=
gotium inuertit . cognosce nunc hominis audaciam , &
aliquid in repub. perdita delectare . cum Gabinius, qua=
cunque ueniebat, triumphum se postulare dixisset, subia=
toq; bonus imperator noctu Urbem hostium plane in=
uasisset , in senatum se non committebat . interim ipso
decimo die, quo ipsum oportebat hostium numerum, &
militum renunciare, in re hæsit , summa in frequentia :
cum uellet exire , à Consulibus retentus est : introducti
publicani . homo undique actus, cum à me maxime uult=
neraretur, non tulit, & me trementi uoce exulem ap=
pellauit . hic, o' Dijs, nihil unquam honorificentius nobis
accidit . consurrexit senatus cum clamore ad unum, sic,
ut ad corpus eius accederet : pari clamore, atque impetu
publicani . quid quæris ? omnes, tanquam si tu esses, ita
fuerunt . nihil hominū sermone foris clarius . ego tamen

LIB. III. EPIST.

teneo ab accusando, uix mehercule, sed tamen teneo, uel quoddammodo cum Pompeio pugnare (satis est, quoddammodo instat de Milone) uel quoddammodo iudices nullos habemus. ἀπότολμα formido. addo etiam maleuolentiam hominum; & timeo, ne illi me accusante aliquid accidat: nec despero rem et si ne me, & non nihil per me confici posse. De ambitu postulati sunt omnes, qui Consulatum petunt, à Memmio Domitius, à Q. Curtio bono & erudito adolescente Memmius, à Q. Pompeio Messala, à Triario Scaurus. magna res in motu est, propterea quoddammodo aut hominum, aut legum interitus ostenditur. opera datur, ut iudicia ne fiant. res uidetur spectare ad interregnum. Consules comitia habere cupiunt, rei nolunt, & maxime Memmius, quoddammodo Caesaris aduentu sperat se futurum Consulem: sed mirum in modum iacet. Domitius cum Messala certus esse uidebatur. Scaurus refrixerat. Appius sine lege curiata confirmat se Lentulo nostro successurum: qui quidem mirificus illo die, quod penè præterit, fuit in Gabinium: accusauit maiestatis: nomina data, cum ille uerbum nullum: habes forensia. Domi recte, & ipsa domus à redemptoribus tractatur non indiligenter. Vale.

MARCUS QUINTO FRATRI S.

OCCUPATIONVM mearum signum tibi sit librarii manus. diem scito esse nullum, quo die non dicam pro reo. ita, quidquid conficio, aut cogito, in ambulationis ferre tempus confero. negotia nostra sic se habent: domestica uero, ut uolumus. ualent pueri, studiose discunt, diligenter docentur, & nos, & inter se amant. expolitiones utriusque nostrum sunt in manibus, sed tua ad perfectum

iā res est rustica Arcani, & Laterij . præterea de aqua ,
 & uia nihil prætermisi quadam epistola, quin enucleate
 ad te perscriberem . sed me illa cura sollicitat, angitq; ue-
 hemēter, quoddā dierū iam amplius L interuallo nihil à te,
 nihil à Cæsare, nihil ex istis locis non modo literarum, sed
 ne rumoris quidem affluxit . me autē iam et mare istuc ,
 & terra sollicitat : neque desino, ut sit in amore, ea, quæ
 minime uolo, cogitare . quare non equidem iam te rogo
 ut ad me de te , de rebus istis scribas : (nunquam enim ,
 cum potes, prætermittis) sed hoc te scire uolo , nihil ferē
 me unquam ita expectasse, ut, cum hæc scribebam, literas
 tuas . Nunc cognosce ea, quæ sunt in Rep. Comitiorum
 quotidie singuli dies tolluntur obnunciationibus, magna
 uoluntate bonorum omnium : tanta inuidia sunt Consu-
 les propter suspicionem pactorum à candidatis præmio-
 rum . candidati cōsulares quatuor omnes rei . causæ sunt
 difficiles : sed enitemur, ut Messala noster saluus sit : quod
 est etiam cum reliquorum salute coniūctum . Gabinium
 de ambitu reum fecit P. Sylla , subscribente priuigno
 Memmio , fratre Cæcilio, Sylla filio . contra dixit L. Tor-
 quatus , omnibusq; libentius non obtinuit . quæris , quid
 fiet : sciemus de maiestate triduo : quo quidem in iudi-
 cio odio premitur omnium generum , maxime testibus
 ceditur : accusatoribus frigidissimis utitur . consilium
 uariū, quæsitōr grauis, & firmus Alfius, Pompeius ue-
 hemens in iudiciis rogandis . quid futurum sit , ne-
 scio : locum tamen illi in ciuitate non uideo . animum
 præbeo ad illius perniciem moderatum, ad rerum euen-
 tum lenissimum . habes ferē de omnibus rebus . unum
 illud addam . Cicero tuus , nosterq; summo studio est

LIB. III. EPIST.

Pæonij sui rhetoris, hominis, opinor, ualde exercitati, & boni: sed nostrum instituendi genus esse paulo eruditius, & Δεικνύτερον, non ignoras. quare neque ego impediri Ciceronis iter, atque illam disciplinam uolo: & ipse puer magis illo declamatorio genere duci, & delectari uidetur. in quo quoniam ipsi quoque fuimus, patiamur illum ire nostris itineribus: eodem enim peruenturum esse confidimus. sed tamen, si nobiscum eum rus aliquid eduxerimus, in hanc nostram rationem, cōsuetudinēq; inducemus: magna enim nobis à te proposita merces est: quam certe nostra culpa nunquam minus assequemur. Quibus in locis, & qua spe hiematurus sis, ad me quam diligentissime scribas, uelim. Vale.

MARCUS QUINTO FRATRI S.

GABINIVS absolutus est. omnino nihil accusatore Lentulo, subscriptoribusq; eius infantius: nihil illo cōsilio sordidius. sed tamen, nisi incredibilis cōtentio, & preces Pōpeij, Dictaturæ etiā rumor plenus timoris fuisset, ipsi Lentulo nō respondisset, qui cum illo accusatore, illoq; consilio sententijs condemnatus sit XXXI, cum LXX tulissent. est omnino tam graui fama hoc iudicium, ut uideatur reliquis iudicijs periturus, & maxime de pecunijs repetundis. sed uides nullam esse remp. nullum senatum, nulla iudicia, nullam in ullo nostrum dignitatem. quid plura de iudicibus? duo prætorej sederūt, Domitius Calvinus; is aperte absoluit, ut omnes uiderēt: & Cato; is, disruptis tabellis, de circulo se subduxit, & Pōpeio primus nūciauit. aiunt non nulli, Salustius item, me oportuisse accusare. his ego iudicibus committerem?

quid

quid essem, si me agente esset elapsus? sed me alia mo-
 uerunt. non putasset sibi Pompeius de illius salute, sed de
 sua dignitate mecum esse certamen: in Urbem introis-
 set: ad inimicitias res uenisset: cum Aesernino Samnite
 Pacideianus comparatus uiderer: auriculam fortasse
 mordicus abstulisset: cum Clodio quidem certe redisset
 in gratiam. ego uero meum consilium, si praesertim tu
 non improbas, uehementer approbo. ille cum à me sin-
 gularibus meis studiis ornatus esset; cumq; ego illi nihil
 deberem, ille mihi omnia; tamen in rep. me à se dissen-
 tientem non tulit, (nihil dicam grauius) & minus po-
 tens eo tempore, quid in me florentem posset, ostēdit. nūc,
 cum ego ne curem quidem multum posse, res quidem
 publica certe nihil possit, unus ille omnia; cum illo ipso
 contenderem? sic enim faciendum fuisset. non existimo
 te putare id mihi suscipiendum fuisse. alterutrum, in-
 quit idem Salustius: defendisses, idq; Pompeio cōtenden-
 ti dedisses: etenim uehementer orabat. lepidum amicum
 Salustium, qui mihi aut inimicitias putet periculosas
 subeundas fuisse, aut infamiam sempiternam. ego uero
 hac mediocritate delector. ac mihi illud iucundum est,
 quodd, cum testimonium secundum fidem, & religionem
 grauiissime dixissem, reus dixit, si in ciuitate licuisset si-
 bi esse, mihi se satisfacturum, neque me quidquam inter-
 rogauit. De uersibus, quos tibi à me scribis uis, deest
 mihi quidem opera, quæ non modo tempus, sed etiam
 animum uacuum ab omni cura desiderat: sed abest etiam
 ἐνθουσιασμός: non enim sumus omnino sine cura uenien-
 tis anni, etsi sumus sine timore. simul & illud, (sine ulla
 mehercule ironia loquor) tibi istius generis in scribendo

LIB. III. EPIST.

priores partes tribuo, quàm mihi. De bibliotheca tua græca supplenda, libris cōmutandis, latinis comparandis, ualde uelim ista confici, præsertim cum ad meū quoque usum spectent. sed ego, mihi ipsi ista per quem agam, nō habeo: neque enim uenalia sunt, quæ quidē placeās, & confici nisi per hominem & peritum, & diligentem nō possunt. Chrysippo tamen imperabo, & cum Tyrannione loquar. De fisco quid egerit Scipio, quæram. quod uidebitur rectū esse, curabo. De Ascanione, tu uero, quod uoles, facies: me nihil interpono. De suburbanis, quod non properas, laudo: ut tu habeas, hortor. hæc scripsi ad VII I. Cal. Nou. quo die tudi cōmītebantur, in Tusculanum proficiscens, ducensq; mecum Ciceronem meum in ludum discendi, non lusionis, ea re non longius, quàm uellē, quod Pomptino ad triūphū ad III I. Non. Nou. uolebam adesse: etenim erit nescio quid negotioli: nam Cato, & Seruilius Prætores prohibebunt se minantur: nec, quid possint, scio: ille enim & Appiū Cōsulē secū habebit, & Prætores, & Tribunos pl. sed minantur tamen, in primisq; αὐτὸν πρὸς Q. Scauola. Cura mi suauissime, & carissime frater, ut ualeas.

MARCUS QUINTO FRATRI S.

QVOD quæris, quid de illis libris egerim, quos, cū essem in Cumano, scribere institui: nō cessauī, neque cesso, sed sæpe iam scribēdi totum consiliū, rationēq; mutauī: nā iam duobus factis libris (in quibus nouendialibus ijs feriis, quæ fuerunt Tuditano, & Aquilio Coss. sermo est à me institutus Africani, paulo ante mortem, &

Lelij; Phili, Manilij, Q. Tuberonis, & Lelij gene-
 rorum Fannij, & Scaeuola; sermo autem in nouem
 & dies, & libros distributus de optimo statu ciuitatis,
 & de optimo ciue: sanè rexebatur opus luculenter, ho-
 minumq; dignitas aliquantum orationi ponderis affe-
 bat) hi libri cum in Tusculano mihi legerentur audien-
 te Salustio, admonitus sum ab illo, multo maiore au-
 ctoritate illis de rebus dici posse, si ipse loquerer de rep.
 praesertim cum essem non Heraclides Ponticus, sed cons-
 ularis, & is, qui in maximis uersatus in repub. rebus
 essem: quæ tam antiquis hominibus attribuerem, ea
 uisam iri ficta esse: oratorum sermonem in illis nostris
 libris, quodd esset de ratione dicendi, belle à me remo-
 uisse, ad eos tamen reuoluisse, quos ipse uidissem: Ari-
 stotelem denique, quæ de rep. & praestante uiro scri-
 bat, ipsum loqui. commouit me, & eo magis, quodd
 maximos motus nostræ ciuitatis attingere non poteram,
 quodd erant inferiores, quàm illorum ætas, qui loque-
 bantur. ego autem id ipsum tum eram secutus, ne in
 nostra tempora incurrens, offenderem quempiam. nunc
 & id uitabo, & loquar ipse tecum, & tamen illa,
 quæ institueram, ad te, si Romam uenero, mittam:
 puto enim te existimaturum, à me libros illos non sine
 aliquo meo stomacho esse relictos. Caesaris amore,
 quem ad me perscribit, unice delector: promissis ijs,
 quæ ostendit, non ualde pendeo: nec honores sitio, nec
 desidero gloriam, magisq; eius uoluntatis perpetuita-
 tem, quàm promissorum exitum expecto: uiuo ta-
 men in ea ambitone, & labore, tanquam id, quodd
 non postulo, expectem. Quod me de faciendis uersi-

LIB. III. EPIST.

bus rogas: incredibile est mi frater, quàm egeã tempore: nec sanè satis commoveor animo ad ea, quæ uis, canenda. ὑποδέσσεις uero, & ea quæ ipse ego ne cogitãdo quidem consequor, tu, qui omneis isto eloquendi, & exprimendi genere superasti, à me petis? facerem tamen, ut possem: sed, quod te minime fugit, opus est ad poema quadam animi alacritate, quam plane mihi tempora eripiunt. abduco equidem me ab omni reip. cura, dedoq; literis: sed tamen indicabo tibi, quod mehercule in primis te calatum uolebam: angor mi suauissime frater, angor, nullam esse remp. nulla iudicia, nostrumq; hoc tempus ætatis, quod in illa auctoritate senatoria florere debebat, aut forensi labore iactari, aut domesticis literis sustentari. illud uero, quod à puero adamaram, αἰὲν ἀγῶνισσῶν, καὶ ὑπεύροχον ἔμμεναι ἄλλων, totum occidisse: inimicos à me partim non oppugnatos, partim etiã esse defensos: meum non modo animum, sed ne odium quidem esse liberum: unumq; ex omnibus Cæsarem esse inuentum, qui me tantum, quantum ego uellem, amaret; aut etiam, sicut alij putant, hūc unum esse, qui uellet. quorū tamen nihil est eiusmodi, ut ego me non multa consolatione quotidie leniam. sed illa erit consolatio maxima, si unā erimus. nūc ad illa uel grauissimum accedit tui desiderium. Gabinium si, ut Pansa putat oportuisse, defendissem, concidissem. qui illum oderunt, (ij sunt toti ordines) propter quem oderunt, me ipsum odisse cœpissent. tenui me, ut puto, egregie: tantum ut facerē, quantum omnes uiderent. & in omni summa, ut mones, ualde me ad otium, pacemq; conuerto. De libris, Tyrannio est cessator: Chrysippo dicam: sed res operosa est,

et hominis per diligentis : sentio ipse, qui in summo studio nihil assequor . de latinis uero quod me uertā, nescio : ita mendose et scribuntur, et ueneunt : sed tamen, quod fieri poterit, non negligam . Cerbrius, ut ante ad te scripsi, Romæ est : et qui omnia adiurant, debere tibi ualde renunciant . ab erario puto confectū esse, dum absūm.

MARCUS QUINTO FRATRI S.

QUATVOR tragœdias XVI. diebus absoluisse cū scribas, tu quidquā ab alio mutuaris? et πλέον quæris, cum Electram, et Troadem scripseris? cessator esse noli, et illud, γῶδι σεαυτὸν, noli putare ad arrogantiam minuendam solum esse dictum, uerum etiam ut bona nostra norimus. sed et istas, et Erigonam mihi uelim mittas. habes duas epistolas proximas. Vale.

MARCUS QUINTO FRATRI S.

ROMAE, et maxime Appia ad Martis mira proluuias: Crassipedis ambulatio ablata, horti, tabernæ plurimæ: magna uis aquæ usque ad piscinā publicā. niget illud Homeri, ἡματ' ὀπωρινῶ, ὅτε λαβρότατον χέει ὕδωρ ῥόδῳ cadit. n. in absolutionē Gabinij, ὅτε δι' ἄνδρεςσι κοτεσσάμεν χαλεπὴν: οἱ βίη ἐν ἀγορῇ σκολιάς κείνωσι δέμισας, Εκ δὲ δίκην ἐλάσωσι, θεῶν ὅπιν οὐκ ἀλέγοντες: sed hæc non curare decreui. Romam cum uenero, quæ perspexero, scribam ad te, et maxime de Dictatura, et ad Labienum, et ad Ligurium literas dabo. hanc scripsi ante ad lycinuchum ligneolum; qui mihi erat periucundus, quodd eum te aiebant, cum esses Sami, curasse faciendum. Vale mi suauissime, et optime frater.

TT iij

LIB. III. EPIST.
MARCUS QUINTO FRATRI S.

SUPERIORI epistola quod respondeam, nihil est: quæ plena stomachi, & querelarum est: quo in genere alteram quoque te scribis pridie Labieno dedisse, qui adhuc non uenerat: deleuit enim mihi omnem molestiam recentior epistola. tantum te & moneo, et rogo, ut in istis molestiis, & laboribus, & desiderijs recordere, consilium nostrum quod fuerit profectionis tuæ: non enim comoda quadam sequebamur parua, ac mediocria: quid. n. erat, quod discessu nostro emendum putaremus? praesidium firmissimum petebamus ex optimi, & potentissimi uiri beneuolentia ad omnem statum nostræ dignitatis. plura ponuntur in spe, quam in pecunijs: reliqua ad iacturam struuntur. quare, si crebro referes animum tuum ad rationem & ueteris consilij nostri, & spei, facilius istos militiæ labores, ceteraq; , quæ te offendunt, feres, & tamen, cum uoles, depones. sed eius rei maturitas neque dum uenit, & tamen iam appropinquat. Etiam illud te admoneo, ne quid ullis literis committas, quod si prolatum sit, moleste feramus. multa sunt, quæ ego nescire malo, quam cum aliquo periculo fieri certior. plura ad te uacuo animo scribam, cum, ut spero, se Cicero meus belle habebit. tu uelim cures, ut sciam, quibus nos dare oporteat eas, quas ad te deinde literas mittemus, Caesaris ne tabellarijs, ut is ad te protinus mittat, an Labieno: ubi. n. isti sint Nerviij, & quam longe absint, nescio. De uirtute, & grauitate Caesaris, quam in summo dolore adhibuisset, magnam ex epistola tua accepi uoluptatem. Quod me institutum ad illum poema iubes perficere: etsi distectus cum opera,

in animo sum multo magis, quoniam tamen ex epistola,
 quā ad te miserā, cognouit Caesar me aliquid esse exor-
 sum, reuertar ad institutum, idq; perficiam his supplica-
 tionum otiosis diebus: quibus Messalā iam nostrum, reli-
 quosq; molestia leuatos uehementer gaudeo: cumq; quodd
 certum Consulem cum Domitio numeratis, nihil a no-
 stra opinione dissentitis. ego Messalam Caesari prestabo.
 sed Memmius in aduentu Caesaris habet spem. in quo il-
 lum puto errare. hic quidem friget. Scaurum autem
 iam pridem Pompeius abiecit: res prolata: ad interre-
 gnum comitia adducta: rumor Dictatoris, iniucundus
 bonis; mihi etiam magis, quae loquuntur. sed tota res &
 timetur, & refrigescit. Pompeius plane se negat uelle.
 antea ipse mihi non negabat. Hirrus auctor fore uide-
 tur: ò Dii, quā ineptus, quā se ipse amans sine riua-
li. Crassum Iunianum, hominem mihi deditum per me,
 deterruit. uelit, nolit, scire difficile est. Hirro tamē agen-
 te nolle se non probabit. aliud hoc tempore de rep. nihil
 loquebantur, agebatur quidem certe nihil. Serrani Do-
 mestici filij funus perluētiosum fuit. ad IIII. Cal.
 Dec. laudauit pater scripto meo. Nunc de Milone.
 Pompeius ei nihil tribuit, & omnia Gutta; dicitq; se
 perfecturum, ut in illo Caesar incumbat. hoc horret Mi-
 lo, nec iniuria: & si ille Dictator factus sit, penē diffi-
 dit. intercessorem Dictaturae si inuerit manu, & prae-
 sidio suo, Pompeium metuit inimicum: si non inuerit, ti-
 met, ne per uim perferatur. ludos apparatus magnificen-
 tissimos, sic inquam, ut nemo sumptuosiores: stulte, bis,
 terq; non postulatus: uel quia munus magnificū dede-
 rat, uel quia facultates non erant, uel quia magister, uel

LIB. III. EPIST.

quia potuerat magistrum se, non Aedilem putare. omnia
ferè scripsi. Cura mi carissime frater, ut ualeas.
De Gabinio nihil fuit faciendum istorum, quæ amantissi-
sime cogitata sunt. τότε μοι χάρις. feci summa cum gra-
uitate, ut omnes sentiunt, & summa cum lenitate, quæ
feci. illū neque urfi, neque leuauī. testis uehementis fui: præ-
terea quieui: exitum iudicij fœdum, & perniciosum le-
uissime tuli. quod quidem bonū mihi nunc denique re-
dundat, ut his malis reip. licentiāq; audacium, qua ante
rumpebar, nunc ne mouear quidem: nihil est enim perdi-
tius his hominibus, his tēporibus: itaque ex rep. quoniam
uoluptatis nihil iam capi potest; cur stomacher, nescio.
literæ me, & studia nostra, & otii, uillæq; delectāt, ma-
ximeq; pueri nostri. angit unus Milo: sed uelim finem
afferat Consulatus. in quo enitar non minus, quā in sum-
mis in nostro: tuq; istinc, quod facis, adiuuabis. de
quo cætera, nisi plane uis eripuerit, recte sunt. de re fa-
miliari timeo. ὁ δὲ μοι νεύου οὐκ ἔστ' ἀνεκτῶς, qui ludos
H S C C C comparat. cuius in hoc uno considerantiam
& ego sustinebo, ut potero, & tu ut possis, est tuorum
neruorum. De motu temporum uenientis anni, nihil
te intelligere uolueram domestici timoris, sed de commu-
ni reip. statu. in quo etiam si nihil procuro, tamen nihil
curare uix possum. quā autem te uelim tantum esse
in scribēdo, ex hoc coniūcito, quod ego ad te ne hæc quis-
dem scribo, quæ palam in rep. surbantur, ne cuiusquam
animum meæ literæ interceptæ offendant. quare dome-
stica cura te leuatum uolo. in rep. scio quā sollicitus es-
se soleas. uideo Messalam nostrū Consulē; si per interre-
gem, sine iudicio; si per Dictatorem, tamen sine pericue

lo . odij nihil habet. Hortensij calor multum ualebit.
 Gabiniꝝ absolutio lex impunitatis putatur. ἐν παρρησίᾳ.
 de Dictatore tamen actum adhuc nihil est . Pompeius
 abest : Appius miscet : Hirrus parat : multi intercessores
 res numerantur : populus non curat : principes nolunt :
 ego quiesco. De mancipijs, quod mihi polliceris , ualde
 te amo : & sum equidē, uti scribis, & Romæ, & in præ-
 dijs infrequens. sed caue, amabo, quidquā, quod ad meū
 commodum attineat, nisi maximo tuo cōmodo, & ma-
 xima tua facultate mi frater cogitaris. De epistola
 Vatiniꝝ risi. sed me ab eo ita obseruari scio, ut eius ista
odia non sorbeam solum, sed etiam concoquam. Quod
 me hortaris ut absolutum, habeo absolutum, suauē, mihi
 quidem ut uidetur, ἐπὶ, ad Cæsarem . sed quæro lo-
 cupletem tabellarium; ne accidat quod Erigonæ tuæ, cui
 soli Cæsare imperatore iter ex Gallia tutum non fuit.
 quid, si cæmentum bonum nō haberem, de urbem adifi-
 cium ? quod quidem quotidie mihi magis placet; in pri-
 misq; inferior perticus, & eius conclauia sunt recte.
 De Arcano, Cæsaris opus est, uel mehercule etiam elegā-
 tioris alicuius : imagines enim istæ, & palæstra, & pisci-
 na, & nilus multorum Philotimorum est, non Diphilo-
 rum. sed & ipsi ea adibimus, & mittimus, & manda-
 bimus. De Felicis testamento, tum magis quererere, si
 scias: quas enim tabulas se putauit obsignare, in quibus
 in uncijis firmissimum tenuerat, (lapsus est per errorem
 & suum, & Sicuræ serui) non obsignauit: quas noluit,
 eas obsignauit. ἀλλ' οἷμα' ἔγωγε : nos modo ualeamus .
 Ciceronem, & ut rogas, amo, & ut meretur, & ut de-
 beo: dimitto autem à me, & ut à magistris ne abdu-

EPISTOLA

cam, & quod mater Pomponia discedit, sine qua edacitatem pueri pertimesco. sed sumus una tamen ualde multum. rescripsi ad omnia. Mi suauissime, & optime frater uale.

AD OCTAVIVM EPISTOLA.

SI PER tuas legiones mihi licitum fuisset, quæ non mihi meo, populoq; R. sunt inimicissimæ, uenire in senatum, coramq; de rep. disputare, fecissem, neque tam libenter, quam necessario: nulla. n. remedia, quæ uulneribus adhibentur, tam faciunt dolorem, quam quæ sunt salutaria. sed quoniam cohortibus armatis circumseptus senatus nihil aliud uere potest decernere, nisi timere; in Capitolio signa sunt, in urbe milites uagantur, in campo castra ponuntur, & Italia tota legionibus, ad libertatē nostram conscriptis, ad seruitutem adductis, equitatuq; exterarū nationū distinetur. cedā tibi in præsentia foro, curia, & sanctissimis Deorum immortalium templis: in quibus, reuiuiscēte iam libertate, deinde rursus oppressa, senatus nihil cōsultitur, timet multa, assentitur omnia. post etiam paulo, temporibus ita postulanti, cedam Vrbe: quam per me conseruatam, ut esset libera; in seruitute uidere non potero: cedam uita; quæ quanquam sollicita est, tamen, si profutura est reip. bona spe posteritatis me consolatur; quæ sublata, nō dubitāter occidā: atque ita cedam, ut fortuna iudicio meo, nō animus mihi defuisse uideatur. illud uero, quod & præsentis doloris est indicium, et præterita iniuriæ testimonium, & absentium sensus significatio, nō prætermittam, quin, quoniam coram id facere prohibeor, absens prosim, si quidē

mea salus aut utilis reip. est, aut coniuncta certe publica salutem. nam per Deum immortalium fidem (nisi forte frustra eos appello, quorum aures, atque animus à nobis abhorret) per quæ fortunam populi R. quæ quanquam nobis infesta est, fuit aliquando propitia, & ut spero, futura est; quis tam expers humanitatis, quis huius urbis nomini, ac sedibus usque adeo est inimicus, ut ista aut dissimulare possit, aut non dolere? aut, si nulla ratione publicis incommodis mederi queat, non morte proprium periculum vitet? nam, ut ordiar ab initio, & perducam ad extremum, & nouissima conferam primis, quæ non posterior dies acerbior priore, & quæ non insequens horra antecedente calamitosior populo R. illuxit? M. Antonius, uir animi maximus, (utinam etiam sapientis consilij fuisset) C. Casaro fortissime, sed parum feliciter à reip. dominatione semoto, concupierat magis regium, quam libera ciuitas pati poterat, principatum: publicam dilapidabat pecuniam: ararium exhauriebat: minuebat uectigalia: donabat ciuitates ex commentario: Dictatorem gerebat: leges imponebat: prohibebat Dictatorem creari legibus: S. C. ipse repugnabat in senatu: prouincias unus omnes concupiebat: cui sordebat Macedonia prouincia, quam uictor sibi sumpserat Casar. quid de hoc sperare, aut expectare nos oportebat? extitisti tu uindex nostre libertatis, ut tunc quidem, optimus; (quod utinam neque nostra nos opinio, neque tua fides fefelleret) & ueteranis in uinum conductis, & duabus legionibus à pernicië patrie ad salutem auocatis, subito propè iam affectam, ac prostratam rempub. tuis opibus extrulisti. quæ tibi non, ante quàm postulares, maiora quàm

EPISTOLA

nelles, plura quàm sperares, detulit senatus? dedit fa-
 sces, ut cū auctoritate defensorem haberet, non ut impe-
 rio se aduersum armaret: appellauit imperatorem, hos-
 tium exercitu pulso tribuens honorem, non ut sua cade-
 cæsus ille fugiens exercitus te nominaret imperatorem:
 decreuit in foro statuam, locum in senatu, summum ho-
 norem ante tempus: si quid aliud est, quod dari pos-
 sit, addat. quid aliud est maius, quod uelis sumere? sin-
 autem supra ætatem, supra consuetudinem, supra es-
 tiam mortalitatem tuam tibi sunt omnia tributa: cur
 aut ingratus crudeliter, aut immemor beneficij scele-
 rate circumscribis senatum? quò te misimus? à quibus
 reuerteris? contra quos armauimus? quibus arma co-
 gitas inferre? à quibus exercitum abducis? aduersus
 quos aciem struis? cur hostis relinquitur, ciuis hostis lo-
 co ponitur? cur castra medio itinere longius aduersa-
 riorum castris, & propius Urbem mouentur? ò me nū-
 quam sapientem, & aliquando id, quod non erat frus-
 tra existimatum. quantum te popule R. de me fefel-
 lit opinio. ò meam calamitosam, ac præcipitem sene-
 ctutem. ò turpem exacta, dementiq; ætate canitiem. ego
 patres conscriptos ad parricidium induxi: ego reipub.
 fefelli: ego ipse senatum sibi manus afferre coegi, cum
 te Iunonium puerum, & matris tuæ partum aureum
 esse dixi. at te fata patriæ Paridem futurum prædica-
 bant, qui uastares Urbem incendio, Italiam bello, qui
 castra in templis Deorum immortalium, senatum in
 castris habiturus esses. ò miseram, & in breui tam ce-
 lerem, & tam uariam reipub. commutationem. quis-
 nam tali futurus ingenio est, qui possit hæc ita man-

dare literis, ut facta, non ficta uideantur esse? quis erit tanta animi facilitate, qui, quæ uerissime memoria propagata fuerint, non fabulæ similia sit existimaturus? cogita enim Antonium hostem iudicatum, ab eo circumfessum Consulem designatum, eundemq; reip. parentem: te profectum ad Consulem liberandum, & hostem opprimendum, hostemq; à te fugatum, & Consulem obsidione liberatum: deinde paulo post, fugatum illum hostem accersitum, tanquam coheredem mortua rep. ad bona populi R. capienda: Cōsulē desig. rursus inclusum ed, ubi se nō mœnibus, sed fluminibus, & mōtibz tueretur. hæc quis conabitur exponere? quis credere audebit? liceat semel impune peccare: sit erranti medicina confessio: uerum enim dicam: utinam te potius Antoni dominū non expulissimus, quàm hunc recipere: nō quodd ulla sit optanda seruitus, sed quia dignitate domini minus turpis est fortuna serui: in duobus autem malis cum fugiendum maius sit, leuius est eligendum. ille ea tamen exorabat, quæ uolebat auferre: tu extorques. ille Consul prouinciam petebat: tu priuatus concupisti. ille ad malorum salutem iudicia constituebat, & leges ferebat: tu ad perniciem optimorum. ille à sanguine, & incendio seruorū Capitolium tuebatur: tu cruore, & flāma cuncta delere uis. si, qui dabat prouincias Cassio, & Brutis, & illis custodibus nominis nostri, regnabat: quid faciet, qui uitam adimit? si, qui ex Vrbe eijciebat, tyrannus erat: quem hunc uocemus, qui ne locum quidem reliquit exilio? itaque, si quid illæ maiorum nostrorū sepultæ reliquæ sapiunt, si non unā cum corpore sensus omnis uno atque eodē cōsumptus est igni:

EPISTOLA

quid illis interrogantibus, quid agat nunc populus R. respondet aliquis nostrum, qui proximus in illā aeternam domum discesserit? aut quem accipient de suis posteris nuntium illi ueteres Africani, Maximi, Pauli, Scipiones? quid de sua patria audient, quam spolijs, triumphisq; decorarunt? an esse quendam annos XXIII natum, cuius auus fuerit argētarius, ad stipulator pater, uterque uero precarium fecerit quæstum, sed alter usque ad senectutem, ut non negaret, alter à pueritia, ut non posset non confiteri: eum agere, rapere remp. cui nulla uirtus, nullæ bello subactæ, & ad imperium adiunctæ prouinciæ, nulla dignitas maiorum conciliaisset opem potentium, sed forma per dedecus pecuniam, & nomen nobile consceleratum impuditiæ dedisset: ueteres uulneribus, & ætate confectos Iulianos gladiatores, egenis reliquias Cæsaris, ludi ad rudem compulisset, quibus ille septus omnia misceret, nulli parceret, sibi uiueret? qui tanquam in dotali matrimonio remp. testamento legatam sibi obtineret. audient duo Decij seruire eos ciues, qui ut hostibus imperarent, uictoriæ se deuouerunt. audiet C. Marius impudico domino parere nos, qui ne militem quidem habere uoluit, nisi pudicum. audiet Brutus eum populum, quem ipse primo, post progenies eius à regibus liberauit, pro turpi stupro datum in seruitutem. quæ quidem si nullo alio, me tamen inter nuncio ad illos celeriter deferentur: nam si uiuus ista subterfugere non potero, unā cum istis uitam simul fugere decreui.

GRAECA LATINIS EXPRESSA.

In quaternione A. ἀδύνατον: quod fieri non potest. ἐπὶ οὐχ ἱερήιον οὐδ' ἐ
βοάην: non leue petitur præmium. ἑρμαῖννα: Minervæ
Mercurijq; statua. χρησιόμαθῃ: utilia discntem, hoc
est, deditum literis non vulgaribus. γυμνασιώδῃ: apta
gymnasio. εὐμολπιδῶν πατρία: Eumolpidarum patria.
οἰκίον. proprium. σκέψεις, καὶ ἀναβολαί: considerationes,
et dilationes. ταυτόματον ἡμῶν: casus noster.
In quaternione B. ἐν τοῖς πολιτικοῖς: in civilibus.
τοποθεσίαν: loci descriptionem. ἀπικώτερα: magis at-
tica. φιλορήτορα: rhetorica studiosum. πανήγυρις: con-
uentus. μάλ' ἀριστοκρατικῶς: valde pro statu optimatum.
γενικῶς: generaliter. ληκύθους: pigmentorum arculas.
ἀνεπερπερασάμην: uenditavi me. ἐπιχειρήματα: argu-
menta. ὑπόθεσις: materia. ἄρεα πάγῳ: Areopagus.
ἀπρακτότατῳ: rebus agendis ineptus, ignauissimus.
καχέκτης: habitu uitiorum deprauatus. φιλέλληνες:
Græcorum studiosi, et amatores. παντοίης ἀρετῆς μι-
μνήσκεο: omnifariæ uirtutis reminiscere. ὕστερον πρότε-
ρον ὀμνηκῶς: ordine conuerso, Homerice. πρὸς τὸ
πρότερον: ad prius. ἔπετε νῦν μοι μῦσαι, ὅπως δ' ἦ πρῶ-
τον πῦρ ἐμπεσε: dicite nunc mihi musæ, quo modo pri-
mum ignis iniectus fuerit. παρρησίαν: loquendi licen-
tiam. ἀγῶνα: certamen. ἐπσημασίαις: significationes ge-
suum. ἀποθέωσιν: deificationem. φιλοσοφητέον: philo-
sophandum. ἐλαφντέον: fugiendum more ceruorum.
ἀμχλοῖον: amaltheum, bibliotheca. s. tua. τοποθεσία: loci
descriptione. In quaternione C. ἀφελέστατῳ:
simplicissimus. πολιτικὸς ἀνὴρ οὐδ' ὄναρ: civilis uir ne
in somnio quidem. τὸ ᾧδ' τῇ φωνῇ μέρον: in lête unguē

tum, prouerbiū. ἐπφωνήματα : acclamationes. νῆφε,
 καὶ μέμνησο ἄπιστον. ἄθερα ταῦτα τῶν φρενῶν : uigila, &
 meminere non credere. hi sunt nerui sapientia. τίς πα-
 τερ' αἰνήσει ; quis patrem laudabit ? ἐγκωμιστικά : lauda-
 τικά. ἱστορικά : historica. οἱ μὲν πάρος, οὐδ' ἐν εἰσιν, οἱς δ' οὐ-
 δ' ἐν μέλει : hi, qui adsunt, nihili sunt, illis uero nihil cura
 est. ὑπὸ πον. linor. μυ. οὐήκιον : unguenti, & pigmentorum
 arculam. ὑπόμνημα : commentarium. σεμνότερος τις,
 καὶ πολιτικώτερος : grauior quidam, & ciuilior. ἀπο-
 σπόμενα : reliquia quaedam. φιλόπατρις : studiosus pa-
 triae. πολιτέα : reipub. In quaternione D.
 ἄλις ππουδῆς : satis studiū est. θεοί : patrii. πελινάων.
 Pelinæorum (sunt autem populi.) Κορινθίων, καὶ Ἀθη-
 ναίων : Corinthiorum & Atheniensium. ἡρώδης : Hero-
 des. δὴ ἀγγέλια : boni nunciū premia. Κύρου παυδείαν :
 Cyri institutionem. τὰς διαφάσεις : lucidas radiorum
 egressiones. ἔσω ὅφισ μὲν η, α, τὸ δ' ἐδρώμενον β, γ,
 ἀκτίνες δ' ἐδ', καὶ ε : sit aspectus η, α : quod autem
 uidetur, β, γ : radij uero, δ, & ε. κατ' εἰδῶλαν ἐμ-
 πτώσεις : per simulacrorum incidentias, uel ingressio-
 nes. εἰδῶλα : species, imagines. ἐγχυσις : effusio. ὑπόστα-
 σιν. statum. πολιτείαν : temp. σωκρατικῶς εἰς ἐκάτερον :
 more Socraticorum in utranque partem. τιῷ ἀρεσκουσ-
 σαν : sententiam quae placeat. κατάκρησις : sanctio. ἀρι-
 στωκρατικῶς : aristocratie, pro statu optimatum. εἰς οἶον
 νὸς ἀρετῆς ἀμυνέσθαι περὶ πάτρις : unum augurium opti-
 mum defendere patriam. κατάκρησις, sanctio. ἀριστοκρα-
 τικῶς, de optimi ciuis officio. Θεοφράστου περὶ φιλοτιμίας :
 Theophrasti de honori studio. αἰδέομαι τρωάς, καὶ τρωά-
 δας ἔλκεσι πτόπλους : uereor Troianos, et troianas trahere
 uestes.

uesteis. πολυδάμας μοι πρώτῳ ἐλέγκειν ἀναθήσει: Poly
 damas mihi primus uitio dabit. Θεοφάνης: Theophanes.
 φιλοσοφῆν: philosophari. ἡδὲ σχολῆς: in otio. γεωγραφικά:
 de terræ descriptione commentarios. ὁ μοειδῆς: unifor=
 mes. ἀνθηρογραφῆσαι: floride scribi. πολιτεύειν: in
 rep. uersandum. ἀνέκδοτα: non edita. πολιτεύομαι: in
 ciuitate facio. κατὰ τὸ πρακτικόν: secundū actiū. καὶ
 ὑπὸ στέγῃ πυκνὰς ἀκοῦσαι ψεκάδῃ οὐδ' οὐσὴ φρενὶ: Et
 sub tecto frequentē audire guttā securo animo. βοῶπις:
 bouis oculos habens. παλινωδίαν: recātationem. διβάφω:
 bis tinēta purpura. σοφισθεῖν: profiteri, ἐπαγγέλλομαι
 ἀνδρ' ἀπαμύνεσθαι ὅτε τις πρότερος χαλεπήνῃ: polliceor
 uirum ulcisci, cum aliquis prior molestādo laceffat. Κικέρ=
 ρων ὁ μικρὸς ἀπαύζεται Τίτον ἀθηναῖον: Cicero parui=
 lus salutat Titū. ὑποσόλοικον: subabsurdū. ἀναφαίνεσθαι:
 apparere. τραχεῖ ἀλλ' ἀγαθὴ κουροτρόφος. οὐτὶ ἐγώ γε ἦς
 γαίης δαΐκαμαι γλυκερώτερον ἄλλο ἵγεσθαι: Astera, sed bo=
 na puerorum nutritrix: nequaquam ego ea terra possum
 dulcius quidquā aspicere. εὐαγγελία: boni nunciū. συγκύ=
 ρημα: casum. ζώσης φωνῆς: uivae uocis. βοῶπιδῃ: bouis o=
 culos habētis. ἀσελγούς: intēperantis. ὀξύπενος: famelicus,
 avidissimus. συμπόσιον: cōmīuium. κατὰ ὁπώραν τραχὺς:
 ritu pomi dura. ἀδικαίεχοι: iniusti magistratus. καὶ
 Κικέρων ὁ φιλόσοφος τὸν πολιτικὸν Τίτον ἀπαύζεται: Et
 Cicero philosophus Titum salutat Reipublicæ deditū. ἀν=
 θωρεῖ: eadē hora. Τυλέπυλον Λαυρενγονίην: Telephylū urbē
 Lastrygoniā. φιλοσοφῶμεν: philosophemur. ἀνατρεπτους:
 confutabiles, infirmas. ἐν τυραννείᾳ: sub tyrāno esse.
 In quaternione E. Κικέρων ἀριστοκρατικώτατος πάντας:
 Cicero status optimatum studiosissimus puer. φῦσά γὰρ

οὐ σμικροῖσιν αὐλίσκοις ἔτι, ἀλλ' ἀγρίαις φύσαισι φοβέας
 ἄτερ: intumesce enim non parvis uibolis amplius, sed
 efferis foliibus sine ligula. ἐσοφίζετο: canillabatur, ma-
 litiose cogitabat. τὸν πρακτικὸν βίον: adliuam uitam: τὸν
 θεωρητικὸν: speculatiuam. πρόδε λέων, ὅππεν δέ: ante
 leo, post uero. εἰ δὲ μή. si uero non. ὁμολογουμένως τυ-
 ραννίδα συσχυάζεται: sine dubio tyrannis construitur.
 βέλπεια: bona spes. ἀδιαφορία: æquanimitas. ἀφιλόδο-
 ξον: ambitione uacans. κατὰ τὸ κηδεμονικόν: curiose. ὑπο-
 θήκας: documenta. περὶ τῶν ὅλων: de summa rerum. σκο-
 πός: scopus. κατὰ λεπτόν: minutatim. ἑλὶς δρυός: satis
 est quercus, i. glandium. τυφλώπω: cæcutio. τῷ καλῷ προ-
 σέπονθα: honesto sum affectus. ἀσφάλειαν: securitatem,
 cautionem, præsidium ad furorem Clodij. ἀκικίζομεθα,
 dissimulamus. ἐν ἀνίγμασιν: obscure dictis. ἀλληγορίαις:
 allegorijs. In quaternione F. ἐλατὰ, καὶ οὐδ' ἐν:
 inuoluta, & nihil. τὰς τῶν κρατοῦντων: est autem initiū
 senarioli, qui est huiusmodi apud Euripidem in Phœ-
 nissis. τὰς τῶν κρατοῦντων ἀκαθίας φέρειν χρεών. potentiū
 stultitias ferre oportet. In quaternione H.
 μυσικώτερα: secretiora. συλλαβούς: indices ex membrani-
 la. παλινῳδία: recantatio. ὑποδέττει: argumento. πολιτι-
 κός: reip. deditus. ὁπαδοί: milites. ταγοί: duces. πάς-
 ταν ἔλαχες, ταύταν κότρει: Spartam sortitus es, hanc orna.
 βαθύτης: profunditas. ὀκαιρότερον: opportunius. οὐχ ὅ-
 σ' ἢ φθιμένοισι: impium mortuis. subaudi insultare. ὅδε
 οὐκ ἐμπάζετο μύθων: hic uero non curabat sermones. μί-
 πα μὲγαν εἴπης πρὶν τελευτήσαντ' ἰδῆς: nil magnum
 dixeris prius, quàm mortuum uideris. σύκω μὰ τῷ
 δῆμντραι σύκον, οὐδ' ἐν οὕτω ὁμοιον γέγονεν: fico

per Cere-
 zatis: stati-
 de φακίαι
 τα εἰδέναι
 κελαιονem
 (us, ut omni-
 cius. τῶν
 stant reip
 συμπαθεῖν
 singulis dieb
 ται. τὸ μὲν
 autem tibi di
 In qua
 πολίται: In
 cinationem.
 Atica locuti
 granius. &
 sermones.
 τα: studio
 audi quam
 tigati. βαδ
 exercitatio.
 τα: sunt re-
 ἐπαιτων: g
 ra fuerit
 (us. ὑπο
 συμπαθεῖ
 mentario
 λιτωτέ
 quod m.

per Cererē ficus, neque quidquam tam simile fuit. περί-
στασις: status. πολιτικῶς: civiliter. γραμμὴν: lineam. καὶ τό-
δε φακίλι δ' οὐ: Et hoc Phocylidis. οὐδ' ἐν γλυκύτερον, ἢ πάν-
τα εἰδέναι: nihil dulcius, quàm omnia scire. σκυλμόν:
uexationem, perturbationem. ὀξύπενος: ita curio-
sus, ut omnia scire cupiam: avidissimus, ut fame per-
citus. τὴν παροῦσαν κατάστασις τυποδῶς: presentem
statum reipub. quasi formula quadam expressum.
συμπάθειν: condolentiam. ἡμερόλεγον: ut quæque
singulis diebus acciderunt. ἀρεοπαγίτας: areopagis-
tas. τέμπη: loca amœna. σῆμα δ' ἐ τοι ἐρέω: signum
autem tibi dicam. Homerus ἰλ. 253: ἑξοχή: excellentia.

In quaternione I. ἑξωτερικούς: exteriores.
πολιτεία: in libris de repub. τεχνολογίαν: de arte ratios-
cinationem. ἐμφιλοσοφῆσαι: philosophari. Ἀττικισμός:
Attica locutio. συμπάθεια: condolentia. πονοδαιότερον:
gravius. δυσδιάγνωστον: difficile cogniti. διαλόγους:
sermones. In quaternione K. φιλοπροσνήεσται:
τα: studio benignissimo. ἔρδοι τὶς, faciat aliquis. (sub-
audi quam nouit artem.) δυσδουκίμντα: difficilia mi-
tigatu. βαθύτητα: profunditatem. μελέτη: meditatio,
exercitatio. ἄνω καὶ κάτω: sursum, & deorsum. ἀφρακ-
τα: sunt naues non tectæ, nec munitæ ad pugnandum.
ἐπικωπον: genus nauigij. οἱ α' τ' ἂν δ' ἐποιοῖα, qualis he-
ra fuerit. ἀνεξίαν: tolerantiam. μετέωρος: suspens-
sus. ὑπομνηματιστῶν: decretum, monumentum.
συμπάδως: condolenter. νομανοδείαν: uide com-
mentarios. σωηγώνων: cum illo macrebam. πο-
λιτικώτερον: civilius. παράγγελμα ἐνιαύσιον:
quod mandari de annua administratione. ἐνδόμυχον,

occultum. ἐπικεφάλαια: tributa per capita. συμφιλοδοξοῦ=
σιν: simul seruiunt. κεφάλαιον: caput. συμπάθειαν:
condolentiam. τὸ νεμεσᾶν: indignari. τοῦ φθονεῖν: ab
inuidendo. In quaternione L. ἐν ἐπτομῇ: in bre
uiario. πανικὰ: subita quædam tanquam auctore Pane
deo terricula. κενὰ τοῦ πολέμου: inania quædam
in bello. Aristoteles li. 3. ἡδίκων. μῶμος: qui omnia carpit.
πεφυσίομαι: elatus sum. λαμπρὰ: splēdida. ἐν παρόδῳ: in
trāscursu. ἀπερόσιτον: nō facilem accessu. ἀδωροδόκητον:
incorruptum largitione. κέρας: cornu. δὴμεξήματι: felici
eius diei successu. ἀκροτελευτίον: cōclusionē. γλυκύπικρον:
dulce & amarū. ὑπερβολικῶς: supra ueritatē. τέθριππα:
quadrigas. κέρας: cornu. ὁδοῦ πάρεργον: obiter. ἐνδομύ=
χω: arcano. οἰκονομίαν: domesticæ rei ordinē. οἷχεται: euas
nescit. βαδύτητα: grauitatem. ὑπομεμφιμοίρους: subque
rulas. ἐξ ἀφαρέσεως: per extractionē. προσάντα τρεφομέ=
νην: recreatam. ἀκοινωνήτως: incommunicabiliter, ad tollē
dam amicitie cōmunionem. ἐγκεδύματα: hortationes.
τὸ γὰρ δὲ, μετ' ἐμοῦ: quod. n. bene est, mecum est. ἱστορικόν
historicū. οὐκ ἔλαθες: non sefellisti. ἀφελῶς: simpliciter. οἰ
κονομία: dispositio. σχεδίαζοντα: casu, non ordine scriben
tem. In quaternione M. πόλιτδύμα: admini
strationem publicam. κέρας: cornu. ἰσοδωαμοῦσαν:
æquiualentem. διαίρεσιν: diuisionem. ἀγράφον: non scri
ptum. αὐτονομίαν: libertatem suis utendi legibus. τὸ
παρὰδοξότατον: inopinatissimum. μὴδ' ἐν αὐτοῖς: ni
hil illis, subaudi crede. ὧ παραγμάτων ἀσυγκώσων: ὅ res
quæ coniungi non possunt. πολυδύκους: Pollucis ædem:
ὧ ἀνισορέσιαν: ὁ inscitiam historiæ. ἡ πόρνησας: du
bitasti. δὺ πολιν τὸν τῆς ἀρχαίας: Eurolim illum ueteris,

s. comædia. τι λοιπόν; quid reliquum? πολλοῦ γε καὶ
δα: multum quidem abest. χρίσεται χαλκείων: aurea pro
ereis. Homeri locus il. 68. ἀναγκηφώνητον: sine respōsione.
αὐδέσεν μὲν ἀνήνασθαι, δαῖσαν δ' ὑποδέχθαι: ueriti sunt
quidem recusare, timuerunt autem accipere. παρικορῆσαι:
scire. προπύλαι: uestibulum. ἱστορικώτατ': historia-
rum peritissimus. νεώκτισα: nuper adificata. τῷ τῶν νεῶν
καταλόγῳ: in nauium recensioe, apud Homerum uide-
licet. ἀναλογία: proportio, analogia. φλιοῦς, ὁ ποῦς, σι-
ποῦς: Phlius Phliuntis urbs Lacedæmoniorum: Opus
Opuntis urbs Locrorum, per contractionem. integrum
est, ὁ ποῖς ὁ ποέντ'. Sipus Sipuntis urbs Dauniorum in
Appulia. ὁ ποῶτιοι, σιποῶτιοι: gentile nomen ab ὁ ποῦς
σιποῦς. αὐτονομίαν: libertatem suis legibus utendi.
ὑπερβολικῶς: supra modum. δυνῆσαν: fatuam simplici-
tatem. πολλὰ δ' ἐν μεταίχμιῳ Νότ' κυλινθεῖ κύματ'
δ' ἑξῆς ἄλως: multos autem in intermedio ausser uoluit
fluctus lati maris. est enim proprie μεταίχμιον id spa-
tium, quod est inter duos exercitus. ἀκοινῶνιτον: aptū ad
dirimendam amicitiam. μυθικώτερον: secretius. τῆς δ' αὖ
μαρτός μου ὁ ἀπελδύθεσθ' (οἶδα ὃν λέγω) ἔδοξε μοι πρῶην,
ἐξ ὧν ἀλογυόμεν' παρεφθέγγετο, πεφυρακέναι τας ψήφους
ἐκ τῆς ὥνῃς τῶν ὑπερχόντων τοῦ κροτωνιάτου τυραννοκτόνου.
δεδόικα δ' ἐμὴν τι νοήσης. εἰς δ' ἡπὸν τοῦτο δὴ περισκεψάμε-
ν', τὰ λοιπὰ ἐξασφαλίας: nichoris mea libertus (nosti
quem dico) uisus est mihi dudum è uerbis, quæ incon-
siderate protulit, turbasse calculos, seu suffragia ex
coemptione bonorum Crotoniatæ tyrannicidæ. timeo,
ne quid intelligas. unus quidem hoc si consideraueris,
reliqua in tuto. τῆς ξωαόρου τῆς ἐμῆς, οὐξ ἐλδύθεσθ'

ἔδοξε μοι θαυμάσια παρίδω, καὶ ἀλύων τοῖς συλλόγοις καὶ
 ταῖς λέσχαις ὑπὸτι πεφυρακέναι τὰς ψήφους ἐν τοῖς ὑπαρ-
 χουσι τοῖς τοῦ κροτωνιάτου : *ichoris mea libertus uisus*
est mihi saepe garriens & in conciliabulis & confessioni-
bis nugantium aliquid turbasse calculorum in bonis
Crotoniata . ἐξ ἄστεως ἐκταλόφου ταχῶν παρῆδωκεν
 ἡμῶν γὰμου ὀφειλήματα ὁ Κάμιλλος, αὐτόν τε ὀφείλον-
 τὰ μὲν καὶ ἐκ τῶν Κροτωνιατικῶν, καὶ ἐκ τῶν Χερρῶ-
 νησιτικῶν μὴ . καὶ σιγκληρονομίας, χμ. κ. μ. τούτων δὲ
 μὴδὲ ὀβολὸν διαλύσασθαι πάντων ὀφειληθέντων τοῦ δευ-
 τέρου μηνὸς τῇ νομηνίᾳ . τὸν δὲ ἀπελύθεον αὐτοῦ,
 ὄντα ὁμῶνιμον τῷ Κόνωνι πατρὶ μὴδὲν ὀλοσχερῶς
 πεφροντικέναι . ταῦτα οὖν πρῶτον μὲν ἵνα πάντα σώ-
 ζητε, δευτέρου δὲ, ἵνα μὴδὲ τῶν τόκων ὀλιγωρήσης τῶν
 ἀπὸ τῆς προεκκαμένης ἡμέρας, ὅσας αὐτὸν ἠνέγκαμεν .
 σφόδρα δέδοικα . καὶ γὰρ παρῆν πρὸς ἡμᾶς κατασκε-
 ψόμενος, καί τι σχεδὸν ἐλπίσας, ἀποχνοῦς δὲ ἀλόως
 ἀπέστη, ἐπειπὼν, αἰσχροῦν τοι δειρὸν τε μένειν . *septicollis*
urbis moenibus tradidit nostri coniugij debita Camillus,
seque debentem minas 24. ex bonis Crotoniatarum, &
Cherrhonesitarum 48. & cum haereditates creuerit,
648. 20. 40. horum autem ne obolum quidem dissol-
uisse ex omnibus debitis secundi mensis Calendis : liber-
tum autem eius, existentem cognominem Cononis patri,
nihil prorsus curasse. hac igitur primum, ut omnia con-
seruetis : deinde ut neque usuras negligas eas, quae sunt
à precedenti die, quot dies ipsum tolerauimus. uehemen-
ter timeo. ctenim aderat apud nos exploraturus, & ali-
quid propè sperans. desperans autem sine oratione rece-
sit, factus, turpe diu manere. In quaternione N.

λεληθώς: *latenter*. ἄλλο πρόβλημα: *alia questio*. πυρός
 εἰς δῆμον: *frumenta in populum*. προπύλω: *vestibulo*.
 ἐπέχεν: *hesitare, dubitare*. ἐποχῆς: *dubitationis*. παλιγγε-
 σίαν: *regenerationem*. ἐν ἀνιγμοῖς: *enigmatice*. ἀφελῶς:
simpliciter. ἀσχερόν σιωπᾶν: *turpe tacere*. σύγχυσιν: *confu-*
sionem. παραφύλαξον: *observa*. τίω τοῦ φερατοῦ φιλοτι-
 μίαν αὐτότατα: *turbatoris avaritiam ipse maxime*. κενόν:
inanem. ἄτυφον: *sine ambitione, parvi animi*. ἐπέχεν:
dubitare. ἀδέτησις: *improbatio*. ἐποχή: *conjectatio*. τοῦτο
 μόνον ἔρῳ ἐμοί, *hoc solum dicens mihi*. ἐπιχευῖα ἐποχή,
diuturna dubitatio. φιλοτιμία, *ambitio*. πρόβλημα, *questio-*
tionem. ἀλλ' ἐμὸν ὅποτε θυμὸν ἐνὶ στήθεσιν ἔπειδες πα-
 τριδῶ: *sed meum nunquam animum in pectoribus*
persuastisti patriæ. αἰδέομαι, *vereor*. τρώας, καὶ τρωάδας,
troas & troadas. πολυδάμας μοι πρῶτῳ ἐλεγχέην κατα-
 θέσει. *Polydamas mihi primus probum inferat*. ὁδῶ
 πάρεργον, *præter propositum, ut egrediar à proposito*. ἐπί-
 κτητα, *fluxa, non diuturna*. ἐκβολὴ λόγου, *egressio ora-*
tionis. σύπόριτον, *parabilem: φεράτης, permissor*. ἀλλὰ τὰ
 μὲν προτετύχθα ἔασομεν, ἀχνύμενοί περ, *sed hæc quidem*
facta esse sinamus, licet dolentes. id est, præterita omitta-
mus, licet cum dolore. ἀμεμπτα, *non accusanda*. τῶν νεω-
 τέρων, *iuniorum*. αὐτόχθων, *natia, & indigena*.
 σοργὴν φυσικὴν, *amorem naturalem*. πρὸς τὰ τέκνα,
in filios. ἀμεταμέλητῳ, *non poenitenda*. τὸ σκά-
 φῳ τῶν ἀτρείδων, *navigium Atreidarum*. σώτο-
 μα, *compendiosa*. In quaternione O.
 δῆμους, *uicos*. ζήτημα, *questionem*. τεκμηριῶ-
 δες, *coniecturale, indicium*. τοῖς ἀπαντῶσιν,
obuiam mihi venientibus. δύσχεστα, *inutilia*. ἀποτρε-

ψαι, abstergito. οὐ γὰρ ἂν τόδε μᾶλλον ἔποι κακὸν : neque
 enim maius sequetur malum. Homer. ὁ δ. μ. παλινωδία,
 recantatio. λῆψις, deprehensio. ἁβδηρικόν, abderiticū.
 ἔμπολιτὺς μοι σοι, tibi in rep. uersor, tecum de rep. distu-
 to. πολιτικὸν σκέμμα, civilis consideratio. φιλοσοφώτερον
 διακρινήσομεν, sapientius diiudicabimus. σύγχυσιν τῆς
 πολιτείας, confusionem reipub. ξωὸς ἐνυάλις, communis
 Mars. Homeri locus ιλ. 206. πολιτικῶς, civiliter. ἄμορφον
 ἀντιπολιτὺς μένου χρεοφιλῆτην, deforme, & turpe est,
 aduersantis in rep. debitorem esse. διακρινήσεις πρόβλη-
 μα πολιτικόν, diiudicabis quæstionem civilem. τοῦ καλοῦ,
 honesti. χρεῶν ἀποκοπὰς, φυγάδων καθόδους, tabulas po-
 uas, exilium restitutiones. τὴν Θεῶν μεγίστην ὥς ἔχεν τυ-
 ραννίδα, Dearum maximam ut obtineat tyranni dem.
 Euripides in Phœnissis. ἐν σχολάζῳ σοι: otium tecum dis-
 putans consumo. ἀπορῶ, dubito. οὕτως που τῶν προδόν
 ἐπενθόμεθα κλέα ἀνδρῶν, sic sanè superiorum lugebamus
 laudes uirorum. ἐπισκοπον, speculatorem, custodem. ὄρη,
 impetus. φαλαρισμόν, Phalaridis imitationem. αἰδέομαι
 τρώας, uereor Troianos. ἀπορίαν, dubitationem. ἥρωα, he-
 roem. πολιτικῶς, civiliter. ἀστράτηγος, regendi exercitus
 ignarus. πρὸς τὸ ἀσφαλές, ad securitatem. μάντις δ' ἄρι-
 στος, uates autem optimus. In quaternione P.
 σήσω δ' ἔσθρον, magis Sestianum. ὑπεκθέμενος, cum dimi-
 sero, transportaui. ψυδῆσιόδεον, quod falsò Hesiodo
 ascribitur. μὴ δ' ἐδίκην, neque causam. totum car-
 men est, μὴ δ' ἐδίκην δικάσης πρὶν ἄμφοιν μῦθον
 ἀκούσης, ne causam ante iudicaueris, quàm utri-
 usque partis causam audiueris. καὶ σιωποθανεῖν,
 & simul mori. φανοπρωπαῖν, apparere, uultum

ostendere . σκέμμα, consideratio . ἀπορία, dubitatio.

In quaternione Q. διπλῇ, nota in margine
adscripta, sic à græcis appellata. ἀπροσφώνητους, insalu=
tatos. τὸ καλὸν, honestum. πρὸς ταῦτ' ὅτι χερὶ καὶ παλα=
μάδων, καὶ πᾶν ἐπ' ἐμοὶ τεκταινέον, ad hæc, quod oport=
et, & faciant, & omnia in me fabricentur. τὸ γὰρ δὴ,
μετ' ἐμοῦ, quod enim bene est, mecum est. πολλὰ χαίρειν
τῷ καλῷ, multam salutem honesto. δὺ γενῆ : generosa,
nobilis. τῷ αὖτε μετ' ἐμοῦ : simul diem conterimus. τέ=
ρας, monstrum. σκοπὸς, intentio. προθεσίῳ, præfatio.
ἰλιάς, ilias. περὶ ὁμονοίας, de concordia.

In qua=
ternione R. ἀπολιτικώτατον, maxime civilis guber=
nationis expertem. ἀστρατηγικώτατον, maxime impera=
toria artis ignarum. ἀπαντήσεις, occursum obviam. αἰδέο=
μαι τρώας, timeo Troianorum reprehensionem. κενόσπου=
δα, inanis studij plena. ἀναπάντητον, in quo nemo occ=
urrat.

In quaternione S. ὑπὸ τῷ διάληφιν,
sub ipsa accessione febris. ἀπαρρησίῳ, minime liberā.
τίς δ' ἐστὶ δούλοῦ, τοῦ θανέναι ἀφροντίς ὧν ; quisnam est
servus, de morte securus qui sit? ἀσμένεον, gratissimum.
δέσεις, materias. Εἰ μενετέον ἐν τῇ πατρίδι τυραννου=
μένη. τυραννουμένης δ' αὐτῆς, εἰ παντὶ τρόπῳ τυ=
ραννίδι καταλύσιν πειρατέον, καὶ μέλλῃ διὰ τοῦ=
το περὶ τῶν ὅλων ἡ πόλις κινδυνεύσιν. Εἰ δὲ λαβη=
τέον τὸν καταλύοντα, μὴ αὐτὸς ἀρῆται, ἢ πειρατέον
ἀρῆγειν τῇ πατρίδι εἰρηνὴ μᾶλλον, ἢ πόλεμῳ. Εἰ πολι=
τικὸν τὸ ἡσυχάζειν ἀναχωρήσαντάποι, τῆς πατρίδος τυ=
ραννουμένης, ἢ διὰ παντὸς ἡτέον κινδυνεύου τῆς ἐλευθερίας
πέρι. Εἰ πόλεμον ἐπακτέον τῇ χώρᾳ, καὶ πολιορκητέον αὖ=
τὴν τυραννουμένην. Εἰ καὶ μὴ δοκιμάζοντα τὴν διὰ πόλεμ

μου καταλύσιν τῆς τυραννίδος, σωαπογραπτέον ὁμῶς τοῖς
 ἀγίοις, εἰ τοῖς δὲ ἐργέταις, καὶ φίλοις συγκινδυνώτεον ἐν
 τοῖς πολιτικοῖς, καὶ μὴ δοκῶσιν οὐ βεβουλώσθαι περὶ τῶν
 ὅλων. Εἰ δὲ μεγάλα τὴν πατρίδα δὲ ἐργετήσας, δι' αὐτοῦ δὲ
 τοῦτο ἀνῆκετα παθῶν, καὶ φθονήδεις, κινδυνώσκειν ἀν' ἐθέλον
 τῆς ὑπὲρ τῆς πατρίδος, εἰ ἀφετέον αὐτῷ ἑαυτοῦ ποτε,
 καὶ τῶν οἰκωτάτων αὐτοῦ ποιῶσθαι πρόνοιαν ἀφεμένω
 τὰς πρὸς τοὺς ἰσχύοντας διαπολιτείας. *an manendum
 in patria tyrannide oppressa. ea uero tyrannide oppres-*
sa, an quouis modo tyrannidis destructio tentanda est,
etiam si ciuitas propter id de summa rerum periculum
subitura sit. Vtrum cauendum tyrannidem destruenti,
ne quid ipse patiatur: an tentandum ferre opem pa-
triae pace potius, quam bello. Vtrum ciuile sit, seceden-
tem aliquid, quiescere, oppressa à tyrāno patria, an quod-
cunque subeundum discrimen pro libertate. an bellum
inferendum regioni, eaq; sit obsidenda à tyranno oppres-
sa. an, quamlibet non probanti destructionem tyrannidis
per bellum, simul tamen cum optimatibus auertenda
sit ipsa tyrannis. an cum benefactoribus, & amicis unā
periclitandum, in administratione reip. etiam si non ui-
deantur recte de summa rerum iniuisse consilium. (hic
Pompeium notat, ut 135:) *Vtrum de patria bene meri-*
tus, ob eamq; causam grauissima quæque passus, & in-
uisus, (hic se ipsum describit, qui, Catilinæ coniuratione op-
pressa, pro maximis meritis crudelissima supplicia per-
tulerat) ultero pro patria discrimen subire debeat, an per-
mittendum ei, ut sui ipsius interdū, & familiarissimorū
rationē habeat, dimissis aduersus potēteis cōcertationibus
pro rep. τῶν προέργου τι, quæ sunt ex re. ἀκαίρως, intempe

stius. ὁτομάχως, bono stomacho. αὐτὶκὰ γὰρ τοι ἐπετα
μεδ' ἔκτορα πότμῳ ἐτοιμῳ: statim enim tibi deinde post
Heclorem mors parata. αὐτὶκα τεθναίνῃ, ἐπεὶ οὐκ ἄρ' ἐμελ=
λον ἐταίρῳ ἐπαμῶαι, utinam statim obeam, posteaquam
non eram socio interfecto suppetias laturus. ἐταίρῳ, so=
dali. ὀβεργέτη, benefactori. οὐδ' ἐμοὶ ἦτορ' ἐμπεδόν, ἀλλ'
ἀλαλύκτημαι. neq; .n. mihi cor firmū, sed cōsternato sum
animo. Homer. ἰλ. κ. αἰσχροῦ φαντασίᾳ, turpitudinis ima=
go. ἐν δ' αὖ μέλει, in potestate. σωὲ τε δ' ὕ' ἐρχομένων: pariterq;
duo euntes. τὸ σωέχον, proximū. ἀπάντησις, occursus. πο=
λίτδμα, actionem publicā. μή μοι γοργεῖν κεφαλὴν δεινοῖο
πελώρου, ne mihi gorgoneū caput horrēdi & grauis mō=
stri. εἰδῶσσοι λέγω: scies tibi dico. ἀχαρίστιας: ingrati ani=
mi. ὁ πλοῦς ὡρεῶ: nauigatio idonea. Μέντορ πῶς τ' ἄρ'
ἰῶ, πῶς τ' ἄρ' προπτόξομαι αὐτόν; Mentor, quonā modo
audeam, & quonā modo amplexabor ipsum? Homer.
ὁδ. γ. δέσεις: materias. Διονύσιῳ ἐν Κορίνθῳ: Dionysius
Corinthi. In quaternione T. τότε μοι χάνοι δὲ ξῆα
χδῶν: tūc mihi dehiscat lata terra. ἐν τοῖς ἐρωτικοῖς: in re=
bis amatorijs. ἀλογίῳ: inconsiderate. ὑποκορίζη: leni=
uocabulo appellas. χρυσμός: oraculum. ἄσπονδον:
impacabile. φιλόπατρις, ac πολιτικόν: studiosum pa=
triæ, ac ciuilem. γενικώτερον: generalius. νεκρίαν: tur=
bam mortuorum. ἀπορῶ: dubito. σεσκετόν: proban=
dum. τὸ μέλλον κεραιδοκίσεις: quod futurum est, expe=
ctabis. ὑπὸ πλὴν λήφιν: sub accessionem quartanæ febris.
ἀσμένισον: gratissimum. πολιτικόν: ciuile. μακροψυχίαν:
longanimitatem. Ὀδύμονα: felicem. οὐκ ἔστ' ἐτυμῳ λό=
γῳ, non est uerus sermo. Ὀνήμερίαν, felicem diē succes=
sus. σωαγωγή, collectio. ἐσάλπειν, tuba ciebat.

λήπτει, falsa quædam ostentatio. γοητεία, præstigiatio-
 nem. πειθανάγκην, suasionem violentam. ὡ γὰρ τῶν
 τυράννων δέσεις, inquit Πλάτων, οἷός' ὅτι μεμυ-
 μέναι ἀνάγκαις: tyrannorum enim preces, inquit Plato,
 nosti quàm permixtæ necessitatibus. ἀλίμενα, sine portu
 loca. ὑπηρεσίαν, ministerium. ἀδημονῶν, se occultās. δια-
 τροπὴν, infamiam. αὐθεντικῶς, auctoritate quadam domi-
 ni utentē. In quaternione V. τέτρα, κύντερον:
 perfer: grauius tulisti. sumptum ex Homeri uersu de
 Ulysse suum cor alloquente. ἄλλα μὲν αὐτὸς, alia quæ-
 dem ipse. ἄλλα δὲ καὶ δαίμων ὑποτίθεται, alia autem
 uel Deus suggeret. ἀναθεώρισις, speculatio. μὴ μὲν
 ἀποουδέϊ γε, καὶ ἀκλειῶς ἀπολοίμην, ne negligenter &
 inglorius perirem. ἄλλα μέγα ῥέξας τί καὶ ἐσσομένοισι
 πυθεῖται, sed magnum facinus edens, quod uel à poste-
 ris audiatur. τῶν πολιτικῶτάτων σκεμμάτων, maxime
 civilium considerationum. ἄλη, error. πολιτεύεον,
 uersandum in rebus. In quaternione X. τῶν
 τε παρὰ χρεῖμα δὲ ἐλαχίστης βουλῆς κρᾶτις & γνώμων, καὶ
 τῶν μελλόντων ἡδὲ πλῶστον τοῦ γενησομένου ἄρις & εἰκασίς,
 & præsentium, quæ repente accidunt, minima delibera-
 tione peritissimus cognitor, & futurorum optimus ple-
 runque coniector. τότε ἄμενον, ἢ χεῖρον ἐν τῷ ἀφανεί ἐτι
 προέωρα μάλιστα, quid melius, aut quid peius, uel obscuris-
 simis in rebus providebat maxime. πλουσιόκων, tempesta-
 tem ad nauigandum idoneam expectans. σοργῆς, amo-
 ris. σωτήρις, colliquatio. συμπάθειαν, condolentiam. ζηλο-
 τυπία, æmulatio. αὐθεντικῶς, pro certo. τυραννικῶς, tyranni-
 ce. σὺ θεῷ τοι λέγω, cum Deo tibi dico. Δυσουρία, uri-
 na difficultas. ἀρχὴ, principium. ἀνθρωποποίητον, ne-

quaquam formatis moribus. ἡδους ἐπιμελητέον, moribus
adhibenda diligentia. ὕπουλον, subdolum. ἀφράκτω, dete=
στο ναυigio. ἀποτόμως, concise. θυμικώτερον, stomacho=
sius. παρὰ πλουτέον, abnauigandum. ἀλλὰ τὰ μὲν προτέ=
τυχθαί, ἐκείσομεν ἀχνύμενοί περ, sed quæ quidem ante αἰετα
sunt, omitemus quamuis tristes. σφάλμα, error. ἀρετή,
uirtus. διδασκτὸν, res, quæ tradi possit docendo.

In quaternione Υ. περί κοιλιολυσίαν γίγνεσθαι, circa
uenteris solutionem esse. ὡ πολλῆς ἀγεννείας, ὁ multa igno=
bilitatem. ἐπταμηνιαῖον δὴτόκησεν, septimestrem sal=
ua reperit. Κωρυκαῖοι, Corycaei. In quaternione

ΑΑ. γερωντικώτερον, senilius. λέσχη, confabulatio.
τί γὰρ αὐτῷ μέλει; quid enim illi cura est? βεβίωται;
uita traducta est? πρόβλημα, quaestio. ἀγοιτὸν δὴτως,
sincere, sine fuso. μακάριον νῆσοι, beatorum insulae.
πάθει, affectu. σκέψαι, considera. ἀλογηθῆναι, negligatur.
μελήσει, cura sit. ἐνεργειώτερον, rubicundiores. πρὸς
βλήμα ἀρχιμήδειον, quaestio archimedeae. ψευδῶς, falsū.
ἀκουσμά, auditio. ἐξάνον, collationem. διψῶσαν κρήνην,
siticulosum fontem. πειρήνην, pirenem. ἀμπνύμα σεμνὸν
Αλφειῶν πειρήνην, requiem uerendam Alphei pirenem. ποί=
ταῦτ' ἔρ' ἀποσκήψῃ; quoniam hæc modo excusabis? γεω=
μετρικῶς, more geometrico. ἀρχέτυπα, exemplaria: πάντα
φιλόδημον, omnem popularem. θεωρίαν, speculationem,
τέλῃ, finem. δὴ πνὲς, uenustum. ὡ ἀπεραντολογίαν δόους,
cui infinitam loquacitatem tribue. συμπάσχω: condo=
leo. ἀποθέωσιν, deificationem. μεταρμόζομαι, adaptor.
ἀνεμέσσητον γὰρ, nulla enim inuidia est. In qua=
ternione ΒΒ. πολιτικοί, optimates. τετυφῶσθαι, τυ=
me factum esse. ἐγγύεμα: senectutis requies. ἐντάφιοι:

*seneſtutis otium. ἀλόγως: ſine ratione. ἀποθέωſιν: deiſ-
 ficationem, conſecrationem filiae. In quaternione C C.
 Κύριος, τυμβουλῆτικόν: deliberatiuum. Αριſτοτέλους καὶ
 Θεοπόμπου πρὸς Αλέξανδρον: Ariſtotelis & Theopom-
 pi ad Alexandrum. φιλάτιον ſυμφορὰ: querula ca-
 lamitas. πρὸπλασμα: praſigmentium. ſυμπαῖως:
 condolenter. οἰκοδεσποτικὰ: patrisfamilias officia. ſω-
 τάγματα: opera. ἀκνήδεια: torpedō. ἀνεκτότερα: tole-
 rabilia, ſαῶναρον: contubernalem. ὑπόθεſις: argu-
 mentum. τοῦτο δ' ἐμνήσθη, hanc uero conijcies, diſpi-
 cics, indagabis. ἀπόγραφα: deſcripta. καταβίωſιν: te-
 nuem uictum. βῦλογον: rationabile. βῦλογώτατον: ma-
 xime rationi conſentaneum. In quaternione D D.
 Παναγιῶν περὶ προνοίας: Panatij de providentia. ἐκτε-
 νέſτερον: contentius. φιλοσογότερον: amantius. ἀφατα:
 infanda. ἀδιήγητα: inenarrabilia. βῦκάως: oppor-
 tiune. παρὰ τὴν ἱστορίαν: praeter hiftoriam. κοινότερα: com-
 muniōra. πολιτικώτερα: civiliora. οὐ γὰρ ὀνειδίως: non
 enim opprobrium. φιλολογώτερα: eruditiora. περὶ φωνή-
 ſιν: nunciationem. καλλιπιδής: callippides. αὐτῷ
 τῷ μέτρω, καὶ λῶιον: ipſa meſura, & melius. αἴκε δυνάμει:
 ſi poſſis. περὶ τελῶν ſαώταξιν: de finibus opis. ἀκαδῆ-
 μαϊκὴν: academicā. Αντιόχεια: Antiochia. ζηλοτυπῆσθαι:
 inuideri. φιλαυτία: amor ſui. ἀπορῶ: dubito. αἰδέομαι
 Τρῶας: uereor Troas. μέμφιν: accuſationem. παρὰ τὸ
 πρέπον: praeter decorū. ἀπαιδουσία: ruditas. ἀγνοία:
 ignorantia. Αντιόχεια: Antiochea. πολυγραφώτατος:
 plurima ſcribens. ζηλοτυπῶν: inuidere. ἀκίνδυνα: peri-
 culo carentia. φιλένδοξος: ambitioſus. ἀκαταληψίαν:
 incomprehenſibilitatem. κωφὸν πρόſωπον: muta perſe-*

na. Αριστοτέλειον : Aristotelicum. περὶ τελῶν : de fini-
 bus. περιπατητικὰ : peripatetica. ἀζηλότηπον : sine inui-
 dia. λογικώτερα : eruditiora. ἐρμῆιον : insperatum lucrum.
 πῖθανὰ : suaviora. φιλότιμος : contentionis cupidus. φιλο-
 σόφως : philosophice. δ' ἐδ' ἤχθαι : morsum esse. μὴ καὶ
 αὐτοῖς : ne enim ipsis. προβολὴν, ingressum. ἐποχῇ, re-
 tentioni. λόγοισιν Ἑρμόδωρος, uerbis Hermodorus. προ-
 σφονῶ, nuncupo. ἀδιόρωτα, inchoata, non perfe-
 eta. ἔωλα, obsoleta. περὶ μικρὰ πονοδ' ἄξιν, paruis sine
 dere. ὀυλόγως, facile. ὀυγενέστερος, generosior. ἀσμενέστα-
 τα, libentissime. τὰ κατὰ μέρος, particularia. ὀυλογίαν,
 honestam rationem. συμβίωσις, conuietius. ὀυλόγως,
 decenter. διφθέροι, pellicea tegumenta. αὐδ' ἔομαι Τρώας,
 uereor Troas. ἀσαφέστερος, obscurior. δ' ἐνὸς ἀνὴρ, τὰς
 χακεν καὶ αὐτίον αὐτίοωτο, grauis uir, et qui forte uel
 infontem accuset. περιοχὰς, argumenta. In qua-
 ternione ΕΕ. κολακίαι, assentatio. ἐπίτρυμα, lucrum,
 quod acquiritur. ἀπότρυμα, damnum, uel quod amit-
 titur. παρὰ κινδυνεύειν, periclitari. μέλιγμα, mitiga-
 mentum. πονοδ' ἡ, studium. πρόβλημα Αρχιμήδειον,
 quaestio Archimedeae. ἀφ' ἡς, sedes rei quae dedica-
 tur. τὸν τύπον μου πρὸς θεῶν τροποφώρησον : elationi
 meae per deos morem gerito. κολακίαι, assentationes.
 πολιτικὸν σύλλογον, civilem conueniunt. καταβάσεως,
 descensus. κεπφικὰ, fatua. περὶ ψυχῆς, de anima. διὰ
 σημείων, per notas. σύλλογον, conueniunt. πομπύσαι
 καὶ τοῖς προσώποις, ostentare etiam personis. δυσωπία,
 uerecundia. καταβάσεως, descensus. ὀυλογον, consenta-
 neum. ἀξιόπιστος, fide dignum. φοβερόν ἦν, formida-
 bile erat. ἀνεμοφόρητα, leuia, uentis dissipata. οὐκ ἐπ' ἐ-

σπέν, non aduertit. πότερον δίκας τῶν ὕψιον, ἢ σχο-
 λιᾶς ἀπάτας. *utrum iustitiae minus altius, an obliquae*
fraudis. δίκη μοι νόσ' ἀτρέκεαν εἶπᾶν: *ambigit mi-*
hi mens uerum dicere. σκολιὰ, *obliqua, dissimulationem.*
 φαίδου περὶ θεῶν, *Rhædri de dijs.* φιλοτέχνημα, *com-*
miniscendi artes. τὰ ὅλα, *cuncta.* σχολιαῖς ἀπάταις,
obliquis fraudibus. καὶ μάλα κατηφής, & *admodum*
tristis. σὺ δ' εἴ, τί σῶνους; *tu uero, quid cogitabundus?*
 ἀπὸ νόου, *immitis.* μνημονικὸν ἀμάρτημα, *memoriae*
error. ἀλόγως, *temere.* In quaternione F F.
 μεμψιν ἀναφέρει, *accusationem adscribit.* πρὸς ἴσον
 ὁμοιον, *ad aequale simile.* ἀκολακυστως, *sine assentatio-*
ne. ἀμεταμέλητον, *quem non poenitet.* ἐμετικὴν, *uomi-*
tum. ἀδεῶς, *inrepide.* οἱ περὶ αὐτὸν, *qui apud eum.*
 σπουδαῖον οὐδ' ἐν, *studiosum, siue serium nihil.* φιλόλογα,
eruditula. ἐπισταμίαν, *diuersorium.* σκαλῶμα, *inanem*
iactantiam. φαλάκρωμα, *caluicium.* πανικόν, *uani*
terror. διαθεσιν, *affectum.* ἐπσημασίαν, *significatio-*
nem mentis egestu. ἥρωες, *heroes.* ἐσιγησας, *tacuiisti.*
 μνημονικὸν ἀμάρτημα, *memoriae error.* φρεμὸς πολὺς,
permistio multa. ὀβρίπσα, *instabilia, ab Euripo.* νεωτε-
 ρισμοῦ, *in nouationis.* πολιτεύεσθαι, *administrare temp.*
 σόλοικον, ἢ τυραννοκτόνους, *insulsum, quàm tyrannici-*
das. πεπολιτεύμεθα, *temp. administrauimus.* πεπνωμέ-
 ναι, *eleganter scriptae.* γῆν pro γῆς, *terram pro terra.*
 ὑπηνέμιθ, *subuentanea.* ἀκολασίαν, *intemperantiam.*
 ὧ πρᾶξεως καλῆς μὲν, ἀτελοῦς δ' ἐ. *ὃ rem pulchram quæ-*
dem, sed imperfectam. ἀλιτενῆ, *humili.* Ἀλλ' οὐδ' αὐτὸς
 ἐπὶ πρᾶτον ἔργα μέμνηεν, Ἀλλ' ἄλιν μέγα πῆμα δ' ἰοτρε-
 φές, ἐπορώωντες Δαΐδημεν, ἐνδοίη δ' ἐσαώσεμεν, ἢ ἀπο-
 λείδαι,

universalem speculationem. μή πολιτένεσθαι, non admini-
nistrare Remp. ὑποσώλεια, incongrua. βεβίωται, vi-
ta transacta est. λῆς, & πολὺς, nunc multa. ὑπόθεσιν,
argumentum. εὐλογον, rationi consentaneū. φαίνο προς-
σώτητέον, hilari vultu agendum est. ἰτέον, eundem.

In quaternione ΗΗ. ἄλλοις ἐν ἑδλοῖς, τὸν δ' ἄ-
πωθοῦνται φόρον, alijs in bonis dedecus autem repel-
lunt. οὐδ' ἐν ὕγιᾳ, nihil sanū. Δημοσθένους: Demosthe-
nis. πεντέλοιπον. quod reliquum est de quinque. ἀνω-
ποταμῶν, vireo fluminum. scursus est. ἀπορία, dubi-
tatio. μελέσει, curae erit. παρεχέμεναι, conatus. ἢ
δ' εὖ ὁ δὸς τί σοι δύναται οὖν θεοπέοπε; iter hoc tibi
quid potest nunc ὁ deo digne? βλάσφημα, maledictū.
καὶ μάλα σεμνός. εἴ τι ualde gravis. τὰν δ' αἰτίαν τῶν
βρούτων τίς ἔχεν; causam uero Brutorum quis habe-
bat? κατηχέσει, instructione. ἐάν διαμείνῃ, si perman-
serit. ἀναντιφωνησία, contradicentia. διάλογον, dia-
logum. Ἡρακλείδιον, Heraclideum opus. φιλοσοφούμενα,
philosophica. τὰ περὶ τοῦ καθήκοντος, quae de officio.
προσφωνοῦμεν, nuncupamus. In quaternione ΙΙ.
συντάξεις, confectionem librorum. μετέωρος, animi
pendens. φιλόλογα, ab aequitate non aliena. φιλοφρόνως,
benigne. προκοπὴν, processum in literis οἴκος φίλος,
domus cara. ῥωπογραφία, scriptio de plantis. ἡμπορεύου-
σιν, rhetorissant. φιλοσόφως, peramanter. διδόμενα,
data. ἐργασίαι, laboriosum. ἀνεκτόν, tolerabile. σχέ-
διον, ex tempore factum, subitum consilium. πάσχω-
τι, patior aliquid, angor. ἀφ᾽ ἑαυτοῦ, non dicenda. πλοῦς,
navigatio. ὑπόμνημα, commentarium. ἀτοπώτατον, ab-
surdissimum. πάνι φιλοσόφως, ualde amanter. βουλή

σαι, uespera. ἀμηχανία, inopia consilij. πείσασθαι, in-
 ducias facere. ἐβδ' ἐλυπόμην, abominabar. σκοπός, sco-
 pus. οὐ παρὰ τοῦτο, non apud hunc. ἔλθωμεν, eamus.
 ἐν ὁμοπλίᾳ, societate nauigandi. λῆρ' πολλύς, nugæ
 multæ. γλισχρῶς, parce, tenuiter. In quaternione ΚΚ.
 σύνταγμα, uolumen elaboratum. ἀρχέτυπον, archety-
 pum, exemplar. παρὰ λέξιν, præter uerbum. μετεωρότε-
 ρον, suspensiore animo. ἀσφαλές, tutum. ἔσπῃ, mo-
 mentum. γαυριῶ, glorior. μετ' ἀμύμονα, post expertem
 culpæ. alludit autem ad illud Homeri. μετ' ἀμύμονα
 πηλείωνα. ἀμύμων, inculpabilis. ἀμβροτ', errans. συνα-
 γαγή, collectio, uolumen. δολιχὸν πλόον ὁρμαίνοντες, lō-
 gam nauigationem meditantes. ἢ δεῦρ' ὁδὸς σοὶ τί δύ-
 ναται; iter huc tibi quid potest? ἀπορία, dubitatione.
 σύγγραμμα, conscriptio. ἀνεμέσσητα, inuidia carentia.
 θύθανασίαν, facilem mortem. σχολιον, annotatiuncu-
 lam. ἀπολογισμὸν συντάξομαι, defensionem componā.
 ἀναπολόγητον, quod defendi nequit. δυσχερῆς, diffi-
 cultas uersuræ faciendæ. παρὰ λῆξιν παρὰ λῆξιν, tenta-
 ri paralyti. ἐνκαιρίαν, occasionem. ἀσφαλείαν, securita-
 tem. ἀπυρία, dubitatione. σκέπτομαι, considero. ἀρι-
 στεία, uirilitas, uel strenuitas. παῖδες παῖδων, nati na-
 torum. εἰς ἐμοὶ μυρία, unus mihi mille. ἀδ' ὅλεσθ',
 loquax. δὺμενεία, constantia. εἰρωνεία, dissimulatio.
 πεπλογραφίαν, replei descriptionem. ταξιάρχης, ordinis
 ductor. τὰ περὶ τοῦ καθήκοντος, quæ de officio. τὰ κε-
 φάλαια, capita. περὶ τοῦ κατὰ περίστασιν καθήκοντος,
 de officio circa aduersitatem fortunæ. προσφωνῶ, allo-
 quor, scribo. ἀνοικεῖον, alienum. αἰδέεσθαι μὴ ἀνὴνασθαι
 δεῖσθαι ἢ ὑποδέχθαι, pudebat quidem abnuere, ueriti

sunt autem
 πλόον ὁρμα
 ἀπορ' ὁδὸν
 στρα habent
 ciuili. μὴ δὲ
 fiam, si quid
 In quater
 τερων, expre
 γαν, sed semper
 inconsiderate.
 nim semel mo
 κίτας, oport
 ἀντικεινὸν ἀντ
 ἀντικεινὸν, ἀν
 ἐστίν, si uero
 τῶν, de Rep.
 τῶν, ἐστίν
 efficit, πρὸς
 quam res est.
 Sophoclis. ὅπ
 κατὰ τὴν Αἰ
 φύλας. φιλὰ
 ριο, ὁδοῦ
 ἀλλὰ κέχρητ
 ἐμβόλιον, ἰν
 χικαίτερον
 ἐννοουσι μ
 γὰν. ὑπο
 χον ἐμμενα
 tem esse

sunt autem suscipere . ἀπάντησις , occursus . δολιχόν
πλόον ὁρμαίνοντα , longam navigationem cogitantem .
ἀπροσδιόνυσον , inexpectatum . ἐν ἀξίσερ' ἔχοντα , sini-
stra habentem . In quaternione LL. ἐν πολιτικῷ , in
civili . μὴ δὲ σωθῆναι , εἴποτε τοιοῦτο , ne saluus quidem
fiam , si quid tale unquam . στρατηλάξ , imperator , dux .

In quaternione M M P P Q Q R R . ἐμφατικῶς
τέρον , expressius , & evidentius . ἀλλ' αἰεί τινα φῶτα μέ-
γαν , sed semper quendam hominem ingentem . ἀφελῶς ,
inconsiderate . ὁρᾶν τὰν ναῦν ἀπαξ ἰδανῆν , rectum na-
vim semel mori . προνοομεύσαμεν , praecuravimus . ὅ-
κως , opportune . εἰλικρινές , sincerum . ἀμφιλαφίαν ,
ancipitem ansam . μουσopάτακτο , ἀ μισίς percussus .
ἀντίεκτον , aequilibrem , seu recompensantem . εἰδ' ἂν
ἐλθῶς , si uero uixisses . ἔα πάσας , mitte omnes . πολι-
τικά , de Rep .

In quaternione SS. τοιαῦτα ὁ
τλήμων ἐξεργάζεται πόλεμον , talia erumnosum bellum
efficit . πραγματικῶς , negocialiter . ὑπερβολῶς , supra
quam res est . συνδέπνους σοφοκλέους , concœnatores
Sophoclis . ὑπόθεσιν , argumentum . γλαῦκα εἰς Ἀθήνας ,
nocturnam Athenas . ῥ' ἀδυμῶτερά . segniora . χαρακτήρ ,
stylus . φιλαλήθως , ingenue . ἀποδυντηρίω , exspoliato-
rio . δευτέρας φροντίδας , secundas curas . γινῶσι πῶς
ἄλλω κέχρηται , nosce , quemadmodum alio usus fuerit ,
ἐμβόλιον , interpositionem . ἀπότρυγμα , repulsam . τε-
χνικώτερον , artificiosius .

In quaternione TT.
ἐνθουσιασμός , diuinus furor . ἄρη πνέων , Martem spi-
rans . ὑποθέσεις , argumenta . αἰὲν ἀριστῶν καὶ ὑπείρο-
χον ἔμμεναι ἄλλαν , semper strenue gerere , & præstan-
tem esse alijs . πλέον , plus . γινῶσι σεαυτὸν , nosce te ip-

sum. ἡματ' ὁπαρινῶ, ὅτε λαβρότατον χέει δ' ὦρ ζεύς, ὅτε
δ' ἡν' ἀνδρεςσι κοτεσσάμεν χαλεπήνη: οἱ βίη ἐν ἄγο-
ρῇ σκολιὰς κτείνωσι θέμιστας, ἐκ δ' ἐδίκην ἐλάσωσι, θεῶν
ὅπιν οὐκ ἀλέγοντες: *die autumnali cum abundantissi-*
ma pluit aquam Iuppiter, cum iam hominibus iras-
tus succenset, qui per vim in foro obliquas iudicent iu-
stitias, iustitiam autem expellant deorum religionem
non curantes. τότε μοι χάνοι, tunc mihi dehiscat. ὁ δ' ἐ-
μᾶίνεται οὐκ ἔτ' ἀνεκτῶς, hic autem furit non amplius
tolerabiliter, ἐν παρέργῳ, obiter. ἐπὶ, carmen. ἀλλ'
οἱ μῶζετω: alia plorent.

ABCD
RSTV
FFGGH
QQ R

Omnes qua

AP

REGISTRVM.

A B C D E F G H I K L M N O P Q
R S T V X Y Z. A A B B C C D D E E
F F G G H H I I K K L L M M N N O O P P
Q Q R R S S T T V V X X.

Omnes quaterniones, præter XX duernionem.

A P V D A L D I F I L I O S.

VENETIIS, M. D. L I.
MENSE OCTOBRI.

005047633

REGISTRO
A B C D E F G H I K L M N O P
R S T V X Y Z A A B C C D D E E
F G H I K L L M M N N O O P
Q R R S T T V V X X

Omnia quae sunt, sunt in X

A B C D A B C D E F G H I J K L M N O P

VENETIIS, M. D. L. I.
MENSI OCTOBRI

